

---


This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books


<https://books.google.com>



34 G 123.



a) 4365  
1922









# Euāgelista-

RIVM MAR. MAR VLI

Spalatensis, opus verè Euangelicum,  
sub fidei, spei & charitatis titulis  
in VII. Libros partitum, at-  
que emaculatus quàm  
olim, in lucem e-  
ditum.



ACCESSIT HVIC, PRO-

PTER IDEM EERE ARGV-

*mentum, Meginhardi uiri undecunque doctis-  
simi, ad dominum Guntherum, de fide, uarie-  
tate symboli, & ipso symbolo apostolico, &  
peste multarum hæresum, sed insigniorum, Libel-  
lus, nunc dligentius quàm olim recognitus, &  
excusus*

PARISIIS

Apud Iacobum Keruer, via ad diuum  
Iacobum, sub duobus gallis.

I 5 4 5.

*Congreg.<sup>is</sup> eremit. S. Rom. camato. or. n° 455.*

349123

5232  
2

# FRANCISCVS IV-

*lianus venetus, lecto-  
ri felicitatem.*



AVD SANE ME LA-  
teꝝ multos, vt humano ge-  
neri opitularentur, & nomē  
sibi ex hoc pararent, multa  
ingenij sui monumenta re-  
liquisse. Cū enim alia ve-  
tustate deficiant, sola lite-  
rarum monumenta & æter-  
na sunt, & mortalitum res  
æternitati commendāt. Ni-

hil sanē æquē humanū est, quā alteri prodesse. Quo-  
modo enim melius ciuim cœtus publicē priuatimq;  
nisi ab homine adiuentur? Huiusmodi igitur viris de  
humano genere benē meritis templa dicata, arę erectę,  
statuę cōsecratę fuere. Quid igitur Marci Maruli sin-  
gularis viri laudibus par referemus? Cuius vigilię cæ-  
terorum labores à deo superant, vt quanto illi cæteris  
præstiterunt, tanto hic ipsis præstantior iudicetur, qui  
tanquam lucidum sydus hac nostra ætate enituit, qui  
non solum sibi natus, imò ad communem omnium v-  
tilitatem nullis sudoribus parcit, vt hominibus auxi-  
lio sit: viuit, vt nos viuere faciat: laborat, vt quietem  
inueniamus: vt, inquam, benē beateque viuendo (pro-  
ut ipse præ cæteris docet) cœlorum sedes fortiti, beati  
euo sempiterno fruamur, nosque etiam in diuorum  
numerus ælatos mortales ipsi cœu numina colant.

aij

Quid

## EPISTOLA.

Quid hoc mai<sup>9</sup> excogitari potest? Spreuit diuitias, spreuit honores, ab iis, in quibus summum bonum mortales collocant, se penitus abdicauit. Quid cætera commemorem, cum paruula admodum sæpius inclusus cella, inter syluestres arbores, feris tantum comitatus vitam degat, vt his curis alienus, nobis proffit. Scriptis semper vacat, quæ salutem vniuerso terrarum orbi afferant, his se penitus addixit: Quid hoc viro, imò diuino spiritu sanctius, quid beatius, qui in carne præter carnem viuens coelestem vitam in terris agit? Quis itaque tam assiduam eius in scribendo curam non admiretur, præsertim cum plurima ab eo volumina iam perfecta sint: Ad describendi facilitatem, sermonis elegantiam, quodque verborum pondere, sententiarumque grauitate nulli cõcedit. Interdum tamen sedati annis more labitur, modo paulum assurgens, sine vllis salebris quasi torrens pro rei qualitate decurrit incitator. Acerrimè vitia insectatur. Taceo multiplicem literarum cognitionem, vt vtrum elegantiore stylo, an doctrina magis valeat, non facile possis diiudicare. Donauit itaque nos diuino hoc opusculo, vt alias alia. Cui Euāgelistarium nomen indidit, ex intimis sacræ theologiæ fontibus, abditaque instrumenti lectione haustum. Totam tripartitam moralem philosophiam cõplectitur. Cuius diuina consilia si exequenda curabimus, in diuorum quidem cœtu gaudebimus. Quo igitur maiori munere donari potuimus? Quare quantum ipsi debemus quis verbis queat consequi? Commendauit hoc salutiferum opus Francisco Lucensi sacerdoti integerrimo. (Cui enim aptius diuina commendari possunt, q̃ illi qui quotidie diuina attrectat? Qui vt bonos & doctos viros colit, & ab eisdem colitur. (Simile enim simili veteri prouerbio facillimè hæret,) ita illorum opera vt quàm emendatissima excudantur, vehementer laborat. Leges itaque opus à viro & doctissimo & optim

# E P I S T O L A.

optimo elucubratum : à sacerdote verò rarissimo diligentiſſimè excuſum . Tu igitur nocturna verſato manu , verſato diurna , cum tantum vtilitatis ex huius lectione capturus ſis . Benè vale , & deum optimum maximum deprecare , vt Marulo noſtro . Neſtoreos annos largiatur , ipſumque feliciorem reddat . Expectato interim opus eiufdem Maruli de imitatione C H R I S T I ; compluraque opuscula Chriſtianæ pietatis cultori fructuoſiſſima . Iterum vale.

a ii)    FRAN

FRANCISCVS IV-

*lianus Venetus, Marco Ma-  
rulo viro doctissimo*

*& optimo.*

**Q**Uæ veterum pietas, fidei quæ gloria nostræ,  
Iam pridem scriptis innotuere tuis.  
Silicet hoc vario deducta exemplo labore,  
Et docuit miræ sedulitatis opus.  
Nunc cæli dum pandis iter, dum numina nobis,  
Vt mihi sis magni numinis instar, agis.  
Quare agè, quo tantū cœptum est pede, fortiter aude:  
Et tua quo virtus te vocat, ista pete.  
Sic decus, & nomen, laudemque paraueris, vt tu  
Extinctus superis adnumerere tuis.

FRANCISCVS IVLIA-

*nus Venetus, Francisco Lu-  
censi sacerdoti in-*

*tegerrimo.*

**Q**Uanta tui est Maruli scribēdo gloria, tāta est  
Laus tua qui Marulū viuere posse doces.  
Adde, quod ingenio quātū contendere neruis  
Fas fuit, vt latè splendeat, vnus agis.  
Profuerat tibi Marce parum, noctesque diesque  
Peruigilem studiis innigilasse tuis.  
Frustra omnis labor, & frustra hæc industria, ni te  
Et populo, & longo vindicet iste situ.  
Hic vitam dedit æternam, astruxitque nitorem,  
Hic tibi quæ deerant, cætera penè dedit.

IN.

# INDEX TITVLO

RVM CVIVS QVE CAPI-

tis septem Euangelistarij. li-  
brorum.

## Tituli capitum libri I.

<b>D</b> E fide deo præstanda.	cap.	1
De fidei constantia & virtute.	cap.	2
De fide sine operibus	cap.	3
De perfidia.	cap.	4
In illos qui de miraculis quæ scripta sunt, dubitant.	cap.	5
De ecclesia fide fundata	cap.	6
In eos qui in ecclesia nequiter se habent	cap.	7
De lege & Euangelio.	cap.	8
In contemptores legis vel Euangelij.	cap.	9
De conuersis ad deum.	cap.	10
De auersis à deo.	cap.	11
De animi constantia.	cap.	12
De animi inconstantia.	cap.	13
De animi fortitudine.	cap.	14
De animi imbecillitate.	cap.	15
De contemptu gloriæ.	cap.	16
De gloriæ appetitione	cap.	17
De mortis conditione.	cap.	18
De vitæ cupiditate.	cap.	19
De perfectione vitæ	cap.	20
De vita solitaria.	cap.	21
De bono sacerdote.	cap.	22
De malo sacerdote	cap.	23
De studio lectionis.	cap.	24
De auditionis cura.	cap.	25
De contemplatione.	cap.	26

a iñj

De lo-



# I N D E X.

De loco & tempore contemplationis.	cap. 27
De prauis cogitationibus cauendis.	cap. 28

## Tituli capitum libri II

<b>D</b> e spe veniæ.	cap. 1
De desperatione.	cap. 2
De decem præceptis.	cap. 3
De mandatorum consideratione.	cap. 4
De præuaricatorum poena.	cap. 5
De vigilia.	cap. 6
De malo somnolentiæ.	cap. 7
De somniis.	cap. 8
De oratione fructuosa.	cap. 9
De oratione infructuosa.	cap. 10
De peccatorum poenitentia.	cap. 11
Qualem oporteat esse poenitentiam.	cap. 12
De obstinatione non admittentiũ poenitentiã.	cap. 13
Ad desperantem exhortatio.	cap. 14
De peccatorum confessione.	cap. 15
De iis qui confiteri negligunt.	cap. 16
De sacramento corporis Christi.	cap. 17
In eos qui sacramentum malè sumunt.	cap. 18
In eos qui sacramentum sumere recusant.	cap. 19
De ieiunio & refectione.	cap. 20
Quale debet esse ieiuniũ & quãta sit eius virtus.	ca. 21
De vitio victũ delicatiorem exigentium.	cap. 22
De vitio malè ieiunantium.	cap. 23
De vitio ieiunare nolentium, ventri quoque indulgenti- um.	cap. 24
De remedio crapulæ.	cap. 25
De perseverantia virtutum.	cap. 26
De leuitate ad vitia relabentium.	cap. 27

## Tituli capitum libri III.

De

<b>D</b> e prudentia & simplicitate	cap. 1
<b>D</b> e prudentia vitiosa & simplicitate stulticia	cap. 2
Quid sit sapientia, & ubi querenda	cap. 3
De scientia diuinitus tradita, & sapientis officio	ca. 4
Quod sapientia donum dei sit, & vera sapientia Christi imitari	cap. 5
Quod sola dei sapientia efficit beatos	cap. 6
Quae sapientia vitanda	cap. 7
Quod sapiens docere alios debet	cap. 8
De daemonum natura	cap. 9
Quare creatus diabolus	cap. 10
De nominibus daemonum propriis	cap. 11
De nominibus daemonum brutalibus	cap. 12
De nominibus daemonum publicae digni	cap. 13
De nominibus daemonum privatae conditio	cap. 14
De denominatione daemonum a rebus inanimatis	cap. 15
Quod tentationes pati necesse sit, maxime circa principia conversionis	cap. 16
De duobus tentationum generibus	cap. 17
Quod diabolo imminutae sint vires	cap. 18
Quomodo vincitur tentatio diaboli	cap. 19
De tentationibus carnis	cap. 20
De remediis contra carnis tentamenta	cap. 21
De reparatione lapsi	cap. 22
Oratio contra tentationes carnis, & post victoriam actio gratiarum	cap. 23
Quod oportet nos conformari Christo	cap. 24
De consortio fugiendo	cap. 25
De consortio habendo	cap. 26
De paupertate colenda	cap. 27
De diuitiarum confidentia	cap. 28
De diuitiarum malo & paupertatis bono	cap. 29
Ne quis timeat necessaria sibi defutura	cap. 30
Tituli ca-	

*Tituli capitum libri IIII.*

<b>D</b> E charitate erga deum	cap.	1
De charitate erga proximum	cap.	2
De charitate erga inimicos	cap.	3
De malo odij	cap.	4
De pace publica & priuata	cap.	5
De pace seruorum dei	cap.	6
De pace animæ & corporis	cap.	7
De pace simulata	cap.	8
De bonitate	cap.	9
Quòd bonitatis & perfectio donū dei fit	cap.	10
De moderatione virtutum	cap.	11
De fructibus bonitatis	cap.	12
De præmio iustorum	cap.	13
De peccatis principalibus per septem lepræ genera significatis	cap.	14
De peccatorum differentia	cap.	15
Quæ mala peccato accedant	cap.	16
Quæ peccata sunt præcipuè dānabilia	cap.	17
Vnde tanta peccantium multitudo	cap.	18
De quinque sensibus	cap.	19
De visu	cap.	20
De auditu	cap.	21
De odoratu	cap.	22
De gustu	cap.	23
De tactu	cap.	24
De remedio contra sensuum voluptatem	cap.	25

*Tituli capitum libri V.*

<b>D</b> E temperantia.	cap.	1
De virginitate	cap.	2
	De	

# I N D E X.

De castitate viduali	cap.	3
De consortio diuersi sexus vitando	cap.	4
De remedijs aduersus tantamenta libidinis	cap.	5
De matrimonio	cap.	6
De viri vxorisque officio	cap.	7
De coniuge diligenda temporeq; cōtinendi	cap.	8
De coniuge eligenda	cap.	9
De filiorum educatione, familiaq; regenda	cap.	10
De fornicatione vitanda	cap.	11
De triplici eleemosynarum genere	cap.	12
Quibus danda est eleemosyna	cap.	13
Quantum pauperi sit largiendum	cap.	14
Pro quibus facienda est eleemosyna	cap.	15
De eleemosynæ vtilitate	cap.	16
De vitio auaritiæ	cap.	17
De vana diuitum spe	cap.	18
Quòd auaritia multorum causa sit malorū	cap.	19
Ad diuites exhortatio	cap.	20
De beneficijs conferendis vt deo similes fi.	cap.	21
De beneficijs dispensandis	cap.	22
Qualiter nos gerere debemus in dādis beneficijs	cap.	23
De beneficijs accipiendis	cap.	24
De beneficijs reddendis	cap.	25
Vtrum debemus pro beneficio cui successit iniuria,	cap.	26

## *Tituli capitulum libri. VI.*

<b>V</b> trum deo reddi possit beneficium	cap.	1
De gratis erga deū in testamēto vete.	cap.	2
De gratis erga deū in testamēto nouo	cap.	3
De ingratīs ante diluuium	cap.	4
De beneficijs Iudæis collatis post diluuium.	cap.	5
De ingratitudine Iudæorum in deum, & quæ pro idola-		
latria passi sunt	cap.	6
Mala decem tribuum	cap.	7
Mala		

# INDEX.

Mala duarum tribuum	cap. 8
Mala Iudeorum post Christi passionem propter ineredulitatem	cap. 9
De ingratitudine hæreticorū & Iudæ pditione	cap. 10
De officio catholici prædicatoris	cap. 11
Quid potissimè prædicandum sit	cap. 12
Qui prætermittendi, & qui docendi, & qualiter corripiendi	cap. 13
Vt prædicator ab adulatione procul sit, & prædicandi tempora obseruet	cap. 14
De prædicantium meritis	cap. 15
De prædicantium beâtitudine	cap. 16
Quantum prodest habere prædicatorem	cap. 17
Quantum nocet prædicatorem non habere	cap. 18
De corporis manuumque labore	cap. 19
De otio inutili & infructuoso	cap. 20
De humilitatis virtute	cap. 21
De exaltatione humilium in lege	cap. 22
De exaltatione humilium in euangelio	cap. 23
De humilitate Christi	cap. 24
De humilitate vitiosa	cap. 25

## Tituli capitulū libri VII.

<b>D</b> E superbiz vitio	cap. 1
Quanta mala pariat superbia	cap. 2
In eos, qui sanctitatis ostentatione alios car.	cap. 3
Quod superbi succumbant passionibus, & quæ sint illa per quæ notantur superbi	cap. 4
Quod alij dignitate, alij humilitate laudari appetūt, alij deo quoque se audent comparare	cap. 5
Quod sancti quandoque lapsi sint per superb.	cap. 6
De superbia diaboli & superborum damnati.	cap. 7
De superborum poena	cap. 8
De obedientia deo præstanda.	cap. 9
Quorum imperio parendum sit	cap. 10
De inobe-	

# I N D E X.

De inobedientiæ poena	cap. 12
De patientia calum.	cap. 13
De patientia persecutionis	cap. 14
De patientia ingratitudinis, percussione, & bonorum ablationis	cap. 15
De patientia morbi & aduersitatum	cap. 16
Quantum profint res aduersæ	cap. 17
De patientia lob, & quare bo. accidant mala	cap. 18
De patientia martyrij	cap. 19
De exhortationibus ad patientiam martyrij	cap. 20
Verba sanctorum martyrum ad tyrannum in ipsos sa- uientem	cap. 21
Quòd non debemus vltro nos offer. suppli.	cap. 22
Quòd multum prodest in calamitatibus recolere pas- siones Christi	cap. 23
De impatientiæ vitio erga deam	cap. 24
De impatientiæ vitio erga proximum	cap. 25
De ira non vitiosa, sed vtili, & de ira dei	cap. 26
De remediis iracundiæ	cap. 27
De benedicendi studio	cap. 28
De maledicendi nequitia	cap. 29
De calumnia & detractione	cap. 30
De delatorum malignitate	cap. 31
De maledicentiæ vitandæ cura	cap. 32
In fine operis peroratio	cap. 33

F I N I S.

M. M. A.

# M. MARVLI PRAEFATIO IN SVVM EVANGELISTARIVM.



Vernadmodum inter marmora ophites, inter gemmas adamas, inter metalla aurum estimatione pretioque prestare putatur, & sicut sol omnium siderum fulgentiss. pulcherrimusq; habetur: ita supra omnes scientias emihet illa, quam ethicem vocant, quia de morum vitaeque cultu pertractat. Cum enim nihil in homine laudabilius virtute sit, nihil vitio detestabilius, quid ea doctrina magis egregium magisque amplectendum videri debet, quae hominem ipsum instruit ac erudit, quae ratione & à malitia declinet, & studeat probitatis. Sed licet in isto tam praeclaro docendi genere multa quidam sapienter & acutè à philosophis inuenta tractataque ferantur, quis tum tanta desipit temeritate, ut illa cum his, quae nobis diuinitus tradita sunt, vlla ex parte audeat conferre? Errare utique ipsi philosophi potuere, sicuti & errarunt in plurimis, quoniam homines erant: deus autem quia solus consummatissimae sapientiae est, falli aut errare nullo modo potest, Eius ergo, quo nihil est verius, nihil sapientius, leges, praeceptaque viuendi & nobis suscipienda proponimus, & alios ut suscipiant hortamur. Quibus profecto si obtemperare curabimus, non erit ipsa sibi pretium virtus, ut Stoici dixerunt, sed virtuti merces accedet, pro mortalitate immortalitas, pro corruptione incorruptio, pro miseria beatitudo, denique deo ipso frui licebit, cum dei iussa peregerimus, eiusque perpetuo gaudebimus conspectu, qui sua luce omnia illustrat, sua sapientia omnia guber-

## P R A E F A T I O

gubernat, sua potentia omnia sustentat. Nihil nobis ad perfectam consummatamq; felicitatem deesse poterit, cum ab ipsius maiestate atq; gloria, quā eloqui vel exco-  
gitare nemo potest recepti atq; assumpti fuerimus. Ut igitur ad tā immensum & incōprehensibile bonum per-  
uenire tandem valeamus, veteris nouique instrumenti,  
quorum deus est autor, acta institutionesque perscruta-  
bimur. Tria praecepta sunt, quae in his obseruanda no-  
bis mandantur: Fides. Spes, Charitas. Fides, ut credamus  
verissima esse, quae Moyses & prophetae, quae Christus  
& Apostoli diuino spiritu afflati, locuti sunt. Spes, ut  
exequendo ea quae iubentur, illa quae promissa sunt, ac-  
cepturos nos minimè diffidamus. Charitas, ut nihil a-  
gamus, neque dicamus, nisi quod deo gratum & homi-  
nibus credimus profuturum. Et quoniam quicquid vel  
agendum vel fugiendum praecipitur, ad haec tria satis  
commodè referri queat, ex iis quae scripturi sumus, alia  
sub fidei, alia sub spei, alia verò sub charitatis titulo  
expediemus: nihil omnino afferentes à scripturarū sen-  
su autoritatēque alienum. Non erit itaque meum quod  
docebo, sed diuinum, & de ipso sanctorum voluminum  
thesauro fideliter sincereque depromptum: ut quic-  
quid dixerō, tam verum sit, quā ipsa veritas. Etenim  
statui atque decreui, nusquam à lege, nusquam ab euan-  
gelio discedere, sed per vtriusque scripturæ spatia discur-  
rendo, quae magis necessaria nobis videbuntur, passim  
colligere, & in septem digesta libros quā diligentissi-  
mè potero explanare, discereque volentibus offerre.  
Nihil in his inferetur externum, ne alienis indigere vi-  
deamur: nostra tantū, quae nobis in omni differenda de  
moribus materia satis abundeque suppetunt, in medium  
proferetur, nullo exotici coloris fūco linita, sed sola sui  
puritate cōtenta. Porro opus ipsum Euāgelistarū noīe  
consecrabitur, quāuis nō solum euangelij, sed etiā legis  
dicta exempla q; cōtinebit. Nam quoties per synecdo-  
chen à



## P R A E F A T I O.

chen à parte totum designare volum<sup>9</sup>, ab ea parte quæ  
infernior videtur, vocabulum imponi debet : vnde &  
puppim pro nauī, & animam pro homine quādoque le  
gimus apud authores. Præstat autem legi euangelium:  
quia in lege futurorum signa erant, quæ in euangelio  
impleta videmus: illic typus & vmbra, hic veritas &  
vmbrae caliginem dissipās desiderata lux. Illic præ  
terea per seruos suos nobis locutus est deus, hic per fili  
um, & tunc quidem in Adam mortui erāmus, nunc vi  
uimus in Christo. Explicata tandem rerum, quas aggre  
dimur propositione, inscriptionisque ratione ostensa,  
reliquum est, vt spiritu sancto aspirante vela pandam<sup>9</sup>,  
& ab ipsa (quam deo debemus) fide, illo benè iuuante  
institutum opus auspicemur. Vt tamen cuique  
mox constet, quæ materia in singulis per  
tractetur libris libuit prius indi  
cem librorum & eorū  
dem capitum cum  
titulis seria  
tim subno  
tare.

P R A E F A T I O N I S F I N I S,

Euan-

# EVANGELISTARI

Marci Maruli, viri in Euangelicis literis exercitatisimi Liber I. quòd verissima sint, certaq; fide amplectenda, quæ Moses & prophetæ, quæq; Christus & Apostoli diuino afflati spiritu tradiderunt, edocens: aliaq; plura Christi præclara complectens dogmata: quæ videlicet accommodatius sub fidei titulo digeri visa sunt.

## *De fide deo præstanda. Cap. I.*



Primus igitur speranda beatitudinis gradus, fides est. Credamus deo, credamus dei filio, & quicquid spiritu sancto instructi diuini homines de iis, quæ nõ vidimus, nobis testati sunt, indubitate credulitatis assensu suscipiamus. Vt iacto rectæ fidei fundamento, cæteras,

quibus beata vita comparatur, virtutes superædificare possimus, & de nobis dici queat: beati, qui non viderunt & crediderunt. Vnde etiam sacramentum corporis & sanguinis sui dominus sub panis, vini que specie instituit: vt non quod cernimus, neque quod tangimus, sed quod credimus, in terra adorantes, hoc ipsum videre in celo mereamur, exultantes. Et quoniam vnus fidei nostre finis est, diuino frui conspectu, consulens nobis ipse

Iohan. 20

A

saluator

Marc. 1.

saluator noster ait: Pœnitementini & credite euangelio. Tunc enim plurimum prodest euāgelii fides, cum nos delictorum, quibus deum, hominēsque offendimus, pœnitet. Idem alibi præcipit, dicens: Habete fidem dei.

Idem. 10.

Qui fidem dei habent, hi non humanæ solertiæ callidè inuentis, argutēque conclusis credunt, sed soli veritati diuinitus reuelatæ firmiter adhærēt, humanam doctrinam diuinæ semper posthabentes. Idcirco quidem & ad Samaritanam mulierem, id est, ad animam per fidem saluandam, ipse veritatis magister Christus dixit: Crede mihi mulier, quasi diceret, mihi crede,

Iohan. 4.

qui dei sapientia sum, non philosophis, qui humana sapiunt, non poëtis priscæ fatuitatis scriptoribus, qui in deorum vix numeranda multitudine delirant, neque Iudæis, qui trinitatem denegant, non intelligentes in vna, simplicique substantia personarum pluralitatem, quam & ipse sanctus propheta Dauid vidit, dicens: Dixit dominus domino meo, sede à dextris meis. Et alibi: Verbo dei cœli firmati sunt, & spiritu oris eius omnis virtus eorum. Quod si rectè acciperent, etiam in veteribus scripturis mysterium sanctæ trinitatis contineri faterentur, & nobiscum simul sentirent. Crede mihi,

Psal. 109.

Psal. 42.

inquit. Distantiam quidam faciunt, inter credere deo, & credere in deum: vt credere in deum, sit per fidem operari, & eius cœ credimus, præcepta exequi. Hinc idem ait: Hoc est opus dei, vt credatis in eum, quem mihi fit ille. Prius tamē credimus, deinde operi accingimur: alterum sine altero, nihil proficit ad salutem. Cæterū, fieri solet, vt ad sectæ huius professionem accedentes, non nihil suspensum animum primitus gerant. Deinde (si tamen dignoscendæ veritatis proposito hoc agunt) magis illuminati, nihil verius esse existimant, quàm quod sacrarum literarum monumentis contineri cognoscunt. Qui ita in fide stabiliri cupiunt, omnes autē cupere debent, deo supplicent, & hominem illum imitentur,

Iohan. 6.

tentur, qui in euangelio ait: Credo domine, adiuvā in-  
 credulitatem meā, simul enim & credebat & quasi in-  
 credulus nutabat. Et quoniam experimento iam didi-  
 cerat, suam credulitatem omnino infirmam esse & im-  
 becillam, nisi auxilio iuuetur diuino, à domino opē pe-  
 tiit, vt perfectius crederet. Porro, qui iam de religione  
 nihil dubitant, continuo de Iudæa ad montes transmi-  
 grare cupiunt, ad altiora virtutum culmina conscēdere  
 nituntur, & credendo in filium, pervenire festinant ad  
 patrem, ipso filio dicente: Qui credit in me, non credit  
 in me, sed in eum, qui misit me. Fide enim penetramus  
 vsque ad invisibilia dei. Ne autem ipsum, qui est mis-  
 sus minus aliquid habere putares, quā eum, qui mit-  
 tit. Rursum ait: Creditis in deum, & in me credite. Ae-  
 qualem se illi testatur, dum eandem ipse de se fidē exi-  
 git, quæ habetur de deo patre. Cui sententiæ & illud di-  
 ctum congruit: Ego & pater vnum sumus, non propter  
 assumptam humanitatem, in qua minor sum patre, sed  
 propter substantiæ vnitatem, in qua illi æqualis sum.  
 Cum ergo patris & filij & spiritus sancti vnam eā-  
 demque deitatem confessi fuerimus, consequens est, vt  
 de ipsius filij doctrina nihil hæsitemus. Postquam au-  
 tem omnes prorsus ambiguitatis tenebræ cordis late-  
 bras excefferint, tunc reliquum erit, vt nobis ad benē,  
 beatēque viuendum & cupiditas accendatur, & detur  
 facultas. Quod quidem futurum pollicetur dominus,  
 dicens: Qui habet, dabitur ei, & abundabit: hoc est, qui  
 habet fidem, merebitur gratiam, & fructibus exuberā-  
 bit virtutum. Sic & luxurioso, prodigōq; filio, post of-  
 fensam ad patrem reuertenti, petenti que veniam, non  
 solum ignoscitur, sed etiā datur stola, vt veteri homine  
 deposito, nouū induat: anulus in manu, vt iustitiæ ope-  
 ribus incumbat: calceamenta in pedibus, vt ipse firmi-  
 ter incedens, aliis quoque se itineris quo ad Christum  
 pervenitur, ducem præstet: atq; alios doceat, quod ipse

Marc. 9.

Iohan. 14.

Idem. 10.

Matth. 13.

Luc. 15.

A ij prima

Iohan. 6.

Iohan. 7.

Iohan. 19.

Matth. 16.

Iohan. 8.

Genes. 15.

prius & didicerit & fecerit. Semper tamé meminere, ad fidei perfectionem non, nisi deo adiuuante, se posse peruenire, cum saluator dicat: Nemo potest venire ad me, nisi pater, qui misit me, traxerit eum. Illi ad Christum trahuntur, qui trahi volunt, quique orant ut trahantur. Nemo saluatur inuitus. Ut velimus, nostrum est: ut autem velimus & possimus, dei est. Si quis sitit, inquit, veniat ad me & bibat. Sitiant igitur & esuriant iustitiam, qui iustitiæ pabulo saturari volunt, & tunc demum ex abundantia cordis os loquetur. Ipse enim subiungit, dicens: Qui credit in me, sicut dicit scripturas: Flumina de vêtre eius fluent aque vinæ. Quod exponēs Euāgelista, ait: Hoc autem dixit de spiritu, quem accipienturi erant credētes in eum. Fidelis ergo Christianus, veritatis & intelligētiae impletur spiritu, quo iam plenus, saluberrimis vitæ præceptis incipit scaturire. Minimè quippe otiosi sunt, qui diuino aguntur spiritu. Hic idem Christum dominum in se manentem habet, dicēte illo: Manete in me, & ego in vobis. Et rursus: Qui manet in me, & ego in eo. Quātum autem boni ex hoc cōsequamur, continuò declarat, dicēs: Hic fert fructum multum. Ne quis tamen quicquam suæ libertatis arbitrio magis, q̄ gratiæ tribuat diuinæ, subiunxit: Quia sine me nihil potestis facere. Itaque ut possimus, ut valeamus ad vitæ melioris, perfectiorisque statum peruenire, futuri ædificij fundamenta non alibi ponenda sunt, quàm supra firmissimam petram Christum, qui de semet loquens, ait: Et super hanc petram ædificabo ecclesiam meam. Quam petram ille, qui primus confessus est, Petri nomen accipere meruit, & inter apostolos tenere principatū. Hoc igitur quod Iudæis dictum est: Si filij Abrahæ estis, opera Abrahæ facite, nobis quoq; dictum putemus: Credidit Abraham deo, & reputatum est ei ad iustitiam. Fides sola nunquam ei ad iustitiam reputaretur, nisi congruis fidei virtutum ornamentis

nalementis sese excoluisset. Et hoc est quidem quod alibi ait dominus: Qui credit in me, opera quæ ego facio, & ipse faciet, & maiora horum faciet. Maius enim est pie, iusteque vivere, quàm miracula facere, quæ etiam per impios quâdoque fiunt. Sed qui ex veritate est, inquit, audit vocem meam, hoc est, qui in me credit, qui sum veritas, hic præceptis meis obtemperat, & me imitari pro viribus contendit.

Iohan. 14.

Iohan. 18.

## De fidei constantia & virtute.

Cap. II.

**C**Aeterum nisi rectæ religionis fides semel suscepta constanter teneatur, virtutes quoque effluere ac dissipari necesse est. Conuulsio quippe fundamento, quicquid super ædificatum fuerit, corruet. Firma sanè fides fuit cæcorum illorum, qui increpiti, ut tacerent, magis clamabant: Domine, miserere nostri fili David, Chananæa quoque mulieris incôcussa permansit credulitas: & quod credendo atque sperando poposcerat, perseverando impetrauit. Inuicta denique fuit ipsorum martyrum in credendo constantia. Cæde, vre, occide, inquiunt, cuncta quæ homini inferri possunt tormenta, prius in corpore nostro perferemus, quàm Christum negabimus. Hi ergo fuere, qui domum sibi non in terra, sed in cælo ædificare volentes, fidei suæ fundamentum supra firmam petram posuerant: atque ideo domus illa nec fluminis illusione, nec validis ventorum flatibus potuit moueri. Sed hanc quoque in credendo constantiam à deo petendam esse docet dominus, dum ad Petrum conuersus, ait: Ego rogavi pro te, ut non deficiat fides tua. Stabilite autem in deo fidei quanta vis virtusque sit, quis explicet? Chananæa credens, responsum accipit: Fiat tibi sicut vis, quod multo plus est, quàm si audisset: Fiat tibi sicut petisti. Minus enim interdum petimus quàm volumus, ne impudens videatur petitio.

Luc. 18.

Marc. 10.

Matth. 20.

Idem. 18.

Luc. 22.

Matth. 15.

A iij Et

Iohan, 8.

Et illud profectò ad credulos est dictum : Cognoscetis veritatem, & veritas liberabit vos. Casso nimirum labore tota gentiliū philosophorum schola defudauit in quærenda veritate, quam sola Christi aperuit fides. Frustra Romani liberos se esse iactitarunt, dum orbis terrarum dominarentur. Fidei enim Christianæ veritas, verè liberos reddidit credentes, non potètiæ fastus terrenæ. Sola quippe ex corruptibilibus incorruptos, & ex mortalibus facit immortales. Virtus etiam fidei in eo enituit, quòd ex tam infirmo principio tantū roboris concepit, vt humiles homines, pauperes, inermes, neque persecutionibus neque cædibus cohiberi potuerint, quin longè latèque reuelatæ diuinitus veritatis verba disseminarent. In omnem terram exiuit sonus eorum, & in fines orbis terræ verba eorum. Hoc sanè fuit granum illud sinapis, quod minimū erat omnium seminum: postquam autem creuit, maius factum est omnibus oleribus: euasitque arbor grandis, in cuius ramis volucres cœli habitauerunt. Nusquam enim alibi cœlestia contemplantium mentes iucundius conquiescunt, quàm in ipsa Euangelicæ doctrinæ lectione: Si habueritis, inquit, fidem, sicut est granū sinapis. Ad naturam seminis referendum est, ex quo fit arbor magna. Magna igitur fide opus est, vt magna operemur, & credentibus nihil impossibile sit. Etenim perfectè credentes nihil inutiliter petent, ideo nec montes transtulisse feruntur, non quia nequuerint, sed quia nō expedierit. Non minus autem mirabile fuit, mortuos suscitasse, quādoquidem fecerunt, quàm montes transtulisse: quod fecissent, si vtile fore cœsuisent. Vnde alibi etiam dominus ait: Si potes credere, omnia possibilia sunt credenti. Sed videamus quænam sunt ista omnia, quæ factu possibilia dicat. Centurionis fides seruum suum paralyticum sanat, dum ipse à domino audit: Vade, & sicut credidisti fiat tibi, Fides mulieris hæmorrhoiden patientis,

Psal. 18.

Matth. 13.

Matth. 17.

Marc. 4.

Marc. 9.

Matth. 9.

tis, ipsam morbo liberavit: simbriam tetigit saluatoris, nihil de omnipotentia eius hæsitans, & meruit audire: Filia, fides tua te saluam fecit. Fides leprosum munda-  
 Luc. 7.  
 vit: & ei, qui reuersus pro beneficio accepto gratias egit, dicitur: Surge, vade, quia fides tua te saluum fecit. Fides cæcum illuminauit, qui dum misericordiam implorat vt videret, statim audiuit: Respice, fides tua te saluum fecit, & confestim vidit, atque vt benefactori gratiam quam poterat, referret, sequebatur illum, vt Euangelista ait, & magnificabat deum. Fides Iairi synagogæ principis, filiam eius mortuam vitæ restituit. Domino enim iubente vt surgeret, quæ iam exanimis plangebatur, viua in pedes se erexit. Fidei denique merito Martha & Maria Lazarum fratrem, quem mortuum sepultumque, & iam foetentem fleuerant, iterum viuum receperunt, dicente domino. Qui credit in me, etiam si mortuus fuerit, viuet. Et rursum: Si credideritis, inquit, videbitis gloriam dei. Precessit ergo fides & subssecutus est tam grandis miraculi effectus. Omnium tamen quæ per fidem Christi facta sunt, quæque fiunt, sientve, hoc maximum quidem est, quod per eam ipsi credentes de mundi huius miseriis ad coelestem transferantur beatitudinem, perpetuòque felices efficiantur. Omnis, inquit, qui confitebitur me coram hominibus, confitebor & ego cum, coram patre meo, qui in cælis est. Si ergo in terra vt oportet crediderimus, illic certe in coelesti gloria coronabimur, vt optamus. Beatus, inquit, qui non fuerit scandalizatus in me. Scandalizantur illi qui dubitant, nec satis credunt. Vnde Apostolus: Nos, ait, prædicamus Christum crucifixum, Iudæis scandalum, gentibus autem stultitiam, ipsis autem vocatis Iudæis atque Græcis, Christum dei virtutem & dei sapientiam. Sed post Christum quid quæso beatius matre Christi: & ipsa tamen ideo beata prædicatur, quia de nuntio sibi cœlitus allato nihil dubitauit, sic  
 A iij enim

Matth. 10.

Marc. 8.

Luc. 12.

Idem. 7.

1. Cor. 1.



Luc. 1.

Iohan. 5.

Iohan. 6.

Iohan. 17.

enim spiritus sanctus per os Elizabeth eius cognata ad eam dixit: Beata quæ credidisti, quoniam perficientur ea, quæ dicta sunt tibi à domino. Porro ne quis quasi propinquæ ad propinquam dictum cavilletur, audiat ipsum dominum dicentem: Amen, amen dico vobis, quia qui verbum meum audit, & credit ei, qui misit me, habet vitam æternam, & in iudicium non venit, sed transit à morte in vitam. Vnde etiam latroni in cruce credenti atque confitenti, respondit: Hodie mecum eris in paradiso. In paradiso utique omnium bonorum pleno, & nulli unquam obnoxio molestiæ, nulli querelæ, cum iterum veritas dei dicat: Qui venit ad me, non esuriет: & qui credit in me, non sitiet in æternum, & paulo post: Hæc est, inquit, voluntas patris mei, qui misit me, ut omnis qui videt filium, & credit in eum, habeat vitam æternam: & ego resuscitabo eum in novissimo die, ut videlicet non solum in anima beatus sit, sed etiã in corpore. Atque ut se esse filium hunc, in quem credere oporteat, ostenderet, postea intulit: Qui credit in me, habet vitam æternam. Præsentis temporis verbo utitur, ut credentes, & secundum ea quæ credunt, viuentes, iam beatæ æternitati prædestinatos monstraret. Ne autem minus rectè credendo, ab ipsa patris divinitate filium separemus Arrianæ impietati assentientes, alibi idem ad patrem conuersus, dixit: Hæc est autem vita æterna, ut cognoscant te solum deum verum, & quem misisti Iesum Christum. Pater igitur & filius, & utriusque communis spiritus sanctus solus verus deus est, trinus in personis, vnus in substantia. Et si hoc credere vita æterna est, profectò qui sanctæ trinitatis fidem non tenent, licet vnum deum, vnum dominum & credant & prædicent, vitam æternam habere non poterunt.

De fide

## De fide sine operibus. Cap. III.

**V**T autem fides nostra ex omni parte perfecta sit, operibus compleatur iustitiæ. Vt quid enim euangelio credimus, si secundum euangelium non uiuimus? Quid Christum confitemur, si præceptis eius non obediunt? Talis fides iuxta Iacobi apostoli sententiam, mortua est. Mortui sunt ergo illi, qui quod uerbis credere se aiunt, factis non probant. De quibus dominus ait: Dicunt & non faciunt. Illis utique comparandi, qui Christum spinis coronatum, genu flexo adorabant, non ut eum venerarentur, sed ut deriderent. Vel etiam illis simillimi, qui eidem sitienti uinum quidem porrigebant, sed felle mixtum. Quare autem illi uinum illud gustauit, & bibere noluit: quia licet diligat consentientium fidem, fidei tamen præceptis aduersantes non recipit. Quamuis enim aliquis ad nuptias fidei inuitatus ueniat, uestem tamen nuptialem, hoc est, uirtutum ornamenta non habens, de ædibus eliminatur, & (quod deterius est) manibus pedibusque ligatis, proiicitur in tenebras exteriores: ibi erit (inquit) fletus & stridor dentium, ut discas eos damnandos esse, qui uel per otium uel malitiâ beatitudine fidelibus promissa se fecerint indignos. Quos etiam cum fatuis uirginibus in euangelio conferre possumus. Virginitatem quippe fidei habent, quia sincere credunt: sed piæ rectæque actionis oleum, quo fides ipsa illustratur, non habent. Frustra itaque clamant, Domine domine, aperi nobis, ipso domino aditum præcludente, ac respondente. Amen, amen dico uobis, nescio uos. Quid quæsis infelicis, quid calamitosus, & ab illo ignorari, qui solus nouit omnia? Illos autem nescire dicitur deus, quos à se reiecit, & procul à beatorum repellit consortio. Unde ait: Non omnis qui dicit mihi, domine domine, intrabit in regnum cælorum: sed qui facit uoluntatem patris

Matth. 25.

Matth. 27.

Matth. 22.

Matth. 25.

Matth. 7.

Matth. 7.

patris mei qui in coelis est, ipse intrabit in regnum eorum. Nemo itaque sibi de sola fide plaudet: iustitiam iungat fidei, si vitæ æternæ præmia consequi desiderat: alioquin ne miracula quidē aliquando fecisse illi proderit, à quo abest iustitia. Ideo subditur, Multi dicent mihi in illa die, domine domine, nonne in nomine tuo dæmonia eiecimus? & in nomine tuo virtutes multas fecimus? Et tunc confitebor illis, quia nunquam novi vos, Discedite à me omnes qui operamini iniquitatem.

1. Cor. 13.

Hoc idem Apostoli verba docent, dicētis. Si fidem habuero, ita vt montes transferam, charitatem autē non habuero, nihil sum. Cæterum hoc quoque mali, credentibus & non operantibus contingit, quod cum sese otio dederint, etiam fide deficere incipiant. Hoc in illa fici arbore apparuit, quæ quoniam fructibus carebat, maledicto domini arefacta, etiam folia quæ sola habebat amisit. Exiccato autem omni humore, nulli vsui apta nisi ignibus fuit. Ita nonnulli qui Christiano censentur nomine, cum sese ignavia corruerint, si quid Christianitatis conceperant, totum consumunt, æternisq; ardoribus digni efficiuntur, cum infidelibus cruciandi, nisi poenitentiam egerint, & ante vitam correxerint, quam iusti iudicis sententiam subire cogantur. Sed si neque fides actionibus bonis carēs à morte liberat, quanto damnabiliorem putabimus perfidiam.

Matth. 21.

### *De perfidia.*

### *Cap. IIII.*

**N**Vnc ergo quam perniciosum sit, ab euāgelica veritate dissentire, ipsorum euāgeliorum testimoniis probare conabimur, vt cum aduersariorum mens pertinacior nullis argumētis flecti queat, saltem nostri ea secum considerantes, in proposito fidelis professionis intentius perseuerent, fortiusque stabiliātur. Qui non crediderit, inquit, condemnabitur, ne videlicet bona consequatur fidelibus promissa, sed poena infidelibus

Marc. 16.

fidelibus propofita puniatur . Poenæ autem vel maxi-  
 ma pars erit, meminiffe æternæ beatitudinis quā ami-  
 ferunt, minas domini contemnendo, dicentis. Qui me Luc. 9.  
 erubuerit & meos sermones, hunc filius hominis eru- Idem. 12.  
 befcet, cum venerit in maiestate ſua & patris & ſancto- Idem. 24.  
 rum angelorum. Et iterum: Qui negauerit me, inquit,  
 coram hominibus, negabitur coram angelis dei . Hoc  
 ipſum eſt, quod de illis, qui inuitati venire neglexerāt,  
 dixit : Nemo virorum illorum, qui vocati ſunt, guſta-  
 bunt cœnam meam. Et cum ſummi boni participes eſ-  
 ſe nullo modo poſſunt increduli, additur dolori cumu-  
 lus, quod continuo poſt vitæ huius finem, ſummum ma-  
 lum ſubire cogantur . Hoc quoque tibi indicat ille in  
 euangelio, qui non habens veſtem nuptialem, id eſt, fi-  
 dei lauacro carens, non ſolum propellitur è conuiuio,  
 ſed etiam ligatis manibus ac pedibus, in tenebras mit-  
 titur exteriores. Væ etiam illi dicitur, quo fide aduer-  
 ſante, fideli alicui ſcādalum oritur : & melius cum ipſo  
 actum iri, ſi molari lapide ad collum alligato, in mare  
 proiiciatur. Etenim remiſſior poena eū manet, qui per  
 incredulitatem ſe ſolum perdit, & peruerſa ſuaſione a-  
 lios non inquinat . Quamuis autem leuius crucietur,  
 æternæ tamen morti, ſicut & illi, qui alienæ ſubuerſio-  
 nis authores ſunt, obnoxius eſt. Si non credideritis (in-  
 quit) quia ego ſum, in peccato veſtro moriemini. Quid  
 ſit ita mori, Iohannes in Apocalypſi oſtendit dicens:  
 Timidis, & incredulis, & execratis, & homicidis, & for-  
 nicatoribus, & veneficis, & idololatræ, & omnibus mē-  
 dacibus, pars illorum erit in ſtagno ardenti igne & ſul-  
 phure, quod eſt mors ſecunda. Qui ergo in peccato in-  
 credulitatis moriuntur, inferni ardoribus traditi ſunt.  
 Hoc vt magis manifeſtum faceret dominus, ait: Si quis Apoſ. 21.  
 in me non māſerit, mittetur foras ſicut palmes, & are-  
 ſcet, & colligent eum, & in ignē mittent, & ardet. Tri-  
 tici præterea & zizaniarum parabola, diſtantiā fi-  
 delis

- Matth. 13.** delis & infidelis demonstrat, dicente domino: Colligite primum zizania, & alligate in fasciculos ad comburendum: triticum autem congregate in horreum meum. Alteri ergo in igne proiicientur, alteri ad usum domini in thesauris celestibus translati seruabuntur. Quamobrem de nobis sollicitus saluator noster, vt hereticorum doctrinam deuitemus, hortatur & ait: Caute à fermento pharisæorum & sadducæorum. Parum enim fermenti, vt Apostolus inquit, totam massam corrumpit. Idem rursus ait: Videte ne quis vos seducat. Multi enim venient in nomine meo, dicentes quia ego sum, & multos seducet. Cum hæreticis igitur & bonarum mentium seductoribus, perniciofa est conuersatio. Si quos ergo diuinitati Christi derogare videris, eos non Christianos esse existima, sed Antichristos: nō minus execrādos illos, qui in domo Caiphæ in eum spuerunt, & faciem eius velare, quique caput ipsius & spinis compungere, & arundine ausi sunt verberare. Nā Christi caput deus, Christus autem caput nostrum est. Rursum, si quem circa humanitatem eius errare senseris, eum sic existima, quasi qui ipsum vestibus exuat, & nudum extentumq; affigere cruci non dubitet. Talis Manichæorum fuit impietas, qui Christum non ex virgine natum dicebant, sed tantummodo in phantasmate visum. Horum profectō & his similium fugiendum est consortium. Sunt enim in pellibus ouium lupi rapaces, dū simulatione credulitatis fidelibus infidiantur. Sunt abominatio desolationis stans in loco sancto. Fingunt enim se cum ecclesia Christi sentire, & tamen malignę argumentationis machinis eam destruere & euertere sonātur, & sancta eius prophānare. Malē interpretantur scripturas, diuersique sensus dogmata conscribūt, & se veritatis assertores esse prædicant, vt Iudam imitati osculo Christum prodant, & spongiam fellis calamo impositam ori eius offerant, illis ipsis qui olim hoc egerant,

**Idem. 16.**

**Matth. 14.**

**Hæretici,**

egerunt, deteriores. Si quid eos petieris, porrigent tibi pro pane lapidem, pro pisce serpentem, pro ovo scorpionem, pro bono videlicet malum, pro veritate mendacium, pro antidoto venenum. Quo autem facilius illos declines, audi dominum dicentem: Ex fructibus eorum cognoscetis eos. Aut enim terrenarum rerum studiosi, cœlestia contemnūt, otiosi que in foro negotiantur, & in vinea domini operari nolunt: aut voluptatibus & impudiciæ serviunt, porcis illis similes, qui receptis intra se immunditiæ spiritibus, in profundum maris præcipites iere, aut avaritiæ student, cum Iuda vendentes dominum, & cum custodibus accepta pecunia, negantes eius resurrectionem, aut de omnibus dubij atque animo suspensi, nihil affirmare audent, quibus dicitur: Quare timidi estis, necdum habetis fidē: aut procaces sunt, vt illi qui prætereuntes Christum in cruce pendentem blasphemabant, aut iniqui & in omne scelus proni, satanæ primogeniti, quibus dicere possis: Vos ex patre diabolo estis, aut prorsus in errore ita obdurati, vt nec ratione, nec autoritate, nec miraculis moueantur, facti lapides, in quibus semen verbi dei arescit, & spinæ, in quibus præfocatur, & via in qua cõculcatur, quibus dominus ait: Quod scimus loquimur, & quod vidimus testamur, & testimonium nostrū non accipitis. Hi sunt qui lapides cordis sui tollunt, vt hi obstinationis telis Christum repellant, & ipse abscondit se, ne quando veritatem agnoscant, qui mendaciam occalluerunt, quibus si ipse sua voce dixerit: Ego sum, retrorsum abibunt, & in eodem corruent luto vitiorum, quo tam nequiter infecti sunt. Et quoniam occæcauit eos ipsa animi malignitas, cum etiā ab aliquo fideli doctore quæ vera sunt audierint, non satis intelligunt, & tenebris repleti, lucis disciplinam suscipere nequeunt. In tenebris ergo & in vmbra mortis sedent, & diligunt magis tenebras quàm lucem, quibus ait dominus:

Matth. 7.

Matth. 8.

Marc. 4.

Iohan. 3.

Iohan. 33.

minus: Queretis me, & non inuenietis. Quæretes quippe eum in scripturis, dum sanæ intelligentiæ sensum peruertunt, minimè ipsum inueniunt, terrenarumque rerum impediti curis, cœlestia capere nequeunt, mundumque magis quàm mundi dominum diligentes, non iam mundani, sed mundus appellantur, domino ita de illis ad patrem dicente: Pater, iuste mundus te non cognouit. Huius mundi dominus, diabolus est. Apostolus

Ephes. 6.

enim cum de diabolo loqueretur: Princeps mundi huius, inquit, & ne incertum esset de quo mundo diceret, addidit: Mundi tenebrarum harum. Ille itaque qui pertinaciter errat, & mundus tenebrarum est, & diaboli seruus. Dei creatura es ô homo, dei iuris es, cur auerteris ab eo cuius es, & illi te tradis cuius non es? Dictum est: Date deo, quæ dei sunt: & tu quæ dei sunt, porrigis diabolo. Quid tunc dicturus es, cum ipsum, cuius doctrinam contemnis, te iudicantem videris, tibi que dicentem videris, tibi que dicentem audieris, In propria veni, & mei me non receperunt? Qua fronte, qua fiducia tunc rogabis vt ipse te recipiat, quem omnino negare nō poteris, abs te receptum non fuisse? Quid de illorum incredulitate dicam, qui ne miraculis quidem

Iohan. 2.

mouentur, quos tamen admonens dominus, ait: Si mihi non vultis credere, operibus credite, quæ si ab homine fieri nullo modo possunt, cur nō creditis in me aliquid esse supra hominem? Cæci vident, claudi ambulant, leprosi mundantur, mortui resurgunt: & vos me hominē esse confitemini, deum negatis. Talia & ab hominibus facta sunt inquit: sed qui hoc fatentur, nōne vetius dicerēt non ab hominibus, sed per homines facta fuisse, si considerare vellent, in cuius nomine, quo inuocato facta sunt? Quod si hæc miracula, vt debent, facta esse à deo credunt, & per quos ea ipse fecerit, veraces & sanctos fuisse non negāt, dicant, quis vnquam illorum, se vel deum, vel dei filium esse confessus sit: Et si eum se

Iohan. 10.

esse

esse Christus affirmaverit, cur eius verbis fidem non præstant, cum etiam ipsi homines, quibus talia agendi data fuit potestas, in nomine Christi ea se egisse nunquam dissimularint? Quibus certè si crederent, & in Christum, qui ab iisdem prædicatus est, crederet. Porro cum nec operibus volunt credere, audiant inlammam: Væ tibi Corozain, væ tibi Bethsaida: quia si in Tyro & Sidone factæ fuissent virtutes, quæ factæ sunt in vobis, olim in cilicio & cinere poenitentiam egissent. Veruntamen dico vobis, Tyro & Sidoni remissius erit in die iudicii, quàm vobis. Tyrus & Sidon ciuitates idolatræ erant, vitiisq; deditæ: & tamen his acerbius poenientur illi, qui cum per inuocationem Christi non pauca prodigia facta viderint, Christum non vt deum recipiunt, & minus aliquid patre affirmare non dubitant.

Matth. n.

*In illos qui de miraculis, quæ scripta sunt, dubitant.* Cap. V.

**S**unt qui signa illa quidem facta fuisse legunt, sed an verè facta fuerint, animo suspensi sunt, ac simile aliquid suis ipsi oculis intueri, spectareque æstant. Quibus respondens dominus, ait: Generatio praua & adultera signum quærit. Et quoniâ qui dubitant, indigni sunt, vt tale aliquid cernant signum, inquit, non dabitur ei, nisi signum Ionæ propheta. Quæri potest, cur dictum sit: Et signum non dabitur ei, cum Iudæis incredulis multa signa data fuerint? Sed qui signo, id est, miraculo dominicæ resurrectionis, cuius typus Ionas fuit, non crediderunt, quod maximum erat, multo minus aliis non ita magnis credere poterant. Maius est enim semet à morte reuocare ad vitam, quàm alios ad vitam incorruptibilem atque immortalem, quàm ad corruptibilem atq; mortalem. Non est ergo eis datum signum efficacius ad credendum Christo, quàm ipsa resurrectio



Matth. 16.

Iohan. 4.

Idem. 8.

Matth. 12.

surrectio Christi, quam tamē subornatis per largitionem custodibus, denegare conati sunt. Eorū perfidiam imitantur, qui miracula ipsi cernere quærunt, & de illis quæ in Euangelio recensentur, dubitant. Phariseis quoque & sadducæis infidis comparandi, qui de cœlesti signū sibi ostendi petierunt, non satis habentes ea, quæ facta coram se in terra viderant. Iure igitur ac meritō talibus exprobrauit dominus, dicens: Nisi signa & prodigia videritis, non creditis. Et si non credideritis, inquit, quia ego sum, moriemini in peccato vestro. Mori autem in peccato, vt suprà ostendimus, omni alia morte peius est. Qui dubitat, Christi aduersarius esse conuincitur, ipso dicente: Qui non est mecum, contra me est. Petrus dubitando cœpit mergi, discipuli non potuerunt eiicere dæmonium. Zacharias factus est mutus, & hi quidem quod dubitando amiserant, credendo recuperarunt. Tu quoque nisi dubitare desieris, non poteris euitare dæmonum dolos, nec loqui ea quæ tibi salutis esse possent, nec iam emergere de abyssō inferni, si modo cum corde isto dubio tibi decedere cōtigerit. Quōd si cum Thoma hactenus dubitasti, iam & cum eodem credens Christum confitere, dicens: Dominus meus & deus meus. Alioqui ne illa quidem, quæ benegeris, prodesse tibi poterūt ad salutem. Nisi enim firma petra, quæ est Christus, fundamentum tui ædificij fuerit, quicquid operis extructum erit, corruet. Vt autem operis tui labor non sit irritus, crede deo, non hominibus: apostolis, non philosophis: ecclesiæ dei, non diaboli synagogæ, cum filius dei dicat: Omnis plantatio quam non plantauit pater meus cœlestis, eradicabitur, hoc est, omnis religio, omne dogma, quod alio praterquam deo authore inductum fuerit, diu stare non poterit.

De

## De ecclesia fide fundata. Cap. VI.

**P**er hanc ergo fidem diuinitus nobis reuelatā edificata est ecclesia supra firmissimā petram Christum, dei filium, dominum nostrum. Si fideles sumus ipsi sanctæ dei ecclesiæ, cuius caput est Christus, membra corporis Christi sumus. Qui autem non credit ecclesiæ, nec potestati eius subiicitur, ille abscisus & abiectus est, atque cum mortuis computatus, nisi forte pœnituerit eum erroris, ac rursus per fidem iunxerit se ecclesiæ, mandatæque eius perfecit. Solo enim fidei glutino corporis huius membra ferruminantur, spe firmantur, charitate perficiuntur. Igitur quicquid catholicæ apostolicæque ecclesiæ recepit autoritas, & tot illud citra omnem cordis hēsitationem recipere oportet, & quicquid seruandum constituit, obseruare: si cum Christo viuere mauis, quàm cum infidelibus interire. Ecclesia nauis illa apostolorū est, quæ fluctibus & pro-

Marc. 6.

Luc. 20.

B cœ-

coelestis cōtemplationis fide proteſti. Sequitur, Et peregre profectus est, non discedendo, sed p̄mittendo, vt in vtrunque partem libera sit operandi facultas. Misit deinde seruos ad fructus vineæ colligendos. Misit enim prophetas, qui mandatorum dei obedientiam exigerent, sed agricolæ, id est, Iudæi proterui, & nullius bonæ disciplinæ patientes, nec dei sui nuntiis pepercerūt alium afficiendo verberibus, vt Micheam: alium vulnerando ac perimendo, vt Isaiam, Ieremiam, Zachariam, & alios non paucos prophetas, neminem prorsus vitiorum suorum reprehensorem æquo animo tolerantēs. Post prophetas misit filium suum charissimum & vngenum, dicens: Reuerentur filium meum, non quia ignoraret quid facturi essent, sed innuens quid facere deberent. At illi, Hic est hæres, inquit, venite, occidamus eum. Occiderunt, & eiecerūt extra vineam, id est, extra Hierusalem. Extra ciuitatem enim crucifixerunt dominum Iesum, vel extra vineam, extra Iudæorum ecclesiam, vt ab ipsis eiectus, exciperetur colendus à nobis. Sequitur enim, Quid ergo faciet dominus vineæ? Malos malè perdet, & vineam locabit aliis, hoc est, omnibus in Christum credentibus, tam gentibus quàm Iudæis, veteribus noua copulans. Christus lapis angularis, illa implens, & ista inchans. Veruntamen quantum interfit inter ecclesiā & synagogam, ipsa nominum interpretatio declarat. Synagoga Græcè, Latine congregatio dicitur. Ecclesia autem conuocatio interpretatur. Hæc propriâ naturæ rationalis, illa etiam ad pecudes pertinet. Itaque ecclesiæ sicut magis singulare nomen, ita dignitas maior & gratia plenior. Hæc ergo ciuitas illa, in quam mittuntur apostoli, vt domino parent pascha, hoc est, cibum de quo ipse ait: Caro mea verè est cibus, & sanguis meus verè est potus. In ecclesia quippe carni & sanguini domini cōmunicamus, accedentes ad cœnaculum grande stratum, id est, ad altare

Marc. 14.

Luc. 19.

tare nomini eius cōsecratum, vt non nostro, quod exiguum est, sed Christi meritō vitam cōsequamur æternam. In ecclesia deo preces offerimus, dicente domino: Domus mea, domus orationis est. In ecclesia per baptismum renouamur, & encēnia facimus, dum nouum hominem induimur, qui secundum Christum natus est. In ecclesia peccatorum nobis vincula relaxantur. Hæc est enim stabulum illud, in quod homo à latronibus in via vulneratus, curandus infertur. In ecclesia laboratium, in cœlo requies est, quibus dicitur: Vos autem contristabimini, sed tristitia vestra vertetur i gaudiū. Ecclesia est ergo mulier parturiēs, quæ (vt in euangelio scriptum est) tristitiam habet, quia venit hora eius: cū autem peperit puerum, iam non meminit pressuræ, propter gaudium, quia natus est homo in mūdum. Tristitia quidem afficitur, dum persecutiones tolerat, siue corporis, siue animi: sed cū ab imis ad superna se transfert, tanto perfunditur gaudio, vt præcedentis angustia prorsus obliuiscatur. Quia natus est homo in mūdum, hoc est, quia filij ecclesiæ iam immortalitatis natiuitate lætantur, translati de mundo isto corruptibili ad mundum incorruptionis, & de terreno habitaculo ad cœlestē regnum. Cuius immensam & ineffabilem gloriam nunc in ecclesia laboribus occupata constituti, cogitatione comminiscimur, dum solennia sacra celebramus. Mariam imitando, quæ sedens ad pedes domini, sermonum eius dulcedine pascebatur, vt cum ipsa postea dicere possimus: Vidi dominum, & hæc dixit mihi.

Iohan. 10.

Luc. 10.

Iohan. 16.

Luc. 10.

*In eos, qui in ecclesia nequiter se  
habent.* Cap. VII.

**C**Aeterum meminisse debemus, illis in ecclesia non esse locum, qui terrenis intenti negotiis, corpus non animum in eam afferunt, nec tunc quidē va-

B ij

Iohan. 2.

nis colloquiis & nugis inutilibus abstinentes, locisque  
& risu, cum à sacerdote diuina peraguntur. Sciant eos  
minus fortasse culpabiles fuisse, qui domini flagello e-  
iecti fuere de templo, dicentis: Nolite facere domum  
patris mei, domum negotiationis. Illi verò eam latro-  
num speluncam faciunt, qui ineffrenatæ libidinis ar-  
dore, nulla loci aut sacrificiorum habita ratione, pu-  
dicitia infidantur aliena, vel oris nutu, vel oculorum  
nictu, vel impudenti aliquo verborum prolatu. Melius  
cum iis ageretur, si nunquã domum dei adissent, quàm  
vt ingressi, sic in ea, quasi in prostibulo, versari non du-  
bitent. Deterius tamen adhuc peccant, qui ea mète il-  
luc conueniunt, vt simpliciorum fidẽ perniciosis qua-  
stionibus peruertant, zizania superiaciẽtes, vbi satum  
est triticum. Hi scindunt tunicam domini inconsuti-  
lem, ecclesiæ turbantes vnitatem, seque ipsos deprava-  
to scripturarum sensu in errorem implicantes. Longè  
sele ab his faciat, qui matris ecclesiæ, cuius Christus  
sponsus est, filius esse desiderat.

Iohan. 18.

### De lege & Euangelio. Cap. VIII.

Luc. 18.

**E**cclesiæ vero sanctæ fortissimi parietes sunt Lex  
& Euangelium. Nihil enim (vt Apostolus ait) ad  
perfectum adduxit Lex. Ille qui Christo domino  
legis præcepta se custodisse dixerat, audit vnũ sibi ad-  
huc deesse, vt bonis quæ habebat, in vsus pauperũ dis-  
tractis, cœlestes diuitias parare sibi maturet. Hoc ergo  
legi deesse apparuit, vt terrenarum rerũ cura contem-  
pta, cœlestibus tantum bonis comparandis inhiemus.  
Lex enim & prophetæ vsque ad Iohannem, quia illi  
præsentem tantummodo felicitatem obseruatoribus  
legis promittebant. Iohannes autem primus regnum  
cœlorum cœpit euangelizare. Atque ideo dicitur: A  
diebus Iohannis vsque nunc regnum cœlorum vim pa-  
tetur, & violenti rapiunt illud. Tunc enim primũ vim  
intulimus

Luc. 16.

Matth. 11.

Intulimus celesti regno, cū pro nobis pugnante Christo, victus est ille, qui omnes ab Adam descendentes ob delictum victos tenuit. Disce tamen quod violēti rapiunt illud, non ignavi, nec qui à vitiis superantur, sed qui his repugnando victores euadunt. Nullibi autem certior vincendi spes, quàm in euangelio, in quo certantibus suffragatur gratia. Quia lex per Moſen data est, gratia & veritas per Iesum Christum facta est. Hoc certè optimum vinum in fine conuiuij reſeruauit nobis benigniſſimus ſponſus, cui dicitur: Tu autem ſeruaſti bonum vinum vſque adhuc, id eſt, vſque ad ſextam ætatem, quam ſex hydriæ figurabāt. Prima enim ætas fuit ab Adam vſque ad Noë: ſecunda, à Noë ad Abraham: tertia, ab Abraham ad Dauid: quarta, à Dauid ad tranſmigrationem Babylonis: quinta, à tranſmigratione ad Iohannem: ſexta, à Iohanne vſque in finem ſeculi. In hac igitur poſtrema ætate, in qua nos ſumus, aque verſæ ſunt in vinum, quia ſcripturarum literalis intelligentia, allegorici ſenſus recepit ſaporem. Iam de plenis hydriis haurimus Chriſti myſteria, quæ diu ſub verborum velamento latuerant, & tunc quidem granum ſinapis minimum erat, quod poſtea acceptum homo miſit in hortum ſuum, & crenit, & factū eſt in arborem magnam. In omnem enim terram ſparſit ſe veri dei ſonus, qui prius Iudææ tantum finibus arctabatur. Et volucres cœli, inquit, requienerunt in ramis eius. Illis quippe in euangelio iucūda quies eſt, qui ſpem ſuam de terra tollentes, in cœlo collocant, neque quicquam de promiſſionibus Chriſti, dubitantes, aiunt: Sermo tuus veritas eſt. Cauent itaque à fermento phariſæorum, quod eſt pernicioſa hæreticorum doctrina, & ei fermento penitus inhærent, quod acceptum mulier abſcondit in farinæ ſatis tribus, hoc eſt, ad illam intelligentiam doctorum tota credulitate accedunt: quam approbauit eccleſia, tripliciſque ſenſu diſſinxit, hiſtorico,

Iohan. 3.

Idem. 3.

Actas I.

II.

III.

IIII.

V.

VI.

Luc. 13.

Iohan. 7.

Luc. 13.

rico, morali, spiritali: donec fermentetur totum, donec totum sane recteque intelligatur, ita ut nullus errori supersit locus. Ceterum licet præferamus euangelium legi, utriusque tamen vnum autorem deum cōsitemur, utramque approbamus. Nec solui legem per euangelium dicimus, sed adimpleri: in illa figuras esse, in hoc veritatem: in illa promissionem, in hoc perfectionem. Facilius est, inquit, cœlum & terram præterire, quàm de lege vnum apicem cadere. Quicquid ergo ceremoniarum, sacrificia, prophetarum futurum nuntiabant: partim impletum est in primo Christi aduentu, partim in secundo implendum expectamus, ne quis frustra aliquid scriptum aut significatū putet. Quicquid autem in lege ad vitæ, morumque institutionem spectat, sicut veteribus, ita & novis hominibus est observandum, & cum euangelio communicandum, ac de utriusque scripturarum moralibus præceptis cum Psalmista dicendum: Eloquia domini eloquia casta, argentum igne examinatum, probatum terræ, purgatum septulum. Nihil est his preciosius, nihil suavius. Quod idem tibi testatur ad dominum, dicēs: Bonum mihi lex oris tui, super milia auri & argenti. & quæ dulcia, faucibus meis eloquia tua, super mel ori meo. Nihil ita sedat iracundiam, moderatque affectus, & in viam æqui honestique animum dirigit. Pax multa, inquit, diligentibus legem tuam, & non est illis scandalum. Luceſca pedibus meis verbum tuum, & lumen semitis meis. Multa quidem & ipsi sapientiæ professores philosophi ad componendos animi mores verè, rationabiliterque præceperunt, sed cum diuinis humana conferri nequeunt. Potentius ista influunt, si fideliter suscipiantur, efficacius monēt, tenacius hærent, fecundius fructificāt, feliciter ad optatum prouehūt finem, & cum incommutabili bono nos coniungunt. Vetus igitur, nouaque lex, duo denarij sunt stabulario dati, id est, ecclesiæ præfidi, ut his peccato-

rum

Luc. 10.

Psal. 118.  
Ibidem.

Luc. 10.  
Luc. 22.

rum nostrorum vulnera curentur. Sunt etiam duo gladij, quos in medium proferentibus apostolis, satis esse dixit dominus, cum vtriusque testamenti doctrina satis, superque sit aduersus quasque repellendas diaboli insidias, ac prauas ab animo abscindendas cupidines. Vetus tamen testamentum fuit Agar ancilla in seruitute generans, & nouum Sara liberae prolis mater, qua libertate donauit nos Christus. Ideoq; dominus quinque panes hordeaceos turbæ dedit serui, veluti quinque libros Mosi. Nos autem pane qui de cælo descendit, vescimur, vt cum eodem qui nos liberauit, ascendantus in cælum. Deniq; legis pascha cum lactucis agrestibus, quæ amarissimæ sunt, comedebatur. At in euangelio pars piscis affi cum fauo mellis domino à mortuis resurgenti offertur, vnde Apostolus clamat, dicens: Si confurrexistis cū Christo, quæ sursum sunt sapite, non quæ super terram.

Galat. 4.

Luc. 24.

Coloss. 3.

### *In contemptores legis uel Euangelij.*

Cap. IX.

**S**ed neque legis contemptoribus impune erit, cum diuinus sermo dicat. Qui declinat aures suas ne audiatur legem, oratio eius erit execrabilis. Frustra enim deum precatur, qui dei iussa parum æstimat. Hoc idem per Ieremiam spiritus sanctus affirmat, dicens. Ecce ego adducam mala super populum istum, fructum cogitationum eius, quia verba mea non audierunt, & legem meam proiecerunt. Post hæc denuntiat illis captiuitatem futuram, vt qui ad legis præscriptum sponte seruire deo neglexerunt, inuiti seruiant inimicis dei gentique infideli. Et si talia legis præuaricatoribus debentur, quanto magis aduersus euangelij sui irrisores indignatio desuet Christi? Horum autem qui euangelium despiciere videntur, tria genera sunt. Alij quippe ne audire quidem volunt diuinos, qui in ecclesia recitantur

Proverb. 29.

Iere. 6.

B iij ser-



Iohan. 8.

Marco. 7.

Ti. 4.

I. uo. 6.

sermones. Alij autem audiunt, sed quæ præcipiuntur, ea exequi aspernantur: alij verò magis temerario ausu ita audiunt, vt ea econtrario arguere præsumant: & veritatis verba, quæ non intelligūt, peruertere aliquo modo conantur. De primis conqueritur dominus, ad eisdem dicens, Quare loquelam meam non cognoscitis: quia non potestis audire sermonem meum. Et, vt ostenderet eos, qui audire diuina dedignantur, ex parte diaboli esse: Qui ex deo est (inquit) verba dei audit, propterea vos non auditis, quia ex deo non estis. Hi ergo & surdi sunt & muti, cum nec aures accommodent ecclesiæ doctores, nec quicquam tale aliquando loquantur. Qui nisi cōuersi postremo sese offerāt Christo, ita vt ipse digito tangat eorum aurem, & saliuam palatum, nunquam sanitatem consequentur, semper ad ea quæ salutis sunt, surdi & muti erunt: atque vt ita etiam ad malum sicut ad bonum surdi & muti forent, sed vt deterius peccēt, & læuam aurem habent, qua ea, quæ carnis sunt, audissimè audiant: & sinistram linguam, qua vel nugas garriāt, vel alios infament, vel proximo maledicant. Quod nisi tandē ad Christum adduci se permiserint, qui labefacta solo verbo instaurat, quis eos curare poterit: De istis, vt reor, prophetauit Apostolus, cum diceret: Sanam doctrinam non sustinebunt, sed ad sua desideria coaceruabūt sibi magistros prurientes aures, & à veritate quidem auditum auertent, ad fabulas autem conuertētur. Sunt quippe in his plurimi, qui pudendis gentilium poetarū cantibus tota die operam impendunt, & ne horam quidem diuinarum in ecclesia recitationum vacare auditionibus queunt. Transgessimus ad eos, quos auditores tantū & non factores verbi esse diximus: de quibus domini sentētia est. Qui audit & non facit, similis est homini ædificāti super terram sine fundamēto, in quam illisus est fluuius, & contritiō cecidit, & facta est ruina domus eius magna. Au-  
dire

dire enim & nolle facere, deficere est. Deficiens autem & se sibi non restituens, quotidie deterior fit, patetque omnibus diaboli insidiis, nulla circumspecte mētis virtute munitus: tantoque facilius supplantatur, quanto se putat magis tutum. Nam sicut arborem ventorum pulsata procellis ruere necesse est, cuius radix vitiosa fuerit, ita illum labi quoties voluptatū illecebris provocabitur necesse erit. Neque minus in istos qui facere nolunt, quàm in illos qui audire negligunt: exclamant prophetae, apostoli, euangelistae, omnes catholici doctores. Cecinimus vobis, & non saltaſtis: lamentauimus, & non planxistis. Quid enim aliud omnes diuinæ continent scripturæ, nisi virtutum laudem, vitiorumque detestationem atque querelam? Porro istis etiam qui sacra eloquia vel audire renuunt, vel si audiant, secundum ea viuere nolunt, nequiores sunt, qui eadem audiendū coram arguere, atque iisdem petulāter obſectare audent, & sophismatum strophis docere, ipsa dei præcepta vel impossibilia factū, vel inter se pugnantia, vel aliqua in parte minus rationi consentanea esse, quasi verò quicquam rationabilius, consultius, iustius homo possit indagare, quàm hominum opifex præcipere. Si quis tam prophana præsumptione ducitur, inter hæreticos erit habendus, & de fidelium cœtu repellendus, ne sanum gregem morbida contamineſcat pecus. Adeunt ecclesiam, audiunt epistolas, audiunt euangelia, & sicut in Iohanne scriptum est, dicunt, Durus est hic sermo, quis potest eum audire? Nihil credunt nisi quod naturæ consentaneum putant, & nesciunt omnium auctorē supra naturam esse, & ut se talem probet, supernaturalia loqui operarique solere. Quibus qui nō adhibuerit fidem, necesse est ut dei omnipotentiam denegēt, fateaturque quod naturaliter fieri nequit, id neg diuinitus fieri posse. Quia in re naturam deum alterum constituere videntur, si nihil maius deo quàm natura

Matth. 23.

Iohan. 6.

tribuen-

Iohan. 8.

tribuendum censent, quibus dei verbum respondens, ait: Queritis me interficere, quia sermo meus non capit in vobis, hoc est, quia non estis capaces à me prædicatæ veritatis, ideo in me diuinitatem natura potētiorē, & humani ingenii captu maiorē esse non creditis. Ego autem quod vidi apud patrem, hoc loquor. Ego enim & pater vnum sumus, vna substantia, eadem natura, licet non eadem persona, alia quippe persona est geniti, alia genitoris, & tamen vtriusque vna eadēque diuinitas, eadēvis & gloria cum sancto spiritu, quem ambo simul spirant, sibi æqualem, sibi que consubstantialem. Quod sanctæ trinitatis mysterium in vna deitate, nisi fides teneat, lingua non explicat. Ob hoc quidam, quia comprehendere nequeunt, retrocedunt, cum potius persuadere sibi deberēt, tanto ea magis deo tribuenda esse, quanto minus à nobis, qui homines nō dii sum⁹, possint intelligi. Alioquin fateri oporteret, quod nemo vnquam ausus est dicere, aut deum non esse homine maiorem, aut hominem deo esse æqualem, si ad omnia quæ dei sunt, humani vis intellectus posset penetrare. Sunt tamen nonnulli, qui in peruersitatis suæ proposito ita obdurāt, vt credulitatem nostram etiam irridere non dubitent, atque hi ferē sunt, qui gētilium philosophorum argutias secuti, nihil credendum putant, quod ipsa hominis ratione queat inuestigari, & suorum ambagibus argumentorum vsi, quicquid non satis intelligunt, id verum esse denegant. A quibus euangelicæ veritatis assertores auersi, ne in tam duro solo frustra verbi semen iaciant, nullam frugem facturū, dicunt. Quia repellitis verbum dei, & indignos vos iudicatis æternæ vitæ, ecce conuertimur ad gentes. Quæ videlicet & audiunt euangelij prædicationes, & quod audiunt, credunt: & quod credunt, opere complere pro viribus nituntur. Vos verò increduli memētote ab ipsa veritate, id est, à dei filio dictum: Qui me erubuerit, &

mcos

Act. 13.

Luc. 9.

meos sermones, hunc filius hominis erubescet, cum venerit in maiestate sua, & patris, & sanctorum angelorum. Huius autem hominis infelicitati, quem Christus erubescet, nulla vitæ præsentis infelicitas potest comparari. Nam qui receptus à deo non fuerit in gratiam, à diabolo recipietur in damnationem suppliciumque sempiternum.

### De conuersis ad deum. Cap. X.

**V**T autem alterum ex his euitemus, alterum sequamur, sarcina peccatorum deposita, quæ nos in abyssum deprimit inferni, ad illa conuertamur, quæ de terra erigunt pauperem, & in cælo collocant. Imitemur Simonem leprosum, vt flagitiorum lepra curati, mereamur hospitem habere Christum. Neque nos prioris vitæ pudor impediatur, aut horror in desperationem trahat. Benignissimus est, qui ad cœnam inuitari iubet pauperes, debiles, cæcos, & claudos, id est, omni scelerum genere inquinatos, & neminem prorsus repudiat ad se cum peccatorum pœnitudine accedentem. Hic est qui prodigum filium, cum bona paterna peregre profectus dilapidasset, ad se reuersum osculo excepit, amplexibus fouit, & lætatus est, quod ille, qui perierat inuentus esset, & qui mortuus fuerat, reuixisset. Diu multumque in nequitie cœno immersus iacuit, expurgare tandem & erige te, vt munderis. Mulier quæ X I I. annos profluuio sanguinis laborauerat, cum Christi simbriam tetigisset, sana discessit. Altera, duodeviginti annos morbi vi inclinata, domino manû ei imponente curatur, & cœlum aspicere incipit, quæ tanto tempore pecudum more terram tantum spectauerat. Plus dicam, octo & triginta annorum læguorem sustinuit. Ille, quem ad probaticâ piscinam sanum surgere iussit dominus, ita, vt qui tam diu fracto, debilitatoque corpore immobilis in lectulo decubuerat, illum ipsum

Marc. 14.

Luc. 14.]

Luc. 19.

Marc. 9.

Luc. 13.

Iohan. 5.

ipsum lectulum quo ferebatur, ipse humeris suis referret, domumque rediret, non solum sanitati, verum etiam vigori viribusque restitutus. His autem curationibus tam diutina tabe marcescentium corporum, significauit tibi dominus, quod ipse medicus animorum sit, quāvis ad multam aetatem in peccatis versati fuerint, tantum ut curari cupiant & rogent. Non enim sanat ille nisi volentem. Nam & hunc prius interrogasse dicitur, an vellet sanus fieri, atque ut velle audiuit, non distulit, quin statim sanum redderet. Nemo ergo desperet: quādiu viuimus, misericordiae locus est: tunc iudicamur, cum morimur, & si ante impetratae veniae privilegium nobiscum deferimus hinc decedentes, in electorum numero ascribimur. Sin verò sine illo vitā obimus, ad mortem nunquam intermorituram descendimus, ad tenebras exteriores, ubi est fletus & stridor dentium, & poenarum finis omnino nullus. Beati igitur illi, quorum antequam iudicabuntur, erunt praua in directa & aspera in vias planas, qui priusquam opera ipsorum iustitiae libra examinabuntur, luporum feritatem quam induerunt, cum agnorum mansuetudine commutabunt. Nunc ergo tempus acceptabile, nunc dies salutis, nunc accessus ad eum datur, à quo dictum est: Qui venit ad me, non euiciam foras. Non aliter ad eum venitur, nisi desinendo à malis, & quod bonum est operando. Itaque non solum iniqui, sed etiam otio indulgentes, ab eo qui saluare potest, procul sunt. Ficum illam, quae foliorum tantum luxuria exuberans, fructu carebat, maledicendo dominus ariditate damnauit. Sub qua cum lateret Nathanaël Israëlita, licet dolo carēs, non poterat loqui cum Iesu, egressus autem & magis alacris animi affectu saluatoris quærens conspectum, eum ipsum quem scribe & pharisæi cognoscere nequuerunt, confiteri coepit, dicēs, Rabbi, tu es filius dei, tu es rex israel. Veruntamen si sensus quoque non satis sanos habeas,

Luc. 10.

Iohan. 6.

Marc. 11.  
Iohan. 1.

habeas, quicquid illis blanditur, mortiferum puta, & illa quæ deo placent, iis indulge. Si visus te ad peccandum sollicitat, cæcuses, cum Barthimæo perge inuocare Iesum, & petere ut videas, tunc ipso imperante discedent ab oculis tenebræ illæ, in quibus spectatarum mulierum concupiscētia habitabat, vel delectatio aliquam vanitatem videndi versabatur, cœlumq; ac sidera contueri incipies, & per ea quæ videntur ipsa dei inuisibilia contemplari. Quod si te auditus & loquendi intemperies in malum præcipitant, surdus & mutus es, quia dum te audire vel loqui ea quæ mundi sunt, nimium delectat, ab his quæ dei sunt, & aures auertis ne audias, & os comprimis ne loquaris. Cum siturdo igitur & muto à domino posce remedium. Ille huiusmodi hominis aures digito tetigit, & salua linguam, atque is, qui utroque malo affectus fuerat, utroque liberatus abiit. Statim enim (ut Marcus ait) aperte sunt aures eius, & solutum est vinculum linguæ eius, & loquebatur rectè. Postremò quibuscunque vitiis corruptus viuis, ita ut mortuus sis cum viuas, quātum potes ad illud qui viuificat mortuos, te verte. Nam & mortui audient vocem filij dei, & qui audierint, viuent: modo ne tardes tibi iam in morte posito querere salutem, dum inueniri potest. Fugit tempus, dies aduentat extremus, atque hic fortasse crastinus est aut hodiernus, & tu tibi tutum putas differre turpis vitæ correctionem: noli iuuentæ confidere, omni ætati communis est mors. Nec prosperæ valetudini crede. Quidam dum rident, dum iocantur, dum cum aliis colloquuntur, repente conciderē. Pelle igitur moras omnes, & prauas cupidines de pectore proicere festina, atque de spelunca latronum fac domum orationis, in qua habitare dignetur Christus. Hoc pacto qui nunc nouissimus es apud deum, iam inter primos computaberis. In nouissimis erant Matthæus, Zachæus, latro, sed conuersi ad dominum, primi facti

Marc. 10.

Iohan. 5.

facti sunt. Matthæus reliquit teloneū, & fit apostolus. Zachæus auaritiā largitate mutauit, & salus facta est domui eius, cum Christum suscepisset hospitio. I attonem aliena per vim rapuisse pœnituit, & saluatori se commédans, meruit de cruce transferri ad paradysum. Audi Christum clamantem: Venite ad me omnes qui laboratis & onerati estis, & ego reficiam vos. Hinc tandem ad vocantem conuersus, dic. Iniquitates meæ supergressæ sunt caput meum, & sicut onus graue grauata sunt super me. Tunc ille occurrens tibi, protinus te omni fasce liberabit, & expeditum ad se trahere incipiet, vt qui flagitijs coopertus mergebaris in profundum, iam his omnibus emundatus ascendas in cœlum.

Matth. 11.

Psal. 37.

*De auersis à deo. Cap. XI.*

**E**T cum tâta felicitas sit eorum, qui ad deum conuersi mores suos corrigunt, non ambigimus æquè grandem esse miseriam illorum qui obdurantur. Prædica, argue, obsecra, increpa opportunè, importune. Nihil proficis, cum in spinis, quæ sementem verbi dei præfocant, seminas, vel super lapide, vbi semen radices agere non valens arefcit, vel in via, vbi conculcatur & atteritur. Corâ praua assuetudine corruptis hominibus quoties de deo, de sanctis, de vitæ honestate incidit sermo, corrugant nares, contrahunt frontem, os distorquent, vultum auertūt, & taciti etiam dicere videntur. Durus est hic sermo. Quis potest eum audire? Tales erant pharisæi illi ac legis periti, quorum scelera cum argueret dominus, ceperunt (vt Lucas ait) graminiter insistere, & os eius opprimere. De quibus in Iohanne conqueritur Saluator, & ait: Non potestis audire sermonem meum. Dextera igitur aure carêt, ne honesta audiantur, veluti Malchus ille, cum à Petro vultus accepisset. Is tamen adduci ad Iesum vt curaretur sustinuit. Isti verò peruiacius auditum obturasse videntur,

Iohan. 6.

Luc. 11.

Iohan. 8.

dentur, vt aspis, ne intelligant vocem sapienter incantantis. Quòd si vltra eis præcepta salutis ingerere perseveraueris, indignantur, & iam in contumeliam prorumpunt. Totus in peccatis natus es, inquit, & doces nos: Vnde autem sit, quòd tam obstinato proposito celestem aspernentur disciplinam, parabola euangelij de nuptiis recitata docet. Ad quas inuitati quoniam venire noluerunt, alius (inquit) abiit in villam suam, alius ad negotiationem suam. Deliciæ quippe huius seculi, & ipsa terrenarum opum cupiditas, auertunt animum à celestium contemplatione, & caduca bona æternis præferre compellunt, quia hæc futura expectantur, illa verò præsentī voluptati deliniunt. ita, vt quæ nondum habetur, iam vel non esse omnino, vel haberi non posse credantur. Illi ergo q̄i tam impiè subuersi sunt, nec fidei certæ, nec firmæ spei sunt. Alij luxuriæ, alij auaritiæ studet, & cum sensuum suorum affectibus seruiant, virtutibus vacui & ad vitia proni efficiuntur. Recedente enim domino de templo cordis eorū, non relinquitur lapis super lapidem, qui non destruatur. Vsq̄ue adeo Barrabā, id est, diabolu sibi dimitti gaudent, vt eūdem Christo domino, qui pro ipsis crucifixus est, anteferre non dubitent. Attendant tamen si nondum penitus obsurduerunt, & cognoscant ad se quidem omnia illa pertinere, quæ salutarem doctrinam nolentibus admittere, minatus est Christus dominus: ad illos enim quos iustitiæ suæ doctores constituit, & ad prædicandum gentibus destinauit, dixit. Quicumque non receperint vos, neque audierint sermones vestros, excutite foras de domo vel ciuitate, excutite puluerē de pedibus vestris. Amen dico vobis, tolerabilius erit terræ Sodomorum & Gomorræorum in die iudicii, quàm illi ciuitati. Sodoma enim & Gomorra ante euangelium subuersæ sunt, at isti vltro oblatum respuunt ac repellunt, dum præceptis eius contraria operantur. O miram

Psal. 57.

Iohan. 9.

Matth. 22.

Matth. 10.

mentis



mentis perversæ cæcitatē. Non vident quàm labile bonum sit mīdanz luxuriæ voluptas cui adhærent, quàm firmum & stabile cœleste regnum quod contemnunt, quàm græve, perpetuumque malum infernalis cruciatus, quem mox subire coguntur. Sed iam istos in damnationis interitum tam pertinaciter currentes relinquamus, cum etiam ab ipso omniū domino relictī esse videantur: & illis pro tempore consulamus, qui ad capefendas accedunt virtutes, vt in eo bono, quod semel sibi proposuerint, constanter perseuerēt. Sicut enim in vitiis obdurare perniciosissimum est, ita in bene viuendī cura minus esse constantem, turpe, indecorumque habetur.

*De animi constantia. Cap. XII.*

Matth. 15.

**F**irmum ac stabilem esse oportet dei seruum, nec iniuria laceffitum irasci, nec laudatum insolenter efferri. Vtrunque præstitit mulier illa Chananæa. Cum enim canibus compararetur, quibus nō erat concedendus panis filiorum, non est indignata, sed magis semet submisit, dicens: quōd etiam catelli micas panis comedant, quæ de mensa cadunt minorum. Rursum cum responsum domini accepisset: Magna est fides tua, fiat tibi sicut vis, nequaquam tantæ commendationis gloria sese extulit, sed potius eandem humilitatem, quam contempta non deseruerat, egregiè deinde probata conseruauit, fidei suæ magnitudinem magis ad diuinæ largitatis gratiam referens, quàm ad arbitrii sui libertatem. Quod si quicquam ex eo sibi iactanter arrogasset, filiam pro qua supplicauerat, sanam non recepisset. Et nos igitur si ab iis, quæ nequiter commissimus, purgari cupimus, modis omnibus caueamus, ne in eodē relabamur luto, alioqui per inconstantiæ vitiū, nec satis creduli esse argueremur, nec ipsa quæ intra nos est, sanari filia poterit. Est autem constantis animi repugnare

pugnare cupiditatibus, à bono instituto nunquam deflecti, & cum semel ad colendam æqui, honestique virtutem conuersus fueris, nusquam ab ea discedere velle. profectò qui sic sibi constiterit, intrepidus vitæ finem expectabit, spe certissima firmatus de morte se transitum ad immortalitatem & illam beatitudinem, quam nec fando exprimere, nec cogitando possumus complecti. Nos ergo tantæ mercedis cupiditate flagrâtes, cum sanctius viuendi domum ædificare cœperimus, fundamentum eius supra petram stabiliamus : & ipsam virtutum structuram nec malignorum spirituum venti cōcutere poterunt, nec præsentium aduersitatum flumina obruere, immobilis, inuictaque persistabit, donec ad culmen vsque perducatur summæ, perpetuæque integritatis. Frustra autem Christum in cordis nostri monumento condimus, si constantiæ lapidem ad ostium monumēti non ad mouemus, vt eo aditū inimicis Christi quantū in nobis est, prohibeamus. Qui sunt isti inimici procul, longèque abigendi, nisi vitia ipsa quæ sataribus vitæ monitis reluctantur atque obfistunt, & quicquid probè, laudabiliterq; ædificatum fuerit, deuere festinant. Ab his quidem quicumque se illesum, contaminatumque custodierit, hic verè Christi discipulus erit, cui idem dominus iure ac meritò dicere poterit: Tu es Petrus, & super hanc petram ædificabo ecclesiam meā. Ille enim verè petra est supra petram, qui dum Christi vestigiis innititur, in his in finem vsque fixus perseueret, & in domino confidēs, sicut mons Sion non mouetur in æternum. Vt autem ista constantiæ virtus, quāta sit magis patefcat, instabilitatis quoque vitiū quam execrandum habeatur, consideremus.

Luc. 6.

Matth. 16.

### De animi inconstantia. Cap. XIII.

**Q**uemadmodum firmum & constantem animum supra petræ soliditatem ædificare diximus,

C

ximus,

Luc. 6.

Matth. 13.

Ecclef. 27.

ximus, & id quod ab eo fabricatum fuerit, contra dæmonum prauallere certamina, quam aduersus malorū, quæ mortalibus contingunt, acerbiter: Ita e contrario debilem, & in proposito minus perfistētem, domui illi comparandum esse arbitramur, quam moli arenæ impositam & ventorū concutit flatus, & impetus subruit fluuiorum, atque ad solum vsque concidere compellit. Is enim, qui inconstans fuerit, facile quidem & fraudibus diaboli cedit, & violētiae persecutionum, & fastui ambitionis & cumularū opum cupidini. Seruabit fortasse fidem, quandiu nemo aduersabitur, sed si qua fœdæ voluptatis appetitione cor titillare serpētis antiqui calliditas cœperit, si tyrannus minari necem, si collati magistratus dignitas efferre, si animum habendi auiditas inquietare, adulterio inquinabitur, vt Herodes: metu ad negādum subuertetur, vt Petrus. Optimum quenque contemnet, vt pontifices & scribæ Christum, dum lucra sectatur, vt Iudas, nec furtis abstinebit, nec sacrilegio. Quam autem turpissimum sit, cū bene cœperis malè desinere, & nunc hoc, nunc aliud velle, aliæ quoque in euangelio similitudines indicio sunt. Inconstantis quippe hominis voluntas comparatur arundini vento agitata, dum Iohannes Baptista talis non esse asseritur. Adde quod arundo ipsa & fragile lignum sit, & infructuosum, vacuumque intus, ac nodis quidem plurimis intersectum. Ita vir sibi minus constans, temptationibus succumbit, bonarum actionum sterilis est, vanitatibus affluit, & multorū vinculis innodatur peccatorum. Eundem lunatico illi conferre possumus, quem nunc in ignem, nunc in aquam cadere solere dixerunt. Inconstans igitur, vt luna mutatur: & cum iam penè plenus bonorum creditur, tunc deficere incipit: cumq; alternis motibus agitetur, & nunc igne charitatis incalescat, nūc aqua malitiæ frigeat, promptius tamen ad id quod malum est rapitur, & ad peccata

eata declinat. Quàm autē difficulter, ne in scelere per-  
 feueret, effici queat, discere. Lunaticum hunc apostoli cu-  
 rare non potuerunt, à Christo sanatus est, qui ipsis mi-  
 rantibus, quare sibi id non licuerit, dixit: Hoc damo-  
 niorum genus non posse eiici, nisi per orationem & ie-  
 iunium, ostendens grauissimā quidem esse animi ægri-  
 tudinem inconstantiam. Hanc præterea rotarum in-  
 stabilitati cōparat scriptura: Præcordia fatui, inquit, Eccle. 32.  
 quasi rota carri, & quasi axis versatilis cogitatus illius.  
 Et quoniam rota ista nō solum instabilis est, sed etiam  
 dū tracto curru vertitur, magnos edit stridores, & cre-  
 bra reuolutione atteritur ac deperit. Sic hominis in-  
 constantis leuitas, quicquid bene fecerit, ipse suas lau-  
 dationes iactabundus garrit: & facinus illud, quò me-  
 ritum aliquod apud deum consequi sibi potuisset, eua-  
 cuat inanis gloriæ cupiditate: deinde hanc ipsam glo-  
 riam prauis operibus, ad quæ semper pronior est, de-  
 struit: & in suimet infamiam turpiter conuertit. Nam  
 quamuis aliquando etiam non improbi ingenij esse vi-  
 deantur, nunquam tamen non maiore sui parte malus  
 est. De quo iacobus apostolus: Vir, inquit, duplex ani-  
 mo, inconstans est in omnibus viis suis. Quippe qui nūc  
 hoc, nunc illud appetit, cui quod modo placuit, modo  
 displicet: & rursus quod displicebat, placet. Qui si  
 quando boni aliquid agere aggreditur, semper ante-  
 quam perficiat, cessat, atque idem nec sedere, nec stare  
 diu potest. Multiplex, varius, discors est, secum pugnās,  
 sibi quemet cōtrarius, nec in verbis, nec in factis idem.  
 Profecto qui talis est, nunquam aliquo honestioris vite  
 studio proficere poterit, imò cum in seculi huius pela-  
 go vela faciens, frequenter naufragetur, mergendum  
 tandem in profundo inferni facile coniici potest. Nun-  
 quam enim sic resipiscit, ut nō cras deterior quàm ho-  
 die sit. Nos ergo ne quādo ad eius tam damnosam ani-  
 mi mobilitatem, tam periculi plenam declinemus, di-

scamus, post constantiam etiam fortes esse. Et iam de ipsa fortitudinis virtute, prout nobis diu. us euangelij sermo suggerit, differamus.

*De animi fortitudine. Cap. XIII.*

Luc. 12.

Matth. 19.

Matth. 17.

Iohan. 16.

**F**ortis animo is est, qui nulli rerum fragilium cupidini succumbit, & neque aduersitatibus frangitur, neq; prosperitatibus insolescit: cœlestibus tantummodo bonis adipiscendis inhiat, cœtera cōtemnit. Fortis est igitur, qui vincit auaritiam, & audit dominum dicentem: Cauete ab omni auaritia, quia non in abundantia cuiusquam vita eius ex iis quæ possidet. Superata autem auaritia, ad munificentiam, liberalitatemque se confert: & ea quæ habet, indigentibus dilargitur, dum ad perfectioris vitæ sublimitatem ascendere festinat, iuxta illud saluatoris dictum: Si vis perfectus esse, vade & vende omnia quæ habes, & da pauperibus, & habebis thesaurum in cœlo, & veni sequere me. Non erat perfectio contempere diuitias, nisi addidisset dominus, veni sequere me. Omnibus abundare virtutibus quærit, qui Christum imitari decernit. Christi enim imitator quàm primum veterē exuit hominem, & induit nouum, superbiam mutat humilitate, iracundiam lenitate, incontinentiam castitate, & breuiter vitium virtute. Atq; ita malarum passionum victor efficitur, cum ad diuersas ab his actiones animū conuertere coeperit. In his deinde confirmatus omnes præsentium tribulationum ictus excipit clypeo patientiæ, de omnibus deo gratias agens, minúsque se pati confitēs, quàm peccata sua mereātur. Hoc est illud quod præcipit dominus, & ait: Qui vult venire post me, abneget semetipsum, & tollat crucē suam, & sequatur me. Ac ne quis crucis nomine, quod dura, aspera que significat, turbetur, discipulos suos consolatus est, dicens: In mūdo pressuram habebitis, sed confidite, ego vici mundum, quasi diceret:

diceret: Sicut ego propria virtute calcaui mundi huius ærumnas, ita & vobis vincendi facultatem conferam, vt per me mala omnia magno animo perferendo, illis omnibus fortiores, potentioresque sitis, tantū non in vobis, sed in me spem, fiduciamque habeatis. Hunc præterea fortis animi virum, Christi que domini sectatorem, quemadmodum aduersa non deiiciunt, ita nec secunda arroganter erigūt. Frustra enim in aduersis vinceret, si in prosperis per inanis gloriæ appetentiam superaretur. Itaq; in dignitate constitutus non sibi blāditur, sed aliis prodesse affectat, nec tam præpositum se esse meminit, quā eorum, quibus præest, ministrum, à domino admonitus, dicente: **Quicumque voluerit inter vos maior fieri, sit vester minister: & qui voluerit inter vos primus esse, erit vester seruus: sicut filius hominis nō venit ministrari, sed ministrare, & dare animam suam redemptionem pro multis. Præstantis autem ac strenui animi est, dominandi cupidinem, quæ sæpe robustissimos vicit, superare, ipsamq; regū pompam & principum luxuriam pro nihilo ducere, atque in omnibus cū Christo humiliari. Quid enim esse potest maius Christo: qui eiusmodi humilitatem sic in se commēdauit, vt dei filius non dedignaretur esse hominis filius, & formam serui assumere, cū esset omnium dominus. Denique fugisse dicitur in euangelio, cū eum regem facere vellent. Et non est regnum meum de hoc mūdo, inquit, vt suo exemplo non in terra regnare, sed in cælo desideremus. Vnde & mercedem humilitatis, & non humilitatis pœnam proposuit, dicēs: Qui se humiliat, exaltabitur: & qui se exaltat, humiliabitur. Ad hanc animi fortitudinem pertinet, ipsam etiam, quam præcipue vulgus formidat, mortem contemnere, nec illo supplicij genere sic terreri, vt à bono, honestoque recedas. Nolite timere eos, inquit, qui occidūt corpus, animam autem nō possunt occidere: sed potius eum ti-**

Matth. 10.

Iohan. 18.

Matth. 10.

C iij mete

## MARCI MARVLI

mete qui potest corpus & animam perdere in gehennam. Si ergo casus inciderit, ut aut moriendum sit, aut peccandū, eligatur potius mors corporis quā animæ: mors enim animæ peccatum est. Quod si metu mortis perculsus, vitæ fragili, & velis & nolis citò perituræ nunc peperceris, illam stabilem & immortalem, qua sancti fruuntur, amittes. Ait enim: Qui voluerit animam suam saluam facere, perdet eam. Nam si quis peccare mauult quā mori, hic sibi viuet, & deo morietur. Deo autem mori, est in inferni barathrum ruere, & nullum cum iis, qui verè viuunt, habere cōsortium. Sequitur: Et qui perdiderit animā suam propter me, inueniet eam. Sed ne fortè dubius & incertus quæras, quo locorū inueniet eam: ait: Vbi ego sum, illic & minister meus erit. Quid autem illo homine felicius, qui merebitur esse socius Christi? Sed si cum illo simul vivere volumus, mundo moriamur nullū recusantes, quò deo gratificari possimus laborem, nulli cedētes aduersantium persecutioni. Nam dum tyrānus minatur necem, Christus aperit paradysum: dū homo impius tormentis cruciat, clemens deus refrigerij sempiterni sedem constanter tolerātibus parat, præmijque magnitudine tanto ampliat magis, quanto grauius pro amore suo affligimur, si tamen vindictam in eos qui affligunt, non appetimus, sed e contrario bene illis facimus, benèque optamus, à quibus malè accipimur, dicente domino: Diligite inimicos vestros, & bene facite iis qui oderunt vos, & orate pro persequentibus vos. Hoc prior præstitit ipse qui præcepit, deinde serui eius, qui suis persecutoribus monstrabant viam salutis, & à quibus tormenta patiebantur, eis ignosci orabant. Propriam itaque Christianæ fortitudinis est seipsum vincere, & affectibus contra rationem nitentibus imperare, nec carni, sed spiritui obedire, ipsumq; dominum pro viribus imitari, ei que se se quā simillimum reddere.

Iohan. 12.

Matth. 5.

reddere. Sed iam fortitudine contrariam pusilli animi imbecillitatem in medium proferamus. Fit enim ut magis elucescat virtus ex comparatione vitiorum.

## De animi imbecillitate. Cap. XV.

**S** I eum fortem esse cōstituiamus, qui cupiditatibus dominatur, quis erit imbecillus & infirmus, nisi qui sese his in seruitutem dedit? Hæc autē seruitus multo turpior atque foedior est, quàm illa quam fecit captiuitas, aut quam nascendi attulit conditio. Neutra enim istarum officit, quin etiam in ipsis magis liberi dominis nostris esse possumus. Maior quippe libertas est, non esse subiectū vitiis, quàm non esse hominis mancipium. Verè igitur imbecillus est, quem superat auaritia, vel fraudulentia, vel simulatio, vel arrogantia, vel vana gloria, vel ira, vel gula, vel luxuria, vel libido, vel inconstantia, vel timor, vel otiositas, vel eorum quæ ab ecclesia recepta sunt, incredulitas, cæteraque id genus: quoniam rationi naturæque repugnant, quisquis illis seruiert, non iam inter homines computandus, sed inter pecudes erit numerandus. Ratio enim propria hominis est, bestiarū autem natura id tantum sequi quod suggerit appetitus, nullūque boni ac mali discriminē habere in his quæ appetuntur. Imbecillus es igitur, si iugo premeris auaritiæ, cui seruiendo non poteris seruire deo. Non poteris (inquit) deo seruire & māmonæ, hoc est, deo & diuitiis. Syri enim diuitias mammonam appellant. Qui autem diuitias præferunt Christo, & nihil egeno porrigunt, ipso dei filio in fine iudicante aucturi sunt: Esuriui & non dedistis mihi manducare. Cuius criminis conuictus diues ille, qui se tantum pascebat, in inferno sepelitur, ut semper miser sit, quem miserorum non tetigit pietas, dum sua cupidè retinet, & pecuniā magis quàm Christū diligit. Imbecillus item es, quan-

Matth. 6.

C iii) do



Matth. 8.

do alterū dolo seducere contendis, ab iniustitiæ enim vitio superaris, quoties alios fraude aliqua supplantare moliris. Non poterit in eo pectore habitare Christus, in quo domicilium sibi fecit dolus. Nam ipse de eiusmodi homine dixit: Vulpes foueas habent, & volucres cœli nidos, filius autem hominis non habet vbi reclinet caput suum. Nō habet Christus ibi requiem, vbi stabulantur vulpinæ fraudes, & volucrum instar atq; se erigentis hominis elatio. Fraudulentia: autem comes est simulatio. Semper enim simulationibus utitur fraudulentus, aliud facile præferens, aliud in corde occultans. Qui licet homines fallat, deum non potest decipere. Si modestum, si pium, si castum, si deniq; iustum se esse sinxerit, cum longè alius sit, nōne cum illis damnabitur, quibus dictum est: Væ vobis scribæ & pharisæi hypocritæ, qui mundatis quod de foris est calicis & paropsidis, intus autem pleni estis rapina & immunditia. Væ vobis, qui similes estis sepulchris dealbatis, quæ à foris apparent hominibus speciosa, intus verò plena sunt ossibus mortuorum & spurcitia. Quanto igitur melius id esse quod apparere vis, quàm quod non es videri velle? Imbecillis quoque es, si committis vt te sibi subiiciat superbia, teque arroganter incedere cogat. Ea superatus, aliis præferri cōcupisces, & plus honoris quàm quod mereris, tibi exhiberi postulabis. Quam rem scribis & pharisæis exprobrans dominus, ait: Omnia opera sua faciunt, vt videantur ab hominibus, dilatant enim phylacteria sua, & magnificant simbrias: amant autem primos recubitus in cœnis, & primas cathedras in synagogis, & salutationes in foro, & vocari ab hominibus rabbi. Ergo & inanis gloriæ cupido arrogantibus dominatur, de quibus in euangelio Iohannis dicitur: Dilexerunt gloriam hominum magis, quàm gloriam dei. Statuit ergo eos diabolus supra elatæ iactantiæ pinnaculum, vt quò altius ascend

Matth. 23.

Ibidem.

Iohan. 2.

Luc. 4.

do alterū dolo seducere contendis, ab iniustitiæ enim vitio superaris, quoties alios fraude aliqua supplantare moliris. Non poterit in eo pectore habitare Christus, in quo domicilium sibi fecit dolus. Nam ipse de eiusmodi homine dixit: Vulpes foueas habent, & volucres cœli nidos, filius autem hominis non habet vbi reclinet caput suum. Nō habet Christus ibi requiem, vbi stabulantur vulpinæ fraudes, & volucrum instar atq; se erigentis hominis elatio. Fraudulentia: autem comes est simulatio. Semper enim simulationibus utitur fraudulentus, aliud facile præferens, aliud in corde occultans. Qui licet homines fallat, deum non potest decipere. Si modestum, si pium, si castum, si deniq; iustum se esse sinxerit, cum longè alius sit, nōne cum illis damnabitur, quibus dictum est: Væ vobis scribæ & pharisæi hypocritæ, qui mundatis quod de foris est calicis & paropsidis, intus autem pleni estis rapina & immunditia. Væ vobis, qui similes estis sepulchris dealbatis, quæ à foris apparent hominibus speciosa, intus verò plena sunt ossibus mortuorum & spurcitia. Quanto igitur melius id esse quod apparere vis, quàm quod non es videri velle? Imbecillis quoque es, si committis vt te sibi subiiciat superbia, teque arroganter incedere cogat. Ea superatus, aliis præferri cōcupisces, & plus honoris quàm quod mereris, tibi exhiberi postulabis. Quam rem scribis & pharisæis exprobrans dominus, ait: Omnia opera sua faciunt, vt videantur ab hominibus, dilatant enim phylacteria sua, & magnificant simbrias: amant autem primos recubitus in cœnis, & primas cathedras in synagogis, & salutationes in foro, & vocari ab hominibus rabbi. Ergo & inanis gloriæ cupido arrogantibus dominatur, de quibus in euangelio Iohannis dicitur: Dilexerunt gloriam hominum magis, quàm gloriam dei. Statuit ergo eos diabolus supra elatæ iactantiæ pinnaculum, vt quò altius ascend

ascenderint, grauius elidantur, cum ceciderint. Vis nosse quàm infirmi sint, qui sic corruunt: non vi coacti, sed verbis delinuti sua sponte labuntur. Diabolus enim, nisi imbecillior homine esset, non ei quem supra templum posuerat, dixisset, mitte te deorsum, sed ipse met eum præcipitem dare tétasset. Quis ergo corruit, nisi qui imbecillis inimici callidæ suggestioni pareat: vt non inuitus, sed volens subuertatur & cadat. A quo quidem casu eo difficilior exurgūt ambitiosi, quò magis adulantium sibi palpatione delectantur. Ideo in euangelio dictum est: Væ vobis, cum bene dixerint vobis omnes homines. Et per prophetam dominus: Popule meus, qui te beatum dicunt, ipsi te decipiunt, & viam gressuum tuorum dissipant. Væ ergo illis, qui per adulationem ita hallucinantur, vt se peccatores esse non agnoscant cum laudantur. Cares præterea mentis fortitudine, si te iracundia occupat, & furere compellit. Talis fuit sacerdotum ille princeps, qui cum audisset Iesum confitentem se à dextris dei sedere, in rabiem concitatus vestimēta scidit, & in clamorem protupit, blasphemum eum vocans, qui assertor erat veritatis. Neque enim potuit quod verum erat intelligere, iræ præpeditus, aut quod rectum est indicare. Vsq̃ue adeò excacari solent, qui supra modum irascuntur. Sed neque ille fortis est habendus, qui ventri seruit, & omne suum studium in cibo, potuque delicatius, quàm ratio postulat, comparādo ponit. Vt autem cognoscas quàm pernicioſa gulæ seruitus sit, de manducante & bibente cum ebriosis in euangelio est scriptum, quòd videt eum dominus, partemque eius ponet cum hypocritis, vt videlicet ibi ficta crucietur abstinentia, vbi simulata torquetur sanctitas. Illic, inquit, erit fletus & stridor dentium, vt miserabiliter lugeant, qui in conuiujs immoderatè lætati sunt, & esuriendo siccis crepitent dentibus, quos esculentis, poculentisque resperant.

Luc. 6.

Isaia. 3.

Matth. 26.

Matth. 24.

Luc. 6.

serant crapulando. Atque ideo alibi dicitur: Væ vobis qui saturati estis, quia esurietis. Qui autem gulæ atque ventri sese in seruitutem dedit idem luxuriæ, libidinisque vitio facile cedit. Ventris enim repletionem venas inflari, intumescereque necesse est, & inde pudenda ipsa in Venerem cōc tari, & in turpem pruritum exardescere. Quam autem malè cum illo agitur, qui his affectibus est addictus, prodigi filij in euangelio miserabilis testatur euentus. Deuorasse dicitur substantiam suam cū meretricibus, & ad inopiam redactus pauisse porcos. Etenim substantiam nostram deuoramus, cum per peccatum diuinæ gratiæ lumen in nobis consumimus, atque ita porcos pascimus, rem gratiam faciendo immundis spiritibus, qui nos ad impudicitiam stimulant, & si peccato inquinatos viderint, gaudent. Peccare autem non tantum opere libidinoso, fœdoque, verum etiam turpi cogitatione possumus, dicente domino:

Luc. 15.

Omnis qui viderit mulierem ad concupiscendum eam, iam moechatus est eā in corde suo. Hoc autè quod viris dicitur, etiam mulieres respicit, quia caput mulieris vir est. Ita fit, vt quod capiti vetitum est, nec corpori licere intelligatur, præterea imbecillis animi certissimum argumentum est, voluntas incerta, nunc hoc aliud placet, proposito semper labenti & instabili, Quod si ille qui bene institutus perseverat vsque in finem, saluus erit: nōne is qui in via vitæ multiplex aq varius est, procul erit à salute? Profecto nihil prodest corrigi, vbi contingit repentè deprauari. Sed cætera percurramus, cum de isto inconstantia vitio abudè dictum est supra. Igitur neque ille fortis erit, qui timore perterritus delinquit, & dum vel rerum suarum, vel corporis detrimentum, vel vitæ periculum cauet, deum offendere nō veretur. Timuit Pilatus Cæsarem, quando Christum damnauit, quem confessus erat esse innocentem. Timuerunt apostoli, cum comprehendi vidissent

Matth. 5.

Matth. 5. Omnis qui viderit mulierem ad concupiscendum eam, iam moechatus est eā in corde suo. Hoc autè quod viris dicitur, etiam mulieres respicit, quia caput mulieris vir est. Ita fit, vt quod capiti vetitum est, nec corpori licere intelligatur, præterea imbecillis animi certissimum argumentum est, voluntas incerta, nunc hoc aliud placet, proposito semper labenti & instabili, Quod si ille qui bene institutus perseverat vsque in finem, saluus erit: nōne is qui in via vitæ multiplex aq varius est, procul erit à salute? Profecto nihil prodest corrigi, vbi contingit repentè deprauari. Sed cætera percurramus, cum de isto inconstantia vitio abudè dictum est supra. Igitur neque ille fortis erit, qui timore perterritus delinquit, & dum vel rerum suarum, vel corporis detrimentum, vel vitæ periculum cauet, deum offendere nō veretur. Timuit Pilatus Cæsarem, quando Christum damnauit, quem confessus erat esse innocentem. Timuerunt apostoli, cum comprehendi vidissent

Luc. 2.

sent. Iesum, & dum fragili vitæ metuunt, veram deserendo fugerunt. Timuit Petrus, quando dominum se nosse negavit, pro quo postea spiritu sancto confirmatus, mori non timuit. Infirmi etiam atque abiecti animi indicium est ociositas. Nonnulli quippe virtutis operibus ideo exerceri nolunt, quia veretur ne labori succumbant, maluntque ignavo otio torpescere, quam viliam religiosæ vitæ fatigationem subire. Hi sunt palmitibus illi infructuosi, à vera vite abscindendi, & cum nullo sanctæ actionis humore habentes exaruerint, mittendi in ignem, ut ardeant. Tempus enim ad benè agendum datum, nihil agendo consumpserunt, defeceruntque in terra talentum, à domino ideo commodatum, ut rediens exigeret illud cum foenore. Et si hac lege talentum istud accipimus, quomodo restituemus, si lucrari nihil fecerimus? Postremo, qui animo imbecillo est, ne fidelis quidem esse poterit. Semper enim dubius pendet, & dum errare metuit, errat, diversarum gentium diversas considerat sectas, & cui earum adhaerendum sit, incertus fluctuat. Cum nulla verior, credibiliusque religio sit, quam quæ deo auctore tradita est hominibus. Istos vero qui adhuc in ambiguo versantes, nihil affirmare audent, pusilli animi esse declarat ipse dominus, qui discipulis tempestatem formidantibus. Quid, inquit, timidi estis, necdum habetis fidem? De talibus alibi ait: Ad tempus credunt, & in tempore tentationis recedunt. Ac ne plura enumerando longius protrahatur oratio, cuicumque vitia dominantur imbecillis & infirmus est. Fortis autem inuietus, cui adest virtus, quem non deserit ratio, quæ ipse suam voluntatem à seculi voluptatibus auersam, ad ea, quæ cælo digna sunt, dirigit, & ad æterna properans, ea quæ temporalia sunt, constanti atque erecto animo contemnit.

Marc. 14.

Iohan. 15.

Marc. 4.

De contemptu

*De contemptu gloriae. Cap. XVI.*

**Q**uod si in fortibus censerī cupimus, prāter  
iam dicta, hominū rumusculos, & famā mun-  
danā blandimēta ne aucupemur. Si quid be-  
nefeceris, notum esse ei sat est, qui fidelium hominum  
benefacta, æternæ beatitudinis mercede compēsat. In-  
anem autem gloriam semper fugiendam esse saluator  
noster & exemplo monstravit, & præceptis docuit. De-  
scendens de monte, leproso mundato inīiūxit ne cui di-  
ceret, in hoc instruens oportere nos quidem beneficos  
esse erga proximum, & tamen laudationes hominum  
non quærere. Duobus quoque cæcis, cum redintegratis  
oculis visum eis contulisset, comminatus dicitur, vt ca-  
uerent ne quis sciat, quamvis euangelista subiungens,  
dicat: Illi autem exeuntes (in domo enim sanati fuerāt),  
diffamauerunt eum in tota terra illa. Ex quo discimus,  
beneficia quæ contulimus, tacere quidem, quæ autem  
recepimus, prædicare: vt in altero ostentatio, in altero  
vitetur ingratitudo. Idcirco cæci isti post acceptam sa-  
nitatem, ne iussi quidem silentium tenere potuerunt,  
neque tamē ob hoc reprehēduntur, quia & dominus  
ideo iussit vt doceret humilitatem, & illi ideo nō obe-  
dierunt, ne magis ingratitudine offenderent. Iterū glo-  
riam hominū minimē appetendam esse ostendens, cum  
multos aduersa valetudine, variisque morbis oppres-  
sos pristina sanitati restituisset, præcepit eis, vt Mat-  
thæus ait, ne manifestum se facerent. Quamquam enim  
non possumus non esse manifesti, quoties erga plurimos  
pietate, liberalitatēq; vtimur, nulli tamen alij, nisi so-  
li deo, hoc quod pro eius amore præstamus, notum fie-  
ri cupere debemus. Quemadmodum in eis, qui graui  
morbo liberati sunt, sanitas latere non poterat, & ta-  
men ipse, qui eam induxit, medicus, quasi latere posset,  
ne vulgaretur imperauit, testatus bona quidem omni  
loco,

Matth. 8.

Luc. 5.

Marc. 9.

Matth. 12.

loco, omni tēpore facienda esse, non tamen ideo, vt alij  
 sciant, sed vt obsequiū præstetur deo, qui ea fieri præ-  
 cipit, ad suam, non ad hominum gloriam, vt eam mer-  
 cedem, quam nemo alius præstare potest, ab ipso reci-  
 pere mereamur. Nullo modo celari potest illius vita,  
 quem mortuum fuisse omnibus manifestum est, & ta-  
 men dominus filia archisynagogi suscitata, non solum **Marc. 5.**  
 præcepisse dicitur, sed vehemēter præcepisse, vt nemo  
 id sciret. Quorsum ergo spectat, quod ita præcipiat, ni-  
 si ne per bonū quod agimus, vulgi vocus requiramus?  
 Qui enim id captant, mercedē à domino promissam,  
 non merentur. Sed quæri potest, cum toties opera sua  
 præceptor humilitatis celari iusserit, cur apud Gerge-  
 zæos dæmoniaco sanato, dixit: Redi in domum tuam, **Luc. 8.**  
 & narra quanta tibi fecit deus, quare hic nūtiari man-  
 dat, quod in supradictis tegi silentio præcipit? Respō-  
 deamus, quia alibi de se tanquam de homine silentium  
 imponendo, iactantiam vitandam docuit. Hic autem  
 quasi de deo narrare oportere non dissimulauit, vt &  
 nos quicquid bene agimus, non ad nostram, sed ad dei  
 laudem referamus. Itaque non dixit, quanta ego, sed  
 quanta tibi fecit deus. Illud quoque qualiter accipi de-  
 beat, nunc indagandum occurrit, quod in Marco scri- **Marc. 7.**  
 ptum legimus: Et ingressus domum, neminē voluit sci-  
 re, & non potuit latere. Sed hoc apud gentiles in fini-  
 bus Tyri & Sydonis gestum esse meminisse debemus,  
 quibus non antequam Iudæis prædicandum erat euan-  
 gelium. Quia ergo vulgandi gentibus euangelij non-  
 dum tempus erat, dominus Iesus noluit tunc illis nun-  
 tiari per apostolos, sed tantum agnosci per miracula,  
 his duntaxat, qui vltro ad fidem venturi erant. Nō er-  
 go voluit aliquid quod non potuit, sed & quomodo vo-  
 luit, latuit: & quomodo noluit, latere non potuit, roga-  
 tusque à muliere Syrophœnissa, filiam eius à dæmonis **Ibidem.**  
 vexatione liberauit, vt dum verbi prædicatio subtra-  
 hitur,

Marc. 7.

hitur, mirabilium operatio credere volētes intūtare. Neq; enim repudiari debent, qui non vocati ad Christum veniunt, si etiam vocati, cum venerint, saluentur. Ceterum, quia gloriæ contemptorem etiam inuitum ac nolentem sequitur gloria, apud eundē euangelistam habemus, quod saluator noster his, qui surdum & mutum hominem ad se adduxerant, & sicut rogarunt, sanum receperant, praeceperit ne cui dicerent: sed quanto magis praecepibat vt tacerent, tanto plus praedicabant, & eo amplius admirarentur, dicētes: Bene omnia fecit, & surdos fecit audire, & mutos loqui. Praecipiebat sanē vt tacerēt, sed tamen praedicantes non increpuit. Quo etiam nos opera nostra, & ad laudē nostram latere velimus, & ad profectū aliorum non latere. Sciebat enim ille, cui etiā futura praesentia sunt, quia magis praedicaturi erant, quod multis profuturum esset, & nequaquam ex hac causa silentium imperabat, sed ex ea, qua inanem gloriā non admittebat. Alioquin supernacaneum foret iubere aliquid eis, quos contrarium facturos non ignorabat. In omnibus igitur iustitiæ, pietatisque operibus quarendæ propriæ laudis absit intentio, sed alienę vtilitatis causa, vt innotescamus non desit charitas, & id quoties videbitur opportunū, hoc est, cum non sit periculum, vt vel auditor iactantię crimē imputet, vel doctor committat. Quod quoniam frequenter contingit, semper tutius existima, nihil de te praedicare, nihil quod deo teste agis, ab aliis inspicere velle. Gloriæ quippe mundanæ cupiditate duci omnino nefas esse etiam tunc monstrauit dominus, cum diceret: Ego non quæro gloriā meam. Qui illum verē imitari desiderat, non quærat gloriā suam, sed gloriā dei, monente Apostolo ac dicente: Siue manducatis, siue bibitis, vel aliud quid facitis, omnia in gloriā dei facite. Illi omnia in gloriā dei faciūt, qui nihil ex iis, quæ bene laudabiliterque agunt, sibi arrogant: sed cuncta

Iohan. 8.

1. Cor. 10.

sancta ad gratiam dei, qua semper indigemus, referunt.  
 Latere volunt, ne ipsi laudentur: latere nolunt, ut lau-  
 detur deus, obseruantes præceptum dicentis: Sic luceat **Matth. 6.**  
 lux vestra coram hominibus, ut videant opera vestra  
 bona, & glorificent patrem vestrum qui in cœlis est. Ne-  
 que hoc repugnare putemus alteri sententiæ postea di-  
 ctæ. Attēdite ne iustitiam vestram faciatis coram ho-  
 minibus, ut videamini ab eis. Per hoc enim quod sub-  
 iunxit: Ut videamini ab eis, ostentationem facti prohi-  
 bet, non spectaculum. Eadem ratione & eleemosynam  
 fieri iubet in occulto, & orationem in abscondito, ut  
 totum optimi cuiusque studium sit, non suam laudem,  
 sed dei querere. Huiusmodi occultationem, & para- **Matth. 13.**  
 bola illa nobis insinuat. Simile est regnum cœlorum the-  
 sauro abscondito in agro, quem qui inuenit homo, abs-  
 condit. Thesaurum in agro, vitam perfectiorem in ec-  
 clesia intellige. Hanc cum inueneris, ita abscondere de-  
 bes, ut quod per gratiam spiritus sancti adeptus es, per  
 tuam inanem iactantiam non amittas. Et quoniā hoc  
 celeste donum comparari non potest, nisi contemnan-  
 tur terrena. Vadit, inquit, & vendit vniuersa quæ ha-  
 bet, & emit agrum illum. Renūtiat enim omnibus car-  
 nis voluptatibus qui perfectus est, ut voluptate spiritus  
 quæ in deo habetur, frui possit. Quanto tamen perfe-  
 ctior fuerit, tanto minus latere poterit. Nō potest abs-  
 condi ciuitas in monte posita, neque lucerna super can-  
 delabrum lucens. Quamuis in solitudine & in monti-  
 bus ferarū petat cubilia ac humano cultu semotus, deo  
 tamē volente, proditur, ut alij suo exemplo ad calcan-  
 dam mundi gloriam; cœlestium amore accendantur.  
 Solus ergo in domino gloriari poterit, qui vanitatis hu-  
 manæ pompam honoresque contempserit. Sic enim &  
 Apostolus gloriatus est, dicens: Ab sit mihi gloriari, ni- **Galat. 6.**  
 si in cruce domini nostri Iesu Christi, per quem mihi  
 mundus crucifixus est, & ego mūdo. Et si humilitas ista  
 sanctos



sanctos deceat, profectò non sancti sed stulti sunt, qui terrenæ laudis honore delectantur. Horum nunc dementia veri assertionem ostendenda est, ne quis errore lapsus vitium amplectatur pro virtute: & dum honorari ab hominibus appetit, à deo reprobari mereatur.

*De gloriæ appetitione. Cap. XVII.*

Matth. 23.

**S**cribas & pharisæos inanis gloriæ arguebat dominus, cum de illis diceret: Omnia opera sua faciunt ut videantur ab hominibus. Dilatant enim phylacteria sua, & magnificant fimbrias, amant autem primos recubitus in cœnis, & primas cathedras in synagogis, & vocari ab hominibus Rabbi. Igitur qui gloriæ hominum appetit, non Christum, sed Christi adversarios, scribas & pharisæos imitatur: quântoque magis humano ore laudari concupiscit, tanto gravius iudicio condemnatur divino. Multos quidem vanæ gloriæ cupiditas à Christi religione diffidere, & contra veritatem stare compellit. Dum enim ceteris ingenio & eruditione præstare videri volunt, scripturæ sensus ab ecclesia receptos atque approbatos impugnare nituntur, nec ad hæreticorum pravitatem declinare timent, ut aliquid se acutius inuestigasse rudi plebeculæ persuadeant, & apud indoctos doctorum laudem sibi comparent. Quamobrem talibus est dictum: Quomodo vos potestis credere, qui gloriam ab invicem accipitis, & gloriam quæ à solo deo est, non quæritis? Plerique autem eodem appetendæ gloriæ vitio superati, tametsi fideles sint, si tamen ab infidelibus honorantur, cavent ore confiteri, quod corde credunt, & humanam laudem fide ipsa potiore habet. Si quidem tales illi erant, de quibus Iohannes memorat, dicēs: Ex principibus multum crediderunt in eum, sed propter pharisæos non confitebantur, ne de synagoga eiicerentur. Dilexerunt enim gloriam hominum magis, quàm gloriam dei. Quàm ergo

Iohan. 5.

Iohan. 12.

ergo perniciosum vitium est inanis gloria, quæ alios ita infatuat, ut Christum confiteri non audeant, alios etiam ut negare non vereantur. Verum esse quod dicimus, nostræ quoque statim exempla probant. Vidimus non paucos ex Christianis transisse ad Machumetanos & præfecturæ sibi collatæ honore illectos, eorum ritus legesq; subisse, maluisseque sine Christo, quàm sine potestate vivere. Cæterum ne illi quidem, quamvis cum fidelibus censeantur, virtutum suarum fructum aliquem referre poterunt, qui in his non ad laudem dei, sed ad plebis plausum exercentur. Humilitatem præ se ferunt, & in postremo convuij loco discumbunt, non quia humiles sint, sed ut esse videantur. Vel sicut in euangelio dicitur. Exterminant facies suas, ut appareant hominibus ieiunantes, elemosynas faciunt, & tubis insonant ostentationis, ut misericordiæ sibi laudem vendicent, atque ita bonum opus malo fine corrumpunt. Cumque ab ipso bonarum actionum remuneratore deo mercedem recipere potuissent æternam, fragile & caducam malunt, fucum videlicet istum volatilem auræ popularis. Huius tam peruersæ sanctimonie & illi erant, qui saluatorem nostram interrogauerant, dicentes. Quare nos & pharisæi ieiunamus frequenter, discipuli autem tui non ieiunant? Quæ autem utilitas est, vacuum cibo gerere ventrem, & gloriæ cupiditate repleti? Hac tamen & pharisæus ille refertus erat, quam certè nec coram deo puduit arrogantius quàm decebat sese offerre. Deus, gratias ago tibi, inquit, quia nō sum sicut cæteri homines, raptores, iniusti, adulteri, veluti etiā hic publicanus; ieiuno bis in sabbato, decimas do omnium quæ possideo. Gratias quidē deo agere debuit, sed aliis detrachere, seque tam improba iactatione efferre non debuit. Sic reliquos depressit, quasi sibi æquandus esset nemo, sic semetipsum commédauit quasi ad ea quæ faciebat, nihil ultra addi oporteret, cum ieiunare adiun-

Matth. 6.

Marc. 2.

Luc. 18.

D men-

mentū potius virtutis quā virtus sit, & decimas dare, as alienum solvere, nō aliquid sua sponte offerre. Tantum autē hac ostentatione profect, vt publicano, quem procaciter taxauerat, minus iustas de templo discederet, documentūque esset, peccatorem, qui se humiliat, magis esse deo charum, quā innocentem, qui sese aliis preferendum iactat. Non possumus tamen, quin tangeremur aliquando glorię palpatione, sed statim aduocanda ratio est, vt quod caro blanditur, aētis iudicio proctinus repellatur. Nam & apostolos Zebedei filios honoris tentauit ambitio; cū alter ad dexterā, alter ad sinistram dominī, quem innox in terra regnaturum putabant, sedere concupiscunt. Et quoniam terrenis adhuc affectibus ducebantur, responsum est eis: Nescitis quid petatis. Quod si nescit quid petat, qui praesertim ceteris appetit, nōne cecos & improvidos homines facit ipsa humane laudis affectatio? Etenim dum laudari cupiunt, ad vulgi opinionem viuunt necesse est, & magis placeant simulatione quā veritate. Necesse est etiam vt offensi irascantur, ne similes & abiecti reputentur: vt inuideat, ac aliis minoris existimationis habeantur, vt reliqua huiusmodi perpetrent, quae valgi fieri solent, quamuis ea boni & aequi ratio nō admittat. Ideo sanē apostoli praeceptum est. Non efficiamur inanis glorię cupidi, inuicem prouocantes, inuicem inuidentes. Cum igitur plurimum mali ex laudis humane captatione soleat oriri, & nihil solidi boni nasci, quin imò celestis merces, quae nobis à domino promissa est, tolli, quandoquidem illi, qui sic afficiuntur, mercedem dicuntur accepisse, contempta huiusce vanitatis cura. Apostolum audiamus monentem: Qui gloriatur, in domino gloriatur. Non enim qui seipsum commendat, ille probatus est, sed quem deus commendat. Audiamus & dominum, praecipientem: Cum omnia feceritis, quae praecepta sunt vobis, dicite: Seruus autē futurus dei sumus.

mus

mus enim quod facere debuimus. Ad hæc semper peccatores nos esse meminimus. Si enim dixerimus quia peccatum non habemus nosipfos seducimus, & veritas in nobis non est: Denique nihil boni vel in nobis, vel extra nos esse, de quo quasi de nostro gloriari possumus, dicente Apostolo: Quid habes quod non acceperisti? & si acceperisti, quid gloria ris quasi non acceperis? Cum ergo cuncta quæ agimus aut dicimus laude digna, ad deum referenda sint, ut ad bonorum omnium autorem atque largitorem, profecto aliquid ex his nostræ virtuti ascribere velle, summæ ingratitude criminis est, arrogantiaque non ferenda. Facile autem gloriam præsentem continet, qui semper fragilitatis humanæ memor erit, quàm in primis mortis nostræ testatur conditio, de qua peropportune quidem nunc trahitur.

### De mortis conditione. Cap. XVIII.

**N**on est ibi stabilis gloria, ubi non est vita diuturna. Nobilem ignobili, liberum seruo, diuitem pauperi, strenuum ignaui, doctum indocto, sapientem stulto, regem denique privato æquat mors. Et si fama superstes viuat, quid ad te? quàm voluptatem ex eo capies, si non audis quid de te post te dicant homines? Solent illi quidem qui per adulationem vapo laudes dixerant, de mortuo nonnihil obloqui, quippe cuius iam neque benevolentiam capient, neque vim formidant. Sed esto ut lauderis, & in ore viuas multorum, & hoc insuper abs te illi, qui ad inferos descendunt, perferant, nunquid nuncio isto illa tibi leuare cruciatus poterunt, & non magis grauare, si deo te noueris fuisse damnatum, quia non virtuti laborasti dum viueres, sed gloriæ, & hominibus magis placere quàm deo sollicitus fuisti. Quàm igitur imprudenter, imò quàm stultè inanis gloria queritur, quæ etiam in infamiam verti potest, & si non vertatur, vel ignorata nihil iuvat, vel cognita plus

D ij do-

Luc. 16.

doloris ei cuius est, affert q̄ consolationis. Quid profuit diuiti in euangelio quotidie splendide epulari, purpura byssōq; indutum in publicū procedere, à plurimis honorari, aut quid nocuit Lazaro mendico canibus tantū qui hucera eius lingeāt, esse notū? Si hic defunctus ab angelis in sinu Abraham collocatur, si ille in inferno sepelitur, & in igne ardet, & gutta aquę indiget, & nullū supplicij finem sperat: Vtriusq; exitū cōsidera, & iam magis optabis inglorius & ignotus deo seruire, q̄ querendę laudis gratia, vrbibus ac provinciis imperare. Nunc reliqua, quę ad mortē hominis pertineant, euāgelij loca præcurrendo, more holitoris inter salubres herbas, eam tantū, quę ad præsentem vsum facit decerpentes inquiramus. Naturale est omnibus animantibus mortē timere. In his tamen quę ratione vtūtur, id est, in hominibus, timorem istum à natura infitū, vitę immortalis cupiditas superat ac vincit. Vtrunq; de salutatore nostro euāgelistę nobis prodidere. Sic enī in Matthæo legimus. Cœpit Iesus cōtristari & mortuus esse, tūc ait illis, Tristis est anima mea vsq; ad mortē. Quamuis alij mœstitiæ huius causam assignent non timori mortis, sed ei dolori quē capiebat ex prodicione Iudę proditoris, aliorūque in se credere nolentium, posset hoc tamen, quod propinqua iam passione est dictum, & ad metum mortis referri, non tam quia timuit, quā vt hac etiam in re, sicut in cæteris in se hominis naturam ostēderet. Separari autem à corpore nemo est qui vellet, nisi idem per separationem istam ad æternam beatitudinem se transiturum speraret. Paulus apostolus nunquam dixisset. Cupio dissolui, nisi cupitę dissolutionis causa potior subesset, quā in corpore viuere, quam ipse ostendit continuò subiungens. Et esse cum Christo. Christus autem postquam cœpit contristari, vel, vt alius euāgelista ait, tædere & pauere, ex natura passibili & infirma, ex eadem paulò post dixit. Pater mi, si

Matth. 26.

mi, si possibile est, trāseat à me calix iste. Sed quoniam ratio ipsa in nobis vincere debet. naturalē carnis motum, nihil moratus intulit. Veruntamen non sicut ego volo, sed sicut tu. Vt semper dei volūtas preferatur hominis voluntati. Vis non timere mortem? crede in illum qui ait, Ego sum via, veritas, & vita. Hic enim via morum, veritas fidei, vita retributionis. Propterea quidem etiam hortatur nos dicens. Amen, amen dico vobis, quia qui verbū meum audit, & credit ei qui misit me, habet vitam æternam, & in iudicium nō venit, sed transit à morte in vitam. Quòd si in Adam morimur, & in Christo renuiscimus, si de morte nobis trāsitus est ad vitam, nō est cur mortalitatem exui timeamus, mox immortalitatem induendi, tantòque minus cum etiam corpus nostrum rursus assumpturi simus, non quale deponimus, tetrum, tardum, graue, ignobile, terrenum, fragile, mortale, sed lucidum, agile, leue, gloriosum, omni pristina fece carens, nullis casibus obnoxium, beatitudinis capax, mortis expers, dicente Apostolo: Nostra conuersatio in cœlis est, vnde & saluatorē expectamus dominū nostrum Iesum Christum, qui reformabit corpus humilitatis nostræ cōformatum corpori claritatis suæ. Nos hac tanta spe confirmati non solum mortem non timere, sed etiā nullum mortis genus debemus exhorrescere. Ideo dominus noster cum asperrimam tum ignominiosissimā elegit crucis mortem. Quem secuti sancti martyres omnes tyrannorum minas contempsere, omnia vicere tormenta, magis timentes deum offendere, quàm quæcunq; extrema perpeti. Quid quod etiam multi ante persecutionem, imò ante Christum, cum nondū paradisi ianua pateret, mori optarint? Ingemiscens David ait, Hei mihi quia incolatus meus prolōgatus est. & Elias, Sufficit mihi domine, tolle animam meam, & Iob. Quare non in vulua mortuus sum? egressus ex utero non statim perij: & Io-

Iohan. 14.

Iohan. 5.

Phil. 3.

Psal. 119.

3. Reg. 19.

Iob. 3.

D ii) nas.

Ionas. 7.

nas. Domine tolle quæso animam meam à me: quia melior est mihi mors quàm vita. Quod si hi quibus adhuc clausus erat aditus regni cœlestis, hinc decedere optarunt, nos timebimus quibus per Christum à maledicto iam liberatis patet paradísus: quosque corpore isto exutos protinus excipit cœlestis claritatis habitaculum sempiternum: Ob hoc ergo probata vitæ homines mori non formidant, quia preciosa in conspectu domini mors sanctorum eius. Ob hoc autem impij & iniqui terrêtur, quia mors peccatorum pessima. Itaque non dolore vehementi, neque immodico fletu prosequi debemus eorum funera, qui fide virtutêque satis præditi vixerût. Beati enim sunt mortui qui in domino moriuntur, amodo dicit spiritus, vt requiescât à laboribus suis. Vnde non immerito felicem talium obitum scriptura sæpenumero dormitionem appellat, vt quiete eos & vita simul frui significet. Puellam suscitatus dominus. Non est mortua (inquit) sed dormit. Et de Lazaro, Lazarus amicus noster dormit, sed vado vt à somno excitem eum. Paulus quoque cum de mortuis loqueretur: Fratres, inquit, nolo vos ignorare de dormientibus. Et in psalmo habetur: Cum dederit dilectis suis somnum. Honestiore igitur quàm mortis vocabulo mors notata est iustorum, qui in domino viuût. Vnde Christus iudex nuncupatus est viuorum & mortuorû. Plura quippe mortis genera sunt. Et propriè mors corporis recedente anima quæ viuificat illud: est per metaphoram mors animæ cum propter peccatû à deo deseritur: est mors reorû pœna in inferno, hæc in Apocalypsi secunda mors appellatur. Quamuis enim anima etiam peccatrix immortalis sit, mortua tamen est, tñ quando in corpore non deo vivit sed peccato, tñ quando in inferno pœnas luit æternas. Nam cum mors primorum hominum in pœnam peccati data sit, ipsa pœna quæ pro peccatis infertur, mortis interdum nomine designa-

Psal. 115.

Psal. 33.

Apoc. 14.

Luc. 8.

Iohan. 11.

1. Theff. 4.

Psal. 125.

designatur. Atque ideo sancte nec ipsam corporis mortem bonam esse dicimus, quia stipendium peccati est, quia sine dolore est, sed tamen ut malis perniciosam, ita bonis utilem. Alteri enim moriuntur ut in æternum vivant, alteri ut in æternum cruciantur: fugienda ista, expetenda illa, etiam cum tormentis & suppliciis pro tempore tolerandis. Si enim tolerabimus & conregnabimus. Magis ex coctum aurum purius erit, & terra per se ferax, si aratro aut ligone versata fuerit, fructus habebiores reddet. Mortis tempore non est iustitiæ nostræ operibusque confidendum, sed in misericordia dei sperandum, cum sanctus Apostolus dicat: Non ex operibus Tit. 3. quæ fecimus nos, sed secundum magnam misericordiam suam saluos nos fecit. Animam igitur à corpore decedentem soli illi qui saluare potest, commendamus. Qui ut hoc nobis insinueret, iam morti propinquus, iam spiritum traditurus. Pater, inquit, in manus tuas commendo spiritum meum, & hæc dicens expiravit. Et nos ergo commendando animam deo, misericordiamque eius implorando, ac precibus insistendo vitam istam finiamus, & tunc sequetur quod paulò antè diximus: Preciosæ in conspectu domini mors sanctoꝝ eius, & beati mortui qui in domino moriuntur. Cæterum, sicut non timere mortem ad servos dei pertinet, ita e contrario eam formidare ad servos mudi. Quod ut clarius constet, de vana præsentis vitæ cupiditate aliquid dicamus.

## De vitæ cupiditate. Cap. XIX.

**S**i diu viuendi vel vota vel confidentiam hominum rectè perpenderit, plurimos quidem, qui ita afficiuntur, vanitatis imprudentiæque arguimus. Diu vivere sperabat dives ille in euangelio, qui frugum Luc. 12. hubertate lætatus dilatare cogitabat horrea, cellariaque ampliare, & his quæ vna æstas attulerat, per annos multos frui, Tantos autem cogitatus abscidit nigram

D iij      satis



satis promissa mori, atque nocte illa qua ipsa sibi longior a felicioraque vite spatia promittebat, coactus est decedere, & cuncta quae collegerat, aliis relinquere possidenda. Frustra igitur aliquid diuturnum fore speratur, quod statim potest deficere. Sed aliud est sperare, dicere, aliud cupere, licet non idem sint, alterum tamen ab altero pendet, & ex desiderio spes, ex spe oritur desiderium. Alioqui quid stultius esse potest, quam cupere aliquid quod te affecuturum non speras. Sed cupis diu vivere, simul & speras, verumtamen times ne te spes ista fallat, atque ita inter spem metumque dubius fluctuas. Et cum ita sit, quæro abate, cum voti composueris, cum ad decrepitam usque ætatem perveneris, quam diu vixisti? annos centum aut plures fortasse, si toto hoc tempore deo vixisti, præclarè quidem tecum agitur: mox enim in æternum vivere incipies: at si tibi tantum, male profectò rebus tuis cõsulisti. Voluptas quippe omnis quæ cum ætate præterit pro nihilo est, peccata autem manent & perdurant, quibus grauatius animus ad inferos ruit, ibi pro brevibus deliciis penas luiturus sempiternas. Quid quod omnium hominũ brevissima vita est super terram: at quæ (ut Iacobus apostolus ait) vapor ad modicum parës. Quæ res cum neminem lateat, quid quæso tantopere cupimus, quod velimus molimus, citò pertransiturum non ignoramus? Diu vixit Adam, diu Mathusalem, alique nonnulli ex patribus. Diuturnitas tamen ista senescente mundo defecit. Quis enim postea memoria centesimum vitæ attigit annum? cum præsertim Psalmista dicat: Dies annorum nostrorum in ipsis septuaginta anni, si autem in potestatibus octoginta anni, & amplius eorum labor & dolor. Quare si quem invenire potes octogenarium senem sanum, neminem certè reperiēs cui vel aures non obsunduerint, vel visus non hebetauerit, vel pedes non titubent, manus non tremant, dorsum non curuetur, dētes, si qui reliqui

Iacobi. 4.

Psal. 89.

liqui sunt, non fluitent, & tota corporis deformata facies non penitus alia sit quam fuerat. Adde tussim, apoplexiam, paralyfim, stomachi cruditatē, ventris tormina, inguinum tumorem, spirandi difficultatem, mingendi stranguriam, aliaque huiusmodi multa, quæ annositas ipsa secum apportat, nec corpus modo, verum etiam mentem infestans. Videas enim plerumque delirare per ætatem, & qui paulò antè sapientes habiti erant, iam ridiculos esse. Cùmque tot mala vna senectus afferat, nōne satis apparet eum, qui diu vivere appetit, non vitam appetere, ut putat, sed morbos? Si quibus autem contingat, quod rarissimum est, ut etiam in senecta integris sensibus, vegetoque corpore & mente illæsa sint, hoc donum dei est, cœlestisque gratiæ fauor, non longæuz ætatis, quæ cuncta corrumpere consuevit, beneficium. Quod Ecclesiasticus testatur, dicēs: Dedit dominus ipsi Caleph fortitudinem, & vsq; in senectutem permanfit illi virtus. In Iob etiam legimus: Sperabam quod ætas prolixior loqueretur, & annorū multitudo doceret sapientiam, sed, ut video, spiritus est in hominibus, & inspiratio omnipotentis dat intelligentiam. Denique in euangelio dominus: Dabo vobis, inquit, os & sapientiam. Hanc vero sapientiam & iuvenes expetere & senes debent. Quam si adepti fuerint, dabunt certè operam non ut diu, sed ut bene viuant, neque ut ætate, sed moribus granes sint. Nam diu vivere hoc quoq; malè habet, quod necesse sit, ut qui diu vixerit, mortes videat multorū, lugeat liberorum orbitatem, ingemiscat coniugis, fratrum, cognatorumq; funera, & frequenter exitu tristetur amicorum. Quinetiam vel sua vel aliorum adhuc viuētium infortunia deploret, quandoquidē crebrius mala quam bona contingere mortalibus solent. Quas ob res vnā tantum habemus (ut equidem reor) vitæ diuturnioris concupiscendæ causam, ut videlicet quo plus vixerimus, humiliores

Eccles. 46.

Iob. 32.

Luc. 12.

beriores poenitudinis nostræ fructus colligere possimus, tantoq; maius promereri apud deum præmium, quanto prolixioris temporis laborem eidem seruiendo sustinuerimus, dum & aliis prodesse optamus, & pro nobismetipsis cupimus facere satis. Alioqui longam vitam desiderare, non dei, sed sæculi amatorum est, qui nullo præsentium voluptatum haustu satiantur: qui semper viuere vellent, vt semper peccare possent. Et tamen malè cupita senectus in eo illis bene consulit si venerit, quod lasciniendi vires obscenósque amputet affectus, & ad continentiam cogat vel inuitos. Cæterû, quoniam fidei integritati congruit, nō solum quæ iussa sunt obseruare, sed etiam quæ consulta perficere, opportunè nunc occurrit, de perfectæ religionis professione facere sermonem.

*De perfectione vitæ. Cap. XX.*

Matth. 22.

**P**erfectioris vitæ conuiuiū est, ad quod inuitat nos dominus: multos quidem vocat, sed nō omnes qui vocati sunt veniunt: alium retinet corporis voluptas, alium cumulariarū opum cupiditas impedit. De quibus dicitur, Illi autē neglexerunt, & abierunt, alius in villam suam, alius verò ad negotiationem suam. His grauati venire omnino nequeunt. Deponendum est ergo onus, si altiora cupis ascendere, & de paucorum esse numero electorum. Tūc te verè à deo electum esse noveris, cum magno animo illa quæ multorum sunt, contemnere cœperis, & omnem prorsus affectum ad solum Christum conuerteris, solū imitari statueris: Ait enim, Qui amat patrem aut matrem plus quàm me, non est me dignus, qui amat filium aut filiam super me, nō est me dignus. Ita tuos ama, vt deū non offendas, alioquin plus te illos diligere argueris, quorum causa peccare non timueris, quandoquidem etiam propria mors magis est eligenda, quàm crimen cōmittendum. Ideo subditur.

ditur. Et qui non accipit crucem suam, & sequitur me, non est me dignus. Etenim quemadmodum ipse crucifigi voluit, ut nos redimeret, ita tu crucis mortem timere non debes, dum tuum confiteris redemptorem. Tunc autem verè vivere incipis, cum pro eius nomine occideris. Qui perdiderit animam suam (inquit) propter me, inueniet eam. Transít enim de morte ad vitam, de terreno habitaculo ad cœleste regnum semper beatus futurus, qui mori innocens maluit quàm nocēs vivere. Solent autem parentes cognatique qui mundana sapiūt, modis omnibus iter impedire ad perfectionem tendentium, conqueruntur se derelictos, omni solatio destitutos. Qua in re cauendū est, ne nostra erga parentes pietas, impietas fiat in deum. Contemnēdi quippe sunt, quoties à dei seruitio auertere nos moluntur, & quasi odio habendi, ne nos odio sumus deo, si vocationes eius atque inuitamēta crebrò cordibus nostris infusa neglexerimus, cū præsertim ipse dominus noster dicat, Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus. Denique ait, Qui non renuntiat omnibus quæ possidet, non potest meus esse discipulus. Non potest toto pietatis affectu in hære Christò, cui⁹ animus aliqua terrenarū rerum cura in diuersum distrahitur, in eo enim deficiat necesse est, in quo adhuc aliqua carnali cupiditate inclinatur, propterea quidem vocati apostoli, quoniam aliter sequi Christū non poterant, & retia & patrem reliquerunt. Non poterāt effici Christi discipuli, nisi per omnia ei se conformari studuissent, æmularenturque eius paupertatem, humilitatem, castitatem, docendi studiū, omnes iuuandi curam, omnia sustinendi patientiam. Si quis vult, inquit, post me venire, abneget semetipsum, & tollat crucem suā, & sequatur me. Abnegat semetipsum, qui non iam

Luc. 14.

Matth. 4.

Luc. 14.

carni

carni paret, sed spiritui: non iam mūdo, sed mundi domino seruit, vt longē alius sit, quā qui hactenus fuerat. Tollit autem crucem suam, qui pro veritate asserenda nec supplicia deuitat, nec mortem horret, atque ita Christum sequitur. Ille enim cū dominus esset, formam serui accepit: & qui in se impassibilis erat, in homine assumpto crucem passus est, ne id nos pro nomine eius subire timerem⁹, quod ille pro amore nostro perferre voluit. Ne autem paupertatem timeas. Quærite, inquit, primum regnum dei, & hæc omnia, quæ videlicet vitæ necessaria sunt, adiicientur vobis. Ne etiam mortem exhorrescas, ait: Qui credit in me, nō morietur in æternum. Ne denique suppliciis terrearis: Mundus, inquit, gaudebit, vos verò contristabimini, sed tristitia vestra conuertetur in gaudiū. Tu interea si perfectæ consummatæque religionis laboribus implicari durum putas, promissæ mercedis magnitudinem considera. Ait enim: Vos qui secuti estis me, in regeneratione cum sederit filius hominis in sede maiestatis sue, sedebitis & vos super sedes: XII. iudicantes XII. tribus Israël. Perfectis ergo suam communicaturus est dignitatem, qui cum ipso communicare, non dubitarunt laborum angustiarumque patientiam. Duodecim autem sunt qui iudicant, & totidem qui iudicantur: quia illi filij lucis sunt, tanquā duodecim horæ diei: hi verò filij tenebrarum sub eodem nocturnarum horarū numero cōprehenfi. Quamuis enim non omnes damnandi sunt, minus tamen illis clari, quos perfectionis opera commendant. Sequitur: Et omnis qui reliquerit domum, vel fratres, vel sorores, aut patrem, aut matrem, aut vxores, aut filios, aut agros propter nomen meum, centuplum accipiet, & vitam æternam possidebit, hoc est, sublimiorem beatitudinis obtinebit gradum, vitæque perenni perfruetur. Exquisitæ enim sanctitatis viri, licet vitæ æternitate aliis in paradiso sanctis pa-

res

Matth. 19.

res erunt, beatitudinis tamen magnitudine atque gloria illis prestabunt, dicente Apostolo: Stella enim à stella differt in claritate, sic & resurrectio mortuorum. 1. Cor. 15.

Quanto quis plenius in se Christi similitudinem expresserit eum hic imitando, tanto illi proximior est futurus in coelesti regno. Hoc certe ipse pollicetur, dicens: Iohan. 19.

Si quis mihi ministrat, me sequatur: & ubi ego sum, illic & minister meus erit. Si quis mihi ministraverit, honorificabit eum pater meus. Hæc talia si rectò perpendaris, profectò iam nihil tibi aut factu difficile videbitur, aut toleratu durum. Iam tibi sedebit animo vendere vniuersa quæ habes, diuitias, voluptates, concupiscentias, & emere thesaurum illum præ omnibus mundi thesauris concupiscendū: nunc quidem in ænigmate absconditum, tunc autem manifestum futurum, cum videbimus illum fieri est. Hoc idem enim est & pretiosa margarita, qua cõparata nihil erit vltra desirandum, cum omnis plenitudo gratiæ in Christo sit in quo sunt omnes thesauri sapientiæ & scientiæ absconditi. In ipso enim inhabitat (vt Apostolus ait) omnis plenitudo diuinitatis corporaliter. Libèter igitur eligesse cum Christo pauper, vt in deo diues sis: optabis Coloss. 2.

eum illo emori mundo, vt viuas deo: terrena denique omnia sordere tibi incipient, cum in cordis tui hospitio susceperis Christum. Nihil illo est dulcius, nihil suauius. Iure suo dixit, cum ad sui seruitium fideles inuitaret, iugum meum suauis est, & onus meū leue. Hoc Matth. 23.

diuinus psalmista sensit, dicens: Gustate & videte, quoniam suavis est dominus. Hac certè dulcedine affecti Psal. 33.

erant apostoli, cum inter flagella gauderent, quoniam digni habiti sunt pro nomine Iesu contumeliam pati. Et cum saeuissimi tyranni tormenta proponerent, necem minarentur, ne Iesum euangelizarent, tacere omnino non poterāt: tanto illis nomen domini sui iucundius fuit, quàm vitæ præsentis vsus, aut doloris per sup-  
plioria

plicia infli:endi eussio. Tales itaq; esse debent, qui volunt montem excelsum conscendere cum Petro, & operarii fieri vineę domini, & abiecta seculi huius sarcina, per foramen acus transire, percalcatisque mudi angustis, ad beatam illam regni cœlestis amplitudinē peruenire. Tu igitur qui relicta sindone nudus impiorum manus effugisti, ne reuertaris tollere tunicā tuam, nec aratrū tenens respicias retrō, vt aliquando imprudenter cōcupiscere incipias, quod propter Christum prudenter reliquisti. Multo melius est, nō nouisse viā perfectionis, quam postquam noueris regredi velle, & cum Anania Sapphiraque spiritu sancto mentiri audere.

*De vita solitaria. Cap. XXI.*

**H**ic excellentissimę professioni accommodatissima solitudo est. Da igitur operam, vt in cœnobio cella, in deserto locus ab humano cultu vacuus, legendi, scribendi, orandi, & ea quę æterna sunt contemplantandi opportunitatē tibi præsent. Nulla horum libera meditatio habetur in frequentia certūque multorum. Vulgi clamor, vrbani tumultus, amicorum interpellatio, mulierum conspectus, cognatorum mortes, mentem deo intentam conturbant, nec in illo conquiescere ipsam pro voto faciunt. In solitudine autem cōcupiscentiæ quoque magna pars tollitur, dum illa quę malè cōcupiscuntur, nostris aspectibus procul submota latent, cum multo magis visa moueant animum, quam cogitata: & quod rarius cernitur, facilius oblietetur, quantum præterea viro religioni dedito confertur ipsa solitudo, ex euangelio discitur. Principis filia vita defuncta, non antea à morte suscitatur, quam tibi cines & tumultuantium turba excluderetur. Solitudo itaq; præcipue querenda est, vt anima in peccatis mortua, per poenitentiam ad gratiam viuificatē reuocetur. Quoniam vt modo diximus, & pessimę animi cupidines

Matth. 6.

pidines minus in secessu virium habent: & mens terrarum rerum curis expedita, ad contemplanda diuinā magis attollitur, dicente ad discipulos domino: Venite seorsum in desertum locum, & requiescite pusillū. Multa quidem vbique pugna, sed tamen in deserto requies aliqua, quamuis pusilla. Certior autem ibi vincēdi spes est, vbi post laborem ad vires refocillandas, nonnulla quietis conceditur mora. Quod nobis innuere volens dominus, in deserto tentatus, à diabolo collatis signis victoria potitur: fuso denique fugatōque hoste triumphans, angelorum vtitur ministerio. Scriptū est enim: Tunc reliquit eum diabolus, & ecce angeli accesserunt, & ministrabant ei. Idem eos, qui in Iudæa sunt, vt ad montes fugiant, hortatur. Iudæa, confessio & glorificatio interpretatur: vt is qui Christum confitetur, & ad celsiorem beatitatis gloriam aspirat, frequentiam fugiat, solitudinēque delectetur. Quod si docendi officio fungitur, & vicos vrbesque peragrarare necesse est, transiper in publicum prodeat, donec populo salutis congrua per sermonem insinuet: Erat enim Iesus, vt Lucas ait, diebus docens in templo: noctibus verò exiens morabatur in monte, qui vocatur Oliueti, vt nobis ostenderet & tempus & locum orationi contemplationique aptum. Commodissime enim tunc oratur, cum cuncta silent. Inter orandum autem in montem ascendere iuberis, vt sicut montium fastigia cœlo proximant, ita tu ad cœlestia cōtemplanda animo subleueris. Hoc ipsum Marcus quoque testatus est, dicens: Et cū dimisisset eos, quos videlicet docuerat, abiit in mōtem orare. Dominus ergo noster, quod verbis docuit, hoc exemplo monstrauit, in ipso orationis tempore secedendū esse à turba, & in loco secretiore orandum. Vnde iterum Lucas. Ipse autem secedebat, inquit, in desertū, & orabat. Desertum istud mons Oliueti erat, mons autem contemplationis altitudinem designat. Sed ad hanc altitudinem

Marc. 6.

Matth. 4.

Luc. 21.

Idem. 21.

Marc. 6.

Luc. 5.



Luc. 19.

Luc. 7.

Marc. 9.

Malac. 2.

Apoc. 2.

sem ascendere nequimus, nisi hominum frequentiam  
fugerimus. Zachæus præ turba non poterat videre Ie-  
sum. Difficile est enim in medio plebis versari, & mē-  
tem in deo fixam firmamque habere. Ascēdit ergo ar-  
borem sycomorum vt videret Iesum, altiùsque sese cē-  
teris erexit, non superbia, sed cogitatione, extra turbā  
querens, quod in turba inuenire non poterat. Iohan-  
nes quoq; Baptista in matris aluo sanctificatus, vt san-  
ctior fieret, desertum incoluit, ibi manens Christū ba-  
ptizare meruit, & de illo prophetare, & ab illo testi-  
monium accipere, dicente. Inter natos mulierum non  
surrexit maior Iohanne Baptista, atque hūc eundem;  
quem homines vt prophetam honorabant, ipse plus q̃  
prophetam esse asseruit. Postremò ipse dominus Petro,  
Iacobo, Iohanni diuinitatis suæ claritatē ostēsurus non  
solum in montem, sed in montem excelsū duxisse eos  
dicitur, tanta visione non poterāt esse digni, nisi à tur-  
ba secederent, & humana transgressi, sublimitate con-  
templationis cœlestibus insererentur. Ex his quæ dicta  
sunt, discere possumus, vt ille perquam rarò cōuersetur  
cum hominibus, qui sæpe cū deo esse desiderat. Nūc his  
qui sacerdotalibus initiari sacramentis volunt, osten-  
demus quibus rebus & bonus constet sacerdos, & malus,  
efficiatur, vt discant quæ sibi expetenda, quæque fu-  
gienda sint, vt bonorum potius gloriam consequantur,  
quàm in sortem concedant malorum.

## De bono sacerdote. Cap. XXII.

**T**anta ac talis dignitas sacerdotalis est, vt nulla  
maior homini conferri possit. Et quoniam ange-  
licæ sublimitati exequatur, sacerdos ipse aliquā-  
do in scripturis angelus est appellatus. Vt illud Mala-  
chiæ: Labia sacerdotis custodiunt scientiam, & legem  
requirunt ex ore eius, quia angelus est domini exerci-  
tuum. Iohannes etiam in Apocalypsi, septem angelis,  
septem

septem in Asia ecclesiarum episcopis scribere iubetur, hoc est, Ephesi, Smyrnæ, Pergami, Thiatyræ, Sardis, Philadelphiæ, & Laodiciæ. In his singulis singuli episcopi erant, & officij sacerdotalis meritò angeli nominantur. Hoc tamen minus mirabimur, si meminerimus ipsum dei filium Iesum Christum sacerdotem factum, deo patre ad eum dicente: Tu es sacerdos in æternū secundum ordinem Melchisedech. Nihil isto sacerdote maius, nihil mirabilius excogitari potest: ita nec sacerdotij honore quicquam præstantius haberi. Cæterum, iuxta domini sententiam: Cui multum datum est, multum petent ab eo. Omnibus ergo virtutibus excultum atque exornatum oportet esse sacerdotē. Vt igitur verè sacerdos sit, necessaria est illi sobrietas, castitas, fides, charitas, iustitia, prudentia, scientia, terrenarumq; rerum contemptus, & cœlestium desiderium atq; amor. Vt sit sobrius, dominum audiat in Ezechiele præcipientem: Vinum non bibit omnis sacerdos, quando ingressurus est atrium interius, quod antè in Levitico ad Aaron dictum est: Vinum & omne quod inebriari potest, non bibetis tu & filij tui, quando intrabitis in tabernaculum testimonij, ne moriamini. Nec aliter novus pontifex noster Christus monuisse suos discipulos videtur, cum diceret: Attēdite ne forte grauentur corda vestra in ebrietate & crapula, & in curis huius seculi. Castum quoque oportere esse sacerdotem, & carnalis copulæ abstinentem idem dominus docuit, apostolis imperans ut præcingant lumbos suos, & lucernas ardentes in manibus habeant. Lucernæ in manibus opera iustitiæ sunt, quorum fundamentum castitatem esse voluit, dum lumbos prius, in quibus generandi vis est, restringi iubet baltheo castitatis. Veteri verò lege idē concessum sacerdotibus fuit matrimonium, quia sola tribus Leui & domus Aarō sacerdotalis erat, nec aliis licebat hoc fungi officio. Ne igitur

Luc. 12.

Ezec. 44.

Leuitici. 10

Luc. 12.

Ibidem.



rum genus in paucis conclusum deficeret, reparandum per connubia erat. At nunc non carnis quæritur successio, sed spiritus, translatoq; sacerdotio ad tribum Iuda, id est, ad Christum, quicumque Christianus est, nisi uxori alligatus fuerit, potest eligi in sacerdotem. Omnes tamen qui Christo in sacerdotio succedunt, castos esse decet, sicut & ipse castus fuit, ut novi sacerdotij tanto purior successio sit quam veteris, quanto & sacerdos noster Christus omnibus qui ante illum hoc munere vti sunt, noscitur esse præstantior. Neq; enim arietum ut olim, aut vitulorum sanguine nunc sacrificatur, sed ipse Christus verus deus & verus homo, vnus & immortalis, licet aliena specie velatus, offertur. Quòd si etiam priscis dictum sit: Mundamini qui fertis vasa domini, quanto magis nostris conuenit omnis mundicies, quibus non solum ferre vasa domini, sed etiam ipsum dominum quotidie & contrectare manibus & ore sumere mos est? Tam igitur mente quam corpore mundus castusq; sit, qui ad eiusmodi ministerium se nouerit esse electum. In primis tamen fidelem esse conuenit. Quid enim castitas aut aliqua alia virtus ei prodesse poterit, si qua orthodoxæ fidei pars in illo labascere coeperit? Fide igitur opus est, ut reliqua rectè prospereque succedant. Quis est, inquit, fidelis seruus & prudens, quem constituit dominus super familiam suam, ut det illis cibum in tempore? Familiæ dei sacerdotes præpositi sunt, ut verbi exempliq; cibo eam pascât, qui si fideles ac prudentes fuerint, beatitudinis quoque magnitudine cæteris præferentur. Sequitur enim: Quem sic agentem inuenerit dominus, super omnia bona sua constituet eum, ut qui multos fideliter docuit, prudenterque rexit, multis inter sanctos honorabilior magnificentiorque habeatur. Charitatem etiam præcipue amplecti debet sacerdos, ut qui vni commissa cura animarum est pro earum salute, si

Isaia 52.

Matt. 24.

te, si ita casus inciderit, nec supplicia recusat, nec mortem metuat. Bonus enim pastor ponit animam suam pro ouibus suis. Idem præterea iustitiam omnē, quā alios docet, prior impleat, ne quod verbis ædificat, si aliter ac præcipit, vixerit, exemplo destruat atq; dissipet. Nisi abundauerit iustitia vestra (inquit dominus) plus quā scribarum & pharisæorum, nō intrabit in regnum cœlorum. Prudentia quoque opus est sacerdoti, ad noxia quæque cauenda doloſque diaboli declinandos. Infidiis facilē patebit, nisi perquā cautē incesſerit. Estote prudentes (ait saluator) sicut serpentes. Callidissimus omnium serpens diabolus est. Qui ergo non minus prudens erit ad cauendum, quā diabolus astutus ad nocendum, neque blanditiis eius capietur, neque vim formidabit. Vt autem cautus & circumſpectus fiat sacerdos, necessariam sibi esse scripturarum scientiam nouerit intelligentiamque mysteriorum, sine qua neque se ab aduersario se tueri commodē poterit, neque alios vitæ doctrinis rectē institueret, aut ad virtutē aptē exhortari, in Aggæo scriptum est: Interroga sacerdotes legem, & in Ezechiele de sacerdotibus loquens dominus: Populum meum docebunt, inquit, quid sit inter sanctum & pollutum, inter mundum & immundum ostendens eis, & cū fuerit controuersia, stabunt in iudiciis meis & iudicabunt. Exigitur ergo à sacerdote vt eruditus in lege sit, & quicquid in sacris literis continetur, pro viribus ediscat, alioqui sacerdotio indignus existimabitur, dicēte domino per Osee prophetam: Quia tu scientiam repulisti, repellam te ne sacerdotio fungaris mihi. Postremo loco diximus, præsentium contemptorem esse sacerdotem. Nam si Christi minister fuerit, paruo erit contentus, dum summa sperat, & vt dominum suum imitetur, paupertate gaudebit, diuitias contemnet. Neque enim potest esse talis magistri discipulus, nisi

Iohan. 10.

Matth. 5.

Aggæi 2.  
Ezec. 44.

Osee 4.

E ij      renuſ-

# MARCI MARVLI

Num. 12

Matth. 10.

Matth. 5.

renunciet omnibus quæ possidet, vt caduca respuens dignus euadat, cui tribuantur æterna. Sed ne in veteri quidem lege Leuitis data est possessio in tribubus vt scirent non in terra, sed in cœlo sibi possessionem esse quærendam dicente domino Aaron: In terra eorum nihil possidebitis, nec habebitis partem inter eos, ego pars & hæreditas tua in medio filiorum Israël. Decimis igitur & eleemosynis, quæ altari offeruntur, viuat qui seruit altari. Quod autem necessario victui superest, indigentibus tribuat, dispensatoremque se esse agnoscat bonorum ecclesiæ, non possessorem: Apostolis & eorum successoribus præceptum esse meminerit: Nolite possidere aurum, neque argentum, neque pecuniam in zonis vestris. Quid tibi cum diuitiis, si illius domini seruus es, qui nõ habuit in terra vbi caput reclinaret suum, neque didrachmam qua pro se & discipulo solueret portorium? domini, inquam, in stabulo geniti, in præsepio positi, in cruce nudi, in sepulchro conditi alieno, nihil denique in hoc seculo quasi suum possidentis, non quia non liceret ei frui omnibus si vellet, cum esset dominus omnium, sed vt doceret non esse ei opus terrenis diuitiis, qui ad cœlestes thesauros aspiraret, difficileque esse duobus dominis seruire, deo & mammonæ, difficillimum verò vt quis auri argenti que pondere grauatus, ad ætherea regna possit conscendere. Ex his igitur quæ dicta sunt, eum sacerdotij honore dignum censebimus, qui sobriè, pudicè, fideliter, piè, iustèque vixerit, qui in cauendo prudens, in erudiendo doctus, in concupiscendo modicus, & in obsequendo ei cui se dedicauit, fuerit assiduus. Quisquis autem sese talem in sacerdotio exhibuerit, hic verè erit sal terræ, cuius doctrinis cæterorum corda ne in peccatis putrescant, condientur, erit lux mundi, ciuitas supra montem posita, lucerna super candelabrum lucens, vt omnibus conspicuus, omnes qui sanctè inno-

centerque

centerq; volent viuere, suo illuminet exemplo, suæ famæ gloria concitet ad virtutem. Hic demum de terris ad cœlum translatus illorum perpetuo fruatur consortio, illorum perennis beatitatis erit particeps, quibus in Psalmo spiritus sanctus loquitur, dicens: Sacerdotes eius induam salutari, & sancti eius exultatione exultabunt. Christum enim induent, ei que feliciter adherent qui in ecclesia vices Christi, sicut oportuit, gerere studuerunt. Psal. 133.

### De malo sacerdote. Cap. XXIII.

**P**orrò sicut lux tenebris collata luculentior videri consuevit, ita appetibilior fit virtus, quoties contrarij vitij malignitas monstratur. Cum igitur de bono sacerdote satis dictum sit, operæpretium est, quemadmodum proposuimus, vt aliquid etiam de malo dicamus. Malus est sacerdos, qui non potest dicere cum propheta: Portio mea dominus, cum terrenis opibus inhiat, & non solum his quæ possidet non renunciet, sed etiam ea quæ nondum adeptus est, cupidè affectet. Sunt quos negotiari in domo dei non pudet, imò nec foenerari, ecclesiasticasque dignitates ambitione atque largitionibus comparare, quas cum acquirerint, cuncta ecclesiæ bona, quæ pauperibus distribuenda erant, in suos vsus cōuertunt. Hi sunt quos vendentes & ementes de templo suo eiicit dominus, dicens: Domus mea domus orationis est, vos autem fecistis eam speluncam latronum. Meritò igitur talium cathedras euertit, & cum principibus populi sui in cœlestibus considerare prohibet, vtpote quibus non cœlestis boni adipiscendi, sed terreni abutendi cura semper ac studium fuit. Nihil pensi habuerunt prodesse commissæ sibi plebi, delinquentes corripere, bonos fouere, afflictos consolari, dubiis consulere, sed ignauitæ atque otio deditis magis ventrem suum quam gregem domini. Matth. 23.

E iij) cum

eum pascere solliciti fuere. Malus item est sacerdos, qui vidit lupum venientem, id est, hæreticum aliquē peruersa doctrina fideli gregi infidiantem, & illius dolo alios rapi, alios dispergi, alios mactari, nec tamen it obuiā perfidiæ, sed auersus fugit, ita vt fugiendo ostendat se pastoris nomine indignum. Vnde dicitur: Mercenarius fugit, quia mercenarius est, & non pertinet ad eum de ouibus. Non quia non pertineat ad eum, sed quia sic agat, tanquam si nihil omnino ad eum pertineat, quandoquidem non animarum lucrum, sed pecuniæ quæritet, terrenamque mercedem cœlestibus præferat diuitiis. Talium auaritiam per Malachiam prophetam redarguit dominus, dicens: Quis est in vobis qui claudat ostia, & incendat altare meum gratuito? Et quoniam qui eiusmodi vitio laborant, à deo reprobati sunt, sequitur. Non est mihi voluntas in vobis dicit dominus exercituum, & munus non suscipiam de manu vestra. Per Ezechielem verò etiam comminatur, dum ait: Væ pastoribus Israël, qui pascebant semetipsos, nōne greges à pastoribus pascuntur? lac comedebatis, & lanis operiebamini, & quod crassum erat occidebatis: gregem autem meum non pascebatis, quod infirmum fuit non consolidastis, & quod ægrotum non sanastis, quod confractum est non alligastis, & quod abiectum est non reduxistis, sed cum austeritate imperabatis eis, & cum potentia, & dispersæ sunt oves meæ, eò quod non esset pastor. Quo pacto enim est pastor qui nec religiosæ vitæ exemplis, nec sanæ doctrine monitis gregem sibi creditum alere curat? Quo autem magis deliciis luxuriæque indulget, eo grauius in inferno supplicium feret per Amos prophetam dicente domino: Væ vobis qui opulenti estis in Sion, & confiditis in monte Samariæ, optimates, capita populorum ingredientibus pompaticè domum Israël. Quicquid de pastoribus dicitur, & de presbyteris dictum intelligas.

gas. Cui enim sacramenta vitæ quis ministrat, eius & pastor esse debet, quantum officio suo conuenit, monendo, corripiendo, & quicquid commodis eius cui præficitur, salutique opportunum putabit, exequendo. Episcopi tamen proprium est & peculiare, publicos edere ad populum sermones, vitia reprehendere, ad capeffendas exhortari virtutes, transgressores legis apostolica authoritate castigare, ad pœnitentiam conuersos recipere. Quibus in rebus defecerit, vel per ignorantiam si nesciat, vel per negligentiam si nolit, vel pusillanimitatem si metuat, de fidelium cœtu excludetur, & canibus mutis per contumeliam comparabitur. Cur enim episcopus est, si docere nescit? aut cur scit si non vult? aut quid velle prodest, si non audet quod debet implere? Sed neque presbyter assumat curam animarum, si modò se ad eam rem ineptum nouerit. Male subitur onus, quod imbecillæ vires ferre nequeunt. In eos ergo, qui doctoris ecclesiastici sibi munus vendicant, & nequaquam docent, siue ignorance confusi, siue negligentia corrupti, per Isaiam exclamat dominus & ait: Speculatores eius cæci omnes nescierunt vniuersi, canes muti non valentes latrare. Et iterum: Ipsi pastores, inquit, ignorauerunt intelligentiam, omnes in viam suam declinauerunt, vnusquisque ad auaritiam suam, à summo vsque ad nouissimum. Perditos autem plebis mores vulgi que licentiam illorum qui præsumunt incuriæ ascribi, in Ezechiele vel verbis domini discimus: Si dicente me, inquit, ad impium, morte morieris, non annunciauero ei neque locutus fueris, vt auertatur à via sua impia & viuat, ipse impius in iniquitate sua morietur, sanguinem autem eius de manu tua requiram. Impius ergo peribit quia peccauit. Sacerdos qui eius tuendæ salutis præpositus est quia tacuit, quia peccantem non increpauit, quia errantem in viam seducere non curauit. Atque tanti periculi non igna-

Isaiæ 6.

Ezech. 3.

E iiii] rus



3. Tim. 4.

rus Apostolus Timotheum discipulum obnixè, sollicitè, vrgèter adiurat, dicens: Testificor coram deo & Iesu Christo, qui iudex est viuorum & mortuorum, per aduentum ipsius & regnum eius, prædica verbum, in sta, opportunè, importunè, argue, obsecra, increpa, in omni patientia & doctrina. Et paulò post: Tu verò vigila, inquit, in omnibus labora, opus fac euangelistæ, ministerium tuum imple, sobrius esto. Porro illi quorum ignauia populus corruptus extra iustitiæ limites aberrat, & per abrupta delabitur vitiorum, quàm damnabiles existant Ieremias testatur, dicens: Væ pastori-  
bus qui dispergunt & dilacerant gregem pascuæ meæ dicit dominus. Quæ nam vel dispersio perniciosior, vel crudelior dilaceratio, quàm eos qui tibi cõmissi sunt, pereuntes videre & negligere: à diabolo superari, & succurrere nolle: imò etiã tergiuersari & fugere: dum vereris ne quis tuis increpationibus offensus tibi aduersetur, tibi detrahat, tibi aliquo detrimẽto sit. Sed meminisse debes, quemadmodum dominus miserit apostolos inter gentes sicut agnos inter lupos, & illi profecti cum fiducia euangelizabant dei verbum, nec supplicia nec mortem expauescentes, dum obsequiũ præstarent deo. Nihil ita metuere debemus, vt dei iudicium. Temporale est quod ab hominibus times: quod autem à deo maximè timere debes, æternum est. Perdere corpus tantummodo possunt homines, deus verò & corpus & animam mittere in gehennam potest. Hoc quoque mali habet negligentia sacerdotis, quod dum contemnit, contemnitur: dum timet, à nemine timetur. Sal quippe infatuatum ad nihilum valet. vltra, nisi vt proiciatur foras, & conculcetur ab hominibus. Leue tamen & minimum quiddam est, mortalium pati iniuriam, nisi etiam dei iudicio damnarentur. Sed in psalmis de iniquo sacerdote dicitur: Cùm iudicatur, exeat condemnatus, & oratio eius fiat in peccatum,

Iere. 23.

Psal. 108.

tum, Fiant dies eius pauci, & episcopatum eius accipiat alter. & alia multa, quæ licet ad Iudam dominum sui proditorem referantur, nihilominus ad sui quoque similes redundant. Sui autem similes sunt, qui ad apostolatum electi, potentioribus ita blandiuntur, ut eorum scelera dissimulent, & sic dominum osculo prodant. Eundem etiam vendunt, dum nihil ita cupide ut lucra sectantur, sed cum hi tam immani ingenti que supplicio destinati sint, illi qui ut debent, officio suo funguntur, dici non potest, quam grandi mercede remunerabuntur. De his nempe Apostolus ad Timotheum scribens, ait: *Qui bene præsunt presbyteri, duplici honore digni habeantur, maxime qui laborant in verbo & doctrina. Duplici honore dignus est, cui & reuerentia exhiberi debet, & victus necessarius suppeditari, cum scriptum sit: Non alligabis os bouis triturantis. Et: Dignus est operarius mercede sua. Tunc tamen melius duplici honore digni erunt, cum animæ simul & corporis beatitudine perfruentur & aliquot felicitatis gradus cæteris eminentiores apparebunt. Satis hæc de sacerdote, nunc de sanctarum lectionum studio, fideli animæ admodum necessario tractabimus. Nihil enim rectè discitur, quod de ipso veritatis fonte non hauritur.*

1. Tim. 5.

Deut. 25.

Matt. 10.

## De studio lectionis. Cap. XXIII.

**I**gitur ad scripturæ diuinæ studium omnes qui perfectionis iter ingredi cupiunt, conuocamus cum Iohanne in Apocalypsi: *Qui sitit, veniat: & qui vult, accipiat aquam vitæ gratis. Beati sunt, qui sitiunt & esuriunt iustitiam, sed nisi scripturarum lectioni operam impendant, iustitiæ præceptis nequaquam saturari poterunt. Sicut autem sitientibus dulcis est potus, ita discere cupientibus diuina sapit lectio.*

Apoc. 22.

illi

2. Tim. 6.

Scribit mo-  
re antiquo-  
rum.

Iohan. 19.

Illi duntaxat ad cœlestem cibum nauseant, & manna fastidiunt, qui Aegyptiorum iurulentis repleti, id est, inani gentilium poëtarum eloquio deliniti, magis fabularum fictione quàm veritatis doctrina delectantur. Hi sunt qui (vt Apostolus inquit) elegerunt sibi magistros prurientes auribus, & ad fabulas conuersi, auditum à veritate auertunt. Nos contempta istorum stultitia, in quibus nulla solida sapientia est, illis tantummodo lectionibus incumbamus, quæ nobis iter, quoad immortalitatem peruenitur, ostendunt. Alioquin aquam istam vitæ, ad quam nos Iohannes apostolus inuitat, haurire non poterimus. Veteris igitur nouique instrumenti literas assidue perscrutemur. In his plenissimè discitur, quid facere, quid vitare, quid credere, quid amare, quid sperare nos oporteat, vt cœlo digni simus cum terram reliquerimus. In his deum patrem à quo omnia, in his filium, per quem omnia: in his spiritum sanctum, in quo omnia facta sunt, inuenies: & hæc tria vnum deum, vnā hypostasim esse melius credendo intelliges, quàm intelligendo credes. Magnum quippe mysterium est sancta trinitas, humanæ sapientiæ altitudinem excedit, fide percipitur, sine qua ad beatorum æternitatem nemo transfertur. Audiamus autem in Euangelio dominum Iesum patri suo loquentem ac dicentem: Hæc est vita æterna, vt cognoscant te solum deum verum, & quem misisti Iesum Christum. Vt igitur fide ac virtutibus proficere possimus, abeamus cum Iesu per scripturarum sata, vellentes veteris nouæque legis spicas: & vt triticum sub paleis latens comedere valeamus, confricemus eas manibus intelligentiæ spiritualis, promentes in lucē, quicquid sub figurarum ambage condi credimus, nihil erit menti deo dicatæ iucundius, quàm nosse sensum domini, & verba aliud quàm sonant significantia intelligere. Et quoniam hanc spicarum confricationem sabba-

sabbato ab apostolis factam legimus, hoc admonet nos ea quæ mystica sunt, cōmodè perpendi considerari que non posse, nisi cum secularibus curis liberi & expediti, sabbatum, id est, quietem agimus. Terrenarum enim rerum sollicitudo legentem implicat, & ipsa in diuersum mentem distrahens cogitatio, quæ leguntur, quæque audiuntur, non satis intelligere permittit. Intentione animi opus est, vt lecta percipias, & percepta edificas, teneasque memoriter. Postquam autem mysticos sensus literæ tegumento velatosprehenderis, & eos vel ad ecclesiæ nouitatem, vel ad animæ vtilitatem transtuleris, adhuc altius tibi erit insurgendum, vt etiam coelestia perscruteris, & de visibilibus gradum ad inuisibilia facias. In montem excelsum ascendentibus discipulis apparuit dominus Iesus: non qua solebat specie, sed longè elegantiori. Resplenduit enim facies eius vt sol, vestimenta eius alba facta sunt vt nix. Hunc montem ipse si mente conscenderis, videbis primum cum Christo loquentes Moysen & Eliam, atque intelliges legis ceremonias oraculaque prophetarum in Christo esse completa, ingentemque capies voluptatem, cum talia cognoscere cœperis. Vnde etiam Petrus tam valde huiusmodi visione cœpit delectari, vt ibi figere tabernacula cuperet, coelestium oblitus. Sed neque ipse de his humilioribus oblectamentis egredi poteris, vt in sublime raptus nudam contempleris diuinitatem, nisi & te sicut apostolos lucida spiritus sancti nubes obumbrauerit, dei patris vox roborauerit, & filij eius gratia illuminauerit. Totius autem trinitatis fauore supra humanæ naturæ conditionem erectus, nec Moysen amplius, nec Eliam conspicias, sed Iesum solum. Cessant enim & figurarum vmbra, & futura prædicentium vox, cum veritatis lux oritur, & quæ ventura erant, eueniunt. Non est ergo nostrarum virium, sed opis diuinæ, vt quis legendo mysteria intelligat: quāto minus

Matth. 4.

nus vt etiam supercœlestis contemplationis dulcedine mens in deum eleuata perfundatur . Hoc tamen illis frequentius conceditur , qui libros diuinos ita legunt, vt à sanctorum interpretatione non discedant : à peruersis sensibus, qui cum ecclesia non concordant penitus abhorrentes. Quare igitur in sancta lectione bonas margaritas, vt scias quid lex præcipiat, quid nuncient propheta. Sed inuenta deinde preciosa margarita, quæ est Euangelium Christi omnibus aliis præferendum scripturis, eam amplectere, eam exosculare, eam pro viatico habere cum ambulas, pro cibo cum recumbis, pro puluillo cum dormis, pro speculo cum vigilas, nunquam Euangelicus codex vel de manibus tuis discedat, vel de memoria exeat . In eo si assiduus fueris, cœlestium desiderio terrena contemnes, & hoc quidem erit, vendere omnia quæ in præsentī vita possidentur, & ipsam emere margaritam, quæ Christi conuersatione fulget, & humanæ redemptionis precio taxatur. Quicquid autem nouum continet instrumentum, ad Euangelium pertinere censemus. Itaque cum Euangelio & Pauli epistolæ & aliorum apostolorum, & Lucæ Actus, & Iohannis Apocalypsis, & eruditorum hominum approbati de religione tractatus, frequenter in manibus habendi legendique tibi erunt, vt fide stabilis, vt virtutibus præstes, & in Christo domini meditatione perseverans, in deo tandem conquiescas . Nihil ita innocentiam conseruat, & cordis puritatem custodit, vt scripturarum, quas diuini homines sancto distante spiritu ediderunt, quotidiana lectio. Non est vt imperitiā excuses. Lege multa: & si solido cibo nondum vesci potes, lactis poculum ne spernas. Denique sume quod potes, fragmenta verò quæ supersunt, in doctiorum cophinos colligenda dimitte. Homines & iumenta pascit dominus, doctos & indoctos admittit, neminem repellit . In monte apostolos

stolos docuit: de monte verò descendens, prædicauit plebi. Habes in Euangelio & vias planas, per quas incedere cum simplicibus iuuat. Habes & montes excelsos, quorum altitudinem si adire nequiueris, mirari proderit. Medicamenta quibus rebus composita sunt, licet ignoret ægrotus, prosunt tamen ei, eleuantque languorem. Ita diuina verba si legantur, etiam non intellecta vim habent ad animæ sanitatem conferendam. Te nunc appello, qui diu multumque in gentilium libris versatus es, dum te comptus delectat sermo, & musici poëtarum cantus deliniunt, quantum inde tibi emolumenti contraxeris parumper cogita, & cum nihil ista tibi ad salutem profuisse cognoueris, ad Iesum tandem quæso conuersus, dic cum Petro: Præceptor, per totam noctem laborantes nihil cepimus, in verbo autem tuo laxabo rete. Et cum hoc (inquit euangelista) fecissent, concluderunt piscium multitudinem copiosam. Quod si demum in scripturæ sacræ pelago piscari te delectabit, tu quoque implebis pectoris tui nauiculam saluberrimorum præceptorum copia, quibus & ipse viuere, & alios docendo poteris sustentare. Tanta est enim diuinorum virtus verborum, vt fideliter & incorruptè & contentè legentibus intellectum illuminet, animum exhilaret, atque illa quæ præcipiuntur, perficiendi facultatem suppeditet. Quod si tacta fimbria vestimenti domini, virtus de illo exibat & sanabat omnes, quomodo sermo eius ex intimis effusus præcordiis, dum legitur, dum auditur, animi malè affecti morbos non curabit, & à periculis perditionis non eruet? Ergo quoties aliquo seculi huius turbine agitaris, quoties carnis pugnam spiritus patitur, & pedibus laquei dæmonum inuidia tenduntur, ad euangelicas lectiones te conuerte, dormientemque in puppi saluatorem strepentibus inter

Luc. 5.

inter legendum vel orandum voculis excita, statim il-  
do imperante, omni tentationum æstus concidet, &  
concupita redibit trāquillitas. Tūc etenim diuina te-  
lectio docebit in aduersis patientiam, in prosperis mo-  
destiam, in deum pietatem, in proximos charitatem:  
præstabitque in dubiis consilium, in periculis opem,  
in tentationum certamine victoriam. Quis hoc tibi  
Tullius, quis Demosthenes, quis Socrates, quis Aristot-  
eles, aut si ad poëtas respicis, quis Homerus vel Ver-  
gilius conferre poterit? Quandoquidem nec sibiipsis  
quicquam prodesse potuerunt, veritatis nobis diuini-  
tus reuelatæ penitus ignari. Porro cū experiri cœ-  
peris voluptatem atque fructum, quam tibi lectio sug-  
geret diuina, protinus cum Psalmista cōcines: Eloquia  
domini eloquia casta, argentū igne examinatum, pro-  
batum terræ, purgatum septuplum. &, quā dulcia  
faucibus meis eloquia tua domine super mel & fauura  
ori meo. Dulcia sanè in cortice eloquia domini, sed  
multò dulciora in medulla. Sacros codices piè indubi-  
tantérque legenti adfistit Christus, applaudunt ange-  
li, congratulantur sancti, & coelestium verborum so-  
no maligni exterrentur spiritus ac fugiunt: denique  
nihil ita aut virtutes animi conseruat, aut vicia repel-  
lit, vt frequens diuinas literas legendi vel audiendi  
cura. Quo autem rarius his vacabis, eo citius cades,  
exurgesque difficilior.

*De auditionis cura. Cap. XXV.*

**A**Vdire quoque quæ in ecclesia leguntur, vel eos  
qui absque lectione in pulpitis declamāt, auscul-  
tare plurimum expedit. Plus etiam eruditi ho-  
minis ore prolata verba mouere solēt, quā si eadē  
ipse conscripta legeris. Nuda in libris verba iacent,  
quæ si ab oratore aliquo aptè disertèque recitentur.  
Ipse gestus, ipse aspectus, ipsaque pronuntiatio multum

ora-

Psal. 117.  
Psal. 118.

orationi addet ornamenti efficaciamque; ad suadendum atque dissuadendum. Delectet te igitur cum legere quæ sancta sunt, tum quoties ab alio leguntur vel prædicantur audire. Discipulum docile te esse volo. Is enim docilis est, qui docentem attentè audit. Ad huiuscemodi studium te hortatur Ecclesiasticus, dicens: Esto mansuetus ad audiendum verbum dei, ut intelligas & cum

Eccl. 5.

sapientia proferes responsum verum, Quasi dicat, discite prius, & postea docebis. Et iterum: Si, inquit, dilexeris audire, sapiens eris. Idem nobis præcipit Iacobus apostolus, cum ait: Sit autem omnis homo velox ad audiendum, tardus autem ad loquendum. Temerarius enim magister est, qui nondum ipse discipuli partes implevit, & iam alios instruere præsumit. Ut autem tacitè contentèque auscultes, & non aliò aures, aliò mentem diuidas, in mansuetudine, inquit, suscipite insitum verbum, quod potest saluare animas vestras.

Iacobi 1.

Inferi enim verbum non potest, nisi in molli corde & totis viribus ad audiendum intento. Verbum, inquit, quod potest saluare animas vestras. Frustrà quippe verbis illis præbemus auditum, quorum suauiloquentia aures tantum demulcentur, & nulla comparatur animo utilitas. Rectè itaque his duntaxat intendendum præcipit, quæ ad consequendam æternam salutem nos erudiunt. Sed nec audire profectò multum prodest, nisi audita memoriter retineantur: nec memoriter retinere, nisi quod memoriæ mandatum est, opere compleatur. Audis castitatis, patientiæ, mansuetudinis, charitatis præcepta: ne finas illa per incuriam effluere, sed corde complexus fove, ut cum Psalmista dicere possis: In corde meo abscondi eloquia tua domine, ut non peccem tibi. Memento præterea de ipsa dei genitricis scriptum esse in Evangelio: Maria autem conservabat omnia verba hæc in corde suo, ita & tu quicquid ab ecclesiæ sanctæ doctoribus prædicari audieris,

Psalm. 118.

Lucæ 2.

ris,



Lucæ 6.

ris, in intima cordis aure reconde, veluti preciosum vnguētum in pixide, quo postea opportunè vtaris ad tuā aliorumque salutem. Quòd si terra bona fueris, non petrosa, non spinis obsita, susceptum verbi semen haberem tibi fructum faciet: & sicut didiceris, ita & operari incipias, ac secundum legis euangelicæ præcepta reliquum vitæ cursum dirigere studebis. Alioquin neque legere, neque audire proderit si ab iis quæ præcipiuntur, morum conditio discors erit. Et si nosse desideras quantū ignauus auditor & impiger inter se differant, audi in Euangelio dominum dicentem: Omnis qui venit ad me, & audit sermones meos, & facit eos, ostendam vobis cui similis sit: Similis est homini ædificanti domum qui fodit in altum, & posuit fundamentum supra petram, inundatione autem facta, illisum est flumen domui illi, & non potuit eam mouere, fundata enim erat supra petram. Qui autem audit & nō facit, similis est homini ædificanti domum suam supra terram sine fundamento, in quam illisus est fluius, & continuo cecidit, & facta est ruina domus illius magna. Sicut ergo infirmus & imbecillus est, qui non facit opera, ita ad omnem malignæ tentationis impetum constans est & stabilis, qui assidue in bonis operibus exercetur. Quamobrem sollicitè nos admonet Iacobus apostolus, & ait: Estote factores verbi & non auditores tantum, fallentes vosmetipsos, quia si quis auditor est verbi & non factor, hic comparabitur viro consideranti vultum natiuitatis suæ in speculo: considerauit enim se & abiit, & statim oblitus est qualis fuerat: qui autem perspexerit in lege perfectæ libertatis, & permanserit in ea, nō auditor obliuiosus factus, sed factor operis, hic beatus in facto suo erit. Ideo quidē & dominus in Euangelio: Beati, inquit, qui audiant verbum dei & custodiunt illud. Hanc itaque beatitudinem opere magis quàm auditione constare ostendit, dum subiungit: Et custo-

Lucæ 12.

custodiunt illud. Custodiunt autem illud, qui bene beateq; viuendi rationem edocti, peccatis in quibus hactenus fuisse se recognoscunt, finem statuunt, & ab his per poenitentiam resilientes ad capeffendas virtutes disponuntur, magnamque capiunt voluptatem vel legendi diuina vel audiendo. In quo Mariam ad pedes domini sedentem diligenter obserua, tantaque perfusa in sermonis eius dulcedine, vt nulla sororis Marthæ interpellatione inde mota fit: & quoniam toto corde coelestis magistri amplectebatur disciplinam, optimam partem dicitur elegisse, quæ non auferetur ab ea. Christum enim elegerat, in cuius vnus contemplatione tam summiter requiescebat. Quotus autem quisque est, qui sic in ecclesia sacris prædicationibus interesse nititur, vt præcepta vitæ absque operatione non elabifinatur: alius nullo amoris affectu illa suscipit, alius tametsi donec audit aliquantulum compungitur, mox tamen inde discedens ad consuetas nequitie sordes reuertitur, tanto nequior factus, quâto inexcusabilior. Talibus dicit dominus: Qui ex deo est, verba dei audit, propterea vos non auditis, quia ex deo non estis. Non ergo omnes, qui in auditorio sunt, audiunt verbum dei, sed is qui illud quod audit, opere perficere contendit, & hic quidem ex deo est: illi verò non ex deo, sed potius ex diabolo sunt, qui diaboli obstinationem duritiamque imitantur, nec omnino à vitiis resipiscere quicquam pensi habent. Itidem tibi diuini prædicatores cum Iohanne apostolo respondebunt, si eorum monita contempleris, dicentes: Nos ex deo sumus, qui nouit deum, audit nos, qui non est ex deo, non audit nos: Omnes natura ex deo sumus, vitio autem nostro fit vt ex deo non sumus. Porro dici non potest, quàm pessimè cum homine illo agitur, qui cum dei creatura sit, iam non dei, sed aliorum esse conuincitur.

Idem 10.

Iohan. 8.

1. Ioh. 14.

F

De contemplatione. Cap. XXVI.

**Q**uoniam autem in scripturis alia ad actionem pertinent, alia ad contemplationem, tempestivum videtur, ut ista quæ sub fidei titulo explicavimus, contemplandi ratione claudamus. Igitur ad consideranda dei opera puritate mentis opus est, ut authoris dulcedinem fidelis considerator valeat degustare. Quis enim ascendet in montem domini, aut quis stabit in loco sancto eius, nisi innocens manibus & mundo corde? Illos ergo magis ad hanc rem idoneos esse certum est, qui vitæ probitate perfectioni Evangelicæ propius accedunt. Hinc apostolis ipsis datur novum mysterium regni dei. Hinc Paulus ad tertium usque rapitur cælum. Hinc Iohanni futura, quibus referta est Apocalypsis, revelantur, & unica sanctæ trinitatis divinitas in principio sui Evangelij declarata plenissime innotescit. Idcirco saluator noster illum, quæ à demonio liberauerat, continuo volentem sibi adherere non permisit, sed prius ut se exerceret, iussit: alijs prædicando dei beneficium quod acceperat. Necessè autem est ut sanctis actionibus quàm sapissimè copuletur, & penè assidua comes sit pia cõtemplatio, si in his ut debemus, perseverare atque proficere cupimus. Sic enim bene operando acquiritur ut rectè contemplemur, ita contemplando, ut sanctius officiosiusque operemur. Nihil quippe ita movet atque allicit animum ad colendum omnium authorem deum, ut opera eius cogitatione percurrendo beneficia quæ perpendendo, quæ omnem taxationem supereminent & excedunt, immensa atque infinita, eoque magis optanda ac desideranda, quo minus humano ingenio explicari comprehendique possint. Ad illa ergo cõsurgat animus terrenis negotijs expeditus, & non solum ea quæ oculis cernimus, sed etiam quæ intellectu percipiuntur cogitet.

Verun-

Psal. 23.

Marci 5.

Veruntamen ab his quæ videtur incipiat, vt quasi per gradus ascendendo ad ea quæ non videntur queat peruenire. Primum itaque cum propheta ad deum cōuersus dic: Meditabor in operibus tuis. Quæ nam sunt opera ista: terra, mare, cœlum, quorū ille admiratione captus in eam tandem prorupit vocem: Quàm magnificata sunt opera tua domine, omnia in sapientia fecisti. In medio enim firmasti terram sua mole libratā, partim aridam, partim aquis circumfusam, collocasti tam varia in mari piscium genera, q̃ in sicco quadrupedum pedibusq; carentium reptilium, & supra terram aëra permeātium volucrū, produxisti de terra tot frugum species, tot arborum, tot lapidum, tot metallorum, & qui his vteretur, præstantissimum inter animātia hominem. Tuum opus sunt cœlestia, sol, luna, stellæ, quarum cursus, naturas, formam, decoremq; oculis intuemur, & tamen quæ materia consent, dicere nequimus. Tu cœlum quo omnia ista circundantur, extendisti, quod statutis initio revolutionibus, perpetuò moueri ac circumferri videmus, quemadmodū cætera omnia, & nos soli (proh nefas) legem tuā toties præterimus. Miramur præterea nubes pendere, ventos concitari, micare ignes, fulmina ruere, pluuias, grādines, niuesq; defluere, & tellurem ab iis irrigari, quæ singula si digne considerentur, tantum admirationis habent, vt non solum dei sapientiam, à quo facta sunt testentur, sed eiusdem potentiam, qua nihil potētius, & bonitatem, qua nihil melius, possit excogitari. Ille homines corporeos, ille incorporeos angelos fecit, vtrosque ad fruendam cœlestis regni beatitudinem benignissimè constituens. Ex his tamen non parua pars per arbitrij libertatē suo aduersata est creatori. Inter quos angeli cum peccassent, à tanto bono diuina largitate sibi collato excidēre. Itaque protinus de cœlo præcipitati, & in intima corruentes irrevocabili damnatione puniti sunt.

Psal. 70.

Psal. 110.

F ij Ho.

Homini autem quandiu in corpore viueret, quia ignorantia magis quam malitia peccauerat, datus est poenitentiae locus, vt quod seductus male appetendo commisit, dolendo emendaret. Sed tamen pristinae gratiae statum recuperare de radice corrupta geniti nequiuimus, donec ille qui non per copulam carnis, sed de virgine intacta per spiritum sanctum est natus, in mundum veniret, & nos corporis sui sacrificio expiatis deo patri reconciliaret. Exinde credentibus atque poenitentibus coelum patere coepit. Quod si quis a malo, quod deinceps commisit, non se correxerit, atque ita obierit, ipse quoque cum reprobis spiritibus poenis mancipabitur sempiternis. Tunc enim quisque ratam iudicis in se sententiam accipit, cum de corpore egreditur, iterum postea cum corpore simul iudicandus, cum mortui resurgent viui, & canente tuba throni positi erunt, vt quisque illud quod viuendo meruit praemium consequatur. Hinc demum neque beatorum gloria vllus vnquam erit finis, neque supplicij iniquorum. Atque haec sane sunt nouissima illa quorum nos memores esse iubet Salomon ne peccemus. Nihil enim vel peccandi appetitum magis frenat, quam futurae damnationis metus, vel ad virtutem magis excitat, quam mercedis promissae spes: vt igitur probe innocenterque viuas, imitare prophetam dicentem: Cogitavi dies antiquos, & annos aeternos in mente habui. Antiqui sunt dies, qui praetereunt, & ad praesentis vitae breuitatem pertinent, anni vero aeterni ad vitae futurae infinitatem spectant: & si finiti ad infinitum nulla est comparatio, cur, quae pro breuib. deliciis amittimus aeternas, & non potius cum breui labore transimus ad quietem gaudij perennis? Conscij igitur fragilitatis nostrae, nec per se bonum quod cupimus, valentes perficere, leuamus oculos ad montes cum Psalmista, & mente coeli culmina penetremus. Inde veniet nobis auxilium  
a do-

Psal. 76.

à domino, qui fecit cœlum & terram & omnia. Non possumus rectè de illo aliquid speculati, nisi ab ipso adiuti, qui que nobis relictî retrò labimur, dei ac domini nostri ope subleuati vsque ad thronum maiestatis eius peruenimus. Ad contemplandam itaque diuinitatis altitudinem, dic cum propheta: Ad te domine leuavi animam meam, deus meus in te confido, & tunc fiet quod in alio psalmo dicitur: Accedet homo ad cor altum, & exaltabitur deus. Quanquam tam altè accedere, vel tam profundè de deo cogitare nequimus, quin ille semper omni meditatione nostra in immensum maior sit: exaltatur tamen in nobis, quoties quæ vera sunt de ipso sentimus, & quemadmodum sentimus, ita nec palam confiteri metuimus. Deum autem sicut decet contemplantibus multa interdum infunditur spiritus sancti suauitudo, qua delectatus propheta orabat, dicens: Lætifica animam serui tui, quia ad te domine animam meam leuavi, quia tu domine suauis & mitis, & multum misericors omnibus inuocantibus te. Hac ipsa cœlestium meditationum iucunditate temperari calamitatum suarum mœrorem humilis Iob optabat, cùm diceret: Quis mihi tribuat vt cognoscam & inueniam illum, & veniam vsque ad solium eius? Tutissimum sibi refugium ratus in miseriis celsitudinis diuinæ contemplationem. Qui enim cœlestis æternitatis bonum mente complectitur, caduca omnia facillè contemnit. Quosdam talis meditatio intantum occupat, vt abstracti à sensibus toto corpore obstupescant, mortuisque simillimi appareant, cùm per dies multos nihil de necessitatibus corporis curantes immoti mutique perdurent. Id Græci extasim, nostri stuporè appellant. Hunc passus Paulus transcendit cœlos & audiuit arcana verba, quæ non licet homini loqui: nescireque se fatetur, vtrum cum corpore an extra corpus raptus fuerit, cùm id sibi contigisset. Iohannes quoque

Psal. 24. 1.

Psal. 85.

Iob 13.

2. Cor. 11.

F iiij in

Apocal.

in Apocalypsi se in spiritu non in corpore fuisse ait cum dominum vidit: Et cum vidissem eum, inquit, cecidi ad pedes eius tanquam mortuus. Sed quo viso per se stare non poterat, ab eo erectus mirabili mysteriorum visione perfrui coepit. Dimus quoq; Hieronymus noster hanc se gratiam a domino quandoque accepisse gloriatur, vt secessu quodam mentis & angelorum choris interesset, & nescio quibus oculis in vno deo vidisset trinitatem, ac per hebdomadam vel plurium dierum spacium de corporeis nihil curaret, sibi que tandem redditus, eorum quæ viderat desiderio recordatione que afficeretur & fieret. Nouit ergo dominus eis quos elegit, etiam ante mortem suæ dulcedinis mella delibanda porrigere, quæ tunc plenis poculis propinaturus est, cum illos omni prorsus terrenæ labis fece deterfa ad se sursum iusserit venire, & sanctorum ciues ac suos domesticos fieri beatos in æternum futuros.

## De loco & tempore contemplationis. Cap. XVII.

**C**Aeterum & locum aptum, & tempus huic rei congruum obseruare debemus. Tunc enim mens liberius intentiusque contemplationi suæ inhæret, cum a turba secedimus, & nemine interpellante soli in solo loco sedemus nihil aliud agentes, nihil curantes, eis tantum rebus intenti, quas animo volumus menteque versamus. Ob hoc plerique relictis vrbibus deserta & solitudines incolunt, existimantes non posse se commodè cum deo simul & hominibus esse, colloquiis enim eorum cœlestis contemplationis ardorem interceptum frigescere, in se-

cessa

cessu verò in dies magis accendi solere . Tempus  
 præterea nocturnum maxime accommodum vide-  
 tur . Tunc siquidem omnia animantia quiescunt ,  
 neque hominum , neque pecudum vox auditur ,  
 neque auicularum garritus auribus obstreperit, nihilque  
 sentitur , quod mentem coeli secreta rimantem  
 grauet , aut quicquam molestat . Hoc tibi affirmat  
 Psalmista , dicens : Meditatus sum in nocte cum Psal. 76.  
 corde meo , & scopebam spiritum meum . Sum-  
 mum etiam mane , dum adhuc nox dubia & dies  
 incertus , quod crepusculum appellant , non mi-  
 nus erit opportunum quam nox ipsa . Nam tunc  
 quoque nocturnum silentium adhuc perdurat , &  
 quod plus est , discussio iam sopore ciboque dige-  
 sto syncerior animus ad quæque consideranda vi-  
 uaciorque consurgit . Vnde idem propheta in alio  
 Psalmo ait : Præuenerunt oculi mei ad te dilucu- Psal. 118.  
 lo , vt meditarer eloquia tua . Sed interim neque  
 nos fortasse quicquam musitare oportet dum con-  
 templamur . Loquentis enim meditatio, oratio nun-  
 cupatur , sicut & legentis lectio , & audientis au-  
 ditio . Nam licet etiam orando , legendo , audien-  
 do pensemus æstimemusque ea quæ dicuntur , pro-  
 priæ tamen contemplatio ipsa est , quæ cum silen-  
 tio , & neque sensuum , neque corporis , sed sola men-  
 tis agitatione perficitur . De huiusmodi contem-  
 platione in Ieremia scriptum est : Sedebit solita- Thren. 3.  
 rius & tacebit , quia leuauit se supra se . Verunta-  
 men præ omnibus quæ piis animis recolenda &  
 contemplanda sunt , expediens erit redemptionis  
 nostræ ruminare mysteria , & eadem quam sæpissi-  
 me ad memoriam reuocare . Quanto enim ma-  
 ius beneficium fuerit , tanto illud rememorando  
 magis erga benefactorem amore accendimur . Pri-  
 morum parentum præuaricatio , de paradisi deli-  
 cijs



ciis omnem ipsorum expulerat posteritatem, eademq; damnationis lege simul omnes premebamur. Misertus autem deus filium suum misit vnigenitum, qui vt pro nobis satisfaceret, carnem suscepit serui, cum esset omnium dominus: viam veritatis demonstrauit, cum totus terrarum orbis præter Iudæam, impiæ religionis erroribus plenus foret. Morti æternæ obnoxij eramus, ille vltro se morti crucis obtulit, vt nos à morte liberatos ad felicia vitæ promissa reuocaret. Mortuus & sepultus resurrexit, cœlumque cum homine assumpto ascendit, vt homines de terræ puluere tandē surrecturos monstraret, & cum corpore iam neque mortalitati neque corruptioni subiecto, sicut nec ille subiectus est, cœlum petitorios, si modò ipsum sequi fide opereque voluerint. Igitur tãti ac talis beneficij magnitudinem animo metiendo, quis adeò ingratus erit, vt potius eligat illa, quæ caro appetit, quæ mundus blanditur, quæ suadet diabolus, quàm quæ omnium creator deus, omnium redemptor ac saluator Christus iubet: cum præsertim per ista mundati ad cœleste regnum perducamur, per illa autem æterni ignis cruciatibus mâcipandi simus. O stupendam obstinatorum cæcitatē. In tanta temporis breuitate nolunt carere voluptatibus, per quas certissimum est ad inferos præcipitium, & laborem tam modici temporis defugiunt, per quem aditus ad supernam beatitudinem verissimè comparatur sine fine fruendam.

## *De prauis cogitationibus cauendis.*

### *Cap. XXVIII.*

**Q**uantum autem ad bene beatèq; viuendum conferre solet diuinarum rerum contemplatio, tantum ad malè agendum alliciunt cogitationes prauæ. Quæ cum etiam inuitis nobis & nolentibus

tibus frequenter obrepant, quanto violentiores putas fore, si quando victus manum dederis, qui nunc repugnas? Mihi crede, nisi semper bellū cum illis quāmpacem malueris, per sensuum tuorum ianuās ad animam vsque ingredientur, & per blandimenta eā subuertent, subuersam interiment. Anima enim mala cogitatione foecunda, parit peccatum: peccatū verò cū perpetratum fuerit, generat mortem. Igitur tametsi aduersarius hic noster, id est, perniciosus cogitatus, non potest sic penitus repelli & in fugam conuerti, quin rursū aliquando collectis viribus in praelium redeat, mentisque nostrae arcem oppugnet, portis instet: donec tamen iatus non irruerit, ac dominari coeperit, tuti sumus: nec verendum est ne forte per vim irrumpat, neminem vincit nisi volentem. De illis duntaxat, qui se in potestate eius non inuitē dedunt, triumphare consuevit, & eos ad interitum vsq; perducere. Nihil itaq; aliud est, impurae cogitationi totum animi assensum praebere, quā ab hoste nobis insensissimō sanguinisq; nostri in primis cupido superari velle. Manifesta autem stultitia est, ei spontē cedere, a quo nil nisi necem speres. Hoc tibi testatur Salomon, dicens: Qui cogitat mala facere, stultus vocabitur. Ac ne forte de furioso, cuius error excusatur, dictum putares, continuo intulit: Cogitatio stulti peccatum est, Stultus ergo, nec tamen excusabilis peccator erit, qui quicquid appetitio suggererit, illud protinus curabit sequi: & carni magis quā spiritui seruire decernet. Quæris quonā pacto non solum in factis aut dictis, verumetiam in ipsa cogitatione possit esse peccatum? Rem alienam iniuste concupiscis, bonum alterius inuides, laesus vindictā appetis, visae mulieris venereo amore turpiter exardescis, & quodcunque malum ita cogitas, vt si posses, perficere velles, ab illo qui etiam occultorū index est, profecto tibi imputabitur. Alter enim deus, alter homo iudi-

Iacobi 1.

Prouer. 24.

iudicat, deus quem nihil latet, in omnibus voluntatis affectum pensat: homo verò, quia cordis alieni secreta rimari nequit, commissum tantummodo crimen examinat, nec quærit, prudens an imprudens feceris aliquid mali, sed semper tanquam voluntarium punit. Denique apud deum qui odit fratrem suum, homicida est, apud homines verò non habetur pro homicida, nisi qui conficit hominem. Apud deum qui viderit mulierem ad concupiscendâ, iam moechatus est eam in corde suo: apud homines nisi commissi adulterij conuictus fuerit, pro concupiscentia quæ cordis crimen est, plecti non debet. Sed quid prodest, pro cogitato flagitio humane legis multam non subire, cum propter illud iudicio dâneris diuino, & æterni reus habearis supplicij? Lex diuina vxorẽ proximi, bouẽ, ancillam, & quicquid illius est, concupiscere prohibet, si concupieris tantum, legẽ dei præuaricatus es, qui autẽ sic peccat, nisi eũ poenituerit, nõ poenam temporariã meretur, sed æternã. Ideo in sacris literis est scriptũ: Peruersæ cogitationes separât à deo. Et iterũ: Abominabile domino cor prauum. Quòd si beati sunt mundo corde, quia deũ videbunt, profectò qui immundæ cogitationes scditate inquinantur, deũ videre non poterunt. Quis autẽ dicere queat, quãta sit infelicitas illius desperare conspectũ, in quo vno videndo omnis nostra beatitudo consistat. Quamobrẽ totis viribus est cauendũ, ne cũ tanto animæ nostrę dispendio, illicitę cogitationis laqueis irretiamur, & dominus, cui nihil est absconditũ, sicut olim Iudæis, ita etiam nobis exprobrẽt, dicens: Vt quid cogitatis mala in cordibus vestris: Primò suggestioni lasciuientium cogitationũ erit resistendũ, ne placeant, deinde si quicquid delectauerint, ne eatenus gratę sint, vt vsq; ad cõsensum facti animũ inclinent. Quòd si euserit, iam certẽ cõmisisti scelus illud, quod cogitasti vt cõmitteres, si adesset facultas, dareturq; occasio. Quo-

tia

Sapient. i.  
Prouer. ii.

Matth. 9.

ties enim iniquæ actionis implendæ potestas tollitur, volûtas peccâdi pro factô habetur. Cûm ergo se nobis noxij perniciosique ingerent cogitatus, præteruolare præterq; labi sinatur. Non habebunt in corde nostro vllum remorandi locû, si contraria illis cœperimus cogitare, & vitij virtutisq; finē taciti perpédere. Brevis est vitiorum voluptas, sed æternû suppliciû. Brevis est virtutis exercédæ labor, sed inestimabile & infinitum præmiû. Fâcciat igitur malignæ cogitationis mortifera delectatio, quæ incautos in barathrum præcipitat inferni. Maneat autē diuinorû operum diuinarumq; legum meditatio salubris, quæ nos ad cœleste regnum transmittat, & sanctorû angelorû faciat esse cõsortes. Verûtamen si ad puræ contéplationis domû cupimus peruenire, nõ solum scelestæ cogitationis vitâde erût, sed etiam futiles ac vanæ. Vana cogitatio est circa ea quæ fluxa atq; fragilia sunt, nec quicquam in se solidæ vtilitatis habent. Imprudentis est igitur de bonis corporis aut externis cogitare, quæ permanere nullo modo queunt, & æterni ac stabiliis boni, ad quod fruendû creati ac nati sumus, non satis recordari: cûm præsertim hoc haberi nõ possit, nisi illa contemnuntur: neq; liberè & expeditè de hoc aliquid considerari, nisi illa fermè obliuiscatur. Quandoquidem omnia relinquere & se solum sequi iubet eos dominus, qui inter ipsius discipulos censerî desiderant. Sola itaq; de deo cõgитatio vana esse nõ potest. Ideo Salomonis te sapiétia hortatur, & ait: In omnibus viis tuis cogita dominum, & ipse diriget gressus tuos. Aliud verò cogitantes, vanitatis arguimur, dicente propheta: Dominus scit cogitationes hominû quoniã vanæ sunt. Confecta est prima propositi operis pars, quã titulo Fidei applicandã censuimus: nûc de Spe, & quæ illi magis arbitramur conuenire, spiritu sancto instruente differemus.

Prouer.;

Psal.;

LIBRI I. FINIS.

EVAN-

# EVANGELISTARII

## MARCI MARVLI LI-

ber I I. de spe & aliis virtutibus ac  
vitiis, quæ vel spem conse-  
quuntur, vel ei ad-  
uerfantur.

### De spe veniæ.

### Cap. I.

Matth. 4.



PES EST SVMMI BONI  
Deo miserante potiundi expectatio.  
Peccauimus domino, legi iussisq; eius  
non vt oportuit parendo, agamus pœ-  
nitentiam, & speremus veniam, & mi-  
serebitur nostri deus noster. Pœniten-  
tiam, inquit, agite, & appropinquabit régnum celo-  
rum. Sed de pœnitentia postea suo loco tractabitur, mo-  
dò autem quàm misericors est dominus, quàm facile  
iis, quos delicti pœnitet, ignoscat, videamus: vt & ipsi  
nobis remissurum delicta confidentius speremus, cum  
aliis quoque multis eum remisisse ex Euangelio didi-  
cerimus. Remisit Matthæo teloneum, Zachæo frau-  
des, mulieri deprehensæ adulterium, latroni rapinas  
& homicidia, apostolo negationem. Igitur si mercatu-  
ræ negotiationisq; operam impendis, desine vsuris rem  
quærere, atque hætenus quassisse dolo, sicut fecit Mat-  
thæus, quicquid dolo, fraudibusve interuersum est, re-  
stitue, & tantum vitæ necessariis contentus esto, sicut  
fecit Zachæus, ac tum demum poteris esse discipulus  
Christi, cum desieris esse māmōnæ seruus. Porrò si ve-  
nereæ voluptatis obscœnitatibus es pollutus, & tua te  
accusat conscientia, ingemisce compunctus, ora vt mun-  
deris, mundata autem conscientia per confessionis pœ-  
nitentiæque sacramentum, dicet tibi dominus, quod  
autē

Lucæ 5.

Idem 19.

antè dixit adultera: Vbi sunt qui te accusabant? nemo te condemnauit: nec ego te condemnabo. Vade, & noli amplius peccare, præterea si fortè odio habes fratrem tuum, si rapuisti, si percussisti, si occidisti, confitere crimen, dic te dignum supplicio, sed tamen vt misereatur tui dominus instanter postula. Vis nosse quantum hoc tibi profuturum sit: Ille qui sic peccauerat, sic penituerat, de cruce ascendit ad paradysum, angelorumque fit socius, qui fuerat latronum. Cæterum si etiam omnium maximum scelus commisisti, hoc est, si Christo renunciaſti, & vel Iudaica vel Machumetana, vel aliqua alia impietate subuersus es, cogita quò excideris, quantum mali perpetraueris: & ad mentem sanam rediens amaris fidei fletibus, Petri exemplo, laua perfidia sordes, & mereberis rursus fieri membrum ecclesiae, à cuius corpore auulsus fueras, & iam cum mortuis computatus. Hæc tecum meditare, hæc mente reuolue. Nunquam veniam desperabis ô peccator, si & istorum quos modò commemorauimus crimina, & domini erga ipsos benignitatem atq; misericordiam rectè mensus fueris. Sed fortasse dices, non solùm graua & horrenda sunt peccata mea, verum etiam plurima, vixque vllò calculi numero comprehensibilia. Igitur ne multitudo criminum spei tuæ detrimentum faciat, **Lucæ 23.** respice mulierem illam, cui quotidiana delicta peccatricis cognomentum indiderant. Videns onere tot flagitiorū se infelicitè premi, accessit ad Iesum, lachrymis pedes eius lauit, capillis deterfit, vnguento perfudit, & statim mortifero fasce leuatur, dimittunturque ei peccata multa, quia dilexit multum. Vtrum de Maria Magdalena dictum, an de quadam alia, incertū est, & tamen de Maria quoque septē dæmonia eiecta fuisse **Marc. 16.** Marcus testatur, per quæ vitiis quibus inquinata fuerat, purgatam designat. Et ipsa igitur perpetua diaboli serua fuit, sed cū finem iniquitatibus fecisset, meruit

Iohan. 11.

ruit fieri discipula Christi. Remissorem autem ut mag-  
norum ita & multorum peccaminum se esse ostende-  
re volens dominus, mulierem duodeviginti annos incli-  
natam erexit, Lazarum post quadridui sepulturam iam  
fortentem ad vitam reuocauit. Quamuis ergo diu te sa-  
tanis alligatum tenuerit, quamuis longo peccandi usu  
iam obduraueris, & toto tempore in scelorum tuorum  
monumento iacens contabueris, exolve tandem vincu-  
la, rumpe laqueos omnes: & diutinam mortem detesta-  
tus, ad illum conuertere qui suscitatur mortuos, & qui se-  
pultos tumulatosque facit reuiuiscere, & excussio de  
pedibus puluere mundatos exire, qui dimitti iubet pec-  
canti non tantum septies, sed etiam septuagies septies.  
Semper itaque spera in domino, & ora cum propheta  
& dic: Miserere mei deus secundum magnam misericor-  
diam tuam, & secundum multitudinem miserationum  
tuarum dele iniquitatem meam: ut & misericordiam ma-  
gnitudo magnitudinem, & miserationum multitudo  
multitudinem tollat delictorum. Postremo ita tibi per-  
suadeas velim, nullum esse omnino vitiorum genus, nul-  
lum numerum, quin utrumque clementia ignoscat di-  
uina his quos peccasse poenitet, & misericordiam im-  
plorare non piget, a peccatis quibus deus offenditur pro-  
viribus abstinendo, quibus placatur iustitiae operibus  
se se exercendo. Solis impoenitentibus & desperatis non  
est veniae locus, nequius tamen peccant qui desperant,  
quam qui praesumunt, de utrorumque nunc vitio  
cum de spe veniae satis haecenus dictum sit, breuiter  
explicemus.

Psal. 20.

## De desperatione.

## Cap. 2.

**Q**ui praesumunt, quoniam in peccatis perseue-  
rando se saluari sperant, dei iustitiae de-  
rogant. Qui vero desperant, quia sibi ignosci  
posse diffidunt, dei misericordiam denegant. Praesum-  
ptione

ptione vsus est latro à sinistris dominicæ crucis pendens, cùm dixit: Si tu es Christus, saluum fac teipsum & nos. Non eum erroris pœnitet dubitando de Christo, non criminis, rapinas quas fecerat silentio præmittendo, & tamen arroganter petit vt saluetur. Sed licet ille de pœna, quam tunc patiebatur, liberari postularit, ei tamen illi simillimi sunt, qui corrigi nolunt, & pœna quæ in inferno luituri sunt, se liberos fore sperant, deum quidem misericordem esse confidentes, iustum autem negantes. His contrarij sunt qui desperât. Grauitatem enim delictorum suorum considerant, & magnitudinem diuinæ miserationis non perpendunt. Desperauit Cain, cùm fratre interempto diceret: Maior est iniquitas mea, quàm vt veniam merear. Si de dei clementia rectè sensisset, profectò etiâ id quod non merebatur, ab eo sese impetraturum pœnitendo sperasset. Nemo quippe veniâ accipit, quia ipse meretur, sed quia benignus est ille, qui eam largitur, Desperauit & Iudas domini sui proditor: Peccauit, inquit, tradens sanguinem iustum, restituitque argenteos, quos iniquè acceperat. Sed nec pœnitentia illi profuit, nec satisfactio, quia dolore superatus ad laqueum confugit, non ad dei misericordiam. Dolere quidem debuit de peccato, sed non ita vt spem quæ in deo est, de manibus dimitteret. Nos igitur qui deum in multis offendimus, & dolendo de culpa veniam speremus, & sperando veniam de culpa, doleamus. Vtrunque necessarium est ei, qui & pœnas cupit euitare, & beatitudinem consequi sempiternam. De spe autem temerè præsumantium dicitur: Spes impiorum peribit. Et de errore desperantium: Si desperaueris, inquit, lapsus in die angustie, imminuetur fortitudo tua. Dies angustie, dies iudicii est. Cuius autem tunc fortitudo imminuta fuerit, hic demonum accusationibus grauatus, damnationi succumbet.

Lucæ 23.

Gen. 4.

Matt. 28.

Prouer. 10.

Prouer. 24.

De



## De decem præceptis. Cap. 3.

Exodi 20.

Præceptū 1.

**I**lius autem spes nunquam fallitur, qui dei præcepta quàm potest studiosè observat, dicente domino in Evangelio: Si vis ad vitam ingredi serua mandata. Mandata vocat quæ decalogo continentur: Non habebis deos alienos, deus enim vester vnus est. Qui formis & sortilegiis & maleficorum diuinationibus fidem præstant, deos alienos colunt. Cum enim solius diuinæ sapientiæ sit, futura nosse: hoc quod dei est, aliis tribuere præsumunt. Non facies sculptile, eo videlicet animo, vt adores illud, ac pro deo habeas. Non est sceleris huius expers, qui pecuniam seculique diuitias magis quàm æquum bonumque diligit. Apostoli auctoritate hoc probamus, qui Colossensibus scribens, auaritiâ simulachrorum seruitutem appellat. Neque tamen per hoc mandatum ars reprobata est sculptorum vel pictorum. Non pingere aut fingere simulachra ventantur, sed adorare, ideo sequitur: Non adorabis ea neque coles: ego enim sum dominus deus tuus. Quòd autem nos quoque Christi sanctorumque imagines adoremus, non ad ipsas imagines, ne idololatriæ arguamur, sed ad eos quorum ipsæ imagines apparent, adorationem dirigimus. Idcirco autem eiusmodi simulachra publicè proponi solent, vt quoties conspecta fuerint, ad memoriam res gestas eorū quibus dicata sunt, reuocent: & ad imitandum fidelium mentes accédant.

II. Non assumes nomen domini dei tui in vanum, ne contemnere videre, quod præcipuè oportet reuereri. Memento vt diē sabbati sanctifices. Nos verò sabbati observationem ad diem dominicū trāstulimus, ne cum Iudæis in Christum non credentibus videamur sentire, qui eum in sepulchro mortuū sabbato quiesuisse fatentur quidem, sed postea viuum resurrexisse negant. Itaque ob resurrectionis reuerentiam, eò quo facta est die

die ab operibus vacamus, nec tamen ita superstitiosè,  
 vt Iudæi sabbato. Nam & mensas paramus, & calices  
 abluimus, & multa huiusmodi agimus. Etenim seruilia  
 opera quæ vetantur, peccata potissimè, quibus deus of-  
 fenditur intelligimus, à quibus certè tunc magis est  
 abstinendum, cū diuino cultui opera impenditur. Ne-  
 que aliam ob rem festo die cessare debēt manuum ex-  
 ercitia, nisi vt quisque cæteris omnibus curis expedi-  
 tus diuina tantum tractet, templa visitet, precationi-  
 bus incumbat, missalibus sacrificiis interfuit, prædica-  
 tiones audiat, & totum tempus illud in dei laudē cul-  
 tumque expendat. Cū ergo dominicis feriatisq; ab  
 ecclesia institutis diebus maximè à scelere abstinendū  
 sit, cur vos infrenis ac petulans iuuentus tunc præcipuè  
 in ganeis crapulamini: in choreis lasciuitis: in iocis &  
 ludis defluitis: alearum tesserarumque lusionibus tem-  
 pus diuino honori dedicatum impiè cōsumitis: In quo  
 quidem lusu nec amissæ pecuniæ damnum sine infamia,  
 nec lucrum sine restitutionis debito, nec vsus est sine  
 peccato, nisi fortè periurare, & dolos intēdere, & alie-  
 na iniquè concupiscere, & inter se idētidem rixari at-  
 que in contumeliam prorumpere fas esse dixerimus,  
 omitto quod interdum nec manibus temperatur, &  
 vsque ad vulnera cædesque peruenitur. Quanto ergo  
 leuius crimen ab his diuertere, & alicuius honestæ ar-  
 tis laboribus diem illum conterere, quàm per otium ad  
 tam nefanda flagitia conuerti? Profectò minus offen-  
 deritis, nullum omnino diem festum agere, quàm hunc  
 quem agitis tot vitiorum obscenitatibus profanare.  
 Concessus fuit olim Iudæis repudij libellus, ne in vxor-  
 es quæ displicuissent veneno sauirent, sed potius vi-  
 uas dimitterent. Agè iam permittatur & vobis, vt om-  
 nes dies profesti sint, nullus festus, vt potius manuū la-  
 bore occupetur animus, quàm nihil agendo malè agere  
 assuescat. Nullus igitur sit vobis dominicus dies, ne ip-  
 sum

G

sum qui dominicus est, in diabolicum cōuertatis, dum  
 eo toto tempore, quo ab operibus vacui estis, non tã do-  
 mino quàm diabolo seruitis. Itaq; non quidem ad vos  
 pertinere arbitror hoc quod dicitur: Memêto vt diem  
 sabbati sanctifices, cùm nequaquam sanctificetis eum,  
 sed polluat. Vt autem & ad vos pertineat, redite iam  
 ad mentem & intelligite, ideo festis diebus à seculari-  
 bus negotiis feriandum præcipi, vt exerceamur in di-  
 uinis, & non vt hauriendis luxuriis, voluptatibusque  
 incumbamus. Et hæc sanè præcepta sunt, quæ ad dei  
 duntaxat cultum spectant, reliqua verò circa cha-  
 ritatem, quam proximis debemus, versantur: Honora,  
 inquit, patrem tuum, & matrem tuam, vt sis longæum  
 super terram, quam dominus deus tuus dabit tibi. Na-  
 tura ipsa nos prouocat, gratis parentes nostros colere  
 & amare, quãto magis hoc facere debemus, cùm etiam  
 præmium proponatur longæuitatis: Neque si quos-  
 dam in primis parentum studiosos parum diu vixisse  
 noueris, de promissione diffidas. Ideo terrenũ & tẽpo-  
 rale bonũ interdum citò subducitur, vt cœleste & æter-  
 nũ gradu beatitatis celsiore cumuletur. Non occides.  
 Cùm neminem tibi lædere liceat, multò minus interi-  
 mere. Ne iudici quidem aliquem capitis reum ex odio  
 fas est interficere, sed ex lege. Quamobrem non tibi,  
 sed illi, qui exequendis legibus præficatur, dictum est:  
 Maleficos ne patiaris viuere. Priuato autem hominẽ  
 ne iniuriam quidem quam accepit, vlcisci permitti-  
 tur, dicente domino: Mihi vindictam & ego retri-  
 buam. Non mœchaberis. Omnis coitus hoc mandato  
 prohibetur, extra matrimonij copulam. Si continere  
 non potes, cur sine vxore es? Sin potes, cur mona-  
 chum non profiteris? Illud, ne damneris: hoc, vt mer-  
 cedis plus capias voto suscepto castitatis. Non furtum  
 facias. Furti actio est in eum, qui contrectat rem alie-  
 nam inuito domino. Igitur contra hoc præceptum  
 peregit,

III.

V.

Exodi 28.

Rom. 18.

VI.

VII.

peregit, non solum, qui aliquid furto sustulit, sed etiam qui per vim rapuit, vel per fraudem elicit, vel casu inuentum restituere noluit. Non loqueris **VIII.** contra proximum tuum falsum testimonium. Cum enim Christus dei filius veritas sit, quicquid aduersus veritatem dicitur, deum offendit. Non tamen omne mendacium ita graue crimen est, sed illud tantum, quod aduersatur charitati, & cum alicuius detrimento perficitur. Fingere autem & mentiri quod nemini noceat, leuis est culpa. Interdum ne culpa quidem, sed potius meritum, ut cum finguntur parabola siue apologi ad praecepta virtutis. Nemo quippe ignorat ex consuetudine esse, non ut mendacium dicatur, sed ut veritas disciplinae salutaris iucundius exprimatur, gratius acceptetur, tenaciusque menti discantis infideat. Hoc me fecisse nullo modo poenitet edito illo quinquaginta tabularum libello, dum prodesse plurimis cupio, non commento, sed veritate. De pernicioso autem mendacii genere scriptum est: Os quod mentitur, occidit animam. De hoc verò quod excusamus ac defendimus, abunde in parte eius libri, quem de religiosè viuendi institutione inscripsimus, est tractatum, ubi sanctorum exemplis probatur, non solum fingere quandoque licere, sed etiam esse necessarium, quoties consultum iri volumus, vel nostrae vel aliorum salutis. Non concupisces domum proximi tui. **IX.** Non desiderabis uxorem eius. His postremis dei mandatis aperte discimus, non modo facto dictoque posse delinqui, verumetiam sola mali concupiscentia. Et si rem alienam nefas est concupiscere, multò magis auferre, & si desiderare tantum alterius coniugem non debemus, multò minus cum illa rem habere. Concupiscentia enim & desiderium quamuis crimine non careant, facilius tamen coërcentur, si cupita non perficiuntur, difficilius autem cum in consuetudinem

dinem facti venerint. Infatiabiles nempe bestię sunt auaritia & libido, non implentur haustu, sed quo magis hauserint, plus esuriunt. Hoc quod sequitur, nō seruū, non ancillam, non bouem, non asinum, neque omnia quę illius sunt, cum illo quod de domo non concupiscenda dicitur iungendum censeo, ne ex decalogo hendecalogum faciamus. Cū ergo in fine his duobus pręceptis prauę cupidines vitandę iubeantur, quęrimus quomodo eas vitabimus cū interdum etiam inuitis ac repugnantibus nobis sese ingerant, animumq; non parum sollicitent ac laceffant? Sed quādiu refragamur, nihil nocent, nocent autem cū eas dominari permittimus, & cū scelus quod nondum peractū est, volumus, totoque tandem voluntatis affectu eo ferimur, quo ille blandiendo inducunt. Concupiscētia itaque mali nihil aliud est, q̄ firmus in malum consensus, quod quamuis non fiat, factum tamen iri cupimus.

## *De mandatorum consideratione.*

### *Cap. 4.*

Num. 15.

**H**æc sunt legis mandata in tabulis lapideis digito dei descripta, vt cū omnia quę legis sunt diceris, ista potissimē teneas, quę modo magis exquisito magisque mirabili tradita sunt populo fidei. Cur enim ea deus in marmore sculpenda curauit, nisi quia æterna esse voluit: ac nequando de memoria exeāt, palliorum fimbriis affui iussit vittas hyacinthinas, quas quoties aspicerent, toties eorum quę ad comparandas animi virtutes pręcepta sunt, recordarētur. Nobis verō quibus non iam litera, sed spiritu viuere conuenit, vittę istę in corde non in palliis reponendę sunt, & nunquam dimittendę. Quid enim ita arden-ter amplecti debemus, vt mandatorum memoriā: quorum obseruatio nos ex corruptibilibus facit incorruptos,

ptos, & ex mortalibus immortales, & ex terrenis coelestes, quæ denique diabolo nos eripit & deo coniungit. Talia considerabat vir sanctissimus David, cum diceret: *Quàm dulcia faucibus meis eloquia tua domine, super mel ori meo. Vis ut & tibi dulcia sint, noli in* Psal. 118.

verbis diuinis eloqui ornatum requirere, ita composita sunt, ut & docti & indocti quod omnibus pariter profuturum erat, intelligerent: sed attende qualis quantusque sit, per quem prolata sunt, per illum utique qui solus & acumen ingenij hominibus præstat, & ipsum dicendi leporem impartit. Idem enim & fons bonorum omnium est, & largitor, & cuius tam dicta quàm facta nulla prorsus in parte argui queant, cum solus in cunctis ut maximè potens, ita summè sapiens sit. Cogita etiam quanta tibi in his observandis quæ præcepta sunt promittantur, certè non argentum, neque aurum, neque terreni regni fortunæ subiecta potentia, aut gloriæ humanæ fragile bonum, sed illa firma atque stabilis beatitudo, qua nihil melius, nihil maius ab homine optari possit. Cum ista animo permensus fueris, tunc non solum, quàm dulcia faucibus meis eloquia tua domine dices, verum etiam cum eodem propheta lætatus cātabis: In via testimoniorum tuorum delectatus sum, sicut in omnibus diuitiis. Et iterum: Bonum mihi lex oris tui super milia auri & argenti. Et rursum: Dilexi mā data tua super aurū & topazion. Item eodem psalmo: Lætabor ego super eloquia tua, sicut qui inuenit spolia multa. Quid enim illis pretiosius? quid optabilius, quæ sola nos efficere queant cælo dignos, æternitatis compotes, summi boni certos perpetuosque professores. Talia si tecum (ut debes) quotidie reputaueris iam tandem celestium mādatorum amore captus, atque ad eorum authorem deum cōuersus, dices: Ignitum eloquium tuum vehementer, & seruus tuus dilexit illud. Non poteris enim illud non maximè dilige-

Ibidem.

G iij re,

- re, in quo tibi tam grande bonum propositum esse intellexeris. Prudentia præterea mirum in modum proficere, & sapientia compleri incipies. Hoc tibi Baruch prophetæ verbis promittitur, neque enim fallit ille per cuius os spiritus sanctus locutus est: Audi, inquit, Israël mandata vitæ, auribus percipe vt scias prudentiam. Et Iesus Sirach filius, cuius dicta sacris voluminibus inferi meruerunt, Fili (ait) concupiscens sapientiam, conserua iustitiam, & deus præbebit illam tibi. Ac ne de aliqua alia quàm quæ in mandatis continentur iustitia dictum putares, alibi explanat, dicens: In mandatis dei assiduus esto, & ipse dabit tibi cor, & concupiscentia sapientiæ dabitur tibi. Hinc est quod in his versatus David, omnibus humanæ scientiæ professoribus se sapientiores factum audet asserere, & domino confidenter loquitur, dicens: Super omnes docentes me intellexi, quia iustitia tua meditatio mea est, & super senes intellexi, quia mandata tua quæsiui. Abeat igitur cum suis dissertationibus Plato, & cum argumentis Aristoteles, & cum sophismatum collidis captionibus omnes veteris academæ philosophi: vera sapientia est, deum nosse, & tam edicta quàm interdicta eius, tota animi sedulitate obseruare. Cæterum ne quis obseruandorum difficultatem ignauia suæ fauens insipienter excuset, & impossibilia esse prædicet, audiat Iohannem apostolum dicentem: Hæc est charitas dei, vt mandata eius custodiamus, & mandata eius graua non sunt: audiat & Moysen in Deuteronomio sibi loquentem: Mandatum hoc quod ego præcipio tibi hodie, non supra te est, neque procul positum, nec in cœlo situm, vt possis dicere: Quis nostrum valet in cœlum ascendere, vt deferat illud ad nos vt audiamus atque opere compleamus? neque trans mare positum, vt causeris & dicas: Quis è nobis poterit mare transfretare, & illud ad nos vsque deferre, vt possimus audire
- Baruch. 3.
- Sapient. 1.
- Sap. 5.
- Psal. 118.
1. Iohan. 5.
- Deut. 10.

dire & facere q̄ præceptum est: sed iuxta te est sermo valde, in ore tuo & corde tuo, vt facias illū. Quid ergo quod supra nos nō est amplecti recusamus? & quare quod cordi insitum est, id euellere ac proijcere conamur: nonne cum hoc agimus, intus quibuscūq̄ conscientia stimulis pungimur? quasi qui contra naturæ vim nitamur, dum ab his quæ iubentur declinamus. Perspici cum est igitur quia prauis affectibus superati, neq; deo neque conditionis nostræ rationi obedimus. Quæ præterea dementia est, imo quis furor, vitiū sequi male, cuius finis pœna perennis est, quàm virtutem, qua beatitudo comparatur æterna? Beatitudinē autem decalogi obseruatoribus promissam quis ambiget, cum veritas in euangelio (vt suprà retulimus) dicat: Si vis ad vitam ingredi, serua mandata? Idē dominus alibi quoque cum de deo patre loqueretur. Scio, inquit, quia mandatum eius vita æterna est. Si ergo tantæ mercedis compotes esse cupimus, dei mādāt a ne deseramus. Quæ sicut perfectę virtutes sunt, ita perfectionis numero, id est, decade cēsentur. Hæc est itaq; frugum decima sanctarum in horreum dei inferenda, multo melius quàm illa quæ de terræ foetibus collecta offerri solent. Hæ sunt decem conchæ à vero Salomone posita, in quibus lauari debet, non pecudum vt olim, sed animarum nostrarum victimæ in holocaustum charitatis deo consecrandæ. Hæc est cithara illa, illeq; decachordus, ad quem nos hortatur Dauid, dicens: Confitemini domino in cithara, & psalterio decem chordarum psallite ei. Hæ denique sunt decem plagæ illæ, quibus Pharaon aduersarius noster percutitur, & nos per eas liberati, ad terram vsque promissionis perducimur, terram lacte & melle manantem, id est, lucis æternæ candore visionisque diuinæ dulcedine refertam: quæ non mortuorum terra, sed viuentium dicitur: nequis alibi viuere cupiat, quàm vbi semper felix

Iohan. 12.

Mala. 3.

2. Para. 4.

Psal. 33.

Exod. 3.

G. iiii) citer



Prouer. 6.

Pfal. 118.

Matt. 22.

1. Iohan. 5.

eiter uiuat, & nō mori nō possit. Cumq; ad tam inestimabile bonum hac sola via peruenitur ad eam ipsam Salomon sapientiæ dono insignis te dirigit ac stimulat, dicens: Conserua fili præcepta patris tui, id est dei: & ne dimittas legem matris tuæ, id est, ecclesiæ: liga ea in corde tuo iugiter, & circunda gutturi tuo, vt videlicet neque cogitatione delinquas, neque lingua labaris. Cū ambulaueris, inquit, gradientur tecum, & cū dormieris, custodiant te ne pecces, & vigilans loqueretur cum eis. Quæris, cur ita: ne scilicet quandiu per huius vitæ curricula incedis, iustitiæ iter deseras, & vel per quietem diaboli ludificationibus capiaris: vel cū emigilas, de mundo prius quàm de deo cogites. In quo quidem imitandus est nobis ille, qui ait: Quomodo dilexi legem tuam domine, tota die meditatio mea est. Igitur quotidie tecum reuolue, quotidie mente rumina, quæcunque deo placent vt facias, quæcunque displicent vt deuities. Ac si quando pigebit cuncta repetere, ad summam illam in Euangelio à domino factam protinus recurre: Diliges, inquit, dominum deum tuum ex toto corde tuo, & ex tota anima tua, & ex tota mente tua, hoc est maximum & primum mandatum. Secundum autem simile huic: Diliges proximum tuum sicut te ipsum. In his duobus mandatis, inquit, vniuersa lex pendet & prophetæ. Omnia quippe præcepta, tam legis quàm Euangelij, ad hunc ipsum rediguntur finem, vt deus & proximus diligatur. Ita tamen proximum dilige, vt deum non offendas: ita deum ama, vt nihil magis, nihil æquè amasse arguaris. Et si charitas dei hæc est, sicut Iohannes apostolus testatur, vt mandata eius custodiamus, mendax est professò, qui se deum diligere dictitat, & præcepta eius non seruat. Quæ quo diligentius adhuc studiosiusque amplectamur, cū de obseruatorum præmio satis dictum sit, de transgressorum quoque poena aliquid memoremus.

De

## De præuaricatorum pœna. Cap. 5.

**S**I quis interim alteri infensus malignè cauilletur, sibi in mandatis ne occidat vetari, & non ne odio habeat, aut aliquod aliud iniuriæ inferat genus, meminisse debet, cuncta quidem quæ in altera tabula cōscripta sunt, ad illam summam redigi, qua iubemur ita proximos vt nosmetipsos diligere. Quo semel recepto, nō solum ab omni offensa erit cessandū, sed etiam bene cuique optandum, beneque faciendum, & quod nobis indigentibus ab aliis exigeremus, id aliorū necessitati præstandum. Si cui tamen quicquam mācum in decalogo imperfectum quæ videtur, omnium perfectionem ex Euāgelio petat: Non veni, inquit saluator, soluere legem, sed adimplere. Quamobrem sicut legis, Matth. 5. ita & Euangelij mandata obseruare nobis necesse est, si salutis nostræ consultum iri volumus. Nam & ipse Euangelij author Christus, quæcunque docendo tradidit nobis, ea se à patre accepisse dixit, hoc quoq; habens à patre vt filius sit, patri tamen coæternus & consubstantialis: atque ita fiet, vt illa quæ vel per patrem, vel per filium, vel per spiritū sanctum iubentur, vnius dei iussa esse credamus, vnius maiestatis imperia. Quædam tamen ad tempus obseruanda, vt illa quæ futurorum figuras continebant: quædam semper, vt hæc ipsa de quibus nunc agitur, quæ ad vitæ morum quæ institutionem spectant: illa verò quæ perfectionis sunt, id est, vt paupertatem castitatemque colamus, monasticę vitæ modum normamque sectantes, nostro relicta sunt arbitrio, antequam ea seruandi voto nos obligemus, quod si voluerimus, præstare tenebimur, non minus quàm illa quæ iussa sunt. Præuaricator est qui secus fecerit. Sed iam redeat vnde digressa est oratio, & sicut institimus ipsas præuaricatorum pœnas fidelium traditionum scripta percurrando, sollicitè scrutemur. Neq; hoc

hoc fine dolore, imo nec fine metu, ne ipsi quoque cū peccatores simus, in illas incidamus. Legimus enim in Deuteronomio execrationes de monte Hebal, à Leuitis dei iussu prolatas, & inter legendum contremiscimus. Maledictus, inquiunt, qui facit sculptilè, quod est contra primæ tabulæ mandatum. Contra secundæ autem præcepta delinquentibus dicitur, Maledictus qui non honorat patrem suum & matrem suam. Maledictus qui trāsferit terminos proximi sui. Maledictus qui errare facit cæcum in itinere. Maledictus qui peruertit iudicium aduenæ, pupilli, & viduæ. Maledictus qui dormit cum vxore patris sui, & reuelat operimentum lectuli eius, & qui dormit cum iumento, vel cum sorore, vel cum socru, vel cū vxore proximi: & qui percusserit proximum, & qui pro pretio vitæ infidiatur alienæ. Post multa, Maledictus, aiunt, qui nō permanet in sermonibus legis huius, nec eos opere perficit. Deinde iterum ad maledicendū acrius insurgentes, ad transgressoremq; conuersi dicunt: Maledictus eris in ciuitate, maledictus in agro, maledictum horreum tuum, & maledictæ reliquæ tuæ, maledictus fructus ventris tui, & fructus terræ tuæ, armenta bouum tuorum, & greges ouium tuarum. maledictus eris ingrediens, & maledictus egrediens. Longum foret cuncta referre quæ ibi colliguntur, sed breuiter, nihil prorsus mali, q̃ in hac vita mortalibus accidere possit, præmittitur: vsq; adeo graue crimen est, diuinis nolle parere mandatis, & aduersus ea niti propriæ voluntatis libidini blandiendo, Eadem enumerantur in Leuitico, & præcipuè fames, pestilentia, gladius: multisq; in locis scripturæ id ipsum non filetur: vt quod toties repeti audis, euenturū peccatis exigentibus minimè dubites. Nam in Isaia quoque loquens ipse terræ coeliq; conditor ac dominus, ait: Si volueritis & audieritis me, bona terræ comedetis: quod si nolueritis, & me ad iracundiā pro-

uoca.

Deute. 27.

Deut. 20.

Leuit. 16.

uocaueritis, gladius deuorabit vos. Multa huiuscemo-  
 di in Ieremia, multa in Ezechiele, nec pauca in reli-  
 quis prophetis leguntur, minis terroribusque plenas  
 quorum quàm certus euentus fuerit, cum plurima vr-  
 biù excidia, tum potentissimorù quondam regum in-  
 felicissimi exitus testantur. Primus Israëlitarum rex  
 Saul, sicut à Samuele propheta, ei prædictum fuerat,  
 quia voci domini non obediuit, à Palæstinis magno  
 prælio superatus, cum liberis occubuit, sceptrum  
 quoque regni de domo & familia illius ad alios fuit  
 translatum: vt quale scelus fit, dei mandata præte-  
 risse, non ipse solum, sed etiam filius, qui reliquus erat,  
 nepotesque eius sentirent. Vt autem post hunc alio-  
 rum quorundam parem fortunam silentio transeam:  
 Sedechiæ maiori deploratione digna clades compul-  
 sit, si modo plorandi sunt, qui iustè pro scelere pu-  
 niuntur. Hic capta à Chaldæis Hierosolyma cum fu-  
 geret, cōprehensus vinculisq; confictus, coram rege  
 vnà cum liberis adducitur: hi spectante patre truci-  
 dantur, ille deinde etiam oculis orbatur, quos mallet  
 ante erutos, ne filiorum cædem videret. Vincens po-  
 stre mò & cæcus in Babylonem est ductus, templum  
 ipsum atq; domus vrbs igni consumptæ, turres ac  
 moenia solo æquata, populus captius, præter eos,  
 qui ceciderant, Babylonem translatus, quæ ferè om-  
 nia per Ieremiam prophetam comminatus fuerat do-  
 minus tam regi ipsi, quàm populo, eo quòd filios  
 Rechab patri magis obediens fuisse comperisset,  
 quàm illos sibi. Iusiurandum enim violauerant, re-  
 belles facti Chaldæorum regi Nabuchodonosoro, tem-  
 plum dei sui gentilium ritum secuti polluerant, pro-  
 phetis vera vaticinantibus illuserant, & cum pro-  
 pterea tot mala se passuros audissent, deprauatos ani-  
 mi mores corrigere neglexerant. Contempta itaq;  
 diuinitas non distulit vindictam, vbi in flagitio co-  
 gnouit

2. Re., 11.

4. Re., 25.

Iere., 33.

gnouit obduratos, & cum nulla denunciatione futuræ ultionis deterreri possent, vltima calamitate afflixit. Ante hac ob idem delictum & Samaria ab Assyriis debellata, & populus cum rege Osee patriis anulis sedibus, in Assyriamque traducti seruierunt. Nemo ergo regum, nemo principum vel sibi vel imperij sui viribus nimio plus confidat. Si quis præuaricator mandatorum dei esse perseverauerit, & nec vno aut altero flagello commonitus ab impietate animum auerterit, repente videbit misceri omnia quæ ditionis suæ sunt, hoc capi, illos cædi, alios desciscere, diutinam libertatem statim seruitute mutari, & opes illas, quas multorum annorum victoriæ aceruauerant, paruo temporis momento hostium prædam fieri. Neque enim hoc humanæ vires efficiunt, sed iniuriarum suarum ultor deus, qui solo nutu & cælum diruere, & terram potens est dissipare. Secure feliciterque regnabit, qui ipsum regem regum & dominum dominantium nouerit colere ac reuereri. Nobis tamen nulla omnino seculi huius aduersa æquè timere conuenit, atque illa quæ post præsentis vitæ finem peccatoribus infliguntur. Præsentia enim mala quauis teterrima venerint, longiora esse nequeunt vitæ nostræ breuitate, nullumque infortunium tam immane esse potest, quod non leniat ac mitiget aduentantis & iam iamque affuturæ mortis expectatio. At verò illa supplicia, quorum nullus speratur finis, nulla intermissio, nullum leuamen, quis non exhorrescat: nisi qui ne his quidem, quæ de inferorum poenis diuinitus tradita sunt, fidem adhibet, quæ sanè incredulitas nequaquam à suppliciis hominem liberat, sed eidem duplicat eorum grauitatem. Leuiora sunt enim, quæ fragilitate naturæ peccamus, quam quæ animi malitia credere nolendo committimus. Igitur siue quis credit, siue non credit, si aliter ac omnibus præceptum est, vixerit, saluus esse non poterit, quia longè est à peccatoribus salus.

Psal. 118.

Ius. Mandati transgressio primos homines Adam & E-  
 uam eiecit de paradiso, angelos de cœlo præcipitauit:  
 & tu eiusdē fortasse delicti reus, illo ascendere speras?  
 Fallet te spes ista, fallet profectò, nisi pœnitentiā ege-  
 ris. Pœnitenti autē præstabitur miseratio, dicente do-  
 mino: Pœnitentiam agite, & appropinquabit vobis re-  
 gnum cœlorum, quod si ad viam iustitiæ, à qua procul **Matth. 4.**  
 aberras, reuerti neglexeris, iam tandem tuæ imbecil-  
 litati derelictus, peccata super peccata cumulabis, ac  
 veluti absque gubernaculo in mari fluctuās navis, quo-  
 cunque concupiscentiæ tuæ te impellet flatus, eo fere-  
 ris. Id tibi futurum ille qui novit omnia antequam  
 fiant, prædicit in psalmo, ita loquens: Non audiuit po-  
 pulus meus vocem meam, & Israël non attendit mihi, **Psal. 80.**  
 & dimisit eos secundum desideria cordis eorum, ibunt  
 in adinventionibus suis. Nihil illo homine infelicius, à  
 quo diuinæ benignitatis auxilium subtrahitur. Cum  
 enim sic destitutus, nihil boni per se agere possit, &  
 suis affectibus ad malum pronis anhelet, continuo in  
 omne nefas præceps feratur necesse est. Idcirco non so-  
 lū in à paradisi expectatione excluditur, verumetiam  
 in dies grauius futurum sibi supplicium cōferat in in-  
 ferno. Ille enim seruus (vt in Euangelio legitur) qui co-  
 gnouit voluntatem domini sui. & non se præparauit,  
 & non fecit secundum voluntatem eius, plagis vapu-  
 labit multis. Ne igitur æterni ignis magis omnibus ex-  
 pauescendo tormento obnoxij simus post præteriti de-  
 licti pœnitentiā, ad iustitiæ capeſcenda opera accin-  
 gamur, auxilium à domino implorantes, vt ea quæ nos  
 facere iussit, ipso adiuuante faciamus, & quæ fieri ve-  
 tuit, vitemus. Ita Christianæ hæreditatis, quæ omnem  
 nostræ æstimationis computationem superat, confor-  
 tes esse merebitur, cū ipse Christus dicat: Quicumq; **Matth. 12.**  
 fecerit voluntatē patris mei qui in cœlis est, ipse meus  
 frater, soror & mater est, quasi diceret: Is mihi in cœ-  
 lesti

leſſi regno erit coninnatiſſimus, atque arcta in primis cognatione copulatus, qui hic in exequendis dei mandatis mihi proximus effici ſtuderit, vt fit particeps Chriſti gloriæ, qui Chriſti prius extiterit obedientiæ comes. Cæterum, quoniam vndique infidiæ, vndique laquei nos circudent, magnoperè nobis vigilandum erit, ne in illis incidamus. Non incongruè igitur poſt mandatorum tractationem de vigilia differemus.

De vigilia.

Cap. 6.

**V**Ita mortalium tempus quàm breuiſſimum eſt, ipſi ſenes parum ſe vixiſſe conqueruntur. Sed cum vigilia fit, nonne etiam tantò minus viuunt aliquis, quantò plus quieti ac ſomno indulget? Nolo tamen vt extendendæ in longius ſpatium vitæ gratia, vigiliarum obſervatio te delectet, ſed ea duntaxat de cauſa vt & à vitiis facilius abſtineat, & virtutibus proficiat magis. Vigilando autem vtrunque effici poſſe facile nobis perſuadebimus, ſi noui veteriſque inſtrumentum fidelia teſtimonia audire voluerimus. Clamat in Euangelio dominus: Vigilate & orate ne intretis in tentationem. Periculum ergo imminet illis, qui vltra naturæ neceſſitatem dormiunt, ne carnis diabolice tentationibus ſuperati delinquant. Nam & ſi ſpiritus promptus eſt vt obediat deo, caro tamen infirma, & ad vitium prona, niſi vigiliæ freno teneatur, facile corruet. Cuius quidem periculi minimè ignarus apoſtolus Petrus, noſtræ ſaluti proſpiciens, ait: Sobrij eſſote & vigilate, quia aduerſarius veſter diabolus tanquam leo rugiens circuit, quærens quem deuoret, cui reſiſtite fortes in fide. Vigilantia primò opus eſt, ne imparati opprimamur: deinde fide, vt reſiſtamus & vincamus. Quòd ſi ſæpius vincere contigerit, etiam uirtute proficere continget. Superatis enim nequitiaſque ſuggeſtionibus, reſtat vt ad bonorum operationem cōuertamur.

1. Pet. 5.

tamur. Ad hæc autem perficienda non sufficit nostra fragilitas. Nisi enim dominus ædificauerit domum, in vanum laborant qui ædificant eam. Ope igitur indigemus diuina, quæ precibus impetratur, dicente dominus: Petite & dabitur vobis. Precationibus verò offerendis nullum tempus magis idoneum esse horis nocturnis, nullum accommodatius esse creditur. Atq; ideo propheta hortatur nos: In noctibus extollite manus vestras in sancta, & benedicite dominum, Nox itaque meditationum mater est, dies actionum, has inter se vices partisse videntur, quandoquidem saluator quoq; noster ut huiusce rei nobis documēto esset, per diem docuisse in templo, noctu autem in monte Oliueti exiens orasse perhibetur. Noctu ergo surgentes meditando atque orando queramus cum sanctis mulieribus virtutum aromata ut illis vngamus Iesum. Si cum sanctimonia odore ad se venientes conspexerit, qua pietate est, incundè gratanterq; suscipiet, & in nobis implebitur dictum illud, Beati sunt serui illi, quos cum venerit dominus, inuenerit vigilantes. Præterea quemadmodum ætas vitæ nostræ brevis est, ita & incerta. Plurimos frustratur speratæ senectutis expectatio. Denique quis est qui vnum diem, imò vnā horam à mortis periculo alienā possit sibi promittere? Quam multos dum sani ambulant, dum fabulantur, dum ridet, vel casus exterior, vel morbus interior repente deiicit & extinguit? In eo itaq; nostræ saluti consulitur, quòd saluator ait, Videte, vigilate & orate, nescitis enim quando tempus sit. Sicut homo qui peregrinè profectus reliquit domum suam, & dedit seruis suis potestatem cuiusq; operis, & ianitori præcepit ut vigilet. Vigilare ergo, nescitis enim quando dominus domus veniat, serò, an media nocte, an galli cantu, an manè, ne cum venerit repente, inueniat vos dormientes. Ac ne solis discipulis id præceptum quis

Psal. 126.

Psal. 137.

Mat. 24.



quis diceret, quod vobis dico, inquit, omnibus dico vigilate. Dominus domus huius, id est, corporis humani est Christus, serui sunt quinque sensus, ianitor anima: hæc si bene vigilauerit, sensus ipsi ad bene operandum rectè disponentur. Isto autem modo expectatus dominus cum venerit, neque in seruis, neq; in ianitore quod condemnet inueniet. Tametsi dominus noster in fine seculorum vêturus sit, vt simul omnes iudicet, cuiusq; tamen merita in exitu vitæ discutit, & singulorum facta diiudicat. Qualis ergo quisque nunc decesserit, talis etiam in illo vltimo iudicio cum corpore apparebit. Vigilare itaque iubemur, ne mors imparatos occupet. Et quoniam nescimus diem neque horam, semper est vigilandum. Semper autè vigilat, qui semper à malo abhorret: & bonum, vt deo placeat, agere pro viribus non cessat. Fieri quidem nequit, quin partem aliquam temporis quieti cedamus, cum nostræ conditionis imbecillitas, vt cibo, ita somno quotidie indigeat. Sed audeo dicere, quod somnus quoque iusti vigilia sit. Nam vbi diurna opera piè religioseque peregit, & antè somnum quæ deo grata sunt cogitauit, etiam post somnum quæ cogitauerat perficere maturat. Ideoque citius expergiscitur & exurgit, vt quanto minus dormierit, tanto plus apud deum meriti bene operando sibi comparet. Igitur non plures horas dormitioni impartit, quàm naturæ necessitas postulat, vt totum quod superest, semper in dei laudem, aut orando, aut aliquid aliud agendo expendat. Si quod momētum otio transierit, illud sibi deperisse arbitratur. Porro satis erit, sex horas ad mediam noctem somno dare, à media vero nocte Romano ritu initium diei capere, nisi aliqua corporis imbecillitas longiorem sibi quietem exegerit. Iste autem à media nocte ad sacrificia laudis deo offerenda exurgendi mos omnibus monachorum collegiis iam inoleuit, & quod ecclesiæ instituto probatum

tum apparet, id sequi, id curare atq; amplecti saluberrimum esse sentimus. Sic olim sanctissimi viri prædicauerunt, sic docuerunt, sic suo exemplo factitandum ostenderunt. David ipse, quem deus præ omnibus Iudeæ regibus dilexit. Memor fui (inquit) de nocte nominis tui domine, & custodiui legem tuam. Et iterum, Media nocte surgebā ad confitendū tibi. Isaïas qui cuncta quæ euangelistæ narrant, multo antequam euenirent prædixit, ipse amore in deum accensus, ait, Anima mea desiderauit te in nocte, sed & spiritu meo in præcordijs meis de mane vigilabo ad te. Ieremias quoque antè sanctificatus quàm natus, futuram Hierosolymæ euersionem lugens, & precibus misericordiam implorādam suadens, nullas efficaciores fore credidit, quàm quæ nocturno tempore factæ fuissent. Ideo consurge (inquit) lauda in nocte, in principio vigiliarum effunde sicut aquam cor tuum ante conspectum domini. Et in euangelio legimus pastoribus vigilias noctis agentibus angelo adueniente saluatoris natiuitatem fuisse nunciatam. Cuius memoriam ecclesia quoq; a media nocte (tunc enim de virgine editus creditur) celebrare consuevit. Tunc etiam cum in templum puer Iesus est illatus: Anna Phanuelis filia redemptorem Israël agnouit sanctarum Vigiliarū merito, quia nō discedebat de tēplo, vt euāgelista ait, ieiunijs: & obsecrationibus seruies nocte ac die. Paulus apostolus cū Sylā discipulo in carcere positi, media nocte deo laudes decantant, & carceris fundamenta quassantur, ostia referantur, vincula soluuntur, & ipsi, non refragante, sed rogante magistratu liberi dimittuntur, in tantum profuit nocte intempesta ad hymnos deo reddendos exurrexisse. Hos æmulando tu qui sanctus es, ama vigilias, vt sanctior sis, & tu, qui peccator es, vt citius veniam impetres. Artifices partem noctis suo vendicant labori, vt quo plus operis cōfacerint, plus lucri consequantur.

H

Psal. 118.

Isaia. 15.

Thren.

Lucæ. 2.

Ibidem.

Actu. 15.

Pro. 4.

tur. Quod ergo illis pro adipiscenda pecunia non est iniucundum, sæpè enim cantant dum exercentur, hoc tibi molestum esse poterit pro lucranda cœlesti gloria: Nimium delicatus es, ne dicam stultus, si tantû boni tibi parare posse speras tota nocte stertêdo. Illis tantum & nocte & die dormire satius esset, de quibus dicitur: Non dormiunt nisi cû malè fecerint, qui ideo permigilant, vt latrocinentur, vt furentur, vt crapulentur, vt libidini luxuriæq; satisfaciant. Minus enim peccarent, dū dormiunt nihil agendo, q̃ malè agendo dum vigilant. Tales vigilię tam fugiendæ sunt, q̃ hę de quibus loquimur, expetendæ. His aduersus mortiferæ voluptatis illecebras armamur, his diaboli vires frangimus, & in dies efficimur fortiores. In his orando, legendo, meditando, quàm suavis est dominus gustamus. Per has mundatur animus, acuitur intellectus, mens ad cœlestia contemplanda erigitur, & gaudia illa quę eloqui nescit, se interdum sensisse miratur. Hęc sunt sanctarum vigiliarum dotes, hęc commoda, quę si tanta non essent, imò si minora forent quàm dicimus, vigiladum tamen nobis esse suaderẽ, ne somnolentię damna subire cogamur. Quę nunc nosse operę precium erit, vt mali comparatione bonum ipsum quanti faciendum sit magis pateat.

### *De malo somnolentię.*

### *Cap. 7.*

**C**Vius longior quàm natura postulat fuerit somnus, non solum bene agendi tempus perdit, sed etiã ipse ad vitia promptior fit, dum corpori magis q̃ animo obsequium præstat. Rarò videbis eos qui somniculosi sunt, à luxuria libidinibusque abstinere. Cû crapulati fuerint, graui sopore præmuntur, quos ronchizantes non facilius excites quàm syluestres vrsos, aut vitulos marinos. Putas experrecti ad orationes procumbant, vel ad decantandos psalmos insistentia-  
tacula

tacula conquirunt, prandia deinde parari iubent, & cū  
 hesternas per potationes diu dormiēdo vix edormie-  
 rint, iam sese nouis ac recentibus ingurgitant. Ne tunc  
 quidem vigilare putandi sunt cū vigilant. Nam eo  
 quoque tempore inertī veterinosq; stupore premi vi-  
 dentur, oscitant, hiant, languentibus nictant ocellis,  
 seque elatis lacertis ac pro lato pectore distendant, &  
 nisi totam noctem dormierint, somnum à se fugisse la-  
 mentantur: tunc remedia quibus reuocetur disquirūt,  
 iam papauer, iam lactuca parantur, iam titillatio cir-  
 ca digitos volasq; pedum discurrit, seruis ibi pruritum  
 excitantibus, vt dominus qui vsque manē soporem suū  
 continuare nequiuīt, eo iam non interrupto ad meri-  
 diem duret. Atque istos tam effoeminato otio assidue  
 torpētes de improniso mors occupat. Neque enim diu  
 viuere queunt qui multo somno dediti marcent, tu-  
 ment vultus lurido colore infecti, putrescentiaque vi-  
 scera repente inuadens valetudo dissoluere festinat. Et  
 quoniam nulla his cura fuit sanctis actionibus inuigi-  
 lare, quibus nixi in cœlum euolarent, peccatis prægra-  
 uati ad inferos descendunt. Quod sibi valde metuens  
 propheta orabat, cū diceret: Respice & exaudi me  
 domine deus meus, illumina oculos meos, ne vnquam  
 obdormiam in morte, ne quando dicat inimicus meus  
 præualui aduersus eum. Profecto nisi inimicus præua-  
 leret, id est, nisi periculū esset dormientibus, ne inimi-  
 ci huius dolis capiantur, sine causa dominus discipulos  
 increpauisset, cū dixit: Sic nō potuistis vna hora vigila-  
 re mecum? Quare autem illos vigilare vellet, cōtinuò  
 palam fecit, dicens: Vigilate & orate, vt non intretis in  
 tentationem. Huiuscemodi quidem periculi testis est  
 etiam parabola illa, in qua legitur: Cū dormirent  
 homines, venit inimicus homo, & superseminauit zi-  
 zania in medio tritici. Et illa altera: Si sciret pater fa-  
 milias qua hora fur venturus esset, vigileret vtique,

H ij & non

Matt. 26.

Matt. 13.

Matt. 14.

& non fineret perfodi domum suam. Inimicus igitur noster & fur diabolus est. Somnolentis & otio vacantibus magis insidiantur, quia minus providi sunt ad cavendum, facileq; ad omnes voluptatum illecebras inclinantur. Qui certè si capti & irretiti fuerint, tunc demum intelligent, quam malè dormierint, cum villicationis suæ reddere rationem compellètur. Datum quippe sibi tempus ad pœnitendum, ac bene agendum, inutiliter imo & nequiter consumpsere. Nihil de futura vita cogitantes, dum præsentem in delicijs corporis dormiendo lasciuiendo que transigunt.

*De somniis.*

*Cap. 8.*

**D**E istorum numero etiam illos esse dixerim, quos vanæ somniorum suorum imagines quasi futuræ diuinæ ita delectant, ut quotidie visâ enarrèt & si quando sequatur euentus, vera se vidisse iactitent, veluti digni quibus cœlestis providentiæ mysteria pandantur, cum magis illis conveniat, in Prouerbiis dictûs. Quasi qui apprehendit umbram & persequitur ventum: sic & qui attendit ad visâ mendacia. Neq; tamen imus inficias quandoque per somnium vera nunciari. Nam ut obiter aliquid ea de re dicamus: Iacob duodecim tribuum pater, cum obdormisset, vidit cœlestem scalam, angelosq; ascendentes & descendentes, & à domino audiuit, terræ in qua dormiret, se possessorē fore, semenque suum per orbem esse propagandum. Hoc in Genesi legimus, & ibidem de Iosepho eius filio, cuius somnio cognitum est, ipsum patri matrique ac fratribus honorabilem futurum manipulorum & stellarum quæ vidit, solis quoque & lunæ argumēto. Ab his enim per quietem se adoratum dixerat. Idem Ioseph magistri pincernarū Pharaonis & pistorum præpositi, cum quibus tunc in carcere erat, somnia interpretatus est, diuersæ quidem sortis, sed certissimi euentus, ac nihil prorsus

Eccl. 34.

Gene. 20.

Gene. 37.

Gene. 40.

prorsus ab interpretationis sententia discrepantis, Preterea in Iudicum libro Gedeonis victoria aduersum **Iudic. 7.** Madianitas, antequam per nocturnam imaginem fuit vulgata quam euenisset, quodam somniantem quod hordeaceus panis castra Madianitarum suo ictu subuertisset. Regum quoque historia testatur Salomoni dormienti apparuisse dominum, fuisseque locutum, & sicut petierat, rerum scientiam ac sapientiam contulisse. Somnio fidem fecit euentus. Nam eum sapientissimum inter reges fuisse satis constat. Danielis etiam somnia de ventis pugnantibus ac bestiis de mari ascendentibus, & aliis quae leguntur, nisi futurae veritatis signa extitissent ne scripta quidem in voluminibus diuinis fuissent. Veniamus ad euangelium: Magi ne ad Herodem reuertentur somnio admoniti, capitis periculum euaserunt. Iosephus in somnis accepto responso, cum puero Iesu & matre eius virgine fugit in Aegyptum, ut ipsum Iesum neci subtraheret, qua Herodes ipsum solum quaerit, aduersus infantem multorum infantiam erat scuturus. Ad haec non pauca in sanctorum vitis relata legimus, quibus credere compellimur, per quietem sapienter merito quae vera sunt reuelari: cum praesertim ipse dominus (ut in numeris scriptum est) dicat: Si quis fuerit inter vos propheta domini, in visione apparebo ei, vel per somnium loquar ad illum. Sunt tamen quaedam, quae per demonum illusiones accidunt, vana atque fallacia, veris tamen interdum mixta ut credantur. Demonis enim calliditas quo animo falsum aliquid suadet, eodem & verum reuelat utique ut nimium credulos, & iam sibi libere confidentes facilius euertat, atque in foueam alicuius mortiferi erroris precipitet incautos. Prudentia igitur opus est ad deuitandos dolos, quos ille veterator nobis dormientibus per ipsa somniorum phantasmata struere consuevit. Minimū itaque erit ei credendum, qui perpetuus humani generis aduersarius

Danie. 7.

Matth. 3.

Num. 12.

H iij

esse

esse noscitur. Quicquid ille quocunque modo sugges-  
ferit, nisi virtute diuina compulsus suggerat, non veri-  
tatem, sed laqueos esse certò scias. Tunc etiã magis erit  
cauendum, cum se ostenderit amicum, & palpare ani-  
mum blanditiis cœperit. Illa verò insomnia, quæ vel  
ab aliqua animi passione, vel corporis morbo, vel ne-  
gotiorum cura, vel diurna verborum vltro citroque  
haborum contentione prouenire solent, semper va-  
na futiliaque sunt, & nulla prorsus fide digna. Quod si  
quid ita vt somnium est euenerit, nō somnio credas,  
sed cuidam prælagæ mentis diuinationi. Fieri enim  
non potest, quin aliquando ita contingat, vt futurum  
prædicimus. Porro visa illa, quæ diuinitus immittun-  
tur, quamuis verissima semper sint, non tamen omni-  
bus æquè accidunt. Bonis quippe ad consolationem,  
malis ad terrorem. Bonorum sunt illa quæ præmisi-  
mus, malorum autē ista quæ dicemus: Pharaon rex cum  
dormiret, bœues vidit septē crassas, & totidē alias ma-  
cilentas, eodemq; numero triticeas spicas, alias turgē-  
tibus aristis plenas, alias effœtas, exiles, ac prorsus va-  
nas, & quemadmodum ista differens Ioseph sanctitate  
notus prædixerat, septennem annonæ copiam, septen-  
nis fames est subsecuta. Nabuchodonosori quoque re-  
gis dirum ac triste somnium, siue statuam quam vidit,  
confideres, vario metallo compactam, siue arborem su-  
pra modum proceram, atque amplam, vtroque enim  
somnia Daniele interpretante didicit, futuram regni  
cladem, & suimet qui felicissimus putabatur, extre-  
mam miseriam. Pilati etiã vxor in euangelio multa  
per visum se passam conqueritur propter Christum,  
& marito vt missum illum faceret, nititur persuade-  
re. Hoc quoque obseruandum, quod iniqui insomnia-  
rum suorum quid portendant ignari, à sanctis inter-  
pretationem accipiunt, vt Pharaon à Iosepho, & Nabu-  
chodonosor à Daniele. Vnde apparet, somnia ista quæ  
diuino

Gene. 41.

Danie. 2.

Danie. 4.

Matt. 27.

diuino fiunt consilio, & impiis obici quandoque, sed non nisi electis dei seruis reuelari. Taceant igitur peccatores, ad quos non pertinet iudicium somniorum, aut eos ad quos pertinet interrogent, ne per viam non suam incedentes, presumptione labantur. Vt autem nobis quoque spiritu sancto largiente interpretandi donetur facultas, minus temporis demus somno ut plus concedamus virtuti. Id si fecerimus, ne tunc quidem cum dormimus, quod terreat somniabimus, sed quod consoletur, quodque euigilantibus quoque gratum sit.

### De oratione fructuosa. Cap. 9.

**S**anctarum vigiliarum propria est quam deo offerimus, oratio. Opportune igitur nunc de illa disseremus. Ad Philipenses scribens Apostolus. Nihil solliciti sitis, inquit, sed in omni oratione & obsecratione cum gratiarum actione petitiones vestrae innotescant apud deum. In quo mihi quidem videtur docere, ut oremus eum qui potest dare quod petimus, obsecremus autem per ea, quae illi quae oramus, chara esse nouimus, ut facilius ad praestandum id quod poscimus inclinetur, & cum praestiterit, gratias agamus, ne impetrata ingritudinis vitio amittamus. Habes orationis formam, discite qualiter te habere oporteat inter orandum, secessum pete, ne quid oranti impedimento sit. Intra in cubiculum tuum, saluator ait, & clauso ostio ora patrem tuum in abscondito. Sed is etiam clauso precatur ostio, qui sensibus a rerum fragilium cura sequestratis, & mente & corpore in illum dirigitur cui supplicat. Qui sic se habent, etiam cum in conuentu multorum orauerint, in abscondito orare putandi sunt. Priuata tamen orationi semper magis apta est solitudo. Nam & dominus noster, ut se nobis imitandum proponeret, dimissa turba (sicut euangelista ait) ascendit in montem solus orare. Hac profecto de causa a suis

Philip. 4.

Matt. 6.

Matt. 14.

H iij etiam



- etiam discipulis quandoque se submouit, vt cùm diceret: Sedete hìc donec vadam illuc & orem. Et sicut Lucas ait, auulsus est ab eis quantum iactus est lapidis. Lucas igitur ab omni strepitu vacuus, si fieri potest, eligatur offerendæ deo præcationi, vt purior synceriorque offeratur. Deinde cùm cogitaueris, quàm potens, quàm immensus sit, quem allocuturus es, quàm ediuersò tu vilis atque abiectus, humiliter quantum potes accede, suspirans, ingemiscens, lachrymas etiam si potes fundens, illumque imitare publicanum, qui stans à longè, vultu in terram deiecto, pectus percutiebat suum. Peccatorum quippe conscius non est ausus propius accedere, non oculos in cœlum subleuare, & vt à se poenā exigeret, à pectoris verberatione non cessauit. Verum ne quis vel dignitate præditus, vel à deo iam gloriam consecutus, minus se submittat, ad scripturarum testimonia animum applicet, & videbit Salomonem regem in dedicatione templi fixis in terra genibus & manibus ad cœlum expansis, deprecantem. Audiet Danielē prophetam dicentem: Posui faciem meam ad dominum deum meum, rogare & deprecari in ieiuniis, sacco & cinere. Inde transiens ad euangelium, considerabit vas electionis Paulum apostolū, qui ait: Curuo genua mea ad patrem domini nostri Iesu Christi. Ipsum quoque Christum dominum contemplabitur quo nemo sanctior, nemo magnificentior, modò prono corpore in faciem procumbentem, modò erecto in cœlum suspicientem, & modò positis genibus orātem, non quòd illi nostris humiliationibus opus esset, sed quòd nos illius indigeremus exemplo. Porro quoties peccatis, quæ à nobis commissæ sunt, ignosci petimus, antè illis à quibus iniuriam accepimus, ignoscamus. Ipsius enim domini præceptum est: Cùm stabitis ad orandum, dimittite si quid habetis aduersus aliquem, vt & pater vester qui in cœlis est, dimittat vobis peccata vestra. Quod si vos non
- Matth. 26.  
Lucæ 22.  
Lucæ 18.  
3. Reg. 8.  
Daniel. 9.  
Ephes. 3.  
Mar. 11.

non dimiseritis, nec pater vester qui in cœlis est, dimittet vobis peccata vestra. Et Apostolus: Volo, inquit, viros orare in omni loco, leuantes puras manus sine ira & disceptatione. Quomodo enim tibi placatum iri deū speras, nisi prius ipse placatus fueris proximo tuo? Tu deum quem semper summè reuereri debebas, offendidisti: alius te, qui homo es, non deus: creatura, non creator: peccator, nō iustus: & licet ille qui læsit, lædere nō debuerit, tu tamen lædi merebare, quid enim mali nō meretur is qui deo peccat: & si dixerimus quia peccatum non habemus, nos ipsos seducimus & veritas in nobis non est. Nunc considera quàm iuste poscas tibi ignosci, qui deo deliqueris, cū tu homini nō vis ignoscere, qui deliquit tibi. Post remissam autem omnem iniuriam, accede ad offerendas preces, non frigide sed ardentè: non remisè, sed perseveranter. Attende quid Ieremias propheta monendo dicat: Leuemus, inquit, corda nostra cum manibus ad dominum in cœlis. Quod & apostolus docet, dicens: Orabo spiritu, orabo & mente, psallam spiritu, psallam & mente. vt videlicet & lingua sermonem resonet, & mens circa ea quæ dicuntur, intenta sit. Parum diligens est precator, qui aliò verba, aliò cogitationes dirigit, & cū corpore in ecclesia sit, animo vagatur foras per vrbis loca, vel secessus ruris. Quando hic cum Apostolo dicere poterit: Conuersatio nostra in cœlis est, si ne ibi quidem vbi est, se esse nescit: Nec semel orasse sufficit, instandum est vt impetres quod postulas. Eadem preces frequenter replicandæ, & in his quæ ad animæ salutem pertinent, vsque ad finem est perseverandum, dicente ipso qui saluat: Petite, & dabitur vobis: quærite, & inuenietis: pulsate, & aperietur vobis. Omnis enim qui petit accipit, & qui quærit inuenit, & pulsanti aperietur. Chananæa mulier cū domino supplicasset, repulsa non recessit, cōtempta magis se submisit, & quoniā

Timot. 2.

1. Ioh. 1.

Thre. 3.

1. Cor. 14.

Matt. 5.

Lucæ 18.

Lucæ 11.

Lucæ 22.

1. Theſſ. 5.  
Actu. 1.

Mar. 11.

Iohan. 14.

niam humiliter orando perſeueravit, quod popoſce-  
rat, accipere meruit. Hanc rogandi aſſiduitatem com-  
mendat etiam parabola illa de muliere vidua, quæ du-  
rum & faſtidioſum iudicem petendi improbitate, vt  
ipſam de aduerſarij iniuria vindicaret, compulſit: & il-  
la alia parabola de homine qui nocte intempeſta pul-  
ſando amici ianuam, & clamitando dormientem exci-  
tauit, excitatum ſurgere coëgit, & panes quotquot vo-  
lebat ſibi commodare. Dominus præterea cùm futuri  
iudicij terrores prædicendo explicuiſſet, adiecit: Vigila-  
te itaq; omni tempore orantes, vt digni habeamini  
fugere iſta omnia, & ſtare ante filium hominis. Deniq;  
quod verbis docuit, opere confirmauit, ter enim eaſdẽ  
preces repetiſſe dicitur, & factus in agonia oraſſe pro-  
lixius, multumq; ſudaſſe dum oraret, vt diſcas, etiam  
cùm multum oraueris, non remittere cordis affectum  
quem non ſolùm cùm rogamus q̃q̃ tunc magis, verum  
etiam cùm non rogamus nos habere neceſſe eſt, vt im-  
pleatur quod Apoſtolus ait: Sine intermiſſione orate.  
Poſt glorioſam domini aſcenſionem de ipſis eius apo-  
ſtolis traditum eſt, quòd perſeuerantes erant in oratio-  
ne cum mulieribus & Maria matre Ieſu & fratribus  
eius. Et ſi Apoſtoliſ opus erat iugi orationũ ſacrificio,  
quis tutum ſe à tẽtationum periculo ſperabit, niſi ſem-  
per orauerit? Hoc quoque roganti neceſſarium, vt nũ-  
quam de dei miſericordia diſſidat, ſed ſemper ſe impe-  
traturum ſperet quod petit, ſi modò illud fuerit ſibi,  
vel ei pro quo petit, profuturum. Omnia, inquit, quæ-  
cunque orantes petitis, credite quia accipietis, & eue-  
niet vobis. Malè tamẽ id credit, qui veritati quę Chri-  
ſtus eſt, non adhæret, eodem dicente: Veri adoratores  
adorabunt patrem in ſpiritu & veritate. Et vt offen-  
deret quare ſic adorandus eſſet, Spiritus, inquit, eſt  
deus: & eos qui adorant eum, in ſpiritu & veritate  
oportet adorare. Hoc ſpiritus afflatus David, in ean-  
dem

dem sententiam prorupit, dicens: Propè est dominus Psal. 144.  
omnibus inuocantibus eum, omnibus inuocantibus  
eum in veritate. Frustra igitur hæretici precibus in-  
sistunt, frustra omnes illi qui Christi religionem ve-  
ritatis fide non sequuntur, nunquam futuræ salutis  
quàm orant, compotes erunt, nisi crediderint. Ad hæc  
si precatione poposceremus rem aliquam, cuius incer-  
tus est exitus, id est, qua impetrata nescimus, vtrum  
commodo an incommodo nobis futura sit, dei volun-  
tati committamus: vt non quod ipsi cupimus præstet,  
sed quod ille nouit, neque noxium neque inutile fore,  
quia redemptor quoque noster, cùm passionis cali-  
cem transferri à se patrem rogasset, ita orationem  
clausit, vt diceret: Veruntamen non mea voluntas, Lucæ 22.  
sed tua fiat: non quòd ipse nesciret crucem, quam sub-  
iturus erat, omnium credentium fore salutem, sed  
quòd instruere nos vellet, vt semper voluntati no-  
stræ præferamus dei voluntatem. Vnde ab eodem e-  
docti, quotidie orando dicimus: Fiat voluntas tua sicut  
in cælo & in terra. Cæterum cùm eius voluntas sit, vt  
piè iusteque viuamus, hoc quoque his verbis posci-  
mus, vt leges atque præcepta quæ dedit nobis, per nos  
impleantur. Frustra enim imbecillitas nostra ad id ni-  
teretur, nisi illam gratia iuuaret diuina. Et si per se  
bonum aliquod agere possemus, necesse non esset ora-  
re vt possimus. Charitas præterea, quam omnibus de-  
bemus, exigit vt sicut pro nostris, ita & pro his preces  
offeramus deo, vota quæ faciamus. Iacobi apostoli sen-  
tentia est: Orate pro inuicem vt saluemini. Paulus quo Iacobi. 2.  
que apostolus hortatur, dicens: Obsecro primum om- 1. Tim. 2.  
nium fieri obsecrationes, orationes, postulationes, gra-  
tiarum actiones, pro omnibus hominibus, pro regibus  
& omnibus qui in sublimitate constituti sunt, vt quie-  
tam & tranquillam vitam agamus in omni pietate  
& castitate. Denique dominus noster etiam pro per-  
secu-

- Actu. 7. secutoribus nos orare iussit, & ipsemet pro illis, à quibus probra, maledicta, verbera, & in crucem actus mortiferas plagas patiebatur, orauit patrem, ignosciq; eis postulauit. Quanti autem id meriti sit, primus martyr Stephanus ostendit, qui iis à quibus lapidabatur veniam precaturus, vidit coelos apertos, & Iesum stantem à dextris virtutis dei, ab eodem vtiq; iam iam suscipiendus, cuius in diligendis inimicis mansuetudinem fuerat imitatus. Quò autem facilius ad assequendam beatitudinem voti nostri compotes simus, expediet quidē eos etiam quos deo charissimos esse constat, vt pro nobis deprecantur obsecrare, vt quod ipsi non meremur, illorum qui digni sunt suffragiis obtineamus. Ita fecisse gentiles quosdam in euangelio Iohannis legimus. Cupiditate enim affecti videndi Iesum, rogauerunt Philippum, Philippus Andream, ambo dominum: quid secutum sit, euangelista nō explicat. Non tamen dubito, quin ipse dominus per apostolos exoratus hoc concesserit, quod fortasse iis tacentibus vel non concessisset, vel concedere distulisset, Sanctos ergo in auxilium nobis inuocemus, quia in psalmo est scriptum: Oculi domini super iustos, & aures eius in preces eorum. Et Iacobus apostolus: Multum valet, inquit, deprecatio iusti assidua. Plus potuit vnius Moyfi oratio, quàm multorum arma. Illo namque orante victæ sunt inimicorum copiae, quo tacente superabant. Ad Eliæ prophete preces coelum dedit pluuiam & terra fructum, cum trium annorum & sex mensium siccitate cuncta in agris exaruisissent. Idem viduæ Sareptanæ inopiam farinae oleiq; copia exuberare fecit, filioque eius mortuo, cum orasset, vitam instaurauit. Eliseus quoque deum precatus viginti hordeaceis panibus centum virorum famem saturauit, ita vt etiam reliquiae superfuerint. Deinde Sunamitidi hospite diu sterili prolem à domino exorauit, & qui natus fuerat, puerum vita defunctum reuiuiscere

Ioh. 12.

Psal. 33.  
Iacobi 5.

Exod. 17.

3. Reg. 17.

4. Reg. 4.

Ibidem.

4. Reg. 5.

niscere fecit, postremò Naamam Syrum lapræ morbo laborantem sanitati restituit, nec terrenis corporibus modò, verum etiam cœlestibus iusti atque fidelis hominis præualeat oratio. Iosue Israëliti exercitus dux oblati deo precibus solem & lunam stare compulsi, donec inimicos ad fugam conuersos persecutus internicione deleret. Pro Ezechia rege supplicante angelus è cœlo delapsus pugnavit, & Assyrios qui ipsum obsederant, cœcidit: centum octoginta quinque milia viro- rum vna nocte fuere desiderata. Nullus vnquam exer- citus tam feliciter armis confligit, quàm eo tempore sua solus Ezechias oratione. Sed etiam quando graui morbo affectus se moriturum audisset, longiora vitæ spatia oranti quindecim anni additi sunt. Longū esset referre veteris nouæque scripturæ miracula, percur- rendo quando quanta vis atque virtus precum sancta- rum sit, quot mortuos ipsi etiam Christi discipuli susci- tarint, quot cæcis visum, quot claudis gressum, quot in- curabili ægitudine oppressis pristinā restituerint sa- nitatem. Audi insuper quid ipsa veritas dicat: Omnia, inquit, possibilia sunt credenti, & omnia quæcunque petieritis in oratione credentes accipietis. Et alibi: Quodcūque petieritis patrem in nomine meo, hoc fa- ciam. Et iterum: Si quid petieritis patrem in nomine meo, dabit vobis. Quid ais Iudæ: quid tu Mahumeta- ne? quid vos omnes qui in Christū non creditis, nōne incassum cœlestē bonum speratis, quia illud in nomi- ne Christi non petitis? Non enim potestis in eius no- mine petere, quem non recipitis fide, quem dei filium esse negati. Quis autem fidelibus ille ait: Si manseritis in me, & verba mea in vobis manserint, quodcunque volueritis petetis, & fiet vobis. Manemus in Christo cum credimus, manent in nobis verba Christi, cum ea operibus comprobamus. Hoc si præstabimus, nubes cœ- losque penetrabit oratio, & illi beati spiritus qui To-  
bia

Iosue 10.

4. Reg. 9.

4. Reg. 20.

Matth. 21.

Iohan. 14.

Iohan. 17.

Iohan. 15.

Tob. 12.  
Apoc. 8.

biæ preces offerebant domino, etiam nostras offerre curabunt. Et sicut in Apocalypsi scriptum est: Fumus incensorum de orationibus sanctorum ascendit coram deo de manu angeli, ita & nostræ orationes ascendent. Neque vlli dubium esse potest, quin ille cuncta quæ petierit à domino impetraturus sit, cuius internuntij spiritus ipsi angelici esse non dedignantur. Neque enim hoc ideo permittit omnium præsciis, & semper ubique præsens deus, quod indigeat ut hominum opera orationesque ad se perferantur: sed ut per angelorum officium suam erga pios promptosque peccatores benevolentiam testetur. Amare se plurimum eos ostendit, quos talibus uti concedit ministris. Quibus certè si digni fuerimus, hoc est, si quemadmodum oportet, orauerimus, præterita peccata condonabuntur, præsentia repellentur, futura facillè vitari poterunt, ipsa animi virtus roborabitur, caro obediet spiritui, & superatis diaboli tentamentis, bonorum operum fructus cumulabitur. Reliquum erit, ut re bene gesta hinc decedentes à domino coronemur. Sed iam de illis quoque pauca dicamus, quorum preces vel nullius vel minimi momenti sunt, ut simul discamus, nos eorum dissimilimos esse oportere, si diuinum nobis fauorem precum laudumque cultu cupimus conciliare.

### *De oratione infructuosa. Cap. 10.*

Thre. 3.  
Ibidem.

**N**E supplicationibus nostris propitiatur deus peccata obstant. In Ieremia scriptum est: Opposui tibi nubem, ne transiret oratio. Vnde idem propheta sub persona plebis peccatricis coram deo queritur & ait: Nos iniquè egimus, & ad iracundiam prouocauimus, idcirco tu inexorabilis es. Nisi enim omnium prorsus delictorum quæ commisimus, nos poenitu erit, & de omnibus pariter dolore mœroreque satisfacere  
flu-

studuerimus, frustra procumbimus ad orandum. Nihil impudens est, qui vel vna in re offendere non cessat, & ab eo quem offendit, orat gratiam. Quid supplicando atque obsecrando placare deum tibi iratum speras, & à luxuria non discedis, & fornicari non desinis? vel aliud quod legi diuinæ aduersatur, agere non omit-  
tis? De istiusmodi supplicatoribus lamentatur in euā-  
gelio saluator noster, dicens: Quid vocatis me domine  
domine, & non facitis quæ dico? Quod si fortè conti-  
gerit, vt per inuocationem diuini nominis miraculum  
aliquod efficias, noli propterea credere deū tibi recon-  
ciliatum, si in delicto perseveras, non tuo merito id con-  
ceditur, sed necessitati aliorum. Multi, inquit, dicent  
mihi in illa die, domine domine nonne in nomine tuo  
prophetauimus, & in nomine tuo dæmonia eiecimus,  
& in nomine tuo virtutes multas fecimus? Et tunc con-  
fitebor illis, quia nunquam noui vos, discedite à me om-  
nes qui operamini iniquitatem. Tunc te nosse incipiet,  
cū ab eo scelere, in quo nunc obstinatus perduras,  
abstinere decreueris, tunc & gratiam conferet vt ab-  
stineas, & cum pro tua oraueris salute, voti compos vt  
efficiare præstabit. Intantum autem obstinatorū non  
acceptat orationem, vt etiam pro eis orare vetet, præ-  
sertim si incorrecti impœnitentesq; decesserint, quod  
Iohannes apostolus in epistola testatur, dicens: Est pec-  
catum ad mortem, non pro illo dico vt roget quis. Ipsa  
quoque dominus Iudæorum pertinaciæ iratus, ad Iere-  
miam prophetam loquens ait: Tu ergo noli orare pro  
populo hoc, nec assumes pro eis laudem & orationem,  
& non obstitas mihi, quia non exaudiam te. Timeant  
itaque horum verborum sententiā qui in peccato per-  
sistere non timent. Quod si in scelere perseveraturum  
aliquem constaret, nemo fidelis pro salute illius orare  
auderet, nisi sibi licere arroganter crederet, quod non  
licuit prophetæ. Nos verò ideo etiam pro obstinatissi-  
mis

Lucæ 6.

Matth. 7.

1. Iohan. 5.

Ierem. 7.



mit rogamus, quia nescij futurorum speramus ad poenitentiam redituros. Certum est tamen cassas vanasq; esse preces, per quas aliis id postulatur quod non merentur accipere. Illorum etiam inefficax & inutilis erit deprecatio, qui lingua quidem mansuetudinem atque humilitatem præferunt dum deo supplicant, & in corde aduersus proximum odij facibus ardent. A deo diligi volunt, & homini ad imaginem dei facto, Christi sanguine redempto, insensi sunt. Audi quid præcipiat dominus: Si offers, inquit, munus tuum ad altare, & ibi recordatus fueris, quia frater tuus habet aliquid aduersum te, relinque ibi munus tuum ante altare, & vade prius reconciliari fratri tuo, & tunc veniens offeres munus tuum. Quamobrem nisi remiseris omnem offensam, nisi reconciliatus fueris, nisi eum etiam qui aduersum te indignatur, quantum potes, placaueris, curam non solum tuam, sed etiam alienam salutis gerens, non poteris munus orationis offerre domino. Non enim exaudiet te, nisi charitatem quam omnibus debes, viderit in te. Illius quoque reprobam in primis habetur oratio, qui quicquid petierit, non eo tendit, ut deo placeat. Nam siue pro corporis valetudine, siue pro rebus vitæ necessariis, aut pro quauis alia re orabimus, semper ea fine orandum erit, ut commodius ei, qui bona omnia tribuit seruiatur. Sed avari ideo orant, ut terrena bona lucrentur, ideo gloriæ cupidi ut ab hominibus laudentur. Quare ad primos certe pertinet quod in Euangelio dicitur: Vae vobis scribæ & pharisæi hypocrite, qui comeditis domos viduarum, orationes longas orantes, propter hoc amplius accipietis iudicium. Non enim solum pro auaritiæ crimine punientur, sed & pro sanctimoniam simulatione. Secundos imitari dominus prohibet, dicens: Cum oratis, non eritis sicut hypocritæ qui amant in synagogis & in angulis platearum stantes orare, ut videantur ab hominibus: Amen dico vobis

Matt. 5.

Matt. 23.

Matth. 6.

bis, receperunt mercedem suam. Non ergo recepturi  
 sunt dei gloriam, quam orando nō expetunt, cū iam  
 receperint gloriam hominum, quam concupierant.  
 Utantur & hi quidem dominica oratione, sanctorum  
 psalmis precibusque ab ecclesia constitutis, dominus  
 tamen non attendit verba, sed animū intentionemque  
 orātis, & magis irritatur quā placatur, cū id quod  
 bonum est, proposito vsurpatur non bono. Tale quippe  
 facinus & Ieremias deuot, dicens: Maledictus qui fa- Iere. 48.  
 cit opus domini fraudulenter. Cū ergo hic quoque  
 fraudulenter agat, qui orandi studium ad laudem dei  
 institutum, ad suam vertere nititur, erit vtique male-  
 dictus: & dum vulgi plausum captat, videri nō esse san-  
 ctus cupiens, nisi poenitentiam egerit, non effugiet po-  
 nam, dicente propheta: Deus dissipauit ossa eorū, qui Psal. 52.  
 hominibus placent. Præterea neque eorum ad impe-  
 trandam gratiam proficit supplicatio, qui quāuis be-  
 nefecerint, iactanter tamen facta sua prædicant, cū  
 teste conscientia contenti esse deberent, & quicquid  
 laudabiliter egissent, non sibi, sed deo tribuere. Talis  
 fuit Pharisæus ille, qui ingressus templum vt oraret, Luce 18.  
 deprimere aliorum mores cepit, suos verò insolenter  
 efferre: Deus gratias tibi ago, inquit, quia non sum fi-  
 cut cæteri homines raptores, iniusti, adulteri, velut  
 etiam hic publicanus, ieiuno bis in sabbato, decimas  
 de omnium quæ possideo. Si ista quæ faciebat, ad dei  
 laudem non ad suam dixisset, nec se cæteris prætulisset,  
 non peccasset, sed & se gloriari voluit, & alios petu-  
 lanter incessere, & præcipue publicanum tunc eodem  
 loco, sed multo submissius orātem. Ideo peccatoris hu-  
 militas meruit veniam, iusti superbia damnationem,  
 domino de vtroque sententiam ferente, cū diceret:  
 Amen dico vobis, descendit hic iustificatus in domum  
 suam præ illo. Quod si tantum potest humilitas adhi-  
 bita peccato, quanto plus poterit innocentia probeq;  
 factis

Isaia. 29.

Matt. 1.

factis copulata: Sunt qui nimis negligenter orant, sum-  
 mis labijs verba murmurant; nec satis quid dicant,  
 attendunt, non dissimiles illis qui per quietem som-  
 niantes loquuntur, quos per Isaïam arguens dominus,  
 ait: Hic populus labijs me honorat; cor autem eorum  
 longe est à me. Tales certè si exaudiret, non reprehenderet.  
 Et quoniam inter orandum semetipsos non intelligunt,  
 faciunt vt nec à deo intelligantur. Qualem igitur affectum  
 orandi habent, talem & fructum sue orationis referunt.  
 Ex his (vt equidem reor) erat ille, cui in Apocalypsi deum  
 audimus loquentem: Vtinam frigidus esses aut calidus,  
 sed quia tepidus es, & nec frigus nec calidus, incipiam te euomere ex ore meo.  
 Frigus timoris est, calor ad amorem refertur; tepiditas  
 autem desidia: otioque tribuitur. Otiosi igitur & terrena  
 magis quam coelestia curantis deprecatio, quoniã  
 neque satis timet; neque satis amat, tantum abest vt  
 quicquam impetret, vt etiã (si fas est dicere) nauseam  
 ei faciat quem precatur. Cum enim admodum somnulosè  
 roget, illud quod petit, cõtemnere potius quam desiderare  
 videtur. Nam si magnipenderet quod poscit, enixè in  
 primis ardentè quo instaret, diceret que cum propheta:  
 Clamam in toto corde meo; exaudi me domine. Qui sic  
 non clamant, non facillè exaudiuntur. Nonnulli verò  
 satis cupidè orant, sed fide dubia adhuc atque nutanti,  
 veluti ille in euangelio, qui filium secum attulit ad  
 Iesum, vt à vexatione liberaretur, & ait: Si quid  
 potes, adiua nos misertus nostri. Quandiu suspensò  
 animo fuit, possit ne id sibi à domino præstari, quod  
 rogabat non accepit. Postquam autem firmà stabili-  
 que fide opus esse ad impetrandum didicit, & se iam  
 verè credere nihilque de domini virtute dubitare  
 respõdit, filium pro quo orabat sanum recipit. Hanc  
 dubiæ & fidelis postulationis inter se distantiam Iaco.  
 apo. verba satis declarant, vbi ait: Si quis indiget sa-  
 pien-

Marci 9.

piencia, postulet à deo qui dat omnibus affluenter, & non impropere, & dabitur ei. Postulet autem in fide nihil hæsitans, qui enim hæsitat, similis est fluctui maris, qui à vento mouetur & circumfertur. Non ergo æstimet homo ille, quòd accipiat aliquid à domino. Ex his igitur quæ diximus, perspicuum est, eos qui vel de religione quicquam dubitant, vel in peccato aliquo perdurant pro æterna salute, quam credentibus ac pœnitentibus promissam esse constat, orantes non exaudiri, quibus dicere possis, cum Iacobo apostolo: Petitis, & nō accipitis, eo quòd malè petatis. Quod quidem & ecclesia deo in psalmis loquens confitetur, cum ait: Odientes me disperdidisti. Clamauerunt, nec erat qui saluos faceret, ad dominum, nec exaudiuit eos. Contraria his agamus oportet, si volumus vt petita nobis concedantur, vt videlicet ista per quæ precantium labor irritus efficitur, vitemus, & illa faciamus quæ nos cum precamur, voti compotes reddunt. Quoties autem id quod orando poscimus, non euenerit, aut dilatum credamus vt aptiori detur tempore, aut non fuisse profuturum si datum esset, aut ne daretur peccata nostra obstitisse. Si verò ex sententia successerit petitio, gratias deo agamus, neq; quicquam nostris meritis, sed totum eius erga nos benignitati depute mus. De orandi ratione satis dictum sit: nunc vt confidentius ad orandum procedamus, de peccatorum pœnitentia, sine qua omnino placere non possumus, tractandum videtur.

Iacobi 3.  
Psal. 17.

### De peccatorum pœnitentia. Cap. II.

**P**œnitentia nos à peccatorum sordibus emundat, & pristina restituit puritati. Vnde læprosus in Euangelio Christum suppliciter adorās, & curari cupiens, morbo liberatur. Lepra in scripturis peccatum designat. Peccati ergo læpra domino iubente, ab animo pœnitētis fugatur, vt ibi virtutes inserātur,

Matth. 9.

I ij vnde

- Matth. 8. vnde vitia pullulabant. In huiusce rei figura & paralyticus de lecto surgit, & mulier à sanguinis profluvio curatur, & qui mortui erant reuiviscunt, & alij multi varijs languoribus grauati eleuantur. Nam quemadmodum hi credendo & pœnitendo corporis consecuti sunt salutem, ita animæ fideles à peccatorum ægritudine per pœnitentiam liberatæ saluantur. Sic saluatus est David, qui de adulterij homicidijq; crimine, quod commiserat dolens: Peccaui, inquit, domino, & continuo peccatum sibi remissum esse meruit audire, & tunc quidem ad altiora se extendens, clamauit: Cor mundum crea in me deus, & spiritum rectum innoua in visceribus meis, vt impetrata delictorum venia spiritu sancti donum in ipso reparetur, per quod vitæ quoq; sanctitate possit proficere. Quod autem sceleri veniam impetret pœnitentia, etiam per Ezechielem prophetam dei verbis edocemur: Si impius, inquit, egerit pœnitentiam ab omnibus peccatis suis quæ operatus est, & custodierit omnia præcepta mea, & fecerit iudiciu & iustitiam, vita viuet, & non morietur, omnium iniquitatum eius quas operatus est, non recordabor, in iustitia sua quam operatus est, viuet. Nunquid voluntatis meæ est mors impij, dicit dominus deus, & non vt conuertatur à viis suis & viuatur? Et iterum: Impietas impij non nocebit ei, in quacunque die conuersus fuerit ab impietate sua. Pœnitentia igitur nitrum est & herba fullonum, quæ non corpora, sed animam nitidam reddit, & resina illa Galaad, quæ non carnis ægritudini, sed mentis medetur vitiis. Mens autem post peccatorum purificationem spiritu sancto fauente illuminatur, virtutumq; incenditur amore, ita vt ab iis quæ deo displicent penitus expiata, cogitare incipiat quæ sint illa, quibus ille plurimum oblectatur, cupiens eidem in omnibus obsequi, in omnibus semper fideliter seruire. Hæc est igitur gratia, quæ pœnitentibus datur, fidusque illud luculen-

culentum, quod magos, cum regem mundi natum quæ-  
rerent, præcessit, sed cum itinere ad Herodem diuer-  
tissent, fulgor viæ salutaris index euauit: ubi verò di-  
scessum est ab Herode, rursus idem lumen apparens,  
illos usque ad dominum, quem quærebant, perduxit.  
Ergo diuinæ gratiæ mentem nostram irradians lux, la-  
tet & obscuratur, sed ad vitia diuertimus: cum autem  
ab his per poenitentiam recedimus, quamprimum exo-  
ritur, & intelligentiam mundati cordis illustrat, ut ad  
contemplationem cœlestium erigatur, cui prius terre-  
na tantum curæ erant. Sic & cæcis visus, & surdis au-  
ditus, & vox mutis tribuitur in Euangelio: ut qui in  
tenebris peccati fuerunt, per poenitentiam illuminen-  
tur: & qui dei præcepta audire nolebant, conuersi etiã  
perficere studeant: & qui docendi non ignari, sed otio  
dediti linguam compescuerant, iam alios ad capeffen-  
dam virtutem hortando atque instruendo ora resolu-  
unt. Talibus ab Apostolo dicitur: Eratis aliquândo te-  
nebræ, nunc autem lux in domino. Ut filij lucis ambu-  
late. Vnde idem peccatorem ad poenitentiam solici-  
tat, dicens: Surge qui dormis & exurge à mortuis, & il-  
luminabit te Christus. Ceterum, nisi prorsus omnium  
quæ turpiter & iniquè perpetravimus nos poenituerit,  
lux ista in nobis locum non habebit. Non potest fulge-  
re dies quandiu pars aliqua noctis remanet, neque syn-  
cerum esse frumentum, donec à minutissimis etiam pa-  
leolis & cunctis pulueris micis euentifatum non fuerit.  
Denique veluti cæcus ille, qui nondum satis credulus,  
visu recepto quasi per caliginem cernebat, videban-  
turque ei homines (ut Marcus ait) tanquam arborum  
effigies incedentium, deinde plena fide Christum susci-  
piens, iterumque ab ipso contactus, clarè videre coepit  
omnia. Ita nunquam perfectè illuminari poterit, cu-  
ius non erit ex omni parte poenitentia perfectà, de qua  
perfectiōe inferius, quantum dominus nostras quoq;

Ephes. 1.

Marci 2.

I iij. tene-

tenebras illustras dignabitur, dicemus. Interim reliqua  
 pœnitentiæ bona cursum prosequamur. Post mentis il-  
 luminationem pœnitentia animi robur viresque sup-  
 peditat ad insultus dæmonum reprimendos, carnisq;  
 vitanda blandimenta. Anima enim sicut peccatorum  
 vinculis irretitur, ita pœnitentiæ ope operaque solui-  
 tur ac liberatur, expedita intrat in domum fortis ipsa  
 iam fortior, & quæ antea diabolo ligata fuerat, nunc dia-  
 bolum ligat, vasque eius diripit, nihil in se relinquens,  
 quod ille suum esse possit dicere. Quâdiu autem serua  
 peccati fuit, & domus & vas diaboli erat, postq̃ pecca-  
 re desiit, & quod peccauerat pœnitendo deleuit, facta  
 est domus orationis & vas iustitiæ, atque ita preualuit  
 aduersarij sui potentiæ suæ pœnitentiæ virtute. Ad hæc  
 percurrere veteris instrumēti historias, & inuenies He-  
 bræum populum propter peccata hostili potestati fre-  
 quenter subiectum, propter pœnitentiam liberatum,  
 propter peccata victos, propter pœnitentiam victoria  
 potitos. Hoc Iudicum liber continet, hoc Regum gesta  
 testantur. Sic Rhoboam, ne Aegyptij armis disperde-  
 retur, obtinuit, Sic Achab malum quod capiti suo mox  
 incubiturum per prophetam didicerat, distulit ad po-  
 steros, sic Iosaphat Ammonitas Idumeosq; vicit & nu-  
 mero & armis impar, sic Ioram Assyriorum obsidione  
 & Ioachan eorundem seruitute liberatur. Ob hoc pro  
 Ezechia stans angelus domini concidit Assyrios. Ob  
 hoc Manasses Babylonio iugo erutus, regno quod ami-  
 serat restituitur. Ob hoc Iosias non vidit malum, quod  
 vidisset, si delicti eum non pœnituisset. Eius pœniten-  
 tiæ merito, ne impœnitens quidem populus dei vindi-  
 ctam sensit, quâdiu ille vixit. Quinetiam pœnitentiæ  
 tanta vis est, vt immutabilis dei mutare posse senten-  
 tiam videatur. Post dies quadraginta subuertendam  
 Ninuiem Ionas à domino iussus prædixerat, & tamen  
 Ninuitis in cilicio, cinere, atque ieiuniis pœnitentiā  
 agen-

Populus Is-  
 raël.

Rhoboam.  
 Achab.

Iosaphat  
 Ioram  
 Ioachan  
 Ezechi.  
 Manasses  
 Iosias.

Ninuitæ  
 Ionæ 2.

agentibus ignoscitur:& quoniam illi peccandi superbiam in poenitendi humilitatem conuerterant, diuinum decretum reuocatur. Nec deum ipsum pudet figulo se comparare, vt in Ieremia legimus, qui vas luteum fingens, cum rota currente fortè dissipasset, rursus illud in eandem faciem refecit:& ecce, inquit, sicut lutum in manu figuli, sic vos in manu mea domus Israël. Repente loquar aduersum gentem & aduersum regnū, vt eradicem & destruiam & disperdam illud. Si poenitentiam egerit gens illa à malo suo, quod locutus sum aduersum eam, & ego poenitentiam agam super malo, quod cogitavi vt facerem ei, & subito loquar de gente & regno, vt ædificem & plantem illud. Attendāt principes terræ ista, & si qua regni dispendia patiuntur, non fortunæ imputent, quæ nulla est, sed sibi qui deum offenderunt:& si in integrum restitui cupiunt, poenitentiam agant, delinquentes corripiant, iustitiam seruent. Deus irasci desinet, si illi quibus nunc irascitur, correcti, sanctius viuere incipient. Alioqui penitus delendi, nisi se corrigant. Id testantur duorum regum diuersi exitus Pharaonis & Nabuchodonosor. Alter toties flagellatus duritiam cordis non dimisit, ideoque cum toto exercitu qui ipsum sequebatur, fluctibus obrutus, periit. Alter mēte alienatus, vrbe eiectus, & cum brutis computatus, quia deum contempserat, inter aduersa animo resipiscens deo se submisit: & poenitudine ductus, veniam ab eo petiit, quo miserante calamitatibus liberatus & in regno fuit receptus. Diuina igitur prouidentia cum poenitentibus clemēter ignoscit, tum in vitio pertinaces diu frustra puniens, iuste postremo disperdit, & quos temporali animaduersione ad emendationem vitæ compellere nequit, eos æternis pœnis afficiendos condemnat. Sicut autem deprauatæ mentis obstinatio sua grauitate hominem in abyssum deprimit ac pessundat, ita poenitentia sua virtute sur-

Ierem. 18.

Pharao.  
Nabuchodonosor.

I iiii) sum



Lucæ 17.

Apoc. 22.

sum in sublime vsq; ad cœleste regnum euehit, & quò nihil est sublimius, deo coniungit. Hinc est quod saluator in Euangelio ait: Pœnitentiam agite, appropinquet enim regnum cœlorum. Hoc regnum domus est illa, ad quam ovis à grege suo aberrans cùm inuenta fuerit, humeris reportatur pastoris, & sit gaudium in cœlo super vno peccatore pœnitentiam agente, magis q̃ supra nonagintanouem iustis, qui non indigent pœnitentia. Denique pœnitēti in cruce latroni, Christumq; confitenti, ab eodem responsum est: Hodie mecum eris in paradiso. Et in Apocalypsi beati dicuntur, qui lauant stolas suas in sanguine agni, vt sit potestas eorum in ligno vitæ, & per portas intrent ciuitatem. Beati sunt qui peccatorum maculas lauant, sed eas in sanguine agni lauari oportet, quia pœnitentia nihil iuuaret, si Christi passio sub maledicto venūdatus nō redemisset. Lauantur itaque in sanguine agni qui in Christum credentes eius misericordiam pœnitendo & sperando implorant, & eodem miserante, bonū quod cupiunt, consequuntur. Neque enim nisi fideles forent, quos peccasse pœnitet, per portam, id est, per ipsum qui ait: Ego sum ostium ouium, ciuitatem illam, patriam beatorū perpetuam atque perennem, ingredi potuisset. Quanta conferat nobis pœnitentia diximus, nunc qualis esse debeat, vt ea conferantur, dicemus.

*Qualem oportet esse pœnitentiam.*

*Cap. 12.*

Matt. 21.

**E**x arbitrij libertate proficiscatur oportet, quicquid operis vel pœnam meretur, vel præmium. Pœnitentia igitur nisi voluntaria fuerit dei aduersus peccatorem iram placare non poterit. Libertas ista in illa duorum filiorum parabola manifesto apparet, qui à patre iussi, vt vineam cultum irent, alter negauit

gavit se iturum, & pœnitentia motus, iuit: alter iubenti quidē assensit, sed mutato proposito ire noluit. Paruo momento vtriusque in contrarium reuoluta est voluntas. Is tamē patris imperium peregrisse dicitur, quā nolle obedire pœnituit, & quod antē noluerat, rursum voluit, suaque sponte fecit, quod liberum erat facere nolle. Hoc si inuitus fecisset, inter non obedientes habendus esset, nō enim pro eo quod quis nolens, sed pro eo quod volens benefacit, laudem meretur atque gloriam. Voluntas ergo vt bene de deo mereri possit, libera ad pœnitentiam agendam accedat, non coacta, non vi aliqua compulsā. Deinde voluntariæ pœnitentiæ iungenda est submissæ mentis humilitas. Ille qui à patre recedendo peccauerat, veniam petendo, dixit: Non sum dignus vocari filius tuus, fac me sicut vnū de mercenariis tuis, ideo æquari fratri qui non deliquerat, vel etiam præferri meruit. Et publicanus dum cernuus orat, indignumque se indicat in cœlum suspicere, Christo testante, rediit iustificatus, cœli ciuis futurus, qui peccati seruus fuerat. Sed si ne iustus quidem, nisi se humiliauerit, exaudietur, quanto minus peccator veniam impetrare poterit, nisi simul & pœniteat & humilietur? Hoc ipsum dominus à nobis exigens, clamat: Convertimini ad me in toto corde vestro, in ieiunio, & fletu, & planctu, & scindite corda vestra, & non vestimenta vestra. Cor autem humiliatum, & intus pœnitentiæ dolore scissum, lachrymæ (si fieri potest) foris per ora manantes testentur. Mulieri peccatrici in Euangelio dimittuntur peccata multa, quia dilexit multum. Sed dilectionis huius testes lachrymæ erant, quibus pedes domini rigauit: capilli, quibus rigatos terfit: labia, quibus terfos osculatus est: vnguentum, quo illos post oscula vnxit. Mœror, humilitas, amor, simul mixta erant, omnium tamen causa fuerat amor, quo cōcupiuit cum ipso in gratiam redire, quem offenderat. Petrus quoq;

Lucæ. 15.

Idem. 15.

Iohel. 2.

Lucæ. 7.

Matt. 26.

apo-

Iacobi 4.

2. Cor. 7.

Matth. 7.

Dan. 10.

Iohannes  
Baptista.

apostolus negationis crimen fletibus diluit amaris, & qui ante lachrymas domino infidus extiterat, post lachrymas regni cœlestis claues ipso tradente accipere meruit. Ad eiusmodi fletum Iacobus apostolus nos inuitat, dicens: Emundate manus peccatores, & purificate corda duplices animo, miseri estote, & lugeite, & plorate, risus vester in luctum conuertatur, & gaudium in mœrorem. Humiliamini in conspectu domini, & exaltabit vos. Per hoc quod in fine subiunxit, docet pœnitentis lachrymas æterna consolatione esse dignas. Eadem Pauli sententia est, vbi ait: Quæ secundum deum tristitia est, pœnitentiam in salutem stabilem operatur. Tristitia verò istam atque fletum, ne leuitatis esse videatur, vitæ austerioris observatio comitari debet, vt quod per voluptatum illecebras peccatum est, per corporis afflictionem purgetur. Intrate, inquit dominus, per angustam portam, quia angusta & arcta via est quæ ducit ad vitam. Quod si per viam istam sanctos & pios homines cœlum ascendisse credimus, quomodo qui peccauerunt id assequi posse sperant, nisi & ipsi per eam inceserint? Iob iustus nullius mortiferi delicti conscius, & qui summi dei verbis laudatus fuerat, præter illa quæ ad patientiæ probationem pertulit, saccum consui, inquit, super cutem meam, & operui cinere carnem meam, facies mea intumuit à fletu, & palpebræ meæ calligauerunt. Daniel inter prophetas egregius habitus est, visionum somniorumque intelligentia donatus est, puer adhuc senes iudicauit, & tamen ego Daniel, inquit, lugebam trium hebdomadarum diebus, panem desiderabilem non comedi, & caro & vinum non introierunt in os meum, sed neque vnguento vnctus sum. Quid de Iohanne Baptista dicam: in matris utero sanctificatus, de muliere genitus prælatus, plus quàm propheta habitus, deserti angustias volens patitur, pilis camelorum vestitur, zona pellicea præ-

præcingitur, & in tam vili habitu vilius nutritur, locustas & mel sylvestre comedens & aquam bibens, à vino autem & ficera se abstinens. Si ergo electorum dei talis in terra vita fuit nullius penè culpæ consciorum, quos labores, quas vigilias, quæ ieiunia, quas asperitates, nobis tot criminum inquinacione fœdatis non vltro subeundas dixerim, vt mundemur? Veruntamen quorum durioris vitæ rigorem sponte susceptum imitari proposuerimus, eorum sequi debemus & mores. Frustra enim aliquis corpus exterius fatigationibus exercet, si mens intus non se omnino disponat, ita vitio abstinere, vt etiam diligenter incumbat studio virtutum. Ideo dictum est: Facite fructum dignum poenitentiae, quia maximè poenitentibus conuenit, vt dimissis flagitiis, bene beateque viuendi exercitacionibus operam impendant, vt videlicet superbiam excludat humilitas, libidinem castitas, auaritiam liberalitas, crapulam abstinentia, otium labor, dolum simplicitas, odium charitas, & quicquid culpabile fuerat, contraria probitas compenset. Atque ita in cubilibus (vt Isaias ait) in quibus prius dracones habitabant, Matt. 13. Isaiæ 35. orietur viror calami & iunci, & erit ibi semita, & via sancta vocabitur. Hoc est quod Apostolus nobis suadet, vt deponamus veterem hominem, qui corrumpitur per desideria erroris, & induamus nouum, qui secundum deum creatus est, in iustitia & sanctitate veritatis. Hac tali negotiatione talenta nobis credita duplicantur, & qui super pauca fidelis fuerit, super multa constitutus intrabit in gaudium domini sui. Super omnia verò cauendum est, nedum poenitentiam mirè procrastinamus, poenitentiae tempus effluat, & in peccatorum luto adhuc defixos repente mors occupet. Vide igitur ne te inuenilis fallat ætas, ne salubre corpus & robustæ vires decipiant. Nulli ætati parcit mors, & sicut senes ita & pueros rapit, quinimo rari Theff. 4. admo-

Eccle. s.

admodum sunt, quos ad senectam vsque patitur peruenire. Plurimos præterea eadem dies sanos fortesq; incedere vidit, & exanimis concidere. Nulla vitæ securitas est, semper inter pericula versantium. Potes vel morbi vi, vel venenati cibi haustu, vel serpentis ictu, vel ficarij alicuius improviso percussu, vel alio aliquo inopinato casu protinus extingui, denique quod multis accidit, potest & tibi. Idcirco sicut in Ecclesiastico scriptum est: Non tardes conuerti ad dominum, & ne differas de die in diem, subito enim venit ira illius, & in tempore vindictæ disperdet te. Expectaris à domino, vt sceleris perpetrati te poeniteat, & mores vitio corruptos virtutis operibus cures ne pereas, tu verò tuimet oblitus, perire mauis quàm corrigi, & tam benignum dominum, tam pium patrem non cessas offendere. Iam tandem excute insaniam istam & resipisce ac saniore vsus consilio, rumpe moras omnes, pone finem flagitijs, & supplex veniam ora, vt deo miserante, dum miserendi superest tempus, mereri coelestia incipias, cum terrena spreueris. Quod si cunctantem mors præuenerit (vide in quanto verferis discrimine) æternam, quæ poenitentibus datur, beatitudinem amittes, & in ignem inextinguibilem, quo currunt obstinati, perpetuò cruciandus deiicieris. Nihil est quod magiscauere debes, ergo & nihil magis accelerare quàm poenitentiam, per quam talia cauentur, & mutata sorte tam immensum malum vitatur, tamque immensum bonum acquiritur. Hæc sunt igitur verè poenitentis officia, quæ retulimus, vt videlicet volens non inuitus ad poenitendum accedas, vt humiliaris, vt lugeas, vt vitam magis laboriosam viuas, vt præterita peccata succedentium virtutum meritis compenses, vt que in primis cures, ne poenitendi tempus tarda conuersione imprudenter amittas. Ista tamen omnia cum perfeceris, vide ne quid tibi tribuas, totum diuinæ gratiæ acceptum referre

ferre debes, & cum propheta dicere: Scio domine quia non est hominis via eius, nec viri est ut ambulet & dirigat gressus suos. Nam si humana fragilitas ad agendum poenitentiam diuino non indigeret auxilio, Ieremias non orasset: Conuertere nos domine ad te & conuertemur, nec saluator dixisset: Sine me nihil potestis facere. Et: Nemo potest venire ad me, nisi pater qui misit me traxerit eum. Cui sententiæ Pauli apostoli dictum concordat, ubi ait: Non volentis neque currentis, sed miserentis est dei. Vnde Philippensibus etiam scripsit, dicens: Cum metu & tremore vestram salutem operamini. Deus est enim qui operatur in vobis & velle & perficere pro bona voluntate. Idem arroganter sese offerentem increpans ait: Quid habes quod non accepisti: si autem accepisti, quid gloriaris, quasi non acceperis?

Thren. 5.

Iohan. 15.

Iohan. 6.

Philip. 2.

1. Cor. 4.

### *De obstinatione non admittentium poenitentiam. Cap. 13.*

**N**unc illos conueniamus, qui peccandi assuetudine obdurantur, qui que graui aliquo execrandoque commisso crimine veniam desperant, & cum ad poenitentium conuerti alteris arduum videatur, alteris, vanum, utriusque in propositio perditissimæ vitæ immobiles perseuerant. Enitendum est, si modo possumus, quod irrationabiliter conceperunt, ratione discutere, qua fortasse compulsi, mortiferum venenum euomere curabunt quod hauserunt. Tu qui multum temporis peccando consumpsisti, & ætatem ad bene agendum datam, in delicijs, in luxurijs, in obscenitatibus turpiter contriuiisti quo excideris cogita, & vel in fine de regione longinqua incipe redire ad patrem quem reliquisti. Difficile est, inquis, ab usitatis desistere, & pellem iam inueteratâ serpentis more cum noua com-

mu-

mutare. Sed nisi de Iudæa transferis ad Galilæam domini resurgentis gloriam videre non poteris. Tametsi hoc tibi difficillimum sit, incipe tamen, tenta, experire, quanto magis tardas, tanta rem factu difficiliorē reddes. Neque enim ad hanc difficultatem, quam caufaris, nisi per moras dilationesque conuersionis descendisti, quo longius abieris, durius erit reuerti, oneri quotidie addendo, nisi rursus de illo demere incipias, grauitate crescente opprimeris. Quandiu ergo pœnitentiam agere cunctaris, in dies deterior euadas necesse est, Iesu autem recedente de templo corporis tui (templum enim dei eras, dum innocenter viueres) non relinquetur lapis super lapidem qui non destruat, omnis virtutum vis dissipabitur abscedente domino virtutis. Reliquum erit, vt vbi eradicata bona fuerint, inde exurgant mala, & de corrupto semine deterior exhuberet leges, & fiant nouissima tua prioribus peiora. Quanto ergo satius vt in tempore resipiscas, & cum diu dormieris, iam tandem expergiscaris, atque à vitiis quæ sequeris auersus, incipias iter ingredi virtutis? Quod si parumper perpendere volueris, quantum lucri facturuses, si te corrigas, quantum boni consecuturus, multò certè alacrius festinantiisque reditum expedies ad probitatem, quam ad nequitiam discessum hactenus expedisti. An tu ignoras iumenta onere grauata segnius à stabulis abire solere, celerius verò ad stabula remeare? & hoc quidem oneris deponendi pabuli que sumendi gratia. Nunquid ipse minus prouidus pigritabis fascē istum peccatorum, quo premeris abiicere, & ad pastum cœlestis mannæ festinare? non quam veteres Israëlita manducauerunt in deserto & mortui sunt, sed qua qui rectè vsi fuerint, viuunt in æternum. Consule igitur salutē tuā dum licet. Nam quò tunc tendis, in vltima viæ crepidine terribile precipitium est quò si corrueris, nunquam inde resurges.

Nulla

Nulla est enim redemptio in inferno. Quò autem à nò  
 bis reuocaris, inde aditus est ad cœlestem beatitudinē,  
 ad angelorum gloriam, ad requiem gaudiumque san-  
 ctorum. Nequaquam erit ita vt videtur difficile à pra-  
 uis actionibus desistere, atque ad iustitiæ sanctitatisq;  
 opera accingi, si vel malorum pœnam, vel bonorum æ-  
 stimare libuerit prēmium. Præterea ignaui est profe-  
 ctò eiusce rei exequendæ difficultatem prætere, Matth. 9.  
 quam sæpè à plurimis peractam fuisse constat. Mat-  
 thæus ante apostolatam diu multumque auaritiæ stu-  
 dio vestigalium publicorum conducturas factitauit,  
 quo die autem à Christo vocatus est teloneum reli-  
 quit, & qui satis longum tempus mammonæ serui-  
 rat, statim fit dei seruus Christi; Apostolus, Zachæus Zachæus.  
 quoque ætatem in exigendis vsuris contriuerat, viso  
 tandem domino, totum quod scœnore quæsitum erat,  
 distribuere pauperibus cœpit, & illis quos aliquid de-  
 fraudauerat satis facere. Eodem itaque die, quo finem  
 criminum fecit, Christum domi suæ hospitalem meruit  
 habere. Multa id genus exempla tibi de scripturis pos-  
 sem proponere, si in his recensendis occupari vellem.  
 Currentem per consueta vitia rotam affixo pœniten-  
 tiæ pax illo sistere non vales, si alij non pauci valuerit. Lucæ 13.  
 Seruū est dies. at etiā nouissimis datur denarius sicut pri-  
 mis. Et mulier duodeuiginti ānos inclinata, ad cœlestē  
 medicū tandē accedens extento dorso erigitur, quoniā  
 eum qui mortuos ad vitā excitat, suam etiā infirmita-  
 tem quis chironicā diutinamq; curare & posse credi-  
 dit, & velle sperauit. Nunquā serum est salutē querere,  
 cū semper spes impetrandi suppetat, donec in corpo-  
 re datur spirandi copia. Sed quia dierum nostrorū exi-  
 tū nescimus, periculosissimū est postremū expectare, ne  
 fortē is hodiernus vel crastinus sit, & tunc mori cogi-  
 mur, cū nos multum adhuc victaros credimus. Cete-  
 rū si conuersioni tuæ (vt potissimè sit) hoc obstat, quod  
 violen-



psal. 17.

violentiæ admodum sensuum tuorum cupidini non potes resistere, da operam vt possis. Tolle concupiscendi occasiones, & membra scandalizantia abscide: auerte oculos ne videant quod ad peccandum prouocat, aures ne audiant, nares ne odorentur, os ne loquatur, manus ne contrectent. A pristinis quoq; sodalitijs ac societatibus paulatim te submoue, & iam honestiorum deumq; timentium hominum lateri adhærere stude, consortio consilijsq; eorum vttere, quibus persuasus, is qui nunc es, esse defines. Nam si iuxta Apostoli sententiam, mala colloquia corrumpunt mores bonos, consequens est, vt bona colloquia malis moribus remedio sint. Verissimū est enim quod in psalmo dicitur: Cum sancto sanctus eris, & cum viro innocente innocens eris, & cum electo electus eris, & cum peruerso peruertēris. Iubes me inquires, veteribus amicis novos præferre? Imo malis bonos, & vt apertius dicam, inimicis amicos, & cum his quidem gratiam inire, illos relinquere. Vehementer enim erras, si ab ipsis te amari putas, qui ne sibi quidē amici esse censendi sunt, cum improbè incontinentēq; viuendo & se & te pariter perditum eant. Ergo vt a facinorosorum societate consortioq; discedas, & viris animi integritate conspicuis vti incipias hortamur, non vt amicos derelinquas. Quod si isti quorum nunc familiaritate delectaris, æqui atque honesti amici essent, & te ab eis amari faterer: cum autem te secum simul contempta virtute per devia vitiorum trahant, audeo dicere (quis enim verum dicere non audet?) capitaliorem illis inimicum habes neminem. Talibus autem carere non posse, non eos deserendi difficultas facit, sed malè sibi consulendi stultitia. Quid enim illo homine dementius, qui mauult perire cum scelestis, quàm cum probatis viuere? Tu si tua salus tibi est cura, vt esse debet, istos ipsos aut tecum simul si potes, ad poenitentiam conuerte: Aut si non potes, fuge; ne vnà cum

cum illis intereas. Melius est tibi mancum & claudum  
 & altero carentem oculo intrare in paradifum, quàm  
 duas manus & pedes & oculos habentem mitti in gehē  
 nam. Melius est enim sine amicis gaudio perfui sem-  
 piterno, quàm cum amicis tradi suppliciis. Quòd si de-  
 cursa in voluptatibus vitæ vsum abiicere tibi prorsus  
 molestum est, quæso ne saltem pigeat talis vitæ, qui tã-  
 dem finis sit considerare. Siquidem prudentis est pro-  
 uidere futura, & si bruta quoq; quædam animalia ven-  
 turæ tempestatis præfaga, antequam erumpat procel-  
 la, ad tranquilliora sibi loca confugiunt, minus te ra-  
 tionalem existimabo, si proposita voluptariis incon-  
 tinentibusque tormenta tecum quandoq; non medite-  
 ris, vel cum meditaris non expauescas, teque ad eum vi-  
 tæ statum conferas, in quo & de pœna securior esse pos-  
 sis, & de præmio certior. Noli ergo fieri sicut equus &  
 mulus, in quibus non est intellectus ratione vtens ad  
 ea quæ futura sunt, mentem dirige, & ad salutis por-  
 tum, dum euadendi naufragij spes est, vela conuerte.  
 Vel si vsque adeo invalidus & eneruis es, vt ratem cor-  
 poris tui regere nequeas, ora vt queas. Petite, inquit  
 dominus, & dabitur vobis. Non potes excusare imbe-  
 cillitatem, vbi auxilium tibi promittitur, si petieris.  
 Quid igitur? mollescis ne iam ad pœnitentiam, an ad-  
 huc in proposito inolitæ peruersitatis obduras? Mon-  
 strata hætenus remedia si parum proficiunt, nunc de-  
 mum minis tecum & terroribus ( ne quid intentatum  
 relinquatur ) agam. Quid est quod viuus, cum morte  
 magis dignus sis, nisi quia domino miserante expecta-  
 ris. vt melius viuas? quod si vltra obstinatus esse pergis,  
 cum ficu infructuosa succidêris, ne terram occupes: suc-  
 cidêris, inquam, & in ignem mittêris, & ardes, palmi-  
 tis instar à vite abscisi, atque arefacti, omni que humo-  
 re, quo reuiuiscere posset destituti. Abscisus quippe es à  
 vera vite, & à Christo alienatus, quamdiu peccatis fis.

K



nem non statuis, quandiu te creatorem tuum redemptoremque offendere non pœnitet, quandiu non metuis dominum tuum, nec illi obtemperas, cui angeli in cœlo assistunt, quem sancti omnes venerantur, omnes inferi contremiscunt, qui est super omnia potēs, in omnibus sapiens, omnium optimus, primus omnium, omniumque postremus, neque initium habens, neque finē, benignissimus pœnitentium remunerator, seuerissim⁹ obstinatorum ultor ac punitor. Et cum tantus talisque sit, tu illum tibi iratum esse audes negligere: tu illum peccata peccatis cumulando ad vindictam non vereris prouocare, cum tamen à peccatis desistendo placare posses. Ipse enim per prophetam tibi pollicetur, nullam de tot offensis vnquam se exprobraturum, si offendere desieris, & secundum sua p̄cepta cœperis operari: neque esse suæ voluntatis asseuerat vt moriatur peccator, sed vt conuertatur & viuat. Omnia ergo facit, vt saluti tuæ consulat. Atque huc tendit quod p̄cepit, quod promittit, quod minatur, quod flagellat, quod delinquentem nō statim perimit, quod aliquando etiā beneficiis ad pœnitentiam prouocat: Denique vt peccatoribus vitam daret, filium suum vnigenitum morti obtulit. Cuius quidem sanguis, quemadmodum tunc omnes Adæ filios à peccato lauit, vt qui crediderit & baptizatus fuerit, saluus sit: ita nunc singulos emundat quoties nos deo peccasse pœnitet. Vtere tandem tantę erga te dilectionis beneficio, dum licet, dum tempus est, dum vita suppetit: si fine illo decesseris, quis miserebitur? Quære dominum dum inueniri potest, inuoca dum prop̄ est: ne te postea ingratitudinis damnet, & tanquam ignauissimum vineæ suæ, hoc est animæ tuæ quam tibi commēdauit, cultorem arguat dicens: Quid facere debui vineæ meæ & non feci: Expectaui vt faceret vvas, & fecit labruscas. Deinde indignatus pœnam inferat quam subdit: Auferam sepem eius, & erit in direptionem

Esais..

reptionem, diruam maceriam eius, & erit in conculcationem, & ponam eam, desertam, non putabitur, & non fodietur, & ascendent super eam vepres & spinæ, & nubibus mandabo ne pluant super eam. Sub hac vineæ metaphora tibi sermo textitur o peccator. Nisi enim in tempore poenitentiam egeris, postea iusto dei iudicio auferetur à te angelorum custodia, & dæmonibus eris in prædam, tolletur sperandi auxilij expectatio, & angustiis oppressus cruciaberis, omni que ope destitutus, nec poenitentiae falce poteris amputare nequitias peccatorum, nec cordis compunctione aliquid leuamenti promereri, sed opariet te omnibus spinis asperior penarum congeries, & nemo sanctorum pro te vltra deprecabitur. Hi enim sunt nubes cœli qui super nos orationum suarum imbrem manantes, faciunt vt tam diu ad poenitentiam expectemur. Expectaris & tu, sed si moram feceris, ab Apostolo quoque audies. Ignoras quoniam benignitas dei ad poenitentiam te adducit: Secundum, autem duritiam tuam & impoenitens cor tuum, thesaurizas tibi iram, in die iræ & reuelationis iusti iudicii dei, qui reddet vnicuique secundum opera eius.

Romano, 2.

## *Ad desperantem exhortatio.*

### *Cap. 14.*

**N**unc ad te conuerto magni atque ingentis criminis conscie, qui te nullo modo veniam posse mereri existimas, nec perpendis quod dei misericordia multo maior sit omnibus peccatis. Nihil est quod illa non delebit, si te commissi poenituerit, semper parata est ad condonandum, si tu paratus es ad poenitentiam agendam. Quod autem Christus dixit, blasphemiam in spiritum sanctum irremissibilem esse multi dubitant, vtrum intelligendum sit, quod nunquam dimittatur, an quod difficulter, vsque adeo existimant, si

Peccatū in spiritum sanctum.

K ij

poeni-

David.  
Matthæo.  
Zach.

Manasses.

Cainus.

Iudas.

penitentia adfit, nihil obſtare, quia benignitas diuina præſtet veniam. Quale igitur vel quàm magnum eſſe poteſt ſcelus tuum, quod te ad deſperationem remiſſionis quinit compellere, & de deo non rectè ſentire, vt tibi penitenti parcere omninò nolit; cum nūquam ad penitentiam conuerſis & in ipſum confidentibus non ignoſcat. Si adulterium, ſi homicidium perpetravi, vtrumque Dauidi, cum ſe peccaſſe doluiſſet, eſt remiſſum. Si ſœnore & uſuris rem quaſiſti, hoc Matthæo Zachæoꝛque, fuit condonatum. Si perſecutus es eccleſiā dei, de hoc facta eſt gratia Paulo: Si pernegavi dei filiū de hoc Petro fuit venia data. Si ſteſſas adoravi, ſi diis alienis, templa araſque poſuiſti, ſi obſervavi ſomnia maleficiūque credidiſti, ſi in dei ſervos cadibus es graſſatu, iſta omnia Manasses fecerat, & tamen cum eum penituiſſet, veniamque oraſſet exauditus eſt hoſtiliꝛque iugo liberatus, regnū recuperavit quod amiſerat. Nul- lum ergo tam immane facinus committi poteſt, quod penitentibus miſeratio non ignoſcat diuina. Et eū ita ſit, nōne ſtultiſſimū eſt id deſperare quod plurimis cōceſſum fuiſſe nō ignoras? Cæterū, neq; penitentia ipſa peccati quicquam prodeſt veniam deſperanti, cum hæc ipſa deſperatio peccatum tale ſit vt omne penitu- tudinis meritum euacuet atque irritet. Nihil profuit Caino fratricidæ; quod à domino coargutus doleret, quia clementiæ diuinæ derogavit, dicens: Maior eſt iniquitas mea quàm vt veniam merear. Nihil Iu- dam proditorem iuvit ſuus pro commiſſo dolor neque confeſſio, cum diceret: Peccavi, tradēs ſanguinem iu- ſtum. Quoniam cum de dei miſericordia deſperaviſſet, triftitia ſuperatus, laqueo mortem ſibi conſciuit. Peni- tenti igitur & petenti venia datur: deſperati verò ne- que in hoc ſeculo neque in futuro parciunt. Quidnam igitur te ultro per diſ deſperando, cum iam certò ſcias eſſe locum veniæ ſi veniam popoſceris penitēdo? Cur  
non

non potius cum Dauide peccatum suum lugente, exclamas: Miserere mei deus secundum magnam misericordiam tuam: & secundum multitudinem miserationū tuarum dele iniquitatem meam. Magna misericordia magnum delet crimen, & miserationum multitudo multitudinem remittit peccatorum. Dominus clamat: Nolo mortem peccatoris, sed vt conuertatur & viuat, & tu mori mauis quā conuerti, & veniam desperare quā poscere? Dominus soluit compeditos, dominus erigit elisos, & tu tam mortifero peccati vinculo non vis absolui? tam graui casu elisus nō curas erigi de medico, qui omnes in se confidentes in vnico verbo sanat, diffidis? Graue est, inquis, peccatum meum, nūquid grauius quā istorum, quorum modo mentionē fecimus? quibus tamen quod nequiter deliquerant clementer dimissum constat. Nunquid etiam grauius est peccatū tuum quā celum, quā terra, quā mare, sed qui potuit creare ista, nō poterit sceleris tui pōdus eleuare, & vbi abundauit delictum, ibi gratiam abundare facere? Nōne illi quoque qui dicebat: Iniquitates meę supergressę sunt caput meum, & sicut onus graue grauatae sunt super me, precatus est, dicens: Domine ne in furore tuo arguas me, neque in ira tua corripias me? Haud ita orasset, nisi spem haberet impetrandi quod orabat, sperauit & orauit, & voti compos factus est. Nōne etiā Hierosolymę vrbi grauissimum idololatrię crimen exprobrans deus, dixerat: Si laueriste nitro & multiplicaueris tibi herbam Borith, maculata es in iniquitate tua coram me, postea tamē ne de peccati remissione diffideret: Fornicata es, inquit, cum amatoribus multis, tamen reuertere ad me, & ego suscipiam te, sed reuerti voluissent, aggrauassentque scelus mentis obstinatione eorum impietatem plumbi massa onerari vidit Zacharias propheta, dominoque vlciscēte vrbs passa est excidium, & illi captiui ducti in Chaldęam. In-

Psal. 50.

Ierem. 2.

Zacha. 1.

K iij      ternitione

ternitione quidem deleri merebantur, sed dominus tã  
perauit iram, vt postea ostenderet etiam in obstinatos  
clementiam. Postquam enim eos pœnitere cœpit, pec-  
cata confitendo, misericordiamque dei implorando ip-  
so fauente de seruitutis iugo liberati atque ad patrium  
solum postliminio reuersi instaurata ciuitate templo-  
que erecto sortis pristinae statui frui cœpere. Iam ergo  
vides (nisi adeo cœcus es, vt nihil veri videas) quia nul-  
la est prorsus tanta delicti alicuius magnitudo, tanta  
grauitas, quàm dei misericordia à pœnitentibus requi-  
sita non minuat, non eleuet, nō denique ad nihilum ra-  
digat. Soli hanc consequi nequeunt, qui de ipsa despe-  
rant. Licet igitur te peccasse pœniteat, nisi etiam pec-  
cati veniam desperasse pœnituerit, cum impœnitenti-  
bus computaberis. Quamobrem festina deponere de-  
mentiam istam animi, vt flagitij tui magnitudine di-  
uinæ clementiæ immensitatem putes inferiorem. Deus  
pater misericordiarum est, miserationum suarum non  
est numerus. Spera in illo. Sperantes in domino miseri-  
cordia circundabit, dum te pœnitet, dum speras, dum  
precaris, etiam sancti pro te orant, angeli vota tua offe-  
runt deo, Christus ipse pro te patrem interpellat, dicē-  
te Iohanne Apostolo: Aduocatum habemus apud pa-  
trem, Iesum Christum iustum, & ipse est propitiatio p  
peccatis nostris, non pro nostris autem tantum, sed etiā  
pro totius mundi. Desperantium verò Christus nō ad-  
uocatus est, sed iudex. Considera igitur vtrum tibi sit  
melius veniam sperare vt Christi patrocinio subleue-  
ris, an desperare, vt eiusdem iudicio damneris & in æ-  
ternum pereas. Hactenus de pœnitentia, nunc de confes-  
sione peccatorum, quæ pœnitentiam comitari debet,  
aliquid memoremus.

1. Iohan. 2.

De pecca-

## De peccatorum confessione.

## Cap. 15.

**T**Ria sunt peccatorum genera, aut enim peccamus cogitatione aut verbo aut opere. Per ista mentē discurrendo, postquā conscientiam diligenter accurateque examinauerimus, tam de omnibus quā de singulis, in quibus Deo vel proximo aliqua illata est iniuria dolentes mœsti que in primis, & antē sacerdotem veluti ante Christum reuerenter genibus prostrati cuncta illi exponamus, occultemus nihil. Manifestanda est enim medico ægritudo, vt ille adhibitis remediis instaret sanitatem. Illi autem animarum nostrarum medici sunt, quibus concessa est soluendi ligandi que potestas, ab eo qui dixit: Accipite spiritum sanctum. Quorum remiseritis peccata, remissa erunt: & quorum retinueritis, retenta sunt. Ab eo, inquam, qui est sacerdos in æternum, qui que in cœlum ascendens, vicarios nobis in terra reliquit ipsos sacerdotes, & Petro curam ouium suarum pastor bonus commendans, atque clauēs regni cœlestis tradens, dixit: Quodcunque solueris super terram, erit solutum & in cœlis, & quodcunque ligaueris super terram, erit ligatum & in cœlis. Non dubitemus igitur, quin peccatum illud deletū sit quodcunque Christi sacerdotes ritē dimiserint. Ab eo eius soluendi atque ligandi acceperūt, qui potest omnia, & per quem facta sunt omnia in cœlo & in terra & in omnibus abyssis. Ipsi iudicent inter lepram & lepram, ipsi peccatorum nostrorum morbos curent, ipsi nos ad æternam transmittant salutem, suppeditantes quicquid ad eam assequendam nobis necessarium fuerit. Necessarium est autem baptismo ablui, chrismate inungi, sed quoniam etiam post hæc in multis delinquimus, nihil deinde ita necessarium est, vt peccatorū

Iohan. 20.

Matth. 16.

Matt. 18.

K iij cum



Marci. 8.

Lucæ. 11.

Matth. 6.

Marc. 11.

Iacobi 5.

cum pœnitentia confessio. Hac sola quoties cadimus, erigimur & stamus. Baptismus quidē sordes ante se contritas eluit semel, confessio semper. Cæterum, quod etiam per martirium aboleantur peccata non ambigimus, domino dicente: Qui perdidit animam suam propter me & Euangelium, saluam faciet eam, & per eleemosynarum largitatem, cum idem dicat: Date eleemosynam, & ecce omnia munda sunt vobis, & per iniuriarū condonationē quia scriptum est: Si dimiseritis ex corde fratribus vestris peccata ipsorum, & pater vester celestis dimittet vobis peccata vestra & per exhortandi studium, quo alios à flagitio ad virtutem reuocare nitimur, quia dicitur: Si quis conuerti fecerit peccatorem ab errore viæ suæ, saluat animam eius & operit multitudinem peccatorum: & si qua alia sunt per quæ remitti crimen dicatur, non ideo pœnitentiæ confessionis que sacramentum excludi putes, nec sine ipso te saluandum credas, si talia feceris: nisi enim peccasse pœnituerit, nihil ista proderunt. Peccato deus offenditur. Quod si pro peccato quo deum offendisti, non doleas, careas charitate, sine qua (teste Paulo Apostolo, in quo Christus locutus est) nec corpus tradere vt ardeat, nec facultates in cibos pauperum distribuere, nec hominū angelorumque linguis loqui, nec fide montes transferre, quicquam prodesse poterit. Pœnitentiam itaque agere oportet, & illa non omittere, quicquid enim pie sancteque agitur, appendix pœnitentiæ est & pro culpa satisfactio, vt purgatorii pœna vel breuior sit, vel nulla, si plenē in vita satisfactum fuerit, vel etiam vt post culpæ pœnæque abolitionem plus gloriæ in cœlo mereri possint, qui hîc benefecerint. Restat vt dicta euāgelica, quæ memorauimus, quæque illis similia sunt, ita intelligantur, vt si fiant quæ in ipsis præcipiuntur, peccatori ad emundationem adiumento fore, si tamen præcesserit pœnitentia, cum consuetudi proposito, quando fuerit

fuerit opportunum. Igitur sic charitas ipsa fundamen-  
tum & consummatio virtutum est, ita poenitentia finis  
esse debet peccandi beneque agendi initium, ut cæte-  
ra feliciter succedat deoque grata atque accepta sint:  
Si quis tamen solam poenitentiam sibi sufficere credēs  
confessionem respueret, in hæreticorum numero po-  
nendus esset, neque ei profectè prodesse potuisset po-  
nitentia ab ecclesiæ corpore separato. Separatum enim  
à corpore membrum non viuificatur, sed quàm diu di-  
uisum est, manet in morte. Confessionis autem sacramē-  
tum tam veteribus quàm nouis hominibus commune  
est. Primi parentes nostri Adam & Eua cum peccassent  
peccatū suū confiteri coacti sunt, deo interrogāte qua-  
re fecerint quod facere interdicti erant, & illis respon-  
dētibus qualiter in id criminis incidissent. Voluit ita-  
que deus à primo homine confessionis inchoare myste-  
rium, ut ostenderet nulli posterorum claudi confugiū  
ad veniam, quod apertum esset primis. Quamobrem  
& ab his descendantium Israëlitarum mos fuit, quoties  
ærumnis oppressi essent, dei opem implorare cilicio cō-  
tegi, cinere conspergi, ieiunio corpus affligere, & præ-  
ter hæc peccata confiteri, sic humiliati deo miserante  
angustiis liberabantur, & à peccatis quidem absoluti  
abibant, præter originis culpam, qua absolui non po-  
terant, donec redemptor in lege promissus nō venisset.  
Quare nec illorum confessio in lege potuit esse ita ple-  
na (nihil enim ad perfectum adduxit lex) ut est nostra  
in euangelio cum illa in parte manca sit, hæc per om-  
nia integra & perfecta. Illa simul multorum, hæc sin-  
gulorum, illa deo audiente tantum, hæc etiam dei sa-  
cerdote examinante & ab omnibus absolvente. Non-  
dum enim illis mediator venerat Christus dominus,  
per quem nobis reueratus est aditus ad cœlestia, & cuius  
crucore à corruptæ originis culpa expiati, in sancta ce-  
pimus introire, & hæredes fieri non terreni & tempo-  
rales

Gene.).

calis regni, vt illi, sed cœlestis & æterni. Ne igitur tantæ erga humanum genus beneficij memoriam vlla vnquã deleret obliuio, mediatoris atque redemptoris Christi locum in terra tenere ceperunt sacerdotes. Per eos ipse verus agnus pro nobis semel oblatuſ quotidie offertur. Per eos ecclesiæ sacramenta participamus, remissionemque accipimus peccatorum, & postquam his penitus mundati vita ista decedim⁹ non iam ad inferos, vt veteres illi, sed ad cœlestem patriam, vt in Christo renouati transmigramus. Tantæ igitur virtutis est nostra confessio, vt non solum de peccatoribus iustos faciat, sed etiam de terrenis cœlestes, de mortalibus immortales, de miseris felices. Hæc enim confessio peccata delet, & animam à morte liberat, quod ostendit Ezechias ad dominum dicens: Recogitabo tibi omnes annos meos in amaritudine animæ meæ, tu autem eruisſi animam meam vt non periret, proiecisti post tergum tuum omnia peccata mea. Idem testatur Psalmista cum ait: Dixi confitebor aduersum me iniustitiam meam domino, & tu remisisti impietatem peccati mei. Per hanc dum preces effundimus, voti compotes effici mur, eodem propheta dicente: Vias meas enunciaui tibi, & exaudisti me. Per hanc prauis cogitatus dissipantur, & qui boni sunt, succedunt. Sicut Salomon in Proverbiis affirmat, dicēs: Repela domino opera tua & dirigentur cogitationes tuæ. Hæc denique sancta confessio diabolo nos ereptos reddit deo, & de filiis tenebrarum filios efficit lucis. Ille qui luxuriosè viuendo bona consumpserat, ita vt porcos pasceret, ad patrem supplex confugiens, ac se peccasse confitens, amplexum osculum que patris accipere meruit, & stolam, & annulum, & calciamenta, & cōuiuium. Nihil quod malè egerat exprobratur ei, sed humilis confessionis merito in hæreditatem cum omni lætitiæ ambitu fuit admissus, ingēgenti calamitate in summam beatitudinem commutata. In

Isaia. 38.

Psal. 31.  
Hsal. 118.  
Lucæ. 15.

ta. In integrum itaque restituitur gratia, cum peccator per poenitentiam & confessionem humiliatur. Postremo, quicquid diximus de poenitentia, idem de confessione est sentiendum. Neque enim perfecta esse potest poenitentia sine proposito confitendi, neque utilis confessio absque poenitentiae admixtione.

## *De his qui confiteri negligent.*

### *Cap. 16.*

**D**E illis verò qui tam salutiferam peccatorum confessionem perpicaciter deuitant, à via virtutis perpetuò aberrant, quia in tenebris manent, neque quo tendere debeant satis perspiciunt, scriptum est: Qui absconderit scelera sua, non dirigetur: qui autem confessus fuerit & reliquerit ea, misericordiam consequetur. Quid autem prodest id celare hominem, quod non latet deum? Peccata enim quæ nunc vni sacerdoti abscondis, in die iudicii omnibus manifesta erunt dicente domino: Reuelabo pudenda tua, in facie tua. Coram vno modo non vis erubescere? coram plurimis postea confundêris. Omni tamen verecundiæ tuæ molestia intolerabilior erit iudicis aduersum te seueritas atque cognitio, ea te peccatis grauatum in barathrum detruet inferni: vt qui confessionis beneficio per misericordiam dei oblato vti noluisti, terribiles infinitosq; cruciatus patiaris per iustitiam, dicente Osee propheta: Colligata est iniquitas Ephraim, absconditum peccatum eius, dolores parturientis veniunt ei. Talis itaq; merces illius erit, cuius peccatum nunc absconditum est nolentis illud secundum diuinæ humanæque legis præscriptum cōfiteri, palamque alteri facere. Nam siue timore, siue pudore, id faciat, non excusabitur. Magis enim deum timere debuit quàm homines, & potius contem-

Prouer. 18.

Naum. 3.

Osee. 13.

contempto rubore purificari velle, quàm subtracta confessione sordescere. Porro, sicut hi qui nunc scelerum suorum poenitentes propria confessione se accusant, angelorum patrocinio subleuati erunt vt beati sint, ita qui errata suo modo diffimulant, à diabolo tandem accusabuntur, vt Christi iudicio condemnentur. Curramus igitur totis affectibus ad portum salutis, ne delictorum tempestatibus acti mergamur in profundum. Doleamus quod peccando prauaricati sumus diuina maledata, & cum certa emendandi, satisfaciendique destinatione singula quæque quibus offendimus, confiteamur. Alioqui ne illa quidem quæ benefacimus, proderunt ad beatitudinem consequendam, nisi de malis quæ commisimus tristemur, eademque sacerdoti indicemus, vt volentes moneat, vt sustinere paratos castiget, multaque pro delictis, quæ sibi aptior videbitur imposita, mundos puerosque restituat, ecclesiæ deoque reconciliet. Si enim confiteamur peccata nostra (vt Ioannes Apostolus inquit) fidelis est & iustus dominus, vt remittat nobis peccata nostra, & emundet nos ab omni iniquitate. Remissio minuit culpam, emundatio tollit poenam & confert beatitudinem, dicente domino: Beati mundo corde, quoniam ipsi deum videbunt.

s. Iohan. 1.

## De sacramento corporis Christi.

### Caput

17.

**P**oenitentes de iis, quibus te offendimus domine, & eadem sacerdoti tuo confessi, atque ab ipso cui tu soluendi potestatem dedisti, absoluti, ad mensam saluberrimi conuiuij tui accedimus, vt corpori & sanguini tuo communicemus. Indigni quidem, sed tamen abs te inuitati, qui infirmitati nostræ præsentaneum porrigens remedium, sacratissimum corpus tuum sub specie panis. Accipite, inquit, & comedite, hoc est corpus meum.

Deinde

Mat. 26.

Prouer. y.

Deinde preciosum sanguinem tuum sub specie vini in calice infusum propinans, ait: Bibite ex hoc omnes, hic est enim sanguis meus novi testamenti, qui pro multis effundetur in remissionem peccatorum. Et antè per Salomonem in Prouerbiis hortatus es, dicens: Venite & comedite panem meum, & bibite vinum quod miscui vobis. Ad tuum ergo conuiuium à te inuitati, à te vocati accedimus, cum plena fide, cum indubitata credulitate consentientes, panem & vinum tuis verbis à tuo sacerdote consecratum, tuum esse corpus, tuum esse sanguinem. Tu enim ipse qui veritas es, hoc testaris & affirmas, cui vel minimum refragari infidelitatis crimen est. Panis viniq̃ue figuram oculis cernimus, odorem naribus haurimus, saporem ore gustamus, duritiem atque liquorem tactu sentimus, & tamen nõ nostris sensibus, sed tuo testimonio credimus. Omnis enim homo mendax, tu solus, verax, tu ipsa veritas, quæ nec decipi potest, nec decipere. Nos itaque corpus tuum clementissimè domine, & tuum sanguinem aliena specie velatum fideliter accipimus, nec omnino qua ratione id fieri possit, quaerimus, aut quomodo panis viniq̃ue substantia in substantiam corporis & sanguinis tui transeat, cum accidentia non mutantur, scrutamur. Maius est enim miraculum istud, quàm vt humano ingenio vel scientia comprehendere possit, te tamen tradente verum esse credimus, etiam quòd intelligere quomodo verum esse possit, nequimus. Etenim suis finibus circumscriptus est intellectus noster, tuæ autem potentia, tuæ sapientia nullus est finis, nulla circumscriptio: omnem numerum, omnè excedit modum. Stultus est igitur, qui tanti mysterij altitudinem se deprehendisse putat, nisi ipse reueles, ipse aperias, ipse illum tam singularis intelligentia efficias capacem. Nos interim non idè credimus panem & vinum in substantiam tui corporis & sanguinis transmutari: quia & vxor Loth versa fit in statuam salis, & virga

virga Moyfi in colubrum, & cibus atque potus in carnem & sanguinem animalis: nam simul cum accidentibus ista mutata sunt, sed quia nihil verius esse nouimus his, quæ te docente dicere contingit. Confitemur te esse verbum per quod facta sunt omnia, & sine quo factum est nihil. Quid ergo factu tibi impossibile, si modo illud vt fiat, tuæ conuenit maiestati? Absit igitur vt quicquam dubitemus de tam mirabili stupendoque sacramento, cuius tu & autor es, & testis. In quo magis mirari licet tuæ in nos benignitatis magnitudinem, quam incomprehensibile operis arcanum. Tu te nobis domine præstas in cibum, qui te pro nobis supra crucem obtulisti in sacrificiū, sed ibi visibilis & passibilis & mortalis apparebas, hinc lates gloriosus & deuicta iam morte triumphans. Ibi abscondita erat in homine diuinitas, hinc in panis vini que figura celatur & humanitas. Sed licet neutrum cernant oculi, vtrunque tamen confitetur fides. Tu hic totus es, qui & in cælo es totus, cælestia non derelinquens & terrena visitans. Nam & in cælum ascensurus, te quotidie nobiscum fore promiseras vsque ad seculi consummationem. Itaque & nobiscum es domine in terra, & cum patre in cælo, nobiscum in specie aliena, cum patre in propria, in terra mundas peccatores, in cælo mundatos suscipiens. Cælum & terram, imples tua diuinitate, & quoniam ei tua iuncta est humanitas, vbicunque diuinitas est, illic si volueris, & humanitatem tuam esse necesse est. Quid ergo mirum, si in multis locis es qui in vno, qui in pluribus hostiis, qui in vna? Porro cum tibi placuisset, ineffabili corporis & sanguinis tui sacramento fideles tuos pascere & tibi vnire sub panis vini que figura latere voluisti, vt nemo horreret gustare, quod fideliter gustatum beatitudinem conferret. Primus Melchisedec in sacrificio panem & vinum obtulit. Inde tu diceris in æternum sacerdos, non secundum ritum eorum qui pecora sacrificabant

Mat. vlti.

Gene. 14.

cabant, sed secundum ordinem Melchisedec, qui pane vinoque litauit. Illius tamen sacrificium signum & vmbra fuit, tuum autem veritas est & lux, tuum istud & propheta futurum prædicauerunt, & figura significarunt, vt in eo credendo, quod & vetustas promitteret, & nouitas exhiberet, fides nostra stabiliretur atque firmaretur magis. Ab Isaia prædictum audimus. Et faciet dominus exercituum omnibus populis in monte hoc conuiuium pinguium, conuiuium vindemiæ, pinguium medullatorum, vindemiæ defecatæ. Et ab Ieremia: Omnis laguncula implebitur vino. Et ab Ezechiele: Vocabo frumentum & multiplicabo illud, & non ponam vobis famem. Et ab Osee, Conuertentur sedentes in vmbra eius, viuent tritico, & germinabunt quasi vinea, memoriale eius sicut vinum Libani. Et à Zacharia, Quid enim bonum eius est, & quid pulchrum eius, nisi frumenta electorum, & vinum germinans virgines. Et à Malachia, In omni loco sacrificatur & offertur nomini meo oblatio munda, quia magnum nomen meum in gentibus, dicit dominus exercituum. Figura autem atque signa fuere, sacrificium Melchisedec sacerdotis, manna in deserto, agnus paschalis, hostia sanctorum oblata pro peccato, hostia pacificorum oblata domino, subcinericius panis Eliæ in itinere, panes propositionis in templo. Quicquid in his fuit significatum, in tui domine glorificati corporis sacramento credimus impletum, atque ideo non quod videmus in eo, sed quod credimus adoramus, vt Petri Apostoli tui promissum te donante nobis persoluatur dicentis. In quem nunc non vidento creditis, credentes exultabitis lætitia inenarrabili & glorificata, reportantes finem fidei vestrae salutem animarum vestrarum. Hoc illud est quod & ipse dixerat: Beati qui non viderunt & crediderunt. Accedimus etiã ad te domine cum timore & humilitate. Tu es enim ille, de quo in Psalmo est dictum. Escam dedit timen-

Isaia. 25.

Ieremia. 31.

Ezech. 36.

Osee. 14.

Zach. 9.

Malach. 2.

1. Pet. 1.

Psal. 110.

tibus se.



tibus se . Tu das teipsum his qui maiestatem tuam offendere metuant, & eidem in omnibus obsequi desiderant . Accedimus ad te , in amorem tuum insinuari cupientes , tu quippe das escam esurientibus , vt dulcedine charitatis tuæ satientur , quam esuriunt . Accedimus cum continentia castitatisque proposito . Nam si non licuit Dauidi & iis qui cum illo erant, edere de panibus sanctificatis, nisi cum se à consuetudine mulierum expiaissent , quanto continentiore esse oportet eum, qui castum corpus tuum , de casta sumptum virgine, & tibi vnitum esurus accedit . Et si de hostia pacificorum vasci iubetur qui fuerit mundus, quanto conuenit esse illum mundiorē, qui te omnis munditiæ scelerem, omnis gratiæ autorem cupit haurire . Tu es panis vitæ, vitam nobis donans quam nō habemus, & à morte liberans quam timemus . Ais enim : Ego sum panis vitæ, patres vestri manducauerunt manna in deserto & mortui sunt, hic est panis de cœlo descendens vt si quis ex ipso manducauerit, non moriatur . Ego sum panis vitæ qui de cœlo descendi . Si quis manducauerit, ex hoc pane, viuet in æternum , & panis quem ego dabo, caro mea est pro mundi vita . Nihil est domine tua ista oblatione melius, nihil pulchrius, nihil dulcius, nihil iucundius . Quid est bonum eius, inquit Zacharias, & quid pulchrum eius nisi frumentum electorum, & vinum germinans virgines . Bonus & pulcher es non reprobis, sed electis, & fidei virginitatem consecutis, non hæreticis à sponsa tua ecclesia alienatis atque fornicatibus . Tui præterea sacramenti dulcedo, à Psalmistæ mel dicitur : quoniā nihil aliud in terra gustu dulcius inuenit, cuius nomine illam exprimeret . Cibanit illos (inquit) ex adipe frumenti , & de petra melle saturauit eos . Idem alibi : Gustate & videte quoniam suauis est dominus . Tu tua ista suauitate , isto melle , in cœlo reficis angelos, animasque sanctas, & mortales pascis in terra . Vnde dicitur

1. Reg. 21.

Leuit. 7.

1. Ioan. 6,

Zach. 9.

Psal. 80.

Psal. 77.

Ibidem.

dicatur: Panem coeli dedit eis, panem angelorum manducauit homo. Postremò quòd cibus iste ac potus, què abs te nobis datù, pro maximo munere accipimus, gaudere nos & exultare faciat, Psalmista testatus est, dicēs: Educas panem de terra, & vinum lætificet cor hominis. Cùm ergo mysticum alimentum istud tantum ac tale sit, meritò quidem eucharistiam, id est, bonam gratiam vocant: Sæ enim piè sumentibus magnam multiplicemque confert gratiam, & ad summam vsque prouehit beatitudinem. Te quippe in ipso sumimus, qui totius boni largitor es, toti<sup>9</sup> distributor felicitatis atque gloriæ. tu sub aliena specie latens, & delicta nostra purgas, & purgatos ad purius viuendi studium dirigis. Quod si in Leuitico quicquid tetigerit carnes hostiæ pro peccato oblata, sanctificari dicitur, quis dubitat, quin istud quod præcessit in figura, cumulatius impletur in veritate? Tu ille qui solo tactu leprosum mundasti, mulierem sanguine fluentem curasti, puellam mortuam ad vitam reuocasti, vt ostenderes in te esse virtutem peccata præterita delendi, futura cauèdi, & qui in peccatis mortui iacent, ad spem vitæ æternæ erigendi. Tua præterea in Ecclesiastico vox est: Qui edūt me adhuc esurient: & qui bibunt me, adhuc sitient. Esuriet ista & sitiet, desiderium tui est, quo desiderio qui affecti fuerint, beati erunt, quia saturabuntur. Incipient enim repleti virtutibus, qui antè vitiis referti erant, vt fiat quod in psalmo dicitur: A fructu frumenti vini & olei multiplicati sunt, quod vt nobis cōtingat, ipse p prophetam hortaris, dicens: Dilata os tuum, & implebo illud. Qui paratior accedit, magis dilatatur, & qui magis dilatatur, magis & impletur. Cùm autem implebimur, tunc præcipuè ad te diligendum accendimur. Hoc propheta spiritualiter expertus, admiratur, & ait. Impinguasti in oleo caput meum, & calix meus inebrians quàm præclarus. Sed oleum, quia lucernis ad-

Psal. 77.

Leui. 9.

Lucæ. 55.

Eccle. 24.

Psal. 4.

Psal. 80.

Psal. 24.

L

ditur,

- ditur, mentis illuminationem signare videtur, vt qui prius in tenebris ignorantiae erant, iam intelligentia donum attingant, perinde atque illi, quorum oculi tenebantur ne te agnoscerent, & postea quidem cognouerunt, dum te ad sumum diuertere hospitium cogunt, dū te aperiente scripturas discunt, per panis fracti sacramentum in tui agnitionem se venisse confessi sunt. Huius panis virtute animam quoque effici pulcherrimā Ezechielis prophetae testimonio discimus, dicentis:
- Ezech. 29.** Similam & mel & oleum comedisti, & decora facta es vehementer nimis. Ex hoc praeterea ad resistendum diabolo vires acquirimus, & contra carnis certamina efficimur fortiores, dicente propheta: Paraisti in conspectu meo mensam aduersus eos qui tribulant me. Deum victo diabolo, & spiritu carni dominante, multa animi pace, multa quiete fruimur, iuxta illud: **Qui** ponit fines tuos pacem, & adipe frumenti faciat te. Et quid est vsquam virtutis, quid gratiae, quid felicitatis domine Iesu Christe, quod tibi digne communicantes non adipiscimur? Tu in nobis es, & nos in te, quoties tuo cibo & tuo potu anima nostra reficitur. Ais enim:
- Ioan. 6.** Caro mea verè est cibus, & sanguis meus verè est potus: qui manducat meam carnem, & bibit meum sanguinem, in me manet, & ego in illo. Et quoniam vita es, in te manentes, teque in nobis manentem habentes, viuimus in aeternum. Quamobrem subiungens, inquis: Sicut mihi sit me viuens pater, & ego vino propter patrem, & qui manducat me, & ipse viuet propter me, Reliquū est vt sic viuendo beatitudine fruamur perpetua & aeterna. Idcirco vt illam nobis conferas, mones & ais: Operamini non cibum qui perit, sed qui permanet in vitam aeternam, quem filius hominis dabit vobis: hunc enim pater signauit deus. Et iterum: Ego sum panis vitae, qui venit ad me, non esuriet: & qui credit in me, non sitiet in aeternum. Ad beatos ista pertinere, etiam Apocalypsis

Apoca. 7.

Ipsis docet, vbi dicitur: Non esurient neque sitient amplius, neque cadet super illos sol, neque ullus æstus: quoniam agnus qui in medio throni est, reget illos, & deducet eos ad vitæ fontes aquarum, & absterget deus omnem lachrymam ab oculis eorum. Quas ergo tibi gratias benignissimè domine, pro tam immenso munere agemus: quas præconia, quas laudes persoluemus? Nihil aliud à nobis exigere videris, quam ne polluto ore tua dona contaminemus. Ad hoc etiam, nisi te imbecillitatem nostram adiuvante, præstare nequimus. Tu ipse igitur, qui tam liberaliter ad epulas tuas nos invitasti, da vt semper ad illas digni veniamus, vt que tua carne ac tuo sanguine cum quanta convenit mentis & corporis puritate reficiamur, quodque ad memoriam tuæ passionis & nostræ redemptionis constitutisti, dicens: Hoc facite in meam commemorationem, præsta vt quotidie instam meditantes, nullo die, nulla hora, nullo temporis momento obliuiscamur tui.

*In eos qui sacramentum malè sumunt.*

Cap. I 8.

**C**Um igitur tanti emolumenti sit, tantaque felicitatis, vero pane ac vero potu isto vt, non miseri sunt & infelices, qui vel indigni ad sumendum accedunt, vel omnino sumere contemnunt. Indignè autem accedunt, qui poenitentiam peccatorum, vt debet, non egerunt, nec satis diligenter in consistendis reatibus fuere, neque ab omnibus continendi sese propositum habent. Si conscientia tua te accusat, cur pollutus agni purissimi carnem gustando inquinasti? Non culpam agendo diluisti, sed grauas & in maximum te precipitas scelus. Audi Apostolum dicentem: Quicumque manducauerit panem, & biberit calicem domini indignè, reus erit corporis & sanguinis domini. Probet autem seipsum homo, & sic de pane illo edat, & de calice bibat. Qu

1. Cor. 11.

L ij

enim

enim manducat & bibit indigne, iudicium sibi manducat & bibit, non diiudicans corpus domini. Quid est reum esse corporis & sanguinis domini, nisi illi is fieri similem qui saluatorem contumeliis affectum crucifixerunt? Verbis illi petulātibus insultabant, tu gustu temerario offendis: flagellis illi percutiebāt, tu manibus immundis contrectando violas: crucifigebant illi, tu quotidie peccatorum tuorum aculeis confodere non dubitas: Illi autem vt honestè sepeliretur permisisse, tu in foueam feculenti pectoris mundissimum dominum præcipitas. Quamobrem ipse idem in Malachia propheta de talibus conqueritur, dicens: Ad vos o sacerdotes, qui despicitis nomen meum, & dicitis in quo despeximus nomen tuum. In eo quod offertis super altare meum panem pollutum. Et dicitis. In quo polluimus te? In eo quod dicitis: Mensa Domini despecta est. Offerimus panem pollutum, quoties impuris manibus oblationem sanctam contrectamus: Et licet illa pollui non possit, nobis tamen nostra imputatur nequitia. Mensam autem domini despectam esse dicere videmur, quoties ad eam contemptim temerarieque accedimus, quasi ad corporis communes epulas intuiti, non ad animæ alimentum singulare. Si ergo mundani se aliquis ita credat & pro delicto satisfacere vehementer fallitur. Immundior enim efficitur ipsa confidentiæ temeritate. Vnde per Ieremiam prophetam à domino arguitur, dicente: Quid est quod dilectus meus in domo mea facit scelera multa? Nunquid carnes sanctæ auferent à te malitias tuas? Profecto (vt diximus) non solum auferent, sed etiam addent, imò si is qui talia præsumit, poenitentia non egerit, indies deterius labetur, fietque imbecillior, atque debiliior diuina ope penitus destitutus. Proditum est in annalibus regum Iudæ, quod palæstini arcam testamenti captam, Azotum detulerint, & in templo idoli Dagon col-

Malac. 1.

Ierem. 17.

2. Reg. 2.

non collocarint, protinus corruisse simulacrum dicitur, & capite ac manibus fuisse truncatum. Azotios quoque gravi admodum valetudine laborasse, donec Israëlitis arca fuit reddita. Arca ista typus Christi erat, cuius corpus qui indignè contrectat, Palæstinus est: qui gulam malè affectam mittere non metuit, in templo Dagon illud collocat. Corruet igitur ipse & confringetur, truncum fiet inutile capite ac manibus carens, quoniā neque cogitare neque facere poterit, quod ei prodesse queat ad salutem, & cum ad benè agendum nihil sibi supererit virium, cum Azotiis ægrotabit, donec agat pœnitentiam, seque restituat sibi, & pro crimine satisfacere incipiat: quoniam neque tam nequiter delinquit denegatur locus pœnitentiæ. Habetur in Paralipomenon libro, quod magna populi pars non sanctificata, comedere phasē ausa fuerit, sed cum se peccasse dolerent. & Ezechias pro eis orasset, placatus fuisse dominus dicitur. Tibi quoque, cui nunc iratus est, proculdubio placabitur, si te peccati pœnituerit, veniamque fueris precatus. Omnibus patet ad deum reditus, & reuerenti misericordia denegatur nemini. Quod si redire neglexeris, & in aliquo flagitio pertinaciter perseuerans, ad sancta sanctorum non timueris accedere, diabolo ad te possidendum perdendumque, aditum aperies. Nam de Iuda quoque scriptum est, quod post buccellam satanas in eum introiuit: Atque ita ille maligna suggestionē superatus, maturavit sceleratè perficere, quod impiè cogitabat, & qui dominicam cœnam ore sacrilego delibare præsumpsit, factus est domini proditor. Hunc si imitari in gustando sacramēto perges, nōne etiam tibi dicere poterit dominus? Ecce manus tradentis me mecum est in mensa. Et: Væ homini illi per quem filius hominis tradetur. Tradidit illum Iudas impiis Iudæis, tu eundem tradis tibi impuro. Hanc ob rem nisi te correxeris pœnitentiamque egeris, ac pro

2. Para.

L iij

tanta

Leuit. 7.

2. Reg. 6.

Isaia. 66.

tanta tua temeritate fleueris, acerbissimas quidem & nullo fine concludendas, in inferno penas dabis. Sic enim in Leuitico scribitur: anima polluta quæ ederit de carnibus hostiæ pacificorum quæ oblata est domino, peribit de populis suis. Perit & Oza infelix, qui prophanam manum arcæ sanctæ licet labenti, supponere fuit ausus, percussit eum dominus, ut ait scriptura, super temeritate, & mortuus est. Atque ut apertius intelligas, distantia dignè & indignè ad sacrosanctum libamen accedentium, disce quid in Isaia scriptum sit: Hæc dicit dominus deus, inquit: Ecce serui mei comedent, & vos esurietis: ecce serui mei bibent, & vos sitietis: ecce serui mei lætabuntur, & vos confundemini: ecce serui mei laudabunt præ exultatione cordis, & vos clamabitis præ dolore cordis, & præ contritione spiritus ululabitis. Quod si certum est, damnandos esse eos qui impenitentes decesserint, quanto magis cum ad impenitentiam accesserit temeritas indignè communicandi.

*In eos qui sacramentum sumere excusant.* Cap. 19.

Ioan. 6.

**C**AEterum non fortasse minus peccant illi, quibus tametsi vereantur polluti accedere, magis libet abstinere, quàm operam dare ac moliri ut dignè accedant. Timent scilicet domino communicare, & eiusdem minas imperterrita aure excipiunt. Ait enim: Nisi manducaueritis carnem filij hominis, & sanguinem eius biberitis, non habebitis vitam in vobis. Verentur itaque diuinis libamentis vesci, & in peccato perseuerando deum offendere non verentur. Communicare quidem non debent, nisi rite atque ordine præparentur, sed preparari ita eos oportet, ut communicatione

micatione digni habeantur. Alioqui & indignè accedens perit propter temeritatem, & accedere nolens damnatur, propter se se corrigendi negligentiam. Quid enim prodest Christum honorare, dum te indignum iudicās, corpore eius & sanguine abstines, si peccato nō abstineas, quo ipsum ad iracundiam prouocas, & prudens ac volēs te illius conuiuio indignum praeſtas? Omnes certè indigni sumus, cum nemo sit qui non peccet, nemo cui cum Centurione in Christum credente dicere non conueniat: Domine, nō sum dignus vt intres sub testum meum, In eo tamen digni censemur, si poenitentes, si confessi, si humiles accedimus. Talem cum te iam esse noueris, accedere ne dubites: ab illo inuitaris, qui omnes conclusit sub peccato, vt omnium misereatur. Talis cum accesseris, mundaberis: continentior constantiorque efficeris. Denique tu temet longè alium, q̃ qui fueras, esse senties. At verò si etiam rite paratus communicare nolueris (vide quantum tibi incommodi inde oritur) vitam in te non habebis. In morte ergo eris: Quid ni? Si vetus quoque lex id testetur, dicens: Si quis & mundus est, & in itinere non fuit, & non fecit phasē, exterminabitur anima illa, de populo suis, quia sacrificium domino non obtulit tempore suo, peccatum suum ipse portabit. Tam lege igitur q̃ Euangelio, vt Christo communices compelleris, id ipsum insuper ecclesiae sanctae edictū tibi confirmat: Qui pro sceleribus suis, inquit, duobus vel tribus annis non communicant, excommunicandi sunt donec poenitentiam agant. Valde etiam expauescenda est illa domini sententia, in illos, qui ad coenam vocati, venire recusarunt, promulgata. Nemo, inquit, virorum illorum qui vocati sunt, gustabunt coenam meam. Quod ergo nūc inuitatus gustare negligis, postea cum maximè cupies, attingere non poteris. Tunc enim erit tempus iustitiae atque iudicii, nunc est miserationis & veniae. Præterea

Num. 9.

Luc. 14.

L iij

si isti,



Osee. 7.

Isaia. 62.

Heb. 10.

si isti, qui flagitij alicuius conscij sacramentum sumere perhorrescunt, damnabiles habentur, quid de illis dicemus, qui omnino contemnunt, & infidelitate quadā lapsi, illo sibi opus non esse asseuerant? De iis quidem p Osee prophetam ait dominus: Super vinum & triticū ruminabant, & recesserunt à me. Illi ruminant super vinum & triticum qui Christi sacramentum plena fide non suscipiunt: & dum dubitāt, à Christo quoque alienantur. Quomodo enim Christianus est, qui verbis Christi non præstat fidem. His in Isaia etiam iurat dominus in dextera sua & in brachio fortitudinis sue, se non daturum vltrā triticum neque vinum. Non enim possunt mereri gratiam fructumque sacramenti, qui vel dubij sumunt illud, vel increduli despiciunt, acrius tandem puniendi quā qui olim legalibus sacrificiis detraxissent, dicente Apostolo: Irritam quis faciens legem Moyfi, sine vlla miseratione duobus vel tribus testibus morietur, quanto magis putatis deteriora mereri supplicia, qui filium dei conculcauerit, & sanguinem testamenti pollutum dixerit, in quo sanctificatus est, & spiritui gratiæ contumeliam fecerit? Profectò qui non credunt, conculcant filium dei, non pedibus, sed infidelitate, & sanguinem eius pollutum dicūt non verborum prolatione, quis enim adeo impius est, vt id audeat dicere: sed mentis infidæ auersione ab eo à quo redempti sunt, & spiritui sancto contumeliam faciunt, erga tanta beneficia ingrati & illiberales. Nos demum cum istorum perfidia qui Eucharistiam nolūt admittēre, tum ab eorum negligētia, qui imparati metuntur, tum denique ab illorum temeritate qui indignè accipiunt, abhorrētes omni sollicitudine curemus, vt credendo, vt pœnitendo, vt domino in omnibus obediendo, ad tam salutare conuiuium accedamus, in quo & præsētis infirmitatis certissimum est remedium, & futuræ beatitudinis perfecta gloria. Hactenus de Eucha-

Eucharistiæ sacramento, ad quod quoniam ieiuni accēdere solemus, non incongruē nunc de ieiunio differemus.

## De ieiunio & refectiōe.

### Cap. 20.

**I**eiunium videtur institutū præcipuē aduersus carnis nostræ petulantiam, vt debilitatis corporis viribus turpium voluptatum in nobis lassescat appetitio, quæ certē si satis domita fuerit, expeditior proniorque erit via ad benē beateque viuēdum. Ieiuniū igitur non ab re tam veteri q̄ noua lege cōmēdatur Moses quadraginta diebus & totidē noctib⁹ ieiunus permāsit, quando tabulas fœderis digito dei scriptas accepit, quibus ob plebis impietatem confra ctis totidem dierum noctiumque repetito ieiunio alias tabulas impetravit, atque deum ipsum populo qui peccauerat reddidit placatum. Elias propheta cū etiam ipse per dies quadraginta nihil gustasset ad montem dei peruenisse dicitur. Eundem postea dierum numerum saluator noster suo cōsecrauit ieiunio, quod nos obseruare quidem ecclesiæ edicto iubemur, quantum fragilitas nostra patitur semel in die comedendo præter illos dies qui dominicæ resurrectionis memoria festi feriatique habentur. Ieiunij autem tempore abstinemus carnibus atque lacticiiniis, quod in his plus nutrimenti esse constat ad lasciuia incitamenta. Qui verò arctius ieiunāt in refectiōe, pane & aqua contenti sunt, aliis abstinēt. Sed virium habenda ratio est, atque ita ieiunandum, vt corpus non lasciuat & tamen ad vitæ religiosæ opera possit sufficere. Sati⁹ est orare in ecclesia, psallere, laudis sacrificia offerre, diuina discere vel docere, quā abstergentia nimia debilitatum, nihil horum posse præstare. His autem omnibus moderata ieiunia conferunt mul-

Num. 9.

1. Reg. 29.

Iere. 35.

multum, plurimumque iuamenti subministrant. Vnde quosdam vini vsu se abdicare, vilioribusque cibis vitam sustentare minime piget. Abstemij, semper fuisse filij Ionadab (vt in Ieremia est scriptum) & audiunt à domino: Nō deficiet viride in stirpe Ionadab, filij Rechab stant in conspectu meo cunctis diebus. Fore se sapientiozem credidit Salomon, si abstemius viueret: &

Ierem. 2.

Cogitavi, inquit, in corde meo abstrahere à vino carnē meam, vt animum meum transferrem ad sapientiam. Sacerdotes tabernaculum intraturi vinum & quod inebriare potest bibere lege diuina prohibentur, dei enim ministros maximē sobrios esse conuenit. Illis etiā qui ex voto domino consecrabātur, quos Nazareos vocabant, præceptum erat ne vinum gustarent, neque quicquid ab vua fuisset expressum donec votū perficerēt.

Leuit. 10.

Nume. 6.

Ezech. 44.

Danie. 1.

quid ab vua fuisset expressum donec votū perficerēt. Dan, Anania, Azaria & Misahel, cum Babylonis captiui essent leguminibus aliti & aqua potati habitiores apparuerunt cæteris, qui vino regis que epulis nutriti erant. Ioanni Baptistæ in deserto locustæ & mel syluestre cibus fuit, vinum & ficeram non gustauit. Paulus Apostolus Timotheo discipulo scribēs monet, ne aquā biberet, sed modico vino vteretur. Ne quis autem gulæ suæ fauens Apostoli patrocinio se defendat, hic qui ab aqua potu cessare iubetur ægrotabat. Noli adhuc aquam bibere (inquit) propter stomachum tuum & frequentes tuas infirmitates, sed modico vino vtere, hoc est, non multo ad luxuriam, sed modico & aqua diluto ad languidi corporis iuamentum. Nemo tamen nefas putet vel carnibus vesci extra ieiunium, nisi votum obstet, ne in Hebionitarum incidat hæresim: vel etiam ieiunando vini vsus damnet, ne ipse cum Tatiano Encratidarum autore damnandus iudicetur. Nam dominus & saluator noster his vsus est, vt euangelistæ testantur, & in Chana Galilææ ad nuptias, & Hierosolymis quando pascha cum discipulis celebravit.

1. Timo. 6.

In quo

In quo ostendere voluit, nullum crimen esse si quis his  
 utatur, nisi cum ecclesie interdictum vel voluntarium  
 impediatur votum. Quisque ergo aut carnis usu, aut vini  
 potu, aut utroque sponte se abdicat non quia non liceat  
 his uti hoc agat, sed quia iuvat, pro peccato satisfaciendi  
 gratia, corporisque castigandi, ut lasciuiat minus, &  
 contra spiritum rarius insurgat. Hac de causa plerique  
 vili admodum victu contenti cibaria delictiora sibi  
 submouere. Ruth mulier, quæ in genealogia Christi  
 cenferi meruit, cum à Booz satis diuite viro hospitaliter  
 acciperetur, panem in aceto intinctum comedis-  
 disse dicitur, aquam potasse fuisseque saturatam, adeo  
 tunc locupletiores quoque mentis luxuria carebant.  
 Panibus viginti hordeaceis Elias centum viros memoratur  
 satiasse, reliquiasque collegisse. Credimus etiam  
 ipsum tali cibo usum fuisse, qualem aliis apposuit, cui  
 ergo miraculorum operatio concessa fuerat, eum hor-  
 deo vesci non piguit. Ezechiel vt famem futuram par-  
 tim verbis, partim re atque opere nunciaret, frumen-  
 tum, hordeum, fabam, lentem, milium, vitiam, per dies  
 cætum quadraginta comedere iubetur: aquam potare.  
 At nos fabam ipsam respuimus tãquam Pythagoræ, non  
 Christi discipuli, nos triticum nisi in similaginem redactum  
 fastidimus, & vnà delictiora conquirimus, nulla  
 in parte sanctis prophetis istis comparandi. Sed etiam  
 Iohânes plusquam propheta, in matris adhuc aluo sanctificatus,  
 non pepones esitauit, sed locustas: nec vinum  
 gustauit, sed haustas de Iordane aquas. Non grauabunt  
 nos ieiunia nostra, si sanctorum parcimoniam cogitabi-  
 mus, vt saltem imitari eos non pigeat, quos æquiparare  
 nequimus. Apostoli quoque domini spicas manibus  
 conterentes esuriem sedant, neque ab hordeaceis abhor-  
 rent quos etiam aliis apponere iubentur, cum turbam  
 saturauit dominus: & tunc quidem quinque tantum  
 panes habuerunt, quod nec ipsis qui duodecim erant suffi-  
 cere

Ruth. 2.

4. Reg. 4.

Ezech. 4.

Iohan. 6.

Matt. h. 16.

Indl. 13.

9. Reg. 17.

8. Reg. 1.

Pfal. 6.

Pfal. 44.

aere potuisset. Vtque apertius quanta illis cura cibi esset intelligas, cum conscensa naui trans fretum irent, obliti sunt (vt in Matthæo legitur) secum panes deferre. Qui enim diuinæ contemplationis dulcedine quotidie satiantur, vix ventri suo tunc prouident, cum esurire coguntur. Parandi autem victus nimiam sollicitudinem dominus quoque extenuat, cum ait: Nolite solliciti esse dicentes, quid manducabimus, aut quid bibemus, aut quo operiemur, sed quærite (inquit) primum regnum dei & iustitiam eius, & hæc omnia apponentur vobis, ne quem ergo ad Dei seruitia iturum retardet inopiæ metus, his domini verbis confirmatus in illa spem collocet, non tamen otio & ignauia sese dedat, laborantes ille adinuat, non desides neque somniculosos, & quoties hominis industria quantum necessitati satis est nequit parare, ipse suppetat. Agar cum filio per desertum errans cum vehementer sitiret, angeli indicio puteum comperit, & inde hausta aqua se & puerum à perniciæ seruauit. Samson Nazareus, cum & ipse siti epectus clamasset ad dominum, egressis de molari maxilla afinina aquis seruatur, Elias in torrente Carith latens, deo procurante à cornis pascitur. Cum per desertum Idumæ arida arenosaque ducerent exercitum Achab & Iosaphat reges aduersus Moabitas, & siti plurimum laborarent, excavarunt scrobes, quæ orante Eliæo aquis repletæ multitudinem ab imminente periculo liberarunt. Olim quoque cum ab Aegypto Moyse duce Hebræi ad terram promissionis pergerent, manna de cælo esurientibus, aquæ de petra erumpentes remedio sitientibus fuere. Et si deus nunquam defuit, ne delinquentibus quidem turbis, ob eius merita qui illis præerat, quanto minus defuturus est ei, qui relictis omnibus ipsius se se dedicat seruituti & rectè itaque à psal mista est dictum. Iunior fui & senui, & non vidi iustum derelictum, nec semen eius quærens panem. Et alio in psalmo

psalmo, Oculi omnium in te sperant domine & tu das escam illorum in tempore opportuno, aperis tu manum tuam & implebis omne animal benedictione. Et alibi, Ecce inquit, oculi domini super timentes eum, & in eos qui sperant in misericordia eius ut eruat à morte animas eorum, & alat eos in fame. Denique abundant qui seruiunt mundo, & tu egestatem times seruies deo? Pascit ille volatilia cœli, & te quem ad suam similitudinem facere voluit non pascet? Iacta igitur, ut propheta ait, cogitatum tuum in domino, & ipse te enutriet. Quod si tibi ieiunia placebunt, de quibus nunc loquimur, modicus & tenuis victus tibi fatis erit, sin vero gula ventrique seruias, nihil erit satis.

Psal. 137.

*Quale debet esse ieiunium, & quæ eius virtus.* Cap. 21.

**Q**Uale autem debet esse ieiunium docet saluator in euangelio. Cum ieiunatis nolite fieri, inquit, sicut hypocritæ tristes, demoluntur enim facies suas, ut pareant hominibus ieiunantes. Amen dico vobis, receperunt mercedem suam. Non vere tristem esse prohibet. Ieiunium enim propriè pœnitentiū est dolētiumque pro peccato quod commiserūt, sed simulatè tristari vetat hypocritarū more, qui omnia ad iactantiam faciunt, ut hominum rumusculos aucupentur, dum sancti dici quàm esse malunt. Ideo non verè gloriæ cui adipiscendæ non student, sed inanis ad quam se totos componunt mercedem recipiunt. Tu autem cum ieiunas (inquit) vnge caput tuū & faciem tuā laua ne videaris hominibus ieiunans, sed patri tuo qui est in absconso, & pater tuus qui videt in absconso, reddet tibi, non delibutum vnguentis te incedere præcipit, quod luxuriæ vitium est, sed quia caput tuum Christus est

Matt. 6.

Isaie. 3.

stus est pasce esurientem, vesti nudum & caput tuum  
vnxisti, ait enim, quod vni ex minimis meis fecistis, mi  
hi fecistis. Deinde maculas animæ tuæ poenitudinis fle  
tu ablue, & faciem tuam lauisti, atque non hominibus  
ieiunare videberis sed deo. Tale habetur illud de quo  
in Isaia clamantem audimus dominum. Hoc est ieiunium  
quod elegi, Dissolve colligationes impietatis, solue  
fasciculos deprimētes, dimitte eos qui cōfracti sunt,  
liberos, & omne onus disrumpe, frange esurienti panē  
tuum, & egenos vagos que induc in domum tuam: cū  
videris nudum operi eum, & carnem tuam ne despexeris:  
hoc est, quod dolo interuerteris redde, inopem ære  
alieno oppressum libera, cibum quem ieiunando tibi  
subtrahis, da indigenti, aduenam suscipe hospitio, pauperis  
nuditatem tege, nec contemnas: quia tua caro est,  
præsertim si in Christo tecum regeneratus est, vnum  
habetis patrem deum, vnum caput Christum, vnum  
corpus ecclesiam, hoc igitur erit ieiunium electū, piū,  
fidelē, sanctum, de quo Iohel propheta dicit, Sanctifica  
te ieiunium. Non enim sufficit cibi abstinentia, nisi &  
à peccatis abstinenceamus, & piis actionibus exerceamur,  
nosque in omnibus fidei syceritate sanctificemus. Ca  
uendum quoque est ne ieiuni contemnamus non ieiunā  
tes, fortasse innocentiores absque ieiunio, quā nos cū  
ieiunio. Apostoli pceptū est, Qui nō māducat māducā  
tem non iudicet. Malē ab alimentis abstinet, qui à de  
tractione proximi linguam non coercet. Ieiunium non  
superbiæ opus esse debet, sed humilitatis. Qui ieiunan  
do superbit, phariseorum imitator est, & eorum qui  
Christum adeuntes dixerunt. Quare nos & pharisei  
ieiunamus frequenter, discipuli autem tui nō ieiunāt:  
Si vis igitur vt ieiunium tuum deo gratū sit, nihil tibi  
ita arroses, vt aliis detrahas, alios suggilles, sed operā  
da vt cū Psalmista dicere possis. In ieiunio humilia  
bam animam meam, Porro ieiunium ipsum quantæ  
virtutis

Ioel.

Roman. 9.

Mat. 9.

virtutis sit, quanti q; emolumēti, exempla in scripturis diuinis relata testantur, Esdras sacerdos cū à Chaldea dimissus Hierosolymam rediret, triduo cū suis ieiunasse, preces que pro itinere obtulisse dicitur, voti q; compos factus fuisse. Iosaphat rex Iuda vicibus impar ieiunio & oratione superauit inimicos. Iudith vidua eiusdem armis munita Holophernem Assyriorū ducē interfecit. Et Iudas Macchabeus ingentes gētilium exercitus post triduanum ieiuniū parua manu aggressus, profligauit. Præterea Christus dominus per dies quadraginta nihil gustando, diaboli tentamenta vicit, & cū dæmoniacum surdum ac mutum curasset, hoc dæmonium, inquit, non eiicitur nisi in ieiunio & oratione. Prodigus filius qui bona scortando luxuriandoque abligurierat tunc ad patrem flagitij sui pœnitens rediit cū esurire cœpisset. Deus Iudæis placari paratus per Iohelē clamabat: Cōuertimini ad me in toto corde vestro, in ieiunio & fletu, & planctu: & Niniitis ieiunantibus pepercit, quos que minatus fuerat se funditus euersurum, seruauit. Danieli ieiunanti & oranti, Christi venturi mysteria reuelantur. Ieiunium ergo peregrē proficiscentibus iter prosperum impetrat, cōtra hostium vim præualet, dæmonum malignitatem contundit, obscenæ libidinis cupidinem coercet, deū placat, veniam exorat, mentem ad cœlestia erigit: postremo per ieiunium atque abstinentiam, ad cœlestem vsque beatitudinem peruenitur. Beati, inquit, qui nunc esuritis, quoniam saturabimini. Et in Ieremia ait: Inebriauī animam lassam & omnem animam esurientem saturauī. Hæc est illa saturitas, quam se consecuturum sperabat Dauid cū diceret: Satiabor cū apparuerit gloria tua. Sancti enim qui se quondam ieiuniis afflixerunt, non esurient amplius (vt Isaias ait) neque sitient, & non percutiet eos æstus & sol, quia miserator eorum reget eos, & ad fontes aquarum potabit eos, Et in Apocalypsi

Psal. 24.

2. Esdr. 8.

2. Par. 20.

Ierem. 2.

Iohel. 2.

Dan. 10.

Lucæ. 6.

Ieremias. 31.

Psal. 31.

Isaia. 49.



Apoç. 21.

2. Reg. 4.

calypsi dominus Ego, inquit, sitienti dabo de fonte aquæ viuz gratis. Igitur tu es ille domine, qui esuriens & sitientes tuo solo aspectu satias, tu panis indeficiens, tu fons viuus, Tu da vt tibi placeant ieiunia nostra, vt cûm placuerint, à te tandem tua dulcedine satiemur. Non erit molesta inedia, quam spes eiusmodi futuræ saturitatis cõsolabitur. Tu es farina illa Elisei, qui vel amarissimum ieiunij nostri pulmentum vertis in dulcorem. Omne onus laborum nostrorum leuas istius, quam in te fiximus, spei suauitate. Itaque & cûm ieiunamus, tibi ieiunamus, & cûm reficimur, tibi gratias agimus: & postquàm refecti sumus, te laudamus quod vt nos doceres, te quoque fecisse meminim⁹, quædo pascha cûm discipulis celebrares. Confitemur enim & quòd ieiunamus, & quòd reficimur, tuum esse beneficium, non nostram virtutem: tuæ largitatis donum, non nostrum meritum. Post ieiunij refectioisq̃ue disertationem, consequens est, vt gulæ vitium quàm detestandum sit consideremus.

*De vitio victum delictiorem exigentium.* Cap. 22.

**G**ulositatis indicium est, in mensa minus lauti apparatus monachi accubentis muffitatio. Licentioris igitur gulæ sunt, quos non pudet, ceteris in silentio confidentibus, corrugare nares, frontem contrahere, os distorquere, & gestu nutuque ipso vel de cibo, vel de potu conqueri. Hic fastidit legumina, ille minutos pisciculos contemnit, alius onera aspernatur, alij cibarius panis odio est, alium vini austeritas offendit, quod si acescere cõparit, stomacho noxiũ argumẽtatur & frigorificum esse medicorum testimonio probare nititur. Eo interdũ impatiẽtiæ quidam procedunt, vt sui

suis præpositis insultent delicatiora exigentes, quam  
 quibus illi contenti. Carebit hoc vitio, qui eorum vi-  
 tam victum que persæpe considerabit, quos deo con-  
 stat placuisse, memoriterque tenebit, quid illi in so-  
 litudine degentes esitarint, quidve potarint, quibus (vt  
 Hieronymus ait) cõstum aliquid accepisse luxuria vi-  
 debatur, qui etiam languentes aquam frigidam, sicut  
 de fonte hausta erat, bibebant: ac tam procul à vino q̃  
 ab vrbibus aberant. Nunc tanto magis deo fruuntur,  
 quanto continentius vixerint. Rursum pensitare pro-  
 derit, quantum deliquerant illi, qualiterque à deo mul-  
 tati sint, qui ob gulæ incõtinentiam in Moysen mur-  
 murauerint. Profecti ab Aegypto ibant cum illo per so-  
 litudinem: & cùm esurirent, manna de cœlo pluente ali-  
 ti sunt: & cùm sitirent, aquis de petra eductis potati.  
 Deinde postquam manna contempto, Aegyptias dapes  
 concupiscent, coturnicum vis ingens castra operuit:  
 quarum carnibus ad nauseam vsque satiati, malæ con-  
 cupiscentiæ proteruæque murmurationis, qua & deũ  
 & Moysen ducem suum offenderant, pœnas dedere. Nã  
 vt in psalmo dicitur: Adhuc escę eorum erant in ore  
 ipsorum, & ira dei ascendit super eos, & occidit pin-  
 gues eorum, & electos Israël impediuit. Nemo igitur si-  
 bi tutum putet, non contentari iis, quæ deo largiente  
 in monasterio habentur, vel ob hoc patres incusare,  
 quod ipse minus copiose abundet, cùm necessaria sup-  
 petant. Paupertatem professus es, & copiam exiges: obe-  
 dientiam vouisti, & maioribus audes esse molestus: quid  
 amplius quæreres in seculo, quam quod concupiscis in  
 monasterio? Si monachi geris indumētum, cur dissimi-  
 lem habes effectum? Memento quia religionem ingres-  
 sus es, vt deo seruias, & ventri seruire desinas. Nunc de  
 illis dicam, quos ieiunij grauat obseruatio, qui vel ma-  
 le ieiunant, vel omninò non ieiunant.

Psal. 77.

Psal. 77.

M De vitio

## De vitio malè ieiunantium.

Cap. 23.

zach. 7.

**M**alè ieiunantes arguit dominus, dicens: Cùm ieiunaretis & plangeretis, nunquid ieiunium ieiunastis mihi? Non enim domino ieiunant, qui exquisitis dapibus poculisque mensam opimant, & nō corpus affligere, sed gulæ blandiri student. Non deo ieiunant, qui ab escis tantum se continent, & vitia non derelinquunt. Non denique deo ieiunat, qui ieiunio se satisfacere putant, & dei præcepta implere negligunt. Quid enim prodest, corpus tenuare abstinentia, & prauas cupiditates ab animo nō euelleret? Si sic ieiunas, non Christum imitaris, sed diabolum: qui certè neque comedit neque bibit, & tamen nunquam à sua peruersitate resipiscit. Sicut nec illi, quibus lamentantibus, quod ieiunando calamitatem nequirent auertere deus respondit: Ecce in die ieiunij vestri inuenitur voluntas vestra, & omnes debitores vestros repetitis, ecce ad lites & cōtentiones ieiunatis, & percutitis pugno impiè. Sicut ergo aurum luto sordidatum non splendet, ita nec ieiunium efficax est ad deum placandum, si vitia non cessant. Ob hoc sanè ad Ieremiam clamat dominus. Noli orare pro populo isto in bonum. Cum ieiunauerint, nō exaudiam preces eorum, & si obtulerint holocausta & victimas, non suscipiam ea. Quòd si propter vnum Ionatham, qui contra Saulis patris interdictum parū mellis gustauerat, deus iratus non dedit responsum, quomodo eum exaudiet, qui suæ ecclesiæ iussa contemnit?

Isaia, 58.

Jerem. 14.

1. Reg. 14.

De vitio ieiunare nolentium, vètrique indulgentium.

Cap. 24.

Quamuis

**Q**uamuis autem aliquis in voluptatibus flagitiisque  
perseueret & obduret, si tamen cum iubetur ie-  
iunat, futuræ emendationis nonnulla spes est. Nō  
est enim in illo penitus extinctus dei timor, qui vel hac  
vna in re formidat non obtemperare. Sed quid de illo-  
rum obstinatione sperare licebit, qui cum nihil boni  
agant, ne ieiunare quidem volūt, & dū gulæ indulgēt,  
indictā quoq; ab ecclesiā abstinentiā irrident? An igno-  
rant quod ecclesiæ mandatū, dei mādātū sit, dicēte do-  
mino: Qui vos audit, me audit: & qui vos spernit, me  
spernit: & qui me spernit, spernit eū qui me misit. Dū  
igitur vētri suo, q̄ deo nostro malūt obedire, deus eorū  
venter est, quod huic suadet, sequūtur: quod autē deus  
noster iubet, contēnunt: neq; eos pudet gulæ suæ fieri  
mācipia, cuius dominos esse cōnenerat. Quid tādē im-  
punē ne id sibi futurū sperāt, quod nulla re impediti ni-  
si gulæ vitio, ieiunare ne iussī quidem volunt? Sed si vi-  
ro dei missō in Bethel, cui mādātū fuerat, ne quid ibi  
gustaret donec redisset, semel præterisse mandatum nō  
fuit impune, quomodo hi non punientur, qui nunq̄ pa-  
rent? Ille sedens adhuc ad mensam, à domino sibi dictū  
audiuit: Quoniam non obedisti sermoni meo, non infe-  
reris in sepulchro patrum tuorum. Cumque rediret, à  
leone in via oppressus, occiditur: & ab hominibus ibi-  
dem tumultatur, & hi qui assidue peccant, nullo pror-  
us ieiunantes die, ne scilicet si quando non cœnitent, ine-  
dia extinguantur, dei vindictam non verētur? Ille qui-  
dem ab altero deceptus, prandium cum ipso iniit, igno-  
ranterque peccauit, & talia passus est. Hi verò cum  
scientes volentesque delinquant, nihil supplicij sibi  
infigendum arbitrantur? Cur ergo, inquirunt, leonis  
morsibus non laceramur? Quibus respondendum est,  
quia non estis viri dei sicut ille, qui leni mortis gene-  
re, pro reatu satisfecit, vt spiritus saluus fieret, sed  
estis serui diaboli. Atque ideo non syluestribus feris

Lucæ. 10.

Reg. 1.

M ij

lanian.

laniandi tradimini, vt postmodum infernalibus bestiis  
 proiecti, poenas luatis acriores. Non enim æqua vel si-  
 milis puniendi ratio iustos & iniustos, poenitentes &  
 obduratos. Alteris temporaria debetur animaduersio;  
 alteris æterna. Quidam ita gulæ ac ventri dediti sunt,  
 vt ne tempus quidem comedendi obseruent, prandia  
 præuenire soliti ientaculis, cœnas merendis quorum  
 immodestiam Salomon arguit, dicens: Væ tibi terra,  
 cuius rex puer est, cuius principes manè comedūt. Cor-  
 rumpunt enim reliquos exemplo, qui magistratum ade-  
 pti turpiter viuunt. Econtrario autem frugalīs vita p-  
 fidium, omnibus continentiae lex est, & virtutis incita-  
 mentum. Ideò consequenter dicitur: Beata terra cuius  
 rex nobilis est, & cuius principes vescuntur in tempo-  
 re suo ad reficiendum, & non ad luxuriam. Profecto  
 non hominum, sed pecudum vita est habere incerta co-  
 medendi tempora, passimque pasci, quasi qui nunquā  
 fatientur, & edaciores idolo Bel bibacioresque existāt:  
 si tamen idolum illud tantum in die cōsumpserit, quā-  
 tum mentiti sunt eius sacerdotes: hoc est, similes ar-  
 tabas duodecim, oues quadraginta, vini amphoras sex.  
 Sed tamen potatus huius atque obliguritionis intem-  
 perantia tolerabilior foret, si rerum solummodo iac-  
 turam inferet, & non etiam corporis atque mētis. He-  
 la Samariæ rex cū se vino ingurgitasset, zambri ser-  
 ui intidias cauere nesciuit. Itaque sibi vitam, posteris re-  
 gnum amisit, seruo illud occupantē, prole quoque do-  
 mini sublata. Balthasar Chaldæorum rex quo die va-  
 sis, quæ de templo Hierosolymitano sublata fuerant,  
 in celebri conuiuio præpotauit, eodem occisus est, sacri  
 legioque addita ebrietas finem vitæ fecit, Holofernem  
 Assyriorum ducem, qui viris armisque tam potēs fuit,  
 vt quocunque se verteret, vrbibus, prouinciis, regnis  
 terror esset, epulis vinoque grauem vnus fœminæ ma-  
 nus interemit, & quem vincere externorum vires non  
 poterant,

Prover. 10.

Dani. 14

2. Reg. 10.

Dani. 5.

Iudit. 13.

poterant, crapula victus, tam ignominiosa nece periit. Vis insuper nosse quàm turpis quàmque pernicioſa rea ſit ebrietas? Noë primus vineam plantauit, vinoque inſatuatus, pudendis deſectis, iacuit indecorè, ita vt vni ex filiis riſum moueret. Loth autem inebriatus inceſtū commiſit, & de filiarum cōcubitu liberos ſuſcepit, ignarus quænam eſſent illæ cum quibus concumberet, neq; fortasſè quid ageret, cū inter dementem & ebrium, nullum diſcrimen ſit, niſi quòd alter altero facilius curetur. Tutius eſt autem ſecretum aliquod committere ſtulto, quàm ebriſo: neuter ſcit arcanum celare, ſtulti tamen verbis nemo adhibet fidem, ebrio magis creditur. Ad hæc inter compotantes frequenter leuiſſima de cauſa exurgunt rixæ: concertationes, vulnera, cædes. Vnde Salomon in Proverbiis ait: Qui dimittit aquâ, id eſt, qui mero vino vtitur, caput eſt iurgiorum: & antequam patiatur contumeliâ, iudiciū deſerit. Cui ſententiæ congruit, quod in Oſee propheta legitur: Fornicatio & vinum & ebrietas auferunt cor. Cū autem ſola ratione diſtemus, à brutis, ea ſublata, quid reliquū eſt, niſi vt beſtiis annumeremur, & amiſſo corde, vecordes excordesq; id eſt, demētes dicamur & ſimus. Teterimū eſt in vita talem notâ pati, ſed lōgè infelicius vita mox deſunctos ad æterna deſtinari ſupplicia. Apoſtolus enim ad Corinthios ſcribens, affirmat: quod ebriofi regnum dei nō poſſidebunt, cum damnatis ergo cōputabuntur. Nam hi ſoli ſunt, quibus nulla exiit de carcere ſpes eſt. Idcirco alibi idem hortatur, dicens: Nolite inebriari vino, in quo eſt luxuria: hoc eſt, vino quod gulæ blanditur, & impudēter laſciuire cōpellit. Quāobrem etiam dominus ita affectos ad pœnitentiam reuocat per Iohelem prophetam, & ait: Expergiſcimini ebrij & flete & vlulate omnes, qui bibitis vinum in dulcedine. Pœnitere autem nolentibus per Ieremiam minatur, dicens: Bibite & inebriamini, & vomite, & ca-

Gene. 9.

Gene. 19.

Oſee. 4.

Iohe. 1.

Jerem. 25.

M iij      dite,

Mat. 24.

dite, neque surgatis à facie gladij, quem ego mittam inter vos. Gladius hic iustitia dei est, quæ breuissimâ vitæ huius voluptatem vno ictu mutat in perennem amaritudinem. Hoc ipsum idem dominus etiam in euâgelio testatus, ait: Si dixerit malus seruus in corde suo morâ facit dominus meus venire, & coperit percutere conseruos suos, manducet autem & bibet cùm ebriosis, veniet dominus serui illius in die qua non sperat & diuidet eum partem quæ eius ponet cum hypocritis illic erit fletus & stridor dentium. Vbi sunt qui poenæ dilationem impunitatem rati licentius peccant? Non poenam peccatorum remittit iustus iudex, sed conuersionem expectat misericors dominus. Quo diutius sustinet, eo acerbius in obduratos animaduertet, fletum irrogabit pro risu, pro gulæ oblectamento dentium stridorem. Quæ supplicia tunc demum futura quidam dicunt, cùm in fine seculi hominum animæ suis iunctæ corporib<sup>9</sup> fuerint. Ego verò etiâ ea significari reor, quæ tunc erunt impio, cum primum diuidi eam à corpore contigerit. Non quod animæ dentes osseos, aut oculos habeant carnales, sed quod inter viuentes acerrimus dolor sit, qui hominem flere & dentibus inter se collisis, stridere cogit. Vt ergo intelligas poenarum gravitatem quæ sunt in inferno, per eius poenæ similitudinē tibi loquitur, quàm in hac vita grauissimam esse non ignoras. Hæc autem consuetudo est diuinæ scripturæ, vt spiritalia quæ non intelligimus, per corporea quæ nouimus, nobis insinuet. Maxima enim summaque esse, & in paradiso gaudia, & in inferno supplicia credēdo confitemur, quanta autem vel qualia sint fando explicare nescimus, & si maiora sunt quàm dici queant, omiſſis omnibus hæc sola cauere, sola illa maximè expectere debemus.

*De remedio crapulæ. Cap. 25.*

Igitur

**I**gitur quoties tibi in conuiuio esse contigerit, ubi & vina pretiosa & sapide & exquisite que dapes proponantur, ne talium dulcedine captus ad intemperantiam declines, cogita quanto dulcius iucundiusque fit deo frui, quam istis obrui. Rursum cum tibi molesta esse coeperit abstinencia, mente reuolue, quanto molestius fit in infarno torqueri, quam hic vetri multa exigenti modica tribuere. Ita enim & quæ grauant æquo animo perferes, & ab iis quæ pernicioſa ſuauitate demulcent, prudenter cauebis, hortante præſertim domino ac dicente: Attendite autem vobis, ne fortè grauentur corda veſtra in crapula & ebrietate & curis vitæ huius, & ſuperueniat in vos repentina dies illa. Horum profeſſo quæ tibi proponimus modo, ſi memor fueris, iam cautior continentiorque factus neque cum filiis Heli carnes de cacabo rapies, ne deum offendas & morte mulcteris, neque cum Eſau pro edulio lentis primogenita tua vèdes ne patris benedictionem amittas: neque cum Iſraëlitis iurulentas Aegypti concupiſces, ne in deſerto intereas & ad terram promiſſionis tranſire non poſſis: neque cum Adamo & Eua ieiunij tempore vetitos cibos attinges, ne de paradifo eiectus miſeriis obruaris. Immodicæ autè comeſſationis potiſſima mala ſunt, quòd futurorum bonorum quæ in deo ſunt cogat obliuiſci, dum præſentibus delinit ac blanditur dicente domino. Cũ comederint & ſaturati craſſique fuerint conuertentur ad deos alienos & ſeruient eis, quod etiam caſtitati aduerſetur, & in libidinem pronos reddat: de quo in Ieremia conqueritur deus, & ait: Saturavi eos & mœchati ſunt, & in domo meretricis luxuriabatur, equi amatores in ſcæminas & emiſſarij facti ſunt, vnusquiſque ad vxorem proximi ſui hinniebat. Et in Ezech. Ecce (inquit) hæc fuit iniquitas Sodomæ, ſuperbia, ſaturitas panis & abundantia & otium ipſius. Quanto igitur melius penuriam pati & continentiae

Lucæ. 21.

1. Reg. 2.

Gene. 25.

Exod. 16.

Gene. 3.

Deut. 31.

Iere. 5.

Ezech. 16.

M iij

virtute



virtute abundare, quàm copia rerum affluere & turpis  
luxuriæ sordibus inquinari: quanto præstabilius obser-  
uandis ieiuniis operam dare, & abſtinentia superbiam  
factumque contundere, quàm crapula inflatum neque  
bonorum neque malorum quæ futura sunt meminisse,  
& à deo recedere: Quod crimen illorum fuit, in quos p  
Amos prophetam exclamat deus: Væ vobis qui opulen-  
ti estis in Sion & confunditis in montem Samariæ, opti-  
mates capita populorum ingredientiſ pompaticè do-  
mum Israël. Quod hîc de opulentis in Sion eſt dictum  
vtinam de opulentis Chriſtianiæ eccleſiæ dici non poſ-  
ſit, ne quis nouus Nabuchodonofor meritò in illa ir-  
ruat, & peccatis ita exigentibus aurum argentumque  
omne diripiat, & ad ſuam cuncta transferat Babylonē  
quæ non in uſum rei diuinæ, ſed magis in opera dia-  
boli verti ſolent. Hoc eſt in popinas ganeasque & ob-  
ſcenam corporis voluptatem luxumque vitæ citò fi-  
niendæ. Quicquid tamen futurum ſit, hoc nobis relin-  
quitur ſolati, quod licet vrbes regnæque deſtruantur,  
ipſa Chriſti religio, nullis hominum viribus poterit  
aboleri. Quamuis cuncta defecerint, illa cui neque por-  
ta inferni præualere queunt, non deficiet, & hæc eſt vi-  
ſtoria quæ vincit mūdū, fides noſtra. Quæ ſi obteri vn-  
quam potuiſſet, prius (vt equidem reor) pedibus multo-  
rum qui præſunt, quàm eorum qui perſequentur, obtrita  
fuiſſet. Plurimi quippe ideo clericatum proſequentur, &  
eccleſiaſticas ambiunt dignitates, vt ditentur, & cum  
ditati fuerint vt deliciis voluptatibusque fruatur, quib⁹  
in euangelio reſpondet dominus, Amen amen dico vo-  
bis, queritis me, non quia vidiftis ſigna, ſed quia man-  
ducaſtis ex panibus & ſaturati eſtis. Et quoniam volu-  
ptuariam vitam æterni ſuppliciij dolor ſequitur, iſdem  
dicitur, Væ vobis qui ſaturati eſtis, quia eſurietis.

De perſeue-

Amos. 6.

Iohan. 6.

Lucæ. 6.

## De perseverantia virtutum.

## Cap.

## 26.

**C**um autem omnis capeſſendarum virtutum labor incaſſum cederet, niſi ex præſidio perfeverantia foret, hoc veluti opportuno dictarum dicendarumque rerum loco eam inferere operæ præcium erit, ut qui hæten<sup>9</sup> dignè laudabiliterque verſati ſunt, intelligant, neque deinceps ſibi ceſſandum, donec ad finem uſque peruentum fuerit, qui enim perfeverat uſque in finem hic ſaluus erit. Ad perfeverantiam nos hortatur Apoſtolus, cum ait: Omnes quidem currunt, ſed unus accipit præmium, ſic currite, ut comprehendatis. *1. Cor. 9.*

Fruſtra enim præpeti fertur curſu, qui antequam metâ attingat, victus læſitudine ſubiſtit. Fruſtra benè coepim<sup>9</sup> niſi & benè finierimus. Naufragiū patiat<sup>9</sup> necceſſe eſt, qui quamvis recto curſu ſuiſque ventis diu nauigari, ante cū ipſa naui in Syrtibus vel in latentibus hæſit ſaxis, quā ad portum eſt perductus. Poſtremo neque fabri, neque architecti, neque cuiuſquam artificis opus, niſi cum perfectum fuerit, iure ac meritò laudari poteſt, tunc demum de illo probè prudenterque iudicatur, cū iam omni ex parte cernitur abſolutum. Ita neque nobis proderunt ſanctiores vitæ initia, ſi coeptis non reſponderit ſinis: ſi (ut quidam ait) mulier formoſa ſupernè deſinat in piſcem. Idcirco Apoſtolus Bonum facientes (inquit) non deficiam<sup>9</sup>. Et iterum, Nolite deficere benefacientes. Audi quid propterea tibi Salomon ſapientiſſimus de muliere forti, id eſt, anima cōſtāti & in propoſito boni honeſti que firma, in qua cor viri ſui Chriſti domini cōfidit, nobis exponat ac prædicet. Reddet, inquit, ei bonum & non malum. Qui enim deum timet, qui que beneficiorū eius eſt memor, ne in-

Galat. 6.

1. Theſ. 5.

Prouer. 31.

ne ingrati-  
tudinis arguatur , pro bono reddit bonum,  
& quoniam non est satis vel diu reddidisse, nisi semper  
reddas, continuo subiunxit, Omnibus diebus vitæ suæ.  
Vis nosse talis animæ quæ sit merces: Non extinguetur,  
inquit, in nocte lucerna eius, non timebit à frigidibus  
niuis, fortitudo & decor indumentum eius , & ridebit  
in die nouissimo, hoc est , cum potentissimi quondam  
reges nudi ac debiles ante tribunal iudicis ingenti ti-  
more trepidabunt, illa tunc in Christo exultabit & ri-  
debit, & iam certa de præmio ipso, de quo dicitur: Da-  
te ei de fructu manuum suarum, & laudent eam in por-  
tis opera eius. Opera vtique in quibus perseverauit, in  
ipso paradisi ingressu extollant illam, & spiritibus an-  
gelicis beatorumque coniungant choro, vt quæ indefi-  
nenter deo seruiuit, iam indefinente felicitate perfrua-  
tur. Quis est, qui dum tantæ mercedis magnitudinem  
æstimat, laboris sui tædio afficiatur? & non potius sem-  
per se minus fatigari agnoscat, quàm vt mereri possit  
quod sibi sperat . Attende igitur non solum ea quæ re-  
cepisti, sed etiam quæ promissa sunt , & demum in eo  
quod benè coeperis, perpetuò perseverabis pariterque  
cum Zacharia sacerdote in euāgelio dicens: Seruiamus  
illi in sanctitate, & iustitia coram ipso omnibus diebus  
nostris. Primo quidem in fide perseverandum est, ne la-  
bescente fundamento, quicquid superædificatum fue-  
rit, corruat . Nam sicut fides absque operibus mortua  
est, ita opera sine fide vana sunt, & licet tēporaria mer-  
cede non fraudentur, æterna tamē remuneratione pri-  
uantur. Fidei autem perseverantiam Iohannes Aposto-  
lus nobis commendat, dicens: Quod audistis ab initio,  
in vobis permaneat: quia si in vobis permanserit, quod  
audistis ab initio , & vos in filio & patre permanebi-  
tis. Dominus etiam in Apocalypsi, Esto fidelis inquit,  
vsque ad mortem, & dabo tibi coronam vitæ . Deinde  
in spe quoque perseverandum est , vt sicut per fidem  
ita &

Lucæ. 1.

Iohan. 2.

Apoc. 2.

ita & per spem habitat in nobis Christus, Habemus enim Apostoli testimonium affirmantis nos esse domum Christi, si fiduciam & gloriam spei vsque ad finem firmam retineamus. Postremò in charitate etiam assidue est versandum, quia deus charitas est, & qui manet in charitate, in deo manet & deus in eo. Ab his ergo tribus virtutibus nunquam est cessandum, quia certissimū vinculum sunt, quo deo coniungimur & copulamur, nūquam ab illo recessuri, si in his vitam finire contigerit. Has autem virtutes nequaquam esse otiosas noueris, qui enim in deum credit, & in deo sperat, & deum diligit, hic quotidie agere studet, quicquid ei gratum acceptumque fore confidit. Assiduum est in oratione, semper patiens in aduersis, in omnibus dei mandatis perpetuò se exercens. Quantum autem in offerendis precibus perseverare prodest, testis est Cananea mulier, quæ repulsa non recessit, despecta, sustinuit : & dum suppliciter orando perseverat, facta est voti sui compos, dicente domino, Fiat tibi sicut vis. Testis est Barthimæus cæcus, cui<sup>9</sup> p̄seuerans clamor oculos ei quos nō habebat, impetrauit. Increpabatur vt taceret, tātò ille magis clamabat, Fili David miserere mei, ab hac precatione non cessauit, donec visum recepit. Testes sunt & Apostoli, de quibus est scriptum, Omnes erant perseverantes vnanimiter in oratione cum mulieribus, & Maria matre Iesu & fratribus eius. Denique testis est ipse saluator noster & dominus, qui vt precibus instigare suo nos doceret exemplo, & pernoctasse in oratione dicitur, & factus in agonia prolixius orasse. Quantum præterea ærumnas laboresq; & cuncta seculi huius incommoda æquo animo tolerare iuvat, ipsi idem Christi discipuli nobis documento sunt, quibus ipse dixit. Vos estis : qui permastis mecum in tētionibus meis, & ego dispono vobis, sicut disposuit mihi pater me<sup>9</sup> regnū, vt edatis & bibatis sup mē<sup>9</sup> a meā i regno meo, & sedeat<sup>9</sup> super

Heb. 3.

Matth. 15.

Mar. 10.  
Actu. 1.

Luc. 6.

Luc. 22.

Luc. 22.

**Psalm. 118.**

**Psalm. 118.**

**1. Tim. 1.**

super thronos duodecim tribus Israël. Ad hæc omnia  
necessarium est, si salui esse cupimus, vt in omnibus dei  
præceptis perseveremus, cauendo illa quæ vetantur,  
quæ iubentur faciendo. Beatus est qui cum Psalmista  
dicere potest, Concupiuit anima mea desiderare iusti-  
ficationes tuas in omni tempore. Et iterum. Custodiam  
legem tuam semper & in seculum seculi: Difficile est profe-  
cto per omne vitæ tempus eundem se præstare, & in nul-  
lo deficere. Quoties ergo aliqua diuerticula patitur fra-  
gilitas, quam citò fieri potest, ad iter coeptum redeat  
nondum penitus labefacta virtus, ne longiore deniatio-  
ne aberrantibus vix vlla in viam redeundi potestas sit,  
postquam presentium voluptatum dele statio vsum fe-  
cerit, vsus habitum, habitus naturam. Nec tamen si hoc  
acciderit desperandum erit. Nihil est ita induratum,  
quod tundendo non infringat pertinax opera. Steriles  
campos assiduus agricolæ labor fecundos reddit. In-  
fructuosæ quoque arbores in pomiferas mutantur soler-  
ti insitione. displicere tibi incipiat quod patre tuo re-  
lictò in regionem abieris longinquam, & ad reditum  
te para. Volenti atque conanti pietas aderit diuina, ma-  
numque porriget, & te à malis liberabit ne pereas. Ex  
pecude tandem in hominem versus, in his quæ dei sunt  
assuescere incipies, assuefactus perseverabis, perseverans  
vinces, victor coronaberis. Talem se Paulus Apostolus  
exhibuerat cum diceret: Bonum certamen certavi, cur-  
sum consummaui, fidem seruauì, de reliquo reposita est  
mihi corona iustitiæ, quam reddet mihi in illa die ius-  
tus iudex, non solum autem mihi, sed & omnibus qui  
diligunt aduentum eius. O felicem illius perseverantiæ,  
cui in fine cum Paulo sic gloriari licebit, & cum eodem  
sic sperare. Huic perseverantiæ virtuti contrarium vi-  
tium est animi inconstantia volubilitasque mentis  
quæ quam fugienda sit, docere ope diuina fretus nunc  
enitar.

De leuita-

## De leuitate ad vitia relabentium.

Cap.

27.

**P**erniciosa quidem res est, de proposito vitæ honestioris decidere, & ad voluptariam rursus conuerti, de bono malum fieri, de iusto iniustum, de innocente peccatorem, & felicitatis futuræ spem in metum commutare poenarum. Ad eum igitur qui talis est, nunc nostra conuertantur oratio. Diabolo & pompis eius renunciaueras, ad ecclesiam confugeras, castitatem, humilitatē, paupertatem professus fueras, vt te dei seruum exhiberes cur iterum contempta desideras, relicta repetis, ad seculum vnde fugeras reuerteris, & mortiferis eius deliciis frui concupiscis, vt satanæ seruias. Iam securus vitæ finem præstolabare, iam mortis metu liber eras, iam nulla te mundi terrebant aduersa, cur te rursus subiicis præsentis vitæ miseriis? vt quoties te conscientia tua reprehenderit, toties contremiscas, & ad omnem febriculæ vel alterius cuiuscunq; morbi accessum formides, & ad omnes imminētis periculi minas animum demittas ac pauites, non tā mortis metu quā tormentorum. Plantauerat te dominus vineam electam, semen verum, quomodo conuersus es in prauum, vinea que factus aliena, non domino fructificans, sed dæmoniis? Ciuitas eras plena populo spiritualium bonorum, quomodo mutatus es in solitudinē? Anima tua gentium erat domina, sensibus imperans, & omnes eorum affectus subdens rationi, quomodo facta est quasi vidua non habens virum, cuius consilio sapientiaque regatur? princeps fuerat prouinciarum, quia inter probatos quoque ac præstantes eminebat, nunc autē facta est sub tributo, soluitque vectigal principi tenebrarum: non iam quomodo oportet, sed quomodo ille suaferit

Thren., i.

suaserit viuens. Lucerna eras lucens omnibus qui in domo sunt, extincto lumine, multorum de te obloquentium moribus pares. Cœli denique stella videbaris, & in terram cecidisti, vt fulgorem qui in te fuit, in tenebras conuerteres, & de te quoque dici posset: Quomodo cecidisti de cœlo Lucifer qui manē oriebaris? Corruisti in terram, cœlestib⁹ terrana, æternis caduca preferendo. Spiritu enim coeperas, & carne consummaris. Supra firmam petram ædificabas, vt peracto virtutum ædificio, ad cœleste regnum cōscenderes, beatitudini sc̄que sempiternæ bona possideres: & nunc repente mutato proposito ædificata destruis & dissipas & de solida petra ad fluidam mollemque harenam transgredieris, in qua non potes consistere, nedum ædificare, in qua quicquid extruere niteris, corrui: & cum nihil omnino inter mundanas voluptates firmitatis, nihil stabilitatis existat, illę quoque te destituent, teque sublato omni sustentaculo protinus in profundum ruere permittent, vt qui nunc mundi affluis luxuriis, mox calamitatibus afficiaris æternis, dicente domino per prophetam: Si auerterit se iustus à iustitia & fecerit iniquitatem secundum omnes abominationes, quas operari solet impius nunquid viuet? Omnes iustitiæ eius quas fecerat, non erunt in memoria. In præuaricatione qua præuaricatus est, & in peccato suo quo peccauit, in ipsis morietur. Hac sanè de causa & Petrus Apostolus de eiusmodi hominibus loquēs: Melius, inquit, erat illis non cognoscere viam iustitiæ, quàm post agnitionem retrorsum conuerti. Cùm igitur in tanto te periculò constitutum perspicuè intelligas, dum licet, dū vita suppetit, dum pœnitenti tempus superest, errorem tuum corrigere festina, & eo vnde recessisti, te q̄primū refer, opusque illud quod stultè admodum demolitus es, instaurare stude, neque te vltrà in aperta mittas pericula, cum ad tutum regressus fueris. Non est aptus regno

Ezech. 18.

4. Pet. 3.

gno dei, qui aratrum tenens post tergum respicit. Vt  
quotidie proficias conare, vt semper boni aliquid agas  
enitere, & deficere defines. Aliorum exemplis disce cau-  
tius incedere: Sauli regi fauit deus, quàm diu ille legi e-  
ius obediendo vixit. Post biennium regni sui innocen-  
ter exactum à mandatis diuinis descendit, & deo vlciscē-  
te translatus est de domo familiaeque eius regnum, ip-  
se hostium vi oppressus, periit. Ioaz & ipsum Hiero-  
solymae regem, donec Ioiada sacerdos vixit, pie sancte-  
que regnasse constat: postea verò insolenter elatus, ad-  
orari se iussit, deum reliquit, idola simul cum suis co-  
luit. Quamobrem illi ab inimicis victi, poenas dedere,  
ipsum verò dum in lecto distentus recumberet, serui  
inuadentes trucidarunt. Quid Iuda Scariotho felici-  
cum ad apostolatam fuit electus, cum potestatem ace-  
pit morbos curandi, mortuos suscitandi, demoniis im-  
perandi: Quid eodem illo deinde miserius, cum ex fi-  
deli coeperit esse infidelis, ex domestico fugitiu<sup>9</sup>, ex apo-  
stolo proditor? Avaritia superatus dominum suum vē-  
didit, & qui demonia pellebat, demonio subiicitur. Eo  
enim cor eius ingresso tam grande scelus commisit, ve-  
niamque desperauit, & laqueo sibi mortem conscivit.  
Patet igitur quid de illo mistellione sperandū sit, qui  
dum diu egregie magnificeque sese gesserit, ad flagitia  
deinde conuersus, ab iis non discedat, cum praesertim  
praeter iam dicta exempla etiam scriptum sit: Qui tras-  
greditur à iustitia ad peccatum, deus parauit eum ad  
romphaeam, hoc est, vindictam: romphaea enim teli ge-  
nus fuit apud Thracas, vt scriptores tradunt, et si iam  
ad supplicia destinatus sit, qui sic transgressus est, quo-  
modo euadet? Quoties ergo ab ipso sãctioris vitæ cur-  
riculo ad impudica ihonestaq; diuertimur, valde qui-  
dem verendum, est, ne fortè iam iudicati simus, praeser-  
tim si poenitentiam agere & ad priora redire negligi-  
mus. Primum ergo totis viribus enitendum erit, vt  
cūm

1. Reg. 17

Iudas

Eccle. 2 60



cum iugum domini subierimus, in proposito perstemus, deinde si quando delirare contigerit, citò rursus directio vomere coaptam arationem prosequi studeamus, ne fortè si moram fecerimus. Herodi similes simus, qui visus Iesu, ingenti affectus letitia, plurimi que ipsum fecit: mox aut mutata in contrariu volutate, contempsit atque illudit: vel ne pares inueniamur Iconiis, qui Paulu & Barnabam primitus pro diis habuerunt: deinde lapidum ictibus impellentes, ciuitate veluti inimicos eiecerunt: ne etiam simus arundo vento agitata, & de nobis dici queat: Via eorum tenebræ & lubricum. Non est mutatio ista dextere excelsi, sed morphosis diaboli. Non ergo simus populus ille, qui (vt Ieremias ait) dilexit mouere pedes suos, & non quieuit, & domino non placuit, sed simus illi, de quibus in Psalmo dicitur: Laudate serui domini dominum, qui statis in domo domini, in atriis domus dei nostri. Stare enim iustorum est, mouere autem pedes, & huc atque illuc titubantibus vestigiis vacillare, proprium peccatorum est, non simus igitur sicut lunaticus ille de Euangelio, nunc cadens in ignem, nunc in aquam, sed simus templi sancti columna lachin, quæ interpretatur firmitas. Qui enim sic stabilis fuerit, poterit dicere cum constantissimo viro Iob. Donec deficiam, non recedam ab innocentia mea. Preterea meminerimus præceptum esse: Si spiritus potestatem habentis ascenderit super te, locum tuum ne dimiseris, Infestet licet antiquus hostis, insidietur, tendat laqueos, venena melle oblita propinet, & omnibus nitatur fallaciis, nos tamen à lege præceptisque domini nostri nusquam recedamus, nos nihil seruituti, & semel deo obtulimus, præferendum existimemus. Quia seruitus ista omni terrena libertate iucundior, vtilior, gloriosior est. Hanc ne deseramus, occurrant semper menti nostræ saluatoris monita, dicentis: Qui in lucra sunt, fugiant ad montes, & qui in tecto, non descendant

Acto. 14.

Psal. 14.

Ierem. 14.

Psal. 134.

Mat. 17.

9. Reg. 7.

Iob. 27.

Escale. 10.

Mat. 24.

dant tollere aliquid de domo sua, & qui in agro, nō reuertantur tollere tunicam suam. Iudæam Hebraicorū nominum interpretes confessionem sonare dicūt. Qui ergo Christum confitentur, ad virtutum excelsitudinē ascendere curet, eundē imitando, qui in se credentibus vt sua sequatur vestigia, iubet. Et qui in testō sunt, hoc est, qui ad summa iam peruenerunt, non descendant, ne conuersationis pristinæ sordibus inquinentur. Et qui in agro vitæ actiue operam patri familias locauerunt, non reuertantur tollere tunicam suam, ne rursus inutilem otiositatem, quam recusarunt, induant: & labore intermisso, promissæ mercedis denarium amittant. Horum autem hæc summa est, vt cū relictis vitiis virtute proficere cœperimus diuinis obtemperando mandatis, rursus ad vitia nō relabamur, ne prouerbio detur locus: Canis reuersus ad vomitum, & sus lota in volutabro luti. 2. Pēt. 3.

## LIBRI II. FINIS.

## EVANGELISTARII

MARCI MARVLI LIBER

III. de his agens, quæ congruē  
ad spei titulum redi-  
guntur.

De prudentia &amp; simplicitate.

Cap. I.



T autem in his quæ bona sunt, constanter fideliterque perseueramus, prudentia nobis op<sup>us</sup> est. Opportunè igitur de hac virtute nunc disseremus: quæ vt virtus sit ab omni subdolæ mentis malignitate aliena esse debet, vt ne quem

N

offendas,

Mat. 10.

ioffendas, sed cū tibi, tum aliis prodesse possis. Obseruatur & operi implere contende domini præceptum dicentis: Estote prudentes sicut serpentes, & simplices sicut columbæ. Prudentiæ simplicitatem coniunxit, quoniam altera alterius auxilio indiget, vt vtraque sibi constet, & vitio careat. Nam simplicitas absque prudentia erroribus patet. Prudentia sine simplicitate in fraudulentiam calliditatemque mutatur, & vitio superata, virtutis nomen amittit. Ne quis ergo fallendi astutiam, prudentiam esse putaret, prudentem simplici oportere esse dixit. Et rursum, ne quis incauta simplicitate contentus esset, eam prudentiæ comitem esse debere monstrauit. Igitur prudens eris, quoties lectionibus incumbis, si vtilia eligas, inutilia relinquant, & serpentis fueris industriam imitatus, quem aiunt auribus solidis deuoratis ossa euomere, carnes verò, quarum cibo vitam sustentat, retinere. Simplex eris, si inter legendum nihil quod orthodoxæ fidei repugnet senties, & quæ tibi repugnare videbuntur, quàm intelligentiâ habeant, doctum aliquem ac fidelem virum interroga bis, & eius expositioni acquiesces. Ita semen cadens in terram bonam, fructum afferet, vt cum diceris alios doceas. Prudens eris, si ab iis quæ tibi nocumento esse potuissent, cauebis ac fugies. Omni custodia custodi cor tuum, inquit Salomon, Si vbique periculum timeris, vbique periculo liber eris, prudentiæque laude dignus, cum timenda sapienter vitare noueris. Vt autem & simplex sis, non in te sed in deo confide. Hoc est enim illud quod in Proverbiis est dictum: Qui ambulat simpliciter, ambulat confidenter, qui verò deprauat vias suas, manifestus erit. Prudentiam seruabis, cū prius rei quam aggressurus es, exitum consideraueris, & cuncta consilio ac ratione fueris immensus. Turrim in euangelio ædificaturus, prius computat sumptus, ne posito fundamento & deficiente pecunia opus imperfectum

Prover. 4.

Prover. 10.

Lucæ. 14.

Etum cogatur relinquere, probroque pateat, dicentiu:  
 Hic homo cepit ædificare, & non potuit consumma-  
 re, Simplicitatem custodies, si nihil ad iactantiam, ni-  
 hil ad inanem gloriã feceris, sed quicquid agas, ad dei  
 laudem tantum dei que gloriam egeris, & pro benefa-  
 ctis ipsi gratiam, sine quo nullum sit bonum, habendã  
 duxeris. Prudens es, si conscientiam tuam quotidie di-  
 scutis, si quoties a somno exurgis, quid acturus sis cogi-  
 tas, quoties cubitum redis, quid egeris, quid omiseris;  
 in quo excideris tecum examina, vt deinceps cautius  
 incedas. Simplex es, si tunc etiam cum irrideris, cum cõ-  
 tumelia afficeris, cum iniuriis oneraris, patienter tol-  
 leres, non irascaris, non turberis. Et quasi qui nihil ma-  
 li passus fueris, vultum non mutes, atque intra te ani-  
 mi quietem conserues, illorum puerorum more, quos  
 dominus ad se venire iussit, & quisquis, inquit, non rece-  
 perit regnum dei veluti paruulus, nõ intrabit in illud.  
 Sicut ergo paruulus iræ odii que passionibus caret ex  
 natura, ita vir simplex carere his consuevit ex volun-  
 tate. Prudens præterea si fueris, præteritorum recor-  
 daberis, præsentia dispones, futura prospicies, te que ita  
 præparabis, vt in fine vitæ inueniære promissa immor-  
 talitate dignus. Ex aliorum enim euentu, disces quid ti-  
 bi fugiendum, quid expetendum sit, vt cū plenius lam-  
 padibus adueptanti sponso occurras, & non tunc oleũ  
 parare quæras, cū parato opus fuerit, dictum que illud  
 semper in mente habebis. Estote parati, quia qua hora  
 non putatis filius hominis veniet. Tum si quoque sim-  
 plex fueris ab omnibus animi inquinamentis mundum  
 te exhibebis, nulli detrahes, nullum offendes, nulli ma-  
 lum optabis, nihil simulationis, nihil doli concipies, to-  
 to actionum tuarum corpore lucidus eris: quia mentis  
 oculum a vera recta que simplicitate non auertes. O fe-  
 licem animam quæ talis fuerit, à coelesti enim sponso  
 merebitur audire: Ecce tu pulchra es amica mea, ecce

Marci. 10.

Luc. 12.

Cant. 2.

N ij tu

Prover. 2.

Libri pon-  
tici.

Ierem. 1.

tu pulchra, oculi tui columbarum. Oculi utique simp-  
plicis intentionis, nō malignæ: & qui quod videt, quod  
sentit, non dissimulant nec bonum negant esse bo-  
num, nec malum malum: vt non simplices modo, verum  
etiam recti sint, & assequantur, quod in Prouerbiis Sa-  
lomon pollicetur, dicens: Custodiet rectorum salutem  
dominus, & proteget gradientes simpliciter. Ipsius dei  
ore laudari meruit Iob, quod simplex & rectus esset, &  
timens deum & à malo recedens. Prudentis postremò  
officio fungêris, si postquam cuncta consideraueris, quæ  
ab imprudentibus concupiscuntur, cum Salomone cla-  
mabis. Vanitas vanitatum & omnia vanitas. Atq; ideo  
diuitias, honores, luxum atque pompam, simulque om-  
nem presentium voluptatum vsum magno animo de-  
spicere incipies, ne quid tibi viam iustitiæ ingredienti  
impedimento sit, & potius absque his quæ vulgò bona  
putantur, salueris: quàm cum ipsis pereas, ne minus tibi  
prospexisse arguaris, quàm feræ bestiæ illæ, quæ abro-  
sas partes corporis in fuga venatoribus relinquunt, ob  
quas naturæ suæ instinctu se peti norunt. Dilargitis igi-  
tur opibus, & mendicorum indigentia distributis, pau-  
per panperem Christum sequeris, cupiens in deo tantū  
dines fieri, & pro caducis ac fragilibus bonis possidere  
stabilia & æterna. Simplicis etiam partes ages, si par-  
uo modicoque contentus viues, & quæ vltra necessita-  
tem sunt, ea paruipendes, neque concupisces vnquam,  
& tibi satis felix videberis, cum sustentamēta vitæ tā-  
tū suppeditabūtur. Spēs enim omnē in deo depones at-  
que firmabis, qui suscitabit à terra inopem, & de sterco-  
re erigens pauperem, vt collocet eum cum principi-  
bus, non cum quibuscunque, sed cum principibus po-  
puli sui, cum angelis atque archangelis in regno suo  
sempiterno. Ipse idem ex hoc prudentium simpliciū-  
que genere suam constare voluit ecclesiam, cum dice-  
ret, Seminabo domum Israël & domum Iuda semine  
homini-

hominum & semine iumentorum. Homines enim sunt ad quos pertinet prudentia, iumenta ad quos simplicitas. Quod aut hi qui utraq; in parte recte versati fuerint, beatitudinem consequantur, psalmista sub eadē verborum metaphora testatus est, cum ait. Homines & iumenta saluabis domine, quemadmodum multiplicasti misericordiam tuam deus. Nisi enim ille misericordiam suam multiplicaret, quis nostrum saluus fieret.

Psalm. 137.

## De prudentia vitiosa & simplicitate stupida. Cap. 2.

**E** S S E tamen & prudentiam quandam nouimus, non probatam, de qua in prouerbiis legitur. Ne innitaris prudentiæ tuæ, hanc deuitare debemus quia ista de se præsumentium seque mirantium prudentia est, qui neminem consulunt, neminem audiunt, doctioribus contradicunt, quod se omnium perspicacissimos consultissimosque existimari volunt. In illos Isaias exclamat, dicens. Væ qui sapientes estis in oculis vestris, & corâ vobismetipsis prudētes. Quod vitium & Apostolus prohibet cum ait. Nolite esse prudentes apud vosmetipsos. Neque illi quidem qui in terrenis duntaxat negotiis prudentes sunt, laudantur, cū rerū fragiliū cura implicati diuina negligant & aspernentur. Vnde idē Apōsto. Prudētia (inquit) carnis mors est, prudētia autem spiritus vita & pax. Et iterū, Prudētia carnis inimica est deo, sed quę inimica est deo ne illi quidē cui⁹ est, amica esse potest, cum idē corpori multa prouideat, animæ suæ nihil, animam quæ longē nobilior est corpore, nihil æstimat, quinimo vt carni blādiatur, spiritum perire patitur, quia nec vfuris abstinēt, nec aliena per vim vel per calumniam occupare verentur, nec dolis fraudibusque niti vt lacretur, ca-

Prouer. 3.

Isaie. 5.

Roman. 12.

Roma. 8.

N ii) net.

uet, Valde quàm fugienda est ista prudentia, quia verè mors est, non mors quæ mortem afferat, sed quæ morte acerbius cruciet, & mori vetet. Cæterum neq; ipsa simplicitas (vt diximus) absque prudentia erit probanda. Stupida enim & fatua est, offendens ad lapidem pedem suum, Hanc habere prohibemur, dicente propheta: Nolite fieri sicut equus & mulus in quibus non est intellectus. Et Apostolus: Fratres (inquit) nolite pueri effici sensibus, sed malitia paruuli estote, sensibus autem perfecti estote. A sensibus excludit simplicitatem, à simplicitate malitiam, vt neque sensus perueriti sinantur per ignorantiam puerilis obtusitatis, neque simplicitatem rectam deprauet maligna suggestio. Paruulæ sensibus fuere virgines illæ, quæ de sola fidei virginitate sibi plaudentes cum vacuis lampadibus occurrerunt sponsis: & quoniam oleum bonorum operum, quo sensuum nostrorum lampades illuminantur, non habebant, intrare ad sponsi nuptias nequiuerunt. Nemo igitur vsque adeò simplex sit, vt ad beatitudinem consequendam aspirans, quibus vitæ meritis illam adipisci possit, ignoret. Et nemo vsque adeò prudens sit, vt carnalia tantum curet, & spiritalia omittat, ne prudentiores appareant filij huius seculi in generatione sua filij lucis, id est, infideles fidelibus, dum illi diligentius cautiusque humana exequuntur negotia quàm hi diuina. Hæc de prudentia & simplicitate, nunc de sapientia, quæ & has reliquas omnes amplexa est virtutes, aliquid est dicendum.

*Quid sit sapientia & vbi quærenda.*

*Cap.*

*3.*

*Sapientia est*

*Psal. 11.*

*1. Cor. 14.*

*Lucæ. 6.*

**S**apientia est ( vt Stoicis placet ) diuinarum humanarumque rerum scientia & cognitio: atque inter sapientiam & prudentiam hoc differri, quod prudentia tantum circa humana sit. Hæc igitur quæ propriè sapientia dicitur, latè se effundit, vtrâque scientiâ continet: neque scire tantum contêta est, nisi etiam secundum scientiæ suæ præcepta mores vitamque composuerit. Nam si quis philosophiam omnem didicerit, & non perinde ac illa præcipit, viuatur, doctum equidem confitebor, sapientem negabo. Non cadit vitium in sapientem, cuius propria est virtus. In hoc ferè omnes cõueniunt, vt dici sapiens nõ debeat, nisi qui cunctis præcellat animi bonis, & tam scientia sit instructus quàm probitate. Summum itaque bonum expetētibus, quod semper inquirendo philosophi inuenire nunquam potuerunt, opus erit eam discere doctrinam, quæ à deo nobis non ab hominibus tradita sit, cùm sola verissimum ad beatitudinem monstret iter, eandemque certissimè polliceatur atque conferat. Neque tamen qui mediocri scientia præditi sunt, à spe beatitudinis excluduntur. Si vis (inquit) ad vitam ingredi, serua mandata. Diuinæ igitur legis tantum quæ ad benè beatèque viuendum pertinent institutiones nosse, & eas opere persequi, satis perfecta est hominis sapientia. Quamquam illius perfectior, qui insuper dilargitis reb<sup>9</sup> modo dico contentus Christum sequitur: & corporis quoque puritatem seruat repudiatis connubiis, vt casto domino propius accedat meritis castitatis, & centesimum fructum capiat, trigesimo sexagesimoque relicto. Sed licet perfectioris vitæ altior sit beatitudinis gradus, vnâ tamen est beatorum ecclesia, vnum corpus. Quo fit vt ab ista sapientia, qua saluamur, ne coniugati quidem excludantur, si modò quæ iussa sunt, peregerint. Illos autem sapientiores esse dicimus, quos virtutibus nouimus præstare, & nõ scientia solum vel eruditione.

Philosophi

N iiij

Scientia



Scientia enim si virtutibus careat, inflat, multumque doctus & parum sapiens nimium sibi arrogat, interdum etiam veritati refragari audet, ut se aliquid præ cæteris argutius atque subtilius inuenisse probet. Quamobrem concludendum est, ut longè sit melius pauca scire cum virtute, quam absque virtute multa. Cæterum scientia ipsa atque eruditione, si benè vtaris, plurimū iuvat: si malè, perniciofa est, semperque præferenda sciētiæ peccatrici rusticitas sancta. Iunge autem scientiæ virtutem, & iam plenior consummatioque tibi dabitur sapientia, myſteria ſcripturarum intelliges, latentes sub literæ velamine ſenſus tibi aperientur, & cubiculum ſponſi ingreſſus pulchritudine eius capieris, amore exardeſces, quātoque illi propius acceſſeris paſſibusque affectus fidelis que conſiderationis, tanto magis ipſo intelligentiæ lumine illuſtraberis: ita ut alios quoque docere valeas, & errātes ad recti viam reuocare, & contradicentes refellere, & eccleſiam dei ædificare, ex quo grande tibi meritum gloriāque comparabis, iuxta illud. Qui docti fuerint, fulgebunt quali ſplendor firmamenti, & qui ad iuſtitiam erudiunt multos, quaſi ſtellæ in perpetuas æternitates. Quid eſt autem ſcientia, niſi perfecta veri falſique dignoſcendi ratio: quæ cum propria dei ſit, illa quæ ab hominibus eſt, niſi cum diuina cōueniat, opinio magis dici debet quā ſcientia. Falli, decipi, errare hominis eſt. In deo iſta nō cadunt. Faceſſant igitur à nobis fallacioſæ ſtropharū argutiæ enthymemataque dialecticorum, non terrenā ſciētiā ſequimur, ſed cōleſtem. Nihil verius, nihil certius eſſe aſſerimus, quā quod iſta continet. Lignum vitæ eſt iis qui apprehenderint eam, & qui tenuerit eā beatus. Per hanc enim ad ſummum bonum peruenitur, quod ſupra cōelum eſſe ignorauerunt illi, qui ſapientem ſola virtute contentum, ideoque beatum dixerunt. Vbi enim præmia veræ virtutis eſſent, nesciebant

Dan.ii.

bant per totam noctem humanæ scientiæ laborantes, & nihil capientes. Sapientiores igitur fuere illis piscatores nostri, quorum disciplinam, quam à Christo didicerant, & philosophi ariopagum relinquentes sunt secuti, & ipsi Romani principes contempta idolorum cultura probauere. Totis enim imperij viribus falsorum deorum religionem defenderant, victi autem non armis, sed eorum qui sedebantur patientia Christum susceperunt, qui ab ipsis prædicatus fuerat. Atque hæc fuit victoria quæ vicit mundum fides nostra. Pugnantes non repugnantibus cessere, inermibus armati, & quod mirabilius est, interemptis interemptores. Ab alteris in medium prolata Christi religio permansit, ab alteris tutata idololatria defecit. Et quisnam dicere audet, professionis Christianæ scientiam non esse vanam, cui tam potentes inimici, non iam inuiti, sed volentes colla submisere:

*De scientia diuinitus tradita & sapientis officio* Cap. 4.

Osee. 3.

**H**ÆC est scientia, quam à nobis exigit dominus, dicens. Misericordiam volui & non sacrificium, & scientiam dei plusquam holocaustum. Hanc ipsam autem dei scientiam à se peti iubet, cum ait: Si quis sitit, veniat ad me & bibat. Et ego sum ostium, inquit, per me si quis introierit, saluabitur. Non est itaque aditus ad beatitudinem, nisi per scientiam diuinitus nobis traditam. Cæteræ omnes scientiæ vanæ sunt: nemo enim per illas efficitur beatus, qui quæ ipsis nititur, hominum opinionibus pædet, & certam vitæ viam prorsus ignorat. Quis enim nouit filium nisi pater, vel patrem nisi filius, & cui voluerit filius reuelare? Vnde & Petro Christum confitenti idem respondit: Beatus es Simon Bar Iona, quia caro & sanguis non reuelauit tibi, sed pater meus

Iohann. 7.

Iohan. 10.

Matt. 16.

Philosophi

1. Reg. 13.

Sapient. 1.

ter meus qui in coelis est. Decuit autem ut qui homini quem formavit, beatitudinem dare decreverat, doctrina quoque esset autor, per quam beatitudo ipsa acquiri posset. Incassum igitur laborarunt omnes philosophorum scholæ, omnes mundi sapientes, ut verâ de deo scientiam per se ipsi inuenirent, si non alius quam deus debuit illam homini monstrare, sicut & fecit. Sed non est satis eam didicisse, nisi quæ præcipiuntur fecerim<sup>9</sup>, beati esse non possumus. Neque enim viam qua ad cœlum itur, nosse, sed cum noueris, per eam ingredi sapientis est. Quinimò tanto nequius peccat, quanto quis inter bonum malumque discernere plenius didicit. Sit igitur in te sanctarum scientia scripturarum, sed ita ut non desint, quas illa commendat virtutes, & absint vitia quæ detestatur. Hoc si præstiteris, verè te sapientem esse scias, ac beatum fore cum hinc decesseris credas, atque tunc demum & scientia, & sapientia & bonis omnibus multo huberius quam in hac vita fieri possit, complendum. Etenim neque scientiam perfectam habere possumus, quam diu mortalitatis onere premimur, neque sapientiam, dicente Apostolo: Ex parte cognoscimus, & ex parte prophetamus, cum autem venerit quod perfectum est, euacuabitur quod ex parte est. Corp<sup>9</sup> quippè (ut quidam sapiens ait) aggrauat animâ, & terrena inhabitatio deprimit sensum multa cogitantem. Sit ergo satis ea discere atque nosse, quæ ad dei scripturarumque eius intelligentiam nobis concessam pertinent, ut cum ita quemadmodum præceptum est, vixerimus, illo ubi perfecta sunt omnia, conscendamus. Optimum itaque iudicemus, nō plus sapere quam oportet sapere, sed sapere ad sobrietatem, hoc est, quantum humanæ naturæ permittitur, tantum & indagare discendo, & conari operando. Atque hoc erit seipsi nosse, nihil supra vires tentare, neque quod capere possumus, frustra sequi velle, sed suis finibus cōtēdari: & ea quæ verbis expli-

explicare nequimus, fide tenere, diuino credentestestimonio. Porro sapientiæ diffinitionem quam supra retulimus, diuinarum videlicet atque humanarum rerum scientiam esse, non plenè factam arbitror. Quæ nã erit sapientia, vt iam dixi, scire tantum & non facere, quæ facienda didiceris, neque cauere quæ cauenda noueris? Mansuetudinem, liberalitatem, clementiam, castitatem, constantiam, cæterasque virtutes, non nosse solum, verum & exercere, earumque officio vti, sapientia est: nihil agere quod actû nolis, nihil mittere quod omissum negligentia possit ascribi: in omnibus sibiipsum constare, nec leuem esse, sed grauem, atque in iis quæ recta & honesta sunt, firmum stabilemque permanere: non ira, non cupiditatibus, non turpi lasciuiâ moueri, sed affectus ratione moderari, & animi moribus præfere vt dominum, non subesse vt seruum. Vis ista in summam redigendi prophetam dicentem: Quiescite agere peruersè, discite benefacere. Rationale animal est homo, si naturâ suâ non peruerterit, sapientiâ exquirat. Ingenita est enim ei ratio, qua & bonum expetat, & à malo declinet. Dabit itaq; operam vt discipulis instruat, quæ naturam suam perficiant, ne ignarus rerum erret, nec pro bono accipiat malum, & bonum pro malo: ac dum sapienter se facere putat, insipientiæ arguatur. Nam licet affectionem boni habeamus à natura, non tamen & scientiam quæ efficit sapientem. Inter doctum autem & indoctum multa distantia existat: necesse est, quanta vtrique inter scire & nescire. Quorum alterum Salomon luci, alterum tenebris comparat, dicens: Vidi quia tantum præcederet sapientia stultitiâ, quantum differt lux à tenebris. Et sapientis, inquit, oculi in capite eius, stultus in tenebris ambulat. Illius oculi in capite sunt, qui altioris sapientiæ circumspectu regit vitâ, mores componit: & qui sit cuiusq; rei exitus diligenter prædicit: quæ sua intersunt nouit, & illa tractat, illa me-

Isaie 1.

Eccle. 2.

illa meditatur: quæ verò aliena à se iudicat, ab iis abstinet, naturam hominis finemque confiderat, seque ad immortalitatem natum intelligit, & caduca bona contemnit, dum æterna obtinere festinat. Itaque cælo æquatur, & terra superior est animus sapientis, in contemplatione diuinorum assiduus, humanaque transcendens, nihil aliud illi curæ est, nisi vt deo placeat, quicquid agit, ad hunc vnum finem dirigit, vt deo frui possit.

*Quod sapientia donum dei sit, & vera sapientia Christum imitari.*

Cap. 5.

**P**orrò talia scire atque ita sese gerere, ne quis indistincte sue arroget, sed donum dei esse agnoscat, scriptum est: Dominus dat sapientiam, & ex ore eius prudentia & scientia. Et iterum: Omnis sapientia à domino deo est, & cum illo fuit semper, & est ante æuum. Ipse omnium conditor deus, cum hominem in lucem produxisset, sapientiæ capacem fecit præ cæteris animantibus, vt authorem suum intelligeret, intelligendo amaret, amando possideret, possidendo perpetuo beatus esset. Quam quidem sapientiam vt cõcipere & tenere possimus, non solum discendi studio incumbere, sed etiam votis precationibusque poscere debemus, cū Iacobus Apostolus dicat: Si quis vestrum indiget sapientia, postulet à deo, qui dat omnibus affluenter, & non improperat, & dabitur ei. In Iob quoque legimus: Inspiratio omnipotentis dat intelligentiam. Cæterum vas mundum fit oportet, in quo diuinæ sapientiæ thesaurus recondi debet, vnde dicitur: Fili, concupiscens sapientiam, conserua iustitiam, & deus præbebit illam tibi. Item: Omnia, inquit, dominus fecit, & piè agentibus dedit sapientiam. Quomodo enim illic potest in-

Prouer. 2.  
Eccle. 1.

Iaco. 3.

Iob. 43.

Eccle. 1.

Eccl. 43.

fundi coeleste donum, vnde eiekti prius & exterminati non fuerint terreni affectus: Duo contraria simul manere nequeunt. Quæ enim societas luci cum tenebris? Sapient. 1. Christo cum Belial! Ideo est scriptum: In maleuolam animam non intrabit sapientia, nec habitabit in corpore subdito peccatis. Cur enim principium sapientiæ timor domini dicitur, nisi quia is qui deum timet, se à delictis continet, & innocenter viuere studet, ne creatorem suum offendant? Ab hoc principio proficere incipimus, & addito discendi labore sapientiam mysterio absconditam, & credulis tantum humilibusque reuelatam, ex diuinis voluminibus haurimus. Hanc si alibi quæsieris, nusquam iuenies. Latuit philosophos, ignota fuit omnibus gentilium sapientibus: tradita autem prophetis Christi que discipulis. Vnde ait: Vobis datum Matth. 13. est nosse mysterium regni dei, illis autem incredulis videlicet & humana tantum scientia nitentibus non est datum. In sanctis ergo scripturis, quære tibi dei sapientiam, & verbi dei scientiam, & quære mente pura cordeque fideli, atque ardenti discendi desiderio, vt quod cupieris, assequi merearis. Dei autem sapientia & Dei virtus, Christus est. Hunc scrutare in veteribus celatû scripturis, in nouis manifestum, in vtrisque admirabilem atque adorandum, summi boni doctorem ac largitorem: boni, inquam, quod tota gètilitatis academia semper perquisiuit, & nunquam potuit inuenire. Neque enim fas erat, vt tantæ rei, qua nihil homine maius potest contingere, aliud esset cognoscendæ monstrator, qui esset fruendæ donator atque author. Minus dignitatis habitura erat nostra religio, si alio quàm deo institutore præceptoreque gauderet. Ipse debuit perfectæ beatitudinis iter ostendere, qui ipse esset perfectissimus omnium felicissimusque, vt soli gratiæ agantur habeanturque tam pro doctrina adipiscendæ salutis, quàm pro adeptæ beneficio. Hanc autem probatissime

sanctus.

saluberrimęque disciplinę sapientiã, cum deus in mysterio velatam daret, per seruos exhibuit. Sed cum reuelatam tribueret per filium vulgavit: Tunc in nubis aut ignis figura apparens deus cum hominibus est locutus, postea verò deus homo factus, cum hominibus conuersari, & præsens ipse cum iisdem colloqui voluit, vt legis & Euangelii distantiam cognosceremus. In illa futuri signa sunt, in hoc eorum euentus: in illa vmbra, in hoc veritas: in illa seruitus, in hoc libertas: in illa promissio, in hoc promissionis impletio atque gratia: in vtroque autem bene beateque viuendi præcepta, plenius tamen exactiusque in Euangelio quàm lege, quia legis mediator Moyſes, Euangelii Christus, per quem redempti ac saluati sumus. Hunc si sequi volumus, & sanctissimis eius institutionibus inhærere, verè sapientes verèque beati erimus, & iam non terreni, sed coelestes. Audiamus quid super hac re Apostolus dicat: Iudæi, inquit, signa petunt, & Græci sapientiam quærunt: nos autem prædicamus Christum crucifixum, Iudæis quidem scandalum, gentibus autem stultitiam, ipsis autem vocatis Iudæis atque Græcis Christum dei virtutem & dei sapientiam, quia quod stultum est dei, sapientius est hominibus, & quod infirmum est dei, fortius est hominibus. In his ergò scripturis, quas gentilitas deridet, & hæreticorum prauitas impugnat, discenda sapientia est. Quia quod hi infirmum arguunt, fortius est omni humana virtute, & quod illi stultum existimant, sapientius est omni mundanæ philosophiæ traditione. Stulta, inquit, mundi elegit deus, vt confundat sapientes, & infirma mundi elegit deus, vt confundat fortia. Per piscatorum quippe & vulgariū hominum prædicationem superauit philosophos, & per inermes martyres, regum imperatorumque potentiam. Quid ni, si iidem ipsi qui persequebantur Christianos, facti sunt Christiani, & ecclesiæ propugnatores, qui ecclesiæ

I. COR. I.

Ibidem.

qui ecclesiæ hostes erant. Sequi cœperūt Christo, qui imperabant mundo. Christus igitur (vt Apostolus ait) factus est nobis sapientia & iustitia & sanctificatio & redemptio, vt quemadmodum scriptum est: Qui gloriatur, in domino gloriatur. Quis enim hominum comparandæ veræ beatitudinis rationem potuit per se cognoscere, si hoc solius dei erat docere, cuius solius fuit ipsam beatitudinem tribuere. Quæ dei sunt, inquit, 1. Cor. 2. nemo cognouit, nisi spiritus dei, nos autem non spiritum huius mundi accepimus, sed spiritum qui ex deo est, vt sciamus quæ a deo donata sunt nobis, quæ & loquimur, non in doctis humanæ sapientiæ verbis, sed in doctrina spiritus spiritualibus spiritualia comparantes. Denique post multa de deo salutaris sapientiæ auctore dicta ait: Si quis videtur inter vos sapiens esse in hoc seculo, stultus fiat, vt sit sapiens. Sapientia enim huius 1. Cor. 1. mundi, stultitia est apud deum. Scriptum est enim: Cōprehendam sapientes in astutia eorum. Et iterum: Dominus nouit cogitationes sapientum, quoniam vanæ sunt. Vani quippe sunt, qui sanctæ trinitatis mysterium non admittunt, qui veræ beatitudinis bonum non percipiūt, quia sibi magis quàm deo credūt. Quāobrem nobis non humana, sed diuina doctrina institutis, cum saluatore nostro dei filio deo gratiæ agenda sunt, sic dicente: Confiteor tibi pater domine cœli & terræ, quia abscondisti hæc à sapientibus & prudentibus, & reuelasti ea paruulis. Ita pater, quoniam sic fuit laticum ante te.

Matth. 11.

*Quòd sola dei sapientia efficit  
beatos. Cap. 6.*

**E**t quoniam sola dei sapientia non vana, sed vera est, per quam solam patet aditus ad beatitudinem: Sapientia, inquit Iacobus apostolus, quæ de Iacobi. 3. sursum est,



furfum eft. Primum quidem pudica eft, deinde pacifica, modefta, fuadibilis, bonis confulens, plena mifericordia, & fructibus bonis, iudicans fine simulatione. Omnes itaque virtutes ifta fapientia nobis diuinitus offerfa in fe continet, & credentibus atque volentibus eas impertit, in quibus qui fe dignè exercuerint, illos vt à domino remunerentur, de terreno habitaculo ad coelefte regnum feliciter transmittit. Sapiens erit igitur, omni loco, omni tempore, omnibus in rebus diligenter difpicere quid velit dominus, & fecundum eius voluntatem, quæ iuffa funt facere, quæ vetita declinare. Qui fic egerit, & mandatis dei fatisfaciet, & ipfe fuas cōfulet faluti. Quicquid enim deo obedi-mus, quicquid obfequimur, quicquid feruimus, totum in noftram vertitur vtilitatem: nihil ex hoc ei accedit qui folus nulla re indiget. Rectè ergo Salomon in prouerbijs ait: Si fapiens fueris, tibi metipfi eris, nam illud quoque quod alios docueris, quod ad virtutem hortatus fueris, quod verbo, quod re, atque opere iuueris, tibi cedit ad gloriam, tibi magis quàm vlli alij proderit ad adipifcendam veram felicitatem quam affectas. Ac veluti illi, qui terram purgant, ftercorant, arant, occant, obfringunt, modis omnibus excolunt, fementem quæ faciunt, pofttea verò metunt & fructum colligunt, ita hic nofter fapiens alijs benefaciendo, fibi metipfi fapiet, cum pro benefactis à domino recipere cœperit mercedem. Hic idem in omnibus prouidum ac prudentem fe præftabit, nihil eum imparatum offendet, omnibus quæ accidere poffunt, præfidio opportuno munitus occurret. In aduerfis explicabit patientiam, in prosperis humilitatem, vt vtrifque conftantiam. Apparebitq; in illo quod

**Prouer. 9.** Salomon ait: Melior eft fapientia, quàm arma bellica. Fortior eft enim cuius animũ nõ frangũt aduerfa, neq; turbant iniuriæ, quàm qui armis hoftem fuperat. Ali-bi etiam dicitur: Melior eft fapientia quàm vires, &

vir pru

**Prouer. 9.**

**Eccle. 9.**

**Sapien. 5.**

vir prudens quam fortis. Nam sapientia & prudentia bona animi sunt: fortem & robustum esse, bonum corporis est, & illa quidem hominis propria: hoc autem cum bestiis commune. Sapiens tranquille degit, quia perturbationibus temperat, sensuum affectiones ratione frenat & saniori consilio parere compellit. Sapiens linguam quoque continet, verbositate fugit, ne in multiloquio peccet. Pauca loquitur, sed consideratè, nihil leue ab ipso prolatum auditur, sed serium semper, & graue ponderis que multi. Neque enim prius verbum emittit, quam quo casurum sit, cogitet. Sapiens ut semper sapiens sit, studet: ut que cum Salomone dicere possit: Sapientia quoque perseverauit mecum. Quæris quo pacto semper sapiens esse queat, cum nemo sit qui non peccet, cum septies in die cadat iustus: Sed quemadmodum iustus cum ceciderit, citò surgendo iusti nomen non amittit, ita sapiens dicendus est semper sapiens, qui quoties aliquid stultè peccat, sapienter quod peccatum est protinus emendat, & præteriti errati notam insequentis virtutis laude compensat. Sapientem semper beatum esse philosophi contendunt, eo quod sola virtute contentus sit, virtutem autem sibi ipsam sufficere. Patet, quia nihil extra virtutem, in quo beatitudo esse potuisset, nouerant. Ignorabant igitur bonum illud quantum aut quale esset, quod debetur virtuti, quodque nostri sapientes vitæ innocentèr laudabiliterque actæ meritis confidunt se consecuturos, & tunc demum beatos fore cum illud adepti fuerint. Sed quam diu in expectatione eius sunt, nondum esse beatos constat, quamuis ad quandam spei certitudinem nunc quoque beati dicantur. Sapiens, inquit, & in tormentis beatus est. Rectè id quidè, si de nostris diceretur, & non de illis qui à vera religione alieni erant. Nostris enim verè beati quos nulla compellere tormenta potuerunt, ut Christum negarent. Porro hi non sola virtute contenti erant, quæ

O

propè va-

propè vana effiet, si nihil eam post mortem sequeretur, sed per ipsa virtutis opera Deo iungi cupiebant, quod quia præcipuè martyrij patientia præstare poterat, cædi occidiq; gaudebant. Illi autem quibus æterna hominis beatitudo ignota erat, non quomodo oportuit, sed quomodo poterant beatam vitam diffiniunt, atque ipsam quoniam longius protendere nescirent, virtute quæ in præsentia est, terminarunt. Sed quæ nã quæ so effiet ista beatitudo, quæ simul cum corpore pecudû more erat finiendat Præterea si sola virtus beata vita esset, sexcenties in vita beati essemus, & sexcenties infelices quando quidem nemo tam firmæ stabilitæque virtutis est, vt non quotidie ferè aliquid desipiat, oscitet, deliret, hallucinetur. Tot autem vicib' nunc accedens nunc recedens beatitudo nonne vertibilior haberetur rota figulari, & alterno dierum noctiumque recurso mutabilior. Non est ergo virtus vita beata, sed illa cœlestis æternaque felicitas, quæ debetur virtuti, si virtus ipsa cum vera religione iuncta fuerit. Beata quippè vita est quæ nunquam subducitur, nunquã deficit, bonis omnibus affluit semper, malis vacat, desiderium implet: denique ad summum bonorum peruentû est: cum ad illam peruenitur. Huc accedit quod Christianorum sapientia nō ita rigidè neque inhumanè circumscripta sit, sicut fuit illa Stoicæ sectæ philosophorum, qui docebant sapientem animi passionibus prorsus carere oportere vt beatus sit. Nos enim e contrario diffinimus, non posse sapientem fieri beatum, qui adhuc in corpore viuens, futuræ beatitudinis desiderio non ducitur, qui pro eo quodd aliquando peccauit, dolendo non satis facit, qui cum benefecerit non gaudet, & deo gratias agit, cuius ope in benefaciendo est vs', qui eidem peccare nō metuit, cui soli semp plurimû place re studet, qui deniq; pauperis & malo aliquo affecti hominis non miseretur. Ea sanè vera est sapientia, & ser-

uorum

uorum dei propria cuius hæ sunt passionēs. Illa autem Stoicorum prorsus vana, & non hominis sed lapidis potius, nihil sperare, nihil metuere, nihil gaudere, nihil dolere. Si istud sapientiæ vel vita beata esset, quid in terris lapide & sensu carentibus rebus esse sapientius vel beatius existimari potuisset? Lapidea est igitur illorū & sapientiæ & beatitudo, non humana. Cum enim veræ beatitudinis ignari essent, beatitudinem ipsam appetitio- num quietudinem esse putarunt, & hanc ad sapientem pertinere volebant. At nos veræ quoque æternæque beatitudini gaudium attribuimus, & in deo lætitiā perpetuamque iucunditatem, amorem etiam & mutuā inter beatos charitatem atque perfectā. Repudiata itaque gentilium fatuitate, sapientiā quam nō homo sed deus docuit, sequamur, hanc diuitiis, hæc rebus omnibus anteponamus. Melior est acquisitio eius (ut recte Salomō ait) negotiatione auri & argenti primi & purissimi, fructus eius pretiosior est cunctis opibus, & omnia quæ desiderantur, huic non valent comparari. Sola enim diuinæ doctrinæ sapientiā efficit beatos.

## *Quæ sapientiā est vitanda.*

### *Cap. 7.*

**H**Anc autem verissimam sapiētiā, quam deo tradente accepimus, quo attētius accuratiusque amplectamur, quærendum restat, quænam sit illa quam cauere debemus, indigna quidem hoc nomine, cum verius stultitia sit dicenda quàm sapientiā. Est igitur quædam sapientiā, quæ mūdāna siue secularis dicitur, de qua Apostol⁹: Sapiētiā (inquit) huius mūdi stultitia est apud deū, Et iterū, Stultā fecit de⁹ sapiētiā hu- 1. Cor., 3.

O ij

olim

olim videbatur esse sapientia, sed postquam euangelij  
 veritas etiam ab iis qui eam persequiebantur, rece-  
 pta, est apparuit colendorum deorum ritum non sapien-  
 tiam fuisse, sed stultitiam. Tunc Pharaonis sapientium  
 virgæ à virga Moyfi deuoratae sunt, & omne diaboli cõ-  
 mentum virtute crucis Christi superatum, tunc mulier  
 sanguine fluens, quam medici secularis disciplinæ cura-  
 re nequiverant, tacta Christi simbria recepit sanitatẽ,  
 quia gentilitas desinit victimarum cruorem dæmonibus  
 fundere, vbi in Christo deum cognouit, quem in spiri-  
 tu coepit adorare. Adhuc tamen ista infidelitatis sapien-  
 tia in illis perseverat, qui somnia sortesque obseruant,  
 & naturas hominum ex stellarum influxibus pendere  
 iudicant, & incantationibus diaboli magis quàm piis  
 ecclesiæ precibus delectantur. In his omnibus stultus  
 sit oportet, qui apud deum sapiens esse desiderat. Fuit  
 & alia inter gentiles sapientia, veri quidem inquiren-  
 di supra quàm dici queat studiosa, sed planè inanis cas-  
 sique laboris, cū inuestigare illud nequaquam potue-  
 rit, quòd nisi deo monstrante scire nemo poterat. Ista  
 autem erat philosophorum professio circa ipsam ho-  
 minis beatitudinem variè sentientium, vt diximus, at-  
 que delirantium; cum non in cœlo, sed in terra illam  
 constituerent, quærentes vbi nõ erat, & vbi esset nesciẽ-  
 tes. De his psalmista ait: Defecerunt scrutantes scruti-  
 nio. His nonnulli quoque ex nostris mihi similes viden-  
 tur, quibus non est satis nosse quomodo verã perfectãq;  
 beatitudinem assequi possint, sed altiora se indagare co-  
 nantur & ea quidem quæ nisi fides teneat, ratio nõ ex-  
 plicat curiosius perscrutari solent. Vnde fit, vt plerun-  
 que ab eo etiam quod rectè didicerant, aberrant: & dũ  
 Christum se tenere putant, de manibus elapsum non  
 animaduertant. Plena periculi est talis sapientia, ideo-  
 que vitanda, cum scriptum sit: Scrutator maiestatis op-  
 primetur à gloria. Et iterum, Non plus sapias quàm ne-  
 cesse est

cessæ est, ne obstupeſcas. Caue igitur nimis altum ſape-  
 re, ne fortè vel cum hæreticis vetus instrumentum dā-  
 nes, vel cum Iudæis nouum, & cum vtrisque ipse dam-  
 neris, dicente domino: Nūquid non in die illa perdam Abdiæ. i.  
 ſapientes de Idumæa, & prudentiam de monte Eſau.  
 Peribunt vtique hæretici, & dei iudicio condemnabū-  
 tur, qui terrena ſapiebant. Hoc enim Idumæa interpre-  
 tatur, & Iudæi qui cum Eſau aduerſabantur fratri eius  
 Iacob, id eſt, cum ſynagoga eccleſiæ Chriſti, ad quam  
 credentem primogenita credere nolentium benedi-  
 ctionesque tranſierunt. Illud quoque ad hæreticorum  
 infidelitatem ſpectare arbitror quod Salomō ait: Ci-  
 uitates munitas occupabit ſapiens, & deſtruet muni-  
 tionem in qua confidebant impij. Omnia quippè im-  
 pietatis dogmata quæ illi ſyllogiſmis captioſisque dia-  
 lecticæ concluſiunculis muniētes inſuperabilia eſſe pu-  
 tant, dei ſapientia Chriſtus ſua virtute ſuperauit, &  
 euertit. Arrij, Sabellij, Euticetiſ, Manichæi, reliquo-  
 rumque omnium prauitas deſecit, ſola Machumetana Prouer. 21.  
 extat, ne ipſa quidem diu permanſura, dicente domi-  
 no: Omnis plantatio, quam non plantauit pater meus  
 cœleſtis, eradicabitur. Sed ſunt & in eccleſia fortæſſe  
 non pauci, qui ſibi ſapientes videntur, ita vt interdum  
 contradicere audeant catholicæ veritati apud ignaros  
 admirationem ſui facturi, quaſi qui acutius aliquid ſa-  
 gaciusque explorarint, quam illi qui iam pridem pro-  
 bati recepti, celebresque habentur. In iſtos reſclamat Matth. 19.  
 Iſaias, dicens: Væ qui ſapientes eſtis in oculis veſtris, &  
 coram vobiſmetiſſis prudentes. Apud D E V M enim  
 & inſipientes & imprudentes ſunt, qui temeraria p-  
 ſumptione abducti ad oſtentionem ingenij magis q̃  
 ad veritatis confirmationem loquuntur. Porro omnis  
 diſciplina quæ cum euangelio non conuenit, inutilis  
 eſt, ſapientem facere non poteſt, ideoque nec beatum.  
 Poëſis fabellarum fictionibus exhuberat, Oratoria ad  
Iſaiæ. 5.

gratiam loquendi artem præfert. Astronomia cœli sy-  
derumque motibus, & exinde futurorum diuinationi-  
bus scatet, philosophia sapientiæ studio gloriatur, cū  
causas rerum naturasque conquiſierit. Sed cū nulla do-  
ctrinarū istarū qui hominis finis sit rectè vereque indi-  
care videatur, nemini discendas dicerem, nisi aliqua in  
parte diuinæ quoque sapientiæ scientiam adiunarent.  
Operæ precium erit igitur de his tantum capere quan-  
tum fideli institutioni conuenire constabit, cætera ne  
noceant respuere, aut enim superflua sunt, aut fini nostro  
aduersantia, quod autem superfluum est contemni de-  
bet: quod aduersarium repellit. De his enim psalmista  
ait, Nouit dominus cogitationes sapientum, quonia in-  
vanæ sunt. Et Apostolus, Nolite (inquit) iugū ducere cū  
infidelibus. Quæ enim participatio iustitiæ cum ini-  
quitate? aut quæ societas luci ad tenebras? quæ autem  
consensio Christi cum Belial? aut quæ pars fideli cum  
infideli? qui autem consensus templo dei cū idolis? Tan-  
tum abest igitur vt sapiens sit, qui ethnicorum sapien-  
tes præter modum æmulatur, vt etiam iniquus & infi-  
delis esse possit conuinci. Et quoniam sola dei sapien-  
tia, quæ in sacris literis continetur, vera est sapientia,  
ideo ipse dominus per prophetam exclamat dicēs. Nō  
glorietur sapiens in sapientia sua, & non glorietur for-  
tis in fortitudine sua, & non glorietur diues in diuitiis  
suis, sed in hoc glorietur qui gloriatur, scire & nosse  
me, quia ego sum dominus qui facio misericordiam &  
iudicium & iustitiam in terra, misericordiam vtique  
erga sapientes in bono iudicium & iustitiam aduersus  
sapientes in malo. De quibus Ieremias ait, Sapiētes sunt  
vt faciāt mala, bene aut facere nescierunt. Sapiētia ista  
doli, calliditatis, versutiæ, fraude est plena, ista deniq;  
non hominis, sed diaboli sapientia est. Hac armatus e-  
rat serpens qui decepit Euam, hanc sequuntur illi de  
quibus in euangelio dicitur. Prudentiores sunt filij se-  
culi

Psal. 93.  
2. Cor. 6.

Ierem. 6.

Ierem. 6.

Luca. 16.

tuli filiis lucis in generatione sua. Ab hac certè vir iustus abhorrebit, vt potius secundum deū q̄ secundum seculum sapiens, sit ac nequando & ipse seculi sapientiū capiatur sycophantiis deū cum propheta orabit, ab homine iniquo & doloso erue me. Psal. 32.

## *Quod sapiens docere alios debet.*

### *Cap. 8.*

**D**Ocuimus & quæ sequenda sapientia, & quæ fungienda sit, reliquum est, vt eos qui vera, id est, diuina sapientia præditi sunt hortemur, ne creditum sibi salutaris eruditionis talentum in terra defodiunt, sed illic dispensent, vnde cum vsuris exigi possit, & domino cui negotiantur, plurimum lucri accedat. Laxant igitur retia sua in capturam: alios doceant quod ipsi didicerunt, & non sibi solum, sed aliis etiam prodesse studeant, tantoque accepto beneficio se dignos præstent. Vt quid enim bonum sapientiæ tu qui dei benignitate sapientiam adeptus es, cum proximis non communicas, si nihil inde tibi deperit, si communicatum etiam augetur & excrescit? Quis est enim qui docet, & docendo non aliquid discat, & quod didicit non confirmet, cum de memoria facile labi soleat & exciderit, quicquid reliqui tur irrepetitū? Ita perit, vt ipse quoque dediscas nisi docueris. Doce igitur vt doctior sis, aut saltem, ne obliuioni tradas quod didicisti. Imò quæ potissima alios docendi causa esse debet, doce vt beatior sis, quandoquidem qui erudiant multos ad sapientiam fulgebunt (sicut scriptum est) tanquam stellæ in perpetuas æternitates. Cassus penè labor est, multa didicisse: & postquam didiceris, obmutescere. Nunquid non sapientia clamat, inquit Salomō, & prudentia dat vocē suā in sūmis excelsisq; verticibus super viā in mediis semitis stās iuxta portas ciuitatis, i ipsīs forib⁹ loq̄tur dicens, Viri ad vos clamito, & vox mea ad filios hoīm.

Dan. 12.

Prouer. 8.

O iijj

Cūm



Eccle. 20.

Prover. 31.

Cum ergo docendi officio fungi debeat vir diuinæ sapientia eruditus, nonne sal fatuum erit si tacuerit: nonne verum est quod dicitur: Sapientia absconsa, & thesaurus inuisus, quæ utilitas in vtrisque? Quid iuvat lucernam ascendere, & eam ponere sub modio? Profecto si sapiens fueris, non sub modio illam pones, sed super cæde labrum & aliorum tenebras tuæ scientiæ luce depelles. Aut enim linguam exercebis in prædicando aut in scribendo, manum, ut etiam de te dici possit: Os suum aperuit sapientiæ, & lex clementiæ in lingua eius. Plurimum quidem tibi apud deum meritum accedet, quoties vel scripseris, vel dixeris aliquid, vel proprio ostenderis exemplo, unde alij meliores effici queant. Qui enim fecerit & docuerit sic, hic magnus vocabitur in regno cælorum. Ipse dominus noster Christus docuit, nec Apostolos suos passus est desidia otioque torpere, sed spiritu sancto repletos per diuersas orbis partes dimisit, ut errantes docendo in viam veritatis reuocarent, atque illos quidem non itineris labor, non persecutionis immanitas ab officio deterruit, & te pigebit illorum saltem, à quibus nihil mali metuis, tuæ sapientiæ medicamenta conferendo, salutem consulere, & multorum animas domino tuo lucrari. Satis hæc de sapientia, nunc simplicioribus detegamus inimici dolos carnisque pugnas, ne ab iis incauti imprudentesque superentur.

## De dæmonum natura.

Cap.

9.

**S**ed enim quo facilius calidissimi hostis machinamur ta deuitemus, operæpretium erit, prius naturam eius moresque cognoscere. Dæmones igitur spiritus sunt, nocendi cupidi, iusti expertes fastu elati, astu callidi

callidi inter cœlum terramque habitantes, donec postremo ad infernum detrudantur, vt tanto eant inferius, quanto altius efferre sese conati sunt. Qui vt ei cuius iudicio ad hæc ima deiecti sunt aduersentur, homini inuident, atque illos maximè infestant, quibus beatitudinem, quam ipsi amiserunt promissam cognoscūt. Gentilitas dæmones alios bonos, alios malos esse dixit, nos verò sub hoc nomine malos tantum intelligimus. Illos enim spiritus qui boni sunt, dei angelos atque ministros nuncupamus. Neque certè conuenit eos, quorū diuersa est voluntas, eodem nomine confundere. Dæmones ergo nequitie pleni spiritus inuidiæ, acti stimulis hominem semper ad vitia prouocant, ne ad cœleste regnum, vnde ipsi deturbati sunt, transferri mereantur. Idcirco clamat Apostolus, dicens: Non est nobis colluctatio aduersus carnem & sanguinem, sed aduersus principatus, aduersus potestates, aduersus rectores tenebrarum harum, aduersus spiritalia nequitie in cœlestibus, non quod in cœlo sint dæmones, sed in aëre, qui quidem his plenus esse creditur. In cœlestibus autem dixit, iuxta consuetudinem diuinæ scripturæ, quæ volucres quoque cœli appellat, quas per aëra volitantes cernimus. Magnarum autem virium esse illos ostendit, principatum & potestatem & regimē eis attribuēs, non hoc tamen in omnes homines, sed illos duntaxat, qui tenebræ sunt. In illos verò qui lux sunt, ius nullum habent, nisi tentandi incitandi que ad peccandum, vt & ipsis relicto benè agendi lumine malignæ actionis tenebras diligere incipiant, & cum id fecerint, tunc etiam ipsis dominantur ac præsent. Aequum est enim vt qui ab innocentia recedendo sub potestate dei esse noluerit, diaboli subdatur potestati. Potestas autem illi tanta est, quantam Deus permiserit qui eorum opera vitatur, tam in prauos puniendos, quam in bonos probandos, vt hi cum aduersarij tentamenta vicerint, plus præmij

Ephes. 6.

præmij mereantur & illi victi si ad poenitudinem non redierint, tanto iustius crucientur, quanto diutius expectati sunt vt redirent. Præterea si dæmonis potentiâ ex testimonio scripturarum pensare volumus, profectò homini intolerandam insuperabilemque esse inuenimus. Hûc Beemoth & Leuiathan dici legimus, quorum alterum elephantum, cetum alterum interpretantur: quæ duo animalium genera cum omnium quæ in mari terraque habentur, maxima sint, maximâ dæmonis vim significare videntur: & elephas quidem dæmones aëreos designat, cetus aqueos. Nam in vtroque elemento habitare feruntur. Nemo itaque mortalium tantæ virtutis est, tantæque constantiæ, qui eorum viribus valeret resistere, nisi vt valeamus deus præstaret, coërcens illorum robur, & nostram simul adiuuans imbecillitatem. Sultus est igitur, qui non totam resistendi spem atque vincendi in deo posuerit. Sit ille licet Abraham, vel Moyses, vel David, vel Iohannes Baptista, vel aliquis Apostolorum, si propria virtute, & non ope diuina niteretur, statim succumberet: In deo autem sperans, victoria potiretur. Beemoth, inquit, quasi bos forum comedit, hoc est, paleas igni comburendas, fortitudo eius in lumbis eius, & virtus eius in vmbilico ventris eius. Illecebris enim Venereæ voluptatis, quæ circa lumbos & vmbilicum præcipue sentiuntur, frequenter impugnat. Ossa eius velut fistulæ æris cartilago eius quasi laminæ ferri, ad duritiam diaboli ista referuntur, quoniam à malitia quàm semel amplexus est, nequid remoueri, & ære & ferro magis obduratus. Sub vmbra dormit in secreto calami. Hoc illud est quod in psalmo dicitur: Sed in infidiis in occultis, vt interficiat pauperem dum attrahit eum. De Leuiathan idem ferè aliis verbis prædicatur, & vis naturæ dæmoniæ exprimitur supra modum potens atq; versuta: quæ vti-que cuncta humana subuerteret, nisi freno arbitrij diuini

Psal. 9.

uini compesceretur. Per gyrum, inquit, dentiū eius formido, corpus eius quasi scuta fusilia, compactum squamis se prementibus, denique flammam fumumque de illo procedere ait: Ignita enim sunt iacula diaboli, quibus illi qui vulnerantur, vel obscenæ libidinis ardore incallescunt, vel fumo inanis gloriæ laborāt. De eius etiam in malo pertinaciā dicitur: Cor eius indurabitur tanquam lapis, & stringetur quasi malleatoris incisus. De translatione etiam eius à statu suæ sublimitatis dictum est: Cū sublatus fuerit, timebunt angeli, & territi purgabuntur. Iusti enim deum timent, cū etiam aduersus angelicam naturam se verum fuisse recordantur: & territi student, si quid deliquerint, poenitentia expiare. Quod autem arrogantibus dominetur, & superbos iugo premat mortiferæ seruitutis, ex eo patet quod consequenter dicitur: Non est super terram potestas, quæ comparetur ei, qui factus est vt nullum timeret, omne sublime videt, ipse est rex super vniuersos filios superbiæ. Neque rex solum, sed etiam pater talium nūcupatur, dicente domino: Vos ex patre diabolo estis, & desideria patris vestri vultis facere. Sicut enim qui opera Abrahæ faciunt, filij Abrahæ sunt, itaq; qui diabolum imitantur, filij eius dicendi sunt, non natiuitate, sed voluntatis corruptæ similitudine. Ille, inquit, homicida erat ab initio, & in veritate non stetit, quia nō est veritas in eo, cum loquitur mendacia, ex propriis loquitur, quia mendax est & pater eius. Mendacio quippe & fraude primos homines deduxit in interitum. In veritate autem non permansit, quia à deo, qui veritas est, per elationem mentis recessit. Timendus est ergo vt homicida, cauendus vt mendax. Nam etiam si quādo vera loquitur, mendax proposito est, quoniam ne verum quidem veri dicendi studio exprimit, sed cura fallendi, vt postquam per nonnulla verè prædicata syncerèque monstrata fidem verbis adeptus fuerit, credulos

Iob. 41.

Ioh. 8.

Ibidem.

credulos tandem in foueam præcipitet erroris . Idem quamuis intimas hominum cogitationes ignoret, eas tamen per exteriores motus atque gestus iudicat & deprehendit, tum quocunque aliquem magis inclinari videt, eo accommodatis tentationibus trahere nititur, suggerens quicquid illum magis appetere coniiicit. Tu vero si vis istud vitare periculum, etiam cum mali aliquid cogitaues (impossibile est enim ne quando mens ad illicita non recurrat) caue ne ad gestum cogitationis indicem prorumpas, & enitere ut citius desinat cogitatio, intrus in anima, quam per sensus effusa se foris ostendat. Quod si illa patuerit, acrius impugnaberis ut cogitata opere perficias, & fortasse crebriori certamine labefactus, tandem succumbes.

## *Quare creatus diabolus.*

### *Cap.*

IO.

**Q**uare, inquit aliquis, creatus est dæmon, si tam malus erat futurus, atque homini ad similitudinem dei facto tam inimicus ac tam infestus? factus fuit quidem angelus dei, ut cum reliquis beatis eiusdem generis in cælo spiritibus beatitudine frueretur æterna. Et licet futuri præscius deus nosset illum per arrogantiam vitium à statu suæ conditionis repellendum, sciebat tamen iustis expedire ut crearetur, ne videlicet deesset illis aduersarius, cuius molestia ad prælium exerceantur, & tandem victoria potiti, gloriosius coronentur. Hac de causa profecto etiam malos homines in mundo nasci ac viuere credimus, non ad suam ipsorum qui damnandi sunt, sed ad illorum qui saluandi utilitatem, ut cum nullo malorum odio, nulla persecutione, nullis iniuriis, à iustitiæ pietatisque proposito repellere potuerint, multo plus gratiæ sibi apud deum comparent, quam comparassent, si nihil in vita aduersi paterentur. Ad hæc

hæc ipsa summi rerum opificis providentia cum bona multa condidisset, etiam mala quædam his contraria fieri iussit, ut bona malorum comparatione optabiliora redderet. Paradisum itaque magis desideramus, quia scimus & infernum esse: vitam propter metum mortis plus diligimus. Lucem iucundiores nobis facit molestia tenebrarum, sanitatem anxietas ægrotationis præstat gratiorem. Et ut ad virtutis culmen studiosius niteremur proposita peccatoribus supplicia compulere. Ergo & diabolus ideo creatus, ut eius foeditate offensus, magis affectaremus inferi consortio angelorum. At etiã quæri potest, quomodo diabolus adhuc pugnat, cū Paulus dicat, quod Christus dominus exuerit principatus & potestates triumphans eas in ligno crucis? Potestas quidem diaboli per crucem Christi ita fracta & triūphata est, ut eos ille dimittere liberos fuerit coactus, quos ei primorum parentum crimine corrupta origo subdiderat, quosque idem idolorum cultura subuersos iugo perniciosæ seruitutis opprefferat. Cessauit itaque mundus dæmones pro diis habere post Euangelij vultigationem, cessauit & infernus esse fidelium animarum receptaculum, cū Christus in cruce se cōsistentibus promittere cœpit paradisū. Coluber tamen tortuosus hac tanta potestate exutus, aliud fallaciarum genus comentus est, disseminare hæreses cœpit & ad vitia concitare. Atque hoc illi permissum sicut diximus, ut sanctorū robor atque constantia innotescat & scelesti tunc saltē eum damnati fuerint intelligant, quā immundo spiritui obsecuti sint, quā bono domino derelicto. In istos igitur & pro istis in Isaia exclamat deus, & ait: Ecce ego creauī fabrum sufflantem in igne prunas, & proferentem vas in opus suum, & ego creauī interfectorem ad disperdendum omne vas, quod fictum est contra te, & omniē linguā resistentem tibi iudicio iudicabis, diaboli itaque vasa sunt, qui erroribus catholicam fidem

Colloſſ. 2.

Isaiæ. 54.

dem impugnant, atque ab iis qui pro veritate resistunt  
damnandi, vt & victi poenas, & victores gloriam fortiā  
tur: Sequitur enim: Hæc hæreditas seruorum domini  
& iustitia eorum apud me dicit dominus.

*De nominibus dæmonum propriis.*

*Cap.*

II.

**A**D hæcvt plenius dæmonum deprauata natura  
nobis nota sit, scrutemur in scripturis, nam variè  
aliquando appellati fuerint, & ipsa nominum di  
uersitas diuersa illorum vitia monstrabit. Atque vt à  
propriis peculiaribusque incipiamus dæmones vocan  
tur, non quia dæmones, id est, scientes sint, sed dimenim  
(vt Eu sebius inquit) hoc est, terrere consueuerunt. Ter  
rori enim sunt nobis cum visibiles apparent. Diabolus  
appellatur, quia peccatorum accusator est, quem enim  
Græci diabolum, eum nos criminatorem dicimus. Sa  
tanus & Zabulon Hebraicum est, hic fluxus noctis in  
terpretatur, ille aduersarius, quoniam in tenebris dæ  
monum sunt opera, & perpetuò odio persequuntur san  
ctitatem. Hi etiam spiritus nuncupantur, sed non sine  
additamento malitiæ vel nequitia. Spiritus enim sunt,  
omni prorsus prauitate pleni, omni immunditia refer  
ti. Belial interpretatur absque iugo, vel absque domi  
no. Nam superbia elatus, dixit: Ponam sedem meam in  
aquilone, & ero similis altissimo. Excusso igitur obediē  
tiæ iugo, dominum pati noluit, ideo ad ima deiectus  
adhuc non cessat superbire, & homines cōculcare vel  
le. Asmodeum in Thobia legimus. Interpretatur autē  
facturæ indicium vel plasmatio iudicantis. Quia fa  
ct' est ad malorum vindictam, probationem verò bo  
norum. Beelzebub muscarum deum sonat. Nam cum  
omnibus retiā intēdat, muscas tantum, id est, infirmos  
capit, fortioribus non præualet. Mammona Syrum  
Hebræo

Dæmones.

Diabolus.

Satanas.

Zabulon.

Spiritus ne  
quam.

Belial.

Asmodeum

Beelzebub.

Mammona.

Hebræo mixtum vocabulum est, & diuitias vel cupiditates designat. His ille imprudentium mentes implicat, ne deo seruire queant, cum mammonæ ceperint famulari.

## De nominibus dæmonum brutalibus.

### Cap.

### 12.

**D**æmonibus præterea, quoniam ex angelica in brutalem quodammodo conuersi sunt naturam, bestiarum nomina tribuit scriptura. Vnde & David orans dominum, dicit: Ne trades bestiis animas committentes tibi. Et idem alibi: Increpa (inquit) bestias calami. Fragilis est enim ut calamus, qui se ab his vinci patitur, & non potius ad auxilium dei recurrit ut vincat. In Ezechiele quoque promittit dominus facturum se, ut cessent bestię pessimę de terra, quod partim in primo Christi aduentu impletum, partim in secundo implendum credimus, cum omnes bestię istę in barathrum inferni detrudentur. Hi & leones & dracones dicuntur, quia nunc aperte nos inuadunt ut leo, nunc occulte nobis insidiantur, ut dracones. Aspis quoque diabolus est & basiliscus, illis duntaxat quos primo congressu superat. Aspis quippe morsu, basiliscus aspectu statim perimit, viro autem iusto dicitur: Super aspidem & basiliscum ambulabis & conculcabis leonem & draconem. Beemoth & Leviathan in historia Iob legitur, quos elephantum & cetum vocari diximus, alter tamen proprię bestialis interpretatur, alter persequens eos, quasi enim ferocissima bestia nunquam ab hominū persecutione quiescit. Vulpes præterea, quia fraudulenta est, appellatur ut in Psalmo, Partes vulpiū erūt, & qui versutiam eius imitatur vulpes est ut in euangelio de herode: Ite, dicite vulpi illi. Sanguisugam Salomon vocat in prouerbiis: Sanguisugę (inquit) duę sunt filię, dicentes, affer, affer: quę sunt istę filię, quę quantū-

Bestiæ.

Psal. 72.

Ezech. 4.

Leones:  
Dracones.Beemoth.  
Leviathan.

Vulpes.

Sanguisuga.



- Serpens.**  
**Scorpio.**
- Isaia. 14.**
- Strutio.**
- Pilosus.**  
**Vlula.**  
**Sirena.**
- Volucres.**
- Ezech. 28.**
- quantumuis afferas non satiantur, nisi libido & anaritia: quibus qui illaqueatus fuerit, ei diabolus erit verè sanguisuga, exhauriens eius sanguinem per concupiscèntiam & spiritum per concupiscèntiæ adimpletionem vt corpori simul animæque noceat. Idem serpens dicitur & scorpio. Mera enim venena sunt quicquid, ille suadet, huius tamen periculi metu seruos suos liberat saluator, dicens. Ecce dedi vobis potestatem calcandi super serpentes & scorpiones. In Isaia est scriptum, Implebuntur domus eius draconibus, habitabunt ibi strutiones, & pilosi saltabunt ibi, respondebunt vlula & firenæ in delubris voluptatis. Dæmonum hæc nomina sunt. Domus eorum es si perditè viuis, draco tibi est diabolus si virosos eius afflatus non deuitas, strutio tibi est, si terrenarum rerum curis implicaris. Licet enim penas habeat strutio, nunquam tamen à terra subleuatur. Pilosus tibi est, si in vitiis consenescis, pilosa nanque est senectus. Vlula tibi est, si in tenebris vitam agis, & ab eo auerteris qui ait: Ego sum lux mundi. Vlula enim est nocturna avis. Denique firena tibi est in delubris voluptatis, si cantibus amatoris delectaris, citharæque sono ad lasciuiam carnis concitante. Aiunt enim firenas olim in Siculo littore viros præter nauigantes cantu demulcere, & consopitos laniare solitas, facile ab iis capietur, qui obturatis velut Vlysses auribus non pertransierit. Dæmones præterea volucres cœli appellantur, quia semen verbi dei, quod in duro solo & nullo cōpunctionis vomere proficisse cecidit, rapiunt protinus & absument. Sic autem indurato homini diuina in Ezechiele iustitia minaciter intonat & ait. Bestiis terræ & volatilibus cœli dedi te ad deuorandum. Hi sunt locustæ illæ in Apocalypsi, equis similes bellatorib<sup>9</sup>, quia feroces, & super capita eorum coronæ similes auro, quia superbi, facies hominum & capilli mulierū, quia ytri que sexui insidiantur, dentes leonum, quia quos vi-
- cerint

eerint, perimunt: loricas ferreas habent, quia in malitia obduruerunt, alij perstrepunt, quia velociter omnia permaneant, caudas scorpionum aculeatas gerunt, quia vnus eorum finis est nocendi hominibus. Et habet (inquit) supra se angelum Abyssi, cui nomen Hebraice Abadon, quod est exterminans. Extorres enim à coelesti patria facit, qui suæ consentiunt tentationi. Quia vnquam tam terribilium bestiarum, tam malignorum spirituū, vel sœuitias vel dolos posset euadere, nisi periclitantibus dominus opem afferet, nisi furorem eorum vis diuina cohiberet, astumque reprimeret.

Abaden.

*De nominibus dæmonum publicæ dignitatis. Cap. 13.*

**E**T hæc quidem à brutis animalibus mutuata nomina, illa ab hominibus, quæ partim publicæ dignitatis sunt, partim conditionis priuatæ. Nam & rex dicitur, vt in Prouerbiis. Væ tibi terra, cuius rex est puer. Diabolus puer est, quia non senescit, nec ætatis damna sentit. Væ autem & terreno homini, qui imundi spiritus imperio paret. Idem Pharaon est rex Aegypti, rex tenebrarum, id enim interpretatur Aegyptus Pharaon ergo est, qui populo dei est molestus, nolens eum dimittere, vt sacrificium offerat deo sed vt sibi seruiat, ad terrena & lutea opera compellens. Est & Sion rex Amorrhæorum. Seon arbor infructuosa interpretatur & procera, vtrumque dæmoni conuenit, qui nullum ex se boni fructum gignit, & supra modum effertur superbia. Amorrhæi amaritudinem adducentes vel loquentes dicuntur. Quid autem amarius hæretica prauitate? Hæreticorum igitur Seon iste rex est, vt cum illo simul pereant, si ab eo ad Christum qui veritas est, non conuertentur. Hic est ille Seon superbus qui fideles Israëlitæ non finit in pace transire per fines regni sui, obstatque armatus,

Rex.  
Puer.

Pharaon.

Amor.

Deut. i.

P

matus,

Balach.

Rex Gai.  
Iofue.8.

Isaia.30.

Nabuchod.

matus, innito tamen prælio succumbit. Tentare enim dæmon sanctos potest, vincere non potest, deo cui seruiunt, protegente. Hic idem est Balaach rex Moabitarū, qui Balaam diuinum compellebat, vt fidei populo malediceret: cui autem deus benedixerat, ei Balaam maledicere nequiuit. Balach exclusio interpretatur & deuoratio. Ideo ergo Balach est diabolus, quia seruos dei ab hæreditate cœlestium bonorum excludere molitur, & in illos infidelium excitat odia, persecutionibus cupiens auertere à fide, atq; aduersos deuorare. Idem & rex Gai, Gai præruptum dicitur siue vorago, quæ est infernus dæmonum domicilium. Hunc regem Gai Iesus in bello victum cœpisse memoratur, cruci que affixisse, exercitum eius fudisse, vrbem verò igni succendisse. Ducem ergo Iesum sequamur, atque aduersus regem Gai bellâdo præualebimus: & si nos vexillum ferre crucis viderit, in qua Iesus noster semet crucifigendo illū confixit, metu percussus concidet, vel in fugam conuertetur. De quo per Isaiam fuit prædictum: A facie domini pauebit Assur virga: hoc est, cruce domini percussus. Vrbis autem eius cui dominabatur, gentiles erant, quæ tunc quidem concremata est igni, cum gentiles ad Christum conuersi. Ignem (inquit) veni mittere in terram, & quid volo nisi vt ardeat? Hic idem diabolus Nabuchodonosor est rex Babylonis. Nabuchodonosor, sedens in angustia agnita exponitur. Diabolus enim creatori suo rebellis, quamuis agnoscat errorem suum: qua tamen superbia est, nunquam adduci potest, vt ipsum peccati poeniteat. Rex autem est Babylonis, in illos exercens imperium, qui errore aliquo confusi sunt, nam Babylon confusio dicitur. Hic obsedis Hierusalem describitur, hoc est homini fidei tendisse insidias, propriis tamen viribus ciuitatem capere nequiuit, donc rex Ioachin, idē, rationalis anime pars vltro se illi tradidit. Captus igitur Ioachin iste, quia

quia capi voluit, de Hierusalem tranfertur in Babylonem, de virtutibus ad vitia. Itaque nisi nostra sponte manum dederimus diabolo, & eius malignæ suggestioni consenserimus: oppugnare quidem arcem animæ nostræ poterit, expugnare non poterit: & hæc sanè sunt publicæ potestatis magis insignia nomina, quibus illū dignum non sua merita, sed hominum peccata fecerūt, veniamus ad priuata.

*De nominibus dæmonum priuatæ conditionis.* Cap. I 4.

**P**rimogenita Aegypti sunt dæmones inter omnes nequitia primi, dicente domino: Meum est omne primogenitum, ex quo percussi primogenitos in terra Aegypti, sanctificaui mihi quicquid primum nascitur in Israël. Certè nisi dominus noster Iesus Christus primogenitos Aegypti percussisset, principatus (vt Apostolus ait) & potestates aduersas traducens & triūphans in cruce, sanctificatio eius, qui primogenitus omnis creaturæ ad nos peruenire minimè potuisset. Qui ergo nos vult cum primogenitis Aegypti percuti, permaneat in benedictione primogeniti Christi, vt saluus sit. Hi etiam Sydonij nominantur, id est, venatores. Qui autem homines erunt & non bestię. Sydoniorum istorum venatione capi non poterūt. Ad bestiarum enim. non ad hominum capturam pertinet venatio. Ille tamen ex homine in pecudem vertitur, qui peccat, dicente propheta, Homo cū in honore esset nō intellexit, cōparatus est iumentis insipientibus, & similis factus est illis. Hi etiam Chaldæi nuncupantur, quos in Abacuc, propheta se suscitaturum minatur dominus aduersus iustorum contemptores, Ecce (inquit) ego suscitabo Chaldæos, gentem amaram & velocem, ambulantem super latitudinē terrę, vt possideat tabernacula nō sua.

Primogenita Aegypti.

Sydonij

Psal. 48.

Chaldæi.  
Abacuc. 1.

P ij Chaldæi

Abac. 32.

Aethio.

Psal. 71.

Gigantes.

Calūniatores.

Vir iniquus

Homo inimicus.

Barrabas

angel' mal'

Chaldæi quasi dæmones, vel quasi feroces interpretantur, & quoniam per latitudinem ambulant quæ ducit ad perditionem, tu tibi econtrario viam arctam elige, quæ ducit ad salutem, & Chaldæi isti non ingrediuntur tabernaculum in quo habitare viderint Christum, sed tabernaculum virtutibus vacuum, & vitiis patens, hoc est, pravi hominis animam, quæ ante peccatum dei erat: post peccatum verò data est satanæ in possessione, ut sua sit per reatum, quæ sua non est per naturam. In eodem propheta malignos spiritus etiam Aethiopum vocabulo significatos constat. Pro iniquitate (inquit) videnti tentoria Aethiopiæ. Tentoria Aethiopiæ sunt omnes iniqui, increduli, impudici, auari. In his enim habitant, horum carnibus vescuntur. De eiusmodi homine in psalmo est dictum. Dediisti eum escam populis Aethiopum. De iusto autem & fidei dicitur, Coram illo procident Aethiopes, horum interpretatio tenebrarum & caliginis est. Quam ergo miserum est, quam omni calamitate infelicius, servire tenebris, & à deo qui lux est recedere? Dæmones præterea sunt gigantes, quos in Isaia aduersus Babylonem, id est, animam in peccatis confusam à domino suscitandos legimus. Sunt etiam calūniatores, ut in psalmo, Humiliabit calumniatorē. Vir etiam iniquus & homo inimicus est dæmon, ut in psalmo. A viro iniquo eripies me. Et in Evangelio, Inimicus homo in medio tritici superfeminavit zizania. Idem est Barrabas, qui adhuc inter Iudæos homicidia peragit incredulitatis, & ne ignoremus angelum aliquando dei fuisse, post reatum etiam angelus nominatus est, non tamen bonus, sed malus, non dei, sed diaboli. Ut est illud in psalmo, Immissiones per angelos malos, & illud in euangelio, Ite maledicti in ignem æternum, qui paratus est diabolo & angelis eius. Qui quoniam transfigurat se aliquando (ut Apostolus ait) in angelum lucis, prudentia opus est ad discernendos spiritus.

Ex fr.

Ex fructibus eorum cognoscetis eos. Quoties mali aliquid vel à fide alienum suggerere coeperint, certum erit, sub illa luce dæmonis tenebras latere, & simplicibus laqueum intendi.

## De dominatione dæmonum à rebus inanimatis. Cap. 15.

**P**ostremo ut apertior eius nequitia sit, nonnulla nomina etiam à rebus inanimatis fortitus est. Nā & gladium & clypeū appellatum in sacris literis apparet in Ezech. Gladius exacutus & limatus ut cadat victimas, & paulò post: Veniat (inquit) gladius regis Babylonis. Hoc gladio impios concidendos minatur dominus, nisi corrigantur. In Naum propheta dicitur: Clypeus fortium eius ignis. Iste ignitus clypeus homines vrget in libidinem, ut per stupra adulteriaque traductos mactet gladius exacutus. Turpis enim voluptatis finis est interitus, breuissimum est quidem quod delectat, quod autem torquet & excruciat, æternū est. Rursum in Ezechiele mons Seir nuncupatur. Hæc dicit dominus deus: Ecce ego ad te mons Seir, & extendā manum meam super te, & dabo te desolatum atq; desertum. Seir interpretatur hispidus & pilosus. Diabolus quippe Esau pilosi partes secutus aduersus populum Iudæ, id est, confessionis illos videlicet qui Christum confitebantur, sese erexerat, & montis instar superbia elatus, regnabat inter infideles. His autem ad Christū conuersis, ille desolatus est & desertus, quod futurum de eodem monte Zacharias quoque vidit cum diceret, Quid tu mōs magne? coram Zorobabel in planum. De Zorobabel enim natus est Christus, cuius virtute concidit regnum diaboli. Hic ille mons est, de quo etiam in Evangelio dicitur: Si habueritis fidem vt granum simapis, dicetis monti huic, transi hinc & transibit. Non

Gladius.  
Ezec. 21.

Nume. 2.  
Clypeus.

Mōs Seir.  
Ezech. 35.

Zach. 4.

Matt 17.

P iij itaque

itaque montes per fidem transferendos dixit dominus, quid enim id iuaret: sed diabolum repellendū. Reor hunc ipsum ab Apostolo profundum dici, ubi ad Ephesios scribens, ait: Vt possitis comprehendere quæ sit latitudo & longitudo & profundum & altitudo, hoc est, ut queant intelligere & ista media quæ in latum longumque tenduntur, & quæ in imum potestates inferas, & quæ in sublimē, angelicas virtutes, ut videlicet præsentia benè disponant ratione futurorum, in quibus necesse est, aut supplicia pati, aut beatitudine perfrui. Ad hæc pluiam illam & flumina & ventos in Euangelio, quorum impulsu domus mala fundata euer titur, dæmones esse intelligimus, qui neminem quidē supplantant facilius, quàm eos qui in se, cum solubilis arena sint, confidunt, & Christo qui petra veritatis est non innituntur. Diabolus præterea via peccatorum dicitur, dicente Psalmista: Viam peccatorum disperdet. Et alibi: Via impiorum peribit. Si diabolum sequi desideris, & Christo cœperis adhærere, via peccatoris peribit, & anima poenitentis erit salua. Idem humani generis perpetuus hostis, etiam olla ardens dicitur, dicente Ieremia: Ollam succensam ego video, in ea excoquendi sunt habitatores terræ, & nō peregrini neque aduenæ, quorum cōuersatio in cœlis est. Idē postremò mors appellatus est, dicente domino: Ecce posui ante oculos tuos vitam & mortem, hoc est, me vitam & diabolum mortem. Si ergo Christū tibi elegeris, viues: si diabolū, morieris. De quo Apostol⁹ etiā dixit: Nouissimus inimicus destruetur mors. Illis duntaxat destruetur, qui à dextris iudicis consistere iussi erunt. Aduersum sanctos enim nullum ius vltra diabolō erit, ne tentandi quidem. Quoniam hi cum Christo ibunt in vitam æternam, diabolus autem & angeli eius & omnes impij in ignem æternum. Ac ne plura id genus perquirere otiosum sit, hic ille est, cui nomina mille, mille nocēdi artes,

Ephes.:  
Profundum

Pluia.  
Flumen.  
Ventos.

Psal. 141.  
Via peccatorum.

Olla ardens  
Ieremias. 1.

Deut. 30.  
Mar.

Artes, cuius viribus quis resistet, cuius infidias quis eu-  
tabit, nisi qui fidei speique & reliquarum virtutum ar-  
mis munitus fuerit & cum aduersario congressurus vin-  
cendi fiduciam non in se, sed in deo habuerit: Hæc de  
nominibus, nunc reliqua distinctius dispositiusque cõ-  
sideranda sunt.

*Quòd tentationes pati necesse sit, ma-  
ximè circa principia conuersionis.*

Cap.

16.

**Q**uàdiu in corpore viuimus, aut à diabolo, aut  
à sensuum nostrorum concupiscentia mole-  
stias pati necesse est. Propterea quidem in ec-  
clesiastico est scriptum: Fili accedes ad seruitutem dei,  
sta in iustitia & timore, & præpara animam tuā ad tẽ-  
tationem. Et in Iob: Tẽtatio est vita hominis super ter-  
ram. Ille verò qui vitam magis religiosè ducere decer-  
nit, maiorem sustinet dæmonum inuidiam. Nam cum  
ipfi à deo recefferint, ei maximè irascuntur, quem deo  
proximè accedere animaduertūt. Vnde Apostolus: Om-  
nes, inquit, qui volunt piè viuere in Christo Iesu, per-  
secutionem patiuntur. Eos etenim nequissimi spiritus  
vel per insomnia illudere contendunt, vel per horren-  
das apparitiones terrere, vel per blandimenta turpis  
voluptatis irretire, & quāuis victi semper discefferint,  
semper rursus ad pugnam armantur, semperque occa-  
sionem nocendi quærentes nusq̃ absunt, repulsi astant,  
fugati redeunt, dicta factaq; nostra, gestus insuper ac mo-  
tus speculantur, quæ si ad malum inclinari viderint, le-  
tātur, & modis omnibus ad perpetrādum scelus vrgēt,  
in sūma, facere quippiā nequimus, quin illi omni loco,  
omni tempore circa nos sint, nobiscum commorentur.

Eccle. 2.

Iob. 7.

1. Tim. 3.

P iiii

Sic



Iosue.15.

Iosue.16.

Iosue.17.

Sic filij Iudæ superare quidem Iebusæum potnerūt, de-  
lere non potuerunt, vnde cum eis etiam habitasse dicū-  
tur. Sic filij Ephraim & Manasse subiecisse certè sibi  
Chanaanæum feruntur, non tamen eum interfecisse. Té-  
tationes igitur vincere possumus, ne autem tentemur ef-  
ficere non possumus. Quòd si dominum serpens tortuo-  
sus & in omne nefas confidentissimus, tentare ausus est,  
quanto magis domini seruos! Nunquid non in euange-  
lio legimus, quod ipsos etiam domini apostolos inuasit  
quandoque tentatio: nec inuasit solum, verum etiam su-  
perauit. Iudam vicit avaritia, Petrum timor, filios Ze-  
bedæi honoris appetitio, quosdam quis ex ipsis maior  
esset, contentio: quosdam dominicæ resurrectionis in-  
credendo ambiguitas. Ex omnibus tamen vnus Iudas  
periit, quia veniam desperauit. Cæteris verò benigni-  
tas domini subuenit, veniamque indulgit, quia & ambi-  
tionem conuerterunt in humilitatē, & contentionem  
in concordiam & dubitationem in fidei firmitatem,  
& metum in audaciam, etiam inter sæuientes tyrannos  
Christum confitendo. Datus erat & Paulo angelus sa-  
tanæ, qui eum colaphizet, vnde exclamans, ait: Non est  
nobis colluctatio aduersus carnem & sanguinem, sed  
aduersus principatus, aduersus potestates, aduersus re-  
ctores tenebrarum harum, aduersus spiritalia nequitie  
in cœlestibus. Quomodo enim fortissimi athletæ vir-  
tus probaretur, nisi ipse contra fortissimos dimicaret?  
Nobis verò vt minus perfectis, ex diuina dispensatione  
minor incumbit lucta: adhuc enim & aduersus carnem  
pugnamus, & dæmonum inferiorum insidias patimur,  
quoniam nondum tantum virium concepimus vt cum  
principibus & potestatibus manum conferere valea-  
mus. Procerum ecclesiæ istud certamen est, vt cum po-  
tentibus pugnando, plus gloriæ referant ex victoria. At  
verò postquam carnis desideria pietatis ac iustitiæ stu-  
dio mortificauerimus, tunc & ipsi poterimus dicere:  
Non

Ephes. 6.

Non est nobis colluctatio aduersus carnem & sanguinem. Interim si in hac leniore ac proletaria pugna non vicerimus, quomodo in magis graui bello principum atque rectorum vincemus? Porro, si strenui militis operam in turba prestititerimus, iam certe altius promoueri merebimur, ut videlicet inter decuriones, vel ceteros vel tribunos etiam ac duces censeamur. Quo si peruenire cupimus, ipsa militie nostre rudimenta atque principia fortiter constanterque nobis exequenda sunt, nec committendum, ut a lixis & calonibus vincamur, qui principes quoque eorum optamus Christo adiuuante subigere, ut quo difficilius fuerit victoria, eo maius quoque speremus premium.

## *De duobus tentationum generibus.*

### *Cap.*

### *17.*

**T**entationum autem duo sunt genera: Aut enim a deo tentamur ut probemur, aut a carne & diabo lo ut peccemus. Tentauit DEVS Abraham ut obedientissimum sibi esse ostenderet. Tentauit filios Israel, quemadmodum in Deuteronomio legitur, quadraginta annis per desertum deducendo, ut notum foret quantae constantiae sint in illis obseruandis, quae sibi mandata praecipitaeque erant. Vnde in psalmo dicitur: Probasti nos deus, igne nos examinasti, sicut examinatur argentum. Igitur tentatio domini, tentatio probationis est, non malitiae neque praecipitationis. Quapropter Iacobus Apostolus ait: Nemo cum tentatur dicat quoniam a deo tentatur, & ne ambiguum relinqueretur, de qua tentatione hoc diceret, subiunxit: Deus enim intentator malorum est, ipse autem neminem tetat ad malum, unusquisque vero tentatur a concupiscentia sua abstractus & illectus, deinde concupiscentia eum conceperit, parit peccatum: peccatum vero cum

*Psal. 45.*

*Iacobi.*

*cor-*

consummatum fuerit, generat mortem. Tentatio ergo carnis & diaboli, semper prouocat ad peccadum. Quare de istorum tentationibus nobis affidue aduersantibus nunc est tractandum: & prius quidem de ipsa diaboli tetatione, qui carni simul infidiatur & spiritui. Aperiamus igitur dolos eius tendiculaque & laqueos ut deprehensis inimici fallaciis facilius euitetur mortis periculum, ut certius vite aeternae bonum speretur.

Diabolus.

Hic est ille teterrimus Pharaon, qui nos vetat exire de Aegypto, seculique vanitatibus renuntiare, & Moysen sequi in desertum, ac tandem Iesu duce promissionis terram intrare. Hic est leo rugiens qui circuit quæres quem deuoret. Hic est fur & latro qui non venit nisi ut furetur & mactet. Hic est denique lupo rapax, domini eo ouili semper insidians, rapiens & dispergens, & nullum vnquam sanguinis haustu satiatus, nunc promissis allicit, nunc terret minis, nunc assentatione blanditur, nunc etiam verberibus compellit. Promissis quidem primos nostros parentes prostravit. Eritis, inquit, sicut dii scientes bonum & malum, & nequaquam moriemini. Minis autem grassatus est in martyres pariter & verberibus, cum idololatrias ut in eos desæuissent, concitasset. Primi nobis documento sunt, ut neque blandimentis neque pollicitationibus eius ullam adhibeamus fidem. Secundi, ut omnia prius extrema pati parati simus, quam deo peccare. Nec bellum igitur minanti pareas, nec pacem offerenti credas. Pax eius pax Ismaëlis est, qui Godoliā amicē inuitatum, nihilque mali suspicantem inter epulas interemit. Bello autem neminem superat, nisi qui inductionibus ei assentit. Denique quicquid agit, quicquid molitur, eo tendere noueris, ut fallat: cumque deceperit, ut interimat: & quidem morte illa quæ semper cruciat, & mori cupientes mori nunquam finit. Idē signis etiam præstigiisque mentem hominis nititur obstupefacere transmutatque se in angelum lucis, ut cum

Ierem. 41.

cum dei angelum vel sanctorum ali quem esse credideris, facere non dubites quod imperabit. Apparet aliquando sub specie comptæ formosæque mulieris, vt ad libidinem incendat, aliquando monstrosum & horribile se ostendit, vt exterreat. Tu ergo tātæ malignitatis atque fraudis nō ignarus, diligenter animum aduerte, atque tecum tacitus examina quo tendant eius verba, quod gestus exigant, quo alienę imaginis figmenta prouocet, & caue ne quid committas aut à fide alienum, aut ab honestate diuersum, aut voto castitatis cōtrarium neque vt susceptum pro amore dei vitæ perfectioris propositum vanis inimici terrorib⁹ agitatus derelinquas. Nihil tibi diabolus nocere poterit, quandiu tu cū deo tuo constanter ambulaueris, dicens: Dominus mihi adiutor, & ego despiciam inimicos meos. Fortior cunctis dæmonibus est, qui innocentiam seruat, & in deo confidit. Quod si etiam verus tibi de cœlo angelus vel sanctus aliquis apparuerit, nihil offēdes inquiredo an verè is sit qui videtur. Iesu Naue vir multæ pietatis atque fidei, cum visibili specie angelus ei occurrisset non dubitauit interrogare illum, dicens: noster es an aduersariorum? Nec antè iussis eius obediuit, quàm quòd angelus dei esset, compertum habuit. Gedeon quoque ad liberandum ab hostili vastatione populum electus angelum vidit, loquentemque audiuit, & tamen da mihi signum, inquit, quod tu sis qui loqueris ad me: accepto autem signo, credidit. Vterque tibi exemplo sit, ne visus eiusmodi nimis citò fidem adhibeas, donec argumēto aliquo tibi veritas constet. Tum si qua adhuc residua erit suspicio, illi qui ætate & sapientia præstant, erunt consulendi, ex eorum sententia iudicium faciendum. Arrogantis est, dubiis in rebus proprio sensu niti, & aliorum nolle audire consilia, facileque efforibus patet qui suæ semper plus tribuit, quam prudentiæ alienæ. Vbi autē non auri neque argēti, sed quod his preciosius

Iosue. 5.

Iudit. 6.

preciosus est, animæ periculum imminet, etiam tuta  
metuere sapientis est.

*Quòd diabolo imminutæ sint vires.*

Cap.

18.

Ioan. 6.

Matth. 8.

Iob. 1.

**V**Eruntamen si qua solito grauior ingruerit tenta-  
tio, non cadamus animis, imminutæ sunt diabo-  
lo vires in saluatoris nostri aduentu, ipso dicen-  
te: Nunc iudicium est mundi, nunc princeps huius mû-  
di eiicietur foras. Eiectus est enim de cordibus multo-  
rum, qui idola colebant, desit ille nequam ita latè re-  
gnare vt solebat, nec iam tantum in se confidentiæ a-  
lit licet arrogantissimus sit, & audito tantum Christi  
nomine contremiscit. Postremò ita ille diuinæ erga  
nos miserationis confringitur freno, vt nocere nisi p-  
missus nequeat. Nam si expulsus ab homine intrandi in  
porcos non habuit potestatem donec concessit ipse cu-  
ius iussu pellebatur, quanto minus offendere poterit ho-  
minem nisi deus voluerit. Bono igitur animo sumus, &  
certissima vincendi spe ad pugnam accingamur. Domi-  
nus noster non finet nos tētari supra id quod ferre pos-  
sumus, sed faciet (vt apostolus ait) cum tentatione pro-  
uentum, vt possimus resistere. Permisit sanè etiam pa-  
tientissimum virum Iob tentari, & calamitatibus affi-  
ci non vt diabolo faueret, sed vt hominis virtutem ma-  
nifestam faceret. Non potuit inimicus neque opum ra-  
pina, neque filiorum orbitate, neque corporis in tabem  
conuersi morbo, illius vincere constantiam, & quæ de-  
iicere sperabat ei, maioris gloriæ adipiscendæ præbuit  
occasionem, vt inter ærumnas beator fieret, quantum  
prosperitatibus abundaret. Quis enim antehac patiē-  
tiam eius laudauit, quam postea omnes admirati sunt.  
Hæc est igitur causa quare nobis dominus dederit ad-  
uersarium

uerfarium, quare ab eo nos tentari voluerit, vt videlicet cum vicerimus, milites suos imperatnr benigniffimus tanto magis remuneret: quanto magis promptè ac strenuè certauerimus: ad pugnam quippe non ad quietem in hoc terræ theatro miffi fumus, vt neque fortè, nifi præcedentibus meritis mercedem accipiant, neque ignaui multam, nifi cum ab hofte victi apparuerint. Non eft otiofa dei militia. Placuit ei fideles fuos laboribus, fatigationibus, ærumnis, perfecutionibus, malorum odiis iniuriisquæ experiri. Vnde angelus ad Tobiam: Quia acceptus eras deo inquit, neceffe fuit vt tentatio pbaret te. Idcirco nec in oratione dominica petimus ne tentemur, fed ne inducamur in tentationem & feducti viam falutis relinquamus. Quam rem petendo apertè offendimus, nos quidem ad repugnandum impares effe nifi ipfe adiuuet, qui folus poteft omnia, qui etiam infirmitatem noftram miferatus, contra angeli mali vim atque verfutias vnicuique noftrum angelum bonum dedit, qui regat, qui custodiat, qui à nequitia auocet, & occultis confcientiæ ftimulis ad virtutes capeffendâs impellat. Et fi tanta eft deo cura falutis noftræ vt fuos angelos prædagogos noftros effe voluerit, haud multum timendus eft mortis machinator diabolus, quia femper vincemus, fi femper angeli de cælo nobis miffi monitis inspirationibusquæ parebimus, & à domino noftri mandatis nunquam difcedemus. Omnem igitur vincendi fpem in deo collocemus: & quoties vincimus, ei foli victoriæ gloriam deducemus: ei gratias agamus, dicamusquæ cum Pfalmifta: Tu humiliafti ficut vulneratum superbura, in brachio virtutis tuæ diffiffi inimicos tuos, Tob. 12.

## *Quomodo vincitur tentatio.*

Cap.

19.

la-

**I**nuidia diaboli mors introierat in orbem terrarū, sed hac morte per Christū liberati sumus & ad vitam, quā propter prauaricationem primorum parentum amiseramus, reuocati. Gaudebat inuidus ille sanctissimos etiam viros in infernum descendere, & quasi victor quia primos vicerat, de omnibus triumphare. Sed gaudium istud versum est ei in luctum. Legauit fortē fortior dominus & domum eius intrauit, & vasa eius diripuit, suo aduentu absoluens illos qui in carcere victi tenebātur, de tenebris transferens in lucem. Quin etiam vulgata euangelij veritate, regnum mundi eripuit diabolo, quo magis ille doleret, ne in gentibus quidem ius esse sibi relictum, omnibus iam à falsa ad veram religionem conuersis. Hac ergo potestate atque hoc regno priuat⁹, quid ageret, quo se verteret, nesciebat. Rursum tamen nouo fraudum genere vsus, in illorum qui conuersi erant cordibus (vt suprà est dictum) inferere hæreses cœpit: vt in quibus idololatria iam de fecerat, non deesset mendax de vera religione sententia. Atque ita non paucos quibus in credendo mens lenior erat, subuertit. Quos autem firmos ac stabiles in fide vidit, eos perniciosæ voluptatis illecebris ad peccandum prouocare cœpit, vt quos fidei defendit sinceritas, mandatorum saltem transgressio condemnet. Nos ergo qui in Christum credimus, qui dei filium confitemur, tantæ in nos inimici inuidiæ non ignari, quoties delinquendi concupiscentia mentem sollicitare cœperit, meminerimus dolos esse carnificis nostri, nihilque agamus, in quo deum offendi nonimus, & ob quod si egerimus, de altitudine paradisi quā speramus, in abyssum inferni quam timemus, deturbandos nos esse certū sit. Cum itaque molestior difficiliorque sese ingesserit tentatio, & cordis intima laceffere cœperit, tunc ieiunium nobis pro scuto sit, pro gladio oratio, dicente domino: Hoc dæmonium non eiicitur nisi in ieiunio & oratione.

oratione. Nam & ipse dominus tunc ieiunabat cum tentatorem vicit. Et idem. Vigilate, inquit, & orate ne intretis in tentationem. Apostoli quoque cum naufragium timerent, dormientem illum clamoribus excitant. Adiuua nos (inquiunt) domine, perimus. Tunc ipso vātis fluctibusque imperante, facta est tranquillitas. Nulla est igitur tam grandis tentatio, quam deum deprecando non vinctes, & rursus nulla tam parua, à qua nō superaberis propriis viribus confidendo. Quare in deo sperans ora, & dic: Velociter exaudi me domine, defecit spiritus meus. Eripe me de inimicis meis ad te confugi. Doce me facere voluntatem tuā, quia deus meus es tu, Quod si sanctus propheta sic orabat, quomodo peccator poterit resistere, nisi & ipse instanter orauerit: Igitur quanto violentiorem motum intra te senseris, tanto ardentius auxilium innoca. Iosaphat ab inimicis circumdatus, clamavit ad dominum, & illis protinus auersis, periculo liberatus est. Ita & tu, si toto cordis affectu precatus fueris, inimici aduersum te machinamenta statim dissoluentur, teque omni molestia liberum ac pristinae quieti restitutum continuo cognosces, Cumque hoc tibi contigerit, deo gratias age, qui tam citò satanā pedibus tuis subiecit. Nisi enim ille opem tibi laboranti miseratus attulisset, nunquam vicisses. Tanta est autem domini nostri erga nos benignitas, ut etiam pro eo quod ipso adiuvante vincimus, remuneret victores, & suum beneficium in nostrum transire pariat meritum, modo post victoriam ne insolescamus, sed humiles ac submissi de omnibus ei laudem demus, ita enim etiam pro his quæ domino tribuerimus, ipsi præmium merebimur atque mercedem.

Psal. 142.

2. Para. 18.

De ten-



## De tentationibus carnis.

Cap.

20.

Gal. s.

**N**unc quoniam paris periculi est, à propriis cupiditatibus per carnis blandimenta superari, qualiter cum his quoque nobis decertandum sit videamus. Caro enim concupiscit aduersus spiritum, spiritus autem aduersus carnem: hæc sibi inuicem aduersantur, ut non quaecunque vultis, illa faciat. Hæc Apostolus. Deinde quis vtriusque finis sit ostendens ait: Manifesta sunt opera carnis, quæ sunt fornicatio, immunditia, luxuria, idolorum seruitus, veneficia, inimicitia, contentiones, æmulationes, iræ, rixæ, dissensiones, sectæ, inuidiæ, homicidia, ebrietates, comestationes & his similia, quæ prædico vobis sicut prædixi, quoniam qui talia agunt, regnum dei non consequentur. Expositis autem quæ carnis sunt, continenter enumerat quæ ad spiritum referuntur. Fructus (inquit) spiritus, est charitas, gaudium, pax, patientia, benignitas, mansuetudo, fides, modestia, continentia, castitas. Ex his perspicuum est, quanta sit diuersitas inter carnem & spiritum, cum alteri vitia, alteri tribuantur virtutes. In medio istorum anima libertate sui arbitrij vtiens in quam partem voluerit, potest conuerti. Sed si carni consenserit, regnum dei non possidebit: sin vero spiritum suum, id est, innatum sibi rationis lumen secuta carnis appetitionibus repugnauerit, victo aduersario mercedem capiet æternæ beatitatis. Quamobrem spiritu, inquit, ambulate, & desideria carnis non perficietis: hoc est, bonum quod ratio suadet, mali cupiditas ne destruat. Qui enim sunt Christi, carnem suam crucifixerunt cum vitiis & concupiscentiis. Quos ergo concupiscentia superat, & quibus caro dominatur, hi non sunt Christi. Neque enim fieri potest,

ut ali-

ut aliquis & seruus Christi sit, & vitiorum mancipiū. Si spiri tu, inquit, viuimus, spiritu & ambulemus. Qui fit autem iste spiritus, quo viuimus, declarat saluator in euangelio, dicens: Verba quæ ego locutus sum vobis, spiritus & vita sunt: Caro non prodest quicquam. Domini igitur nostri præcepta spiritus & vita sunt, ea obseruando viuemus, carni autem quæ non prodest, consentiendo mori necesse est. Caro enim absque spiritu viuere non potest. Tunc autem absque spiritu est, cū à mandatis diuinis se auertens propriam sequitur voluntatem, & peccandum more præsentia appetit, futura non considerat, visibilia amore capitur, inuisibilia contemnit, neque quod ratio discernit, sed quod appetitio suggerit, sequitur. De qua carnis violentia conqueritur Dauid, & ait: Miser factus sum, & curuatus sum vsque in finem tota die contristatus ingrediebar, quoniam lumbi mei impleti sunt illusionibus & non est sanitas in carne mea, Et Apostolus: Condelector (inquit) legi dei secundum interiorem hominem, video autem aliam legem in membris meis repugnantem legi mentis meæ & captiuam me in lege peccati, quæ est in membris meis. Infelix ego homo quis me liberabit de corpore mortis huius: Gratia dei per Iesum Christum dominum nostrū. Igitur ego ipse mente seruo legi dei, carne autem legi peccati. Quæris quare contrariæ inter se volūtatis sint spiritus & caro? quia caro ex Adam qui peccauit, propagata est, animam verò & spiritum non ab Adam, sed à deo accipimus. Idcirco spiritus expetit ea quæ deo placent, caro autem magis illa concupiscit, quæ ipsam delectant & ad peccandum est prona, quia traducitur de peccato tanta quæ eius vis est aduersus spiritum, ut lu stanti repugnare spiritus ipse per se non sufficeret, nisi virtus diuina quæ illum creat & creando infundit, & infusum conseruat, etiam periclitantem adiuuaret. Quis me liberabit, inquit Apostolus, de corpore mor-

Iob. 6.

Psal. 37.

Roma. 7.

Queritur  
quare caro  
aduersetur  
spiritui.

Q tis

tis huius hoc est, de corpore in quo primi parentes nostri cum non obedissent deo, mortui sunt, respondet & ait, Gratia dei per Iesum Christum. Nos igitur in Christum credentes, à carnis violentia non nostræ vires, sed diuina liberat gratia. Quamuis autem ab Adæ maledictione tunc absoluiamur, cum in Christo per baptismum regeneramur, manet tamen in nobis fomes peccati, ut hi qui Christi sunt in certamine sue carnis probentur, & qui vicerint eo ascendant, ubi æternæ pacis ineffabili bono perfruantur. Hæc tanta ergo proposita mercede constanter pugnemus, & omnes perniciose cupidinis istus perseveranti conseruanda innocentie studio fristemus. Quod si & à bestiis & ab hominibus & ab omni proferus periculo nos defendimus ac tuemur, ne vitam istam breuissimam ac miseriam plenam amittamus, quanto acrius improbis presentium voluptatū appetitionibus resistentum est pro vita illa felicissima & immortalī quā talium appetitionum victoribus in mercedem tribui certissimum est.

## De remediis contra carnis tentamen- ta. Cap. 21.

Cant. 2.

**E**T quoniam malum illud quod caro suggerit, cogitatio concipit, cogitatio ipsa quamprimum cohibenda est, ne pariat quod conceperit. Vipereum intra te foetum ne finas crescere. Solet adultus venena effundere, & animam hominis enecare. Protinus abige pestiferam cogitationem dum paruula est. Dum paru virium habet, non difficulter opprimitur, sponso in canticis dicente: Capite nobis vulpes pusillas, exterminantes vineas, & vineæ nostræ florēbunt. Cum enim vitiosa extinguitur cogitatio, animus ad prosequendū virtutum propositum vegetatur, & saluberrimis vitæ fructibus exhuberat. Cæterum si malarum cogitationum insultus

insultus non ita crebros, neque ita vehementes pati desideras, claudere fenestras sensuum tuorum, per quas mors ad animam ingredi consuevit. Auerte oculos ne videant vanitatem. Sepi aures tuas spinis, & linguam nequam noli audire. Pone ori tuo frenos, ne in verbo labaris, neque gulæ aliquid ultra necessitate indulgeas. Naribus odorem luxuriæ subtrahere. Manus contine, ne quem iniuste offendas, neque quid impudicè tangas, denique modis omnibus observa & caue, ne extranei portas Hierusalem ingrediantur, id est, animæ tuæ domicilium. Et si ingressi fuerint, cura ut expellantur: neque malignos cogitatus ibi remorari finas, ubi cum inualuerint, perniciem generant. Veruntamen sæpe fit, ut ipsi cogitatus etiam inuitis nobis ingerant se se, & suapte, ut ab iis quæ iusta atque honesta sunt, auertere: animus nostrum tentent, ac quemadmodum paralyticus ille in euangelio, qui portabatur, non poterat præ turba offerri saluatori ut curaretur, ita nobis cogitationum quandoque officere solet congeries, ut non quod volumus, sed quod nolumus, animo volumus: tunc inter orandum quid lingua loquatur, mens non attendit, & cum corpore in ecclesia simus, animo foris per diuersa vagamur. Huic ingruenti turbæ totis viribus reniti decet, & non cedere, neque si mali quicquam suaserint consentire. Quod ut succedat, eorum industriam, qui paralyticum gerebāt, imitari oportet. Illi testis domus in qua Christus erat, patefacto, ægrotum coram Iesu submiserunt, & morbo receperunt liberatum. Nos quoque abiecta terrenarum rerum cura, culmen cœlestis contemplationis incendamus, & per ea quæ creata sunt, menta ingressi, inueniemus creatorem: & cum inuenerimus, ei nos reuerenter submittamus, ut quod a' titudo meditandi contulerit, humilitas deiiciendi sese conseruet, & mens iam sanata gaudeat se iam obstantis turbæ impedimentum non sentire. Quāto minus mortalia curabim⁹,

Marci. 2.

Q ij

tanto

Matth. 5.

tanto etiam minus cogitationum secularium stimulis inquietabimur. Quisquis autem ab his crebro ac frequenter sollicitatur, reor quod nondum ut debet, seculo renuncianerit, sed aratrum tenens adhuc post tergum respiciat, si non respiceret, non iam præterita neque præsentia, sed futura cogitaret. Abscindamus igitur & proiciamus procul à nobis membra scandalizantia, nulliusque rei afficiamur studio, quæ propositum vitæ sanctioris turbet, & charitatis ardorem, quæ deo debemus, restinguat. Si oculus dexter scandalizat te, erue eum; si manus dextra, abscinde illam. Membra ista carnales affectiones sunt, quibus quidem si dextræ fuerint, non illicitè utimur, veruntamen si à spiritali contemplatione vel actione auocent atque interpellent, repelli debent. Quæ enim propter se licita sunt, si vna cum illis meliora periclitantur, illicita erunt. Quod si ea etiam quæ dextra sunt, quoties impediunt, abscindi iubeantur, quanto magis illa quæ sinistra sunt, id est, quæ mala sunt, declinare ac fugere debemus, & eisdem neque oculum intendere, neque manum porrigere, ut neque cogitemus aliquid prauum ac detestabile, neque faciamus. Restat igitur ut & malis præferantur bona, & bonis meliora si ad summum bonum volumus peruenire. Cum præterea continentiam semper oppugnet lasciuia, & liberalitatem auaritia, & humilitatem ambitio, & breuiter probitatem nequitia, assiduum nobis cum vitiis bellum est. Nunquam igitur quiescamus, sed per repugnemus. Quodiu repugnamus, vincimus: quoties autem quiescimus, non quiescente aduersario, superamur: irruentibus malis dissipantur bona, nihilque homini illi relinquitur, qui carnis cupiditatibus ultro se subiicit, euenitque ei quod dictum est per prophetam: Residuum erucæ comedit locusta, residuum locustæ comedit bruchus, residuum bruci comedit rubigo, aut quid boni in illo remanere poterit, cui vitia dominantur?

Strenuis

Iohel. 1.

Iohel. 1.

Strenuis autem et accinctis, affidueque contra impro-  
 ba voluptatis illecebras luctantibus tuta sunt omnia.  
 Neque enim superseminatur zizania in medio triti-  
 ci, nisi cum otio dediti dormimus, & à custodia bonæ  
 frugis cessamus. Atque ideo sanè vigilare & orare nos  
 iubet dominus, ne temptationibus succumbamus, hoc est,  
 diligentes esse & intentos, & sollicitos, ne per desidiam  
 spiritus caro, quæ ancilla esse debet, dominari incipiat,  
 & præualere permittatur Madian aduersus Israël, is vi-  
 delicet qui se cultui dedicauit diuino, subuerti si natu-  
 ra nequitia.

## De reparatione lapsi.

Cap.

22.

**C**Aeterum, si quando victi superati que fuerimus,  
 ad poenitentiae remedia conuertamur, nec despe-  
 remus aduersus victores victoriam, si ab iis qui-  
 bus manum dedimus, deficere voluerimus atque ad il-  
 la transfugere, quæ insipienter dereliquimus. Tunc é-  
 nim speciosa deserti, quæ peccatorum ignis absumpsit  
 rat, rursus germinare & bonorum operum fructu abũ-  
 dare cernemus. Ciuitas à rege magno obsessa (vt Eccle-  
 siastes ait) à paupere viro, sed sapiente liberatur. Quis  
 autem pauperior illo qui vitiiis seruit? quis sapientior  
 quàm qui ab iis dum licet fugit, & ad studium se con-  
 fert virtutum? sed ne rursus in eodem luto more por-  
 corum relabamur, non otiose neque segnitè est agen-  
 dum. Nam sicut per negligentiam victi fuimus, ita per  
 sedulitatem curamque certandi vincemus. Cuius rei  
 nequaquam ignarus Apostolus admonet, & ait: State  
 succincti lumbos in veritate, & induite lorica[m] iusti-  
 tiæ, & calceati pedes in præparationem euangelij pa-  
 cis, in omnibus sumentes scutum fidei, in quo possitis  
 omnia tela maligni ignea extinguere, & galeam salu-  
 tis

Eccle. 9.

Eph. 6.

Q. iij

tis

tis assumite, & gladium spiritus, quod est verbum dei per omnem orationem & obsecrationem, orantes omni tempore in spiritu, & in ipso vigilantes in omni instantia. Profecto qui armis istis contra carnis infestationes demonumque dolos munitus fuerit, sicut mons Sion non mouebitur in æternum. Erit veluti turris fortitudinis à facie inimici, & tanquam navis validis compacta trabibus, pertransiens mare istud magnum & spatiosum, nec fluctibus fracta, nec procellarum turbine subversa. Si quando tamen ingrauescere carnis pugna, spiritumque vehementius lacerare coeperit, caro ipsa tenuanda erit ieiunio, fatiganda laboribus, domanda vigiliis, oratio nunquam pernoctationibus quasi vinculis constringenda. Durum erit illi contra huiusmodi stimulos calcitrare. Lasciuienti iumento adde onus, & quietius incedet, subtrahere aduersario vires, & desinet esse molestus. Semper autem obstandum est principis. Inueterata enim difficilius corriguntur, nouella euelluntur facilius, euulsaque arescunt. Præterea & locum illum & hominem quantum potes declina, in quo vel delinquendi periculum, vel exercenda virtutis impedimentum times. O o o fugite, inquit dominus, de terra aquilonis, de terra utique in qua charitas friget, & abundat malitia, de terra in qua nihil agitur, nihil dicitur, nisi quod ad corporis pertinet voluptatem, & presentis luxuriæ irritamentum, & multorum scelerum innocentium. Raro tibi cum seculi amatoribus miscendus est sermo, quia colloquia mala corrumpunt bonos mores, rarius cum foeminis. Primam foeminam decepit diabolus, illa virum. Diaboli ergo laqueus est foemina. Quem diabolus per se non potest capere, per illam capit, fugiendo melius vitabis hoc periculum, quam resistendo.

Zach. 2.

Oratio

*Oratio contra tentationem carnis,  
& post victoriam actio gratiarum.*

Cap.

23.

**S**ed quoniam quocumque fugerimus, carnis nostrae  
lucta carere nequimus, in omni carnalium tenta-  
tionum discrimine, ad orationum subsidia fuge-  
re tutissimum erit. Ad dominum igitur supplices confu-  
giamus, quia dominus fortitudo plebis suae, & pro-  
tectō saluationum Christi sui est. Vim patiens loquatur  
spiritus & dicat: Eripe me de inimicis meis domine, ad  
te confugi, doce me facere voluntatem tuam, quia deus  
meus es tu. Ab homine iniquo & doloso erue me, ab ho-  
mine isto exteriori, qui interiorem hominem ad simi-  
litudinem tuam factum, inique & fraudulenter quare  
subuertere, per voluptatis illecebras, per concupiscen-  
tiae blandimenta trahere me nititur, vt peccem tibi &  
peream. Ab his ergo mei tuique aduersarij insidiis li-  
bera me. Esto mihi in deum protectorem, & in locum  
munitum, vt saluum me facias. Ventum domine vali-  
dum, quo in diuersum impellor, metuo, & ita inter fre-  
quentes vndas mergi incipiens, ad te clamo. Tu igitur mi-  
seratus dexteram tuam extende, & sicut Petrum cum  
fluctibus operiretur saluasti, ita me de perniciē carna-  
lis suggestionis ereptum tibi restitue, vt tuam potius vo-  
luntatem quam meam faciam. Nostra enim voluntas pe-  
dit nos, tua verò saluat semper. Fiat voluntas tua sicut  
in celo inter sanctos, ita & inter nos in terra, vt tuis pa-  
rendo mādatis, ad te in coelum ascendere, & non eis cō-  
traria operando in profundum demergi mereamur. Si  
sic oraueris, non frigide, sed ardentē non proterne, sed  
humiliter, tentationum constrictus angustia, exaudiet  
te dominus, & non dabit in commotionem pedem

Psal. 114.

Q. iiii tuum.



Pfal. 90.

Ibidem.

Pfal. 119.

Pfal. 18.

tuum, neque dormitabit, qui custodit te. Petite, inquit, & accipietis. Quid tu poscere pigritabis, cum idem dominus & rogari velit, & quod piè rogatur, promptè se daturum promittat: Si sicut decet supplicaueris, circumdabit te scuto veritas eius, non timebis à timore nocturno, à sagitta, volante in die, à negotio perambulante in tenebris, ab incurfu & demonio meridiano. Ipse enim dominus de illo qui fideliter orat, & constanter sperat, respondens ait: Quoniam in me sperauit, liberabo eum: protegam eum quoniam cognouit nomen meum: clamauit ad me, & ego exaudiam eum: in tribulatione eripiam eum, & glorificabo eum. Exauditus autem non solum carnis concupiscentias auertes atque fugabis, verum etiam virtutibus magis proficies. Testatur hoc propheta ad deum dicēs: In quacunque die inuocauero te, exaudi me, multiplicabis in anima mea virtutem. Omniaque difficultatem ab eo adiutus ipse idem superaturum se affirmat, cum ait: A te eripiar à tentatione, & in deo meo transgrediar murum. Ille ergo postulationibus tuis annuens, dicet: Et stabit spiritus procellae, ipse imperabit ventis & mari, & obedient ei, & turbulentos motus conuertet in tranquillitatem. Ille precantibus & periculum formidantibus, continuo aderit dicens: Ego sum, nolite timere. Tunc tu naufragio imminenti liberatus, gratias age liberatori, cuius opera factus es teipso fortior, atque aduersus lasciuiantes malorum cupidinum titillationes inuictus. Ad ipsum igitur mente cōuersus, dicas: Benedictus dominus deus qui non dedit nos in captionem dentibus eorū, hoc est in praedam voluptatum illecebris, delinimentisque vitiorum quibus tu impugnabare, vt domino tuo peccares, & coeli terraeque conditoris maiestatem offenderes. Ad hæc quoniam diuinis quoque disciplinis instructus vincere didicisti ne ingratitude arguaris, illud quandoque tecum repetas: Benedictus dominus deus meus, qui docet ma-

cet manus meas ad prelium, & digitos meos ad bellum. Misericordia mea & refugium meum, susceptor meus & liberator meus, in ipso speravi, qui subdit populum meum sub me, id est, qui carnem meam meo seruire spiritui compellit. Nisi enim ipse certare doceret, ipse protegeret, ipse liberaret, ipse aduersarios nostros nobis subiiceret, fragilitas nostra neque carnis passionibus preualere neque demonum laqueos euadere vnquam potuisset. Ingratus est igitur temptationum victor, qui deo acceptum non refert quod vicerit: & si laudem victoriae sibi arrogare non dubitet, victus est temeraria inanis gloria cupiditate, dumque se non lapsum fuisse gloriatur, labitur & delinquit. Vnde abhorrēs ab ista iactatione sanctus propheta Dauid, clamat: Non nobis domine non nobis, sed nomini tuo da gloriam. Si vicisti, humilitatem conserua, & ad dei tui miserationem refer, quod non succubueris. Quale autem victoriae huius meritum sit, audi: Saluator noster tentatus vicit, discessit ab eo diabolus, accesserant angeli & ministrabant ei. Quod praecessit in capite, cur non speremus euenturum in membris: quandoquidem quaecunque scripta sunt, ad nostram doctrinam scripta esse memorantur. Tentationum igitur victorem daemones timebunt, angeli comitabuntur & custodient. Veruntamen non semel aut pluries vicisse proderit, vsque in finem vitae producenda victoria est, vt tandem a domino mereamur audire: Vos estis qui permanistis mecum in temptationibus meis, & ego dispono vobis, sicut disposuit mihi pater meus regnum, vt edatis & bibatis super mensam meam in regno meo. Non est autem esca neque potus regnum dei. Edemus ergo & bibemus non corporalia, sed spiritalia alimenta, diuini conspectus perennē & nunquam defuturam dulcedinem, ineffabilisque claritatis gloriam, & haec quidem erit militiae nostrae merces, si modo victores & non victi de isto certaminis campo, in

Psalm. 115.

Luc. 22.

po, in quo nunc positi sumus, decesserimus.

## *Quòd oportet conformari Christo.*

Cap.

24.

Homili.

**A** Tque is demum & vitia calcabit, & virtute proficiet, qui quotidie Christi domini gesta confiderabit, & per eius vestigia ingrediens ipsi quam proximè accèdere contendet. Exemplum, inquit, dedi vobis, vt quemadmodum ego feci, ita & vos faciatis. Primum igitur in omnibus humilitatem seruemus. Hic enim qui dei filius erat, dignatus est fieri hominis filius, qui deus erat, factus est homo. In Bethlehẽ exiguò oppido nasci voluit, & quidem non in hominum, habitaculo, sed in pecudum stabulo: non in cunis colore diuerso picturatis auroque linitis, sed in præsepio ad præbenda iumentis pábula lentis viminibus contexto. Cumq; esset dominus omnium, à seruo voluit baptizari, ac de seipso dixit: Filius hominis venit non vt ministraretur ei, sed vt ministraret. Apostolus non de stirpe nobilium, sed piscatorum genere sibi adsciuit, & eis dem pedes lauit. Hierosolymam intraturus veterinum animal asinam ascendit: & cū pro salute mundi mori vellet, despiciatissimum mortis genus elegit crucem. Talia ergo nobiscum sæpenumero reuoluentes nec de stirpis claritate gloriemur, nec vulgaribus cõquari erubescamus, cum omnium vnus creator sit, atque vnus pater deus, omnium vna generis conditio, vna humanitatis natura, vna regenerationis gratia, cū denique nullum sit hominũ apud deum discrimen, præterquàm vitæ ac morum. Quanto autem se quisque magis humiliauerit, tãto magis merebitur exaltari. Ab eodẽ obedientiæ quoq; petamus exempla. Apparentibus quasi respondit: Quid est quod me quærebat? Nesciebatis quia in his quę patris mei sunt, oportet me esse: Hoc ideo

ideò, vt prius obedientiam præstemus deo, secundo autem loco parentibus obtemperemus, quibus & ipse se submiserat, teste euangelista, qui subiungens ait: Et descendit cum eis, & Venit Nazareth, & erat subditus illis. Veruntamen si quid iusserint parentes, quod legem offendit diuinam, deo potius pareas q̃ illis: vel si nõ offit legi, & tamen tibi ad obsequendum deo impedimento est, dimitte parètum imperium, & ad seruitium deo præstandum conuertere. Nõ est, inquit, me dignus, qui patrem aut matrem plus quàm me diligit. Ad obediendum deo inuitat cùm ait, Meus cibus est vt faciam voluntatem eius, qui misit me vt perficiam opus eius. Et iterum, Non quæro voluntatem meam, sed voluntatem eius qui misit me patris. & ad patrem, Non mea voluntas, inquit, sed tua fiat. Hinc discat monachus, se non esse suæ voluntatis, sed eorum qui præsumt monasterio, vt nõ quod ipse deliberat faciat, sed quod illi concesserint. A domino discamus & patiētiā, Odi Iudæorū æquo animo tulit, quos vnq̃ verbo omnes perdere poterat, ab his probra, maledicta, vincula, flagella, verbera, contumelias, alapas atque sputa sustinuit, ab his coronari spinis, clauis in cruce configi, felle & aceto potari, lancea confodi & occidi passus est. Quin etiam infidem qui sibi talia tam immaniter inferebant vt ignosceretur, patrem orauit. Si ipse iustus ab iniustis tanto ludibrio habitus, tam impiè dilaceratus, vindictam nõ appetiit, sed dimitti eis postulauit, cur tu peccator inimicis tuis irasceris, & ad vlciscendā iniuriā exardescis, cui nulla iniuste quæat irrogari, cū quotidie domino tuo pecces, nec tātum offensæ passus es, quantum delicta tua atq; peccata merebantur. Quoties ergo mali aliquid patimur, p̃tinus ad cōsistētiā scelestū nostrorū recurramus, & cū nõ immeritò id nobis accidere cognouerim⁹ patiētiā tolerem⁹, & dñi nostri exēplo p̃ inimicis etiā nostris orem⁹, p̃ malo reddētes bonū, p̃ iuriā beneficium.

Iactantia vi-  
tanda.

Lucæ. 8.

Iohan. 8.

beneficium. Sic nostra nobis remittentur peccata, & pa-  
tientia virtus præmio maiore compensabitur: & mala  
quæ passi sumus, in nostrum commodum cōuertentur.  
Sed eorū quoq; quæ benefacimus, iactantiam vitare à do-  
mino discamus. De monte descendens, mundato lepro-  
so iniunxit ne cui diceret. Cæcis etiam sanatis, Videte  
(inquit) ne quis sciat. Et cum plurimos vario morborū  
genere laborantes curasset, ne ipsum manifestum face-  
rent, præcepit. Cumque puellam mortuam ad vitam  
renocasset taceri iussit. Nōnulli ex discipulis adhuc ter-  
rena sapientes. Manifesta te inquiunt mundo. Ille au-  
tem ostendens quod non quæreret mundi gloriam, sed  
mundi salutem, dixit. Ego gloriam meam non quæro,  
est qui quærat & iudicet. Hic gloriam suam non quæ-  
siuit qui se vltro ignominia ab impiis perferenda ex-  
posuit. Ille tamen gloriam eius quæsiuit, qui cum illo  
erat. Glorificauit enim deus hominem quem assump-  
psit, à morte suscitando, in cœlum transferendo, quod  
semel assumpsit nunquam dimittendo, adorandum &  
angelis & hominibus proponendo. Iudicauit autem iu-  
dicio damnationis Iudæos incredulos, & gentiles in er-  
rore obstinatos, & fideles fidē operē destruentes. Quod  
ergo non quæsierit gloriam suam, ad humanitatem  
pertinet, quod autem quæsierit & iudicarit, ad diuini-  
tatem refertur. Quamuis enim humanitas & diuini-  
tas vna persona Christi sit, sæpe tamen & dicere ali-  
quid & facere illi placuit quod non erat vtrique natu-  
ræ commune, vt per ea quæ hominis sunt, hominem a-  
gnosceremus, & quæ dei, deum. Nam in Christo vel ho-  
minem sine deo vel deum sine homine confiteri, hære-  
ticorum impietas est. Cū igitur dixit se gloriam suā  
non quærere, nobis insinuauit, ne hominum plausus lau-  
dationesque venemur, sed in omnibus vt deus lau-  
detur curemus. Qui enim ab hominibus gloriā quæ-  
runt, gloriam veram ac stabilem, quæ à deo est, accipe-  
re

re non meretur. Ad hæc obseruanda paupertatis domi  
 ni exempla nobis abunde suggeruntur. De virgine pau  
 percula nasciturus, non habuit locum in diuersorio, e-  
 dicitur in stabulo, reclinatur in præsepio. Iam in ætate  
 adulta, nihil se habere confitetur, & ait, Vulpes foveas  
 habent, & volucres cœli nidos, filius autem hominis nõ  
 habet vbi caput reclinat. Et cum portorium exigere-  
 tur non fuit soluendo, donec piscis captus in ore di-  
 drachmam attulit, qua ipse satisfecit. Bestiis impera-  
 bat, & inter pauperes censeri volebat. Per domos alie-  
 nas discurrens hospitabatur, quia suam non habuit, mu-  
 lierum comitatum eleemosynis alebatur, in cruce nu-  
 dus pendit, mortuus etiam aliena inuolutus est syndo-  
 ne, alieno conditus sepulchro. Beatos vocat pauperes,  
 & apostolis ne quid ferrent in via, præcipit non virgā,  
 non peram, non panem. Prohibuit eis calceamenta, p-  
 hibuit duas tunicas, & nolite (inquit) solliciti esse quid  
 māducetis aut quid bibatis, aut quid induamini. Que-  
 rite primum regnum dei, & hæc omnia apponentur  
 vobis. Qui ergo propter Christum in terra pauper est,  
 cum Christo diues erit in cœlo. Gloria enim & diuitie  
 in domo eius. Victu quoque modico ac tenui, & qui cor-  
 pus tantum sustentet. Contentus erit qui Christū imi-  
 tabitur. Per dies quadraginta ille neque comedit, neq;  
 bibit, postea (vt euangelista ait) esuriit, & tunc quidem  
 diaboli maligna tentamenta vicisse describitur, vt no-  
 scamus ieiunio & esuritione opus esse, si carnis illece-  
 bras dæmonūque captiones cupimus superare. Ante mē-  
 sam gratias agit, post mensam hymnum dicit, vt sem-  
 per deum laudemus, cuius donum est & cibus quo vesci-  
 mur, & vita qua viuimus. Panes hordeaceos habebat cū  
 pauit turbam, aquam ad bibendum à Samaritana mu-  
 liere petiit, ne rudes fastidiamus cibos, neque vina de-  
 licatiora exquiramus. Carnem nisi in paschate non co-  
 medit, minutis pisciculis vsus est. Erubescant, qui pau-  
 pertatem

Matth. 8.

Matt. 17.

Lucæ. 9.

Mat. 6.

Parsumonia

Mat. 4.

Mat. 26.

Iohan. 6.

Iohan. 4.

Charitas.

Ioan. 10.

Ioan. 15.

Prædicatio.

perstatem professi, diuitum dapibus delectantur. Ne autem vilia contemnamus alimenta, fel & acetum in cruce positis gustauit, denique beatos dicit esse esurientes, quoniam saturabuntur, & ecôtrario: Væ vobis inquit, qui saturati estis, quia esurietis. Nunc tandem ad charitatis conuertamur documēta: Pro hominū salute de cœlo in terrā descendit, deus homo factus est, labores, vigilias, supplicia pro nobis tolerauit, p nobis mortuus est, pro nobis ad inferos descēdit, pro nobis resurrexit, pro nobis in cœlum ascendit. Postremò nihil vel dixit vel fecit quod non ep spectaret, vt æternā nobis donaretur beatitudo, Matthæum de publicano Apostolum, Petrum de negatore cœlestis regni clauicularium, Paulum de persecutore fidei fecit propugnatorem, mulieri peccatrici peccata dimisit, & non veni (inquit) vocare iustos sed peccatores ad pœnitentiam. Denique pastor bonus animam suam posuit pro ouibus suis: & quos dilexit vique in finem dilexit eos. Quia nihil prodest diu diligere, nisi semper diligas. Et sicut (inquit) dilexit me pater ita dilexi vos. Et qui diligit me, diligetur à patre meo. Tunc autem & Christum diligim⁹, & à deo patre diligimur, cum ipsum quem peccando offendimus, pœnitendo placamus. Porro cum etiam inimicis nos benefacere benèq; optare iuberet, hoc prior ipse præstitit, illis à quibus conuitia, vincula, flagella, colaphos, verbera, spinas, clauos, fel atque acetum iniquè passus fuerat, ignosci postulans, & sœuitiam illorū sui ignorance excusans, vt postea cognita veritate locum haberent pœnitentiæ & non perirent. Non est itaque Christi discipulus qui bonum pro malo nescit reddere, & pro inimicis quoque suis Deum deprecari. Eiusdem domini exemplo discamus, non nostrā tamē saluti, sed etiam aliorum prospicere, vitæ disciplinis eos imbuendo, & exhortationibus piis vt ad virtutis viam dirigantur sollicitando. Circuibat ille totam Iudæam,

deam, totam Galilæam, per castella & vicos, docens igna-  
 ros, & verbo curas ægrotos vt corpore simul & animo,  
 saluos redderet. Præcepta dedit discipulis in monte in-  
 planitie plebi, vt discas altiores myſteriorum ſenſus il-  
 lis qui magis capacis ingenij ſunt prædicare: ſimplices  
 verò ſimplicibus vitæ præceptis inſtruere, ac ne forte  
 prætiij alicuius gratia id agas, ſed affectu ſalutis eorum,  
 quos doces. gratis accepiftis (inquit) gratis date. Accipe-  
 re tamen ab offerentibus quântum victui neceſſario ſa-  
 tis fit, ſi indigneris, ne nefas putares ait: Dign<sup>o</sup> eſt opera-  
 rius mercede ſua. Mercede videlicet quæ inopiæ ſuccur-  
 rat non quæ luxuriam paret. Porro ſicut ipſe docuerat,  
 ita diſcipulis ſuis prædicationis officium impoſuit di-  
 cens. Eantes docete omnes gentes ſeruare omnia quæ-  
 cunque mandauì vobis. Optimi itaque Chriſti imita-  
 tores illi ſunt, qui faciendis ad populum bene beateq;  
 viuendi ſermonibus operam impendunt, & quod alios  
 docent, ipſi præſtant: ne bonum quod verbo ædificant,  
 morum diſſimilitudine deſtruant. Cælebs præterea &  
 caſtus fit oportet Chriſti diſcipulus, virgo eſt, & de vir-  
 gine genitus & à virgine baptizatus, quem ſequeris vt  
 quæ ſcias quanti ſit apud ipſum virginitas de Iohanne  
 Apoſtolo quia virgo erat, in euangelio dicitur: Diſcipu-  
 lus ille quem diligebat Ieſus. Nam licet Ieſus etiam re-  
 liquos omnes diligeret, de nullo tamen ſic eſt expreſ-  
 ſum, ſicut de iſto quem mentis corporisq; puritas cõ-  
 mendabat. Hic ſolus in ſine Chriſti cunctis ad menſam  
 ſedentibus recubuit, quia ſolus fortasſe intemeratæ vir-  
 ginitatis laude illi proximior erat. Præcellit autem  
 virginitas viduati & viduitas matrimonio. Quando-  
 quidem euangelici ſeminis centeſimus fructus aſcribi-  
 tur virginitati, ſexageſimus viduitati, triceſimus ma-  
 trimonio, in Apocalyp. etiam illi qui ſequentur agnũ  
 quocunque ierit, & canticum nulli alij cantabile  
 ſoncinnunt, virgines eſſe memorantur. Porro, ipſæ  
 Salua-

Mat. 10.

Ibidem

Matt. 8.

Caſtitas.

Matt. 12.

Apoc. 14.



Mat. 14.

Saluator vt monstraret, præcipue castis deberi regni dei. Sunt eunuchi inquit, qui se castrauerunt propter regnum coelorum, hoc est, qui nubendi libertatem in propositum verterunt castitatis quo prius expeditiusque deo seruirent, & cum angelis in coelo socij essent, qui angelicam vitam in terra vixissent, de quibus est dictum, neque nubent neque nubentur, sed erunt sicut angeli dei in coelis. In eo quoque dominus continentia seruus suis videtur imperasse, quod apostolis præcepit, vt lumbos præcinctos haberent. In lumbis quippe generandi semina sunt, qui autem in carne seminat, de carne

Marc. 22.

Lucæ. 12.

& metet corruptionem: sed qui seminat in spiritu, de spiritu & metet benedictionem. Preces etiam qualiter deo sint offerendæ, nobis documento est dominus noster. Orandi enim rationem, quam verbis monstrauit, opere perfecit. Orare iubet in abscondito, & ab illis quæ impedire possent separato loco, vt mens tunc magis intenta esset coelestium contemplationi cum ipsum coeli terræque regem lingua serui alloqueretur. Ideo saluator quoque noster dimissa turba montem ascendens solus orauit, & iterum, Sedete hic, inquit, donec uadam illuc & orem. In monte autem orauit vt orando

Oratio.

Mat. 15.

Marc. 22.

Mat. 26.

Ibidem.

postulemus non terrena quæ in imo sunt, sed quæ in alto-coelestia. Quod verò etiam in villa Gethsemani orasse dicitur, docemur inter orandum seruandam esse humilitatem, atque ideò & positis genibus orasse, & ad orandum in faciem procubuisse. Quod præterea patrem precatus, ait: Non sicut ego volo fiat, sed sicut tu: significauit vt in omni postulatione nostræ voluntati præferamus dei voluntatem. Tertio autem eundem sermonem orauit, ne tibi cessandum putes, si tam propere quam velles non fueris exauditus. Ad hæc in Marco scriptum est, quod valde diluculo surgens abiit in desertum locum, & ibi orabat: Et in Luca, quod noctibus exiens in monte Oliueti morabatur, quodque perno-

Marc. 14.

Idem. 1.

Lucæ. 6.

staba

stabat in oratione. In quo quidem & tempora & loca orationi magis accommoda nobis requirenda esse innuit, vt autem perseuerantius oremus, factus in agonia Idem. 22.  
prolixius orauit. Sublatis quoque in cœlum oculis oras Iohan. 11.  
se traditur, vt & tu dum oras, mentis oculos ad deum cui supplicas, intendas & non alio verba, alio cogitationes ire sinas. Parum efficax est lubricæ vagæque mētis oratio, & non illuc intentæ vbi vult exaudiri. Ac ne singula perquirere nimis prolixum sit, omnium virtutum, omnisque sanctitatis cum præceptum tum exemplum, à saluatore nostro ac domino, & tutius petitur & iucundius consideratur. Christus enim quia veritas est, non errat, quia bonitas est, non fallit, quia sapientia est nouit omnia, quia virtus dei est, potest omnia, quia denique saluatio populi sui est, quicquid egit, quicquid dixit, ad omnium spectat salutem. Seruiamus igitur illi in sanctitate & iustitia omnibus diebus nostris, memores beneficiorum suorum, atque assidue nobiscum recolentes ea quæ non solum verbis docuit, sed etiam re atque opere probauit, vt his instructi eidem quantum fieri potest similes effici curemus, & cuius virtutes imitati fuerimus, eius beatitatis atque gloriæ participes esse mereamur.

Omniū virtutū exēplū vn° Christi°

## De consortio fugiendo.

### Cap.

25.

**C**onferet plurimum ad vitæ sanctioris cultū, nosse quorum consuetudine vti debeas, quorum nō debeas: cum quibus conuiuere, colloqui, conuersari, quos declinare ac fugere oportet. Relinquendi sūt, quorum tibi nota fuerit peruersæ mentis pertinacia, id est, qui vel errorem suum deposituri non videntur, vel à scelere in quo perseuerant, recessuri. Nocuit Israëlitis populo habitasse cum Aegyptiis. Inde enim Moy

R

se du-

se duce egressi ritu eorum viuere volebant, crapulari, ludere, diis gentilium sacrificare, atque hæc causa fuit, vt posteri quoque eorum toties inimici subiecti seruirent. Rectè itaque dicitur: Filij abominationum sunt filij peccatorum, & qui conuersantur secus domos impiorum. Contagione quippe trahitur vitium, si conuersaris cū vitioso, ac veluti pestilentia morbos afflatu tactuque ægrotantis inficere solet sanos, ita infidelium familiaritas plerunque fideli viro perniciem parit. Idcirco per os Ieremiæ elamat nobis dominus: Fugite de medio Babylonis, vt saluet vnusquisque animam suā. Et per os Osee. Nolite ingredi in Galgala, & non ascenderitis in Bathauem, loca videlicet prophana idolorūque polluta culturis atque immunda. Saluator etiam noster & dominus: In viam gentium, inquit, ne abieritis & cauete à fermento pharisæorum. Hoc idem admonet & hortatur Paulus Apostolus, dicens: Nolite iugū ducere cum infidelibus: quæ enim participatio iustitiæ cum iniquitate, aut quæ societas luci ad tenebras? quæ autem conuentio Christi ad Belial? aut quæ pars fideli cum infideli? quis autem conuentus templo dei cum idolis? Vos enim estis templum dei viui. Et ad Titum scribens, ait: Hæreticum hominem post vnā & secundam correptionem deuita, sciens quia subuersus est qui eiusmodi est, & delinquit, cum sit proprio iudicio condemnatus. Eiusdem sententiæ est, quia & eiusdem spiritus Iohannes Apostolus, cum ait: Si quis venit, ad vos, & hanc doctrinam non affert, nolite recipere eum in domum nec aue ei dixeritis, qui enim dicit illi aue, communicat operibus eius malignis. Quod si salutare quoque illos quibus nulla debetur salus, nefarium sit, quātomagis in consortium recipere? Cauenda est igitur infidelium hominum cōuersatio, maxime eorum qui ita a uersi sunt, vt nulla supersit spes futuræ illorum cōuersionis & hoc Apostolorum ipsorum exemplo, qui cum

vidis-

Eccle. 41.

Iere. 92.

Osee. 4.

Matt. 16.

2. Cor. 6.

Tit. 3.

2. Ioan. 1.

vidissent incredulos Iudæos Christum nolle recipere, ab eis discedentes aliis euangelizare dei verbum cœpere. Itaque ne perfectis quidem conuenit ad obstinatos accessio, cum ne in docendo operam perdant, tum ne molliter blandēque alloquendo fauere illorum errori videantur. Non minus declinandi sunt, qui in flagitiis obduruerunt. Peccantem (inquit dominus) corripe inter te & ipsum, si te nō audierit, adhibe alium, si neque illum audierit, dic ecclesiæ, si neque ecclesiā audierit, sit tibi sicut ethnicus & publicanus. Pro infideli ergo habeatur, quem peccasse omnino non pœnitet quique nulla correptione ad emendandum flectitur. Quod si cū tali conuersari te delectauerit, mores quoque diligere incipias necesse est. Alioqui ipsa vitę diuersitas citò vestram dirimet societatem : & vbi dissimilis intercefferit voluntas, conuictus concors esse non poterit. In Prouerbiis dicitur: Noli esse amicus homini iracundo, neque ambules cum viro furioso, ne fortè discas semitas eius, & sumas scandalum animæ tuæ. Nō hoc præcipitur, ne benè illi optes, & si poteris, facias, sed ne illo familiariter vtaris. Iracūdus enim is est, qui facile ac leuissima de causa irascitur. Est aut̃ difficile sē per irascenti atque insultanti non aliquando irasci, & contra furentem non indignari, & ex indignatione nō peccare. Ita superbo etiam si comes fueris, arrogans elatusque euades, testatur hoc Ecclesiastic⁹, dicēs: Qui tetigerit piscem, inquinabitur ab ea: & qui communicauerit superbo, induet superbiam. Cum enim hominis ingeniū ad vitia magis quàm ad virtutes procliuē sit, magis verendum est, ne vir bonus malo adhærens corrumpatur, quàm sperandum vt malus æmulatione boni mores emendet. Quamobrem Apostolus diuersis vitis inquinatos in vnum colligens, ait. Si is qui frater nominatur inter vos, est fornicator, aut avarus, aut idolis seruiens, aut maledicus, aut ebriosus, aut rapax, cum

Mat. 18.

Prouer. 20.

Eccl. 13.

1. Cor. 5.

R ij

huius

huiusmodi nec cibum quidem sumite. Sciebat enim quia iuxta fornicationem periclitetur castitas, iuxta auarum liberalitas, iuxta idololatram religio, iuxta maledicum patientia, iuxta ebriosum temperantia, iuxta rapacem alieni abstinentia, & non esse tutum probo viro cum iniquis commorari. Ingemiscit Isaias & angitur animo vehementer, quod habitaret in medio populi labia polluta habentis, & quæ ex eo labia sua polluisse confitetur atque foedasse. Et si sanctus propheta viuendo inter iniquos detrimentum sentit, quis est tantæ constantiæ, vt cum flagitiosis conuersando lapsus non timeat? Vis nosse quia scelestis & prophanis hominibus iungi displiceat ipsi deo. Iosaphat regis Iudæ naues tempestate fractæ sunt, deo indignante, quod in sortem earum admisisset Ochoziam impiissimum Samariæ regem. Id quidem hac ipsa de causa Eliezer filius Dodan de Maressa prædixerat futurum. Iterum requisitus Iosaphat noluit iungi illi, satis damno suo edoctus viride lignum arido applicatum simul comburi solere, & temerarium esse rursum committere, quod iam apertè intellexerat deo non placere. Magi Christum natum pie quærentes cum fortè ad Herodem diuertissent, syderei luminis ducatum amiserunt, & tenebras patiuntur quàm diu cum illo teterrimæ mentis homine manent. Faceat igitur pessimus quisque à confortio tuo, ne cum illo manendo inquineris, ne illū frustra docendo operam perdas, ne illi adhærendo deum offendas. Mulierum conuersatio & castitatem professis est vitanda, dicente in Prouerbijs Salomone. Lōge fac ab ea viā tuam, & ne appropinques foribus domus eius. Quod si multi aspectu illius, multi colloquio semel inito, multi ipsa visæ formæ cogitatione irretiti sunt, nōne maius periculum imminet, vbi propius affidetur, frequentius verba miscentur vbi ridetur, vbi crebra congressio mutæ quoque tactionis fecit licentiam? de hoc

Isai. 6.

3. Para. 20.

2. Reg. vi.

Mat. 2.

Prouer. 5.

hoc plenius suo loco differemus, restat videndum cū ab his discesserimus, ad quos accedere, cum quibus nos frequentes esse nobis proderit.

## *De consortio habendo.*

Cap.

26.

**S**i fortē ille quo die familiariter vsus es, à via virtutis declinauit, retrorsum abiit, & sæpe admonitus redire noluerit, dimitte eum, & membrum quod te scandalizat, abscide atque à te proiice: melius enim tibi est sine illo ingredi regnum dei, quàm cū illo mitti in gehennam. Dimitte igitur mortuos sepelire mortuos suos, tu **C H R I S T V M** qui vita est sequere, & viuas & æternæ mortis expers efficiare. Quod si adhuc illi se vltro ingerunt tibi, tu auersus cum Psalms ista exclama: Discedite à me omnes qui operamini iniquitatem, declinate à me maligni, & scrutabor mandata dei mei. Nisi enim à turba hominum semoti fuerimus, libere deum contemplari nequimus, quanto magis impedimento erunt iniqui, si ab iis non fugerimus. Quorum consuetudini idem propheta se penitus renūciasse gloriatur, cum ait: Non sedi cum concilio vanitatis, & cum iniqua gerentibus non introibo, odiui ecclesiam malignantium, & cum impiis non sedabo. Ita ergo hominibus vtendum est, vt pomis, donec recentia & integra permanent, grata sunt, & gustui seruantur, cum autem corrupta & Marcida fuerint, proiiciuntur. quia neque gustum delectare queunt, neque odoratum. Propheta igitur malorum consortio refutato, quos adiuturus, cum quibus concessurus sit, continuò declarat dicens: Lauabo inter innocentes manus meas, & circumdabo altare tuum domine. Quid est illud, nisi quod idē praecepit & ait: Cum sancto sanctus eris, & cum inno-

Psal. 6.

Psal. 118.

Psal. 27.

Psal. 17.

R iij      cente

Mat. 10.

Matt. 18.

cente innocēs eris, & cū electo electus eris, & cū peruer-  
so peruerteris. Inter innocentes autem manus lauare,  
est eos imitando iustitiæ operationibus exerceri. Alta-  
re autem domini circumdat, qui sacramenta eius alta-  
mēte contemplatūr, & celestium meditationum frui-  
tur iucunditate. Sed nisi cum magis discedere curaue-  
ris ab Herode, & illos comitari, illis adherere studue-  
ris, quorum vitæ splendor & sanctimonix claritudo  
tibi dux esse poterit vsque ad Christum, neque manus  
dignè lauare, neque altare domini cōmodè poteris am-  
plecti, audi ipsum ad discipulos dicentem, In quamcū-  
que ciuitatem aut castellum intraueritis, interrogate  
quis in ea dignus sit, & ibi manete donec exeatis. Deni-  
gratur enim boni viri fama hospitio infami, honesto  
autem & pudico commendabilis redditur, & quali quis  
que consortio gaudet, talis esse & ipse iudicatur. Opti-  
morum similitudo morum Ionathan iunxerat Dauidi,  
Elizeum Eliæ, Paulum Petro, reliquos etiam apostolos  
innocentia inter se animique simplicitas copulauerat.  
Solutus cum illis nequiuisset permanere sacrilegus Iudas,  
quia eum quem illi amabant, ipse vendidit, & hic qui-  
dem de grege domini egressus faucibus incidit lupi, ac  
periit. Ipsos verò concors inter se erga dominum affe-  
ctus saluauit, Quibus ille in euangelio ait: Si duo ex vo-  
bis consenserint super terram, de omni re quancunque  
petierint, fiet illis à patre meo, qui in cœlis est. Vbi au-  
tem sunt duo vel tres congregati in nomine meo, ibi sū  
in medio eorū. Porro illi in nomine Christi congrega-  
ti sunt, qui pari mente atque animo Christo seruiunt,  
& piis orationum actionumque obsequiis deo famulan-  
tur. Optimi cuiusque lateri crebrò adhærēs, nunquam  
non addiscēs aliquid, vel dictum sapienter, vel factum  
prudenter, vel obseruatum sanctè. Adde quod neque p-  
cepta, neque exempla, quæ literis mandata legimus, ita  
mouent, vt sanctorum hominum viuæ vox, & præsens  
oris

teris aspectus, & vitę totius tenor oculis expositus ac manifestus. Miranda, siquidem plurimorum gesta audimus, nonnulla tamen, quia difficilia factu ardua que videntur, suspensio animo accipimus, vix fidem adhibentes relationi alienę, de his autem quę oculis intuemur, quę pręsentes inspicimus, dubitare non est, neque ambigere, aut cuius testimonio credemus, si nostro contenti non fuerimus. Cum igitur nihil certius esse possit, quod ipsi coram audiuimus, coramque spectauimus, nihil etiam magis ad capeſcendas virtutes nobis proderit, quàm semper, si fieri potest, cum sanctissimis viris & colloqui & conuersari. In illis enim cernendo nō dissimilia iis quę de aliis legimus, cum firmitus quę à scriptoribus tradita sunt, credemus, tum ardentius quę à nobis visa, cognitaque fuere, imitabimur, considerantes quàm munificus, quàm benignus dominus noster sit, qui mira quęque operandi confert gratiam credentibus in se ac sperantibus. Nisi enim ille bona cuncta suppedicaret, ad tantam sanctitatis perfectionem hominis imbecillitas nunquam peruenisset.

## *De paupertate colenda.*

### *Cap.*

27.

**S**ed gratiam istam accipere non merentur mundi diuitiarumque amatores. Vt igitur & sanctorum virorum consortio digni simus, & ipsos imitandi donetur nobis facultas, victu tantum necessario contenti, Christo seruiamus. Magni animi est caduca contemnere, & ea quę stabilia æternaque sunt sectari. Si Christi discipuli fieri cupimus, meminerimus quod non de diuitum turba sibi discipulos elegit dominus, sed de pauperum grege & egenorum. Petrus, Andreas, Iohannes, Iacobus, piscatione victum sibi querebant,

R. iiii

relictis



Actu.;

Isa. 39.  
Sopho.;

Matth. 8.  
Mat. 17.

relictis retibus & naui, secuti sunt Christum. Ex his  
postea Petrus cum Iohanne cuidam claudo eleemosy-  
nam petenti respondit: Aurum & argentum non est mi-  
hi, quod autē habeo hoc tibi do, in nomine Iesu Chri-  
sti surge & ambula. Quis diuitum talem eleemosynā  
dāre vnquam potuit, qualem tunc hi pauperuli de-  
dere, vt claudus qui baiulabatur, statim ambularet.  
Denique de ipsa Apostolorum inopia, quod euangelia  
testantur, olim in prophetis fuit prädicitum, vt illud  
plurimi faciendum scias, de quo neque noui scriptores,  
neque veteres tacuerunt. In Isaia legitur: Pauperes ho-  
mines in sancto Israēl exaltabunt, sanctificabunt sanctū  
Iacob & deum Israēl prädicabūt. In Sophonia ad Hie-  
rusalem loquitur dominus: Derelinquam in medio tui  
populum pauperem & egenum, & sperabunt in nomi-  
ne domini. Indecens enim ac valde incongruum foret,  
vt diuitias possiderent serui, & dominus edipso pau-  
pertatis angustis gauderet. Qui propterea quidem in  
terra paupertatem coluit, vt suo exemplo doceret, ter-  
rena contemnenda esse, & cōlestium tantummodo cu-  
ram habendam, nec fragilibus delectari oportere, sed  
aeternis. Nihil enim in terra habere voluit saluator no-  
ster, quod ipse fatetur, dicens: Non habet filius homi-  
nis vbi caput suum reclinet. Non habuit vnde vnus sta-  
teris tributum pro se & Petro solueret, & vt penuriā  
istam non necessitatis esse, sed voluntatis agnosceres, in  
ore piscis primum capti quærere statērem iussit, & an-  
nuntium exactoribus dari. Maluit pecuniam qua satisfa-  
ceret mirabiliter comparare, quam apud se repertam  
offerri. Poterat lapides in gemmas, in aurum ligna cō-  
uertere, qui de ore piscis fecit staterem repente adesse,  
& tamen semper alieno vsus est hospitio, semper obla-  
ta ab aliis stipe sustentatus est, nudus iacuit in sepelio, non  
d<sup>o</sup> pendit in cruce, atque is qui cōli terræq; erat do-  
minus, nec syndonem suam habuit, quā velaretur mor-  
tuus

tuus, nec suum quo conderetur sepulchrum. Quod si omnium dominus in tanta rerum egestate in hoc seculo viuere voluit, pudeant sacerdotes, erubescant episcopi, amplas sibi edes construere, cumulandis pecuniis operam impendere, vestibus pretiosis renitere, omnibus denique mundi deliciis diffuere, & se Christi seruos profiteri. Non tales elegit Christus, non talia precepit, nec talem semetipsum exhibuit.

## *De diuitiarum confidentia.*

### *Cap.*

### *23.*

**E**cclésiæ cura nobis commissæ est, inquiunt: vt ego ipsa ecclesiæ ab aduersariorum iniuria tuta sit necessarium est nos opibus viribusque pollere. Quasi verò infirmata sit dextra excelsi, & eam ecclesiæ quam labore pauperum fundauit & auxit, pæsidio pauperum tueri nequeat, seruare non possit? Dicant igitur cum populus Christianus multo grauioribus persecutiones pateretur, quam modo patitur, quia tunc antistiti eius diues erat: quis arma tractabat? quis vim viribus repellebat? Cædebantur quidem Christiani, sed Christi religio perire non poterat. Quinimò quanto magis infideles tyranni sæuiebant, tanto mirabilius credentium numerus augebatur. Creuit ergo Christi ecclesiæ, non diuitiis, non potentia hominum defensa, sed sola vt diuina protecta, & nunc seruari non poterit, nisi opulenti fuerint, nisi locupletes atque potentes extiterint, qui ei præsent: Quid est autem quod propheta clamat: Omnia ossa mea dicent: Domine, quis similis tibi, eripiens inopem de manu fortiorum, egenum & pauperem à diripientibus eum? Igitur non in pecunia, non in viribus potentiæ humanæ, sed in domino confidite. Quod si ei seruiendo perituras opes, vt debetis, contempseritis, iobus inimicis vestris fortiores eritis, illo qui oia potest, protegente ac tuente. Si vobis cura erit, continen-

*Psal. 34.*

tinentius viuere, mandata dei perficere, ecclesiæ opes  
 non in vestrum vsum conuertere, sed indigentibus di-  
 stribuere, aut defendet vos dominus ab infidelium vio-  
 lentia, aut non defendet, si defendet, tuti eritis, si non  
 defendet, p patientiâ martyrij à domino coronabimi-  
 ni, & ecclesia dei gloriosius edificabitur in cœlo, quàm  
 permanet in terris. Neque enim lapidei parietes isti,  
 vel prædia, vel vrbes vel prouinciæ, vel regna ecclesia  
 dei sunt, sed ipsa Christum credentium atque confitē-  
 tium congregatio, quæ cū de terra tollitur, in cœlum  
 transfertur, vt quæ inter mundi turbines fideliter mi-  
 litauit, iam supra mūdum secunda triumphet, & omni  
 terrena potestate sublimior dicat: Super inimicos me-  
 os despexit oculus meus, Sacerdotis arma, sanctæ ora-  
 tiones sunt, Vos itaque cum Mose & Aarone orate in  
 monte, & victu necessario contenti, cætera cedite ino-  
 pi, viduæ, pupillo, miserorum sepulturæ, captiuorum  
 redemptioni, oppressorum tutelæ, pietatis operibus, p  
 pugnatoribus quoque ac ducibus militiæ Christianæ,  
 vt comparatis plurium virib⁹ hostili impietati forti⁹  
 resistent: & illi quidem non in se, sed in deo confiden-  
 do, vestrisque precibus adiuti vincent. Quandiu his cō-  
 traria agitis, Ecclesiam quoque pati contraria ne-  
 cesse est. Quæ quoniam vobis commendata est, san-  
 guis eius de manibus vestris requiretur: quia non quo-  
 modo Christus, neque quomodo Apostoli pro illa sta-  
 tis, sed qualiter vestra vobis persuadet libido: non vt o-  
 portet viuendo, sed potius vt delectat. Latos agros, re-  
 gias domos, tyr iantinas vestes, auream argenteamque  
 supellectilem, phaleratos equos, venaticos canes, no-  
 biles seruos vultis possidere, non vt Christi discipulos  
 decet, sed terræ dominos & ea rerum copia, quæ nec ve-  
 teri, nec noua lege conceditur vobis, abundare. Nam cū  
 populus Israël ad terram promissionis translatus esset  
 per singulas tribus diuidendam, sacerdotali tribui est à  
 domino

Psal. 15.

Nume. 18.

domino dictum: In terra eorum nihil possidebitis, nec Mat. 19.  
 habebitis partem inter eos. Ego pars & hæreditas vestra  
 in medio filiorum Israël. Possessionem itaque non  
 sunt sortiti sacerdotes, sed tantum decimas ac primitias  
 quibus sustentarentur, & loca in quibus habitaret,  
 habebant. Nouis verò, id est, Christi discipulis, dicitur:  
 Nolite possidere aurum, neque argētum, neque pecuniam  
 in zonis vestris. & , Qui renuntiauerit omnibus Luc. 14.  
 quæ habet, nō potest esse me<sup>9</sup> discipulus. & , Qui vult ve  
 nire post me, abneget semetipsum, & sequatur me. & , Si  
 vis perfectus esse, vende omnia quæ habes, & da pauperibus,  
 & habebis thesaurum in celo, & veni sequere me,  
 nihil terrenum promittitur sacerdotibus, vt cœlestia  
 tantum affectent, de cœlestibus prædicent, & portionem  
 in celo consequantur, qui in terra dititias habere noluerunt.  
 Quare ergo ecclesiæ agri, villæ, vici, vrbes donatæ sunt, & sacerdotibus episcopis  
 que distributæ? Certè non vt in his ipsi luxuriarentur,  
 sed egenos pascant: non vt sibi nummos inde congregent,  
 sed vt inopum turbæ dispensent, vt miserorū necessitati  
 succurrant, & stipendia quoque militibus ministrent,  
 qui pro religione, pro fide, pro iustitia contra infideles  
 decertāt. Ecclesiæ igitur bona pauperū sūt, quorum  
 sacerdos non possessor, præter vitæ necessaria sed dispensator  
 est. Qui autem dispensat, fideliter dispenset, & audiat  
 Apostolum dicentem: Habentes alimenta & quibus tegamur,  
 his contenti simus, nam qui volunt diuites fieri, incidunt  
 in tentationem & in laqueū diaboli & desideria multa  
 inutilia & nociua, que mergunt homines in interitum  
 & in perditionem. Radix enim omnium malorum est  
 cupiditas, quam quidā appetentes errauerunt à fide,  
 & inseruerunt se doloribus multis. Tu autem o homo dei,  
 hæc fuge, ad Timotheū enim scribebat. Qui ergo talia  
 non fugiūt, sed augendi peculij cupidine ducuntur,  
 nō hoīes dei sunt, sed mammonē

Luc. 14.

Mat. 16.

Mat. 19.

1. Tim. 6.

mammonē

mammonæ serui. Homo dei est, qui cum Christo pauper est, vt in Christo diues sit.

*De diuitiarum malo, & paupertatis bono. Cap. 29.*

Prover. 30.

**V**idit & Salomon quantum periculi in diuitiis esset, & præcatus est deum, dicens: Mendicitatem & diuitias ne dederis mihi, tribue tantum victui meo necessaria, ne fortè satiatus illiciar ad negandum, & dicam, quis est dominus: aut egestate compulsus fuer, & periurem nomen domini mei. Sed quoniam supra modum locupletatus fuit, in id quod timebat incidit: Diuitiarum copia delinitus, voluptatibus seruauit, mulierum quas ad amiauerat, diis tēpla posuit. Et si vir aliqui sapiētissimus sic infaniuit, quis confidit continentem se fore, si diuitiis affluere sibi contigerit: Diuitiæ luxuriam pariunt, luxuria turpis, libidinis est mater, turpem autem libidinem dementia comitatur. Diues præterea ad inferendum iniuriam promptus est, ad tolerandam impatiens, inanis gloriæ cupidus, æqualibus inuidens, humiles despiciens, ac proinde aliorū famæ non facile parcens, opulentia ostentator, paupertatis irrisor, ad vitia audax, ad bonum animi tardus. Diuiti quoque multi inuident, plurimi insidiantur, & spoliis eius ditari cupiunt. Sed quamuis nemo infidietur, ille tamen metuit domi fures, foris latrones, & cibus illi pariter suspectus est & somnus: nec min⁹ interdum animi sollicitudinibus quam fortunis, abundat. Pauper verò vbique tutus est, vbique securus. Capta Hierosolyma Nabuchodonosor Chaldaeorum rex omnia transtulisse Babylonem dicitur, solos pauperes reliquisse ne ignores paupertatem etiam inter hostes quandoque manere illam, nec frustra esse dictum. Paupe-

res

4. Regū. 14.  
Jerem. 39.

Isa. 14.

res fiducia' iter requiescant. Idē submissius supplicant Eccl. 31.  
 efficacius exaudiuntur, iuxta illud: Deprecatio paupe- Psal. 68.  
 ris vsque ad aures perueniet, & illud in Psalmo, Exau-  
 diuit pauperes dominus, & victos suos non despexit.  
 Quorum autem exauditur oratio, iis pro breui inopia,  
 æterna tribuitur beatitudo, dicente domino: Beati pau-  
 peres spiritu, quoniam ipsorum est regnum cœlorum.  
 & Beati qui nunc esurietis, quoniam saturabimini, de  
 diuitibus verò econtrario est dictum, quod facilius trā-  
 sibat camelus per foramen acus, quàm diues ascendet  
 ad regnum cœlorum. Cui sententiæ & illud euangeli-  
 cum congruit, Esurientes impleuit bonis, & diuites di-  
 misit inanes. Quid enim illo homine magis vanum, di-  
 uitias, quas mox vita decedens relinquere cogitur, diu  
 se fruiturum sperauit: aut quid felicius illo, cui propter  
 renorum contemptu bona compensantur cœlestia? Ideo  
 piissimus Tobias filium consolabatur dicens: Noli ti-  
 mere fili mi, pauperem quidem vitā gerimus, sed multa  
 bona habebimus, si timuerimus deum, & recesserim-  
 us ab omni peccato, & fecerimus bene. Melius est igitur  
 (vt Psalmista ait) modicum iusto super diuitias pec-  
 catorum multas. Et Salomon in prouerbiis: Melius est  
 parum cū timore domini quàm thesauri magni & in-  
 satiabiles. Nam qui in humilitate sanctam colit pau-  
 pertatem, postea in paradysum translatus exaltatur in  
 gloria. Quoniam deus suscitāt à terra inopē, & de ster-  
 core erigit pauperem, vt collocet eum cum principi-  
 bus, cum principibus populi sui, hoc propheta in psal-  
 mo ait, quod in alio affirmat dicens, Iudicabit domi-  
 nus pauperes populi, & saluos faciet filios pauperū. Par-  
 cet (inquit) pauperi & inopi, & animas pauperum sal-  
 uas faciet. Et iterum alio loco, Pauper & inops lauda-  
 bunt nomen tuum, Ne cui tamen fraudi sit, de paupe-  
 re humili, iusto deumque timente ac spontaneo ista p-  
 dicantur, nō de illo qui inuitus indiget & indignatur,  
 & in-

Tob. 4.

Psal. 36.  
Prouer. 15.

Psal. 112.

Psal. 73.  
Psal. 23.

& intemperanter concupiscit, & ne inopia quidem oppressus humiliatur. Nec de illo qui pauper sub humilitatis pallio hypocrisis nutrit, vt quasi sanctus laudetur ab hominibus. Hic enim quanto plaris vulgi opinione estimabitur, tanto vilior coram deo contemptibiliorq; apparebit. Simulata sanctitas aurū adulterinū est, exterius quidem preciosum apparens, intus vilissimum existens, cum frangitur, tunc manifestum fit quale fuerit, & inter rudia æramenta despectum abiicitur. Qui verò nihil dolose, nihil fide agunt, sed libenti animo sua omnia relinquunt, vt pauperes pauperem sequantur Christum: hi apostolicæ beatitudinis atq; dignitatis consortes efficiuntur, & ab ipso domino simul audiunt: Amen dico vobis quod vos qui secuti estis me, in regeneratione cum sederit filius hominis in sede maiestatis suæ, sedebitis & vos super sedes duodecim, iudicantes duodecim tribus Israël: & omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meū, centuplum accipiet, & vitam æternam possidebit. Omnibus diuitiis præferenda paupertas, omni auro, omnibus gemmis preciosior, cui tanta ac talia promittuntur.

Matt. 19.

*Ne quis timeat necessaria sibi defutura* Cap. 30.

Astorū. s.

Matth. 6.

**V**Eruntamen ne quis Ananiæ & Sapphiræ vano abductus timore, ne sibi necessaria defint, si relictis omnibus Christum sequi voluerit, partemque reseruare in animo habuerit, audiat ipsum dicentem: Nolite solliciti esse dicentes, quid manducabimus, aut quid bibemus, aut quibus operiemur? Hæc enim omnia gentes inquirunt. Scit enim pater vester, quia his omnibus indigetis, quærite ergo primum regnum dei, & iustitiam eius, & hæc omnia adicientur vobis. Hoc vete-

veterum nouorumque nobis euenta confirmant. Israeliticus populus cum esuriret, māna de coelo nutritusest, cum sitiret, aquam de petra repente manantem bibit.

Agar cum puero eiecta in solitudine angeli inditione Agar.  
siti periret, aquam inuenit. Sampsoni sitienti de maxil Sampson.  
le asinæ molari aqua effluxit, Elias cum hominum sub- Elias.  
sidia non haberet, à coruis pascitur, & viduæ quæ se fi- Vidua.  
liosque suos defraudans panem propheta porrexerat,  
hydrīa farinæ non defecit, nec lecythus olei fuit immi-  
nutus. Idem propheta qui fuit Elias Thesbites, cum Ie- Elias.  
zabelem fugeret, & fame siti que fatigatus mori opta-  
ret, somno experrectus, reperit ad caput subcinericiū  
panem & vas aquæ, & refocillatus est. Idem viginti pa-  
nibus hordeaceis centum viros deo præstante satiauit,  
ita vt etiam superesset. Daniel morti addictus, & in la- Daniel.  
cu leonum conclusus allato mirabiliter prandio refici-  
tur, & inter ferocissimas bestias manet securus. Domi-  
nus noster Iesus Christus, sine quo factū est nihil, quin-  
que panibus & duobus pisciculis in deserto quinq; mi- Mat. 14.  
lia virorum exceptis mulieribus ac paruulis reddidit  
saturata, & reliquæ collectæ duodecim cophinos im-  
pleuerunt. Iterum pari miraculo quatuor milia homi-  
num præter paruulos & mulieres panibus tantum se-  
ptem memoratur satiasse, fecisseque vt satiatī septem  
fragmentorum sportæ superessent. Discipulos ergo in-  
ter nauigandum anxiosque panes ferre secum obliti es-  
sent, iusta correptione incessit, dicens: Quid cogita-  
tis inter vos modicæ fidei quia panes non habetis, nō-  
dum intelligitis neque recordamini quinque panum  
& quinque milium hominum, & quot cophinos  
sumpsistis? neque septem panum & quatuor milium  
hominum, & quot sportas sumpsistis? Vtque nobis  
constaret, nihil omnino quod necessarium sit, ser-  
uis C H R I S T I defuturum, alias ab eodem interro- Lucæ. 21.  
gati illi, cū ad prædicandum missi essent. sine  
sacculo,



sacculo, sine pera, sine calceamentis, an aliquid ipsis defuerit: responderunt, defuisse sibi nihil. Proinde experimento iam edocti, nec sitim, nec famem, nec nuditatem timebant, quia nihil habentes, quasi omnia possidebant num nullius rei egerent, & modico contenti essent, ut magna mererentur. Quod autem sequitur: Sed nunc qui habet sacculum, tollat similiter & peram: & qui non habet, vendat tunicam suam & emat gladium, non reor esse simpliciter præceptum, sed imminētis persecutionis causa denunciatum: per sacculum quippe ac peram, famis ac sitis futuræ malum innui: per gladium, patientia martyrij designari mihi videtur: Sacculus enim & pera victui seruit, gladio autem fidei ab impietate persecutorum defendimur. Porro per ea quæ superius dicta sunt, rerum querendarum sollicitudo tollitur, non otium imperatur. Quærite, inquit, primum regnum dei. Sed qui regnum dei querit, non solum cœlestium contemplationi, aut impartienda aliis doctrinæ vacat, sed etiam manibus operatur, partim alimenta sibi paret, partim ne desidiæ se dedat, & quiescente corpore, feruor quoque animi diuina successu tepefcat. Sic fecit Paulus, tantummodo sabbatis cum Iudæis disputans, cæteris diebus arte scœnofactoria se exercens. Quod si ad vitæ labor non suffecerit aliunde id quo indiges tibi adiicietur. Licet enim & ab iis accipere quos doces, quæ dignus est operarius cibo suo, & qui altari seruit, fas est ei viuere de altari, id est, de his quæ templo offeruntur, Omnis enim rerum vtendarum oblatio, pauperum census est, non eorum quibus sua satis sunt. Cum autem omnia defuerint, tunc demum manum suam porriget Deus, & qui mundo quoque seruiētes, alit: sibi seruiētibz deesse non poterit. Ideo respicite, inquit, volatilia cœli, quæ non serunt, neque metunt, neque congregant in horrea, & pater cœlestis pascit illa, nonne vos pluris estis illis? Deinde considerare nos iubet lilia agri quomodo crescant

Actu. 18.

Matt h. 6.

do crescant, quali colore tegantur, & si, inquit, fœnum agri, quod hodie est, & cras in clibanum mittitur, deus sic vestit, quanto magis vos modicæ fidei? Vnde ipse deus veluti non habens quorum iustius curam gerat, quàm eorum qui sibi in paupertate famulantur, in *Isaia. 69.* *Isaia* ait: Ad quem respiciam nisi ad pauperculum & contritum spiritu, & trementem sermones meos. Hinc illa *Psal. 48.* *Psal.* Psalmistæ adhortatio est: Timete dominum omnes sancti eius, quoniam nihil deest timentibus eum, diuites egerunt & esurierunt, inquirentes autem dominum non minuentur omni bono. Quæris quomodo diuites egerunt? Ille qui purpura induebatur, qui lautè opipareq; cœnitabat, in inferno sēpultus, gutta vna aquæ indiguit. Rursum quæris quo pacto pauperculi deo seruientes bonorum compotes fiant? Lazarus mendicus erat, ulcerosus, esuriensque micas illas, quæ de diuitia mensa cadebant, translatus autem in sinum Abrahæ in locum beatorum omni bono cœpit abundare. Quis vtriusque sine perspecto non dixerit, & illius infelicissimas diuitias, & huius infelicissimam mendicitatem? Brevis est præsentis paupertatis toleratio, futuræ verò remunerationis hubertas perpetua est & perennis, quod *Iacobi. 2.* *Iacobi* testatur, Iacobus Apostolus, dicēs: Nōne deus elegit pauperes in hoc mundo, diuites in fide, & hæredes regni? Ne quem igitur dum domino seruit, paupertatis grauent angustia, cogitet quàm grandè beneficium sit ab ipso eligi, fide ditari, & cœlestis regni fieri hæredem.

LIBRI III. FINIS.

S.

VAN-

MARCI MARVLI  
EVANGELISTARII

MARCI MARVLI LIBER

IIII. de charitate, et iis quæ cha-  
ritatem consequuntur vel  
euacuant.

*De charitate erga deum.*

Cap. I.



VAE ad fidei spei que vir-  
tutem magis pertinere ar-  
bitror, hæc tenus dicta sunt,  
restat vt charitatis quoque  
officia deo adiuvante expo-  
namus, easque simul partes  
tractemus, quæ illi cõgru-  
ere videbuntur, bonis ma-  
la more nostro cõferendo:  
vt legentes, & quid sequen-

dum sit, & quid vitandum, discant. Diliges (inquit sal-  
uator) dominũ deũ tuum ex toto corde tuo, & ex tota  
anima tua, & ex tota mente tua: hoc est maximum &  
primum mandatum. Secundum est autem simile huic:  
Diliges proximum tuum sicut te ipsum. In his duobus  
mandatis vniuersa lex pendet & propheta. Maxima  
igitur charitas est, quam deo debemus: huic propinqua  
qua homines prosequendi sunt. Deum ex toto corde  
tunc diligimus, cum nihil eius dilectioni æquamus, sed  
quæcunq; nobis clara sunt, secũdo loco habemus, quod  
nisi præstabimus, Deo frui non poterimus. Ait enim:

Qui

Matt, 22.

Qui amat patrem aut matrem plus quàm me, non est me dignus, & qui amat filium aut filiam plus quàm me, non est me dignus. Ex tota autem anima deum diligimus, cū ne vitę quidem nostrę parcimus, dum ei obsequimur nihil timendo eos qui corpus occidunt, sed illum potius, qui & corpus & animam potest mittere in gehennam, cum ipse dicat: Qui perdiderit animam suā propter me, inueniet eam. Hoc quidem sancti pręstiterunt martyres, qui temporalem vitam pro Christo offerentes, accipere meruerūt æternam. Ex tota verò mente deum diligimus quando fide certissima, quicquid de deo sancta sentit ecclesia complectimur, & cuncta quę vel animo volumus, vel opere implemus, ad ipsius cultum atque honorem dirigimus, nec quicquam omittimus, quantum in nobis est, quod eius dilectionem referri possit. Diligamus ergo dominum deum nostrum toto corde, ne quid illō charius habeamus, tota anima, ne pro illius nomine corporis tormenta mortemq; ipsam, si casus inciderit, aut quicquam formidemus: tota mente, vt omnis nostra cogitatio omnisque actio ad vnum finem tendat, placendi videlicet deo, eiusque conspectu perpetuò perenniterque fruendi. Super hoc triplici proposito fundata charitas nō ineptē fortasse sub illo contineri videtur fermento, quod acceptum mulier, anima deo dedita abscondit in farinā satis tribus, hoc est, in corde, in anima, in mente, donec fermentetur totum, donec ipsa tota in charitatem conuersa, & quod fide tenebat, & quod spe præstolabatur, hoc in deo, quē super omniā dilexit atque coluit, iā possideat, & bono incōmutabili quod possederit, foeliciter perfruatur. Isto charitatis genere dilexit Christum suum Petrus, quando concupiuit cum illo habitare in monte quando visō Iesu super quas ambulante de naui defiliēs, ad illū ire cōtēdit solus, reliquis in naui residētib; admirātib; hominis audaciam nihil metuētis,

Lucę. 13.

Petrus.

S ij nisi

nisi cum mergi cœpisset, quando ei de sua cruce prædienti respōdit. Et si me oportuerit mori tecū, nō te negabo. Tametsi præstare nequiverit quod promiserat, promisit tamen tanquam præstaturus, & certē præstasset, si non suæ imbecillitati, se dei virtuti confidens promississet. Quando præterea Christo dño servis suis pedes lavanti, indignum ratus vt dei filius ad tantam descenderet humilitatem, respondit: Non lauabis mihi pedes in æternum. Postquam tamen audiuit, se non habiturum partem cum illo, nisi ab eodem lauari permitteret, continuò mutata sententia, domine, inquit, non tantum pedes, sed manus & caput, vsque adeò expauit, ne ab eo separaretur, quem totis animi affectibus diligebat. Quando etiam stans pro domino solus aduersus armatam cohortem strinxit gladium, percussitq; principis seruum, plures forsitan percussurus, donec inter multorum arma & ipse concideret, nisi furentis animū eiusdem domini iussa repressissent. Post resurrectionē quoque eius gloriosam, cum de naui illum in littore stātem agnouisset, non expectauit donec remigādo ad terram perueniret, sed omnis morē impatiens misit se in mare, vadoque percurrrens primus omnium illi se coniūxit. Cæteri enim post eum nauigio applicuisse dicuntur. Et quoniam semper præcipui erga dominum suum amoris ardore flagrauit, dignus indicatus est, cui cura dominici gregis committeretur. Atque vt charitatis merito id sibi tribui intelligeret, interrogatur à domino an ipsum amaret, & affirmanti statim dicitur, vt eius quem se amare confessus est, oues custodiret, ecclesiasticique pastoris officio fungeretur. Ter rogatus, ter se eum quem negauerat, diligere respōdit, & trina charitatis confessio, trinae negationis crimen deleuit, atq; ipsum confitentem, vt cæteris præset, dignum reddidit. Sunt & alia in Euangelio amoris eius argumenta, quæ consulto prætereo ne prolixior, sim. Illud tantum

c o m m e m o -

Ioan. 21.

commemorabimus, quod ei cum aliis fuit commune. Omnes quippe Apostoli, omnibus quæ habebant relictis, secuti sunt dominum, magis eligentes in paupertate cum Christo viuere, quàm in diuitiis cum hoc mundo, & persecutiones & verbera & necem cum illo sustinere, quàm cum terræ regibus honorari, cum semel gustassent, quàm suavis, quàm dulcis est dominus animas quærenti eum. Sed nec mulierum illarum modica charitas fuit, quæ cū animo tum corpore eum secutæ, de propriis facultatibus (vt euangelista ait) ministrabant ei, & sicut egentem sua ope sustentabant, ita in patibulo pendenti lachrymas lamenta quæ obtulerunt, sepultū quoque cum aromatibus quæsierunt, nihil omittentes quod singularis erga amatum dilectio videbatur exigere. Nec solum officiosas, verum etiam audaces amor fecerat. profectæ enī vt corpus vngerēt in sepultura, neq; noctis tenebras, neque sepultura chori custodes timerunt, Quod si hæc vt in sepulchro tunc iacentem honorarent, omne contempserunt periculum, quantum culpandi sunt illi, qui dum aliquid tale metuūt, iam in collo regnantem offendere non formidant? Eandem animi magnitudinem pro eius amore præstitit Ioseph, qui de sepeliendo corpore anxius, non est veritus illud à Pilato poscere, & concessū tollere, & syndone inuolutum in nouo condere monumento. Hunc in amore audacia, Nicodemum commendat liberalitas. Mixturam ad corpus vngendum myrrhæ & aloes attulisse fertur, quasi libras centum. Non pepercit impensæ, dum suo erga dominum satisfacere nititur affectui. Hi ergo cū in finem vsque Christum suum dilexissent, ostenderūt perseuerantia opus esse in amando. Perseuerauit Maria ad monumentum plorans, & prima resurgentis domini gloriam videre meruit: & quia proposuerat, nisi inuento dilecti corpore, inde non recedere, digna fuit cum reuiuiscēte priusquam ceteri colloqui, & tam

Sanctæ  
mulieres.

Marci. 15.  
Matt. 28.

Mat. 27.  
Nicodemus

S iij

admirandæ

Ioan. 15.

Luc. 7.

admirandæ eius resurrectionis nuntia fieri. Hanc charitatis continuationem ipse etiam dominus præcepit discipulis, dicens: Manete in dilectione mea. Et qua ratione in illa permanere queant, docet subiungens. Si præcepta mea seruaueritis, manebitis in dilectione mea. Quisquis ergo se dei sui amatorem profitetur, & mandatis eius non obtemperat, mendax est, cum libera mædatorum obedientia, veri in deum amoris indicium sit. Quanto autem vsui nobis existat ista charitas testis est peccatrix illa, de qua dictum est. Remittuntur ei peccata multa, quia dilexit multum, testes sunt discipuli, quibus dominus dixit, Ipse pater amat vos, quia vos me amastis. Amādo igitur & à peccatis absoluihur, & deo chari efficihur, non ea charitate qua etiam improbos diligere dicitur vt creator, sed qua electos duntaxat amplectitur vt saluator. Hæc de charitate quam deo debemus, dicta sint satis, si quicquam de illa satis dici queat, sine qua nihil est salutare, nihil sanctum, nunc in proximo amoris officia pensemus.

## De charitate erga proximum.

### Cap. 2.

Mat. 22.

Secundum charitatis mandatum superiori simile esse dixit dominus: Dilige proximum tuum sicut teipsum. Homo ad imaginē & similitudinē dei factus est, non ad æqualitatem. Ideò simili charitate & nō pari est prosequendus. Fieri enim non potest vt creatori æquiparetur creatura, & finitum idem sit cum infinito. Deum ergo dilige plus q̄ teipsū: hominē sicut teipsum. Tunc autem teipsum diligis, cū illa agis quæ tibi ratio suggerit, non quæ voluptas blāditur: hoc est, cum viam illam arctam quæ ducit ad salutem ingrederis, nō illā latam, quæ ad præcipitium tendit perditionis. Quod si sic aliis quoque agere, sicque incedere optas

optas, & quantum in te est compellis, veræ dilectionis præceptum obseruasti, æquè ac teipsum proximos tuos amando. Qui verò luxuriæ deditus, perniciosas mortiferasq; sequitur voluptates, atque ad eas vsurpandas ceteros hortatur, certum est ab illo neque se quidem ipsum diligere, neque proximū suum. Hic nempe seipsum non modo non diligit, sed etiam odit maximè cum nemo ei capitalior hostis sit quàm ipse sibi, quādiu vitiis maleque animi libidini seruit. Quid enim magis noxiū esse potest homini quàm peccatū, per quod & summū bonū amittitur & ad summū malum peruenitur? Vera est igitur illa charitas, qua tū nosipsos tū p̄ximos nostros ita amamus, vt & p̄ctā caueantur, & colatur virtus, ac simul iuuetur proximus, & honoretur de°. Oportet itaque finem esse bonū quo dirigatur charitas, qui si malus fuerit, quicquid vel sibi vel amico blanditus egeris, non charitas est, sed sub charitatis persona latens exitiale odium. A quo quidem discipulos suos cauere volens dominus ait: Mandatum nouum do vobis, vt diligatis inuicem, sicut dilexi vos. Igitur sicut Christus dominus nos diligit, ita & nos diligamus nosipsos, proximosque nostros, non ad pompam, non ad honores, non ad delicias neque ad opes cumulandas, sed ad earum rerum exercitationem atque cultum, quibus æternum cœlestēque bonum comparatur. In hoc, inquit, cognoscent omnes quia discipuli mei estis, si dilectionem habueritis ad inuicem. Nō ergo loqui linguis, neque prophetare, neq; nosse mysteria, neque habere fidem, neq; bona pauperib⁹ erogare, neq; postremò corpus tradere vt ardeat, discipulum Christi probant, sed sola ista talis, qualē debere esse dixim⁹ dilectio. Quā vt auidius capiamus, iterum idem dominus superiorē sententiā repetit, dicens: Hoc est præceptum meum, vt diligatis inuicem sicut dilexi vos. Et sequitur: Maiorē hac dilectionem nemo habet, quā vt animā suā quis

Iohan. 13.

Iohā. 13.

S iiij

ponat



ponat pro amicis suis. Deinde paulò post : Hæc mando (inquit) vobis vt diligatis inuicem per hoc quod præcipiendo replicat sæpius de dilectione, maiore studio & diligentiore cura sequendam esse demonstrat. Quicquid enim magis persuadere cupimus hoc crebrius auditorum auribus inculcamus. Maximam autem charitatem illam dixit, quæ ne vitæ quidem nostræ parcere nos hortatur dū consultū volumus proximorum salutis. Et certè præferendum est cuiusque hominis animæ perennè bonum, caduco ac transitorio vitæ nostræ bono. Exempli gratia: Sæuiente in Christianos persecutione aliquis tormentorum necisq; metu videtur Christum negaturus, tunc tu debes animum eius in spem vitæ, melioris erigere, nec pati, vt te tacente & mortis vi tante periculum ille separetur à Christo, iungaturque diabolo, & in æternum pereat. Mori tibi multo magis expedit, ne frater tuus in tartarū corruat, quàm viuere, & ei in tanto animæ periculo fluctuanti non succurrere. Quod nisi ita affectus erga proximum tuum fueris, præceptum ( vt ego reor ) non implesti charitatis. Quomodo enim alterum diligis sicut teipsum, si tibi parcis & illum perire permittis, cum præsertim patiedo pro domino & te & illum saluare possis, & vna cum illo ad martyrij coronam peruenire? Dominus pro seruis passus est, & tu pro fratre tuo pati recusas? Apostolique sententiæ resistis, dicentis: Christus pro nobis passus est, vobis relinquens exemplum, vt sequamur vestigia eius, sed memento quia sicut dictum est, nullam esse maiorem charitatem erga proximum quàm pro illo animam, id est, vitam istam ponere, ita maioris charitatis maius esse meritum & apud dilectionis remuneratorem deum excellentius præmium, Vnde saluator noster notum esse volens, quare mulieri peccatrici multa dimisisset peccata, causam intulit & ait, Quia dilexit multum, simulque subiunxit, Cui autem minus dimittitur

1. Pet. 2.

mittitur minus diligit. Cæterum in omni vitæ necessitate ordo tenendus est indigentibus subueniendi. In re- rum pari inopia, propinquieribus prius opem feras, quàm min<sup>o</sup>, propinquis, & domesticis quàm extraneis, & fidelibus quàm infidelibus, & bonis denique quàm malis. Iesus enim dominus noster ante se à pastoribus qui in Iudæa erant quàm ab alienigenis adorari voluit, & ante in Nazareth, vbi nutritus & educatus fuerat, Iſaiæ prophetiam recitando se manifestum fecit quàm Hierosolymis, & ante Iudæos ea quæ fidei sunt docere studuit, quàm alienigenas nationes. Quam quidem re postea apostoli quoque ipsi confessi sunt, ad illos dicentes: Vobis oportuit primum prædicare regnum dei, sed quia indignos eo vos fecistis, ecce conuertimur ad gentes. Itaque in distribuendis ex charitate rebus in eos qui pariter indigent, ratio aliqua ducenda erit cognitionis, conditionis, religionis ac bonitatis, & hoc quoties opus erit vel docere ignaros vel corripere delinquentes, vel exhortari pigros, vel consolari afflictos, vel tolerare iniuriosos, vel etiam pro persecutoribus orare, Item cum oportebit pascere esurientes, potare sitientes, inuisere infirmos, suscipere peregrinos, tegere nudos, redimere captiuos, & funerare defunctos. Atq; hæc ferè sunt charitatis pietatisque officia lucis æternæ mercede compensanda, nisi fortè aliquo inanis iactantiæ fumo infecta fuerint atque obscurata: de quibus singulis erit suo loco differendum. Interim autem etiam inimicos amare à domino discamus.

Eleemosynæ  
distribuendæ  
ratio.

Actu. 17.

## De charitate erga inimicos.

Cap.

3.

**D**iligite (inquit) inimicos vestros, benefacite iis qui oderunt vos, & orate pro persequentibus & calūniantibus vos. Quoniam tribus quidem modis

Mat. 5.

ab

ab aduersariis nostris offendimur, his iisdem vt illis p-  
pitiumus iubemur, hoc est, corde, opere, & ore . Illi in  
corde odium seruant, tu retine dilectionem : illi opere  
lædunt, tu beneficiis contende: illi ore detrahunt, con-  
uitiantur, maledicūt, tu pro eis vt sese corrigant, & cor-  
recti saluentur deprecare, sequitur enim: vt sitis filij pa-  
tris vestri qui in coelis est, qui solem suum facit oriri su-  
per bonos & malos, & pluit super iustos & iniustos. Vi-  
de quanta est huiusce dilectionis merces, bonum pro ma-  
lo reddēdo filij dei efficimur, deoq; similes reddimur,  
Ille solis pluuiæque beneficium, hoc est, temporalium  
bonorum vsum, tam malis q̃ bonis communem esse vo-  
luit: vt tu & charitatem tuam sicut cum amicis : ita &  
cum inimicis communices, omnibus prodesse, nulli no-  
cere cupiens. Quod autem inter amicorum inimicorū-  
que dilectionē interfit, declarat, dicens: Si enim dili-  
gis eos qui vos diligunt, quā mercedē habebitis: nōne &  
publicani hoc faciūt? Et si salutaueritis fratres vestros  
tantū, quid āplius facitis: nonne & Ethnici hoc faciūt?  
Amare quippe amantem naturæ lex est: amare verò ini-  
micū, filiorū dei propriū est & sectatorū Christi. Quā-  
obrem concludens ait: Estote ergo vos perfecti, sicut &  
pater vester cœlestis perfectus est . Sicut ille perfectus  
est secundum immensitatem diuinæ naturæ, ita & vos  
estote perfecti iuxta mensuram atque prauitatem natu-  
ræ vestræ humanæ, sed nemo in se confidat, vnusquisq;  
imbecillitatis suę memor, ad illum qui solus potest om-  
nia, confugiat & ab ipso gratiam postulet, sine qua pfe-  
cti esse non possumus . Porro quemadmodum superius  
diximus, proximum esse diligendum, eodē fine & ini-  
micus erit diligendus. Id enim ei potissimē optandum  
cēseo, id p̃standū, ex quo ab iniuria cessando melior fo-  
re speratur, & correctis tandem moribus creditur sa-  
lutem consecuturus. Cæterum si illum qui tibi infens⁹  
est, tam peruersi inhumani que ingenij esse nō ignoras,

vt

vt cum ei benefeceris, magis aduersum te insolescat, cū submissè comiterque respōderis, magis irritetur, huic tali præstabis beneficium, si à beneficiis cessaris, si à mītibz responsis destiteris, si tacueris, si denique furentē tacitus præterieris atque recesseris ea duntaxat de causa, vt ille minus culpabilis sit, cū sauerit minus. Quòd si fortè ideò inflatur superbia, quia diuitiis abundat, quia viribus præstat, quia rerum prosperitatibus fruītur, ac propterea melioribus inuidet, multos contemnit, nec paucos afficit iniuria, haud equidem illicitum reor, optare ei aliquam opum iacturam, corporis debilitatem, fortunæ minus ex sententia fluentis iniuriam, vt elati animi vulnus, quod lenibus medicamentis suppuratur, asperioribus curetur. Videndum tamen, ne dū talia imprecaris illi, à quo mali aliquid sustines, odiū vel inuidia te moueat, sed sola prouocet charitas, qua inimicum tuum meliorem effici cupias non miseriorē, & emendatum, non afflictum neque hoc propter te, ne ille tibi noceat, sed propter deū, ne deus offendatur, & proximum, ne domino suo peccādo pereat. Dicit aliquis arduum nimis & difficile esse in eos beneuolentiā seruare, à quibus grauitè offensus fueris. Difficile quidem esse fatemur, impossibile negamus. Hoc fecit Dauid erga Saulem regem, & Absolonem filium, vtriusq; necem fleuit, cū vterque vitæ eius fuisset infidiatus, & alter eidem gloriam militari inuideret, alter regnū. Stephanus quoque protomartyr pro illis à quibus lapidabatur orauit. & Paulus de iis qui ipsi infesti erant. Cupio (inquit) anathema fieri à domino pro fratribus meis. Ante istos dominus noster Ies<sup>us</sup> Christus eis, à quibus vt interimeretur comprehensus fuerat, vsque adeò beneficium se præstitit, vt vni eorum abscissam auriculam statim restituerit, sanamque reddiderit, & discipulū suū qui eam absciderat, increparit. Denique pro illis à quib<sup>us</sup> vincula, calaphos, flagella, vulnera, fel, atq; acetum

David.

Stephanus,  
Paulus.

acetum passus fuerat, in cruce pendens ignosci petiit, & errorem excusauit: Pater (inquit) ignosce eis quia nesciunt quid faciunt. Talem itaque se inimicis suis exhibuit charitatis magister, quales nos, si perfecti fieri volumus, esse debere præcepit. Non meretur dici eius discipulus, quisquis aliter aduersus inimicum suum animatus fuerit. Ac ne quid excuses, ne quid causeris, non iuberis in homine amare odij crimen, sed dei opus hominem ipsum. Quomodo autem deum diligis, si opus eius perire concupiscis? Quam ergo graue peccatum sit, hominem odisse, hinc iam speculari incipiamus, vt cū cognouerimus quantum hoc cauendum sit, magis ad quenquam amandum animo alliciamur.

*De malo odij. Cap. 4.*

**O**Pus dei odit, qui hominem odit. Quomodo autem potest deum diligere, qui id quod ab illo factum est valde bonum, non diligit? Porro deum nolle diligere, qui prior dilexit nos, quid est aliud, nisi reprobos imitari spiritus & ab eo à quo conditus es, desciscere atque alienari? Cū ergo is qui homini male optat, conditori eius aduersetur & diabolus sequatur, restat vt cuius mores sequitur, cum eodem supplicia in inferno patiatur. Falluntur illi qui odium suum excusant, dicentes, malos homines deo quoque inuisos esse, iuxta illud: Odiui ecclesiam malignantium, & cum impiis non sedebo. Et illud: Ite maledicti in ignem æternum, & quos deus odit, inquit, cur eosdem & nobis odisse non licet? Non omnia seruo conueniunt, quæ conueniunt domino. Domini interest imperare, seruo obedire, ad dominū ptinet pro scelere punire, ad seruū pati verbera, non inferre. Odiui ecclesiā malignantiū, inquit dominus. Malignitatem hominum odio se habere his verbis testatur, nō homines ipsos. In quos quoque

que eterno igni deputandos ait, vt illi pro reatu puniatur, non vt ipse opus suum damnet, quasi poeniteat eū fecisse quod fecerit. Odio ergo habet deus hominis peccatum, non naturam. Ita & tu in vno homine habes alterum quod odisse debeas, alterum quod diligere. Plectere autem delinquentes præpositi officium est. Inter æquales alteri in alterum nullum ius est nisi commiserendi, quod si dereliquerit, commonendū ne delinquat: optandi atque orandi, vt post delictum poenitentiam agat, & veniam consequatur, & sperandæ salutis gratiam quam peccando amiserat, emendando recuperet. Cæterum qui odit hominem, tam iniquè de illo deliberat, vt etiam illud quod rectè probèque agentem viderit, obloquendo infamet: iniuriæ patientem timidum vocat ecclesiæ limen terræ hypocritam appellat, & subditos corripientem iracundum esse criminatur, & quod virtuti ascribere deberet, hoc ad proxima ei vitia trahere nititur. Tales erant illi qui de Iohanne neque edente neque bibente, dæmonium ei inesse dixerunt, & de domino edente cum aliis ac bibente: Ecce vorator & potator vini & publicanorū amicus. Qui ergo sic odit proximum suum, non Christianus fidelis, sed infidelis phariseus est. Ipsi quippe pharisæi cum vidissent Christum ægrotos in die sabbati curantem, non est, inquiunt, hic homo à deo, qui sabbatum non custodit. Cum à dæmonio vexatos eius ope liberari conspexissent, dixerūt: In Beelzebub principe dæmoniorum eiicit dæmonia. Noluerunt dicere in virtute dei, ne quis illum ex hoc deo charum acceptumque esse existimaret, sed reprobum potius & impium, vt qui non dei auxilium impleret, sed prophanis dæmonum inuocationibus vtatur. Quid multa? Si cui inimicus fueris, torquet te inuidia, quoties alios aliter de illo sentire cognoueris, & non mendacio, non probro, non maledicto abstinere, atque

vnum

Mat. n.

unum odium in plura te præcipitabit vitia, dum morum tuorum iacturam nihil pendis, vitæ cupiens obesse alienæ. Et cum tam immoderatè ferri cœperis, ad iurgia usque contumeliasque peruenies, post rixas ne manibus quidem temperabis. In nullo prorsus phariseis cedēs, qui tentarunt prius illum quem oderant, capere in sermone, ut captum accusarent, & eadem malitia eorum qui ipsum in Hierusalem euntē laudibus prosequeretur, obsistere volebant, iubentes ut taceret. Deinde etiam edicto statuerant, ut si quis eum cōfiteretur. Christum, extra synagogam fieret. Postremò cum nullum finem inueniret inuidia, quandiu viueret ille cui inuidebatur, falsis testimoniis circumuentum accusant, & totis animis ad necem innocentis maleuoli homines cōcitantur. Nèque idè te excusatum putes, quia pharisei iustum persecuti sint, tu peccatorem. Neminem sic odisse debes, ut nocere velis. Proindè æquales patienter feras, in minores ita animaduertas, ut crimen detestari, illos autem diligere videre. Ob hoc scelestus plectitur ab illo qui præsit, ut à scelere desistat, & alij poena eius territi, tale aliquid committere vereantur. Quòd si dominus etiam seruum punièdo diligere debet, quomodo tibi fas erit in conseruum tuum debacchari, vel sœuire velle? Quem certè nisi corde odisse definis, quāuis re atque opere offenderis, tanti criminis reus comprobaberis, quantum mali ei optabis. Cuicumque enim ex odio perniciem concupieris, eius interemptor es, dicente Iohāne Apostolo: Omnis qui odit fratrem suum, homicida est. Nemo itaque odio erit habendus, qui ad imaginem & similitudinem dei creatus est, qui Christi sanguine redemptus est. Si malus, improbus, scelestus fuerit, cura si potes, si non potes opta, & deum pro illo deprecare, ut dimissa nequitia abiectisq; vitiis ad virtutis viam conuertatur & viuat.

De pace

1. Iohan.;

## De pace publica &amp; priuata.

## Cap.

## 5.

**P**ORRÒ ipsius charitatis vinculum pax est. Concor-  
diter viuant oportet, qui diu inter se amare cupi-  
unt, non incongruè igitur de pace colenda nunc  
differendum occurrit. Pax quædam publica est, quædã  
priuata. Publicam pacem dicimus, cum ab armis fœde-  
re intercedente quies est; & nec offensam metuit ciui-  
tas, nec offendere externos parat, sed multa status sui trã  
quillitate gaudet, ac rebus quas possidet fruïtur p quã  
iucundè. Cæterum huic tãtã ciuium quieti subrepere  
otii solet atque ignauia, ekinde luxurię vitia scaturiūt,  
quibus corrupti multorum animi, dum externam pa-  
cem fouent, domesticam perturbant, & inter se dissi-  
de re incipiunt, postquam fõris hostem diu non senserūt.  
Quod ne tibi contingat summopere erit prouidendũ,  
id est, pax quæ prodesse debet ne tibi noceat. Cum er-  
go & prædiorum tuorum protentus nullo dirrapien-  
te integer intactusque seruabitur, & ex commercio li-  
beræ negotiationis lucri accedet, deo gratias age, &  
ea quæ benignè suppeditantur, non ad luxum tibi dari  
existima, sed ad exercendã virtutis occasionem. Quan-  
tum personæ ac dignitati conuenit rebus tuis vtere,  
quicquid autẽ supereffluere videris, totum ad munifi-  
centiam liberalitatẽque conuerte, & hæc quod lu-  
xuria exigit, quod ambitio exposcit, quod turpis con-  
sumere appetit voluptas, incipe pauperibus dilargi-  
ri, peregrinos hospitio suscipe, esurientem pascere, nu-  
dum operi, are alieno oppressos redime, subsidia egro-  
tantib<sup>9</sup> mitte, mortuis iusta exolue. Ita tibi pax ista pu-  
blica benè ac pspere succedet, dũ copiã præstat inopiæ  
subueniendi aliene, deũq; demerendi. Pax aut priuata illa Pax priuata  
dici-



dicitur, quæ singulis iungit singulos, ediditque con-  
des: veluti fuit Dauid & Ionathas, Elias & Elifæus, Pau-  
lus & Barnabas. Hac tu iucundæ frui poteris, si omni-  
bus facilem mitemque te præstabis, si neminem læ-  
des, & omnib<sup>9</sup> quantū in te est, prodesse studebis, si in-  
iuriā magis pati quā inferri disces, vt dicere possis:  
Cum his, qui oderunt pacem, eram pacificus: si denique  
tecum ipsemet pacem habebis, etiam cum aliis, habe-  
re poteris. Qui enim secum ipse discordat, quomodo  
cum aliis firmam concordiam tenebit? Tecum autem  
pacem habebis, cum repugnantem carnem spiritus im-  
perio subdideris, & concupiscentiæ motum compule-  
ris obedire rationi. Quod cum feceris, tunc demum &  
intra te animi trāquillitate perfrueris, & exterius ne-  
mo tibi erit molestus, quia tu nemini eris iratus ad læ-  
dendum aut mali aliquid optandum. Charitas tamen  
aliquando postulat vt irascamur, & irascendo pacem  
illi quæramus, qui peccando offendit. Siquidem irasci  
delinquentibus vt corrigantur, nihil est aliud, nisi eos  
reuocare velle vt & deo cui peccauerunt, reconcilien-  
tur: & bonis omnibus morum synceritate concordent.  
Tunc autem pace cum aliis composita recte vtimur,  
cum eius finis potissimus est, vt deo placeamus. Nam  
pax quæ deo displicet non pax dicenda est, sed malo-  
rum conspiratio: & odium potius erit eligendum, quā  
ad malum consensus. Quoniam & saluator noster cum  
idola vana colentium concordiam discindere pararet,  
non veni, inquit, pacem mittere in terram, sed gladiū,  
veni enim separare hominem aduersum patrem suum,  
& filiam aduersus matrem suam, & nurum aduersus so-  
crum suam, & inimici, hominis domestici eius. Itaque  
multo magis proderit gladius, qui putrida membra à  
sanō corpore separet, quā pax quæ morbidas partes  
fouens, totum corpus corrumpi patiatur. Denique bo-  
num est bellū illud quo dirimitur mala pax. Bonū est,  
inquam,

Matth. 10.

inquam, cum vno oculo intrare in regnum cœlorum, quàm duos oculos habentem, mitti in gehennam. Oculi qui scandalizat, quē proiici & abicere iuberis, est amicus vel consanguineus, qui tibi blanditur, vt sibi in vota rei iniquę assensum præbeas, opemve præstes. Expedit autē eiusmodi hominis inuidiam potius pati iniusta non concedendo, quàm concedendo beneuolentiā amplecti. Omnium quippe hominum pasci solius dei pax semper est præferenda, & pro hac vna omnium inimicitia subeunda.

## De pace seruorum dei

### Cap.

6.

**P**Ax illa dei est, quæ bonorum animos mutuo amore deuincit, quæ Christo seruientes vnum corpus efficit. Et hi quidem idem volūt, idem nolūt, quia omnes pariter ad vnum finem deo placendi tendunt. Non est inter illos est & non, sed iuxta domini præceptum, est est, non non. Concordi mente & corpore deo seruiunt, & ad omne opus bonum vnanimes concurrunt. Quid hac pace dulcius? quid vtilius? quid laudabilius dici queat? Hanc admirans Psalmista, exclamat: Ecce quàm bonum & quàm iucundum habitare fratres in vnum. Talis pax atque consensio, vel in cœnobio, vel in solitudine procul à turbis commorantium si fuerit, gaudeant: quia & preces eorum exaudiuntur, & contubernalem suum habent Christum ipso dicente: Si duo ex vobis consenserint super terram, de omni re quacūque petierint, fiet illis à patre meo. Vbi enim sunt duo vel tres congregati in nomine meo ibi sum in medio eorum. Quod astruit Apostolus ad Corinthios dicens. Pacem habete, & deus pacis & dilectionis erit vobiscum. Consensus in eandem fidem, in eundem inuicē diligendi, inuicem iuuandi affectum facit pacem istam.

Psalmo. 132.

Mat. 18.

2. Cor. 13.

T

De hac

Ioa. 14.

Psal. 118.

Baruc. 3.

1. Cor. 1.

Heb. 12.

1. Cor. 12.

De hac dicebat saluator: Pacem relinquo vobis, pacē meam do vobis, non quo modo mundus dat ego do vobis. Mundana enim pax non de deo idem sentire, nec iisdem moribus viuere, sed tantum ab iniuria offensisque iubet inter se abstinere. Christi verò pax in quibus fuerit concordēs reddet in fide, conformes in proposito, similes in dilectione, comparēs in humilitate. Quod breuiter explicat propheta, cum ad dominum conuersus, ait: Pax multa diligentibus legem tuam, & non est illis scandalū. Et alius propheta: Si in via dei ambulasses, inquit, habitasses vtique in pace super terram. Vera igitur certa que & stabilis pax est, in dei seruitio adunatorum, diuina que sequentium præcepta legem que colentium. Eorum rete plenum magnis piscibus, id est, eorum concordia virtutibus perfectionis referta non scinditur, eorum pacis tunica incōfutilis, quam à Christo acceperunt, non diuiditur, neque scissuras patitur rixarum, nec tineas inuidiæ sustinet, sed domini præsidio munita, inuiolata illesaque perdurat, tunc felicius & sine fine duratura, cum de terris transferentur in cœlum, vt qui pacifici fuerant filij dei fiant & vocentur. Ad pacem istam capeffendam Corinthios hortatur Apostolus, dicens: Obsecro vos fratres per nomen domini nostri Iesu Christi, vt id ipsum dicatis omnes & non sint in vobis schismata: Sitis autem perfecti in eodem sensu, & in eadem scientia. Plurimi sane hoc faciendum esse ostendit dum cum tanta exigit obsecratione, & dum adiurat per nomē, quod est super omne nomen testatur fidelibus maximē necessariam esse pacem atque concordiam. Quod apertè declarat, vbi ad Hebræos scribens ait: Pacem sequimini cum omnibus & sanctimoniam, sine qua nemo videbit deū. Ne quis præterea generis conditione alteri se præferēs diffidium concitet. In vno spiritu omnes nos, inquit, in vnum corpus baptizati sumus, siue Iudæi, siue gentiles, siue

sine serui, sius liberi, & omnes in vno spiritu potati sumus. In tantum autem Dominus fidelium suorum pace delectatur, ut in salutationibus quoque pacem offerri iubeat dicens, Intrantes domum, salutate eam dicentes, Pax huic domui. Et ipsemet post resurrectionem suam apparens discipulis, pax vobis, inquit, & in cœlum ascensurus, pacem relinquo vobis, pacem meam do vobis. Quin etiam tunc in carne nasci voluit, cum terrarum orbis cessantibus bellis pacem agigaret, quando gladii iuxta Isaiæ vaticinium mutati sunt in vomeres, & lanceæ in falces, quando angelorum vox audita est de cœlo canentium, Gloria in altissimis Deo, & in terra pax hominibus bonæ voluntatis. Ob hoc equidem reor ipsum Christum ab Apostolo significatum, cum in fine epistolæ ad Romanos dixit, Deus autem pacis sit cum omnibus vobis, Amen. Deus enim pacis est qui inter deum & hominem pacem ponere venit, qui Iudæos & gentiles inter se dissidentes in vna fide copulauit, qui noua veteribus coniunxit & vtraque fecit vnum. Christus itaque & deus pacis, & dei pax & pax nostra est. Ex quo satis constat illos ab eo esse alienatos, ut non gratiæ, sed iræ filii sint qui odio habent pacem, & fraternæ discordiæ sunt autores. Ipsum autem salutandi morem à domino traditum, Apostolos postea vtriusque scripta eorum testantur. Siquidem epistolæ Pauli ferè omnes sic incipere & sic desinere manifestum est. In principiis enim habent: Gratia vobis & pax à deo patre & à domino nostro Iesu Christo & similiter in fine. A pace ergo exordia sumebant, pace postrema concludebāt. Nec aliter Ioannes Apocalypsim orditur, nec Petrus epistolæ. Vtique adeo iam trita ac peruulgata erat inter christi discipulos pacis offerendæ salutatio. Quod nostris quoque temporibus obseruari cernimus ab iis qui CHRIS TV M Apostolosque eius imitantur. Præterea in lege veteri nomen pacis celeberrimum fuisse

Matth. 10.  
Iohan. 14.

Isaiæ. 2.  
Lucæ. 12.

T ij

apparet

- apparet, & res ipsa ante omnia optabilis ac iucunda. Fuit olim hostia quæ dicebatur pacificorum. Fuit Gedeonis altare vocatum domini pax. Legim<sup>9</sup> & Salomonem in diebus pacis imperasse, & ipsum pacificū appellatū, atq; ideò electum qui deo templum poneret, & in hoc opus Dauidi patri prælatum, non quia melior, sed quia pacis fuit obseruator. Ezechias, quoniam iactabundus gazā omnem legatis Babyloniorum ostendendo peccauerat, per prophetam audiuit, illam eidem genti prædam futuram, & humiliatus, Bonus (inquit) sermo domini, si tantum pax & veritas in diebus meis. Cum itaque non tam pro thesauro, quàm pro pace esset sollicitus, calamitas dilata fuit ad posteros, ipse in pace quàm diuitiis prætulera, quieuit. Iudas quoque Macchabæus dux bello strenuus, illis quos vicerat pacem petentibus non negauit, quare videtur nihil aliud armis quæsisse quàm pacē, iusta q; esse bella illa, quæ bonæ pacis sine geruntur: sicut iniusta & iniqua, quæ aliena occupandi cupidine denuntiari atque inferri solent. Cum igitur tanti habenda sit pax, non immerito vt eā acquiramus possideamusque precibus à domino sollicitandum esse admonemur, dicitur enim. Rogate quæ ad pacem sunt Hierusalem. Fiat pax in virtute tua, & abundantia in turribus tuis. In pace quippe affluere solet rerum copia, quàm bello sæuiente minui ac deficere necesse est. Quāobrem ad populum quoque de Hierusalem in Chaldeā translatum ait dominus: Quærite pacem ciuitati ad quam transmigrare vos feci, & orate pro ea, quia in pace illius erit pax vobis. Alibi etiam est dictum. Orate pro vita Nabuchodonosor regis Babylonis & pro vita Balthasar filij eius, vt videlicet diu viuāt illi, sub quibus & ipsi quietē se victuros ac securē sperabant. Hoc idem Apostolus præcepit, dicens: Obsecro primum omnium fieri obsecrationes, orationes, postulationes, gratiarum actiones, pro omnibus hominibus, pro regibus &
3. Regū. 7.  
2. Reg. 7.  
4. Reg. 22.  
Maig. 3.  
Psal. 121.  
Baruc. 1.  
1. Tim. 2.

& omnibus qui in sublimitate constituti sunt, vt quietam & tranquillam vitam agamus in omni pietate & castitate. Amplexanda est igitur pax cum adsit, precationibus quærenda cum desit, & pro illis orandum, sub quorum imperio atque tutela vitæ tranquillitate frui contingit vt sopito bellorum tumultu, nulla que interpellante molestia, animus noster ad deum contemplan- dum expeditior atque liberior assurgat.

## *De pace animæ & corporis.*

### *Cap.*

### *7.*

**N**isi enim ideò pacem amplectendam duxerimus, vt virtutibus, ob quas deo chariores sumus, nemine impedi- ente liberius incumbamus, bono pacis abutimur, & quod prodesse debuerat nocet. Alienis à virtute tunc planè latior peccandi campus panditur, cum illi aduersariorum non carpuntur molestiis cum videlicet non metuunt, ne segetem iam maturam hostis incendat, aut frugiferas deuastet arbores, aut pecu- dum greges in prædam abducatur, aut obsessos intra mo- nia fame siti que perire cogat, aut captos bonis que exu- tos vel ferro interficiat, vel in perpetuam redigat ser- uitutem. Fit autem sæpè dum talia formidantur, vt lu- xuriæ libidiniq; locus penè nullus sit. Et quoniã ab his continere se summæ laudis est, haud dubium quin vo- luptuariis hominibus pl<sup>9</sup> mali pax afferre soleat quàm bellum quia incontinentiores reddit, & in omne vitiũ oblata securitate proniores. His ergo bellum potius op- tetur, vt malè viuendi licentia coërceatur sollicitudi- ne periculorum. Modestis verò & temperantibus vi- ris, vt animo excolendo officiosius operam impen- dant, belli impedimenta submoueri desideremus. Ita enim exteriore aduersario peccato ac cessante, facilius cum isto quem assidue intra nos patimur, erit pugna.

T iij

Quem

Quem certè nisi domueris, nisi animi in quo ratio est, ditioni subiecerimus, nihil proderit ab illis inimicis q foris sunt donata pax, dñ ab hoc qui intus est inquieta- mur. Inimic⁹ aut̃ domestic⁹ noster atq; itest⁹, ipsa car nis cōcupiscētia est. Pacē agimus q̃diu illi nō cedit q̃diu repugnatur, neq; quod caro affectauerit, quod fieri spi- ritus permittit. Caro post voluptates abire nititur, & in vitia semp est prona. Spiritus verò qui est ratio ipsa, ab his abhorret ne deo peccet, cōsiderans quàm sit grā de scelus prauæ cupidini morem gerere, qua deus offen- ditur, & à continentia virtute recedere qua placatur. Ob hoc quidem exclamat propheta & ait. Diuerte à malo & fac bonum, inquire pacem & persequere eam. Diuertimus à malo cum carnalibus blanditiis non ac- quiescimus, facimus bonum, cum iussis præceptisque pa- remus diuinis. Pacem inquirimus, cum carnis petulan- tiam ieiuniis, vigiliis, laboribus domando compesci- mus. Et quoties in hac contentione obnixè ac perseue- ranter stamus, pacem illam quæ cum deo est sequimur, & eam quæ cum concupiscentiis est refutamus. Pellan- tur igitur ab animo vitia, & locus virtutibus detur, do- minetur spiritus, vt spiritui subiecta obediat caro, vt pacem quæ omnem sensum superat, quæ omnibus præ- ferenda est diuitiis, assequi mereamur. Pacem, quæ nos deo conciliat, angelis æquat, sanctis copulat, & post vi- ctoria in cœlo coronat. Victoria enim opus est, non compositione, vt pacem cum corporis quoque sensibus animus habeat. Qui quidem sensus non nisi superati quiescunt, certare autem nolenti dominantur. Repu- gnandum est igitur illis, & si fluxa fragiliaque propo- fuerint, ad ea quæ æterna sunt dirigantur. Si visus pro- uocat ad comptam videas mulierem, & in choreis lasci- nientes cernas iuuenes, auerte oculos tuos, ne quod diu- tius considerauerint, facilius concupiscant. Tuas etiam  
aures

Psal. 119.

Visus.

Auditus.

aures sepi spinis, & linguā nequam noli audire, neque  
 amatoris obscenisque cantibus vel impudicis poetarum  
 lectionibus eas accommodes, ne fortè turpe aliqd  
 ab iis receptum ad cor penetret, & per blanditias intus  
 sum, animam feriat. Odoramenta quoque muliebrem  
 mollitiem præ se ferentia fuge: quos ea delectant,  
 illis ipsa sordet virtus: effœminatiquæ & enervæ du-  
 riora pœnitentiæ officia subire nequeunt. Gulæ etiam  
 impera, & si cibos ganeatos vinaque preciosa tibi con-  
 cupiscenda proposuerit, tu illi econtrario recole Iohā-  
 nis locustas & mel sylvestre, & ficere vini que abstinen-  
 tiam, & panes hordeaceos Apostolorum, quibus domi-  
 nus turbam satiauit in deserto. Obiice & multorū qui  
 in solitudine Christo seruiuerunt, crudas herbas atque  
 radices vel sylvestrium arborum fructus, & frigida a-  
 quæ pocula. Si demum ad turpem tactum libidinosa  
 cogitatio te sollicitat, comprime manum, auerte te ab  
 aspectu fœminæ, refer ab ea pedem, tolle te de medio,  
 vimingere cupidini, & quod bonum sit mulierem non  
 tangere, non mihi, sed Apostolo crede, Postremò singu-  
 la quæque vitia oppositæ virtutis rememoratione ex-  
 clude, & in carnis rebellantis periculo, ad illas cogita-  
 tiones quæ spiritus sunt confuge. Quoties te inanis glo-  
 riæ laceggerit appetitio, responde illi: Dominus resistit  
 superbis, humilibus autem dat gratiam. Quoties cor  
 iracundia incallescere cœperit, dic ei: Qui irascitur fra-  
 tri suo, reus erit iudicio, & Ira viri iustitiâ dei nō ope-  
 ratur. Quoties diuitiarum cupido animū titillauerit,  
 oppone illi paupertatem Christi, apostolorūq; inopiā  
 memorare diuitis purpurati in inferno misérias, Laza-  
 riq; mendici in Abraham sinu beatitudinem. Atq; ita  
 carni imperando & nunquam cedēdo vincere assuesces:  
 & ut semper vincas, semper time ne vincaris. utq; semper tu-  
 tus sis, nūq̃ esto securus. Nā in carnis certamine cū sepe  
 superior euaseris, nisi quotidie victā vinculis cōstrigas

Odoratus.

Gustus.

Tactus.

1. Cor. 7.

T iij)

tu pot



tu per pacem, non stabit conuentis, & cum frenum memomorderit, trahet te quo uolet, ueluti fessorem effrenis & indomitus equus. Tamdiu igitur pacem cum illa habere poteris, donec uincta cōpeditāq; tenebis, ac tanquam fugitium seruum, nunc uerberibus, nunc laboribus premes, nunc tenuabis inedia atque uigiliis. Desinit caloitrare iumentum pabulo subducto, in saturitate lasciuit. Ex his quæ diximus, satis constat, animæ atque corporis pacem laboriosam admodum esse & inquietam, & sollicitam, & quæ fatigationibus non solum comparetur, sed etiam retineatur. Is tamen eius fructus est, quod possessorem suum ad æternæ pacis bonum feliciter transmittat, si ipse usque in finem ita ut dictum est egerit. Quo cum peruentum fuerit, tunc demum (ut in Isaia legimus) erit opus iustitiæ pax, & cultus iustitiæ silentium & securitas usque in sempiternum, & sedebit populus meus in pulchritudine pacis & in tabernaculis fiduciæ & in requie opulenta, inquit dominus. Per quotidiana igitur certamina & ipsam certaminum uictoriam, qua malarum cupidinum vires conterimus, ad sempiternæ tandem quietis triumphum peruenitur. Restat nunc, ut etiam pacis malignam simulationem omnibus fugiendam consideremus.

Maie., 2.

## De pace simulata.

Cap.

8.

**M**VLtipler animus & fraudulenta simulatione imbutus, pacem præ se ferre uidetur, & ex infidiis incautos aggredi parat, Blando vultu delinificisque uerbis beneuolentiam ostendit, & in corde meditatur carnificinam. Talis pax Saulis fuit erga Dauidem, cui se pacatum ideò respondebat, ut occasionem nancisceretur ipsum perimendi: quod certè perfecisset, nisi lanceæ ictus ab eo qui petebatur, fuisset cui.

uitatus. Talis pax & Ioab in Amasam collegam suum fuit, erant enim ambo Dauidici exercitus duces, amice ac familiariter ipsum alloquendo pugione transfixit. Talis pax & Ismaëlis extitit, qui amicissimum se ostendens ad Godoliam cum decem virorum comitatu venit, & cum iisdem conuiuio gratanter fuit exceptus, nulla tamen benignitate amici motus est ne perficeret quod animo versabat, inter epulas ipsum primo Godoliam, deinde illos qui in præsidio erant, concidit, oppidumque occupauit. Eo loci postea octoginta viros Hierosolymam ad sacrificandum pergētes, ut ad se in Masphat diuerterent, rogauit, veluti pro magno habiturus, si tales hospites habere sibi contigisset: cum autem venissent, rebus vitaque simul spoliauit, præter decem, quibus non pietate, sed auaritia ductus pepercit, quod thesaurum in agro defossum se illi indicaturos dixerant. Talis pacis non pauca exempla in annalibus quoque habentur Macchabæorum. Nam Antiochus Eupater eam pacem iurasset præsidio Sion, intra arcem receptus violauit iuramenti fidē: & muros quos obsidione capere non poterat, fraude intercepit, diruique iussit, Sic & Alchimas pacem Assidæis iureiurando firmatam cum dedisset. sexaginta ex eis die vno interimi fecit. Et Triphon Antiochi regis adolescentis exercitus præfectus, primo Jonathan regis amicum simulatæ beneuolentiæ blanditiis illectum interfecit, deinde regem ipsum: atque hac tanta usus perfidia, Assiæ regnum possedit. Et Ptolemæus Abibi filius Simonem liberosque eius Mattathiam & Iudam ad Hierichuntem in arce Doeck inuitatos, & iam vino epulisque graues inuadens, repenti cæde sustulit. Andronicus quoque Antiochi regis præfectus, Oniam sacerdotem, cum iurasset nihil se ei nociturum, de asylo euocatum trucidauit, nec tamē impune huic fuit. Ipsum enim rex capite plecti iussit, comperto quod ab Oniæ æmu-

Ismaël.  
Ierem. 41,

1. Mac. 8.  
Antiochus.  
1. Mac. 7.

Alchimas.  
Triphon.

1. Mac. 12.  
Ptolemæus.  
Andronicus

lis

lis pecunia corruptus id egisset. Nónne pax istorum omni fuit detestabilior bello, omni aperta simultate deterior? Superata est tamen (vt ad nostra veniamus) Iudæ scariothi scelere. Dominum suum, qui est omnium dominus, omnium credentium redemptor, omnium saluator, à quo in Apostolatum ascitus fuerat, quem sibi pedes lauisse sciebat, cum quo pascha comederat, cuius corpori & sanguini cōmunicauerat, quem tot miracula fecisse iam viderat, quē iustum, quem pium, quem sē per innocentem & in omnes beneficium nouerat, eum (proh nefas) ad necem prodidit, & in manibus quærentium sanguinem eius dedit, triginta non amplius argenteorum precio allectus, quos à Iudæis accepit. Non fuit ergo verit<sup>9</sup> tam prophano animo, tam mente impia ad talem dominum accedere, & ei osculum pacis offerre, quem tam prauo iam vendiderat. Sed vide huiusce nefandi flagitij terribilem exitum: conscientia pulsatus veniam desperauit, quam certē si petiisset imperasset, & qui pro suis crucifixoribus orauit, proditori quoque pepercisset. Ille tamen dolore superatus, ipse sibi mortem consciiuit, laqueo se suspendens, & infelicem animam æternæ mortis tenebris tradens. Ne igitur vel Iudæ vel aliis infidis & execratis, quorū modo fecimus mentionem, similis habearis, maximè in pace concilianda cōseruanda que cauendum tibi erit, ne quid similes vel dissimiles, & erga eum cui blandiris, aliam faciem oris, aliam cordis præstes. Alioqui dicetur tibi, quod in Ecclesiastico est scriptum: Væ duplici corde & labiis scelestis, & manibus malefacientibus, & peccatori terram ingrediendi duabus viis, vel illud Abacuc propheta: Væ qui potum dat amico suo, mittens fel suum & inebrians, vt aspiciat nuditatem eius. Si te ista parum terrent, vt paulo perplexius dicta, audi etiam illud in Ieremia scriptum, quo nihil plānius apertiusque dici queat. Sagitta vulnerans lingua eorum dolum locuta est

est

Eccle. 7.

Abac. 2.

Iere. 9.

est: in ore suo pacem cum amico suo loquitur, & occultè ponit ei insidias: nunquid super his non visitabo dicit dominus, aut in gente huiusmodi non vlciscetur anima mea? Sunt præterea qui amicè admodum ac beneuolè loquuntur cum altero, & statim eidem absenti detrahunt. Vbi audit, commendant & extollunt: vbi autem non audit, carpunt ac sugillant, & quem modo laudauerant, rursus dictis petulantibus incescere non verentur. Istos quoque dei sapientia reprobatur in pro-  
 uerbiis, dicens: Arrogantiam & superbiam & viā prauam & os bilingue detestor. Displicet igitur illi, cui nulum placere potest malum, simulata pax, non solum illorum qui factis offendunt, sed etiam istorū qui de absente verbis obloquuntur, de quibus in Iob scriptum est, Simulatores & callidi pronocant iram dei. Ne ergo in iram istam, qua nihil est horribilius, incedere tibi contingat, noli fratri tuo intendere dolos, noli verbis lenibus eum palpare, vt nihil metuentem facilius evertas, vel securius infames. Quod si tibi tuæ fraudes, vt ex diuinæ scripturæ sententiis didicisti, magis nocebunt quàm vlli alij, quæ dementia est, simulata pace alios lædere velle, & te ipsum in æternum damnare: alios leuiter ferire, & te ipsum lethali plaga afficeret alij, fortunas, vitam, famam, auferre, & tuam propriam animam, quæ his omnibus longè est preciosior, igni inextinguibili sine fine cruciandam tradere? Quicquid dolosè malignèque agis, latere potest homines, DEVM nihil latet, cogitationes tuas inspicit, cor tuum intuetur. Quod si fortè à pace, quam proximo tuo debes, alienatum viderit, ipse suam pacem, quæ omnem sensum exuperat, iratus tibi denegabit. Non est pax impiis, ait Dominus, si non est, haud dubium quin neque erit. Ideò enim non est, quia neque dum cogitant malum neque dum operantur conquiescant, & post commissum ipso conscientia  
 morsu

Prouer. 3.

Iob. 36.

Isaia. 48.

Leuit. 9.

morfu torquentur. Ideò autem non erit, quia vita quoque defuncti eo descendunt, vbi nulla est quies, nullum otium, sed affidens labor, sempiternus horror, supplicia nunquam finienda. Talia quippe manent simulatores ipsos pacis, & sub amicitiae persona latentes insidiatores. Non enim deo obediunt, sed prauae mentis libidinem secuti, quod ipse prohibet hoc agunt. Dei omnipotentis lex est, Non mentiemini, nec decipiet vnusquisque proximum suum. Non facies calumniam proximo tuo, nec vi opprimes eum. Non oderis fratrem tuum in corde tuo, sed publicè argue eum, ne habeas super illo peccatum. Hi verò contra vetita ire audent, mentiendo, decipiendo, calumniando, opprimendo, odiendo, & odium sub pacis nomine tegendo, ac dissimulando, vestemque malignae duplicitatis induendo, cum lex & hoc prohibeat, dicens: Vestem quae ex duobus texta est non indueris. Quanto autem magis deo inobedientes fuisse conuincètur, tanto acerbiora inferni supplicia subire cogentur. Hi sunt enim quibus propheta in psalmo per spiritum sanctum stimulatus impreatur, dicēs: Labia dolosa in corde, & corde locuti sūt, disperdat dominus vniuersa labia dolosa. Et iterum in alio psalmo: Qui loquuntur pacem cum proximo suo, mala autem in cordibus eorum, da illis secundum opera eorum, & secundum nequitiam adinventionum ipsorum. Et paulò post infert: Destruē illos, & non aedificabis eos. Quod si destruendi & non aedificandi sunt, quis illis spei locus erit relictus, tormenta illa quae in inferno sunt euadēdi? Sed fortasse cum processerint doli, cum malum quod cogitauerant peregrini, se quieturos cōfidunt? Audiant ergo Apostolum dicentem: Cum dixerint pax & securitas, tunc repentinus eis superueniet interitus, sicut dolor in vtero habentis, & non effugient. Quod si quicquam consummato scelere lætari cōtigerit, momentanea profectò ac breuissima est cuiusq;

fla-

1. Thes. 5.

gitij delectatio, sed nisi poenitudo intercesserit, dolor subsequetur perennis, & nullo prorsus sine claudenda poenarum inquietudo. Quoniam pro peccato quo deus infinitus offenditur, infinita debet esse punitio. Ista nobiscum euoluentes demus operam, ne quid maligna mente fingamus coram aliis, ne quid simulemus, quod vel illis vel nobis noxium fore nouimus, aut iniquum, aut turpe & inhonestum. Simpliciter sine fraude, sine inductione, sine malitia sine fūco omnes diligamus, tam verbo quam opere, ut pacem synceram, puram ac veram & cum aliis & nobiscum habeamus, ipsique deo pacis placere possimus, qui de cœlo veniens pacem attulit terræ, pacem iis qui longè, & pacem iis qui propè, neminem credentem respuens, omnes autem ad pacem inuitans mutue inter nos dilectionis, ut huius pacis merito, quæ in præsentī est, illam perpetuam atque perennem, quæ est in futuro, consequamur. Si enim in simplicitate fraternæ pacis ambulabimus, si passionēs nobiscum pugnantes rationi subiugando domabimus, in Christo requiescimus, in Christo exultabimus. Ipse est pax nostra. Ipse posuit fines tuos pacem, & adipe frumenti satiat te. Ipse diligentibus pacem propitiabitur ac fauebit, & eosdem cum ad iudicandum venerit, in suum suscipiet consortium cum charitate perpetua atque perfecta, ut impleatur quod dictum est. Misericordia & veritas obuiauerunt sibi, iustitia & pax osculatae sunt.

Psalm. 84.

### De bonitate. Cap. 9.

**E**st quoniam ex his quæ diximus colligitur pacem prodesse omnino non posse, nisi bonis, nisi honestis, nisi iustis, & virtuti sanctitatiq; deditis, opportunum videtur de bonitate ipsa nunc disserere. Bonum igitur id esse dicimus, quod iustum ac honestum censetur,

tur, quodque vt fiat lege diuina iussum est, sic e contra-  
rio id esse malum quod turpe, quod iniustum, & à ra-  
tione alienum, quodque fieri cœlesti interdicto prohi-  
bitū apparet. Cætera verò quę neq; vetita neque con-  
sulta esse constat, in medio posita sunt, & nec bona nec  
mala indicantur, sed si bene vtaris, bona erunt: si malè,  
mala, vt diuitiæ, & dignitates, & eiusmodi cætera. Si  
ad multorum vtilitatem te conuerteris proderunt: sin  
autē luxuriæ te libidini que tradideris, nocebunt: atq;  
his contraria paupertas iuuabit, si patienter feres, & cō  
temptis opibus nihil amplius, quàm quod sustentandæ  
vitæ satis est appetes, vt Christo seruias. Offendet autē  
si per impatientiam Deum probro aliquo laceffieris,  
vel ad furtum rapinamq; auaras porrexeris manus. Cū  
cūta igitur id genus bona erunt, si admixta illis virtus  
fuerit, mala verò si adhæserit nequitia. Ad bona autem  
mala que diiudicanda sapientum acquiescendum esse  
consilio ratio admonet. Sed sapientia inquam nullus ca-  
dere potest error, Deus est. Diuinis ergo præceptis insti-  
tutisque niti, & eorum autoritate de omnibus decer-  
nere tutissimum erit. Indicabo tibi ò homo, inquit Mi-  
cheas propheta, quid sit bonum, & quid dominus re-  
quirat à te, vtique facere iudicium & diligere miseri-  
cordiam, & sollicitum ambulare cum deo tuo. Bonam  
esse ait iustitiam, bonam misericordiam, sed bonorum  
omnium quæ agimus finem in deo constituendum esse  
docet. Nā cum omne bonum expetibile sit, & quo me-  
lius, eo magis expetendum: nihil autem deo esse potest  
melius, qui solus cuiusque boni fons & origo est: nihil  
ergo desiderari, nihil concupisci supra deum debet. Il-  
le itaq; naturæ rationique repugnat, & diuinæ refra-  
gatur voluntati, qui ea quæ benè agit, alio quàm in desi-  
dirigit. Quod si omne datum optimum & omne donū  
perfectum, de fursum est descendens à patre luminū,  
vt Iacobus Apostolus ait, in quem iustius decentiusque  
omnes

Iacob. 1.

omnes bonæ animi atque corporis actiones referri potuerunt, quàm in eum à quo sunt? & pro quibus ipse se tibi donat, dicens: Ego sum merces tua magna nimis, id est, summa & vltra quàm nihil habetur expetendum, quaque adepta beati sumus, & propter quam solam studio incumbitur virtutum, vitiaque vitantur. Falluntur igitur illi, qui in virtute hominis beatitudinem collocant cum beatitudo præmium sit virtutis, & non virtus, qui bona corporis vel fortunæ ei adiungunt, cum omnia caduca fragiliaque sint, nec per se bona esse queant. Stabile autem bonum beatitudo est & perenne, & perpetuum, cuius adipiscendi gratia etiam aduersa pati, bonum esse dicimus. Et prosperis inolescere malum. contra vitia pugnare bonum, illis verò subiici malum. Virtutum autem armis opus est ut vincamus, & cum his nos munierimus, omnis vincendi spes in deo collocanda erit. Sine me (inquit) nihil potestis facere. Ipsæ quoque virtutes donum dei sunt, dicente Apostolo, Quid habes, quod non accepisti? Si non accepisti? ora ut accipias. Petenti datur, pulsanti aperietur. Incipe velle, & mereberis accipere. Si acceperis, constanter retine, fideliter operare, ut bono summo, quod in iis quæ præcepta sunt, perseverantibus datur, dignus inueniaris. Firmus esto in fide, longanimis in spe, ardens in charitate. Sume scutum fidei, in quo possis omnia tela nequissimi ignea extinguere. Sine fide placere Deo impossibile est. Fides autem sine operibus mortua est. Vtrumque seruemus ut vitæ æternæ spem habere possimus. Quoniam ut Ioannes ait; Si cor nostrum non reprehenderit nos, fidutiam habemus ad D E V M. Ut autem cuncta pie recteque facta atque cogitata profint charitate fundata sint, ea absente nulla prodesse poterit virtus, nulla iuuare operatio, & beneficia quæ proximis præstamus, ab illa quàm D E O debemus dilectione proficisci debent. Ista quidem virum bonum efficiunt,

Gen. 12.

1. Cor. 4.

1. Ioan. 7.



Matth. 5.

efficiunt, quem eundem propter futuræ beatitudinis expectationem non incertam beatum appellamus, & hoc edocti à domino, qui ait: Beati pauperes spiritu, quoniam ipsorum est regnum cœlorum: Beati mites, quoniam ipsi possidebunt terram: Beati qui lugent, quoniam ipsi consolabuntur: Beati qui esuriunt, & sitiunt iustitiam, quoniam ipsi satiabuntur: Beati misericordes, quoniam ipsi misericordiam consequentur. Beati mundo corde, quoniam ipsi deum videbunt: Beati pacifici, quoniam filij dei vocabuntur: Beati qui persecutionem patiuntur propter iustitiam, quoniam ipsorum est regnum cœlorum: Beati estis cum maledixerint vobis homines, & persecuti vos fuerint, & dixerint omne malum aduersus vos mentientes propter me, gaudete & exultate, quoniam merces vestra copiosa est in cœlis. Sint ergo in te iste virtutes in terra, vt & nunc spe beatus sis, & postea beatior mercede in cœlo. Audi præterea & Apostolum præcipientem: Spiritu ambulate, & desideria carnis non perficietis. Manifesta sunt, inquit, opera carnis, quæ sunt: Fornicatio, immunditia, impudicitia, luxuria, idolorum seruitus, veneficia, inimicitia, cõtentiones, æmulationes, ira, rixa, dissentiones, secta, inuidia, homicidia, ebrietates, comestationes & his similia, quæ prædico vobis sicut prædixi: quoniam qui talia agunt, regnum dei non consequentur. Ista detestare, & his quæ sequuntur grauius te accinge. Fructus autem spiritus ait, est charitas, gaudiũ, pax, patientia, benignitas, bonitas, longanimitas, mansuetudo, fides, modestia, continentia, castitas. Habes hic quidem & quæ tibi vitanda sunt ne malus ac miser sis, & quæ expetenda vt bonus beatusque euadas. Vt autem virtutibus affluas benè agendi cupiditas efficiet amorque virtutum. Illas amplecti nihil te impediat: illas deferere nihil te cogat. Mortem minatur tyrannus, sed virtus pollicetur immortalitatem, opes hostis diripit,

Gal. 4.

diripit, sed virtus thesaurum suum habet in coelo, quæ neque fur surripere, nec tinea potest corrumpere. Quid quereris de amissione fluxæ atque fragilis rei, & de æterni boni possessione mox capienda non lætaris? Ad illam diu optatam beatitudinem hinc decedens peruenies, tantum ut virtutes tibi sint comites cura, quibus hæc promissa est merces. Beatus es si cum propheta dicere poteris domino: In via testimoniorum tuorum delectatus sum, sicut in omnibus diuitiis. Nō te pigeat diuinas legere scripturas, audire, discere, & cum didiceris, alios docere, & quod doces, ipse facere. Qui enim docuerit & fecerit sic, magnus vocabitur in regno cælorum. Diuinorum scientia, omnium quidem scientiarum præstantissima est: percepisse tamen illam nihil proderit, nisi etiam secundum illam viuatur. Sapientissimi Salomonis sententia est: Nihil esse melius quàm lætari in opere suo, & hæc est, inquit, pars hominis. Est enim scriptum: Opera illorum sequuntur illos, & in euāgelio non otiosis, sed operariis datur denarius. Vnde Apostolus: Dum tempus, habemus operemur bonum ad omnes, maximè autem ad domesticos fidei. Non ergo qui scit, sed qui facit bonum, beatus est. Porro cum benefeceris, deo gratias age, Ipsius donum est, quicquid boni agimus. Bonam verò actionem, bonorum contemplatio parere solet. Maximi ad virtutem stimuli sunt, quanti ea facienda sint cogitare; per quæ ad summum bonorum peruenitur, quod nec oculus vidit, nec auris audiuit, nec in cor hominis descendit. Et cum tam immensa, tamque inæstimabilis merces iustis ac virtute præditis viris proposita sit, plurimi semper haberi debet virtus. Beatus est igitur vir, sicut scriptum est, qui in sapientia morabitur, & in iustitia meditabitur, & in sensu cogitabit circumspectionem dei. Ad hanc considerationem & Apostolus nos vocat, dicens: Quæcunque sunt vera, quæcunque iusta, quæcunque sancta, quæcunque

Psal. 138.

Ecc. 3.

Gal. 6.

Ecc. 14.

Phil. 4.

V

cun que

Pfal. 83.

Pphil. 3.

Pfal. 91.  
Proue. 12.

cunque amabilia, quæcunque bonæ famæ, si qua virtus, si qua laus disciplinæ, hæc cogitate. Talia enim cogitando proficimus, & impletur in nobis quod in psalmo dicitur: Ibunt de virtute in virtutem, & videbitur Deus deorum in Sion. Hæ sunt enim mansiones populi Dei, per quas ad terram promissionis itur, & gradus per quos psallendo dei templū ingredimur, & scala Iacob, per quam de terra sublatis ascendimus in cælum, ut iam manifesto inuisibilis Dei fruamur conspectu, & plenè verèq; beati simus. Ideò Apostolus quæ retrò sunt obliuiscens, ad ea verò quæ sunt priora extendens seipsum, ad destinatum persequitur brauium supernæ vocationis dei in Christo Iesu. Talis est omnis iustus, de quo Psalmista ait: Iustus ut palma florebit, sicut cedrus Libani multiplicabitur, quod & Salomon testatur, dicens: Radix iustorum proficiet.

*Quòd bonitas & perfectio donum  
dei sit. Cap. IO.*

Mat. 19.

Iohan. 6.  
Mar. 10.

**E**Tenim proficiendo ad bonitatis iustitiæque culmen peruenient iusti, ut de mundo exeuntes Christum sequantur, & perfectionis iter ingredi incipiant. Si vis, inquit, esse perfectus, vende omnia quæ habes, & da pauperibus, & sequere me. Perfectionis est igitur, contemptis diuitiis Christi imitari paupertatem, spretaque inanis gloriæ ambitione, humilitate se deicere quia & ipse cum eum regem vellent facere, recusauit dicens: Non est regnum meum de hoc mūdo. Et, Nō veni, inquit, ministrari, sed ministrare: & cum dominus esset, seruum se fecit. Præterea semetipsum abnegare, & aliorum subditi imperio, consummatæ virtutis est: quia & ipse obediens fuit patri usque ad mortem crucis. Ad hæc nō solum amicos, sed etiam inimicos diligere, quia  
&c

& ipse pro illis, à quibus tormēta patiebatur, orant. Repudiatis etiam nuptiarū copulationibus, perpetuā seruare castitatem, quoniam & ipse castus fuit, de casta matre genitus, de casto seruo baptizatus. Postremo pro amore dei nullum laborem recusare, nulla refugere pericula, nullo supplicij necisque genere terreri, omnia prius aduersa perpeti malle quàm dei mandatum preuaricari, hoc erit calicem bibere pro Christo, quē prior pro nobis bibit Christus. Qui tamē hoc fecerit, nequaquā tamen in eo quod pro Christo sustinet, se gratiā retulisse putet, sed beneficij plus accepisse. Idem enim ille qui pro nobis pati voluit, vt nos p sui nominis gloria sustinere possimus, pręstat. Facimus quidem satis cū obedimus, nulla tamen apud illum imperandi est causa, nisi vt remuneret obediētes, Neque enim nostro obsequio indiget deus, sed nos ipsius indigemus iussione: vt cū hoc quod iussu est impleuerimus, accipere illud quod promissum est, mereamur, tametsi hoc quoque, vt iussa perficere valeamus, eius muneris sit, cuius benignitatis est perficientibus promissa tribuere. Quicquid igitur à nobis exigit dominus, nihil ex eo ipsi accedit cum pręstatur, sed nobis duntaxat prodest, qui pro modo dico bono quod pręstamus, bonum illud quod omnem superat taxationem, ab ipso recipimus. Quanto igitur benignior atq; indulgentior dominus, tātō nos ei prōptius perfectiusq; seruiamus, quanquā penitus perfecti esse non possumus, donec corporis huius onere premimur. Vnde dictum est: Corpus quod corrūpitur, aggrauat animam, & terrena inhabitatio deprimit sensum multa cogitantem. Et caro pugnat aduersus spiritū, & spiritus aduersus carnē, hæc sibi inuicē aduersantur, vt nō ea quæ volumus faciamus. Itaque in hac vita sicut proficere, ita & deficere cōtingit, & quemadmodū peccatores per pœnitentiam sanctificantur, ita sancti per fragilitatem peccant atque delinquant. Sanctorum

Sapient. 9.

V ij

tamen

Mat. s.

tamen siue iustorum nomen non amittunt illi, qui dū se peccasse dolent, citò corriguntur. Peccauit Moyſes, peccauit Aaron, peccauit Dauid, peccauit Petrus, peccauerunt omnes reliqui discipuli, cum tempore dominicæ mortis à fide defecissent. Solus tamē de sanctorū numero excidit ifelix Iudas: quia licet de scelere doleret, de venia tamē desperauit. Cū igitur nemo tam perfectus sit, quem non aliquando labi contingat, nemo in præſenti poteſt eſſe perfectus, niſi pro conditione fragilitatis humanæ, ſecundum quam dictum eſt: Eſtote perfecti ſicut & pater veſter cœleſtis perfectus eſt, non dixit, quantum ille perfectus eſt, quod impoſſibile quidem erat, ſed ſicut ille, vt pro viribus enitamur ei ſimiles eſſe in omni bonitate & iuſtitia & virtute, qui ad ſimilitudinem & imaginem ſuam nos creauit. Tunc autem plenè perfecti & conſummati erimus, cum ablata omni mortalitatis moleſtia in ipſo viuere incipiemus. Nunc enim videmus in ænigmate per ſpeculum, tunc autem facie ad faciem, & ſicuti eſt eum videbimus: quæ ſola viſio efficit nos beatos, atque omni virtute repletos, & iam neque culpæ neque tétationi obnoxios, quibus miſeriis interim carere omnino non poſſumus. Dāda tamen eſt opera, imo omni labore conandū, ne quādo in illa peccata quæ ad mortem ducunt, incidamus. Quòd ſi etiam minima quæque (quantum in nobis eſt) vitare ſtuderimus, vel nullus vel rarus admodum ad grauia & quæ mortem afferant, lapſus nobis eueniet.

## *De moderatione virtutum.*

### *Cap.*

### *II.*

**P**ORRò in exercēdis colendisque virtutibus ita nos gerere oportet, vt neque ad dexteram neque ad ſiniſtram declinemus: quoniā extrema vitioſa ſunt  
in

in medio autem est virtus. Ponam, inquit dominus, in pondere iudicium, & iustitiam in mensura. Tu qui te ita institutum compositum quæ senseris, caue ne qua inanis gloriæ appetitio animum attollat, & quod humilitate congestum est, arrogantia dissipet. Ad exemplum aliorum virtus tua sit exposita semper, non ad iactantiam neque ostentationem, vt tua iustitia (sicut præcipit dominus) in occulto sit conscientiæ tuæ, & tamen ad laudem largitori virtutum deo præstandam, qui te viderint, concitentur. Prouidemus enim bona (vt Apostolus ait) non solum coram Deo, sed etiam coram omnibus hominibus, vt videlicet ex conuersatione nostra deum laudent, se corrigant, & vna nobiscum saluentur. Caue etiam nequando inuideas melioribus. Qui enim bonis inuidet, diuinæ benignitati calumniam facit, cum omnis hominum bonitas ex deo sit. Gaudeam⁹ igitur bono alieno æquè ac nostro: & in aliis, sicut etiā in nobis dei beneficia laudemus. Illum verò qui virtutibus nostrantecellit, & diligam⁹ corde, & opere imitemur, neque in quo ipse profecit, sed in quo nos defecimus, doleamus. Si autem contigerit nos ipsos ab aliis pati inuidiam, huiusce rei causam discussa animi nostri conscientia, inquiramus: & si hoc nostra culpa fieri cognouerimus, emendemus: sin aliena, æquo animo feramus. Vsu enim venire solet, vt malis odio boni sint, arrogantibus mites, casti incontinentibus, impiis religiosi. Veruntamen si deo placuerimus, nihil nobis nocere poterunt hominum iniustæ persecutiones. Quinimò beati sunt, qui persecutiones tolerant propter iustitiā. Abel à fratre ob inuidiam occiditur: Et eidem liuor in Iosephum innocentem fratres compulit sequi. Armavit & Saulem inuidia aduersus Dauidem, reges iniquos aduersus dei seruos prophetas, & communem humani generis inimicum aduersus Iob iustissimum incitauit: horum autem si finem consideres, fatearis necesse est,

Isaia. 28.

Roma. 12.

Abel.

Ioseph.

Dauid.

Iob.

V ij

non

Apostoli,  
Martyr.

nō ipsis nocuisse mala quæ passi sūt, sed profuisse. Ideō quippe & Apostoli gaudebant in contumeliis pro nomine Iesu susceptis. Gaudebant & sancti martyres pro veritate supplicii affecti, quoniam per ea deum se magis demereri sciebant: Intrepidi igitur iugula persecutoribus ferienda porrexerunt, vt fidem domino integrè seruata sanguis eius effusus testaretur, & virtus nullo superata tormento, præmia caperet felicitatis æternæ. Nihil igitur nocere potest viro iusto, nec miser est quem iam beatificauit spes gloriæ cœlestis merito virtutum. Memento præterea vt in omnibus prudentiam obserues: præterita recordare, præsentia dispone, futura cogita. Tūc enim quos in aliquo crimine lapsos fuisse recolēs, eorum casus te in via vitæ cautiorem reddet. Quos autem rectè incedere conspicias, eorum confideratio magis te ad amplectendam accēdet virtutem, Futurorum verò memoria & terreat te minis mortis æternæ ne pecces & hortabitur vitæ perennis pollicitationibus, vt in bonis actibus perseueres, nullo labore defatigatus, nullo impeditus præsentium incommodorū periculo, omnia dura atque aspera vincens animi promptitudine, dum ad summum bonorum peruenire contendis. Et hoc quidem erit, non modo prudenter viuere, verum etiam iuste atque constanter. Quoniam iustitiæ partes sunt inhonestā respuere, rectā diligere, de omnibus diiudicare, vnicuiq; rei congrua distribueret. Constantiæ autem ab officio non discedere, nec aduersis dei iei, nec prosperis efferri, in omni rerum euentu æquabilem se præstare, pro religionis assertionē impiorum potentiam nihil vereri, & à vita prius quàm à fide recedere. In omni autem colenda conseruandaque virtute, non philosophorum opinionibus niti debes, sed sanctarum autoritati inhærere scripturarum. Quia confirmatus, intelliges contra Stoicorum sententiam, posse alium alia virtute magis excellere, neque necesse esse,

esse, vt qui vnam habuerit, eum habere omnes. In Abel ante omnia quę in illo erant, laudatur simplicitas, in Enoch munditia, in Noë longanimitas, in Abraham obedientia, in Isaac pudicitia, in Iacob laboris toleratio, in Ioseph pro iniuria beneficij repensio, in Moyse mansuetudo, in Iosue de dei promissione fiducia, in Iob inuestigata calamitatum patientia, in Dauid vindictę abstinentia, in Salomone sapientia, in prophetis ad arguendos reges animi magnitudo. Inter apostolos quoque eminebat, in Petro erga dominum pietas, in Iohanne puritas, in Paulo charitas, in omnibus veritatis prædicandę studium, patientiaque persecutionum. Et cum ita sit, tollitur omnino illa necessitas omnium pariter habitare virtutum vna habita, parilitasque cunctarum. Quę si esset, nemo magis ista quam illa virtute prestare potuisset, neque prorsus omnes nihil prodesse sine charitate Paulus diceret, si nulla earum carere charitate potuisset, & si pares essent, quomodo staret illud, quod idem ait, Fides, spes, charitas, tria hæc, maior autem horum est charitas. In eadem quoque virtute alii magis, alium minus proficere nouimus: alium alio meliorem, sanctiorem, iustiores, perfectioresque esse: & stellam à stella differre in claritate, atque inter beatos etiam diuersitatem esse meritorum. Gradus igitur perfectionis sunt, vt qui in infimo versantur, non desperent de medio, & qui medium attingunt, non diffidant de summo, quem si apprehendere nequiverint, locum tamen suum non deferant, & eo innocentie statu quem acceperunt contenti, deo gratias agant, multumque se profecisse arbitrentur, si retrorsum non recesserint. Quamdiu erunt arbor bona, bonos facient fructus, iustitiam conseruabunt, deum & proximos diligunt, nemini nocebunt, prodesse omnibus cupient, vnaquaque virtute proficere studebunt. Præclare nobiscum actum erit si talia præstabit. Veruntamen si cuncta quę memora-

Abel,  
Enoch.  
Noë.  
Abraham.  
Isaac.  
Iacob.  
Moyfes.  
Iosue.  
Iob.  
Dauid.  
Silomon.  
Prophetæ.  
Petrus.  
Ioannes.  
Paulus.



ta sunt, deo donante præstiterimus, omnesque bonitatis ac sanctimonie numeros impleuerimus, fragilitatis humanæ memores semper sumus, dicente Apostolo: Qui stat, videat ne cadat. Non enim propriis viribus confidendum, sed omnis bene agendi beneque perseverandi fiducia in deo sita sit, sine quo ne cogitare quidem quod bonum est, nostra valet imbecillitas. Animum autem ita ut exposuimus institutum atque compositum quæ commoda sequantur, quis æstimet? non est tamen silentio prætermittendum, quod scriptura docente didicimus.

## De fructibus bonitatis.

### Cap.

12.

Gene. 8.

Gene. 19.

Gene. 20.

Exod. 27.

Num. 14. 16.

**P**rimum quidem iustorum preces exaudiri, & eorum merito in impios quoque vindictam differri sacræ historiæ veritas fidem facit. Oranti Abrahamæ ne pereat iustus cum impio in euerfione futura Sodomorum respondit dominus, parsurum se urbi, si in ea decem tantummodo iusti fuissent inuenti. Bene itaque cum illa ciuitate agitur, in qua sanctorum cōuentus aliquis habetur. Quandoquidem ita illis fauet deus, ut in ipsorum gratiam peccatoribus quoque & iniustis ignoscatur. Ne autem iustus cum scelestis vno rapiatur interitu, Loth solus multæ iam deū pietatis vir ab angelo monitus inde egreditur, & Sodoma Gomorraque igne de cœlo pluyente delentur. Segoro oppidulo quod ille ingressus est ut ibi se cum suis saluaret, pepercit deus, in hoc quoque ostendens quanti sit apud se vel vnius iusti meritum atque gratia. Quæ res etiam in Noë cum vxore & liberis nuribusque seruato clarè apparuit. Iusti quippe in arca saluati sunt, iniusti omnes diluuiopierunt. Præter hæc Abrahamo orante steriles foeminae pepererunt. Moysæ orante plagæ Aegypti cessabant, inimici

inimici victi sunt, diuina in plebem ira placata est. Illo & 21.  
 iubente orauit Aaron, & incendium quo populus in-  
 noluebatur, cessauit. Eiusdem Moyfi preces iis qui ser- 2. Reg. 17.  
 pentum ictibus disperibant, remedio fuere. Elia depre- 1ac. 5.  
 cante ne plueret, suspensus fuit coeli humor per annos 3. Reg. 14.  
 tres cum dimidio. Quo rursus vt plueret orante, cœ-  
 lum dedit pluuiam & terra fructum, Idem in Serepta  
 viduæ pauperculæ nihil habenti, farinæ oleique copiâ  
 non largitione, sed oratione contulit, filiumque eius  
 mortuum ad vitam reuocauit. Quid adhuc? Fluminis 4. Reg. 2.  
 cursum stare fecit, donec diuisis aquis ad vltiorem 4. Reg. 4.  
 ripam per siccum transfret. Elisei oratione aqua potu- 1bidem.  
 noxia salubritatem recepit, terra sterilis fecunditate, 1bidem.  
 vidua Samaritana cum inopia laboraret, oleo abunda- 1bidem.  
 uit. In Suna ciuitate mulier, apud quem ille hospitaba-  
 tur, diu sterilis filium suscepit, & cum deinde hunc ip-  
 sum filium morte sibi sublatum fletet, mox ab eo vitæ  
 restitutum vidit. Item Elisæus cum orasset, pulmentū  
 amarum in dulcorem conuertit. Centum hominum  
 turbam, viginti panibus satiauit. Leprosus Naaman 4. Reg. 6.  
 sanum fecit. Ferream securim in fluiuium delapsam e- 1bidem  
 natâre in ligni modum compulit. Ab inimicorum ob-  
 fidione non virium, sed precum virtute se expediuit, 4. Reg. 17.  
 ac ne in morte quidem miraculi caruit: mortuus mor-  
 tuum hominem tactu solo suscitauit, & qui iam in cor-  
 pore non viuebat, alterum viuificare meruit. Quid  
 multa? Diuini homines adhuc in terra degentes cœ- 1os. 10.  
 lo imperant. Sol & luna ad orationem Iosue ducis  
 cursum suum frenare coacti sunt, donec ille hostem  
 persecutus vlcisceretur. Et si cœlestia sanctis tuis domi-  
 ne seruiunt, quantomagis terrena? Non immerito igitur  
 tibi seruiendo regnant, tibi famulando dominan-  
 tur. Apostoli tui domine desperatas hominum ægritu-  
 dines curauerunt, mortuis vitam reddiderunt, dæmonia  
 de obsessis corporibus eiecerunt. Ac ne solis illis hoc  
 da

datū crederemus, eadem post illos miracula per sanctos tuos factitata verè fideliterque referuntur. Ex quo satis patet, quātum diligentes te diligas, cum per eos tuā potentiam tuamque bonitatem mundo manifestes. Petrus Dorcam, Ioannes Drusianam, Matthæus Aegypti regis filium, Paulus Euthicum à morte ad vitam suscitauerunt. Quæ terrena potestas, quæ naturæ vis efficere hoc potuisset: quod electi tui domine te præstante potuerunt: Per te igitur & regibus terræ & populorū dominis plus possunt. Ipsi itaque & reges sunt, & plusq̃ reges. dij videlicet, quorum deorum tu Deus es. De his quippe Apostolus ait: Vos autem genus electum, regale sacerdotium, gens sancta. Verè enim rex est, qui imperat passionibus, & verè deus est, per quē summus deus ea quæ supra naturam sunt, operatur: vnde ad Moysen dixit dominus: Ecce constitui te deum Pharaonis: vtpote superaturum magos Pharaonis prodigiorum operatione, & fideles de seruitutis iugo liberaturum in manu forti & robusta, de Aegyptoque educturum, & quoniam in iisdem elucet gloria tua quàm & moribus ostēdunt & sermonibus declarāt, modo cœli, modo nubes, modo stellæ in scripturis nominantur. De illis nanque dictum intelligimus, Annunciauerunt cœli iustitiam eius populo qui nascetur, quem fecit dominus. Ad illos pertinere sentimus quod legitur: Veritas tua vsque ad nubes. Illis conuenire non ambigimus, quod Apostolus ait: Stella à stella differt in claritate. Iidem etiam arborum florumque nomina sortiti sunt, montium quoque & lapidum & liquentium aquarum. Arbor bona est, qui cum psalmista dicere potest. Ego autem sicut oliua fructifera in domo dei. Flos est cui conuenit quod in Osee propheta est dictum: Israël germinabit quasi lilium. Mons est qui iustitiæ meritis erigitur ac sublimatur, vt sustētaculum ecclesiæ esse videri possit, de qua dictum est: Fundamenta eius in montibus sanctis

Petrus.  
Iohannes,  
Matthæus.  
Paulus.

1. Pet. 2.

Exod. 7.

Psalmo. 31.

Psal. 5.  
2. Cor. 25.

Psal. 51.

Osee. 14.

Qui enim confidit in domino sicut mons Sion non mo- Psal. 96.  
 uebitur in æternum, montes in circuitu eius, & domi- Psal. 134.  
 nus in circuitu populi sui. Lapidēs etiā sunt quibus  
 dei ciuitas conftruitur, dicente Apostolo Petro: Si gu- 1. Pet. 2.  
 statis quoniam dulcis est dominus, ad quem accedentes  
 lapidem vinum, ab hominibus quidem reprobaturum à  
 deo autem electum & honorificatum, & ipsi tanquam  
 lapides vini superædificamini domos spiritales in sa-  
 cerdotium sanctum, offerentes spiritales hostias acce- Ephe. 2.  
 ptabiles deo per Iesum Christum. Hos & Apostolus Pau-  
 lus dicit superædificatos supra fundamentum Aposto-  
 lorum & prophetarum, ipso angulari lapide, Christo  
 Iesu domino nostro, in quo omnis ædificatio constructa  
 crescit in templum sanctum Dei. De quo sanè templo  
 psalmista ad dominum ait: Tu exurgens misereberis Psal. 101.  
 Sion, quia venit tempus miserendi eius, quia venit tem-  
 pus: quoniam placuerunt seruis tuis lapides eius. Placēt  
 dei famulis isti ecclesiæ lapides, cum vitam ipsorum imi-  
 tando ad eorum perfectionem nituntur peruenire. Iidē  
 sicuti montes per virtutum altitudinem nuncupantur,  
 ita & flumina propter doctrinæ inundationem copiā-  
 que affluentem. Plenissimè enim viam veritatis docēt,  
 quā viam ipsi terendo iudicis aduentum præstolan-  
 tur securi. Vnde dicitur: Flumina plaudent manu, si- Psal. 97.  
 mul montes exultabunt in conspectu domini quoni-  
 am venit iudicare terram. Neque enim de insensibili-  
 bus intelligi potest manuum plausus, aut lætitiæ exul-  
 tatio. Qui autem euāgelio credit, ei promittitur quod Iohan. 7.  
 de ventre eius flumina fluent aquæ viuæ. Et in diuersis  
 diuersæ effulgent virtutes vt decentius cultiusque ec-  
 clesiam Christi sponsam exornent, cui quidem ipse  
 sponsus per Ezechielem: Vestiui te, inquit, discolori- Eze. 16.  
 bus, & de qua ad sponsam psalmista ait: Astitit regi- Psal. 44.  
 na à dextris tuis in vestitu deaurato, circumdata varie- 1. Cor. 12.  
 tate. Alij quippe datur sermo sapientiæ, alij sermo  
 scientiæ

scientiæ, alij fides, alij gratia sanitatum, alij operatio virtutum, alij prophetia, alij discretio spirituum, alij gratia linguarum, alij interpretatio sermonum, hæc autem omnia operatur vnus atque idem spiritus, diuidens singulis prout vult. Ex his autem efficitur corpus Christi, hic nempè manus, ille pes, alius oculus; aliud membrum, corpus verò vnum quibus dicitur, Vos estis corpus Christi & membra de membro. Atque membra ista nota quidem deo sunt, quia fortia & robusta, quia sapientia, quia plurimi æstimanda. Ea ipse cognoscere se dicit, quæ sua notione digna sunt, quæque in suo manent corpore, ea verò ignorare quæ extra ecclesiam sunt, & per peccatum ab ipsa sese alienarunt. Hoc Amos propheta testatur cum ait, Audite verbū quod locutus est dominus super vos filij Israël, & super omnem cognationem quam eduxit de terra Aegypti dicens: Tantummodo vos cognoui ex omnibus cognationibus terræ. Notus enim deus tantum in Iudæa erat, cætera impietas nequitia possederat, his in euangelio ait, Recedite à me operarij iniquitatis, nescio vos. De iustis autē in psalmo est dictum, Novit dominus vias immaculatum, & hæreditas eorum in æternum erit. Porro immaculati sunt qui cupiditatibus repugnāt, ne domino peccent, de quibus in Delboræ cantico dicitur: Iusti cōfortati sunt in Israël, vt videlicet superent aduersarias potestates victoriaque potiantur. Idem dona quoque sapientiæ & scientiæ accipere merentur, Ecclesiaste dicente: Homini bono in conspectu suo dedit deus sapientiam & scientiam & lætitiā, quæ nequaquam confectui potuissent, nisi à domino diligerentur, & apud eū in precio forent. Vnde dictum est: Preciosa in conspectu domini mors sanctorum eius, non esset eorum mors preciosa, nisi præcessisset vita sancta. Ob quam quidem etiam filij Dei effici merentur, & domus in qua habitet deus. Quod filij dei fiant, Ioannes in epistola testatur

Amos.

Psal. 16.

Iudi. 3.

Eccle. 2.

Psal. 115.

1. Iohan. 2.

statutur dicens: Si scitis quoniam iustus est deus, scitote & omnis qui facit iustitiam ex ipso natus est. Idem in euāgelio: Quot quot autem receperunt eum dedit eis potestatem filios dei fieri, qui non ex sanguinibus neque ex voluntate carnis neque ex voluntate viri, sed ex deo nati sunt. Quod præterea domus dei sint Apostolus Paulus Corinthios instruens declarat, cū ait: Nescitis quia templum dei estis & spiritus dei habitat in vobis? Et iterum: An nescitis, quoniam membra vestra templum sunt spiritus sancti, qui in vobis est? Et cum non modo intra se deum habitantem habeant, verum etiam ipsi in deo habitent, hoc est in templo non manufacto neque huius creationis. Inter vasa quoque templi computantur, ex his Paulus vas electionis appellatus est, portans nomen domini in gentibus & ipse in domino permanens. Cæteri etiam Apostoli apostolicique viri vasa electa fuere, vasa magnæ domus, alij quidem aurea, alij verò argentea. Ad quos propheta: Mundamini, inquit, qui fertis vasa domini. Neque poterit esse vas domini, qui ab omnibus nequitie sordibus non fuerit emundatus. Etenim peccator quoque vas est, sed in contumeliā factum, non in honorem, vas non dei sed diaboli. Quisquis igitur & spiritus sancti habitaculum, & vas Dei sanctificatum atque vtile esse desideras, viam derelinque vitiorum, ac per virtutum semitam gressus tuos dirige, ab otio atque voluptatibus discede, & ad cælum ascendendi labori ac solitudini te quamprimum accinge, ut pro iustitiæ fideique operibus mercedem capere mereare sempiternam, & tandem in illo, pro cuius amore te exercueris feliciter conquiescas.

Ioan. 1.

1. Cor. 3.

1. Cor. 6.

1. Tim. 2.

Isaia, 58.

## De præmio iustorum.

Cap.

13.

Etenim

**E** Tenim si iustitia pietateque præditi homines ab omnipotenti deo tot tantisque bonis afficiantur in terra, quanto magis in cælo: vbi æternum eis ipse constituit habitaculum, vbi sedem perfectæ consummatæque beatitudinis esse voluit. De qua in Prouerbiis dicitur: Habitacula iustorum benedicentur. Et in Psalmo: Sanctificauit tabernaculum suum altissimus. Cumque ita sit, illi proculdubio qui illuc transferentur perpetuò benedicti ac beati erunt, gaudentes in conspectu dei semper, iam salutem cōsecuti nulli prorsus iniuriæ obnoxiam, nullius solitudinis participem, bonorum omnium plenam atque confertam. Idcirco Psalmista ait: Vox exultationis & salutis in tabernaculis iustorū. Idem alibi: Gaudebunt campi & omnia quæ in eis sūt. Tūc exultabunt omnia ligna sylvarum à facie domini, quoniam venit iudicare terram. Tūc enim iusti rapiuntur ab angelis obuiam Christo, & ad partem dextram collocati cum ipso ad cæleste regnum transmigrabunt, ipso Christo domino dicente: Venite benedicti patris mei, percipite regnum à constitutione mūdi vobis paratum, qui & in peregrinos hospitaes, & in egenos liberales, & in afflictos fuistis misericordes, accipite tandem pro modicis magna, pro terrenis cælestia, p breuibz sempiterna. Hęc igitur erit benedictio illa, de qua Salomon ait: Benedictio domini super caput iusti. Quam rem latius quidem explicat Psalmista, dicens: Quis ascendet in montem domini: aut quis stabit in loco sancto eius? Et respōdet: Innocēs manibus & mundo corde, id est, q̄i nec actionis improbæ, nec cogitationis malignæ vitio fuerit pollut⁹. Deinde sequitur: Qui non accepit in vano animam suam, nec iurauit in dolo proximo suo, hoc est, qui post vanitates & insanias hui⁹ mundi non abiit, ne quenquā verbis ad fraudem cōpositis decipere est conatus. Hic, inquit, accipiet benedictionem à domino, & misericordiam à deo salutari suo.

Non

Non enim ex operibus iustitiæ quæ fecimus nos (ait Apostolus) sed secundum suam misericordiam saluos nos fecit. Iustitia quidem idoneos reddit ad promerendam gratiam, sed profectò nisi Christi domini merita accessissent, beatitudinis donum accipere nemo dignus esset. Vnde & in psalmo est dictum: Salus iustorum à domino. Nemo igitur suis meritis arroget, quod diuinæ est liberalitatis, nec elatione amittat, quod in humilitate sperauit. Iustus quia in omnibus se submittit, à domino sublimatur, iuxta illud Ecclesiastici: Qui operatur iustitiam, ipse exaltabitur. Non solum autem se submittit qui iustus est, sed etiam omni proficit probitate, vitiaque deuitat. Sic enim in Isaia legitur: Qui ambulat in iustitiis & loquitur veritatem, qui proiicit auaritiâ ex calûnia, & excutit man<sup>us</sup> suas ab oī munere, qui obturat aures suas ne audiat sanguinē, & claudit oculos suos ne videat malum, iste in excelsis habitabit. Igitur qui in his non ambulat, non est iustus, & qui non est iustus, habitare in excelsis non poterit. Iustum autem per eundem prophetam consolatur dominus, & promissis remunerationis allicit, dicens: Dicite iusto quoniam benè, quoniam fructum adinuentionum suarum comedet. Porro iustorum remuneratio quid est aliud, nisi æterna beatitudo? Beati, inquit propheta, qui custodiunt iudicium, & faciunt iustitiam omni tēpore. Et alibi: Beati immaculati in via, qui ambulant in lege domini. Et in euangelio: Beati qui esuriunt & sitiunt iustitiam, quoniam ipsi saturabuntur. Hi enim pro operibus iustitiæ replebuntur bonis felicitatis æternæ, & ipsa virtutum esuries & sitis refici merebitur dapibus gloriæ cœlestis, dicente propheta: Iusti epulentur & exultent in conspectu dei, & delectentur in lætitia. Illustrabuntur insuper ex diuina visione, & animæ beatificatæ decore redundabit in corpore imortali atq; incorruptibili, dicēte saluatore. Tūc iusti fulgebūt sicut sol i regno patris

Titum. 7.

Psal. 16.

Eccle. 20.

Isaia. 33.

Isaia. 2.

Psal. 105.

Psal. 118.

Psal. 67.

Matth. 13.

patris



1. Cor. 2.

1. Pet. 1.

patris eorum. Cæterū, ne pluribus immoremur in singulis, nemo est qui vel fando explicare, vel cogitando queat comprehendere, quanta siue qualis iustorum in ecclesiæ regno sit merces, hoc tibi testatur Apostolus, dicens. Nec oculus vidit, nec auris audiuit, nec in cor hominis ascendit, quàm grandè bonum sit, quod deus ipse suis dilectoribus possidendum fruendumque præparauit. Audiamus igitur ( si tale bonum consequi cupimus) Petrum Apostolum exhortantē: Succincti, inquit, lumbos mentis vestræ, sobrij ac perfecti spectate in eā, quæ offertur vobis gratiam, in reuelatione Iesu Christi, quasi filij obediētiæ, non cōfigurati prioribus ignorantia vestræ desiderijs, secundum eum qui vocauit vos sanctum, vt & ipsi in omni conuersatione sancti sitis. Tanti est ergo facienda piè sanctæque viuendi virtus, quanti ipsa virtutis merces, quæ est summum hominis bonum, ad quod per hanc quidem virtutem peruenitur. Tales igitur simus, qualibus ista quæ dicta sūt, conferri credimus.

## *De peccatis principalibus per septem lepræ genera significatis.*

Cap.

14.

**P**orrò bonitatem ipsam, magis ac magis expetem⁹, cum peccati quoque mala cōsiderauerimus. Quicquid legi diuinæ aduersatur, quicquid virtutibus contrarium est, rationi que repugnans, peccatum est, inter peccatum & delictum quidam discernunt, delictumque leuius esse aiunt, Id enim delictum dici, cum non facimus quod debemus: peccatum verò, cum committimus quod non debemus, in illo boni omissionem esse, in hoc perpetrationem mali. Vtroque tamen vocabulo

cabulo scriptura pluribus in locis indifferenter indi-  
 stincteque vtitur. Cæterū nō parua inter se peccatorū  
 discrimina sunt, cum aliud alio longè grauius sit dete-  
 stabileque magis vel diuersi generis atque cōditionis. **Leui. v.**  
 Peccatum in lege veteri per lepram significari noui-  
 mus, & sicut variæ ibi leprarum species notantur, ita  
 varia esse peccata manifestum est. Colore habituque  
 diiudicatur lepræ, sic peccata specie atque pondere. Nō  
 incongruè igitur ipsa septem capitalia vitia, septem ge-  
 neribus lepræ nunc comparare conabimur. Prima qui-  
 dem lepra describitur coloris albi in cute carnis viuæ,  
 cum capillorum aspectu mutato. Albedo ista pallor in-  
 uidiæ est. Inuidus de alieno bono dolens, liuidam præ-  
 se fert faciem: dumque malè affecti animi, stimulis agi-  
 tur & inquietatur, in carne viua vitium esse dicitur,  
 tunc autem & capillus mutatur, cum relicto rationis cō-  
 filio, cuius in capite sedes est, prauæ cupidinis affectum  
 sequimur. Nihil autē nequius, quàm quos imitari de-  
 bemus, eis inuidere velle. Alterū lepræ genus florere di-  
 citur, ac totum quippe corpus à capite vsque ad pedes  
 occupare, quæ tamen munda esse putatur, nisi caro vi-  
 ua apparuerit. Hanc equidem mentis torporem esse re-  
 or, & ad persoluenda quæ tenemur otiositatem atque  
 ex tædio neglectum, quod vitium acediam appellant. **Acedia.**  
 Ea sanè totum hominem possidet, dum mollem peni-  
 tus & effœminatum reddit. Munda autē est, nisi caro vi-  
 ua apparuerit: quia vitium istud nec stultis, in quibus  
 ratio mortua est, imputatur: nec mala valetudine affe-  
 ctis, quorum bona voluntas morbo impedita est corpo-  
 ris. Tertia lepræ species, hylcus est in carne natum &  
 sanatum, & in loco hylceris cicatrix alba sive subrufa,  
 & carne reliqua humilior preffiorque, pili etiam in cā-  
 dorem versi. Hylcus in carne auaritiam esse existimo, **Auaritia.**  
 cuius vulnus tunc obductum videtur, cum auarus adep-  
 tus est quod concupierat. Cæterum quia nec adepto

fatiaur, nōdum sanatum vulnus cicatrix inæqualis ac discolor ostendit. Et quoniam ille nulla copia contentus, in superfluis parandis cumulandisque laborat semper, pilos habere dicitur, qui sunt superflua corporis, cicatrix autem alba, delectationem in acquirendo indicat, rufa ardor em in concupiscendo. Quartum lepræ genus dicitur caro & cutis igne adusta & sanata, sed & ipsa cicatricem habens albam siue rufam, reliqua cute humiliorem, pilorum colore mutato, atque in cicatricis cute lepra excrescente. Quid est lepra ista, nisi libidinis igne succensa appetitio: quæ tunc quidē sanatur, quando vel explet legitimo matrimonio auiditatem, vel coërcet excolendæ castitatis gratia. Sed si pristinae voluptatis recordatio labefacere ac mutare coeperit propositum, nec iam meretricari erubuerim, cicatrix suscepit inæqualitatem cutis, & coloris pilorumque mutationem. Conuersa est enim in candorem carnalis delectationis, & in rubedinem inflammatæ auiditatis, & in lepram excrescentem, eo quod frequenti usu nō satiatur turpis libido, sed magis acceditur. Quintum genus lepræ capitis est & barbæ in viro & muliere: cum locus humilior fuerit reliqua carne, & capillus flauus solitoque subtilior, lepra, inquit, capitis & barbæ est. Caput & barba gulæ contigua sunt, non ineptè igitur lepram hanc ad crapulæ vitium referemus. Quoties per ingluuiem impotes rationis facti fuerim, & iam nec lingua suum implere officium valuerit, capitis ac barbæ lepra erit, non capitis & barbæ Aaron, in quibus est benedictionis diuinæ vnguentum, sed capitis & barbæ eorum, quibus manna fastidio est, & Aegyptiæ carnes voluptati. Capillus autem flauus, qui meretricibus conuenit, gulosorum impudentiam designat, quorum temeritati nihil obstat, quin semper obscenum ac turpè aliquid aut dicant aut faciant. Tunc verò extenuatur capillus, cum bona animi per luxuriam

con

Fornicatio.

Gula.

sumuntur. Locus autem lepræ vbique humilior prædicatur, quia in ea parte virtus animæ deprimitur, in qua peccatur, non in qua non peccatur, potest enim fieri, vt aliquis partim virtutibus præstet, partim alicui vitio deditus sit. Sexta lepra caluitij est. Si in caluitio, inquit, vel recaluatiõe albus vel rufus color fuerit exortus, & hoc sacerdos viderit, condemnabit eum haud dubiè lepræ, quæ orta est in caluitio. Quoniam caluitium summa capitis occupat, per hoc superbix elationem signari reor. Semper se supra se erigit superbus, inani tumet gloria, pares contemnit. Cum de animi bonis inaniter sese iactat, albus color est in vertice: cū de bonis corporeis atquæ fortunæ gloriatur, rubedo quæ corporeis conuenit, sedet in capite. Et quia caput caluitio deforme fit, vtpote capillorum ornamento vacuum, innuit nobis, nihil esse honesto viro indecentius, quam inanis ac superba suimet iactatio. Septima verò ac suprema istarum, quæ in Leuitico simul tractantur, lepra, non hominis esse dicitur, sed vestimentū. Vestis linea, inquit, siue lanea, quæ lepram habuerit in stamine atque sub tegmine, aut certè pellis, vel quicquid ex pelle confectum est, si alba vel rufa macula fuerit, infecta lepra reputabitur. Demus hanc si libet, quod reliquum est, iracundiæ vitio. Cum enim nulla animi passio ita hominem infatuat atque dementat vt iracundia, meritò lepra ista non hominis est, sed vestis, hoc est, eius qui nihil in se hominis habet præter figuram, quique vestimentum hominis dici potius debet quàm homo. Qui citò irascitur, leuis est vt linum: qui citò placatur, mollis vt lana, qui immaniter furit, vestis ex pelle ferina est. Homo enim cum in honore esset, non intellexit, comparatus est iumentis insipientibus, & similis factus est illis: Lepra hæc in stamine est & subtegmine, quia iracundus & intus furore æstuat, & foris petulanti ore rixatur. Quoniam

Superbia.

Ira.

X ij autem

- Color albus** autem vbique color albus ac rufus lepræ tribuitur, quæri potest, quomodo albedo peccato conueniat, cum præsertim ecclesia in Canticis nigram se prius fuisse fateatur cum erraret, deinde formosam, cū credens Christo sponso iuncta esset, qua ratione igitur lepra candida est vel rufa? Sed quia vel tægimus peccata, vel ostētam<sup>9</sup> ideo arbitror lepram candidam hypocritarum esse sepulchris similium dealbatis. Rufam verò lepram illos habere, qui manifesto & sub multorum conspectu erubescenda committere non verentur. Denique saluatori, qui peccata nostra tulit, dicitur: Quare rubrum est indumentum tuum? Præterea fit plerunque vt cum in peccato deprehendimur, ora inficiat rubor, dum accusari magis quàm peccare pudet. Quare etiam locus lepræ humilior est quàm cætera quæ sana sunt: quia peccatum ad terram animã premit, humi que allidit. Vnde & labi atque cadere dicitur, qui peccat: stare verò & rectus esse, qui non peccat. Humilem itaque lepræ locum grauitas peccati facit atque pondus, de quo Dauid lamentabatur, dicens: Iniquitates meæ supergressæ sunt caput meum, & sicut onus grauæ grauata sunt super me. Non est huius loci de hostiis quoque & expiationibus lepræ differere, satis fit generatim ista breuiterque perstrinxisse. Nec tamen omittemus illud quoque lepræ genus obiter attingere, quod post aliqua seorsum describitur, vt maius aliquid inuat, quàm quòd cum illis quæ simul enumerata sunt, commune sit. Lepra hæc domus est habentis in parietibus valliculas pallore siue rubore deformes, humilioresque superficie reliqua. Domus ista ecclesia Christi est, hæc maculas patitur, dum hereticorum fallacibus argumentis impugnatur, pallor & rubor i maculis est, quia hi quidem fidelibus inuidendo liuent, atque irascendo inflāmantur, sed veritate victi, eisdem tandem cedunt, atque ita reliquis orthodoxis inferiores inueniuntur. Rectè itaque
- Color rufus**
- Quare locus lepræ humilior.**
- Psal. 37.**
- Heretici.**

itaque sacerdos lapides, in quibus orta est lepra, erui ac proiici iubet, & parietes radi, ut omni p̄torſus abſta errorum ſpurcitia, nec maculam habeat Chriſti ſp̄ſa nec rugam. Non ante pullulare cœperunt hæreſes, q̄ diſſeminatum eſt Euangelij: nec ante lepra hæc iuſſa eſt obſeruari cauereque, q̄ filij Iſraël terram ingreſſi fuerunt promiſſionis. Porro ſi cui noſtra leprarum expoſitio duriuſcula fortasse videbitur & extorta, ſequatur alios, qui in iſtis enodandis magis ſibi placuerint, dñ modo ſciat omnes in hoc conuenire, vel lepram peccatum eſſe aſſerant. Ergo huiuſce morbi vi ſœditateque p̄ſpecta cogita, quanta peccati, quo dei comparatur, deformitas, qualis pernicies ſit. Sicut enim lepra, totius corporis pulchritudinem demolitur, ita omnem animæ decorem corrumpit peccatum, atque hoc ſolū malum eſt, quo illa lædi perireque poſſit. Nunc tandē vnde digreſſi ſumus, eo reuertamur, ut aliam quoque peccatorum differentiam explicemus, ac poſtremo, quæ ex illis incommoda nobis oriantur, inquiramus.

Lucæ. 14.

## De peccatorum differentia.

Cap.

15.

**Q**Uædam peccata ita leuia ſunt ac minuta, ut his carere omnino non poſſimus, & quia veniam facile impetrent, à nonnullis venialia nuncupantur. Hæc quidem à regno dei non excludunt, aditum tamen ad illud nobis tam diu impediūt, donec expientur. Nihil enim inquinatum illuc intrabit. Sed nunc de illis duntaxat nobis erit ſermo, quæ mortifera ſunt, quæque vitari & debent quidem & poſſunt, aut ſi cōmiſſa fuerint, pœnitentiæ doloribus extenuari purgarique, alioqui ad æternum interitum cōpellent non pœnitentem, tanto acrius puniendum, quāto delinquēdo ab æquitate reſceſſit longius. Etenim ex his quoque.

X. iij

quæ

quæ pernicioſa ſunt, aliud alio execrabilius indicatur, ac proinde maiore dignum ſupplicio pœnaq; acerbiorè mulſtandum. Quodcūque autem peccatum leuiorū modū exceſſerit, mortiferū erit, id eò in ſcripturis dicitur peccatū ad mortē: nō ad mortē hāc omnibus cōmunem, ſed ad illam quæ propria damnatorū eſt, quæ utique illos quos inuadit, nō perimit, ſed quo nihil eſt terrius, nunquam morituros æternis cruciatib⁹ torquet, dolereq; afficit omni morte magis expauſcēdo. Porro ex hac delictorum ſpecie illud maximum eſſe creditur, quod blaſphemia in ſpiritum ſanctū in Euangelio nominatur. Huius criminis a domino ſaluatore coarguti ſunt Iudæi, cum dixiſſent eum in Beelzebub, nō in dei virtute eiicere dæmonia. Patet ergo, peccatum in ſpiritum ſanctum tunc perpetrari, cum quis dei opera aliis tribuit, non errore deceptus ſed inuidiæ ſtimulis actus, vſt dei laudē ſua procacitate obſcuret. Qui cūq; ſquit, dixerit verbū cōtra filiū hominis, remittetur ei: qui autē dixerit cōtra ſpiritum ſanctum, nōn remittetur ei neq; in hoc ſeculo, neq; in futuro. In filiū hominis peccat, quī opinione falſus, Chriſtum purum hominem putat; quæ quidem culpa, quia ex ignoratione eſt proſecta, ad credulitatem conuerſo atque correcto protinus condonatur. Si quis verò apertè opera dei intelligens virtutem calumniatur, dum religioni noſtræ inuidet, & quæ per ſpiritum ſanctum facta ſunt, impiè ad diaboli poteſtatem refert, huius culpa irremiſcibilis dæternitur. Non quia pœnitētibus aliquid nō remittatur; ſed quod ſic peccanti, ad pœnitentiam conuertē diſſe facultas denegatur, veluti indigno dei gratia, qui ſciēns ac prudens deo auſus ſit aduerſari, & iam cognitā ſibi veritatem linguæ petulantia polluere, tantoq; ſe ſacrilegio ſpōte aſtringi. Illos quoque in inferno magis plectēdos credimus, qui credentes, Euangelicisq; inſtructi doctrinis delinquūt, q̄ qui mādatorū dei ignari pec-

Mat. 13.

Peccatū in  
ſpiritū ſan-  
ctum.

peccant, quod testatur saluator, dicens: Seruus, qui scit voluntatem domini & non fecit, vapulabit multis, qui autem ignorauit & non facit, vapulabit paucis. Quis præterea negauerit maius esse peccatū eorum, qui sub Euangelio sunt, quàm qui olim sub lege erant? Quis enim nescit eum magis teneri, qui iam accepit beneficium, quàm qui promissum adhuc spectat? Illud autem quod ab Israëlitis multo tempore fuerit speratum, nobis in aduentu Christi est persolutum. Tanto igitur plus ingratitudinis cōmittimus mādatis domini nō ob tēperādo, quanto plus accepimus gratiæ. Ex his quæ dicta sunt, liquido apparet, inter peccata quæ ad mortē committi dicuntur, aliud alio maius esse, plusque pœnæ mereri: & sicut genere ita & grauitate differre. Quinetiam in eodem genere peccati esse quasdam accessiones, quæ peccatum grauēt, si contigerint, eleuent si non contigerint. Non est huius loci de iis referre. Nimis enim prolixæ tractationis erunt si referantur, & peccatorum distantiam ostendisse sat est, ne quis fortè cum Stoicis deliret, & paria esse putans, non magis timeat interimere hominem quàm lædere. Nosse iluper debemus (vt supra est dictum) siue leue, siue graue peccatum fuerit, si minuterum mensuram præterierit pœnæ ignis æterni esse obnoxium, & inferni supplicia grauitate distare, non tempore, quoniam exilij eorum omnium qui illuc relegantur, finis est nullus. Restat nunc vt de mortifero crimine in communi loquendo, quæ peccantem incommoda sequantur, perscrutemur, vt magis pateat, eiusmodi peccatum quàm fugiendum atq; vitandum sit, cum perspexerimus, quod illud qualiaq; mala sequantur.

*Quæ mala peccato accedant.*

*Cap.*

*16.*

X iiii

Bonus



**B**onus deus, bonorum author, non malorum est. Cū  
ergo ille qui cūcta fecit valde bona, hominē quo-  
que bonum fecerit, quis eum ex bono malū reddi-  
dit, nisi voluntas mala de libero procedās arbitrio? Ita-  
que idem ipse, qui ex deo bonus erat, ex se factus est ma-  
lus. Integrum illi fuit naturam bonam, sicut à deo acce-  
perat, ita & conseruare, sed noluit, neque curauit. Vo-  
luntate igitur, non natura mali effici-mur, cum pecca-  
mus. Et quia peccando naturam ipsam lædimus, natu-  
ræ quoque conditorē deum simul offendimus. Ideoq;  
peccantibus mala omnia non immerito accidere confi-  
temur, quemadmodum econtrario iustis & innocentibus,  
& non suam, sed dei sequentibus voluntatem bona  
omnia euenire. Cur autem iustis quandoque malè, &  
iniustis bene? Hoc certè minime videbitur mirū, si se-  
rum exitum, qualis vtrorūque futurus sit spectabim⁹.  
Iustis quippe viris aduersa quæ contingunt, summæ p-  
ennisque felicitatis meritum per patientiam compa-  
rat. Malorum verò prosperitas, nequioris luxuriæ il-  
lis materia est, intēperantiēq; dissolutioris. Tanto ita-  
que maius merebuntur supplicium, quanto in præsen-  
tibus viuendo deliciis videntur sibi esse feliciores. Ma-  
lè quidem Lazaro pauperi erat, bene diuiti epuloni,  
sed citò & malum illius in bonum commutatum fuit  
æternum, & huius bonum in æternam malum. Debem⁹  
ergo etiam malum hoc quod bonis in vita accidere so-  
let, nō malum, sed bonum iudicare, & bonū illud quod  
malis blanditur, non bonum, sed malum potius arbitra-  
ri. Quàm verè recteque ista dicantur, satis perspicuè  
diuersus enim finis probat. Solita tandem quæstione,  
quæ quidem seipsam aperit, non temporalia conside-  
rantibus, sed æterna: cōsequens est, vt peccatum ipsum  
eo magis vitandum sit, quo illa etiam quæ bona viden-  
tur, in summam conuertat perniciem, vltimumque ma-  
lorum. Et si hoc de rebus quæ vulgò bonæ putantur cō-  
tingat

tingat, quid de his quas malas esse iudicant, dicemus: cum premere coeperint vitæ depravata virum, nisi futura damnationis illas initium esse: si modo is à peccatis in tempore non resipiscat, flagitiis que finē statuendo rursus virtuti exercendæ pro viribus incumbat. Ceterum plurima quidem ante damnationem peccatum confite-  
 qui solent mala, quæ nunc operæ pretium erit referre, quo demum constet, præsentis quoque mali vitandi causa non esse peccandum. Quæ dicam, nolo ut mihi credantur, nisi singula sanctarum autoritate scripturarum firmata erunt. Peccati igitur ea prima malignitas est, inutilem facere hominem, & neque sibi neque aliis rectè consulentem. Dicitur enim in Ecclesiastico: Qui sibi nequam est, cui bonus erit: Peccator plerumque instabilis est, nunc hoc nunc illud aggreditur: quod placebat, displicet: quod displicebat, placet: nihil in illo potest esse firmitatis, quoniam non super petram ædificat, sed super arenam, & arundo est vento agitata. Hoc Psalmistæ crede dicenti: In circuitu impij ambulant. Neque enim rectè possunt ambulare, qui cum deo non ambulant: Peccatum veri intelligendi acumen hebetat. Ambulabunt, inquit, ut cæci, quia domino peccaverunt. Et in evangelio de peccatoribus est dictum: Cæci sunt & duces cæcorum. Cæcus cæcum ducit, & ambo in fossam cadunt. Peccatum perdit humanæ conditionis dignitatem, hominemque brutis reddit comparandum. De quo Psalmistæ verba tibi fidem faciunt, dicentis: Homo cum in honore esset, non intellexit, comparatus est iumentis insipientibus, & similis factus est illis. Cuius ignominia idem volens nos expertes esse hortatur & ait: Nolite fieri sicut equus & mulus, in quibus non est intellectus. Quid enim despicabilius, quid foedius, quam ex homine pecudem effici, & eo qui propius humane atque angelicæ mentis est, intellectu carere. Peccatum vitæ spatia minuere dicitur. Sic enim de Heri ludæ filio

Eccl. 14.

Psalm. 11.

Sopho. 1.

Luc. 6.

Psalm. 48.

Psalm. 11.

in

in Genesi legimus: Fuit Her primogenitus Iudæ filius nequam in conspectu domini, & ideo ab eo occisus est. Sanctus quoque in psalmis spiritus loquitur: Viri sanguinum & dolosi non dimidiabunt dies suos. Et in Proverbiis ait Salomon: Timor domini apponet dies, & anni impiorum breuiabuntur. Sed licet aliquis mal<sup>9</sup> diu vivat, q̄d diu in peccato est, in morte est, testatur hoc Paulus Apostolus, dicens: Vidua quæ in deliciis est, vivua mortua est. Et in Apocalypsi angelo, id est, præfidi ecclesiæ Sardis dicitur: Nomen habes quod vivas & mortuus es. Et dominus in Euangelio: Sinite mortuos, inquit, sepelire mortuos suos. Ad hæc ne principes quidem speret, diu posse regno suo frui, si ipsum regem regum & dominum dominantium offendere non verentur: testis est his eversa Hierusalem, primo à Chaldeis, propheta dicente: Propter peccata quæ peccavistis, abducemini in Babyloniam captivi à Nabuchodonosor rege babyloniorum, deinde à Romanis: quod futurum illis prædixit Christus dominus: quem ob invidiâ persecuti sunt. Hoc autem peccatis exigentibus evenire etiam in Ecclesiastico discimus, vbi dicitur: Regnum à gente in gentem transfertur, propter iniustitias & iniurias, & contumelias & diuersos dolos. Ipse quoque Nabuchodonosor rex cum esset omnium potentissimus, deo quæ se æquaret, regno exturbatus vixit cum bestiis, donec ad mentem rediens efferre sese desiit, seque hominem agnovit, & confiteri cœpit, quod solus deus mundi sit dominus, ius habens in regna hominum, & cuicunque voluerit illa distribuens. Quin etiam imperio præstare, divitiis opibusque pollere quid iuvat, si quicumque mortaliū peccat, miser esse probatur: Maiore enim sui parte, hoc est, animo miser est, tametsi vulgi opinione, qui nihil nisi corporis fortunæque bona mirari didicit, felicissimus feratur, in Apocalypsi angelus, id est, antistes Laodiceæ ecclesiæ gloriatur, quod sit dives & locupletatus &

Isa. 48.

Ierue. 10.

2. Timo. 5.

Apoc. 22.

Baruc. 6.

Eccle. 10.

Daniel. 4.

Apoc. 3.

tat<sup>r</sup> & nullius egens, & tamē dicitur ei: Nescis quia tu es miser & miserabilis & pauper & cæcus, & nudus. Non est enim felicitas diuitiis abundare, sed virtutibus: neque infelicitas inopia grauari: sed flagitiis. Famem quoque & mortes delinquentibus minatur dominus, dicens: Terra cum peccauerit mihi, vt præuāficetur præuariicans, extendam manum meam super eam & conteram virgam panis eius, & immittam in eam famem, & interficiam de ea hominem, & iumentum. Quod si multiplicentur scelera, grauabitur vindicta. Sæpe autem contingit vt vnum peccatum plurium causa sit, Dauid adulterium cum Bethsabæ commissum celatum volens, Vriam virum eius obtulit hostibus interficiendum. Herodes Ioannem a quo illiciti connubij arguebatur, in carcerem misit, & capite cædi iussit. Nonne illa etiam quæ filia suggessit vt hoc peteret, coniugij refellat fidem, & matrimonio prætulerat concubinatum: vtque illo liberius vteretur, iustitiæ cultorem, cui talia displicebant, necandum curauit. Non ab re igitur scriptura ait. Qui nocet noceat adhuc, & qui in sordibus est, sordescat adhuc. Bonarū quoque actionum meritum amittitur propter peccatum. Hoc Salomon testatur dicens: Qui in vno peccauerit, multa bona perdat. Diurna & in Ezechiele vox est, iustitia iusti non liberabit eum, in quacūque die peccauerit. Etiam si dixero iusto, inquit, quia vita viuet, & cōfusus in iustitia sua fecerit iniquitatem, omnes iustitiæ eius obliuioni tradentur, & in iniquitate sua quam operatus est, in ipsa morietur. Nec præterita igitur nec præsentia benefacta præderunt ei, qui vel semel aliquid morte dignum commiserit. Quid ad hæc: Peccatum sapientiæ donum corrūpit, & eū qui antē sapiens erat, desipere cōpeltit. Tales erāt, de quibus in Hieremia cōqueritur dominus & ait: Stultus popul<sup>9</sup> me<sup>9</sup> me nō cognouit, filij insipientes sūt & vecor-

Ezech. 14.

Apo. vlt.

Ecd. 9.  
Ezech. 33.

Iere. 6.

vecor-

recordes Sapientes sunt & faciant mala, bene autem facere nescierunt. Versuti quippe & callidi homines, cū aliquid dolose fecerint, sapere videntur, sed mundi huius sapientia stultitia est apud deum. Verè autem sapiens est, qui innocentiam seruat, vt ei placeat, à quo vt saperet accepit. Ex omnibus tamen malis quæ in se habet peccatum, hoc teterrimum est, quod nos, à Deo separet, & qui per gratiam adoptionis filij dei sumus, peccatum efficiamur serui diaboli. Quod à deo separetur qui peccat, audi Iohānem Apostolū dicentem, De<sup>us</sup> lux est, & tenebræ in eo nō sunt vllæ, si dixerimus quod societatem habemus cum eo, & in tenebris ambulam<sup>us</sup>, mentimur, & veritatem nō facimus. Idem innuunt prophetæ verba in psalmo ad dñm dicentis: Tu es deus nō volens iniquitatem, neq; habitabit iuxta te malignus, neque permanebunt iniusti ante oculos tuos, odisti omnes qui operantur iniquitatem. Isaias etiam exprobrat his & ait: Iniquitates vestre diuiserunt inter vos & deū vestrum, & peccata vestra absconderunt faciem eius à vobis, ne exaudiret. Quæ enim communicatio lucis ad tenebras (vt Apostolus inquit) quæ societas Christi cū Belial? Cū autem à deo quis recedit, continuò fit diaboli seruus. Nam si omnis (vt Saluator ait) qui facit peccatum, seruus est peccati: nōne etiā diabolo seruit, qui eū vt peccet stimulat? Iudæi vitis dediti cū se iactarent deum habere patrem, audiunt, Vos ex patre diabolo estis, & desideria patris vestri vultis facere. Quā sententiam secutus Iohannes Apostolus ait: Qui facit peccatum ex diabolo est, quoniam ab initio diabolus peccat. Quanta igitur infelicitas est, vt homo à deo fact<sup>us</sup>, ad imaginem dei creatus, ei<sup>us</sup>que in filium adoptatus nequissimi dæmonis mancipetur seruituti, ipsumque habeat patrem: tanta cura diligentiaque adhiberi debet, vt crimen quod huiusce mali causa existit, caueatur ac vitetur. Illis enim qui hoc contempserint, & post

1. Iohā. 1.

Psal. 5.

Isai. 59.

Iohā. 8.

Ibidem.

1. Iohā. 3.

post peccatum ad poenitentiae remedia non recurrerint nihil reliquum erit nisi ut ad supplicia nunquam finienda damnentur, audiantque omnium terribilium maximè expauescendam iudicis vocem dicentis: Ite maledicti in ignem æternum, qui paratus est diabolo & angelis eius. Hæc ergo vltima peccati perniciēs est, quod hominem ab hæreditate cœlestium bonorū exclusum ad ima poenarum loca æterno relegat exilio. Denique peccatores mori dicuntur morte æterna, sicut e contrario iusti viuere vita æterna. Scriptum est enim: Homo per malitiam occidit animam suam, & anima quæ peccauerit, ipsa morietur. Et in euangelio peccatoribus Sap. 16. dicitur: In peccato vestro: moriemini: non morte Eze. 18. quæ corpus dissoluit, sed quæ animā sublata omni quiescendi spe terribiliter torquet & cruciat.

## *Quæ peccata sunt præcipuè damna-* *bilis. Cap. 17.*

**Q**uæ sunt autē vel qualia crimina, quibus grauati homines in profundum inferni demergantur, Psalmista explicat ad Deum dicens, Maledicti qui declinant à mandatis tuis. Et dominus in euangelio eos asserit extremæ damnationis reos fore, qui erga pauperes & egenos & afflictos claudunt viscera pietatis. Ac præter hos illi qui non spiritui, sed Galat. 2. carni seruiunt, dicente Apostolo, Manifesta sunt opera carnis, quæ sunt fornicatio, immunditia, impudicitia, idolorum seruitus, veneficia, inimicitia, contentiones, æmulationes, iræ, rixæ, dissensiones, hæreses, inuidia, ebrietates, comestiones, & his similia, quæ prædico vobis sicut prædixi, quoniam qui hæc agunt, regnum 1. Cor. 16. dei non possidebunt. Idem alibi repetens ait: An nescitis quia iniqui regnum dei non possidebunt: nolite er-  
rare

Apoca. 3.

Mai. 66.

rare, neque fornicarij, neque idolis seruientes, neque adulteri, neque molles, neq; masculorum concubitores, neque fures, neque auari, neque maledici, neque rapaces regnum dei possidebunt. Hinc sanè in Apocalypsi, talibus flagitijs pollutos angelus domini à sancta ciuitate propellendo clamat: Foris canes & venefici & impudici & homicidæ & idolis seruientes, & omnis qui amat & facit mendacium. Hi & cōscientiæ stimulis incessanter agitabuntur, & pœnis exterius illatis affligentur, dicente domino: Eorum qui præuaricati sunt in me, vermis non morietur, & ignis non extinguetur. Atque ita damnatorum propter peccatum tormēta nullo vnquam fine concludentur. Nam sicut in cœlesti regno beatorum gloriæ finis aliquando futurus non timetur, ita in inferno pœnarum terminus nullus vnquam sperabitur. Cum ergo iuxta ea quæ modo dicta sunt, peccati tanta malignitas existat, vt hominem inutile, instabilem, intellectu hebetem, conditione vilem & abiectum reddat, vitam minuat, regna auferat, diuitias faciat miseriās, aduersitatibus subdat, aliorum insuper delictorum causa sit, virtutum merita tabescere cogat sapientes infatuat, à deo separet, diabolo copulet, bono summo priuet, & pœnis afficiat æternis, quid vnquam tam cauere debet quàm peccatum cum nihil omnino tam nobis esse queat noxium, nihil ita ærumnosum. Si te tyrānus torqueat, vt pecces, omnia tormenta perferre satius est quàm peccare, si necem minetur, mori innocentem præstat, quàm nocentem viuere. Scias tamē nefarium esse mortem sibi metipso aliquem inferre, vt imminens peccādi periculum deuitet, nisi deus iusserit: sicuti quibusdam virginibus iussisse creditur, quæ sibi mortem consciuere, ne ab hostibus stuprarentur. Quorum quidem memoriam nequaquam celebraret ecclesia, nisi miraculo reuelatum fuisset, illas non tam prospicere sibi se perimendo, quàm domino obedire voluisse

luisse. Alioquin nulli licere credimus, quicquid futurū timetur, sibi metipsi vitam eripere, ne illum offendat, cuius lex est, Non occides. Proteruus est seruus, qui domino depositum reddidit antequam poscatur.

## *Vnde tanta peccantium multitudo.*

### *Cap.*

### *18.*

**P**orro cum tot taliaque sint, quæ nos ne peccemus deterrent, qui causæ est, quod peccantium multo maior numerus, quàm non peccantiū existat, multoque copiosior turba sit mundo seruientium, quàm mundi domino & cœli terræque conditori: ita vt cum propheta cogamur exclamare, Nō est qui faciat bonū, non est vsque ad vnum. Iam enim quod futurum dominus prædixerat, abundauit iniquitas, & refrixit charitas, vt propinquum testetur vltimi iudicii diem. Multa quippe cernimus, plurima audimus, à quibus abhorret animus, & ne illa sentire posset, sæpe nobis optauit cum cæcos oculos, tum aures surdas. Talia verò mirantibus nobis, causamque inquirentibus respondet Ecclesiastes dicens: Quia nō profertur citò contra malos sententia, absque timore vllo filij hominum perpetrant mala. Dilatio igitur pœnæ, peccandi præstat licetiam. Sed si cogitarent peccatores tanto acriorem fore vindictam, quantomagis venire cunctatur, peccandi libidinem coercerent, & nequitiae finem citius ponerent. Delictorum enim ultor deus non semper statim punit: peccantis autem pœnitentiam ideò diu expectat, vt si abierit correctio minus excusabilis fiat pertinacia. Ceterum dum cœlestis arbiter à flagello quiescit, non remittit iram, sed colligit, vt totam vno impetu effundat & plectedi tarditatem grauitate compenset. Interim ad peccandū alios corporis prouocat voluptas, alios honorū stimulat ambitio, alios multa habedi auiditas urget.

Ab his

*Psal. 52.*

*Eccle. 8.*



Ab his tribus tantum fontibus cuncta quæ sub cælo fi-  
unt crimina oriri quidem reor. Etenim voluptatis ger-  
mina sunt, otium, ventris ingluuiæ meandi incontine-  
tia, scortandi inexplabilis cupido, stuprum, adulterij,  
aliæque libidinis, quæ ne dici quidem honestè potest,  
perpetratio & illa quæ libidinem incitent, obscœni cæ-  
tus, molles musicorum soni, virorum cum mulierculis  
lasciuientia tripudia, aliæque huiusmodi plura. Ipsa  
deinde dignitatum honorumque appetitio genitrix est  
inuidiæ, nutritrix superbiæ, amatrix inanis gloriæ. Is e-  
nim qui videri publico aliquo officio dignus concupi-  
scit, aliis detrahit, vt se efferat: aliorum facta deprimit,  
vt sua extollat, adulatoribus fauet, & vix vlllo vitio ab-  
stinet, dum in his etiam quæ perperam agit se laudari  
cognoscit. Postremo cum cumulandarum opum auidi-  
tas, quot scateat sceleribus quis enumeret. Inde sunt  
inter fratres odia, inter amicos dissentiones, iurgia, li-  
tēs, contentiones, aleæq; lusus, periuria, fraudes, furta,  
rapinæ, contumeliæ, iniuriæ, vulnera, cædes, & citius  
adeundæ hereditatis gratia concupitæ ante diem pa-  
rentum mortes. Quid multa: nullum prorsus flagitiū,  
in quo aliquid speratur lucri, deuitat avaritia, dicen-  
te Apostolo: Radix omnium malorū est cupiditas. Om-  
nibus autem malis istis carebit, qui tribus illis à quibus  
cuncta gigni credimus carere studuerit, obstru-  
is quippe fontibus, riuos deficere ac ficcari necesse est. Desinēt  
fluere vitia, cū vnde fluent non habuerint. Recide  
truncum, & rami morientur. A voluptate, ambitio-  
ne, avaritia procul esto, & nullam causam habebis ini-  
quæ aliquid improbeq; patrandi. Vt voluptates fugias  
memor esto sapientissimi. Salomonis sententiæ dicen-  
tis, Si annis multis vixerit homo & in his omnibus læ-  
tus fuerit, meminisse debet tenebrosi temporis & die-  
rum multorum, qui cū venerint, vanitatis arguuntur  
præterita. Brevis nanque momentaneaque voluptas  
facile

1. Timot. 6.

. Eccl. 1.

facile contemnetur, si æterna cogitabimus. Vt autem & terrenarū dignitatū ambitio in te nō habeat locū, recordare quod ob hoc ipsum phariseos damnauerit dominus noster, dicens: Væ vobis pharisei qui diligitis primas cathedras in synagogis, & salutationes in foro. Recordare præterea quā graui onere premuntur qui in dignitate constituti sunt, primo quod multo magis illis imputatur peccatum quā ceteris. Deinde, quod non pro se modo, verumetiam pro omnibus quibus præsumunt, tenentur reddere rationem. Et si per eorum negligentiam plebs deliquerit, tam alienæ quā suæ culpæ rei erunt: Vt postremo diuitias non concupiscas, Apostoli præceptum ad mentem reuoca. Nihil (inquit) intulimus in hunc mundum, haud dubium, quia nec auferre quid possumus. Habentes autem alimenta & quibus tegamur, his contenti sumus. Nam qui volunt diuites fieri, incidunt in temptationem & laqueū diaboli, & desideria multa inutilia & nocua, quæ mergunt homines in interitum & perditionem. Nec dictorum Christi domini obliuiscaris. Nolite (inquit) thesaurizare in terra, sed in cælo, Non potestis deo seruire & mammonæ. Quid prodest homini si vniuersum mundum lucretur, animæ verò suæ detrimentum patiatur? Et facilius camelus transibit per foramen acus, quā diues ascendere valebit ad regnum cælorum. Et væ vobis diuitibus, qui habetis cōsolationem vestram. Alius etiam diuitis memento, qui hubertate frugū lætatus, per annos multos his fruiturum se putauit, & non esse in sequenti vita decessit, quod congregauerat aliis reliquit, ipse sua spe frustratus est. Ille quoque diues mentis tuæ succurrat, quem vestiebat purpura, quem quotidie delicata saginabant cōuiuia, nudus in inferno sepelitur, & in igni ardens gutta aquæ indiget, quæ linguā refrigeret. Si talis est præsentium diuitiarū fructus, nonne stultissimus est qui eas concupiscit, & non potius

Y

ad diuitias

Lucæ. 11.

1. Tim. 6.

Matth. 6.

Matt. 16.

Lucæ. 6.

Lucæ. 12.

Luc. 2. 16.

Matth. 7.  
Lucæ. 6.

ad diuitias nunquam perituras aspirat: Beati enim pauperes spiritu, quoniam ipsorum est regnum celorum. Qui ergo tria hæcque pposuimus curauerit, ille arbor bona bonos germinans fructus erit, mala autem malos proferens fructus esse desinet. Si enim in radice vitium non fuerit, nec in fructibus erit. Non de patribus & filiis (vt quidam putauerunt) ista in euangelio dicuntur, sed de operibus ex intentione animi profectis. Alioquin falsa esset arboris parabola, si hoc significaret, quod pater bonus bonos gignat filios, & malus malos. Ahab enim regum Israël pessimus, optimi filij ac piissimi Ioram pater fuit, & econtrario Ezechias rex Iuda infusus ac sanctus Manassen genuit iniquum atque scelestum. Nemo ita q; suum peccatum patris prauitate excuset, Pater non portabit iniquitatem filij, nec filius nequitiam patris. Anima quæ peccauerit, ipsa punietur. Qualis cuiusque in anima affectus fuerit, talia edet & opera. Intimo prius cordis morbo medicina est adhibenda, vt incute inde nascentia ulcera curentur, Interiora si sana fuerint, ea quæ foris sunt, pulchrè ac probè se habebunt.

## De quinque sensibus.

### Cap. 19.

**E**T quoniam sensus nostri viæ sunt per quas illa, quæ animæ bonū corrumpunt, intus penetrare solent, quali custodia muniendi sint, ne id patiatur, nunc docere conabor. Sensuum nostrorū impar numerus est. Impar autem numerus in scripturis diuinis mundus habetur, par verò immundorum dicitur. Animalia quæ bina in arcam Noë ingrediuntur, ex immundis sunt, ex mundis quæ septena. Numeri ergo ratio nos instruit, ne quæ culpa sensus nostros pollui sinamus, quos impar supputatio puros esse debere ostendit. Quinario numero idè

roideō cēsentur, vt per legis prācepta eos dirigas: quin  
 que enim volumina sunt Mosaica disciplinae diuinitus  
 descriptae. Et quia quinarium etiam quaternarium con  
 tinet, per quem euangelia signantur, quicquid legi de  
 est, de euangelio adimpletur, vt sensus non solum bonos  
 habeamus, verum etiam perfectos. Quod si domino do  
 nante adepti fuerimus, tunc sequetur, quod ipse pollici  
 tus est, dicens: Persequimini inimicos vestros, & corrū  
 ent coram vobis, persequentur quinque de vestris cen  
 tum alienos, & centum de vobis decem milia. Si enim  
 sensus nostri praeceptis diuinis muniti fuerint, vitiorū  
 multitudo aduersum illos praeualere non poterit. Ca  
 dēt a latere eorum mille & decem milia, ad eos autem  
 non appropinquabunt. Non oculorum munditiem in  
 quīnabit visa mulier, non aures demulcebit amatorius  
 cantus, non naribus blandietur ad mollitiem animi cō  
 positum vnguentum, nec gustus integritatem luxuriosi  
 corrumpent saporēs, neque tactum subuertēre iniusta  
 actionis cupiditas valebit. Ab omni malarū passionū  
 iniuria tuti erimus si quoties oppugnamur, ad arma  
 institutionis diuinæ sanctorumque exemplorū pro  
 tinus recurremus. Tunc nempe Iesu ducē quinque illi  
 reges, id est, quinque corporis sensus, qui nobis imperan  
 do regnabant, ad speluncam conscientiae nostrae com  
 pulsos mori sibi cōgemus, vt iam viuere deo discāt, obe  
 dire quae spiritui, serui eius facti, cuius antea domini fue  
 rant. Tunc in euangelio quinque talenta nobis a domi  
 no credita, alia quinque superincrabuntur, duplicato,  
 quae sua spiritualium negotiatione actionū. Tunc quin  
 que virgines non iam fatuae, sed prudentes, comparato  
 misericordiae oleo, accensisque lampadibus charitatis,  
 occurrentes caelesti sponso intrabūt cum eo ad nuptias  
 aeternae celebritatis. Tunc denique dicetur nobis, Bea  
 ti oculi qui vident quae vos videtis. Multi prophetae  
 & reges voluerunt videre quae vos videtis, & non vi  
 derunt.

Luc. 26.

Luc. 10.

¶ ij derunt

Hebræ. s.

derunt; & audire quæ auditis, & non audierunt. Relinquamus igitur cum vitiiis terrenas vanitates, & non la-  
 che sicut paruuli, sed sicut perfecti solido cibo vtamur,  
 exercitatos (vt Apostolus ait) sensus habêtes ad discre-  
 tionem boni ac mali. Hoc est in bonis operibus quoti-  
 die se exercendo, mala autem fugiendo, eorumque cu-  
 pidini semper nobis aduersanti repugnâdo. Siquidem  
 sensus nostri (vt diximus) semitæ sunt, à sede animi per  
 corporis foramina patentes. Per has hostes intrare de-  
 siderant, vt virtutum ciuitatem expugnent, & his ex-  
 pulsus ipsi ibi dominantur. Oculos quæcumq; visu pul-  
 chra iucundaque sunt, infestant: quæ si concupiscere  
 cœperit animus, per ianuam oculorû irrumpit, siue Ve-  
 nereæ voluptatis turpis appetitio, siue pompe luxuriæ  
 que sectandæ cura, corporis que ornandi stulta seduli-  
 tas. Auribus insidiantur lasciuientium poetarû carmi-  
 na, impudici cantus, tibicinum citharæ dorumque so-  
 ni: quibus delectatus animus & in mollietiem resolutus,  
 iam inimici proderere ciuitatem meditatatur, & illos ad-  
 mittere per portam malè custoditi auditus. Olfactum  
 debellare properant vnguenta, quod si odore per nares  
 penetrante intus latens animus captus fuerit, oîbus mu-  
 liebribus deliciis ad se aditum aperiet, neq; eum odora-  
 mentis ad luxuriam vtî pudebit. Cum gustu certabunt  
 esculentorum poculëtorumque exquisiti sapes, quo-  
 rum auaritia superatus animus, per lubricum gulæ cal-  
 lem crapulam illabi permittet, ventri que fauere inci-  
 piens, temperentiæ renuntiabit. Omnibus autem ad-  
 uersariis istis eorumque similibus viam tactus patefa-  
 ciens, quicquid per alios sensus affectauit, id per se tan-  
 dem opere complere maturabit, ad demû animus ipse  
 perdita vitæ conscientia pulsatus, cum Ieremia queri  
 poterit, siensq; ac lugens exclamare, Mors ascendet per  
 fenestras nostras, ingressa est domos nostras, disperdere  
 paruulos de foris, iuuenes de plateis, Vitiis enim domi-  
 nantibus,

Auditus.

Odoratus.

Gustus.

Ieremi. 9.

nantibus, bona animi concidere ac perire necesse est. Porro vt bona vigeant, & mala repellantur, singulis remediis singuli roborandi atque tuendi sensus erunt.

## De visu.

## Cap. 20.

**V** T ergo mundos habeas oculos, mundi pulchritudinem immensitatemque intueri, & eius opificis ac gubernatorem deum intellige, mirabiliumque operum lauda magis mirandum autorem. Si venustæ mulieris forma occurrerit tibi, tunc cum propheta deum deprecare: Auerte oculos meos ne videant vanitatem. Quod si illa suum in te figat obtutum tu retrahere tuum, Ecclesi. 27. & memento esse scriptum, annuens oculo fabricat iniqua, proptereaque præcipi in Ezechiele. Vnusquisque Ezech. 20. oculorum suorum offensiones abiiciat. Audi confidentem Salomonem: Omnia (inquit) quæ desiderauerunt oculi mei, non negavi eis: Et cum nihil omnino in hac vita permanfurum animaduerneret, exclamauit: Vanitas vanitatum, & omnia vanitas, Audi & saluatoris in Eccle. 2. Euangelio dictum: Lucerna corporis tui est oculus tuus: Matth. 6. si oculus tuus fuerit simplex, totum corpus lucidum erit: si autem oculus tuus fuerit nequam, totum corpus tuum tenebrosum erit. Si quidem oculi vagi & immodesti reliquorum quoque sensuum parere solent incontinentiam, & nec audire, nec odorari, nec gustare, nec tractare pigebit aliquid, quod voluptati erit, conspiciere. Sicut autem simplex aspectus formam decoremque omnium quæ videt, ad conditoris laudem refert, ita reliqui sensus eum imitari, nihil prorsus admittunt, quod deo minus gratum fore arbitrantur: atque ita puri oculi totum corpus lucidum reddunt: Repulsis enim vitiorum tenebris, adamata virtus spiritum simul & carnem suo irradiat fulgore. Si te (inquit) scandalizat oculus tuus, erue eum & proice abs te. Melius est tibi cum vno oculo ingredi in vitam æternam quam duos oculos habentem

Y iij      mitti in

mitti in gehennam. Non corporis oculus eruendus est. sed mentis. Nam clausis quoque oculis peccant cæci. Cōpescce igitur animi motum ad illicita lacerentē, & melius tibi erit, absque præsentium voluptatum vſu ad eternas transire delicias, quam tota vita per omnes voluptatum illecebras deducta suppliciiis mancipari sempiternis. Vt ergo regni potius hæres quàm poenæ reus inuepiaris, imitare sanctissimi Iob continentiam, qui ait, *Pepigi fœdus cum oculis meis, vt ne cogitarem quidem de virgine.* Conuenerat quippe cum oculis ne aspiicerent, secum ne cogitaret. Spectaculis quoque illis adesse caue, in quibus lasciuia inhonestaque aguntur, libidinis enim incitamenta sunt, & in quibus carnes humana grassatur, ne scœuitiæ impietatiq; assueſcas, cum proximi tui cruore oculos satiaueris. Ab his auersus prophetam audi dicentem, *Qui obturat aures suas, ne audiat sanguinem, & claudit oculos suos ne videat malū, iste in excelsis habitabit,*

Iob. 31.

Isa. 33.

De auditu.

Cap. 21.

Eccle. 28.

**V**irium autem conseruare integritatem ita oportet. Caue ne quid obscœnum, ne quid iniquum, ne quid ab humanitate alienum libenti animo auscultes, dicente scriptura, *Sæpi aures tuas spinis, & linguam nequam noli audire.* Delatoribus, detractoribus, impudicis, inaniter inconditeque garrientibus, impiè de religione sentientibus, non accommodes auditum, nisi contradicendi, redarguendi, refellendi que causa. Fabulas amatorias, quæ ad turpem libidinem prouocant, audire noli. Tendiculas diaboli illa esse crede, quibus nos irretitos morti tradere molitur mergereque in profundum. Ab adulantium quoque & ad gratiam loquétium verbis aures auerte, ne falsis laudationibus elatus maior aliquid esse te reputes quàm quod es, & tibi tribuas, quod deo erit tribuendū, merereque

fearisq; ab apostolo corripitur dicente: Quid habes quod  
 non accepisti? & si accepisti, quid gloriaris quasi non ac-  
 ceperis? Ni hil demique audire te delectet quod corpus  
 tantum voluptate afficiat, animæ autem saluti nihil cō-  
 ferat. Perniciosa enim res est aures cantu dulci suau-  
 busq; sonis delinire: & animæ patri detrimēta, cum po-  
 tius animæ salus per corporis labores castigationesq;  
 cōquirenda sit, per ieiunia, per vigilias, per scribēdi, le-  
 gendi, orandi: aliosque adhortandi fatigationes. Ope-  
 rariis quippe im pigris ac sollicitis opus est patrifami-  
 lias in vinea sua excolenda: non otiosis & oisitantibus  
 & qui fructum capere negligunt: dum florum foliorū-  
 que luxuria delectentur. Quæ ergo spiritui conducūt:  
 illa audias, quæ autem carni blandiuntur, veluti mor-  
 tifera non admittas. Porro vt ex deo te esse testaris, ver-  
 ba dei audi. Illis qui hoc contemnant dicitur: Propter-  
 ea vos non auditis, quia ex deo non estis. Aperi aures sa-  
 pientię & scientię salutari, & in ea delectare, vt profici-  
 as magis. Interesse prædicationibus ac sacris ecclesiæ  
 lectionibus stude, nec solum auscultes quæ dicunt, sed  
 etiam memoriter teneas. Non absque mysterio est di-  
 ctum, Audi cœlum, auribus percipe terra. Terra es, si  
 auretenus diuina auscultes, cœlum es si audis. Audit ta-  
 men qui sermonibus sacris catholicæq; doctrinæ cum  
 auditionem, tum obediētiam præstat. Vnde audire in-  
 terdum pro parere iussa quæ perficere vsurpatur. Ad-  
 hanc audiendi perfectionem Iacobus apostolus nos hor-  
 tatur dicens, Estote factores verbi & non auditores tan-  
 tum, fallentes vosmetipsos. Quia si quis auditor est  
 verbi & non factor, hic comparabitur viro consi-  
 deranti vultum natiuitatis suæ in speculo. Conside-  
 rauit enim se & abiit, & statim oblitus est qualis  
 fuerit, qui autem prospexerit in lege perfectæ li-  
 bertatis, & permanferit in ea, non auditor obliuio-  
 sus factus, sed factor operis, hic beatus in facto suo erit.

1. Cor. 4.

Iohan. 8.

Isaia. 1.

Iacob. 1.

Y iiij

Bonum



Isai. 59.

Prou. 19.

Ierem. 6.

Bonum ergo auditorem nō audiendi attentio, sed agendi probat sollicitudo, postquam quæ agenda sibi sint ut deo placeat, didicerit. Huic enim dicere licebit, Dominus mihi aperuit aurem, ego autem non contradico, retrorsum non abij. Interioris hominis ista auris est, quæ dominus aperit, ut verba vitæ in cor eius infundat, quæ diligit. Sunt tamen nonnulli usque adeo peruersi, ut ne exteriorem quidem corporis aurem præceptis diuinis præbere velint, sed seculi vanitatibus dediti, & temporalibus immergi negotiis ita viuunt, quasi qui post præsentem vitam nihil futurum expectant. Hi si qua tandem sciuentis fortunæ molestia compulsi deo supplicent, non exaudiuntur. Neque enim liberari de peccato, sed de calamitate desiderant. Ait ergo scriptura: Qui declinat aures suas ne audiat legem, oratio eius erit execrabilis, ut videlicet non modo nō impetret quod petit, verum etiam ipse excretur ut infidelis, & nouissima eius prioribus peiora fiant. Aduersum tales vociferatur Ieremias, & ait: Ecce incircuncisæ aures eorum, & audire non possunt: ecce verbum domini factum est eis in opprobrium, & non suscipient illud. Sed cum ob hoc eos Chaldaeorum ditioni subdendos denuntiet, innuit nobis cōtemnentē scripturæ sanctæ præcepta demonibus esse subiiciendum, ut qui salutaria audire noluit, perditionis aternæ afficiatur suppliciis.

## De odoratu.

## Cap. 22.

**C**Auendum post hæc ne per narium foramina illapsus odor, sua suauitate animum virilem effoeminet, & homo vnguentis delibutus contemnatur, qui autoritate præstare debet. Odores quippe ipsius, quemadmodum & cantus oris & nervorum tibiærumque sonos, ad sacrorum cultum datos esse meminerimus, deo quæ laudes celebrandas, non ad corporis humanæ voluptatem. Oloribus tamen morbos quosdam curari, quosdam

rari, quosdam ne veniant prohiberi constat, & eithæ-  
 ræ sono Saulem regem conualuisse legimus. Rosæ itaq;  
 & croco & floribus & nardo & balsamo & omnibus  
 aromatum generibus iuxta medicorum placita vti li-  
 cet, curationis gratia, non voluptatis. Eum verò qui sa-  
 nus est, & in quo non est ægrotationis vlla suspicio, vn-  
 guentis deliniri, flosculos naribus admoovere, in cubicu-  
 lo ex aromaticis suffimentis fragrante desiderare, impu-  
 dicitæ argumenta sunt & enervatæ emollitæque vi-  
 tæ certissima indicia. Talium nanque vsu lenones, me-  
 retriculæ, hominesque ad luxuriam se natos credentes  
 delectantur, non illi qui virtutem præferunt volupta-  
 ti, neque qui spiritui quàm carni studere malunt, ne-  
 que qui soli deo placere desiderant, & Christo domino  
 dicere possunt: In odorem vnguentorum tuorum curre-  
 mur, atque iidem confiteri audent: Christi bonus odor  
 sumus. Verissima autem Christi vnguenta sunt, fides,  
 spes, charitas, castitas, pudicitia, mansuetudo, libera-  
 litas, pax, patientia, modestia, constantia, cæteræq; vir-  
 tutes, quarum suauitatem quisquis cõceperit, aliarum  
 rerum omnium fragrantiam faciliè cõtemnet. Imò ne-  
 fas putabit, opobalsamum vel myrrham vel stacté vel  
 cassiam vel nardum, vel quæuis alia odoramenta olere,  
 cum magis eum qui cœlo dignus esse cupit spernere ter-  
 rena, & virtutum ac sanctimoniz odore fragrare opor-  
 teat. Quem si assecutus fuerit, quicquid naribus gratif-  
 simum suauissimumque esse creditur, præ illo nauseam  
 putabit, In cœlo enim quo ille properat non est Enga-  
 di vicus balsami ferax, non Sabæa regio thuris abun-  
 dans, non preciosorum vnguentorum mater Arabia,  
 sed quod his longè redolentius ac suauius habetur, di-  
 uinæ præsentiz indicibile odoramentum, & cunctis a-  
 nimæ sensibus nunquã defutura dulcedo, Apostolo di-  
 cente: Nec oculus vidit, nec auris audiuit, nec cor homi-  
 nis excogitauit, quanta præparauit deus suis dilectori-  
 bus con-

1. Cor. 2.

bus contemptoribusque voluptatis. Percurrere speculatione mentis sanctorum vitam, & si inueneris, quod per multas tribulationes oportuit illos intrare in regnum dei, impossibile esse crede, ut voluptuarij ac delicati, nisi poenitentiam agant, & mores mutant, & laboribus magis quam otio luxuriaque delectentur, eo possint conscendere & de temporalibus deliciis repente ad æternas transire.

De gustu. Cap. 23.

**G**ustus quoque continendus est ne crapulæ appetentia polluat animus. Gulæ quippe ista voluptas cum dominari coeperit, ad quæque turpia & inhonestæ hominem impellit multisque afficit incommodis. Gula Noë pudenda detexit. Gula Loth stupratorem filiarum fecit. Gula Esau primogenituræ ius abstulit. Gula populum Israël magna ex parte repentina nece multauit. Gula filios Heli sacerdotis perdidit. Gula Helam regem Israël serui sui gladio interimendam obiecit. Gula Holophernem assyriorum duces unius mulierculæ manu perire fecit. Gula Sodomitas & Gomorrhæos prius in nefandos egit concubitus, deinde igne, & sulphure de cælo pluerente extinxit, gulæ vitio id illis accidisse dominus testatur in Ezechiele, dicens: Hæc fuit iniquitas Sodomæ, superbia, saturitas panis, & abundantia, & otium ipsius & filiarum eius. Eodem sensu in Ieremia idem ait: Saturauit eos & mœchati sunt, & in domo meretricis luxuriabantur. Ex quo satis constat, de ventris ingluuiæ gigni libidinis intemperiem. Cum igitur tot mala ex incontinentia gulæ deriuentur, multo tamen ærumnosiora his deinde sequuntur. Quid enim miserius quam æternæ beatitudinis

Noë.  
Loth.  
Esau.

Eze. 31.

Ierem. 5.

dinis expertem fieri, & nūq̃ finiendis affligi suppliciis: **1. Cor. 6.**  
 Ebriofī, inquit āpostolus, regnum dei non possidebunt.  
 Et in Euangelio seruus contumax atq; tumultuentus diuī  
 di iubetur, hoc est, ā sanctis separari, & illic hypocrita  
 tū partē occupare, vbi est fletus, & ex dolore irrequie-  
 tus dentium stridor. Quā in re quoniā tantum est peri-  
 culi vt amplius esse nequeat, salutis nostrae sollicitus do-  
 minus, de Euangelio clamat: Attendite vobis ne granē-  
 tur corda vestra in crapula & ebrietate & curis huius **Matt. 24.**  
 vitae, & superveniat in vos repētina dies illa. Sed de cu-  
 lē vitio alibi plenius locuti sumus, nunc summā perstri-  
 xisse satis sit. Vitio autem isto carebimus, si eos imita-  
 ri voluerimus, qui Deo placuerunt. Pensamus illorum  
 abstinentiam, illorum quotidiana ieiunia. Multi carnē,  
 multi vinum gustare noluerunt, dū in celesti regno  
 diuinæ visionis dulcedine saturari cupiunt. Quosdam  
 pane etiam abstinuisse legimus, & maceratis aqua le-  
 guminibus vitam sustentasse, nihil coctum comedis-  
 se. Alios herbis crudis radicibusque contentos fuisse. Alios  
 verò per biduū, per triduū, per dies plures nihil degu-  
 stasse. Non hoc dico, vt cibis ac potu ā Deo creatis, vt  
 nefas putem, sed vt eos qui carnibus etiam vinoque vi-  
 stitant, ab ingluvie mortifera compescam. Vescere igitur  
 alimentis ab ecclesia non interdictis, vinumque  
 dilutum bibe, non tamen ad voluptatem, sed ad cor-  
 poris necessariam sustentationem. Vtere, inquam, vi-  
 ctu, quo isti qui tecum in monasterio sunt, vtuntur:  
 cum abstinent, abstine: cum ieiunant, ieiuna: & semper  
 ad memoriam reuoca, ideò te monachalem vitam ele-  
 gisse, vt deo famuleris, non ventri seruias.

De tactu.

1. Cor. 7.

Prone. 5.

**T**actus postremo nostri synocritatem seruare poterimus, si ab iis quæ rerum prohibitatum cupiditatem prouocare consueuerunt, manus contineamus. Bonum est homini (vt Paulus apostolus) mulierem non tangere. Nam si venusta forma mulierem intusdo periclitatur pudicitia, & si magis adhuc cum ea colloquendo, quanto plures periculi imminere credis, si post hæc neque à tactu ipso temperas: Profectò nihil aliud restat, nisi vt vterque inter vos excitatæ consentiat cupidini, & per amborum voluntas ad perpetrandum illicitæ cõiunctionis crimen feratur. Quod si manum cohibueris, nè tangas, tantû tibi conferet ista cõtinentia, vt per oculos conceptum, per affatum auctum obscenæ cupiditatis ardorem languescere paulatim & extingui, labefactamque animi virtutem in integrum restitui necesse erit. Si verò ipsum tangendi sensum non refrænaueris, igni in penetralibus cordis iam suscitato ligna addes, & incendium flammæ validioris, quod te ad interitum vsque exurat concitabis. Hoc autem exitium ne tibi contingat, audi sapientissimi Salomonis præceptum, & quod docet expertò crede: malum enim in quod ipse incidit, alios canere iubet, ac de muliere loquens: Longè, inquit, fac ab ea viam tuam, & ne appropinques foribus domus eius. Cur ita, nisi ne tangèdi detur facultas, si propius accesseris: quâto magis proximæ, tanto magis inis periculû, ne tangendo corruas. Minus tibi noxium ignem fore crede, si manum prunis ardentibus indideris, aut ferrû candens tenueris, quàm si lasciuientem adolescentulam digito contingas. Prunæ quippe offendet corpus, puellæ verò tactus animam perimet. Pecuniæ quoque crebra contrectatio animum ad auaritiâ stimulat. Quamcunque enim rem tangere delectat, eius largius copiosiusque potiundæ auiditas crescit.

crescit. Prudens itaque constitutio seraphici Francisci Constitutio sancti  
 fuit, qua cauetur, ne monachi paupertatē professi numtio sancti  
 mos contingant, sed illam eleemosynam quæ pecunia Francisci  
 constat, secularium ministrorum manibus colligant, æra  
 igitur quæ necessitas emendicare cōpellit, periculū tan  
 gere vetat, per alios recipiuntur, per alios pro ipsorum  
 victu expenduntur, usque adeo stipem per se sumere ti  
 ment, quam pro se poscere non verentur, ne forte con  
 tractatione illius delinīti aliquid vltra necessitatē com  
 cupiscant. Nam illum etiam in excelsis cum sanctis ha  
 bitaturum prædicat Isaias, qui proiicit avaritiā ex ca- Isaiæ 33.  
 lumnia, & excutit manus suas omni munere. Quāta au  
 tem mala pariat avaritia postea suo loco dicemus. Por  
 rō illos maxime mundas manus habere decet, quibus à  
 propheta præceptū est, dicente: Mundamini, qui fertis  
 vasa domini. Nihil igitur immundum tangant manus  
 illæ quibus cōcessum est vt purissimum Christi corpus  
 in sacramento palpent, & hostiam viuam offerant deo.  
 Eas manus ne qua peccati, contaminet spurcicies, memi  
 nisse debemus, ob hoc nobis à deo datas, vt ipsi præci  
 pue qui dedit seruiant, ipsi laborent in operibus iustis  
 actionibusq; probatis. Tu ergo manus tuas ad euoluen  
 dos cœlestis disciplinæ libellos pertrige, & in iis quæ  
 deo placent conscribendis exerce, ad pingenda quoque  
 fingenda ve appone simulachra illa, quæ vel spectatores  
 ad sanctimoniz cultum accendant, vel tuam ipsius mē  
 tem, ne per inania diuagetur, honesto labore occupent.  
 Denique modis omnibus contende, vt easdem manus  
 tuas cum precibus puras ad cœlum tollas. Ita enim faci  
 lius, quod postulaueris, impetrabis. Et quoniam hic de  
 quo loquimur, tangendi sensus non solū ad manus per  
 tinet, sed etiam ad reliquū hominis corpus, cuncta cor  
 poris tui membra deo auctori suo seruiant, deo in om  
 nibus obsequantur, nihil agant in quo ille offenditur,  
 nihil committant in quo proximi scandalizantur, in  
 omni

omni prorsus contacto, imò in omni omnium sensuum officio atque operatione. danda est opera vt vitetur peccatum, cuius premium est perennis apud inferos cruciatus, & colatur virtus, cui promissa est merces æternæ in cælo felicitatis.

*De remedio contra sensuum voluptatem. Cap. 25.*

Visus.

Auditus.

Odoratus  
Gustus.

Tactus.

Psal. 87.

**C**Æterum super omnia ad reprimendâ sensuum voluptatē remedia, iuuabit animo recolere quicquid saluatorem nostrum sponte in hac vita passum nouimus. Igitur si te vana spectandi voluptas prouocauerit, qualem ille voluptatem capiebat, cogita, cū Iudæorum cerneret perfidiam, & ob id fieri compelleretur, cumque eosdem cōtra se insurgere videret, quos ipse saluare venerat. Si tibi atrium delectatio blandiri cœperit, attende quodnam illi delectamentum erat quotidie ab impiis conuitia audire, seque probris maledictisque inimicorum incessanter pertundi. Si narius infusa odorandi suauitas tibi insidiabitur, si gustandi luxuriosa dulcedo sui desiderium fecerit, memento illum in vtrâque manu pro rosas clauos ferreos pertulisse, in ore autem pro dapibus fel, pro vino acetūsum pisse. Si te denique cōmunis toti corpori tactus ad voluptatem sollicitauerit, quē ille toto corpore dolorē excepit, in te reuolue. Cernē coronatū spinis caput, manus pedesque clauis cruci confixos, latus lancea vulneratū, cuncta denique flagellis contusa membra. Ac ne iam grandioris ætatis eam arctam viam ingressum dicas, audi ipsum in psalmo consistentem: Pauper sum ego & in laboribus à iuuentute mea. Ad hæc seruorum eius, id est, omnium sanctorum totam vitam, qua cœlū meruerunt, percurrere, & si quid in eo molle, si quid voluptuosum, si quid corpori iucundam delectabileque inueneris,

inueneris, audacter imitare. Sin verò, e contrario cuncta dura, aspera, inquieta, tristia, & acerba fuisse non ignoras, cur tu ad hauriendas conuerteris voluptates, sicut domino tuo, ita & seruis eius dissimilis, tibi que metipsum perniciosius? Quomodo enim eo quo illi conscenderunt, ascendens, si longè aliter atque illi vixerunt viuas? Et cum diuersa prorsus agas, quomodo non etiam diuersa fortieris? Nam si illi per terrenas tribulationes coeleste regnū possederunt, tu proculdubio post breues terrenæ luxuriæ delicias poenam luiturus es æternam, nisi poenitentiam egeris. Mitte igitur istas, quæ te nunc oblectant vanitates, renuntia voluptatibus, cuncta corporis blandimenta, veluti pestem quandam animæ fuge, & illa potius quæ laboriosa sunt amplectere, difficilibus asuesce, in omnibus morum sinceritatem serua, innocentiam custodi, affectibusque moderare. Moderandorum autem quæ ratio sit, quia locus hic exigere videtur, dicere nunc aggrediar, ope fretus diuina, non meis viribus, quæ nullæ sunt, confisus.

LIBRI IIII. FINIS.

## EVANGELISTARII MARCI

MARVLI LIBER V. SVB TITVLO

charitatis, materiam de libidinis cohibitione, matrimonij integritate, eleemosynarum largitione, beneficiorum collatione & acceptione, & vitiis his virtutibus contrariis, complectens.

*De temperantia. Cap. I.*

PSA igitur passionum, quæ à sensibus oriuntur, moderatio, temperantia dicitur. Ea virtus visque adeo reliquis omnibus necessaria est, vt nisi illis comitem se præstiterit, continuo ad vitia dilabentur, &c



tur, & virtutis nomen naturamque amittent. Iustitia-  
que ipsa si temperantiæ freno non regeretur, aut in ne-  
gligentiam, aut in sæuitiā defineret. Temperantia me-  
diocritatem seruat, appetitiones domat, ignauiam ex-  
pellit: dicta, facta, cogitataque rationis finibus cōcludit.  
Nihil turpe fieri patitur, voluptatibus imperat, ne mo-  
dum excedant, dolori succumbere vetat, in omnibus re-  
cti honestique rationem constare iubet, nō finit extol-  
li prosperis, neque deiici aduersis, sed in vtraque fortu-  
na constantem animum esse iubet. Ne itaque sensuum  
tuorum perturbationibus cedas, temperantia efficiet,  
& ad illa quæ memorauimus, comparanda remedia te  
diriget, quibus tu vsus abiges abs te otium & desidiam,  
& cupiditatem, & turpes amores, & omnem luxuriam,  
vt amplecti queas laborem, sollicitudinem, largitatem,  
pudicitiam, frugalitatem. Et cum vitia quæ circa vir-  
tutem in medio constitutam sunt, caueris: illa quoque  
quæ vltra habentur, vitabis, ne videlicet labor verta-  
tur in lassitudinem, sollicitudo in curiositatem, largi-  
tas in prodigalitatem, pudicitia in agendorum dicen-  
dorumque inutilem verecundiam, frugalitas in stultū  
ab omnibus abstinendi rigorem. Cuncta ergo æquis tē-  
perantiæ mensuris, iustisque proportionibus circum-  
scribes, vt nec modicitate delinquas, nec nimietate ex-  
cedas. Optimumque tibi videbitur, solertiā sequi nau-  
tarum, qui in onerando nauigio tale temperamentum  
seruant, vt neque nimio pondere pressum, obruatur flu-  
ctibus, neque nimia leuitate suspensum lateribus vacil-  
let, & flantium ventorū impetum ferre nequeat. In om-  
ni quippe vitæ tenore rationabilis mensuræ modus vti-  
lissimus. Intemperantia verò omnium prorsus nequitiarū  
& parens & nutrix est. Quibus illa dominatur, de san-  
ctorū cōsortio exierunt, cū iustia nō scribētur. Ab ipso  
enim domino, quia sanctionibus eius nō patēt, reproba  
Ezechi. 44. ti abdicatiq; sunt. Omnis alienigena, inquit, incircumci-  
sus corde,

fus corde, & incircuncifus carne, nō intrabit in fanctua-  
 rium meum. Aliud præterea incircunciforum genus est  
 quos Ieremias notat, dicens: Ecce populus hic incircun-  
 cifus auribus & nolūt audire. Aliud etiam de quo Moy-  
 ses esse se fatebatur, cum se indignum officio sibi dela-  
 to exi stimaret, & vt in Hebræo habetur, diceret: Incir-  
 cuncifus labiis ego sum. Huiuscemodi autem circunci-  
 siones, hoc est, cordis, aurium, & labiorum: quia non  
 corporis, sed spiritus sunt, faciunt vt ipsam quoque car-  
 nis circuncisionem, intelligentiæ demus spirituali. Qui  
 ergo temperans fuerit, primo cor suum circuncidet  
 ne cogitet malum, ne prauæ appetitioni assensum  
 præbeat. Qui enim assenserit, & ad perficiendum scelus  
 quod cogitauit animum inclinauerit, hic incircunci-  
 fus corde erit. Deinde qui temperans fuerit, suas aures  
 circuncidere curabit, subtrahendo auditum delatorū  
 susurris, adulatorum blanditiis, turpibus scortatorum  
 canticis, impudentiæque scurrarum. Qui verò ali-  
 quem ex his libenter audierit, incircuncifus auribus  
 erit. Postremò qui temperans fuerit, labia sua circunci-  
 dere studebit, linguam cohibendo, ne de aliquo infā-  
 mandi causa obloquatur, ne cui maledicat, ne litiget,  
 ne rixetur, ne opprobret, ne mētiatur, ne quid denique  
 iniquum, scēdum, inhonestum proferat. Qui autem lo-  
 quenda tacendaque obseruare neglexerit, & sine dele-  
 ctu quicquid in buccam venit, effutierit, hic incircun-  
 cifus labiis iudicabitur. Carnis verò circuncisionem ad  
 reliqua interioris hominis membra pertinere reor. Ita  
 que qui temperas fuerit, minimè negliget, & manus cir-  
 cuncidere suas, ne malum operentur: pedes, ne illo vbi  
 peccandi periculum imminet, currant: oculos, ne quid  
 quod nefas est concupiscere spectent: palatum, ne ebie-  
 tati ganeæque seruiat: olfactum, ne vnguentorū odore  
 delectetur, sed virtutum. Qui se ita, vt dicimus, circun-  
 ciderit, circuncisione (sicut Paulus ait) non manufacta,

Ierem. 6.

Exod. 4.

Incircūcis  
corde.Incircunci-  
sus auribus.Circūcisus  
carne.

Z &amp;

& in omnibus spiritui magis q̄ carni obedierit, huic p-  
fectæ temperantiæ inesse virtutem quis negabit? quis  
non dignum arbitrabitur, vt tandem in sanctuarium  
dei ingrediatur, præmiaque capiat supernæ heredita-  
tis, factus dei filius, quia noluit fieri turpium volupta-  
tum seruus,

De virginitate. Cap. 2.

Cæterum cum in omnium malarum cupidinū in-  
citamento temperantiæ freno opus sit, tum maxi-  
mè in coitus appetitione stimulo inhibendo. Nul-  
lus violentior in animantibus affectus, nullus insupe-  
rabilior. Assiduè cum illo pugnandum est, & si sæpius  
viceris, periculum est ne postremò vincaris. Quāto au-  
tem difficilior victoria, tanto & victoriæ remuneratio  
maior ac præstantior. Nunc ergo nō incongruè referen-  
da incidunt, primo castitatis pudicitieq; bona, deinde  
contrariæ libidinis mala, vt his deterriti, illis allecti.  
pertinacius in proposito persistamus virtutis. Castita-  
tis quidem principatum tenet illibata virginitas. Nā  
virginem esse, supra ysum naturæ est, & angelicum ma-  
gis quàm humanum. Ideoq; & in lege honorata est vir-  
ginitas, & in Euangelio, sed in Euāgelio magis. Prohi-  
bet lex, vt sacerdos viduam vel repudiatam ducat vx-  
orem, sed virginem tantum. Et cum Moyse Madianitas  
delere mādaret, virginibus parci iussit. Iesus Naue, qui  
Christi domini figuram ferebat, neque vxorem habuif-  
se memoratur, neque liberos, & illo duce populus Israël  
terram ingressus est promissionis. Elias & Elisæus nusq̄  
iniisse matrimonia legūtur, & soli inter veteres à mor-  
te quosdam ad vitam reuocarūt. Ieremias quoque, quia  
in vtero matris dicitur fuisse sanctificatus, virgo per-  
mansit, ne donum amitteret adultus, quod acceperat  
conceptus. Ad nostra veniamus. Ipse dei filius Christus  
virginem matrem sibi elegit, virgo ipse permāsit, vir-  
ginum

Leuit. xi.

Nume. x.

Iesus.

Elias.

Elisæus.

Ieremias.

Iesus Chri-  
stus.

ginum sponſus dici voluit, ſed neque baptizari, niſi à virgine ſibi placuit, neque matrem, cum ab ea decederet, niſi diſcipulo virgini commendare. Hæc autem omnia, vt quàm Deo grata eſſet virginitas doceret, cuius conſeruandæ matrem ſceminis, ſe masculis in exemplū dedit. Exinde vterque ſexus profiteri cœpit virginitatem, & ineundi coniugij prœliſque ſuſcipiendæ voluptate contempta, ad monaſteria conſugere, ſeque ſolī deo dedicare: vt dum neque nubunt, neque nubuntur, angelis cœleſtibus pares forent, & humanam conditionem egreſſi, peculiare priuilegium acquirerent, cātica quæ nemo alius cantare poteſt, coram deo perſonandi, ægnumque ſequendi quocunque ſe ille vertiſſet, vt ſicut Chriſto matriq; eius Mariæ, ita & iſſis nullum in æternis manſionibus habitaculum clauſum eſſet. Quid enim non illis patere crediderimus in patria ſuſum, qui dum hic peregrinarentur, nulli obſcœnæ cupidini patuerunt, & in carne præter carnem viuere perſeuerarunt, vt magis deo placerent: Fideliſſimorum enim ſeruum eſt, ſemper id maximè conari, quod domino ſuo maximè gratū fore animaduertunt. Itaq; nō ſolum attēdūt quid ipſe imperat, ſed etiam præter imperium quid ipſū delectet. Quamobrem plurimi ſanctorum virginitatē inuiolatā cōſeruarunt, vt qua ſe in primis deo placere poſſe non ignorabant. Virgines fuere Iohānes Baptiſta, quo inter natos mulierū nō erat maior: Iohannes Apoſtolus, quē ſingulariter Ieſus dilexiſſe, dicitur: Iacobus, qui frater domini nuncupatus eſt: Paulus vas electionis, aliique multi ex diſcipulis. Inter ſceminas autē Martha, Petronella, Tecla, Agatha, Lucia, Catharina, Cecilia, Barbara, Hagnes, aliæq; multæ, q̄ tormenta ppeti atq; occidi maluerūt, q̄ virginitatē nuptiis cōmutare. Quidā martyrum cū meretricibus à tyrāno additis oppugnarētur, proprias linguas dentibus diſciſſe cōſtat, vt voluptatis motū ſe excluderet doloris.

Z ij

Ipfī

Ipsi itaque qui in confessione fidei aliorum scruitiam  
 non timebant, in castitatis periculo in se scruerunt, nō  
 leuius flagitium fore rati si libidini cōsensissent, quā  
 si Christum abnegassent. Tunc autem in culmine vir-  
 tutum tua erit virginitas, cum etiam illa quæ imperā-  
 tur perfeceris. Quæ enim vel qualis est serui erga domi-  
 num obseruantia magna in re præstare obsequium, &  
 in parua negligere mandatum? Nōne fatuitatis argu-  
 untur in Euangelio virgines, quæ de sola virginitate  
 sibi plaudentes, oleum quo totius vitæ lampas illumi-  
 natur oleum, videlicet mandatorum dei non compara-  
 uerant? Nōne etiam ille ab omnibus irrideretur, qui  
 coronam auream capite præferret, & vilibus attritis-  
 que indumentis tegetetur? Virginitas ergo nisi impe-  
 rata domini perfecerit, tantum abest vt cæteris fideli-  
 bus altius ascendat, vt etiam cum ipsis, qui in imo cru-  
 ciantur, computanda sit. Hoc verum esse ipsa decē vir-  
 ginum parabola tibi ostendit, fatuæ nanque prudenti-  
 bus ianuam beatitudinis ingressis foris remanserunt,  
 quia nihil aliud muneris habebant, quod sponso offer-  
 rent, præter nudam virginitatem adminiculisque ne-  
 cessariis carentem. Castitatis quidem professio inter  
 perfectionis opera merito censetur, sed sicut pomæ an-  
 tequam maturescant, decidunt: & folia ramique siccā-  
 tur, cum trunco, cui tota arbor innititur, deesse cœpe-  
 rit humor, ita quæuis, perfectio (si modo perfectio dici  
 debeat, vbi multa deficiunt) suo fraudabitur fructu, ni-  
 si mandatorum obseruatione foueatur. Si vis ad vitam  
 ingredi, serua mandata, inquit dominus. Nisi ergo illa  
 seruaueris, licet castus, licet integer sis, & mente atque  
 corpore impollutus, vitam habere non poteris. Castita-  
 tem vouisti, diuitias contempsisti, cætera religionis vo-  
 ta suscepisti: hæc per se quidem vitam beatam nō me-  
 rentur, si tamen virtutibus mandatorum dei coniun-  
 cta fuerint, ad multo altiorem beatitudinis gradum te  
 proue-

Matth. 23.

Matth. 23.

prouehent, q̄ si absque his mandata tātū obseruaffes. Felix igitur illa uirginitas, illa castitas, illa paupertas, illa senioribus exhibita obedientia, quæ cum earum uirtutum comitatu quæ iussæ sunt, cœlesti sponso poterit occurrere. Felix, inquā, illa uirgo, quæ nō sola pudicitie laude contenta, sed etiam omnibus necessariis monilibus ornata sponſi sui præstolabitur aduentum.

## De castitate uiduali.

### Cap. 3.

**V**irginali munditiæ proximè accedit castitas uiduitatis continentia quæ eorum, qui quamuis uirgines non sint, finem tamen carnali copulæ statuerunt, suscepto religionis voto, ut expeditius deo seruire cœlestiumque contemplationi vacare queant. Horum propositum longè melius esse quàm coniugatorum uirtutisque scripturæ testimoniis probatur. In Leuitico filia sacerdotis, uidua ad patrem reuersa uescitur de sanctificatis, quæ certè attingere gustareque nequibat, dū marito seruiret. In Exodo Moyses per triduum ab uxore opere abstinere eos iussit, qui ad montem accessuri, deumque loquentem audituri erant. Sed neque Dauidi vel cæteris qui cū illo erant, cum esurirent, licuit panes accipere sanctificatos, nisi cum se mundos à mulieribus ab heri & nudius tertius esse confessi sunt. In nouo autem instrumento Paulus apostolus coniugati atque soluti distantiam docere volens: Qui sine uxore est, inquit, sollicitus est quæ domini sunt, quomodo placeat deo: qui autem cum uxore est, sollicitus est quæ sunt mundi, quomodo placeat uxori, & diuisus est. Et mulier innupta, inquit, ac uirgo cogitat quæ domini sunt ut sit sancta corpore & spiritu, quæ autem nupta est cogitat quæ sunt mundi, quomodo placeat viro. Quantum

Leuit. 22.

Exod. 10.

1. Reg. 21.

1. Cor. 7.

Z iij igitur

igitur præferenda sit viduitas matrimonio, continen-  
tia nuptiis, ipsa studiorum atque operum dinerfi-  
tas indicio est. Quis enim fidelium negare audet, longè  
melius esse, illa quæ Dei sunt cogitare, quàm illa quæ  
mundi: & quomodo deo placeas quærere, quàm quomo-  
do placeas vxori? Nemo tamen credat damnari matri-  
monia dum his meliora proponuntur. Non enim pec-  
cant qui legitimè coniūguntur, sed tamen illi qui ideo  
coniungi nolunt, vt liberius vtque syncerius deo serui-  
ant, beati esse dicuntur. Mulier, inquit, alligata est legi  
quanto tempore vir eius viuit, quòd si dormierit  
vir eius liberata est à lege, cui vult nubat, tantum in  
domino. Beatior autem erit, si sic permanferit se-  
cundum meum consilium. Ac ne consulentem con-  
temneres, continuo subiunxit: Puto autem quod & ego  
spiritum dei habeam. Idem Apostolus Tito discipulo  
præcipit, dicens: Viduas honora, quæ veræ viduæ sunt.  
Has etiã qualiter se gerere debeant instruens ait: Quæ  
autem verè vidua est & desolata, speret in deum, & in-  
stet obsecrationibus & orationibus nocte ac die. Nam  
quæ in deliciis est viuens mortua est, Illas ergo quæ de-  
licias mundi, vt Christum lucrifacerent sperauerunt,  
& reuereri, & si indiguerint ecclesiæ alimentis mandat  
sustentari. Honor enim in scripturis non solum reuer-  
etiam, sed etiam liberalitatem eleemosynam quæ desi-  
gnat, vt in Prouerbiis: Honora dominum de tuâ substā-  
tia, & de primitiis omnium frugum tuarum da paupe-  
ribus. Cū autem Apostolus verè viduas in ecclesia re-  
uerenter suscipiendas alendasque præcepisset, si modo  
vnde alantur de suo non habuerint: prospicere etiam  
volens ne qua de his finistri rumoris oboriatur suspi-  
cio, ne quis infirmis peccandi locus detur. Vidua, in-  
quit, eligatur non minus sexaginta annorum quæ fuerit  
vnius viri vxor, in operibus bonis testimonium habēs,  
si filios educavit, si hospitio recepit, si sanctorum pedes  
lauit,

Proue. 3.

lauit, si tribulationem patientibus subministravit, si omne opus bonum subsecuta est. Adolescentiores autē viduas denita. Cum enim luxuriatæ fuerint, in Christo nubere volunt habentes damnationem, quia primam fidem irritam fecerunt. Non ergo ob hoc solum vitandæ sunt, quia earum consortium castitati periculum sit, verum etiam quia ipsę iniuria ecclesiam afficere soleant, repetendo connubio, cum professæ fuerint castitate, & quod deo vouerāt non exoluendo. Cumque ita sit: Volo, inquit, iuniores nubere, filios procreare, matres familias esse, nullam occasionem dare aduersario maledicti gratia. Iam enim quædam conuersæ sunt post satanam. Quare illas nubere vult apertè declarat, ne videlicet castitatem vouendo irritum faciant promissū, ne post satanā abeant, & ad illicitos amplexus conuersę diabolo nubant. Tolle incōtinentiam istam, & non dicet. Volo iuniores nubere, sed quemadmodum superius dixit, beatiore erunt, si sic permanserint secundum cōsiliū meum, hoc est, si in proposito perdurarint castitatis, & veræ viduitatis officiis functæ fuerint. Quod ibi etiam & quidem manifestius asseuerat, vbi ait: Di- 1. Cor. 7. eo autem non nuptis & viduis, bonum est illis, si sic permanserint sicut & ego: quod si non se continent, nubāt. Melius est enim nubere quā vri, id est, licitas inire nuptias, quā illicitis ardere amplexibus. Patet ergo Apostoli esse sententiam: Illis viduis qui se continere nequeunt, magis expedire vt nubant quā per incōtinentiam pereant. Illis verò quę deo magis quā hominib⁹ placere cupiunt, optimum esse non nubere, sed in castitate perseuerare. Porro quod hīc fœminis præcipitur, viros quoque respicit, qui castitatem præferūt matrimonio, sexagesimam fructum tricesimo, & domini cultum vxoriæ seruituti, quibus à saluatore dicitur. Sint lūbi vestri p̄cincti, & lucernæ ardētes ī manib⁹ vestris.

Lucæ. 12.

Z iiij

Et



**Ephē. 6.**

Et ab Apostolo, State succincti lumbos vestros in veritate. Lumbi ad generandi rationem pertinent, quos præcingere, quid aliud nisi castitati studere est? Hoc quidem præcipuis, hoc electis dei Christi que discipulis iniungitur non vulgaribus, non terrena temporalia que appetentibus, sed ad cœlestem gloriam aspirantibus & æternam. Vnde Eliam prophetam & Iohannē baptistam zona cinxerat pellicea, quæ significabat in carne mortificatos, nulli que obscenæ cupidini subiectos, quàm autē magni spiritus hi ambo fuerint, nemo fidelis ignorat. Ille etiam vir sanctus ista continentie virtute proficere optabat, qui ingemiscens ait: Quoniam lumbi mei impleti sunt illusionibus, & se superari sentiens auxilium implorabit: Intende, inquit, in adiutorium meum domine deus salutis meæ. Illam verò mulierem, ut optauerat ita profecisse credimus, de qua est scriptum: Accinxit fortitudine lumbos suos, & roboravit brachium suum. In brachio, iustitiæ opera intelligimus, quæ tunc sanè robur & firmitatem sui concipiunt, cū lumbis zona castitatis constrictis contemnimus illecebras carnis, & coniugii iugo expediti, in illorum concedimus libertatem eunuchorum, qui se propter cæleste regnum castrauerūt. Quæ profectò virtus, quoniam vulgari vita eminentior est, non imperatur, sed suadetur, dicente domino: Qui potest capere capit. Ut autem ad capiendum quod proposuit enitamur, præmiorum magnitudine nos prouocat per Isaiam dicens: Ne dicat eunuchus, quoniam sum lignum aridū: hæc enim dicit dominus eunuchis, Qui custodierint sabbata mea & elegerint quæ volui, & tenuerint fœdus meum, dabo eis in domo mea & in muro meo locum nominatum, & nomen melius filiis & filiabus, nomen sempiternum dabo eis quod non deficiet, Laudent matrimonia coniugati & prolis fecunditate gloriantur, dū tamen eunuchi nostri melius filiis & filiabus nomen à

**Psalmo. 37.**

**Pro. 31.**

**Mat. 19.**

**Isaia. 56.**

domino

domino sibi vendicent, patribusque & matribus apud omnium patrem pluris habeantur. Restat vt doceamus quibus armis virtus castitatis ne offendatur, tuenda sit.

## *De consortio diuersi sexus vitando.*

### *Cap.*

### *4.*

**C**astitatis professoribus non sui sexus hominum consortia sunt fugienda. Quamuis fuerint sancti vir & foemina, nequaquam tantū sibi confidāt, in ætate præsertim adhuc vegeta & robusta, vt sine arbitris inter se colloquatur, vt soli simul sedeant, aut conuersis alter in alterum oculis inuicem se spectēt, ne forte cogitare cogantur, quod intercedente verecundia confiteri non audent. Poteest quidem fieri vt, amborū vultus, gestus, sermo pudicitiam seruet: difficillimum tamen imò impossibile est, nequando vel vtriusque, vel alterius eorum mens impuriis æstuet desiderius, vel momento aliquo temporis concupiscat, quod committere veretur. Audi Salomonem dicentem: Fauus distillans labia meretricis, & nitidius oleo guttur eius, nouissima autem illius amara quasi absynthium, & acuta quasi gladius biceps, pedes eius descendunt in mortem, & ad inferos gressus eius penetrant, per semitam vitæ nō ambulant, vagi sunt gressus eius & inuestigabiles. Nunc ergo fili audi me, & ne recedas à verbis oris mei, longè fac ab ea viā tuam, & ne appropinques foribus domus eius, ne des alienis honorem tuū, & annos tuos crudeli. Presentem voluptatem cū futura poena compara, & probabis consilium hoc quod offertur. Citò transit quod delectat, nullo fine concluditur quod cruciat. Sed fortasse cauillaberis & dices, non tibi accessum interdici aliarum præterquam meretricū. At in iis quoque quæ pudicitiam præ se ferunt, blanda vox, mollis gestus, benignus

Prou. 5.

3. Reg. 12.

nignus aspectus, venusta forma, & totius corporis tegu-  
 mentorum non inelegans cultus, nōne impudicitia  
 incitamenta sunt? Ipsa quidem mulier casta & conti-  
 nens est, sed si multa quæ in illa conspicias, ad turpes co-  
 gitatus prouocant, quomodo tutum te putabis, si ei ad-  
 hæseris? Ne quis tamen malignæ excusationi detur lo-  
 cus, disce non minus fugiendas esse pudicas quàm impu-  
 dicas, illo saltem exemplo, quo Dauid secū dum cor dei  
 electus, & pudica satis iudicata Betsa bee Vriæ vxor cō-  
 ciderunt. Nulla hæc notabatur infamia, ille morū san-  
 ctitate non minus quàm regno nobilis erat. Hanc se la-  
 uantem tantum vidit & captus est, exarsit in concupi-  
 scentiam, operēque impleuit quod concupierat. Nun-  
 quid tu illo sanctior, vt tales fœminas non solum intue-  
 ri, sed etiam cum iisdem colloqui, cum iisdem confide-  
 re & commorari, & fortasse ridentibus arridere non ti-  
 meas? Ad hæc memento quod idem periculum veriti  
 plerique fideles, & paternam domum ne inter mulie-  
 res versentur, derelinquunt, & vrbibus excedunt, & so-  
 la atque hominum cultu deserta loca penetrant, ibi do-  
 mino seruiētes, quo ne nomen quidem fœminæ possit  
 accedere. Si qua eos aliquando visæ mulieris cogitatio  
 molestat, noctes vigiles ducunt, orationibus istant, ieiu-  
 nia frequentant, pectus pugno verberant, donec domi-  
 no miserante pristina menti reddatur quies, & aduer-  
 sario in fugam conuerso victoriæ succedat solatium. Ni-  
 hil isti circa se conspiciūt nisi rupes & syluas, nihil au-  
 diunt nisi rugitum ferarum & auium cantum & sibilu  
 serpentum: tu te autem periculo liberum fore arbitra-  
 ris quotidie inter fœminas conuersando, illas intuen-  
 do, de illis fabulas audiendo, teque vltro illarum aspe-  
 ctibus offerendo, neque consortia vitando, sed nūc voca-  
 tus, nūc innocatus domos cubaculaq; illarum adeūdo?  
 Nō est istud, crede mihi seruare castitatē, sed prosti-  
 tuere, non spiritui seruire, sed carni: cū scriptū sit, In  
 medio

Eccle. 42.

medio mulierum noli commorari. De vestimēto enim procedit tineā, & à muliere iniquitas viri. Scut ergo vestimentis ac panno nihil est magis inimicum quàm tineā, ita nihil magis periculosum castis mentibus, quàm diuersi sexus coniuncta conuersatio. Bonum est mulierem non videre: quia qui viderit & concupierit, iā moechatus est eam in corde suo. Bonū est mulierem nō tangere: quia qui tangit piscem inquinabitur ab ea. Quòd si in solitudine degentium mentes foedis cogitationib⁹ interdum sollicitentur, quomodo ibi castitas esse poterit secunda, vbi vir & mulier vel eodem vsu fuerint contubernio vel silocis disseparantur, congressibus nō abstineant? Si quando tamen necesse erit conuenire, & vtriusque præsentiā res egerit, tales testes arbitriq⁹ adhibeantur, quibus coram pudor erit vt loqui quod turpe sit, vel quod non liceat facere. Secreta enim colloquia tametsi crimine caruerint, criminis tamen suspicionē non carebunt. Debemus autem providere bona non solum coram deo, sed etiam (vt Apostolus ait) corā hominibus. Cuius munda est conscientia, non præbeat alteri infamandi occasionem, ne in fratrem peccet.

*De remediis aduersus tentamenta  
libidinis. Cap. 5.*

**P**orro cum foeminarum frequentiam conspectumque fugeris, te ipsum fugere non potes. Quocunq⁹ locorum porrexeris, cum tua tibi carne pugnandum est. Caro semper ad voluptates prona, compellit hominem id cogitare, à quo mens Deo dedita abhorret & declinat, ne fortè dum carnali suggestioni assentitur, domino suo delinquat. Luctam istam vincere nō poteris, nisi armis opportunis atque congruis fueris vsus. Arma igitur quibus carnis tuæ domanda petulantia

stantis est, ieiunia sunt solito crebriora, frequentiores preces, magis intenta diuinorum tractatum lectio, & circa facienda opera corporis fatigatio diligentior. Cū hoc telorum genere qui in prælium procefferit, eius castitatis arcem, neque carnis foeda titillatio, neque diaboli callida machinamenta poterunt euertere. Primò igitur da operam, vt ieiunādo de cibis potius quàm de lascinia cogites, & venarum calorem temperes ventris vacuitate. Luxuriant enim corporis venæ pabuli repletionem succēsa, & ebullire in libidinem affectant. Equos quoque ferocitate cogit obesitas, macilenti desinūt calitrare. Quòd si Sodomitas & Gomorrhæos (vt scriptum est) saturitas panis & otium in abominandos precipitauit coitus, & si hac ipsa de causa eiusdem criminis Iudæi arguuntur dicente domino, Saturauit eos, & mœchati sunt, & in domo meretricis luxuriabantur: nōne per ieiunium euitata saturitate scelus quod ab ea proficisci credimus simul vitabitur? Cæterum cū turpis libido dæmonium illud sit, quod non eiicitur (vt Saluator ait) nisi in ieiunio & oratione, orandum quoque erit, vt ipse in nobis castitatis virtutem protegat qui dedit. Iungantur igitur ieiunio preces, & quod ipsi per se præstare non possumus, à domino postulemus vt possimus. Iudith quæ Holophernem asyriorum ducem sua occidit manu, ieiunando simul & orādo viduitatem seruauit, & inter inimicos tuta: Imò etiam inimicorum victrix fuit Anna in Euangelio Phaelis filia, & ipsa amisso viro perpetuam vouerat castitatem. Qualiter autem eam conseruarit, Euangelista declarat, dicens. Non discedebat de templo ieiuniis & obsecrationibus seruiens diē ac nocte. Et quoniam casta permāsit, Christum natum videre meruit, & in paruo intelligere mundi saluatorem. Faceffat desidia, omnis abeat torpor, non est otiosorum ista virtus, multa vigilia, assiduo labore tuendus est thesaurus, quem

sup

Iere. 5.

Iudith.

Anna.

Luca. 2.

suppillare cupit caro, demoliri conatur diabolus & dissipare nititur mūdus. Ieiunio ergo & orationi succedat lectio, quæ te vel in aliorum lapsu cautiorem efficiat, vel in aliorum fortitudine continentiore. Redintegratur animi vigor ad virtutum perseverantiam, pleniorque infunditur gratia, quoties piè sanctèque vivendi præcepta releguntur. Ibi iustorum præmia malorumque poenæ etiam segnes excitant ad colendam animi sanctitatem nequitiamque fugiendam. Legēdo itaque sacras literas, quibus talia continentur, in proposito bonarum actionum solidamur, non legendō reddimus imbecilliores. Apostolus ait: Quæcunque scripta sunt ad nostram doctrinam scripta sunt. Frustra autem scripta essent, nisi etiam legenda omnibus proponerentur. Nolite (inquit) inebriari vīno in quo est luxuria, sed implemini spiritu sancto, loquētes vobismetipsis in psalmis, hymnis & canticis spiritalibus, cantantes & psallentes in cordibus vestris domino. Qui ergo talia legere vel audire neglexerit, spiritu sancto impleri nō poterit. Et quomodo castitatem servare valebit, si spiritus sancti auxilio fuerit destitutus? Porro quid iucundius, aut quid optabilius, quā dei sapientiam in scripturis audire loquentem, & illius doctrinæ inhærere, qui solus nec falli possit, nec velit fallere? Huius potissimum lectionibus delectetur, quisquis optimis verissimisque vitæ institutis cupit proficere. Si tamen adhuc alia lex in membris tuis repugnauerit legi mentis tuæ, alijs insuper fatigationibus frangēda tibi erit protervitas carnis, aut humū rastro fodias, aut holera in orto sitientia irriges, aut plantaria facias, aut canistra lētis texas viminibus, aut aptam igni materiam cædas, & sarcinas humero impositas baiules, & domum translatas vsui reserves. Denique semper facias aliquid operis, ut cum Apostolo dicere queas: Castigo corpus meum, & in servitutem redigo, ne fortè cum alijs prædicaverim, ipse

Rom. 15.

Ephes. 5.

1. Cor. 9.

ipse reprob<sup>9</sup> efficiar. Profectò nulla ei dominabitur voluptas, qui sic sibimetipfi imperare didicerit, Sic autè faciendo, siue centesimum cum virginibus, siue sexagesimum cum viduis fructum colliget, atque angelis qui in coelo sunt, par similisq<sup>ue</sup> erit.

### De matrimonio. Cap. 6.

1. Cor. 7.

**N**unc locus postulat, vt de matrimonio aliquid in medium proferamus ne quis culpam putet vxorè ducere, cum etiam coniugatorem virtus sit pudicitiam colere, liberos bonis artibus instruere non voluptatis gratia, sed generandi affectu copulari: nihil dicere aut facere, quod ex ipsius natos nō deceat imitari. Quādoquidē paruulorum simplicitas nullius operis est magis æmula, quàm quod à parētibus viderit facituri. Discant igitur coniugati quid ipsis apostolica præcipiat disciplina. Nam sicut misericors deus vult omnes homines ad salutem peruenire, ita apostoli Christi cuiq<sup>ue</sup> hominum conditioni monstrare conati sunt quomodo saluarentur, quorum Paulus diuina spiritali q<sup>ue</sup> scientia in primis præditus ait: Si acceperis vxorem nō peccasti: & si nupserit virgo, non peccauit, quinimo vt ostendat etiam in coniugio esse aliquid boni, Qui matrimonio, inquit, iungit virginem suam, bene facit. Nihil enim ab ipso rerum autore deo constitutum est, quod non bonum sit, licet aliud alio melius atque perfectius. Tunc autem primū nuptiæ ab eo constitutæ sunt, cū masculum creasset & foeminam, benedicensq<sup>ue</sup> ipsis dixisset. Crescite & multiplicamini & replete terram. Qua quidem in re hoc quoque obseruandum, quod nō ad voluptatem vocati sint, sed ad liberorum procreationem, vt crescant videlicet & multiplicentur, tamen si fieri non potest, ne qua intercedat voluptas, non tamen in ea nuptiarum finis esse debet, sed in foetu multiplicando, quemadmodum benedictio præscripsit di-

uina. Et

uina. Et cum ita sit, audeo dicere, Scortator, non maritus est, quē magis coire quā generare delectat, & mulier ipsa scortum, non vxor, quā libidine magis gaudet quam foetu. Porro fœdera matrimonij perpetua esse oportet. Quos enim deus coniunxit, homo non separaret. Erunt (inquit) duo in carne vna. Itaque prauaricatur vir quoties aliam appetit, & mulier quoties alium suspirat. Caro enim quæ vna esse debet, in duas distrahitur, cum pellex aut mœchus adamatur. Sit igitur honorabile connubium (vt Apostolus inquit) & thorus immaculatus, vtque contaminari illicito amore timeas, addit. Fornicatores enim & adulteros indicabit deus. Viros quoque præesse vxoribus debere, testatur alibi, dicens: Mulieres viris suis subditæ sint sicut domino. Quoniam vir caput est mulieris, sicut Christus caput ecclesiæ. In Genesi quoque primæ mulieri dictum legimus à domino, Sub viri potestate eris, & ipse dominabitur tui. Cæterum sicut Christi & ecclesiæ sancta est coniunctio, ita viri & vxoris impolluta sit copula oportet, vt nec ipse aliam sponfam, nec ipsa alium desideret sponsum, & suspicionem etiam caueant minus fidi inter se amoris pactique violati. Neque enim coram Hymenæo vel Thalassio inter se pepigere, vt vana solebat gentilitas, sed vt decet fideles, deo verò inuocato. Christoque teste & ecclesia. Nihil magis ratum esse debet, quā quod his accitis ac præsentibus, piè iusteque fuerit promissum. Deinde idem Apostolus paucis verbis multa complexus, Vxori (inquit) vir debitum reddat, similiter autem & vxor viro. Debet quippe alter alteri fidem, debet charitatem, debet honorem, pudorem, pacem, atque concordiam. Talia si intercefferint, exolui ab his quod debetur manifestum est. Oportet autem in eo quidē reddi debitum, ne alteri generationis operam exigenti, alter deneget. Sequitur enim, Mulier sui corporis

Hebr. 13.  
Ephe. 5.

Gene. 3.

5. Cor. 7.

corporis



corporis potestatem non habet, sed vir: similiter autē  
& vir sui corporis potestatem non habet, sed mulier.  
Hinc ait: Nolite fraudare inuicē, nisi fortē ex cōsensu  
ad tempus, vt vacetis orationi. Quare hoc, nisi ne for-  
tē illius qui consentire noluerit, concupiscentia peri-  
clitetur: & dum licito coitu nequit vti, ad illicita desi-  
deria declinet? Quamobrem post continentiae quoque  
consensum hortatur, vt iterum in idipsum reuertan-  
tur, atque addit: Ne tentet vos sathanas propter in-  
continentiam vestram. Sed quod suadet metuens, ne volēs  
iubere videatur, ait: Hōc autem dico secundum indul-  
gentiam, non secundū imperium. Volo autem vos om-  
nes homines esse sicut meipsum, id est, cœlibes, continē-  
tes, castos, & à seruitute coniugalī necessitatis prorsus  
alienos. Atque ita aliud est quod indulget propter in-  
continentiam, aliud quod vult propter vitæ perfectio-  
nem. Vt ergo fornicationem fugias, vtēre coniuge, sed  
si ambo ducimini studio praestantioris virtutis, vtēre  
castitate. Alterum enim carni seruire est, alterum spi-  
ritui, & qui in carne seminat, de carne & metet corrup-  
tionem, qui verò seminat in spiritu, de spiritu me-  
tet benedictionem.

## De viri uxorisque officio.

Cap.

7.

**M**eminerint præterea vxores reuereri maritos,  
priorem honoris, locum eis cedere, eorūdemq;  
subdi imperio. Id quidem exigit & autoritas  
diuina, vt dictum est, & apostolicum praeceptum, & lex  
ipsa naturæ, cum etiam inter gentiles & à religione no-  
stra alienos constet, viros quam fœminas honorabilio-  
res esse atque liberiores. Ne quis tamen vxores sic con-  
temptē vtatur vt serua, Petri Apostoli mandatum est,  
quo monet ipsis etiam impartiri oportere honorem  
tanquam

1. Pet. 3.

tanquam coheredibus gratiæ vitæ. Et in Malachia est Malac. 2.  
scriptum. Vxorem adolescentiæ tuæ noli despiciere. So-  
cia thori tibi est, & domesticæ gubernationis curæque  
consors, & communium liberorum parens, non de capi-  
teeducta, ne imperet, nec de calcaneo, ne cõtemnatur,  
sed de costa formata, vt inter vtrunque media habe-  
atur, & secundo loco post patremfamilias in domo hono-  
retur. Illa obtemperet viro, ei autem reliqua familia  
subiecta sit. Illa sicut Sara Abraham, ita virū vocet do-  
minum, eam verò reliqui dominam appellent, & veluti  
dominæ pareant atque obsequantur. Porro vt tali ho-  
nore dignam se non tam autoritate quàm moribus o-  
stendat, sit fidelis vt Michol, quæ ne patri quidē, & ei-  
dem res obsecuta est vt virum proderet, Nam sicut de  
viro dicitur, propter hoc dimittet homo patrē & ma-  
trem, & adhærebit vxori suæ, ita & mulier debet ad-  
hærere viro, vt nec amore parentum, nec timore regū  
fidem deserat. Sit prudens vt Abigail, quæ iratum viro  
suo Dauidem animi sagacitate placavit, ita postea ma-  
rito viduatam ipse Dauid sibi elegerit vxorem, sola fœ-  
minæ solertia delectatus. Quæ talis fuerit, etiam viri  
partes agat in domo, si ille minus integræ mentis erit,  
seuerentiam tamen exhibeat vt maiori: & sic omnia  
faciat, quasi ille imperarit. Sit pudica vt Susanna, quæ  
coningij fide seruata malebat mori, quam amissa viue-  
re, sed tam sanctum fœminę propositum cum nosset do-  
minus, & ab accusatorum infamia purgatam, & à mor-  
tis periculo liberam reddidit. Sit patiens & humilis vt  
Anna Helcanæ coniunx: quæ cum sterilitatis exprobra-  
tionem æquo animo tulisset, mater esse meruit Samue-  
lis, qui & iudex populi extitit & propheta. In hac ita-  
que vnica prole multo felicior fuit, quàm illa in mul-  
tis, cuius procacitate incessabatur, Sit in omnibus quæ  
honestè fieri possunt, obediens viro, vitetque Vasthi re-  
gina. Vasthi  
ginæ insolentiam quæ cum Assueri Persarum regis ma-  
regina.

1. Reg. 18.  
Michol.

1. Reg. 25.  
Abigail.

Susanna.

Anna.

Vasthi

regina.

AA

riti sui

riti sui imperium contempnisset, diuortio mulctata, defuit esse quod erat & de fastigio publicæ dignitatis in ordinem corruit priuatarum. Deponit enim deus superbos de sede, & exaltat humiles. Licet autem non sit locus repudii, turpissimum tamē est, repudio dignam videri. Sit præterea diuinę rei studiosa, & ad preces deo offerendas prompta, vt Tobia coniuux Sara, quę antiquam coniugalem operam iniret, triduum cum illo in oratione perseverasse traditur: & ambo quidem felicē connubij euentum habuerunt, eo quod initia illius domino consecrassent. Sit postremo in incessu modesta, grauis in aspectu, in sermone verecunda, simplex in ornatu, & in his rebus quę foris videntur ostendat qualē intus qui non videtur animum gerat. Impleat etiam quod Apostolus Philemoni discipulo vt adolescentulas doceret, scribit. Vt videlicet viros suos ament, filios diligant, sint prudentes, castę, sobrię, domus curam habentes, benignę, subditę viris suis. Exequatur & quę princeps apostolorum Petrus partim prohibeat, partē imperet, dicens: Quarum sit non intrinsecus capillatura aut circumdatio auri, aut indumenti vestimentorum cultus, sed qui absconditus est homo in incorruptibilitate quieti & modesti spiritus, qui est in conspectu dei locuples. Ne quis tamen sordes & illuuiem conuenire vxoribus honestis credat, rursus Paulum audiat Timotheo dicentem: Mulier orare iube in habitu ornato cum verecundia & sobrietate, ornantes se, non in tortis crinib<sup>9</sup>, aut auro, aut margaritis, vel veste preciosa, sed quod decet mulieres, promittentes pietatem per opera bona. Exclamarem in nostrarum comendi componendi quę se luxuriam foeminarum, & in ipfarum immodicos ornatus inueheret (sunt enim quę totum censum in suunt in vestibus, inferunt in monilibus, gestant in digitis, & vt carnem suam deuitent, maritos egere cogunt) sed si domini apostolicaq; præcepta, quę sæpe in ecclesiis præ-

Sara.

Phile. 2.

1. Petr. 3.

1. Timot. 2.

siis prædicari audiunt, non obseruant, & me quidē clamantem irridebunt. Satiū est igitur attoniti oris silentio intemperantiam earum incusare, quam verborum increpatione frustra velle corrigere. His autē quas interior magis quam exterior cultus inuat, satis erit: non me, sed quorum dicta in medium proposui, audire.

*De coniuge diligenda temporē-  
que continendi. Cap. 8.*

**Q**UOD autē viros respicit, videlicet nō oportere cōtemni vxores, dictum est supra, sed vt euidentius ea res constet, dicemus nunc qualiter ipsa vxor diligenda sit, deinde etiam continendi tēpora indicabimus. Paulus apostolus: Viri, inquit, diligite vxores vestras sicut & Christus dilexit ecclesiam, & seipsum tradidit pro ea, vt illā sanctificaret. Et paulo post: Ita viri debent diligere vxores suas, vt corpora sua, qui suam vxorem diligit, seipsum diligit. Et alibi idem ait: Viri diligite vxores vestras, & nolite amari esse ad illas. Diligere quidem iubemur & proximōs sicut nosipsos. Qui tamē proximum diligit, alterum diligit: qui vero vxorem diligit, seipsum diligit, cum vir & vxor vna caro sint. Tanto igitur intentius diligatur vxor, quanto magis proxima est. Quid autē proximius, quā duo in carne vna? Dilectionis præterea ordo exigit, vt primo loco nobisipsis optemus bona: secundo, proximis. Primo igitur loco etiam vxor amanda erit, aut si quis inter primum & secundū esse potest medius. Ambo, autē gignendæ prolis causa inter se coeant, non explendæ libidinis affectu. Alterum legitime coniugatorum officium est, alterum turpiter lasciuientium immunditia. Ambo etiam obseruent continendi tempora, dicēte Salomone: Tempus amplexandi, & tē-

Ephē. 5.  
Coloss. 3.

Eccle. 3.

AA ij

pus longē

Iohel. 1.

Leuit. 15.

Leuit. 18.

1. Cor. 7.

1. Reg. 21.

pus longè fieri ab amplexibus. Tunc igitur à coniugi opere venererè que voluptatis vsu continere sese debèt coniugati, cum ciuitas opprimitur calamitate, ne communi malo aliis tristantibus ipsi gaudere videātur. Sic enim in Iohel propheta imminente captiuitate ad Iudæos dicitur: Egrediatur sponsus de cubili suo, & sponsa de thalamo suo. Ad menstruata quoque vxorem accedere lex vetat, nec concepti foetus vitiū corrupti sanguinis trahant, & morboſi liberi sanieque cōfecti nascantur. Videant igitur vir & mulier ne coitus desiderio victi, menstruorum tempore congregiētur, ne plus molestiæ accipiant ex naturæ fœditate quàm ex concubitu voluptatis, sed neque illo die coeant, quo rem diuinam facturi sunt, tunc enim facilius quod poposcerint impetrabunt, cum casti purique ad supplicandum deo processerint. Hoc sanè præcipit Apostolus, dicēs: Nolite fraudare inuicem, nisi forte ex consensu ad tempus, vt vacetis orationi. Tunc etiam magis accingant lumbos suos zona castitatis, cum sacrosancto corpori & sanguini domini erunt communicaturi, vt quod in typo agni paschalis præcipit, in vero agno qui abstulit peccata mundi, impleatur. Plebi vocem domini die perendi non audituræ per Moysen iniungitur, ne appropinquēt vxoribus, & Dauidi atque iis qui cum illo erant, panes propositionis ne esuriētibus quidem dati fuere, nisi cū se mundos à mulieribus ab heri & nudius tertius confessi sunt. Quid autem sanctius illo panē qui de cœlo descendit: Quod ergo præcessit in figura obseruetur in veritate, & hoc quidem ex consensu, vt enim se contineāt coniugati, non alterius arbitri est, sed amborum.

### *De coniuge eligenda. Cap. 9.*

**V**T autem concorditer ac sine querela procedant nuptiæ, par conditio querenda erit in coniuge, generis atque fortunæ. Iurgiorum causa esse consuevit

suevit disparilitas. Idcirco vir nobiliorem se aut opulētiorem non ducat, ne pro vxore patiaturs dominā. Mulier quoque plebeia & vulgaris parumque dotata non nubat p̄stantiori, ne fortē non vxoris loco habeatur, sed ancillā. Quod si etiam inter æquales frequēter incidunt contentiones & lites & dissidia & similitates, quanto magis hoc timendū est, vbi alter maiorum suorum iactet titulos, ostendet stemmata, opibus gloriatur & multo fastu inflatus arroganter incedat: alter verò nihil horū habeat quo se illi exæquare possit, aut iniuriæ obiectæ, vilitatis propulsare? Caueant igitur tam viri quā foeminae matrimonio copulandi, ne fortē dum coniugij iugum se subire credunt, iugum subeant seruitutis, & si bene rectēq; sibi consultum volunt, audiant verficulum illum à pueris in schola, in foro, in omnibus compitis ventilatum:

Si voles aptē nubere nube pari.

Sed neque nimis formosam ducendam esse aiunt, nec nimis deformem, ne vel hanc habeas despectam, vel illam suspectam. Ea ergo placeat, cuius media inter istas erit species, vt nec multos allicere, nec tibi non grata esse possit, ac proinde vtriusq; vestrum & pudicitia tutior maneant, & animus omni sublata suspicione tranquillior, & ad mutuam propensior charitatem. Neque enim illi concorditer queunt pacificeque viuere, qui inter se de connubij fide dubitant, & zelotipia vitio vel maritus moechum, vel vxor pellicem imaginatur ac timet.

### *De filiorum educatione familiarique regenda. Cap. 10.*

**P**ost hæc optimos habere liberos gloria est parentum. Patris igitur matrisque erit officium, vt se genitos non ad luxum, sed ad modestiam educare,

AA iij non

non blanditiis emollire, sed castigationibus cohibere  
piè religioſeque inſtituere, plectere ſi deliquerint, lau-  
dare ſi benè obtemperanterq; ſe geſſerint. Increpationi-  
bus, minis, verberibus à vitio detertere, exhortatio-  
nibus ad virtutem promiſſisque accendere, exempla vi-  
tæ alienæ, alia quæ fugiant, alia quæ imitentur propo-  
nere, magis de moribus ipſorum quàm de ſoſpitate ſoli  
citari. Reliquam quoque familiã ita gubernare, vt eo-  
rum qui domi ſunt, ſobrietas, parſimonia, frugalitas; te-  
ſtimonium ſit integritatis indiſtriæque dominorum.  
Super omnia autè omnes domeſtici, ſive liberi ſint, ſive  
ſervi, doceantur deum timere, proximos diligere, nemi-  
nã odiſſe, nulli nocere, benè omnibus optare, & cui poſ-  
ſunt benefacere, iniuriæ non meminifſe, ſed pro malo  
bonum reddere. Magni proſectò meriti apud deũ erit,  
talem ſe in educandis liberis regendaque familia exhi-  
biſſe, ſicut econtrario præcipuè indignationis atque  
odij neglexiſſe, & patris vel matris familias perſonam  
gerendo ſuum non obiuiſſe officium. Ait enim beatus  
Apoſtolus: Si quis ſuorum maximè domeſticorum curã  
nõ habet, fidem negavit, & eſt infideli deterior. Quod  
ſi par crimen eſt, fidem negare, & eorum quibus præſ  
parui pendere ſalutem, nõne par erit & criminis vin-  
dicta pœnãque commiſſi? Quisquis igitur alios regen-  
di officium ſuſcepit, caue maximè ne otio atque igna-  
viã deditus illud ſaſtidias, nève gregem cuius eſt paſtor  
lupis laniandũ dimittas & perditæ ovis ſanguis de ma-  
nu tua requiratur. Corripe delinquentes, inſtruẽ igna-  
ros, ptege infirmos, liberare cõtende periclitãtes, indi-  
gentibus victui neceſſaria cõpara, deniq; ſi præmio nõ  
duceris, pœnã time, quæ illis debetur, qui fidẽ negarũt.

1. Timot. 5.

## De fornicatione vitanda. Cap. II.

**E**t quoniam matrimonio prætulimus viduitatem,  
viduitati virginitatem, nihilque horum malum  
eſſe di-

esse diximus, contraria quoque in medium producēda sunt, vt vitij fœditate offensi, cupidius virtutibus incumbamus. Virginitatem amittere, quid est aliud nisi ab ipsa angelicæ cōditionis celsitudine ad nostræ mortalitatis humilitatem descendere, & cum spiritu cœperis, carni finire: Similis angelis eras virgo dum nescires corruptionē, iuncta es viro honestis nuptiis, fateor non peccasti, facta est tamen de spiritali carnalis, de cœlesti terrena, de auro purissimo æs vilissimum. Iam non potes venienti Christo sponso cum lampade accensa occurrere, nec inter sponsas eius censeris, virginū ille sponsus est, non corruptarum amator. Et licet non repellat coniugatos coniugij iura seruantes: primo tamen loco habet virgines (vt dictum est, secundo, viduas: vltimo, maritatas. Quod de altero sexu dicimus, de vtroq; sentimus. Prior est apud deum qui fœminam nescit, deinde qui post cognitam castitatis votum suscipit, postremo ille qui gignēdæ prolis gratia matrimonio seruit, & pudicitiam atque charitatem genitali thoro debitā colit. Hæc sunt tria illa hominum genera, de quibus in Euāgelio dicitur: Tunc duo erunt in agro, vnus assumetur, & vnus relinquetur: duæ molentes in mola, vna assumetur & vna relinquetur. Virginū primus ordo mihi videtur. Virginitas in agro moratur puritatis internitentia intacto candore lilia, & Christum dominum inuocat, dicens: Veniat dilectus meus in hortum suum, vt comedat fructum pomorum suorum. Continentium secundum esse censeo, qui carnem suam terunt mala ie iunij, vigiliarum, precum, honestiq; laboris, subdentes eam spiritui, vt panes mundi efficiantur deo offerendi. Sed vt noscamus quantū hi à virginitatis gradu distet, sub sexu minus nobili proferūtur, dum dicitur duo molentes, nec tamen ideò coniugatis inferiores, quāuis nō due, sed duo de illis dictum sit. Quia virginum quidem & cōtinentiū inter se habilis congruāq; cōparatio est.

Virginitas.

Matth. 24.

AA iij

Coniugati



Coniugati autem non his conferuntur, sed incontinentibus potius, iuxta Apostolicum illud: Melius est nubere quam vri. Nubere itaque bonum est, quia vri & ad illicitos ardere amplexus malum est. Duo igitur in lecto vno sunt, qui matrimonio copulantur, vt sint duo in carne vna, & lectulum nō diuidant prauo desiderio amoris alieni. Cæterū, quia nec virginibus castitas, nec viduis continentia, neque coniugatis proderit pudicitia, si mandata dei perficere neglexerint, ideo dicitur: vnus assumetur & vnus relinquetur. Qui libet enim ordo in duo erit diuisus: alius habebit eos qui saluabuntur, alius qui peribunt, saluandi obuiam Christo assumuntur in aera: damnandi autem relinquentur in igne cum diabolo cōmissi huiuri. Quod si ne virgines quidem, quæ fatuæ erant, intrare beatitudinis ianuam potuerunt, quomodo intrabunt scortatores, adulteri, libidinibus die noctuque seruientes? Si, inquam, neque continentibus, neque matrimonij fidem seruantibus partitur, cum illa quæ iussa sunt, contēpserint, quanto acrius torquebuntur, qui continentiam quoque stupris polluerunt, vel qui coniugij sanctitatem adulterij nequitia profanarunt? Christus in Apocalypsi iratus, clamat: Foris canes & venefici & impudici, & tu te ab eo suscipiendum speras, qui post continentiaē votū ad libidinis pristinae sordes reuerteris, vt ad vomitū canis, & insipientes mulierculas blanditiis donisque illicis, quasi incantationibus veneficus, & in omnem impudentiam præceps fereris, vt obscenæ appetitioni morem geras? an ideo fortasse negligētiores, quia quos foras exigi audis, solo beatitudinis fructu carituros putas? At hic idem, cuius iudicia firma rataque habentur. Alibi ait: Fornicatorum partem cum veneficis idololatriisque futurā, in stagno ardēti igne & sulphure, quod est mors secunda. Non solum igitur beatitudinis possessione priuabitur, verumetiam suppliciis, nunquam finiendis tradentur. Hoc

Apocal. 22.

Apocal. 21.

tur. Hoc quàm verum sit manifesta multorum exempla docent. In quibus Sodomam & Gomorrhā libidinibus ardentem ardentior de cœlo pluens flamma consumpsit. Zambri Israëlitarū cades & Madianitidis meretricis cui ille se coniunxerat, deum populo iratum placavit. Lex quoque adulterij conuictos lapidibus obrui inebat. Et licet postea clementissimus dominus legis rigorem Evangelij gratia temperarit, indamnatam dimittendo adulteram, ne poenitentibus adimere spem videretur salutis. Vade tamen, inquit, & noli amplius peccare, ne quid graui⁹ tibi cōtingat. Grauius est enim in abyssum inferni detrudi, quàm lapidum ictibus interimi, & animæ quàm corporis pati mortem. Respicite igitur impudici, redite ad cor fornicatores, exurgite de stercore meretrices, dum licet, dum poenitentię superest tempus, ne post hac tristius vobis acerbiusque contingat, quàm Sodomitis, quàm Gomorrhæis, quàm Zambri & Madianitidi scorto, quàm denique est illud quod in puniendo adulterio lex decernit, Nihil enim terribilius dici aut excogitari potest, igni inextinguibili, tenebris exterioribus, verme immortalī, perenni fletu, nunquam quieturo dentium stridore, poenīsque illis, quarum grauitas neque intermittenda, neque eleuanda, neque seculis vllis vnquam speratur finienda. Quorsum igitur illa mortiferæ cupidinis fomēta, amatorias misitare tabellas, delinificis blandiri verbis, nutu, niſtu, sibilis allicere, comere caput, vestimenta componere, fores obsidere aliorum, ludis interesse, choreis, cantibus, sonis, iocis, diem consumere, modis omnibus effeminari ac mollescere: Quorsum etiam tot ornādi corporis instrumenta, speculum, pecten, vossellæ, calamistrum, discernicula, bullæ, crepitula, segmenta, in aures, monilia, armillæ, anuli, reticulæ, vitæ, margaritæ, lapilli, quæ enumerare nedum æstimare difficile est: Quorsum postremo ad fucandam faciem purpurisum & cerulas

Sodoma  
Gomorrha.  
Zambri

Ioan. 3.

rufa: ad erugandam atque emaculandam alia quædam  
 smegmata, mangonumque linitiones: Quid, hoc est, ni  
 si propriam pudicitiam prostituere, & vim inferre alie-  
 næ, & nullum omnino obſcœnitatibus modum impone-  
 re: Mittite iſta quæſo, qui tam inſipienter excidiſtis, &  
 ad mentem reuerſi tandem aliquando cogitate, an tan-  
 ti ſit brevis ac momentanea corporis voluptas, vt pro-  
 pter illam vel bonum infinitum caſtitati propoſitum  
 cõtemni debeat, vel infinitum malum impudicitie pa-  
 ratum nõ timeri: Cogitate, inquam, quæ ſecutura ſunt,  
 vt his quæ inſtant libentius abſtineatis. Haud facile  
 præſentibus delinitur, qui quotidie penſitat futura.

*De triplici eleemoſynarum ge-  
 nere. Cap. 12.*

**S**atis iſta de caſtitate ac pudicitia, nunc magis pro-  
 ximam charitati virtutem explicabimus, erga ege-  
 nos liberalitatẽ. Domini noſtri, cuius omnia ſunt,  
 præceptum eſt: Qui petit à te, da ei, & volenti mutuari  
 abſte, ne auertaris. Aliorum inopiæ tua ſuccurrat opu-  
 lentia, vt obediās deo. Et licet iuxta alium euangeliftã  
 dictum ſit: Omni petenti te tribue, non iuberis tribue-  
 re omnia, ſed omnibus. Rem malè petenti, da cõſilium  
 ne petat, iuſtè petenti pauperi, da quod petit, ſi potes: ſi  
 id non potes, da excuſationem: & verbis conſolare mi-  
 ſerum, ſi nequeas auxilio. Atque ita omni petenti dabis  
 aliquid, cum dederis, quod & te dare deceat, & illũ ac-  
 cipere. Eadem ratio erit mutui præſtandi. Neque enim  
 mutuandus eſt gladius irato, neque clauis furi, neque  
 equus latroni, neque nauis piratæ, neque pecunia alea-  
 tori, neq; muſicum inſtrumentum impudico amatori,  
 Mutuum ergo da, non ei, qui animo malè aliquid agen-  
 di poſcit, ſed qui petit quod & ſibi proſit, & nemini no-  
 ceat. Quod ſi nec à malè poſtulantibus auerti volueris  
 àdmonere vt à malis reſipiſcant & ad bonum conuertan-  
 tur, Et

Matth. 5.

Lucæ. 6.

tur. Et hoc quidem magnum mutuum erit, si te hortāte corrigentur. Mutuū, inquit, date, nihil inde sperantes, & erit merces vestra multa, & eritis filij altissimi, quia ipse benignus est super ingratos & malos. Estote ergo misericordes sicut & pater vester misericors est. Mutuum istud eleemosyna est, quæ non ab eo restituitur qui accipit, sed qui præcepit, qui dat pro modicis magna, pro temporalibus sempiterna & eos regni coelestis facit hæredes, qui sui terreni patrimonij partē impendunt pauperibus. Qui enim miseretur pauperis, fuerat deo. Sed etiam qui miserendo mutuum dat, nec aliquid præterquam quod mutuatum est exigit, miserationis quidem suæ capiet mercedem, maiorem tamen ille, qui nihil ab homine repetit ut à deo recipiat, quod ab ipso promissum esse non ignorat. Sed antequam eleemosynarum rationem atque meritū demonstramus, docebimus eleemosynam aliam fructuosam esse, aliam inutilem, aliam verò reprobam & exetrandam: Fructuosa est de qua loquimur, quamque tractare instituiamus, quæ verè eleemosyna dicitur à miserando trahens vocabulum, ut verè non simulatè miserantiū sit, nec verentium in vitium virtutem, veluti ex his quæ dicuntur, facile patebit. Illa autem inutilis est eleemosyna, qua non dei, sed hominum gloria quæritur: qua scilicet non in occulto conscientiæ sit, ut ei placeat qui videt in occulto: sed in publicū profertur, ut vulgi potius capteret plausum, ac fauorē sibi conciliet spectatorū. Ait autē dominus: Attēdite ne iustitiā vestrā faciatis corā hoibus, ut videamini ab eis. Alioquin mercedē non habebitis apud patrē vestrū qui in coelis est. Pulchrū additū est, ut videamini ab eis. Quod docemur, non hominum conspectum fugiendum esse, sed laudis humanæ appetitū. Quæ qui sequitur, cum multa donauerit, quid aliud pro rebus dilargitis recipiet, nisi vanæ commendationis verba, quibus aures demulceat, & animo nihil conferat commodi

Ibidem.

Proue. 19.

Eleemosyna bona.

Eleemosyna inutilis.

Matth. 5.

Matth. 8.

modi? Quinimo illi etiam qui laudant, si causam largi-  
tatis nossent, vituperarent, vt inanis gloriæ auidum, &  
non vt pietatis in egenos cultorē. Cū ergo facis elee-  
mosynam, noli, inquit, tuba canere ante te, sicut hypo-  
critæ faciunt in synagogis & vicis, vt honorificentur  
ab hominibus: amen dico vobis, receperunt mercedem  
suam. Te autem faciente eleemosynam, nesciat sinistra  
tua quid faciat dextera tua, vt sit eleemosyna tua in  
abscondito, & pater tuus qui videt in abscondito, red-  
det tibi. Dextera ad virtutem refertur, ad vitium fini-  
stra. Non ergo se misceat vitiosa laudis appetitio rectæ  
synceræque eleemosynarum operationi. Quod cum ca-  
ueris, videant in te homines, vnde deum laudent, vnde  
virtutis exercendæ exemplum trahant, aut si illi non  
viderint, satis tibi fit, eleemosynam tuam neque ange-  
los latuisse qui tibi congratulabuntur, neque deum qui  
relaturus esset præmium. Sed neque illorum utilis aut  
accepta erit apud deū eleemosyna qui cum peccata nō  
deserant, ea redemptum iri se existimant: quasi verò  
porrecta si pe corrumpi possit deus, vt scelera non pu-  
niant. Quamobrem autem alia imperaret, si ad salutem  
sola eleemosyna sufficeret? Peccata tua eleemosynis re-  
dimē, & iniquitates tuas miserationibus pauperū, hoc  
pœnitentiā agere volenti dicitur, non in flagitiis ob-  
durato. Sicut aqua extinguit ignē, ita eleemosyna ex-  
tinguit peccatum. Sed vt aqua extinguat ignem non  
addis ligna, non suffles prunas oportet, alioqui crescen-  
ti incendio consumetur humor victus maioris flammæ  
calore. Ita nisi peccare cessaueris, eleemosynis redimi  
non poteris. Eleemosyna benignitatis est virtus, virtu-  
tis autem nomine indigna esset, si vitiis faueret, si licen-  
tiam peccandi præstaret. Porro, quia virtus est, non de  
linquentes adiuvat, sed pœnitentes emundat. In Eccle-  
siastico est scriptum: Dona iniquorum non probat al-  
tissimus. Ipse etiam dominus in Amos propheta obli-  
gatus &

Daniel. 4.

Ecclesi. 34.  
Amos. 5.

natis & in crimine perseuerantibus ait: Holocaustoma-  
ta & munera vestra non suscipiam, & vota pinguiū ve-  
storum non respiciam. Nemo igitur impune se pecca-  
re existimet, quia multa largitur pauperi. Primum esse  
debet, deum non offendere. Secundum, hominis inopiæ  
subuenire. Quod si etiam istud, vt obediamus deo, faci-  
mus: cur in cæteris parere recusamus, in vno fideles, in  
aliis infidi? Ille in Euangelio clamat: Pœnitentiam agi-  
te, & appropinquabit regnum cœlorum. Et tu tibi ap-  
propinquaturum speras, non agendo pœnitentiam, sed  
porrigendo eleemosynam? Dimitte iam tandem erro-  
rem istum, ne tibi magis quam aliis credens, pereas. Et  
Iacobi apostoli sententiæ adherere incipe, dicentis: Re-  
ligio munda & immaculata apud deum & patrem hæc  
est, visitare pupillos & viduas in tribulationibus eorū.  
Ac ne mutila esset & imperfecta definitio, adiunxit: Et  
immaculatum se custodire ab hoc seculo. Sit igitur li-  
beralitati iuncta iustitia, vt religio munda apud deum  
& immaculata sit. Reproba verò & execrabilis est elee-  
mosyna, quæ ideò fit, vt vel aliquid callidè extorqueas,  
vel aliquem seducas, & quasi piscator hamum sub esca  
latentem porrigas. Avaritiæ ista liberalitas est & frau-  
dis, non miserationis & beneficentiæ. Hac Simon magus  
spiritus sancti donum emere voluit, & non quam pete-  
bat gratiam sed quam volebat maledictionem recepit.  
Talem eleemosynam captator senibus iam iam moritu-  
ris impartit, dum heredem se subscribi affectat. Talè  
corruptor simplici mulierculæ largitur, vt ipsam suæ li-  
bidini cōsentire compellat. Quicquid autem mali fi-  
nem habet, malum sit necesse est. Nunc ad id quod pro-  
posuimus, nostra redeat oratio, vt de veræ eleemosynæ  
ratione atque fructu differamus.

Iacobi. i.

Eleemosy-  
na mala.Simon  
magus.

*Quibus dāda est eleemosyna. Cap. 13.*

Quæne

- O** Mne beneficium quod necessitatem patienti misericorditer impenditur, eleemosyna est. Pauper tate grauatos, cibo, potu, tegumentis, tecto iuna. His enim præcipue indiget paupertas. In Deuteronomio scriptum est: non obdurabis cor tuum, nec contrahes manum, sed aperies eam pauperi. Et in Isaia: Frange esurienti panem tuum, & egenos vagosque induc in domum tuam: cum videris nudum, operi eum, & carnem tuam ne despexeris. Et in Euangelio: Si vis esse perfectus, vende omnia quæ habes, & da pauperibus, & sequere me. Et qui habet duas tunicas, det alteram non habenti. Illosque ad cenam dominus præcipit inuitandos, quibus deest referendæ gratiæ copia, vt non ab iis remuneratione, sed à deo expectes. Parum vel nihil facit lucri qui tribuit diuiti: & licet multo plura receperit quam dederit, nihil tamen ad illud, quod à domino tribuendum speratur. Ideò & Zachæus dimidium bonorum suorum pauperibus obtulit, non diuitibus, & salus domui suæ facta est, Christo hospitium eius ingresso. In eos tamen qui relictis contemptisque omnibus Christum sequuntur, magis beneficos nos esse oportet, vt cum dei serui nos commendauerimus, melius de deo mereamur exemplo Apostoli, qui ait: Nunc proficiscar in Hierusalem ministrare sanctis. Idcirco alibi hortatur, dicēs: Dum tempus habemus, operemur bonum ad omnes, maxime autem ad domesticos fidei. De quibus ipse dominus ait: Quod vni ex his minimis, qui in me credunt fecistis, mihi fecistis. His æra conferri siue rebus quibus indigēt iubet Apostolus, ita ad Corinthios scribens: De collectis autem quæ sunt in sanctos, sicut ordinaui in ecclesiis Galatiæ, ita & vos facite per vnam sabbati. Hos autem non solum rebus iuuandos esse, verum etiam honore prosequendos docet, cum ait: Qui bene præsumt presbyteri, duplici honore digni habeantur, maxime qui laborāt in verbo & doctrina. Dicit enim scriptura:

Deute. 15.

Isai. 8.

Matth. 19.

Lucæ. 14.

Lucæ. 19.

Roma. 15.

Galat. 6.

Matth. 25.

1. Cor. 16.

1. Timo. 3.

scriptura: Non alligabis os boui trituranti. Et: Dignus est operarius mercede sua. Propterea rursus ipsis Corinthiis confidenter loquitur: Si nos vobis spiritualia 1. Cor. 9. seminauimus, magnum est, si carnalia vestra metamus: & ad discipulos à saluatore dicitur: Qui vos recipit, me recipit: quod non modo de religione quam prædicarunt intelligendum reor, verum etiam de vitæ sustentamentis, quibus indigebant. De his igitur præcipua cura tibi fit, vt cum erga vitæ præceptorem liberalis munificusque fueris, multorum saluti consulas, quia eius doctrina & institutis erudiuntur ac proficiunt. An Abdiæ Achabæ regis dispensatori etiam cura capitis 3. Reg. 3. sui periculo non fuit graue, centum ex prophetis, quos Iezabel impiissima persequabatur, neci subtrahere, in speluncis abscondere, cumque fames esset, suis impensis pascere: & tibi molestum erit, si vni sancto aut alteri necessaria obtuleris, quæ non illis oblata, sed sibi computat ipse qui facit sanctos, & pro eleemosynis tam modicis æterna se reponiturum bona pollicetur: Ceterum, etiam ecclesiis conferenda beneficia sunt, vt qui altaria seruiunt, his vtantur. Si quid superfuerit, aliis dispensent, aut in ædificiis deo dedicandis impendant. Sic fecit Dauid, sic Salomon, sic Esdras sacerdos. Præterea quoties ciuitas annonæ caritate laborat, aliæ rerum molestia affligitur, plebi succurrendum esse, à potentioribus docent, Ioseph Aegyptiis distribuens frumenta, Ezechias & Iosias offerentes pro regno, pro sanctuario, pro Iuda tauros, arietes, oues, hircos, vt eis quibus præerant miserendo, ipsi à suo præside deo misericordiam consequeretur. Docuit hoc & saluator noster, hominū multitudinem pascens in deserto, nolens dimittere ieiunos, ne deficiant in via. Et certe non humanus, sed ferin⁹ est qui multos perire patitur, cū multos potest sua ope liberare. In peregrinos etiam seruanda est humanitas. Cum enim mortaliū vna origo sit, vnus author & dominus.



- dominus omniū , nemo nobis extraneus habeatur, nemo alienus . In suscipiendis ergo peregrinis imitemur patriā Abraham atque Loth liberalitatem, qui sedentes in foribus ciuitatis, aduenas vt ad se diuerterent rogabant, & qui tam benignē homines acceptauerāt, digni fuere hospites fieri angelorum. Imitemur Iob, qui calamitatem suā hospitalitatis antea actae recordatione consolabatur, dicens: Foris non mansit peregrinus, ostium meum viatori patuit. Imitemur Sunamitem illam magnam quæ conaculum fecerat, vt quoties Eliseus propheta Sunam trāsiret, inuitatus in eo susciperetur. Ob hoc cum virum senē haberet, & ipsa esset sterilis, orāte Eliseo, meruit esse masculæ prolis mater, & cum defunctum filium lugeret, vitæ restitutum recipere atq; consolari. Imitemur Marthæ sollicitudinem, quæ digna fuit hospitio suscipere Christum. Imitemur postremo duos illos de Euangelio, qui Christū sub peregrini specie latentem, pertransire quæ volentem, ad suum diuertere hospitium coegerunt. Longē quidem illis dissimiles qui ita submissē lenteq; inuitant, vt appareat, optare se ne veniant quos inuitarint, velle quæ videri, sed nō etiam esse hospitales. Hi verò qui peregrinum, vt apud ipsos maneret, coegisse dicuntur, cognoscere meruerūt Iesum, & caligine oculorum ac mentis deterfa resurrectionem eius lati videre, quem lugebant crucifixum. Ad hæc in Exodo est præceptum: Aduenam non contristabis, neque affliges eum. Et in Leuitico: Si habitauerit, inquit, aduena in terra vestra, & moratus fuerit inter vos nō exprobrete ei, sed sit inter vos quasi indigena, & diligetis eum quasi vosmetipsos Et in Deuteronomio: Peregrino qui intra portas tuas est, da vt comedat aut vende ei. Vende si illi superest pecunia, si deest, da. Grandis, inhumanitas est, vitæ necessaria quærenti nolle saltem vendere. Cauenda vehementer cordis ista duritia est, ne nobis obijci possit, quod præter alia Hierosolymæ

solymæ mox vi hostili euertendæ per prophetam Eze Ezec. 22.  
chielem exprobat, Aduenam calumniati sunt in me-  
dio tui, pupillum & viduam contristauerunt apud te:  
Quod scelus profectò nisi maximū foret, inter causas tā  
ti excidij non poneretur. Præterea morbo aliquo affe-  
ctis opitulari, & ægrotantibus affidere, eleemosynæ ge Leuit. 25.  
nus est, de quo in Leuitico dicitur. Si attenuatus fuerit  
frater tuus & infirmus manu, & susceperis eum quasi  
aduenam & peregrinum, & vixerit tecum, ne accipias  
vīsuras ab eo, nec amplius quā dediti. Et in Eccle. Nō  
te pigeat visitare infirmū. Nō piguit illā quæ mūdi do-  
minū erat paritura, mōtana ascendere, cognata adire,  
ægrotanti affidere, quæ grauida Ioāne baptista tædia  
iā vicini partus patiebatur. Quod si dei mater homi-  
nis matri infirmæ ministravit, nec te pudeat inferior-  
res tua non solum ope, sed etiam præsentia consolari.  
Captiuos quoque & in vinculis coniectos redimere, de-  
bitoribus æs alienum condonare, iniuste oppressos tue-  
ri ac defendere, pij atque liberalis hominis officiū est.  
Hoc per Isaiam præcipit dominus, cum ait. Subuenite  
oppresso, iudicate pupillo, defendite viduam. Et alibi Isaia. 58.  
per eundem prophetam. Dissolue colligationes impie- Isaia. 19.  
tatis, solue fasciculos deprimentes, dimitte eos qui con-  
fracti sunt liberos, & omne onus disrumpe. In Ezechie  
le etiam iustus appellatur, qui pignus debitori reddide-  
rit, & pauperculum non contristauerit. Vt autem eorū  
qui carceri mancipati sunt, angustiam miserearis, Apo-  
stolus hortatur, dicens: Mementote vincitorum tan-  
quam simul victi, & laborantium tanquam &  
ipsi in corpore morantes. Nam si omnes in Christo  
vnum corpus sumus, debemus malè affectis condolere,  
vt membris corporis nostri & saluti eorum consulere  
non minus accuratè quā nostræ consultum vellemus,  
si idem mali pati contigisset. Tunc enim si qua cala-  
mitate ipse oppressus fueris, si qua violentia vexatus, nō  
B B te pu-

Iob. 29.

Tobias.

te pudebit opem implorare, quàm aliis præstitisti. Da modo operam, vt cum beato Iob dicere possis : Oculus fui cæco, & pes claudō, pater eram pauperum, & causam quam nesciebam, diligentissimè inuestigabam, contrebam molas iniqui, & de dentibus illius auferebam prædam. Postremò aliorum tristitiam consolatione releuare, mortuos qui non habent vnde funerentur, tua impensa efferre ac sepelire ad eandem pertinet virtutem. Qua præditus Tobias, cum in Assyria captiuus teneretur, in eos qui secum capti erant, benignitatem exercuit, verbis consolando, rebus iuuando, & eos qui diem suum obiissent, mandando sepulturæ. Dumque aliorum angustias miseratur, suas nō sentiebat. Hæc de illis quibus adesse debemus opera atque pecunia, nunc quantum erit largiendum inopi, & pro quibus eleemosynæ faciendæ breuiter expediemus.

## *Quantum pauperi sit largiendum.*

Cap.

14.

**T**antum tribuendum, quantum pauperis indigentia postulat. Tantum vestium da ne algeat, ne nudus incedat. Tantum cibi ac potus imparti, ne fame siti que laboret. Non beneficium est plura donare, sed nequitie irritamentum. Vestis delicatior excitat arrogantiam. Victus abundantior nutrit luxuriam. Prospiciendum erit igitur ne copiosius tribuas, quàm ad parsimoniam accipientis credideris esse satis, ne forte dum iuuare cupis, noceas. Medicorum industriam imitare. Non porrigunt ægroto quantum ipse expetit, sed quantum salutis eius recuperandæ confert, quodque profuturum censent impendunt, non quod noxium æger poposcerit. Ita & tu quantum hominis egestas requirit, & quod honestæ sustentationi sufficit vel non petenti præbe.

præbe. Quicquid ultra necessitatem est, quicquid obesse poterit, ne præbeas etiã si flagitarit, quod si tibi gradis rerũ suppetit copia, da multa, sed multis, nam si vni deder is licet ille acceptis non malè vtatur, tu tamen vnum diligere videberis, alios odisse. Christus autem nõ pro vno mortuus est, sed pro omnibus. Eius munificentiæ er is æmulator, cum plurimis benefeceris. Latè patens virtus est charitas, nõ est contenta vnus angustis in quem beneficia conferat, sed erga omnes effundi gessit, cum omnes æquè diligit. Quamquam illos magis respicit quos magis miserabiles inopiososque videt. Veruntamen si tibi quoque non ita ampla est res familiaris, tantum indigentibus eroga, quantum victui tuo superesse poterit, ne & ipse egere incipias. Ita enim Apostolus Corinthiis consulens ait: Si voluntas prompta est secundum id quod habet accepta est, non secundum id quod non habet. Non enim vt aliis sit remissio, vobis autem tribulatio, sed ex æqualitate in præsentis tempore vestra abundantia illorum inopiam suppleat, vt & illorum abundantia vestræ inopiæ sit supplementũ. Quanam est ista pauperis abũdantia, nisi quam pro beneficiis inopi collatis retribuit Christus, dicens: Venite benedicti patris mei, possidete regnum vobis à constitutione mundi paratum. Esuriui enim & dedistis mihi manducare, sitiui & dedistis mihi potum, & alia quæ sequuntur. Vnde idem alibi ait: Facite vobis amicos de iniquo mammona, qui recipiant vos in æterna tabernacula. Nisi ergo dederis, talia non recipies. Si de tuis diuitiis nõ feceris tibi amicos, quis erit qui te de terra tollere, & in cœlesti collocare dignabitur domo? Ab omnibus destitutus gutta aquæ indigere incipies cum diuite purpurato, qui micas panis Lazaro mendicanti dare noluit. Lazari inopiam non est miseratus in sua copia diues, nec Lazarus iam in sinu Abrahæ beatus & felix diuitis in igne ardentis miseriæ permissus est subuenire.

2. Cor. 8.

Mat. 25.

Luc. 16.

BB ij

Atque

Matth. 25.

Atque ita, auari diuitiæ in æternam vertuntur inopiam, diuitiæ verò pauperibus Christi dilargitæ perennibus regni cœlestis bonis compensantur. Quòd si opulentior es quàm neceſſe ſit, & luxuriæ deditus cuncta in tuos vſus conſumis, iniquus diſpenſator es. Pauperum eſt enim non tuum, quicquid modeſtè frugaliterque viuenti ſupereſſe potuit. Aliena uſurpas, quoties tibi plusquàm oportet indulges: Non es dominus omnium quæ habes quicquid ſupra neceſſitatem poſſides, eius tibi diſpenſatio credita eſt non abuſus. Si benè diſpenſaueris audies à domino. Quia ſuper pauca fuiſti fidelis, ſuper multa te conſtituam, intra in gaudium domini tui. Sin verò talentum tibi ad negotiandum traditum in terra deſoderis, nihil aliis impartiens, ſed totum tibi vendicans, nihil te lucri feciſſe argueris, atque idè pro ignauiæ crimine, pro interioribus tenebris, quibus obnubilatus animus futura non proſpexit, tenebras patieris exteriores, ibi erit pro latitia ſletus, pro crapula & ingluwie dentium ſtridor, nunquam inde exies, de diuitiis iſtis exiturus citius quàm putas. Quòd ſi perituris conferre ſemper duratura ſoleres, melius tecum actum duceres carere opibus: & eſuriendo panem oſtium quærere, quàm illis affluere in immenſum, illis tota ætate iucundè perfrui, & in pauperum vſus quantum debes non contuliſſe. Iudicium enim illi ſine miſericordiae fiet, qui non fecerit miſericordiam. Super eſt vt videamus, pro quibus facienda erit eleemoſyna, vt poſtea paulo plenius quàm dictum eſt, eleemoſynarum quaſtum commodaque conſideremus.

*Pro quibus facienda eſt eleemoſyna.*      *Cap.*      *15.*      *Pro*

**P**ro filiis offerebat holocausta Iob, dicens, ne forte peccauerint in cordibus suis. Exemplo nobis est, vt pro iis qui grauiter lapsi sunt, non solum precemur, sed etiam eleemosynas offeramus. Offerenda erit eleemosyna & pro illis, qui in aliquo vitæ discrimine constituti erunt vt liberentur, & postquam liberati fuerint, vt pro beneficio à domino collato gratia referatur, qui illud quod pauperi impenditur, fatetur impensum sibi, Samuele sacerdote holocausta offerent Israëlitz parua manu ingentes Palæstinorum copias fuderunt. Territi enim hostes tonitru & fragore de cælo misso, 1. Reg. 7. terga verterunt. Non est autem acceptior domino holocausti oblatio quàm eleemosynarum pia largitio, ipso dicente. Misericordiam volo & non sacrificium, alias Num. 31. verò iudem Hebræi cum duce Phinee superassent Madianitas, domino per Moysen iubente, prædæ totius quinquagesimam soluerunt sacerdoti ac Leuitis, & quia nemo ex eis desideratus fuit illo prælio, aurum domino consecrarunt, cuius benignitate & à periculo seruati fuerant, & victoria donati. Qui ergo in proximos misericordes extiterint, in hostem victores erunt, & deo protegente terræ marisque discrimina tuti pertransibunt. Pro ægrotantium quoq; sanitate, ac pro delictis mortuorum eleemosynarum liberalitas utilis habetur. Quod si Tabitam Petrus & Drusianam Iohannes de morte ad vitam reuocarunt, pauperum precibus permoti, quorum inopiam illæ sua ope sustentauerant, quanto facilius creditu est, eos de ægritudine ad sanitatem esse reuocandos si eis expedierit, qui eadē beneficentia in egenosyfi fuerint: Aut si nō sanabuntur, meliorem mercedem relaturos à domino quàm ipsam corporum sanitatem. Porro pro defunctis eleemosynas facere, ex consuetudine religionis Christianæ est. In veteri autē instrumento hoc ipsum asstruitur ex autoritate Iudæ Macchabæi principis ac viri

B B iij multa

multa in deum pietate insignis. Ille enim collatione facta, duodecim milia drachmarum argenti misisse Hierosolymam dicitur pro delictis eorum qui in prelio ceciderant offerenda. Et sancta (inquit) ac salubris est cogitatio pro defunctis orare, vt à peccatis soluantur. Nunc quanta vis atque potestas eleemosynæ sit memoremus, non nostra præsumptione vsi, sed autoritate instructi diuina, ne quis aliter sentientium cauillationi locus sit. Quis enim fidelium tam temerarius est, vt scripturarum sententiam audeat impugnare?

## De eleemosynæ utilitate.

Cap.

16.

Prou. .11.

Tobie, 12.

**L**Egimus in prouerbiis diuina humanaque sapientia insigniti Salomonis: Munus absconditum extinguet iras, & donum in sinu indignationem maximam. Reprimitur igitur dei vindicta in peccatores, quoties misericordia exercetur in pauperes. In libris itidem diuinis audimus Raphaëlem angelum Tobie dicentem, Bona est oratio cum ieiunio & eleemosyna, magis quam thesauros auri concedere, quoniam eleemosyna à morte liberat, & ipsa est quæ purgat peccata, & facit inuenire vitam æternam. Times ne si dederis, ipse egeas? Sed dare eleemosynam magis prodest quam thesauros recondere. Times mori? Sed eleemosyna à morte liberat. Times dñari? sed eleemosyna peccata purgat, & vitam lucratur æternam. Tot terribilium rerum metu hominem eximit eleemosyna, & ad summam prouehit beatitudinem, tu tamen anarus cumulandis non distribuentis opibus inhias, veluti de promisso dubi<sup>9</sup>, de pollicitatione incert<sup>9</sup>, cum multis aliis in locis veritatis ipse sermo eadem affereret & astruat. Iam primum hominis in egenos benefici rem non minui, sed augeri, Salomon testatur in Prouerbiis, dicens: Fecerat domino qui miseretur

Prou. 14.

retur

getur pauperis. Fœnus autē est pecuniæ commodatæ fœ-  
 tus, quod Græci à pariendo ΤΟΚΟΣ vocant. Igitur sic da-  
 nistæ supra sortem vsuras exigunt, ita eleemosynarum  
 largitor multo plus relaturus est à domino, quàm quod  
 ipse pauperibus erogat. Idem Salomon alibi ait: Alij di-  
 uidunt propria, & ditiores fiunt. Ditiior factus est Iob  
 post ærumnam duplicia recepit omnium, quæ inuitus  
 amiserat, quia partem eorum volens distribuerat ege-  
 nis. Vidua Sareptana non partem, sed totum quod ha-  
 buit olei atque farinæ protulit in medium, vt prophe-  
 tam pasceret, ipsa cum vnico filio fame peritura, si elee-  
 mosyna nō plus meteret quàm seminare. Porrò tantū  
 hac liberalitate profecit, vt non deficeret ei oleum in  
 lechyto, nec in hydria farina, donec pluiam dominus  
 daret super terram. Fiduciam habuit in domino, & spe  
 sua non est frustrata. Parum dedit & recepit multum,  
 & cū etiā diuites penuriam paterētur, torrentibus ipsis  
 ob pluuiæ defectum siccatis, illa pauper dei beneficio vi-  
 ctu necessario abundauit. Hoc quoque pollicetur Salo-  
 mon in Prouerbiis, dicens: Honora dominum de tua  
 substantia, & de primitiis omnium frugum tuarum da  
 pauperibus, & implebuntur horrea tua saturitate, & vi-  
 no torcularia redundabunt. Tale aliquid in euangelio  
 inuenies. Quid enim nisi multiplicato rediturā in fi-  
 num porrigentis elemosynam innuunt quinque panes  
 illi, & duo pisciculi multitudini esurientium apposi-  
 ti, & post hæc duodecim cophini collecti reliquia-  
 rum: & iterum septem sportæ plenæ asportatæ pro  
 septem panibus & paucis pisciculis. Quis ergo tam  
 timidus est, vt his exemplis non excitetur ad libe-  
 ralitatem, nec iam metuat ob hoc rei familiari de-  
 trimentum fore, si elemosynas dederit, cū præ-  
 sertim veritas dicat: Date, & dabitur vobis: mensu-  
 ram bonam & confertam & coagitatam & superef-  
 fluentem dabunt in sinum vestrum. Nemo tamen

Prou. 11.

Iob.

Sareptana.

Prou. 3.

Mat. 14.

Mat. 19.

Luc. 6.

B B iij hac



# M A R C I M A R V L I

hac sancta largitate vtatur spe pecunię augendę. Anari hoc foret, & terrena non cęlestia concupiscentis: quę non modo concupiscere, verum etiam propter Christũ debemus contemnere, vt illas acquiramus diuitias quas nec tinea corrumpere, nec fur possit auferre. Pro quibus adipiscendis plerique certę spontaneam subeunt paupertatem, vt ostendant nolle se omnino possidere opes perituras, sed illas quę perire nequeunt, in thesauris reconditas æternitatis. His autem fruituros pauperum sustentatores nemo negare poterit, nisi qui scripturarum repugnare voluerit veritati, malens damnari cũ infidelibus, quàm cum fidelibus saluari. Vt igitur cęlestes æternasque opes capiamus, primo veritatis cognitione opus est, verique confessione, deinde vt delicta nostra expientur, & qui prius peccatis grauabamur, bonis actionibus proficiamus. Hęc autem omnia præstare poterit fidelis ac sinceraque mentis eleemosyna.

Cornelius.  
Actu. 10.

Nabuchodo  
for.

Eccle. 29.

Psal. 40.

Cornelio Centurioni ab angelo de cęlo in terras lapso est dictum: Orationes tuę & eleemosynę tuę ascenderunt in memoriam in conspectu dei. Itaque cum gentilis esset, eleemosyna meruit à Petro Apostolo discere Christum, & fidei baptismo purificari, vt in Christo renatus, cum Christo resurgeret in gloria. Nabucodonosor quoque rex gętilis erat, quādo deo voluit se æquare, fragilitatis humanę oblitus. Cũque ob hoc prædicaretur, quod regno eiectus cum bestiis esset victurus, eleemosynis tamen mutari posse Dei iudicium intellexit, Daniele dicente: Peccata tua eleemosynis redime, & iniquitates tuas misericordiis pauperum, forsā n ignoscet tibi deus. Quod si etiam gentilium in pauperes pietatem deus respicit, quantomagis credentium atque fidelium? Audi scripturam dicentem: Conclude eleemosynam in corde pauperis, & hęc pro te exorabit ab omni malo. Vnde & in Psalmo dicitur: Beatus qui intelligit super egenum & pauperẽ, in die malo liberabit eum dominus,

minus, quando videlicet dicturus est: Esuriui & dedisti mihi manducare. Audi & aliam scripturæ sententiam: Eccl. 3. Ignem ardentem extinguit aqua, & eleemosyna refistit peccatis. Et in Evangelio: Date eleemosynam, & omnia munda sunt vobis. Iuxta superiorem sententiam, eleemosyna refistit peccatis, ne illa committamus, iuxta sequentem, ab iis quæ iam commisimus, facit vt emundemur. Reliquum est vt à præteritis expiatis, & à secuturis custoditos, deo nos offerat pro innocentia suscipiendos, pro iustitia præmiandos. Hoc ita futurum Psalmista testatur: dum de beato viro ait: Dispersit, dedit pauperibus, iustitia eius manet in seculum seculi, cor eius exaltabitur in gloria: vt intelligamus per charitatis beneficentiæque opera ad æternam beatitudinem peruenire, & illos qui in his versati sunt, à Christo audituros, Venite benedicti patris mei, percipite regnum à cõstitutione mundi vobis paratum. Regni itaque cœlestis hæredes erunt, qui rerũ suarũ terrenarũ ipsos fecerint participes. Ab hac sanè pietatis virtute nec ipsi pauperes excusantur. Non habes quam alteri porrigas stipem, da si habes aquæ frigidæ poculum, & non perdes mercedem tuam. Duo minuta æra inopis viduæ in gazophylacio oblata, diuitum præferuntur denariis. Non penset dominus quantum das, sed de quanto, & quæ libenter. Ille plus offert, cui minus quod offerat restat. Illius magis accepta sunt dona, à quo magis prompta exhibetur animo. Hinc est præceptũ illud Salomonis, Ne dicas amico tuo. Vade & reuertere & cras dabo tibi, cum statim possis dare. Ac ne id tanquam inuitus facias, admonet Apostolus, nõ tristem, sed hilarem datorem à domino diligi, Qui enim libenter dat, diligit: ideo & ipse diligitur. Quod si nihil penitus habes quod inopi largiaris, ita miserię eius condolescās, vt daturus esses si haberes: & pro beneficio cõputabitur pietas miserantis, multumque proderit offerre voluntate, quicquid

Psal. 111.

Prou. 2.

Cor. 9.

Matth. 19.

quid non poteris opere. Consummata verò ac perfecta eleemosyna est, vt cuncta simul distribuuntur: nec semper in erogando occupetur animus, potiusque attendat vt illum imitetur, qui cum dines esset, factus est pauper, vt nos diuites faceret in regno suo coelesti, cum terrena contempserimus. Ipse in Euangelio ait: Si vis perfectus esse, vade & vende omnia quæ habes, & da pauperib<sup>9</sup>, & habebis thesaurum in cœlo, & veni sequere me. Eis etiam quæ ita secuti sunt ipsum, respondit: Omnis qui reliquerit domum vel fratres vel sorores, aut patrē, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit. Itaque magis grata est deo seruorum suorum voluntaria paupertas, quàm diuitum seculi quotidiana munera.

*De vitio auaritiæ. Cap. 17.*

1. Iohā. 7.

Ezech. 16.

**S**ed quid de illorum cupiditate dicemus, qui cumulandis opibus nunquam satiantur, atque in tantū tenaces sunt, vt nihil pauperi porrigant. & quib<sup>9</sup> magis curæ est, pecuniam quæ sibi superat nulli vsui recondere, quàm egestati impartire alienæ? Quàm malè cum illis agitur, nosse operæ precium erit, ne quis opulentia eorum inuidendo, mores imitari decernat, perdatque dei gratiam, cum diuitias acquisierit. Non est enim amator dei, quem non miseret pauperis, dicente Iohanne Apostolo: Qui habuerit substantiam huius mūdi & viderit fratrem suum necesse habere, & elauferit viscera sua ab eo, quomodo charitas Dei manet in eo? Inter scelera quibus Sodoma interiit, obiicitur quod manum egeno & pauperi non porrigebant. Frustra itaque illi misericordiam à deo sperant, qui misericordiā proximis non exhibent. Nec in aduersis eorum exauditur

tur deprecatio, qui miserorum precibus non mouentur, ait enim scriptura: Qui obturat aures suas ad clamorē pauperis, & ipse clamabit & non exaudietur. Minus est tamen sua non tribuere: aliena quoque iniuste rapere cogit avaritia, & ne à pauperū quidem fortunis impias continere man<sup>o</sup>, nullo satiabilis cōgestu, nulla copia cōtenta, imo eo cupidior, quo plura rapuerit. Vnde de illis quibus ea dominatur, est dictum: Rapiunt non sua, & semper in egestate sunt. Semper quippe restat, quod sibi vindicare affectent. Eiusmodi iniustitiam damnat dominus in Isaia, dicens: Væ qui prædaris, nōne & ipse prædaberis? & qui spernis, nōne & ipse sperneris? cū cōsummaueris depredationem, depredaberis, cum fatigatus desieris contemnere, contemneris. Ad eos maxime ista spectat comminatio, qui in potestatibus versantur, & pastoris adepti officium, gregem sibi commissum detondere non cessant. Si iumentum sterqus fecerit, si extra ædeis loturam quis effuderit, si cum altero parum quid altercatus fuerit, mulctatur pecunia, quasi qui maiestatem læserit, denique mille causæ habentur, despoliandi inopem, nulla miserendi. Et miramur si illorum qui sic agunt, non miseretur deus, si liberis orbantur, si ab inimicis infestantur, si & ipsi à potentioribus despoliantur: quasi verò iustus dominus iustitiæ suæ oblitus, tam iniquas exactiones impune abire passurus sit, & nō pro merito vindicaturus: nunquid vanum est quod Salomon præcipit, dicens: non facias violentiam pauperi, neque conteras egenum in porta, quia dominus iudicabit causam eius. Sed enim tam fatua est cupiditas, vt ne flagellata quidem resipiscat. Aduersitatibus interdum affliguntur auari, & tamen mala quæ sustinent, non suo vitio imputant, sed fortunæ. Itaque rerum amissione non emendantur, sed magis ad prædandum rapiendumque accensi, reparare amissa festinant donec ipsi vitam amittant, & ad inferos detrusi crimen suum tandem

Prou. 21.

Prou. 11.

Isaie. 3.

Prou. 22.

Malac. 3. j

Amos. 5.

Iudex.

Isaia. 5.

Iob. 15.

Iosepha

Daniel.

Leuit. 15.

tandem agnoscant. Si quis tamen aures audiendi habet, audiat, & timere discat, cum audierit illud quod in Malachia est scriptum: Et accedam ad vos in iudicio, & ero testis velox maleficis & adulteris & periuris, & qui calumniatur mercedem mercenatij, & humiliant vi-  
duas & pupillos, & opprimunt peregrinum, nec timuerunt me dicit dominus exercituum. Audiat & illud quod in Amos propheta legitur: Pro eo quod diripiebatis pauperem, & prædam electam tollebatis ab eo, domos quadro lapide ædificabitis, & non habebitis in eis: vineas plantabitis amantissimas, & non bibetis vinum earum quia cognoui scelera vestra, & fortia peccata vestra. Igitur vel illa vobis o diuites quæ inique comparastis eripientur, vel vos illis, & spes omnis malæ partæ rei in contrarium vertetur. Intolerabilior tamen erit poena inferni, quam vitæ præsentis calamitas. Cæterum neque illorum inulta erit auaritia, qui dicundi iuris fugientes officio, pecunia donisve corrupti iniuste iudicant, & quantum magis quam æquitatem diligunt, eiusque causam potiore habet qui plus dederit. His per prophetam dicitur: Væ qui iustificatis impium pro muneribus & iustitiam iusti auferitis ab eo. Et in Iob est scriptum: Ignis denorabit tabernacula eorum, qui munera libenter accipiunt. Illi quidem libenter munera accipiunt, quos cupiditas illicit, non quos necessitas constringit. Neque enim peccauit Ioseph à Pharaone accipiens dona, neque Daniel à rege Babylonis. Vtrumque diuina providentia contigit, ut populus Israël prius in Aegyptum confugiens, principem suæ gentis haberet à quo aleretur, deinde in Chaldæa captiuus, à quo protegeretur. Ideo isti nec honorem nec dona recusarunt, ut suis in necessitate succurrerent, non ut sibi opes aceruarēt. Beatus est autem qui præceptum domini obseruat, dicentis: Non consideres personam pauperis, nec honores vultum potentis, iuste iudica proximo tuo. Iustus iudex

dex est iuxta Iacobi Apostoli sententiam, qui plus ho- Iaco. 2.  
 noris desert diuiti superbo, quàm pio pauperi & humi-  
 li. Captator est profectò, non amicus, qui tantum diui-  
 tibus blanditur, laudat vt stipem eliciat, honorat vt lu-  
 cretur. Cui autem verum diuitiis potius est, non dona  
 sequitur, sed iustitiam. Quam quoniam opibus præ- Isaïa. 31.  
 fert, ipse à domino honorabitur, dicente propheta: Presbyter.  
 Qui excutit manus suas ab omni munere, iste in excel-  
 sis habitabit. Munerum ergo avidus, & à recto auersus  
 non in excelsis, sed in ima habitabit inferni. Hæc fors  
 etiam illorum erit, qui se dei seruitio ideò dedicant, vt  
 mammonæ, non vt deo seruiant, quibus ipse in Euange- Ioan. 6.  
 lio respondens, ait: Quæritis me nō quia vidistis signa,  
 sed quia manducaſtis de panibus & saturati estis. Ab his  
 enim episcopatus quæritur, vt nūmis arca impleatur,  
 non vt bonum opus exerceatur: vt venter epulis reple-  
 tus luxuriat, nō vt Christus in paupere pascatur, vt mēs  
 inanis gloriæ vento inflata superbiat, non vt humili-  
 tate deiecta deo placeat. De istis prophetare iussus Eze- Ezech. 34-  
 chiel ait: Væ pastoribus Israël, qui pascebant semetip-  
 sos. Nōne greges à pastoribus pascūtur? Lac comede-  
 batis, & lanis operiebamini, & quod crassum erat occi-  
 debatis, gregem autem meum non pascebatis. Et quia  
 magis pecuniæ quàm animarum lucro inhiant, quod  
 infirmum (inquit) fuit, non consolidastis, & quod ægro-  
 tum, non sanastis: quod confractū, non alligastis, & quod  
 abiectum non reduxistis: & quod perierat non quæsi-  
 stis. Talium auaritiam & per os Malachiæ prophetæ Malac. 1.  
 arguit, dicen. Quis est in vobis qui claudat ostia, & in-  
 cēdat altare meū gratuito? Non est mhi voluntas in vo-  
 bis dicit dominus exercituum & munus non suscipiam  
 de manu vestra. Licet autem in Evangelio dicat, dign<sup>o</sup>  
 est operarius mercede sua, necessaria permittit, non su-  
 perflua imperat. Si superfluis abundas, dispensatio tibi  
 credita est, vt aliorum inopiam iuues, non abusus con-  
 cessus

**Luc. 16.**

**Sacerdos.**

**1. Cor. 9.**

**1. Tim. 6.**

**Mat. 23.**

**Episcopi.**

cessus ut voluptatibus perfruaris. Alienum est quicquid supra necessitatem est: De quo in Euangelio dicitur: Si in alieno fideles non fuistis, quod vestrum est quis dabit vobis: Tibi ò sacerdos promissum est regnum cœlorum, si modo tibi credita rectè dispensaueris: sin verò quod professus es, implere neglexeris, nec tibi quod à domino promissum erat, dabitur: & dū temporalia bona sectaris, amittes æterna. Domum enim orationis fecisti domum negotiationis, vendendo columbas, hoc est spiritus sancti dona in quæstum conuertendo: cum Christus clamitet, dicens: Gratis accepistis, gratis date.

An ad Apostolum confugies dicentem: Qui altario seruit, de altario viuere debet: sed de altario viuere tibi permittitur, non luxuriari, cum idem dicat: habentes victum & vestitum, his contenti simus. At tu cum multa possideas, plurà concupiscis: nec tam tibi de salute plebis cura est, quàm de exigendis pensionibus, de decimis oblationibusque colligendis, pro his in ecclesiâ declamas, pro his execrationum elogia valuis ecclesiæ asfigis, ad cætera mutus, & illis simillimus quibus dicitur: Væ vobis scribe & pharisæi, qui decimatis mentē & anethrum & cyminum, & reliquistis quæ grauiora sunt legis, iudicium & misericordiam & fidem, hæc oportuit facere & illa non omittere. Scriba es igitur & pharisæus, cum exigis pecuniam & non præstas doctrinam, cum de quæstu tuo cogitas, & eorum saluti qui tibi commissi sunt non consulis. Excolas culicem quæ leuissima sunt curæ habens, & deglutis camelum, in vêtrem negligentia demergens ea quæ maximi momenti esse deberent. Mercenarius non pastor es. Vides lupum venientem & fugis. Perit ille adulterio, ille vsuris, alius furto, alius odio, alius alio flagitio, & in tanto animarum periculo taces, obmutescis, hiscere non audes, & illos duntaxat perituros prædicas, qui decimas non soluerint, qui debitas ecclesiæ tuę pensiones in tempore

pore non attulerint & eidē legata interuenterint, perinde ac si nō sit aliud peccati genus quod perdat homines, quā in istud in quo opulentia tua patitur detrimentum. Cū tamen his qui egestate premuntur, non solum quod debent remitti debeat, sed etiam de rebus quas affatim collegisti, quantum opus est impendi. Detestabilis & illorum cupiditas, qui simulata sanctitate decipiunt, & vel pro edificando sacello, vel pro peregrinationis voto perficiendo, vel pro aliquo alio pietatis opere exequendo æra efflagitant, quasi non furti vel rapinæ sit genus, mendacio aliquid elicere, & in aliū quā in quem datum est vsum conuerrere. Hi tanto grauius puniendi erunt, quanto fallacius egerint, dicente domino: Qui deuorat domos viduarum sub obtentu prolixæ orationis, hi accipient prolixius iudicium. Execranda & negotiatorum auaritia, qui nec fornore abstinēt, nec merces adulterare timent, pondere quoque & mensuris fallunt alia statera vendentes, alia ementes, neque eos poenitet aut pudet dolo ac fraudibus niti vt lucrentur. Aduersus istos iratus dominus per Micheam prophetam vociferatur & ait: Adhuc ignis in domo impij thesauri iniquitatis, & mensura minor iræ plena, nunquid iustificabo stateram impiam & sacelli pondera dolosa? Denique minatur facturum se, vt congregatæ tanto flagitio opes fiant hostibus in prædam, & ipsi opus domini in captiuitatem. Horum etiam in Amos propheta dolos ac malignitatem detegit, dicens: Audite hoc qui conteritis pauperem, & deficere facitis egenos terræ, dicentes: Quando transibit messis, & venundabimus merces, & sabbatum, & aperiemus frumentum, vt minuamus mensuram, & augeam<sup>us</sup> siculum, & supponamus stateras dolosas, vt possideamus in argento egenos, & pauperes pro calceamentis, & quisquilias frumētī vendamus. Ac ne frustra talia obieciſſe videatur,

Hypocritæ.

Mar. 12.

Negotiatorum

Mich. 6.

Amos 8.



iurat q̄ lugebunt, & dolore supplicij persoluent, quod cum delectatione lucri perpetrarunt.

## De vana diuitum spe.

Cap.

18.

Giezi.  
Indas.

Lucæ. 12.

Psalmo. 51.

1. Tim. 6.

**N**emo igitur diu se fruiturum malè partis rebus cōfidat, sed quo plura iniquè congerit, eo miserabiliorem finem expectet. Timeat pœnam Giezi, timeat exitum Iudæ, alter mendacio munus extorsit, & reuersus est leprosus: alter iustum vendidit pro argento, & laqueo vitam finiuit. Ille quoque quem purpura tegebat, quem quotidiana signabant cōiuiua, in inferno sepultus, in flammis ardens totus, frustra guttam aquæ petiit, qua linguam tantum refrigeraret. Dives ille alter, qui frugum hubertate lætatus dilatare cogitabat horrea, & in annos multos opulenter viuere, statim audiuit: Stulte, hac nocte animam tuam repetent à te, quæ aut parasti cuius erunt? Sic est, inquit, qui sibi thesaurizat, & non est in deum diues. De isto in psalmis dicitur: Videbunt iusti & timebunt, & super eum ridebunt, & dicent: Ecce homo qui non posuit deum adiutorem suum, sed sperauit in multitudine diuitiarum suarum, & præualuit in vanitate sua. Ideò Apostolus ad Timotheum: Diuitibus, inquit, huius seculi præcipe, & non sublimè sapere, neque sperare in incertò diuitiarum, sed in deo viuo, qui præstat nobis omnia abundè ad fruendum, benè agere, diuites fieri in bonis operibus, facile tribuere, communicare, thesaurizare sibi fundamentum bonum in futurum. Qui vult ergo in deum diues esse, non sibi thesaurizet, sed inopiæ aliorum: in deum diues est, qui charitatis operibus abundat, non qui rebus opulentus incedit. Esurientes & sitiētes iustitiam, dominus implet bonis, diuites autem auros dimittit inanes. Quid prosunt auaro diuitiæ, si cu  
flos

stos illarum est non dominus? Quid denique profunt diuitiæ stulto, cum sapientiam emere non possit? Multæ opes nunquam aut rarò admodum queunt cuiquam nisi scelere constare. Nam qui iuste acquirit & moderatè expendit, nec diues erit nec pauper. Qui autè ingentes quæstus faciunt, supraque modum locupletantur, & iniqui & auari sint necesse est. Quòd si tam multa ab aliquo alio sibi relicta possident heredes iniqui sunt, & si his malè vtuntur, ipsi etiam mali sunt. Ex quo colligitur multum diuitem bonum esse non posse. Quæ igitur amentia est, illa concupiscere, quæ non nisi cum virtutum detrimento queant acquiri? Melius est parum cum timore domini, quam thesauri magni & insatiabiles. Hæc quidem sententia sapientissimi Salomonis est, cuius & illa ad deum supplicatio: Nec diuitias, nec paupertates dederis mihi, sed tantum victui meo tribue necessaria. Quòd autem reges omnium semper opulentissimi sunt, hoc ideo fit, quia regum opes non tam sue quam populi sunt. Eorum quippe impensis plebes tutè degunt, ab hostium iniuria proteguntur, in rerum vitæ necessariarum copia conseruatur. Quemadmodum autem communi vtilitati exposita esse debet principis opulentia, ita & priuatorum diuitiæ adiumento sint egestati alienæ. Alioqui & ipsi diuites egebunt ac miseri erunt. Quid enim illo miserius, qui inops virtutis est? qui cum diues sit, meritis caret liberalitatis, quæ beatos efficiunt, & auaritiæ vel luxuriæ grauatur vitiiis, quæ mergunt in profundum. Talium infelicitatem dolenter ingemiscit in Euangelio dominus dicens: Væ vobis diuites qui habetis consolationem vestram. Consolantur enim, quoties quæstum faciunt, vel cum quæsitis ad voluptatem abutuntur. Hos etiam Iacobus apostolus lugubri voce aggreditur, & ait: Agite nunc diuites, plorate ululantes in miseriis vestris, quæ aduenient vobis: diuitiæ vestræ putrefactæ sunt, & vestimenta vestra à tineis comesta

Prone. 15.

Prone. 30.

Rex.

Lucæ. 6.

Iacob. 5.

CC sunt,

sunt, aurum & argentum vestrum eruginavit & erugo eorum in testimonium vobis erit, & manducabit carnes vestras sicut ignis. Thesaurizastis vobis iram in novissimis diebus: ecce merces operariorum, qui messuerunt regiones vestras, quæ fraudata est à vobis, clamat: & clamor eorum in aures domini sabaoth introiit. Epulati estis super terram, & in luxuriis enutristis corda vestra, in die occisionis adduxistis & occidistis iustum, & non restitit vobis. Talia considerans vas electio-  
nis Paulus. Radix, inquit, omnium malorum, est cupiditas. Addamus his & alia, si fortè diuinæ sapientiæ veritate sæpius pulsati resipiscant. In psalmo dicitur: Diuites eguerunt & esurierunt, inquirentes autem dominum non minuètur omni bono. In Ecclesiaste Salomon ait: Avarus non impletur pecunia, & qui amat diuitias, fructum non capiet ex eis. Leuius ac tolerabilius esset, fructum non capere, nisi sequeretur supplicium, dicente Ezechiele propheta. Argentum eorum & aurum eorum non valebit liberare eos in die furoris domini. In Apocalypsi angelo Laodiciæ ecclesiæ dicitur. Dicis, diues sum & locupletatus, & nullius egeo, & nescis, quia tu es miser, & miserabilis, & pauper, & cæcus, & nudus. Quis enim finis luxuriæ diuitum, nisi quem eodem libro scriptum legimus? Quantum glorificavit se & in deliciis fuit, tantum datè illi tormentum & luctum. Quàto melius cum isto actum fuisset, nescisse diuitias, inopem medicumq; vixisse, & in miseriis potius quàm in deliciis duxisse ætatè: sed quo diutius in deliciis impunè vixit, eo infelicius cecidit. Beatū se putabat, quòd sibi prosperè succederent omnia, ideoque licentius peccabat, ideo tenuit eum superbia, opertus est iniquitate & impietate sua p̄diit quasi ex adipe iniquitatis eius, transiit in affectum cordis sui, nunc in tormentis positus audit, Memòto, quia recepisti bona in vita tua, pauperes autem quorum non est misèrtus, patiebantur mala, tu

Psal. 33.

Eccle. 5.

Ezech. 7.

Apocal. 3.

Apocal. 18.

la, tu nunc cruciaris, illi consolantur. Cumque hoc ita fit, eo tamen processit ista auri sacra fames, ut quæ natu **Auaritia** ra salutis hominis consulens terra occultauerat, ea fositionibus in profundum actis eruere cœperunt, montes cuniculis subruuntur, & homo cœlum suspicere genitus, ultro se in ima telluris immergit, nec supra se pendentem metuit molem, nec post se relictum solem quicquam æstimat, per menses plurimos perpetuam noctem sustinet, ut argentum aurumque in suam ipse perniciem proferat, si modo quod multis contigit, non antequam fuerit oppressus ruina, seque repente cum opibus quas collegerat, sepeliebat. Frumenta, vinum, oleum, linum, lanam cæteraque vitæ nostræ necessaria in aperta nobis frueda obtulerat deus, cætera tanquam nocitura latere volebat. Ideo autem & ista creauit, ut sicut eorum, qui oblati contenti sunt nota est modestia, ita illorum, qui etiam occultata scrutantur, manifesta esset cupiditas, & qui ex parte sui sunt, etiam à nobis dinoscerentur.

*Quod auaritia multorum causa sit  
malorum. Cap. 19.*

**Q**uam autem multorum malorum causa sit immodica cupiditas quis explicet? hominem aduersus hominem ire compulit, hinc insidiæ, hinc latrocinia, hinc bella, mutuaque cædes dum nostro non contenti, aliena concupiscimus: hinc inter cõiunctissimos lites, inter amicissimos dissidia & citius adeundæ hæreditatis gratia ipsorum parentum desideratæ mortes. Laban Iacob nepotem suum osculatus, hoc spatio susceperat, generum suum fecerat, & ille iam bis septem annos ei seruierat, Fatebatur Laban quod propter ipsum à domino sibi auctæ opes fuissent. At verò postquam vidit re pecuniaria in primis ditatû, inuide re ei cœpit, quæ tãto opere dilexerant, & descendente per-

Laban.  
Gene., 31.

CC ij      secutus

3. Reg. 14.  
1. Paral. 11.

Iudas  
Schariotis.

Ierem. 41.  
Godolias.

Titimilites.

Hirtacus.  
Herodes

secutus est manum innocentis iniecit, amicitia, propinquitatis, officiorumque oblitus, nisi somno deterri-  
tus propositum inhibuisset. Amorem ergo quem pau-  
peras conciliauerat, opulentia, diffraxit. Tabremon  
quoque Syriæ rex (vt in libro Regum legitur) ex ami-  
co inimicus factus Baze Israëlitarum regi ab Asa rege  
Iudæ pecunia corruptus. Ioram verò ne fratribus qui-  
dem pepercit, vt eorum bona vsurparet, vita ipsos pri-  
uauit. Iudas etiam (vt veteribus noua copulemus) à do-  
mino ascitus apostolus, miracula optandi facultate ab  
eodem donatus, sacræ communionis particeps factus,  
osculo exceptus, quia tamē pecuniæ auid⁹ fuerat, XXX.  
argenteis illum vendidit, à quo iam tot beneficia acce-  
perat. Neminem itaque verè diligunt hi, quibus haben-  
di cupido dominatur. Si qua enim lucri spes accesserit,  
continuo grassantur in eos, quos videbantur diligere.  
Nam & Godalias Ismahelem domi suæ vt amicum ex-  
cepit conuiuio, & eundem inter epulas iugulauit, nec  
hospitalem mensam amici cruore fœdare timuit, qui  
aliena occupare cõcupiuit. Proferam adhuc magis cru-  
entum exemplum, sed minus rationis compotis vulgi.  
Tito Hierosolymam obsidente, plurimi ex Iudæis fa-  
me compulsi ad Romanos transfugiebant (vt Iosephus  
author est) percrebuit fama transfugas aurum hau-  
stum ventre gestare cum à suis ne quid efferrent excu-  
terentur: ob hoc à militibus Romanis clam excepti la-  
natiq̃ue exenterabantur, quærebaturque aurum in-  
tra cæforum viscera, nec fortasse inpeniebatur. Hac ta-  
men de causa ad duo millia hominum vna nocte peris-  
se constat, plures perirēt, nisi re comperta Cæsar scelus,  
edicto compescuisset. Quid hac atrocius immanitate  
incertas opes certa vltro se deditum cæde quærere:  
Plebis tamen mercede militantis ista avaritia, illa ve-  
rò regum. Hirtacus enim prius, deinde Herodes Iudææ  
reges, aperuisse ferūt sepulchrum Dauidis regis, the-  
saurum

faurum cum illo conditum rati. Scilicet non satis erat  
 humanæ cupiditati prædam capere ex viuis, vel ex in-  
 teremptis spolia, latentia quoque in monumentis cada-  
 uera excutere cœpit, sed & hoc quidem minus mirum,  
 quando iam nec aris nec templis deo dicatis parcitur.  
 Nostra ætate contigit Christianorum ecclesias à Chri-  
 stianis profanari, aurum, argentumque deo consecratū  
 per vim auferri, perinde ac si aduersus deum, & nō tan-  
 tū aduersus homines bellum geratur. Quasi verò nō  
 idem Christus sit illorum qui oppugnantur, & eorum  
 qui oppugnant, cum vtrique eius qui vnus est nomine  
 censeantur. Sed profectò nulla ibi religionis ratio duci-  
 tur, vbi auari animi nihil nisi quod rapiant, attendūt.  
 Quamuis autē multa deprædentur, multa parent, mul-  
 ta vndique congerant, nunquam tamen satiantur, sem-  
 per restat quod acervo addi cupiūt. Nec minus huic vi-  
 tio obnoxij sunt, qui liberis nepotibusque abundant,  
 quàm qui soli sunt. Qualem Ecclesiastes admiratur,  
 dicens: Vnus est, & secundum non habet, non filium, nō  
 fratrem, & tamen laborare nō cessat, nec satiantur ocu-  
 li eius diuitiis, nec cogitat, dicens: Cui laboro & fraudo  
 animam meā bonis? Sed qui eiusmodi sunt, iis per Isaiā  
 minatur dominus, & ait: Væ qui cōiungitis domum ad  
 domum & agrum agro copulatis vsq; ad extremum lo-  
 ci. Nunquid habitabitis soli vos in medio terræ? Quid  
 enim nisi solus habitare velle videtur in terra, qui so-  
 lus cuncta possidere cōcupiscit? Hic sanè hydropici est  
 morbus, qui eo plus sitit, quo plus biberit: Sed si acceffe-  
 rit ad Iesum, curabitur: sin contēpserit, peribit. Achan,  
 quia de anathemate tulerat pallium, argenti que ali-  
 quid & auri, dei iussu lapidatur. Principes Sochor, qui  
 Gedeoni panem negauerant, super spinas & tribulos cō-  
 teruntur. Adurandum tributa exigit, lapidibus obrui-  
 tur. Achabi regis, qui vineam Naboth ipso interfecto  
 possederat, sagitta interempti sanguinem, iuxta Eliæ

Ecclās. 4.

Isaiā. 5.

Iosue. 7.

Iudicū. 8.

3. Reg. 12.

3. Reg. 21.

CC iiij

vaticinium,

2. Mac. 3.  
Seleucus

Iudas.  
Ananias  
Sapphira  
Simon  
magus.  
Prouer. 1.

Lucæ. 14.

Isai. 57.

Isai. 8.

vaticinium, linxerunt canes. Heliodorum qui à Seleuco missus templi thesaurum auferre moliebatur, equites diuinitus apparentes flagellis ceciderunt. Ipse Seleucus dum pecunias ab Inopisestenis (vt Iosephus tradit) cupidè exigeret, cum regia cumq; omnibus qui in eam conuenerant, sicut concrematur, Cessauit in illo ardere auaritia, maiore ignis ardore extincta. Hec in lege, illa in euangelio. Iudam cupiditas ad laqueum vsque perduxit, Ananiam & Sapphiram morte perdidit repentina. Simonem magum prius maledicto, deinde nece affecit. Porro tam perniciosus est morbus iste, vt non modò corpora spiritu priuet, verumetiam spiritum ipsum morti obiciat æternæ, dicente Salomone, Semitæ omnis auari animas possidentium rapiunt. Quòd si camelus facilius transibit per foramen acus, quàm diues in regnum cœlorum, nullus amanti diuitias sperandæ salutis relinquitur locus. Vbi est thesaurus eius, ibi & cor eius. Inuitatur quidem ad cœleste conuiuium: sed quia toto animo terrenis rebus inhæret, respondet inuitanti. Villam emi, boues paraui, vxorem duxi, nō possum venire, habe me excusatum. Itaque indignum se præstat præsentī bono ad quod vocatur, dū pluris æstimat fragilia & caduca, quæ illum de præsentibus deliciis ad futura transferent supplicia, vnde iam neque diuitiis redimi poterit, nec potentia virium suarum liberari. Ideò illi per prophetam dicitur. Cum clamaueris, liberent te congregati tui, hoc est, nummi quos tam anxie parasti. Omnes eos (inquit) auferet ventus, tollet aura & ne pœnæ causa lateat, iudicis vox auditur, dicentis. Propter iniquitatē auaritiæ eius iratus sum, & percussi eum. Nec immeritò bonorum largitor deus avaritia nostra irritatur, quandoquidē vitij huius hoc præcipuum malum habetur, quod à diuinorum cultu nos auertat, & cœlestium bonorum meminisse non permittat. Hoc testantur domini verba per Isaiam dicentis.

Verbum

Verbum domini proiecerunt, & sapientia nulla est in eis, propterea dabo mulieres eorum exteris, agros eorum hæredibus, atque vnde impietas contemptusque eorum oriatur ostendens adiecit. Quia à minimo vsq; ad maximum omnes auaritiâ sequuntur. Per Osee quoque prophetam talibus minatur, dicens. Iuxta pascua sua adimpleti sunt. & saturati sunt, & eleuauerunt cor suum, & obliti sunt mei, & ego ero eis quasi læna. Semē quippe verbi dei in spinis cadit & suffocatur, cum diuitum auribus exceptum, curis huius seculi mentem occupantibus nequit fructum facere. Tunc enim (vt Ecclesiastes ait) pecuniæ obediunt omnia, actio, oratio, cogitatio, & omnes reliqui sensus ad quæstum intenti, vitæ sanctioris disciplinam non admittunt, quibus dicitur: Non potestis deo seruire & mammonæ. Qui ergo cumulandis opibus incumbit, dei cultum deferat necesse est. Quod si quando opum studiosi ad ecclesiam conueniant, corpore in templo sunt, animo in foro versantur, totus de mercimoniis sermo est, & dum recitantur dei verba, illi de nundinis inter se colloquuntur, digni domini flagello eiicientis eos, ac dicentis: Domus mea domus orationis est, vos autem fecistis illam spelūcam latronum. Hi sunt filij Ephrem non deum verum, sed vitulos aureos adorantes, cum aurum argētumque pro diis habeāt, & de illis quoque dici queat, quod in Osee propheta scriptum est: Aurum suum & argētum suum fecerunt sibi idola, vt interirent. Vnde etiā Paulus auaritiā simulacrorum seruitutē appellat. Si enim illorum qui gulę indulgent (iuxta eundē Apostolum) deus venter est, cur non pecuniam eorum deum esse dixerimus, quibus nihil charius est pecunia: Nā si quādo aliquis fidelis disciplinę præceptor in illicitos contractus, in vsuras, in immodicam lucrandi cupiditatem inuectus fuerit, indignantur, reclamant, in furorem vertuntur, nō minus quāam artifices illi Ephesiorū, cum Pau-

Osee. 13.

Eccles. 10.

Lucæ. 16.

3. Reg. 12.

Osee. 8.

Coloss. 3.

Actorum. 9.

CC iij li prædi-



Diuitum  
vitium.

Psal. 14.

li prædicationibus idola destrui vidissent, quæ ipsi conficiendo lucrabantur. Dolebant enim non religionis vanæ dispendium, sed artis suæ detrimentum. Diuitum præterea vitium est, aliis invidere, inani gloria duci pro beneficio, gratiam non referre, mendaciis niti, mortis recordatione contremiscere, nec tamen ideo fieri meliores. Invident ditioribus, imò & æqualibus, ut quæ alios opulentia superent, fœnore ac rapinis rem querere fas putant. His Psalmista increpatur, dicens: Præcipita domine & divide linguas eorum, quoniam vidi iniquitatem & contradictionem in ciuitate die ac nocte, & non defecit de plateis eius vsura & dolus. Præcipitari eos in infernum petit, non voto odij, sed præscientia futuri. Tunc enim & linguæ eorum in diuersum diuiduntur, cum præter spem opes illas, in quibus confidebant, repente derelinquere cogentur. Idem gloriæ auidi, sar donyccatas manus & Sericas vestes vulgo ostentant, ut honorentur, quibus illa Magonis Vergiliani verba conueniunt:

Est domus ampla, iacent penitus defossa talenta  
Cælati argenti, sunt auri pondera facti  
Infectique mihi.

Ezechias.

Qua iactantiæ vanitate cum Ezechias quoque qui iustus erat, peccauerit: quomodo poterunt iniqui ea care-  
re, qui certè magis opibus quàm virtute clari esse cupiunt? Sed quantum volunt, glorientur, cum interierint, non sument omnia, neque descendet cum eis gloria eorum, nudes & fortunæ & animi bonis gehēna excipiet: tanto miserieores futuros, quāto sibi videtur feliceiora. Rectè itaq; admonetur à domino, per Ieremiā dicentē:  
Non gloriatur sapiēs in sapiētia, & non gloriatur fortis in fortitudine sua: & non gloriatur diues in diuitiis suis, sed in hoc gloriatur, qui gloriatur: scire & nosse me, quia ego sum dominus, qui facio misericordiam & iudiciū & iustitiā in terra. Ingratos etiā facit habēdi auiditas, non attendunt

Ierem. 9.

Ingrati.

dunt quantū acceperint, sed quantū ipsi appetierint, & quoniam nullum beneficium equare potest avari hominis cupiditatem, immemores beneficiorum fiunt. Nabal diues pecudum & agri, parum quid petenti Dauidi nihil dedit, oblitus quod ille paulo ante & gregem eius & pastores ab aliorū iniuria defendisset. Non perpēdebat Nabal quid de se meritis esset Dauid, dū ne quid de opulentia sua minuat, timet. Ideoque illos qui à Davide missi fuerant, non solum vacuos rebus dimisit, sed etiā cum probro repulit, Ac ferē tales diuites sunt, si quid offers, libēter accipiunt, si quid repetis, indignātur. De his in Ecclesiastico dicitur: Donec accipiant osculātur manus dantis, & in promissionibus humiliāt vocem suam. sed in tempore redditionis loquentur verba tādij & murmurationum. Ad hęc nihil illis fallacius est. Qui enim diuitias amat, nec peierare timet, nec alios fraude circumuenire dubitat, nec eum omnino apertē mentiri pōdet, si quid ex eo se facturum lucrī credit, neque quisquam est, qui in leuissimis etiā rebus tam facile iurat, quā diues avarus: tūc autem maximē, cum ē re sua fore sperat, si verbis fecerit fidem. Nullum postremō timidius est animal ad expectationem mortis. Putat se statim decessurum, si febriculæ igne correptus incaluerit. Ad medicos curritur, nisi & hoc auaritia vetuerit. Ille interim pauidus ingemiscit, luget, anxiat, & tristius sibi videtur à diuitiis quā corpore discedere. Inde scriptum est: O mors, quā amara est memoria tua homini pacem habenti in substantiis suis: Torquetur cogitās cui illas relinquat, quis illis post se fruatur, quas ipse tanto labore quæsiuit, tāta sollicitudine auxit, tanta parsimonia ne minuerētur sustentauit. Tum si fortē in mentem venerint vsuræ, fraudes, rapinæ, quibus in acquirēdo vsus est, magis nequitia suæ conscientia cruciabitur, de salute desperās, se quē iusto dei iudicio mox damnandum videns. Turbabuntur

Nabal.  
1. Reg. 25.

Eccle. 29.

Fallaces

Timidi.

Eccle. 41,

Pfal. 69.

babuntur enim (vt Psalmista ait) à facie eius patres orphanorum & iudices viduarum, id est, qui miserorum tutelam suscipientes, bona eorum per dolum vsurpant. Turbantur, quia se reos esse non ignorât vnâ cum illis qui in inferno sunt, cõputâdos. Quòd si in lege Ammonites & Moabites ab ecclesia domini repelluntur, quia noluerunt occurrere Israëlitis cum pane & aqua, quanto magis isti qui etiam aliena iniuste possident, hæreditate regni cœlestis indigni erunt? Tot auaritiæ mala considerans Apostolus, dixit. Qui volunt diuites fieri, incidunt in tentationes & laqueum diaboli, & desideria multa, & nocua, quæ mergunt homines in interitum & perditionem. Radix enim omnium malorum, est cupiditas, quam quidam appetentes, errauerunt à fide, & inseruerunt se doloribus multis.

Deute. 23.

1. Timo. 8.

*Ad diuites exhortatio. Cap. 20.*

**R**espiscite igitur ac perpendite diuitiarum mala diuites, & iam non ad luxuriam his vtimini, sed ad liberalitatem. Si diuitiæ affluant, nolite cor apponere, si defunt, nolite concupiscere. Quænam stultitia est id appetere, quod neque seruos repudiat, neque reges satiat, & tot malorum quot diximus, imò plurius quàm diximus causa fit, aut si nihil ex opulentia mali metuitis, hoc saltè negare nō potestis, quòd omnis terrena possessio fluxa atque fragilis sit, semperque citius de manibus elabatur, quàm retinenda speratur. Cuius rei Salomon non ignarus, cum immensas opes & cuiusque generis voluptates sibi comparasset, exclamauit: Vanitas vanitatum, & omnia vanitas. Detestatusque est industriam suam acquirèdo, incertus de hærede, & certus nihil diu permanurum sub sole. Audite ergo dominum saluti vestræ consulentem: Nolite, inquit, thesaurizare vobis thesauros in terra, vbi ærugo & tinea demolitur, & vbi fures effodiunt & furantur. Thesaurizate

Ecclesi. 1.

Matth. 6.

rizzate autem vobis thesauros in cœlo, vbi nec ærugo  
 nec tinea demolitur, & vbi fures non effodiunt, nec fu- Apostoli.  
 rantur. Ipsis quosquos in suum elegit consortium, præ-  
 cepit: ne aurum vel argentum possiderent, nec pecu-  
 niam in zonis, nec peram in via, nec duas tunicas, neq;  
 calceamenta, neque virgam: & quisquam opes opibus  
 cumulando, ei se placitum confidit: Si seruus Christi  
 es, cur ille pauper, & tu diues es: Si discipulorum eius so-  
 cum tenes, cur illorum paupertatē non imitaris: Quid  
 tibi prodest si vniuersum mundum lucreris, & animæ  
 (qua nihil preciosius est) detrimentum patiaris: Igi- Psal. 118.  
 tur dilargitis tandem istis caducis labilibusque rebus,  
 ad æterna & nunquam desitura bona mentem erige, &  
 cum Davide deum deprecare: Inclina cor meum in te-  
 stimonia tua, & non in avaritiam. Atq; ita domini suf-  
 fragante gratia, vinces improbas habendi appetitio-  
 nes, præceptumque implebis in Euangelio dicentis: Lucæ. 12.  
 Videte & cauete ab omni avaritia, quia non in abundā-  
 tia cuiusquam vita eius ex his quæ possidet. Vt videli-  
 cet aliquis ob hoc quia diues est, aut diutius viuat in  
 terra, aut felicius in cœlo. Vitæ enim æternæ præmia,  
 non opulentia dantur, sed virtuti. Dissolue colligatio-  
 nes impietatis, solue fasciculos deprimentes, vt ponde-  
 re avaritiæ liberatus, leuis & alacer expansis obserua-  
 tæ in pauperes benignitatis pennis tollaris in cœlū, &  
 ab illis in superna tabernacula recipiaris, qb<sup>9</sup> hic bene  
 feceris, & tādē ad dominū cōuersus dicas, Quæ est, expe Psal. 38.  
 ctatio mea: nōne dominus: & substantia mea apud te est?

*De beneficiis conferendis vt deo simi-*  
*les simus. Cap. 21.*

P *ost eleemosynarum dissertationem, de aliis etiā*  
*beneficiis restat quærendum, tam in dando quàm Dei bene-*  
*fici accipiēdo gratiaq; referēda. Dare beneficia, deū*  
imitari

imitari est, cum dei natura maximè benefica atque benigna sit. Iam primum ut in psalmis dicitur, fecit cœlos in intellectu, firmavit terram super aquas, fecit solem, lunam, stellas, ignem, aëra, ventos, diem, noctem, ver, æstatem, autumnum, hyemem, fecundavit humum fructibus, herbis, arboribus, distinxit fluminibus, ligavit montibus, ditavit metallis, ornavit gemmis, replevit bestiis: Omnis generis animantia cōstituit, alia quæ aërea peruolarēt, alia quæ per terrā reperent, alia quæ in aquis narent. Cuncta deniq; quæ videmus, & quæ nō videmus, ipse dixit & facta sunt, ipse mādavit & creata sunt, Cui autē ista servirēt, quiq; istis præesset atq; dominaretur, hominē ipsum formavit. Cuius dignitatem & excellentiam propheta contemplatus, & ad autorem suum conuersus, in vocem prorupit, dicēs. Quid est homo: quod memor es eius aut filius hominis quoniam visitas eum? Minuisti eum paulo minus ab angelis, gloria & honore coronasti eum, & constituisti eum super opera manū tuarum, Oīa subiecisti sub pedibus eius, oves & boues vniuersas, insuper & pecora cāpi, volucres cœli & pisces maris, qui perambulant semitas maris. Ut autem omnia subiecta essent homini, intelligentia, ratione, sapientia, & cogitationum interprete lingua eum insigniuit, ac sibi in parte similem reddidit. Eidem leges præceptaq; ue dedit, per quæ veram æternamq; beatitudinē consequi posset, de terra translatus in cœlum, de corruptione ad incorruptionem, de mortalitate ad immortalitatem. Atque etiam ut post præuaricationem, per quam à tanto exciderat bono, pristinæ gratiæ statum eidem repararet, filium suum vnigenitum misit, qui humanæ mortalitatis carne assumpta, pro homine se deo patri in sacrificium obtulit, omnesq; per primorum parentum culpam sub maledicto venundatos suo ipse sanguine redemit, etiam in ingratos beneficus, & in delinquentes pius.

Primus

Psal. 135.

Psal. 8.

Primus in se credentibus regnum cœleste promittere cœpit . Primus pœnitentibus paradisi ianuam aperuit, quo primus deuicta morte cum corpore ascendit, vt sequentibus pararet locum, & post se per sua incedentes vestigia clementer susceperet, omniumque bonorum quæ homini tribui decens fuit, faceret confortes . Tot tantisque beneficiis dignam referre gratiam non est opis humanæ, quibus etiam propheta se imparē confitetur, dicens : Quid retribuam domino Psal. 115. pro omnibus quæ retribuit mihi : Sed quoniam ipsi melius quàm nobis nota est inopia nostra, nihil aliud exigit, nisi vt in eum credamus, ei seruiamus, eius mandatis legibusque pareamus . Hoc si præstabimus, neque benefecisse nobis illum pœnitebit, neque ea quæ pollicitus est pigebit exhibere, ac tanto quidem libentius hoc faciet, quanto nos magis in impartienda proximis nostris humanitate exerceri viderit . Is enim proximè ad similitudinem eius accedit, cui potissima cura est operum charitatis . Hunc igitur sequamur, hunc ipsum quàm possumus diligentissimè imitemur, beneficia tribuendo, sicut ipsum & fecisse & facere nouimus, tam petentibus quàm non petentibus, tam inimicis quàm amicis, tam ingratis quàm gratis. Ille Paulum non supplicantem, imò repugnantem & inuitum ad se conuertit, & de persecutore Apostolum suum fecit . Aliis verò supplicantibus & sanitates restituit, & peccata donauit . Idem amicis bona largitur æterna: pro inimicis, à quibus crucifigebatur orauit . Et Iude non ingrato solum, sed etiam malum pro beneficio redenti, sui corporis mysteria obtulit, pedes lauit, osculum non negauit, nulla denique beneuolentię signa subtraxit. Si ergo similes Christo effici cupimus, vt debemus, omnibus si fieri potest beneficiamus, lædamus neminem.

De benefi-

*De beneficiis dispensandis*

## Cap. 22.

**P**otentem obligant beneficia, non potentem prouocant: amico s conseruant, inimicos reconciliāt, gratos delectant, ingratos assiduitate emendant. Non sunt tamen omnia danda, siue illa petantur siue non petantur: sicut etiam de elemosynis est dictum, beneficium quæ erit nolle dare, quod nociturum esse noueris, licet roget ille, licet inflet, licet indignetur, tu pernega. Illud autem da, quod non solum accipere eum delectet, sed etiam accepisse. Si enim quod malè cessurū est dederis, gratias tibi aget, donec iudicio officit affectus, cum autem damnum sentire corperit, execrabitur, & amici gladio se perire clamitabit. Sin verò nō dederis, quamprimum durum te & inexorabilem amicis conqueretur, deinde cū ad se rediens, causam negationis iustam fuisse cognouerit, verè se abs te amari fatebitur, & tibi debebit, quod postulata non concedendo eum periculo eripueris, in quod velut effrenis equus impetu ferebatur. Atque hanc quidem ob rem ipse bonorum omnium distributor deus nō omnia orantibus præstat, alius poscit diuitias, alius prosperam corporis valetudinem, alius magistratum, & ipse qui nouit quem finē singula habitura sint, respondet, nescitis quid petatis. Fit enim sæpenumero vt talia adepti, animæ suæ detrimentum patiantur. Quod ergo fortasse cōcederet iratus, denegat propitius, & nescimus. At verò si in eū qui nihil petit, vltro beneficium contuleris, plus tibi gratiæ habebitur, quàm si roganti nō negasses. Bis esse gratum aiunt, quod opus est si vltro offeras. Eum præterea qui iusta petit & re ipsa quam petit satis indigere videtur, promissis ne in longū trahas, cum protinus possis tribuere; dilatum beneficium minuit gratiam, citò datum

datum auget. Hinc est præceptum illud Salomonis: Ne Prouer. 3.  
 dicas amico tuo vade & reuertere, & cras dabo tibi, cū  
 statim possis dare. Minus offendes petita quā primū  
 denegando, quā postquam promiseris de die in diem  
 producendo. Dū enim quod poscenti pollicitus es præ-  
 stare remoraris, ille interim ab aliquo alio fortasse re-  
 cepisset, sed tibi credens tentare aliorum beneuolentiā  
 superuacaneum sibi iudicauit, quod si nihil tunc de-  
 mum cum datum oportuit dederis, nō solū quod ip-  
 se spondidisti ei denegas, sed etiam quod alius facile  
 tribuisset aufers. Dum enim ille expectat, dum sperat,  
 dum iam dubitat, atque de promissoris fide ambigit, &  
 petendæ aliunde rei tempus amisit, & occasionē fruen-  
 dæ, denique quicquid ex eo sibi incōmodi accessit, tua  
 causa passus est. Aut ergo statim da quod petit, aut sta-  
 tim nega, aut si tam citō dare nequiuieris, diem certum  
 constitue quo daturus es, & ipsum ne prætereas, vt ille  
 sciat, an è re sua erit, tantisper expectare. Suspēsū au-  
 tem tenere expectantem, & cras atque aliud cras absq;  
 promissi satisfactione elabi finire, non beneficium est,  
 sed iniuria, & breuiter simulator est, non amicus, qui  
 promittit quod non est facturus. Beneficium merenti-  
 bus dare, accipere est. Nemo enim non magis illius iu-  
 dicio quā beneficium laudat, qui digno dedit, atq;  
 in hoc maximè deum imitatur, cum deus ipse in opti-  
 mum quemq; maximè beneficus sit, nec nisi bene de se  
 merentes ad beatitudinis gloriā faciat ascendere. Ideo  
 in Ecclesiastico est scriptum, Bene fac iusto, & inuenies  
 retributionē magnā, & si non ab ipso, certè à domino.  
 Eligas igit oportet cui p̄cipuè benefacias, vt beneficiis  
 bene recteq; collocatis, & amicos tibi compares, & deū  
 magis demerearis. Vt autem quisque maximè indiget,  
 ita & maximè erit adiunandus. Qui verò ditiorū dele-  
 ctū facit, quibus beneficia impendat, nō amicus est, sed  
 forerator, Vsuram enim cum sorte simul exigere vi-  
 detur,

Eccle. 12.



Matth. 5.  
Roma. 12.

detur, qui locupletioribus donat, dignus decipi, quoniam de recipiendo cogitauit cum daret. Caterum inimicis quoque benefacere iubemur, dicente domino: Benefacite iis qui oderunt vos. Et Apostolus: Si esurierit (inquit) inimicus tuus, da ei cibum, si sitierit, da ei potum: hoc faciens congeres carbones super caput eius: ut videlicet qui odij duritia concretus est, postquam tuo beneficio fuerit superatus, lique scat ardore charitatis, & similitatem in beneuolentiam conuertat. Ne ingratiss quidem subtrahenda sunt beneficia, quamuis enim illi non referant gratiam quam debent, referet ille qui nullum bonum sua fraudat mercede, qui solem suum oriri facit super bonos & malos, & pluit super iustos & iniustos.

*Qualiter nos gerere debemus in dandis beneficiis.* Cap. 23.

**I**N omnes itaque beneficia conferenda sunt, sed tamē ut quo cuique opus fuerit, quodque cuique conueniret detur, & merita singulorū spectanda erunt & necessitas & ingenia. Dignis non solum vitæ subsidia, sed etiam honores atque officia deferantur. Inopes cibo, potu, tegumēto, tecto iuuentur. Amici & parentur beneficio & foueantur. Inimici ita palpan di demulcendi q; sunt, ut ad placabilitatē inclinētur. Cum ingratis quoque sic agendum, ut in iis veteris beneficentiæ obliuionem nouæ discutiat refrectio. Nam veluti arua minus foecūda, si sæpius finum irrigationem que receperint, frugifera efficiuntur, ita ingratus recentibus admonitus beneficiis præterita quoque atque oblitterata ad memoriam reuocabit, & verecundia compulsus de reddenda gratia intentius meditabitur. Quædam autem beneficia palam, quædam occultæ tribuenda sunt. Quæ virtuti debentur, palam dari conuenit, ut & honorandus appa-

dus appareat qui accipit, & alij eius exemplo ad actiones honore dignas excitetur. Is verò occultè erit adiuvandus, quem inopiæ suæ pudet, cui si quid in aperto obtuleris, magis proditum se dolebit, quàm lætabitur adiutum. Beneficij obliuisci debet qui dedit, semper autem memoriter tenere qui accepit. Ideò saluator noster cum surdū & mutum curasset, eis à quibus oblatus fuerat, ne cui dicerent præcepit, sed illi tanto magis prædicabant. Hinc igitur discas, & vitare iactantiam si beneficium dederis, & ingrati silentium si acceperis. Mat. 7.  
 Illud quod tua causa præstas, non est beneficij, sed seipsum amantis consilium. Nō enim præstares nisi tibi profuturū sperasses. Quod autem & tua & mea causa mihi donaueris, iniustus forem, ni pro eo me tibi debere fatearer, imò eo iucundius esse debet donum quod commodo atque vsui est, & tibi dare & mihi accipere. Inuidi est enim suam tantum vtilitatem spectare, & cum acceperis, quod aliis quoque profuturum sit, nolle beneficij loco ducere. Rectè autē non esse beneficium contenderim, alteri aliquid eripere, vt alteri donēs. Nam cū beneficium dare liberalitatis virtus sit, & aliena rapere auaritiæ vitium, quomodo potest dici virtus, quæ vitio constat? Quis neget dare eleemosynam pietatis esse munus? & tamen offerre in templum non licet, quod parum est iniquè. Sic enim in Isaia legimus. Ego dominus diligens iudicium, & odio habens rapinam in holocaustum. Ergo inquires, si beneficium non est quod accipi, nihil debeo illi à quo accepi? Nihil planè ei à quo accepisti, sed cui ablatum est vt acciperes. Huic redde stum, & ei nihil debebis, qui largitus est alienum. Ne concupiscere quidem iniuste rem proximi tui iuberis, nedū possidere. Porro nullus beneficium homini ab homine præstari potest, quàm si quis pro aliorum salute suā vitam periculis obiecerit, cum inter præsentia bona nihil vita charius habeatur. Maiorem, inquit dominus,

D D

cha-

Ionas.

Matth. 12.

charitatem nemo habet, quàm vt animam suam ponat quis pro amicis suis. Hanc profectò charitatem ipse nobis primus exhibuit, qui nobis sua morte aditum vitæ æternæ referauit. Hunc imitati sanctissimi martyres, contra principum interdicta viam adipiscendæ salutis alios palâ docebant, semet certè morti & quidem per tormenta sustinendæ audacter exponentes. Proximi ergo animæ periculum (si possumus) præsentis vitæ nostræ impendio propulsare debemus. Et si Ionas propheta tempestatem in mari passus mergi voluit ne alij mergeretur, quâtò magis præferenda est cuiusq; hominis animæ salus corporis nostri saluti? Omne tamen beneficium non tam res ipsa magnum facit, quàm voluntas. Magnum est, cum libenter, cum citò offertur, cum toto animi affectu impenditur: displicet si cunctanter, si tristè, si superbe, si serius, quàm oportuit præstatur, si denique pene à nolente & inuito extorquetur. Quemadmodum igitur rem multi pretij vilij at frigida voluntas tribuentis, ita exiguum etiam beneficium gratū efficit in conferendo animi promptitudo atque facilitas. Illi quoque plus debeo, qui parui modicique sui peculij participem me fecit, quàm qui diues multum donauit. Plus enim largitus est, cui minus quo ipse fruatur restat. Hanc verissimam sententiam domini confirmat autoritas. Cum enim quidam diuites in templo grandem offerrent pecuniam, plus oblatum dixit à vidua paupercula, quæ duo tantum minuta era obtulerat. Sat hæc de tribuendis beneficiis, nunc de accipiendis reddendisque exponamus.

## *De beneficiis accipiendis.*

Cap.

24.

**A**B illo accipere beneficia oportebit, cui nos debere delectat. Molesta res est, his quibus nolis esse deuinctum. Econtrario autem iucundissimum est

est, ei quem nullo etiam intercedente beneficio diligere, accepto obligari, & causam referendæ gratiæ habere. Ab optimo quoque beneficium accipere, tam grātū est quàm testimonium habere ipsorum erga nos amoris. Læto vultu gratoque animo sicuti dandum ita & accipiendum erit beneficium: qui contemptim acceperit iam ingratus est, si sibi benevolè præstitum est. Ille verò qui hilarè accipit, & libenter, iam persoluit maximam beneficij partē, quæ in animo est. Reddit enim pro benevolentia benevolentiam, licet nondum munus pro munere retulerit. Deest interdum referendi copia, interdum occasio, & quandiu ista defunt, qui acceperit beneficium tanquam relaturus, iam retulisse videtur: quia satis est voluisse, quoties posse non occurrat. Ab illo qui infamia notatus est, & turpiter viuit, non accipias beneficium, ne perditis moribus eius fauere videaris, nisi fortè eo accepto, & inita cum homine familiaritate spes fuerit, tuis admonitionibus eum reuocandi, sibi que restituēdi, ne in nequitia obduratus pereat. Cūque etiam malis benefaciendum sit, non est prætermittenda benefaciendi occasio si tunc se offerat, cū ille qui corrigi debet, munus aliquod porrigit. Tunc etiā à malo accipiendum erit, cū ille deterior futurus timetur, nisi acceperimus. Tyranno enim aut improbo aliquo domino munus vltro porrigente, si non acceperis, contemni se putabit, & qui prodesse volebat, mutato animo offendet. Ab hoc genus hominibus non est liberum nolle accipere. Nec tamen illi quicquam pro eo debeo, quod inuitus accipio, reddam si repetet, non vt benefactori, sed tanquam creditori. Et si reddidero, gaudebo me ab illius benevolentia esse solutum, qui dignus est odio. Alia quoque causa est accipiendi beneficij etiam ab impijs, cū videlicet eo accepto datur facultas benefaciendi bonis ac iustis. Sic Ioseph accepit à Pharaone, sic Daniel à Nabuchodonosor,

DD ij

non

non hoc quidem, vt ipsis gratiam deberent, sed vt suis prodesse.

## *De beneficijs reddendis.*

Cap.

25.

**P**ORRò in referēda gratia tales nos præstemus, quales esse decuit in beneficio accipiendo. Cui referatur, sentiat quàm libenter, quàm iucundè sibi referatur: vt lætus sit, se quoque prudenter egisse, quod in homine tã grato suum collocarit beneficiũ. Nihilominus soluta etiam gratia, nos ei debere fateamur quia dignos suo beneficio iudicauit, quia prior ad amicitiam venit, vt merito redametur, qui cœperit amare. Interim si grati esse volumus, nũquam patiamur excidi memoriam collatorum in nos beneficiorum. Ingratus est, qui non reddit. Audeo dicere, non minus ingratus est, qui non meminit: quoniam ne tunc quidem gratus fuit cum acciperet. Quod enim libenti animo accipimus, id non facillè obliuiscimur. Illa verò facillimè obliterari solent, quæ minimi æstimantur. Qui ergo oblitus est, is profectò testatur, se pro vili habuisse quicquid accepit. Referrem, inquit, si accepti memor fuisset, imò memor accepti fuisses, si referre gratiam cogitasses. Ipsa obliuio te ingratitudinis accusat, qua te defendere ab ingratitudine conaris. Quæ autē res est: quæ præcipuè faciat ingratos? Alios certè superbia, alios auaritia. Illi dignos se beneficio existimant, & dedisse putant cum acceperint: hi verò accepisse se dissimulant, ne reddant, & quanto cupidiùs acceperunt, tãto in reddendo lentiores existunt, nihilque se fecisse luctari arbitrantur si paria reddiderint, quasi verò gratũ esse non virtus sit, sed vitium. Quod enim turpe est, id vile putant: & quod honestum est, hoc sibi incòmodo esse existimāt. Ideoq; alterũ respuunt, alterũ affectāt,  
& in-

& ingratitudine pro quaestu vtuntur. Duo autē ista, arrogantia videlicet & cupiditas, cū omnibus vitanda sint, tum iis maximè, qui vel benefici vel grati esse cupiunt. Nō referre gratiam cū possis, turpissimum est, cum non possis, velle tantum retulisse est. Cæterū illi qui non reddere lucrari, esse existimant, multū quidem falluntur. Quis enim in eum iterum beneficuse-rit, cuius ingratitudinem semel fuerit expertus? Itaque rarius accipiet, qui in reddendo negligentem se præstabit. Illi verò qui capeffedis virtutibus operam impendunt, non rerum emolumenta sequuntur, sed morum: eis incumbunt officiis, eorum cura studioque distringuntur, in quibus versantes, non diuitiis, quæ improbis etiā cōmunes sunt, sed quod lōgè beatius est, vitæ sanctimonia proficiunt. Quinimo contemptis calcatisque opibus ad solam virtutem confugiunt, neque hanc se consequi posse sciūt, nisi illas abiecerint. Et cū nihil p̄ciosius virtute sit, quis negauerit eos multū lucrifacere, qui in dando, reddendoque beneficio & liberales in primis & grati esse student? Hæc enim ea res est, quæ amicos comparat, quæ inimicos placat, quæ deum propitiat, quæ immortalitatem mortalibus donat, & de terra sublato cœlo inferit sedibusque sanctorū, vt semp beati sint, qui vt charitatem seruarent, semper munifici liberalesque fuerunt. Is autem qui in beneficiis compensandis dati accepti rationes dispungit, nec liberalis p̄fecto, nec gratus est, sed cupiditati seruiens negotiator, & terrenis tantū ac perituris inhians bonis, non ad cœlestia animum intendens & æterna. Virtute autem contentus esse debet, & non suū, sed alienum respicere commodum, tam ille qui confert beneficium, quàm qui gratiam refert, atque vterque ita se gerere, vt deo magis placeat quàm hominibus. Quos hominibus placere magis delectat, ab hominibus captant gloriam, & à deo non accipiunt mercedem, debitaque virtuti præ-

DD iij mia

mia amittunt, dum quicquid rectè laudabiliterque egerint, vanitati tradunt, & non in eum finem, in quem debent dirigunt.

*Vtrum debemus pro beneficio cui successit iniuria. Cap. 26.*

**Q**uid, inquiet aliquis, si post beneficium acceptum affectus sim iniuria, debeo ne aliquid pro beneficio? Non videtur mereri gratiæ relationem, qui beneficium suum consequenti corrumpit offensa. Itaque non eris ingratus, si ei beneficium non reddideris, qui quantum intulerat boni, tantum postea mali irrogavit, intuendum igitur minor ne an maior sit iniuria quàm beneficiū. Minoris enim iniuriæ oblitisci debes, & memor esse beneficij. Cùm verò maior vel par fuerit offensa, obligatione beneficij absolutus es, neque gratiam debes illi, qui gratiæ meritum lædendo amisit. Iniuriam tamen omnem, quantacunque fuerit, remittere debemus, nec vindictam appetere, propter eū qui ait: Dimittite, & dimittetur vobis. Sed si cōdonata est iniuria, inquires, cur non manet beneficium? Iniuriam remitte, ne deum offendas: beneficium reddere supersede, si ita tibi expedire videbitur, ne homini qui non meretur, gratiam referas. Alioquin qui sine causa ingrati sunt, quamvis nulla lege puniantur, deum tamen habent ultorem. Agar ancilla beneficij immemor quod acceperat, dominam suam probro afficit: ob hoc eiecta cum puero quem genuerat, famem sitimque pertulit pro culpa. Absalon patrem, cui charissimuserat, à quo fraternæ cædis veniam acceperat, regno pellere moliebatur, sed tantæ ingratitudinis scelus merita nece perfoluit, telis confossus inimicorum. Nabal in Davidem ingratitudo, de summis diuitiis ad summam ipsum

Agar.  
Gen. 16.

Absalon.  
1. Reg. 3.

Nabal.  
1. Re. 19.

sum redegisset paupertatem, nisi vxor eius Abigail multis oblatiis muneribus pro illo satisfacisset. Scias igitur deo atque hominibus pariter inuisum eum qui ingratus est, tantoque magis si pro bono malum reddit. Tunc enim non solum ingratus est, sed etiam iniurius.

## LIBRI V. FINIS.

## EVANGELISTARII

## MARCI MARVLI LIBER.

VI. sub charitatis titulo, qui grati sint in deum vel ingrati, quo pacto prædicatorem docere conveniat, quomodo labori manuum, ut otium

euitetur,

infi-

stendum sit, in quo denique vera & falsa consistat humilitas, disertè edocens.

*Vtrum deo reddi possit beneficium.*

## Cap.

## I.



ON possumus (ut quidam aiunt) deo dare beneficium, cum ei<sup>9</sup> omnia sint, sic neque gratiam referre, cum nullius rei indigeat, bonorumque omnium plenissimus existat. Quid ergo sæpe in scripturis de ingratitude nostra querentem audimus. Ingratitudinis autem non iure

DD iijj

argueretur,



argueretur, qui gratus esse nequiuisset. Quæ igitur illa res est, quæ nos erga deum aut ingratos reddat, aut gratos faciat? Cuncta nanq; dei sunt. Quicquid dare uoluerit, deum de suo dare necesse est, quid reddere conabor, ipse dedit quod reddo. Quid habes, inquit Apostolus, quod non accepisti? Sed à quo omnia quæ habemus accepimus, ei proculdubio nec dare nec reddere quicquid possumus, nisi quod ipse largitus est. Si tamen esse aliquid beneficij, quod seruus domino suo tribuere possit inuenierimus, quamuis omnia quæ seruus possidet, domini sūt, inueniemus & quod homines offerre queant deo, & ille oblatum beneficij loco habeat, offerre uerò nolentis ingratitudinis damnet. Quæro igitur si seruus fideliter seruit, si domini iussa gnauius exequitur, si rem gratam domino facturum non dubitat subire capitis periculum, si nec uinere cum illo, nec mori pro illo, si casus insiderit, recusat, præstat ne domino beneficium an nō? Si negaueris, respondebo tibi, sine causa ergo benigni, quam reliqui eiusdem conditionis à domino accipitur, sine causa manumittitur, & iam non ut seruus aut libertus, sed ut filius diligitur. Immerito certè ista in seruum conferuntur, si nullum domino beneficium præstitit. Sed qui talia à domino meruit accipere, negari non potest quin præstiterit aliquid, ob quod talia accipere uisus est dignus. Rursum si erro fugitiuusque fuerit, si imperium domini contempserit, si furto non abstinerit, si petulans, si mendax, si ebriosus, si rixosus, si denique nequam fuerit, nōne uinculis constringetur, stigmate notabitur, furcam ferre cogetur, flagris verberibusque cædetur, & vel uenundabitur, vel perimetur? Inique talia passum diceremus malum seruum, nisi offendisset: sicut bonum non iure remuneratum, nisi aliquid præstitisset. Cū igitur omnium hominū vnus dominus deus sit, & omnia quæ possidemus, ab ipso accipimus, beneficium tamē ei præstamus, vel uerius reddimus.

dimus, quoties mandatis eius paremus, quoties consulta suscipimus, monita implemus, & in omnibus ipsi soli obsequi nitimur. Offendimus autem, si his contraria agimus. Ideoque ab illo & iusti præmium referunt, & posnam iniqui, non quod deo ex benefactis hominum aliquid accedat, aut decedat ex malefactis: cui neque addi quicquam neque adimi potest, sed quia idem tum iustissimus, tum optimus sit, non potest non odisse malos, neque bonos non diligere, & hoc quidem pro beneficio sibi dato æstimat, si quod præcipit facimus, pro offensa si non facimus. Atque ideo alios gratos vocat, alios ingratos, hos punit, illos efficit beatos. De ingratis dicturus est, Mat. 25. si Evangelio credimus: Quodcumque vni ex minimis meis non fecistis, nec mihi fecistis: e contrario autem gratos illud beneficium sibi præstitisse fatebitur, quod indigentibus præstiterunt. Ingratos damnabit, dicens: Ite maledicti in ignem æternum, qui paratus est diabo-  
lo & angelis eius. Gratos verò ad se vocabit, & dicet: Venite benedicti patris mei, possidete regnum vobis paratum à constitutione mundi, ab initio æternitatis. Vide igitur qua ratione & demus deo beneficia, & accipiamus præmia, & quomodo si non dederimus, mul-  
tandi simus. Atque ut apertius hoc quod astruimus intelligen-  
gas, qui in Deum credit, qui deo obtemperat, qui D E V M diligit, honorat, colit, veneratur, gratus est. Incredulus, expers, impius, D E V N hominesque contemnens, ingratus est. Nullum postremo peccatum, quod legi aduersatur diuinæ, ingratitude vitio vacat. Illum enim offendimus, quoties peccamus, à quo cum sit bona quæ homini dari queunt, accipimus: Acceptu-  
ri adhuc meliora, si non ingrati decesserimus. Operæ-  
pretium erit, huiusce rei proponere aliquot exempla, & prima eorum quos dominus gratiam sibi referentes amplexatus est: deinde illorum quibus pro ingrati-  
tudine intulit mala: ut cum præsentia considerauerimus,  
de

de futuris non ambigamus: beatos videlicet & in celo fore, qui sic à domino diliguntur in terra. Econtrario autem in inferno quoque cruciandos esse, si non se correxerint, qui antequam eò descendant, pro scelere puniuntur.

*De gratis erga deum in veteri testamento. Cap. 2.*

Abel.  
Gen. 4.

**I**gitur vt ab aliis qui ante diluuium fuere, initium capiamus, gratus erga deum fuit Abel qui primogenita & pinguiora quæque gregis sui offerebat domino.

Quòd autem propterea à domino dilectus fuerit, scriptura testatur. Ait enim: Respexit deus ad sacrificia Abel, ad Cain autem sacrificia non respexit. Maledixit quoque Caino dominus, quia ille ob hoc ipsum fratri inuidens, quòd sibi præferretur, ad se euocatum interfecerat. Gratus fuit Enos, primus quippe cantica quædam hymnosque composuit, quibus nomen domini inuocaret, pro quo dedit ei dominus, vt filios gigneret, & nõgentoquinque vitæ annos absque offensa impletet.

Enos.  
Gen. 5.

Gratus fuit Enoch. Neque enim diceretur ambulasse cū deo, nisi ei semper obsequentissimus fuisset. Morū itaque sanctimonia meruit, vt viuens ad beatiora quàm est mortalium habitatio, loca transportaretur. Gratus Noë.

Enoch.  
Ibidem

Nam & ipse cum deo ambulasse dicitur, & perfectus iustusque fuisse. Proinde dignus fuit, qui mundo p diluuium pereunte, solus cum filiis ac nuriis fieret superstes, & omnium quæ aquis deleta fuere, reparator existeret. Post diluuium verò gratus fuit Abraham.

Noë.  
Gen. 6.

Po fuit enim altaria domino, victimas obtulit, decimas p soluit, deo credidit, & reputatum est ei ad iustitiam, denique vt domino obediret, filio non pepercit. Ob hoc quidem cum deo colloquitur, pater multarum gentiū constituitur, in semine eius, quod est Christus benedi-

Abraham.  
Gen. 12.

cen-

eendē omnes nationes deo promittente nascuntur. Gratus fuit Loth: vt enim Deo placeret, domi peregrinos Loth. acceptauit, quare meruit fieri hospes angelorum, & su- Gene. 16.  
 peresse Sodomitis, inter quos habitabat, igne & sulphure de cœlo pluyente ob scelera consumptis. Gratus fuit Isaac. Isaac, qui cum centum octoginta vixisset annos, in his Gene. 35.  
 omnibus domino suo non peccauit. Per quam dignē autem deo gratia refertur, cum innocentia per omne vitæ curriculum inoffensa seruatur. Hic igitur benē de deo meritis, cum sementem fecisset, centuplum collegit, geminos genuit, in quibus benedicendis errare non est permixtus, non enim cui voluit, sed cui debuit benexit, vt Abraham patris genus in Christum dirigeretur. Gratus fuit Iacob, in nullo illū scriptura accusat, & deo Iacob, charissimum fuisse beneficia testantur. Ad eum primo- Gen. 28.  
 genita fratris Esau transferuntur, dicente domino: Iacob dilexi, Esau autem odio habui. Cum obdormisset, scalā vidit à terra ad cœlū extēdā, & in ea angelos ascēdētes & descēdētes, ac dominum cacumini innixum, qui terram in qua quiescebat ei promisit, regnūque eius longē latēque diffundendum prædixit. Inde ille parens efficitur duodecim liberorum, qui duodecim tribubus nomen dederunt, cœptusque est vocari Israël, hoc est, denm videns: & vidi, inquit, dominum facie ad faciem. In Aegyptum transmigrans multiplicatur. Liberis quæ euentura erant, moriens prophetauit. Gratus fuit Ioseph in Aegypto dum sæuus esset, & iuuenis im- Ioseph. Gen. 40.  
 pudenter se ingerentis domine libidini non consensit, maluitque vitam suam periclitari, quàm castitatē pollui, cum ab illa irata tentati adulterij infimularetur. Magnam deinde fratrum in se iniuriam cum vlscisci posset, magnis rependit beneficiis: eos quippe à quibus in seruitutem venundatus fuerat, in Aegyptum vrgente fame profectos benignē suscepit, largiterque aluit. Erat enim secundus à rege, cuius visā obscurita-  
 tibus

Moyſes.  
Exod.2.  
Exod.31.

Iofue.  
Num.14.

Patriarchæ

tibus inuoluta ſpiritu ſancto reuelante plana fecerat. Creatus fuit Moyſes, filius Raguelis ſacerdotis virgines paſtorum violentia tutatus eſt. Hinc à domino dux electus, Pharaonem prodigiis terruit, populum Iſraël eduxit de Aegypto, quãdo mare ſe aperiens aridũ tranſeuntibus præbuit iter, & eorum perſecutores oppreſſit aquis. Idem deinde in monte leges quas ad populũ ferret, à domino accepit: nemo tam familiariter cum deo colloquebatur, nemo tam ardẽter ab eo ad idola deſciſcentes puniuit. Ipſo ſaxum percutiẽte fluxerunt aque: ipſo orante, Amalech ſuperatus eſt. Gratus fuit Iofue, diuinis enim credens promiſſionibus populum reges terræ quàm ingreſſurus erat metuentem, ſpe victoriæ animauit. Proinde dignus fuit, qui in demortui Moyſi locum ſufficeretur, & victis hoſtibus regionem à domino promiſſam obtineret, eamq; p tribus diuideret. Ad hanc tranſeunti Iordanis refrenato aquarum curſu in ſicco alneo viam ceſſit. Hierichuntem obſidente, muri corruerunt. Inimicos perſequentes ſol & luna ſteterunt, ne noctis interuentu qui fugiebant elaberentur. Tot igitur miraculis teſtatum eſt, quantum ei dominus faueret, quia erga ſe in omnibus gratum fidumque ſciebat. Sed ne catalogum ſanctorum texere videar, grati erga deum fuere omnes illi patriarchæ, illi duces, illi ſacerdotes, illi iudices, illi reges, illi prophetæ, qui in mandatis D E I, in lege, in omnibus ceremoniis conſtanter piẽque permãſere. Tales autem eligere ſolitus eſt dominus per quos populum erudiret, à ſeruitute liberaret, à periculis erueret, victoria donaret, & de illis quæ futura erant admoneret. Quod ſi benigniſſimus dominus fideliter ſibi ſeruientes, beneficiorumque ſuorum non obliſos, ita vt dictum eſt fouet, ita amplexetur in terris adhuc viuentes, quantomagis ad cœleſtis beatitudinis domicilia manſionesque angelorum tranſlatoſ: Hæc de veteris hiſtorię fontibus hauſta iſ  
exi-

exigere videntur, ut à nouæ salubris fluentibus aquis aliqua deriuemus, ad eandem gratitudinis virtutem accommodata.

*De gratis erga deum in testamento nouo.* Cap. 3.

**I**esus Christus dei filius, humani generis redemptor ac saluator, patribus promissus, nobis exhibitus & datus, non præsentia bona hominibus polliceri coepit, sed futura: nec terrenum largiri regnum, sed cœlestē: Pœnitentiā agite, inquit, & appropinquabit regnū cœlorum. Et ad latronem: Hodie mecum eris in paradiso. Quod si tādē, nō vt olim ad inferos animæ iustorū descendant, sed in sublime angelorum sedibus inferantur, iucundissimo domini sui conspectu semper fruituræ, nōne multo nos causatius quàm prisci illi, de quibus paulò antè est dictum, deo seruire debemus, & soli nauare operam, contemptisquē omnibus ipsum vnū absque quo nihil est beatum, tota mente concupiscere? Merito igitur sequens credentium ætas ad omnia dura atque aspera perferenda coepit accingi, mollia verò respuere & delicata: atque in his præcipuè gratiam referri saluatori, per quæ maximū omnium beneficium se accepisse meminit. Quid enim maius aut optabilius esse potuit, quàm paradysum p̄ tot secula primi hominis culpa clausum, per ea demum quæ Christus passus est, nobis fuisse referatum? Oportuit enim pati Christum, & sic intrare in gloriam suam. Oportet igitur pati & nos, ac per vestigia eius incedere, si illò quò ipse p̄cessit, volumus peruenire. Hæc est ergo nostrorum erga deum maxima gratitudo, pro amore illius, qui prior dilexit nos, voluptates, opes, otia contemnere, continentiam seruare, modico contentos esse, religiosæ vitæ laboribus nunquam defatigari. Talem quippe pro benefici-

Matt. 4.

Lucæ. 24.

¶

Apostoli.

neficiis gratiam primo deo retulere Apostoli, deinde martyres ceterique Christi serui, virgines quoque & viduæ omnesque illi qui ecclesie autoritate in sanctorum collegio numerantur. Pro Christi nomine non dubitavit Petrus crucifigi, Paulus capite truncari, Iohannes in feruentis olei dolium nudus demergi. Bartholomæus vinus excoriari, Thomas lanceis perfodi, Iacobus maior decollari, minor fuste fullonis interim, Stephanus lapidibus obrui, Laurentius igne cremari : omnes

Martyres.

denique per tormenta consumi. Hoc idem propositum fuit reliquorum sanctorum omnium necem videlicet à persecutoribus inferendam subire potius quam à Christi fide deficere. Illos quibus hoc contigit, Apostolus ad

Heb. 11.

Hebræos scribens pulchrè percenset, cum ait: Alij verò ludibria & verbera experti, insuper & vincula & carceres, lapidati sunt, secti sunt, tentati sunt, in occisione gladij mortui sunt. Noli expectare vt audias quid hi prosperitatis in vita perceperint, qui ad quæque laboriosa sustinenda magno animo se armauerant. Si tamen nosse desideras, nihil illis prosperius contingere potuit, quam per aduersitatum patientiam ostendere, quali constantia, quantaque fide Christum diligerent. Adde quod illos quoque à quibus necem suppliciaque passi sunt, victores fuerint. Prævaluit enim patientium fides impietati persecutorum, & contempto inanum deorum cultu, ab omnibus adorari coëptus est Christus. Nequaquam sancti martyres coronati triumpharent in

Fidei victoria.

cælo, nisi in terra vicissent. Vera fidelium victoria est, neque deiici aduersis, neque secundis efferri, deo magis quam hominibus obedire, & carnem spiritui repugnātem in seruitutem redigere. Quæ quidem & illi sancti, quos persecutionis non attigit gladius, diligenter obseruauerunt. Dum enim viuerent, non cessabant Christo seruiendo vitæ instituta vel ipsi discere, vel alios docere, vigilijs, precationibus, ieiunijs, lectionibusque vacare,

care, diuitias indigentibus distribuere, & paupertate gaudere, virginitatem viduitatemque nuptiis præferre. Sic egerunt inter summos pontifices: Syluester, Gregorius, Leo & Cælestinus. Inter episcopos, Martinus, Nicolaus, Ambrosius, & Augustinus. Inter Abbates, Antonius, Hilarion, Hieronymus & Benedictus. Inter monachos, Dominicus, Vincentius, Franciscus & Bernardus. Inter eremitas, Paulus, Thebæus, Honophrius, Arsenius, Archebius, & Theonas. Inter virgines, Maria virgo, simul & mater, ipsum enim genuit Saluatorem, quæ sicut de spiritu sancto concepit, ita sine virginitatis dāno peperit. Hanc secutæ sunt Thecla, Agatha, Hagnes, Lucia, Catharina, Cecilia, Margareta, Barbara, aliæq; permultæ, quas ad coningium nulla blandientium promissa, nullæ furentium minæ, nulla sæuientium tormenta inclinare potuerunt. Omnia extrema perpeti malebant, quàm domino semel promissam amittere virginitatē. Inter viduas verò perpetuam continentiam custodientes fuerunt, Anna, Paula, Galla, Melania, Monacha, & aliæ plurimæ. Talium vitam moresque sequatur oportet, qui cumulatissimam deo gratiam cupit referre, ac post relatam ab ipso suscipi & immortalitatis gloria in cœlestibus vestiri. Proponamus nunc ingratorum exempla, & quos præmia ad virtutem parum excitant, saltem poena à vitiis auocet.

Pontifices.

Episcopi.

Abbates.

Monachi.

Eremitæ.

Virgines.

Vidue.

## *De ingratīs ante diluuium.*

### *Cap.*

### *4.*

**P**Rimi parentes nostri donec beneficiorum memores iussioni diuinæ obtemperarunt, paradisi in quo positi erant; bonis fruebantur, postquàm verò per ingratitudinem à mandato recessere, ligni vetiti fructum gustando, eiectione de paradiso, laboribus, ærumnis, mor-

Adā &amp; Eua.



morti subiacerunt. Ei enim peccauerant (licet postea poenitentiam egisse credantur) à quo corpus, à quo spiritum, sensum, intellectum, dei similitudinem acceperant: à quo præesse bestiis terræ, & volucris cœli, & piscibus maris iussi erant: ut his quæ terra proferret vescerentur, & simul ligna, lapides, metalla, igne quoque & aquam, tellurem & cœra in usum vitæ necessarium haberent. Merito igitur malis mancipati sunt, cum talem ac tantum benefactorem offenderent. Mulier quia prior peccauerat, viri subditur imperio, & pariendi cruciatibus multatur, ut voluptatem quam coepit, fructum interdictum manducando, filios generando dolore compenset. Merito etiam Adæ est dictum: Maledicta terra in opere tuo. In laboribus comedes ex ea cunctis diebus vitæ tuæ, spinas & tribulos germinabit tibi, & comedes herbas terræ: In sudore vultus tui vesceris pane tuo, donec reuertaris in terram de qua sumptus es, quia pulvis es, & in pulverem reverteris. Tot igitur mala passi sunt post reatum, quot antequam peccassent, bonis fruebantur. Non esset magnum eorum crimen, nisi & magna essent illius beneficia, in quem commissum est. Non tam enim ex se, quam ex meritis eius, qui offensus est, ingratitude culpa pefari debet. Itaque quam graviter peccauerint, poena indicat, quæ quidem ad posteros omnes fuit propagata propter corruptam radicem, de qua generantur. Et quoniam nihil ab homine nequiter agitur, quod ingratitude in deum non sit ascribendum: Ingratus fuit etiam Cain Adæ filius, qui invidia furore percitus interemit fratrem suum Abel. Ob hoc illum dominus execratus est, dicens: Maledictus eris super terram, quæ aperuit os suum, & suscepit sanguinem fratris tui de manu tua: cum operatus fueris eam, non dabit tibi fructus suos, vagus & profugus eris super terram omnibus diebus vitæ tuæ. Postremo & ipse interfectus fuisse creditur in septima

Gene. 3.

Cain.  
Gene. 4.

p tima generatione, vt prius annos multos aduersa susti-  
neret maledictionis, deinde quod fratri intulerat, ipse  
ab aliis ferret. Neque illa quidem parua fuit ingratitu-  
do, illa malitia, quæ deum ad pœnitentiam compulit,  
quod hominem fecisset. Nemo qui ei nõ peccauerat in-  
uentus est. Omnis caro (inquit) corruerat viam suam, *Gene. 6.*  
præter illas octo animas quæ in arca seruatae sunt, ne  
cum cæteris diluuiο perirent. Porro, si quæris quanta  
tunc fuerit culpa ingratorum, multæ bestię cataclysmo  
superfuerunt, illorum nemo. Post diluuium ingratis-  
simos omnium semper fuisse Iudæos comperio, illos exci- *Iudæi,*  
pimus, quorum superius facta est mectio. Etenim cum  
ab ipso mundi domino multo plura quàm reliquæ na-  
tiones beneficia accepissent, magis etiam constanter il-  
lum colere debuerunt.

*De beneficiis Iudæis collatis post  
diluuium. Cap. 5.*

**V**ideamus igitur primo, quanam illis ab indulgen- *Iudæi,*  
tissimo rerum largitore deo præstita fuerint bo-  
na, deinde quàm ingratè ipsi ex aduerso se gesse-  
re, & simul quæ postea passi sunt mala. Solis vnus dei  
veritas fuit reuelata, solis leges de cœlo datæ, monstra-  
tus ceremoniarum ritus, oracula futurorū indulta, dei  
voces palam locutæ, ingentium miraculorum operatio  
concessa, deo fauente timuit eos Aegyptus, & cum di-  
mittere nollet, flagella sustinuit, mare se aperiens siccū  
euntibus præbuit iter, & aquæ quæ illis hinc inde pro  
muro erant, Aegyptios cum armis hostiliter insequen-  
tes operuere, in solitudine manna cœlestis cibus pabu-  
lum illis præbuit; & de saxo virga percusso scaturiens  
amnis potum. Iordanis ad fontem suum reuersus persti-  
tit donec transirent, terram denique promissionis la-  
cté & mellé manantem: per domitis eius incolis posse-  
derunt.

EE

derunt.

derunt. Quis denique explicet tot hoste victorias, tot à servitute liberationes, vel quoties periculis eruti, à cladibus protecti: Moyse orante (vt antè diximus) victus est Amelech: buccinis clangentibus, Hierichuntis mœnia corruerunt: Iosue inimicos persequente, lapidibus pluit de cœlo super fugientium ceruices: ac ne noctis interuentu elaberentur, sol & luna motum suum continuerunt. Nulla vnquam fuit longior dies, quam ista in qua quinque Regum Chananæorum prostratus est exercitus. Balaam præterea propheta asinæ loquentis voce prohibitus est eis maledicere, & pro maledicto induxit super illos benedictionem, benedictos à deo esse non dubitās, pro quibus mutum animal vocem protulerit humanam, victi sunt deinde Palæstini tonitru & fragore de cœlo territi. Holophernes Chaldæorum dux, cum vrbes aliorum prouinciasque expugnasset, in Iudæa vnius scæminæ manu victus occubuit. Regnante Hierosolymis Aša, innumerabiles Aethiopum copias ad internecionem conciderunt: Regnante Iosaphato, cum ingentem Ammonitarū Idumæorumque exercitum formidarent, inimicos inter se digladiantes conspexerunt, mutuoque cæsorū tulerunt spolia tam securi, quam paulo antè pauesciti: Regnante Ezechia, cum ab Assyriis duce Senecheribo obsiderentur, angeli manu vnà nocte centum octogintaquinque milibus hostium cæsis, obsidione soluti sunt. Omitto nunc Macchabæos, Iudam, Simonem, Ionatham, qui dei sui nomine inuocato, parua manu ingentes hostium copias pluries fudere. Magna quidem & immensa beneficia hæc, maiora tamén accepturi erant, si istorum quæ acceperant largitorem non deseruissent. Nunc ergo quod superest, breuiter expediemus qua ingratitude vsi sint, quantaque deo vlciscente pati meruere.

De ingra -

*De ingratitude Iudæorum in deum,  
& quæ pro idololatria passi  
sint. Cap. 6.*

**L**ongum admodum foret memorare scelera singulorum, qui inter Iudæos impij infidijq; fuere. Omnium ergo simul in deum suum infidelitas detegatur, pœnaque infidelitatis vt cum hæc nota fuerint, simul constet & ingratitude magnitudo, & iusti domini in ingratos præsens vindicta, quam si quis inuitauerit, nec futuræ quidem, quæ omnium acerbissima est obnoxius erit. Dum Moyses in monte immoratur, donec tabulas digito dei conscriptas acciperet, illi ad idololatriam conuersi, vitulum æneum adorauerunt: & hi sunt, inquit, dii tui Israel, qui te eduxerunt de terra Aegypti. Ob hoc iratus dominus, delere eos voluit, sed Moyse pro ipsis instanter supplicanti gratiā fecit. Moyses tamen indignos tabularū beneficio testatus, de monte descendens ipsas confregit, vitulumque contriuit, deinde deo iubente Leuitę sumptis armis de illo  $\text{xxiii}$ . millia ferè, ex iis qui vitulum adorauerāt, occiderunt: vt eum morte dignum esse noueris, qui in deum ingratus est. Post hæc contempto cœlesti cibo cum Aegyptias dapes cōcupiscunt, aduersus deum & Moysen mustitantes, prouocatus in iram dominus, multa coturnicū vi castra operuit, vt cupidini eorum satisfaceret. Cæterum, dum adhuc carnes in dentibus manderēt, animas efflabāt, plurimiq; desiderati sunt, locus in huiusce vltionis memoriā, sepulchra cōcupiscētię appellat<sup>9</sup>. Rursum tamen pollicitationi diuinę nō adhibentes fidē, de obtinēda pmissionis regiōe desperarūt. Ideoq; illā ingredi prorsus indigni, anteq̃ fines ei<sup>9</sup> attigissent, in deserto mortui sunt, præter Iesum & Caleph & paruulos po-

Exod. 31.

EE ij puli qui

Chore &  
Dathan.

puli qui non peccauerant. Quadraginta annos per solitudinem antequam terram incolendam adissent, errauerunt. Choræ quoque, Dathani, & Abyronis castra, vnâ cum ipsis terræ hiatu absorpta sunt: atq; inde subitus ignis exhalans, ducentos & quinquaginta viros, qui incensum offerebant, absumpsit: & hoc quidem, quia legi diuinæ aduersantes, vsurpare sibi sacerdotium nitebantur. Vide tamen inconsultam vulgi audaciam. Nihil his quæ acciderant territi. Moysen & Aaronem nimis procaciter inceſſebant, perinde ac si ipsi eos qui perierant, interfecissent. Mox igitur ambobus his ad tabernaculum confugientibus, incendium repente illarum vastare cœpit proteruos. Quatuordecim millia ex eis & septingentos coneremauit. Omnes tunc perissent, nisi Aaron iussu Moyſi stans inter mortuos & viuentes, deum orasset. Ad eius preces cessauit ignis. Deus enim iniuriâ illam illatam sibi deputat, quæ seruis suis indignè inferitur. Quandoquidem ultus est eos, qui Moysen & Aaronem minaciter impetere ausi fuerant. Post hæc profecti, de monte Hor per viam quæ ducit ad mare Rubrum, pertæsi itineris laborem rursum reclamabant, sed neque hoc fuit illis impune. Ignitorum serpentum ictibus percussi moriebantur. Hinc tandem humilitatis ac veniam poscentibus, Moyses domino iubente, serpentem ex ære formatum suspendit in ligno, quæ vulnerei aspiciendo conualescebant. Id autem portēdebat, quod olim in Christum dominum crucifixum credentes, à diaboli morſibus liberandi essent. Ignitus enim serpens, diabolus est: Christus æneus, nihil in se veneni habens, & veneno peccati infectos, clementer sanans. Porro, vt quod proposuimus prosequamur, iidem Israëlitarum cum appulissent ad Sethim, capti sunt amoribus Moabitidarum, ita vt deos quoque illarum adorarent, sed dignas quidem scelere isto poenas dedere. Leuitæ quippe iussu domini viginti quatuor millia de illis interimunt.

terimunt. Tunc demum deo placato, à cædibus cessatū est, cum Zambrin virum & Zochim scortum, dum simul coissent, Phinees Eleazari sacerdotis filius pugione in genitalibus confodit. Ut præterea pateret, non minori animaduersione dignos esse criminis impulsos quam autores, Madianitas quoque percuti iussit dominus, qui eos callidè per mulierum blandimenta traxerant ad cultū idoli sui Belphegor. Multo tamen grauius deliquerunt, qui ad deos alienos conuersi fuerant, deo suo derelicto, nec mirabilium eius memores, nec erga beneficia grati. Transeamus ad tempora iudicium. Iosue defuncto, degenerauit populus, Colere coepere Baal & Astaroth, non numina, sed monstra. Ob hoc passi sunt direptiones rerumque detrimenta, nec omnino pares esse poterant viribus aduersariorū. Deinde, quoniam Palæstinis & Chananæis aliisque idololatriis cultu & connubiis iungere se ausi fuerant deo pœnam huiusce flagitij exigente, annos octo seruiuerunt Cusanrasathaim Mesopotamiæ regi. Cum autem illos præuarcationis pœnituisset, liberati sunt. Sub liberatoribus quidem satis probè se habebant, illis verò vita defunctis, veluti laxato freno quocunque rationis expers appetitio vocasset, eo ferebantur. Itaque sub Othoniele etiam fidem deo seruauit, eo autem mortuo, statim ad idola desciuere, quemobrem tunc quoque seruire compulsi sunt Eglon Moabitarum regi annos octodecim. Deinde post obitum Aioth ducis, cum iterum idola colere coepissent, oppressi sunt seruitute à Iabin Chananæorum rege per annos viginti. Post Delboram quoque uxorem Lapidoth (& ipsa enim præfuit populo) peccauerunt, atque septem annis à Madianitis vexati sunt, facta frugesque eorum vastantibus. Item post Gedeonem, & erga familiā eius, à quo de inimicis liberati fuerant, ingrati extitere, & erga deum impij, ideoque per idem tempus externorum bello variè inquietati sunt. Post

Tempore.  
Iudicium.

EE iij Abimelech,

Abimelech, Tholam & Iair præfides, itidem peccaverunt, & à Palæstinis mala passi sunt annis octodeci. Post Iephtha & Abessan & Ahilon & Abdon, rursum peccaverunt, & denuò à Palæstinis oppressi sunt servitutis iugo per annos quadraginta. Post Samsonem verò inter se dissidere coeperunt, quando tribus Benjamin ob stupratam cuiusdam Leuitæ coniugem, & per vim in vna nocte multorum coitu lassatam atque extinctam penè interiit, dum à reliquis tribus indignè id ferètibus impugnatur. Primo tamen de his qui illos oppugnatū venerant, cecidere. XXII. millia iterum altero congressu XV. III. millia, & ipsi enim offenderant suis viribus magis, quàm dei auxilio freti, sed tertio tandem certamine de Benjamin periere XXV. millia, oppidum eorū Gabaā incensum, in quo obsessi erant, idemque factum reliquis vrbibus ac vicis tribus huius. Ista de Iudicū libro summatim perstringendo protulimus, quæ sequitur, Regum continet historia.

*Mala X. tribuum. Cap. 7.*

Tempora  
Regum.

**O** Bidololatriam, quæ maxima in deum ingratitude est, diuisum fuit Iudææ regnum. Decem tribus in Samariam secessere sub rege Hieroboam, duæ reliquæ sub Roboam Hierosolymis manserunt. In Samaria quidem perseveravit impietatis crimen. Hierosolymitæ magis fideles iuuenti sunt. Vitulos æneos adorabant Samaritæ, quos pro diis colendos posuerat Hieroboam primus ex Iudæis. Samaria rex. Eam ob rem Abiæ Hierosolymarū regi in prælio succubuerunt, die vno quinquaginta millia eorum desiderata sunt. Ciuitates tres amisit, Bethel, Hiesana & Ephron, Deinde regnum de familia Hieroboami ad alios translatum. Postea regnante Achab aduersum Syros profecti, ob hanc ipsam idololatriæ culpam superantur: Achab quoque sagittæ ictu interficitur. Regnante Ioacham, seruierunt Azabelo

Azabelo regi Syrię. Regnante Phaace, Theglathazar Assyriorum rex Samariam inuadens, magnam quidem populi partem captiuam secū duxit Niniuen. Regnante Osee, vnā cum rege omnes trāslati sunt in Assyriam, per Salmanasar Assyrię regem. Cum enim prophanos gentium ritus imitarentur & prophetarum arguerentur sermonibus, ad deum Isāel reuerti nolebāt, colentes Baal, filios filiasque idolis initiantes, inseruiētes etiam diuinationibus atque auguriis.

## *Mala duarum tribuum.*

### *Cap. 8.*

**N**Vnc ad Hierosolymitarum immunditias gradus faciendus restat. Sub Roboam rege legem domini reliquerāt, cum Sefac rex Aegypti ciuitates eorū munitissimas debellauit. dixitque eis per prophetam, dominus: Vos reliquistis me, & ego reliqui vos in manu Sefac. Hic captam Hierosolymam subdidit seruituti. Templi thesauros, regiamque gazam omnem sustulit & asportauit. Sub Ioram rege, quia gentilium ritus secuti fuerant. Palæstinorum atque Arabum magna in parte præda facti sunt. Tunc enim & regis domus direpta, & eius vxores liberi que capti. Ipse autem Ioram, quia ab impietate non recesserat, alui profluuiio consumptus est. Ob idem crimen Ioa regnante ingentes militum copias parua Syrorum manu prostratas amiserunt. Ipse Ioa à seruis domi fuit interemptus. Rursum sub Amasia rege deos alienos adorabant, cum à Ioa Samaritano rege superati sunt, pars Hierosolymitani muri diruta, thesauri ablati ipse Amasias captus, nobilium liberi pro obsidibus abducti. Tunc etiam regnante Achaz colebant Baal, cum & à rege Syrię spoliati sunt, & à rege Samarię Phacee ingenti bello victi. Ea enim pugna centum viginti millia



ti millia virorum caesa fuisse dicuntur, ducenta millia in captiuitate abducta, cum praeda omnis generis prope inestimabili, quamuis Phacee ab angelo coargutus, restituerit captiuos: quia tamen ab impietate non recedebant. Idumaei illorum fines depopulati sunt, vrbes aliquot expugnarunt Palaestini, agrum vastauerunt Assyrij, neque tamen tot cladibus affecti, ad dominum redire voluerunt, donec in regno successit Ezechias Achazi filius, per omnia patri dissimilis. Pie enim ac sancte vixit. Et vt intelligas principum mores ciuibus documento esse solere, semper quidem Iudaei sub religiosis regibus religiosi fuere, sub impiis impij. Post Ezechiam regnat Manasses eius filius, magis impietate quam regno nobilis. Captus a Chaldaeis, addicitur seruituti. Aduersus pulsatus agnouit errorem, poenitentiam egit, & domino miserante restitutus est regno. Quod si Manasse poenitentiam suscepit deus, quis tam impius est vt veniam desperet, si ad illum a quo alienatus est recurrerit? Ioachazo quoque impio super impios regnante, Necho rex Aegypti eosdem tributa sibi pendere compulit. Ea erant centum argenti talenta in singulos annos, vnum auri. Tunc Ioachazo sublato, Eliachimus eius fratrem praefecit regno. Sed cum neque isto ad regni gubernacula sedente, populus ab erroribus resipuisset, Nabuchodonosoro Babyloniorum regi seruiuerunt, atque etiam latronum infestationes passi sunt. Et ne tunc quidem ab idololatriae cultura desistentes, Ioachimo Ioachimi filio regnante, obsessi a Chaldaeis, vna cum rege potestati illorum sese deditere. Tunc omnes fere in Chaldaeam traducti sunt, praeter pauperes vulgi agricolationi relictos. Hinc Matathias vrbi penes desertae iussus est praefidere, Cumque ipsi etiam qui tunc residui erant, nullo dei flagello ab inueterato iam errore reuocari potuissent, totam in illos indignationem effudit deus, eosque grauius quam vnquam antea afflixit. Cum enim

Matathias

Manasses.

Eliachim.

Ioachim.

Matathias iste qui & Sedechias est dictus, à Chaldeis defecisset, obsedit eos Nabuchodonosoro Chaldeorum rex, vrbe potitus est, Sedechiam cum liberis fugientem comprehendit, liberos illo spectante trucidari iussit: ei verò nequid deinde iucundi videret, oculos eruit, & vinctum secum Babylonem abduxit. Post hæc Nabuzardam ducem cum valida militum manu misit, qui moenia vrbs demolitus solo æquavit, domos templūque incendit, ciues in seruitutem ad Chaldæam transtulit. & cum illis vasa templi aurea, argentea, ænea, æneasque columnas templi, primarios vrbs ciues, deique sacerdotes interfecit, & impletū est quod in spalmo prædictum fuerat: Tradidit in captivitatem virtutem eorum, & pulchritudinem eorum in manus inimici, & cōcluserit in gladio populum & hæreditatem suam spreuit. Denique facta est, quam prophetæ prædixerant, trāsmigratio Iudææ in Chaldæam, ac tanta prophanæ gentis ingratitude tales quidem pœnas dedit, quæ si solæ proponerētur, & nulla futura esset in inferno, quia adeo temerarius est, vt audeat esse in deum ingratus!

Matathias

Psal. 77.

*Mala Iudæorum post Christi passionem, propter incredulitatem. Cap. 19.*

**P**ostea verò, per Cyrum manumissi, postliminioque reuersi sub Esdra sacerdote instaurarūt vrbe & templum, domino fauente, postquam eos delicti pœnituiisset. Fuisse deinceps legis diuinæ satis quidem studiosos, improbos tamen, semperque virtuti alienæ inuidos atque infensos. Christū dei filiū, quem lex & prophetæ prædicauerant venturum saluatorem non receperunt, quamuis vidissent miracula facientē, & à plebe laudibus

In Christū impij

laudibus honorēque affectum : docenti veritatem non crediderunt, innocentem falsis criminationibus circūuenerunt, iustum condemnarunt, ludibrio habuerunt, & spinis coronatum, flagellisque cæsum cruci confixerunt . tantumque inualuit semel infitum infidis mentibus odium, vt ne tunc quidem ad pœnitentiam tanti sacrilegij mollescere quiuerint, cum illo in cruce pendente, sol obscuraretur, terra tremere, sepulchra aperirentur, templi parietes dissilirent, saxa frāgerentur . Nam depositum quoque ac sepultū custodiri iusserunt: cumque ipsi custodes perendie reuerfi eum à mortuis surrexisse testarentur, pecunia data redemerunt mendacium, vt rursus hi falsò assererent, se videlicet nocte præterita dormiētibus clam venisse discipulos, corpusque idē furto sustulisse, vt qui sepultus fuerat, ad vitā credatur reuersus. Quid autē infelix Iudæa alios celare iuvat, cuius ipsa conscia es, veritatē? Si non surrexit, cur pecuniam porrigis? si surrexit, cur saluatorem tuū non agnoscis? aut si nihil custodibus donaueris, nihilq; illi prius testati fuerint, quā quod postremò dixerūt, nōne sic interrogatos oportuit? Vidistis ne accessisse ad sepulchrum discipulos, an non? Si non vidistis, multo sopore fortasse oppressi, quomodo scire potestis? Sin vidistis, cur non comprehendistis inermes armati, paucos multi, onere sublati corporis grauatos expediti? Videtis ō Iudæi custodię vestrę manifestum mendacium, attamen quæ vestra pertinacia est, vultis potius mendacio credere & perire, quā sequi veritatem & saluari? Quid est autem quod Christum negando, multo maiorem experti estis dei iram, diuturnioremque passi calamitatem, quā cum vitulū adorastis, quā cum Baal, Astaroth, Acharō, Beelphegor, Beelzebub, aliorumq; demonum simulacris sacrificastis: nam licet antea quoque cædes, incendia, rapinas, captiuitates, seruitutem, exilia, patrisque soli miserabilem desolationem pertulistis,

tulistis, quoties tamen vos deum vestrum offendisse poterit, toties de malis omnibus liberati fuistis. Longissima illa apud Babylonem seruitus (vt scriptores vestri testantur) septuagesimum annum non excessit: Rursum natali solo restituti, rursus in omnibus reparati, instauratiq; regnastis. Quenam queso causa est, quod post Christum à vobis condemnatum, semel à Romanis victi, euerfi, dispersi, nullam vnquam pristini status faciem, nullam amissæ dignitatis umbrâ recepistis? Iam mille quadringenti & octoginta anni sunt, ex quo incerta sede vagi per oēs orbis partes errastis, sine lege, sine sacrificio, sine duce, sine rege, sine propheta, dicite si potestis quo crimine, qua culpa id patimini? non idola (vt olim sæpe cōtigisse) colitis, non execrandos gentiliū ritus exercetis: vnum deum, vnum cœli terræque dominum adoratis, & tamen nullus est miseræ vestræ finis. Cur ita? profecto cum alia causa omnino nulla queat afferri, restat vt ea sola sit quia saluatorem vobis, imò omnibus missum non recipitis. Messiam, quem vestræ vobis indicant scripturæ non admittitis. Videte ingrati tudinem vestram in deum vestrum. Ille vobis quæ promiserat vitæ doctorem misit, vos ipsum occidistis. Ille dedit redemptorem, qui pro culpa primorum parentū vestrorum satisfaceret, & vos ei non creditis, vos eum repudiatis. Quamdiu igitur obstinatis mentibus fouetis errorem, negando eum, per quæ solum data est mortalibus ad deum accessio, fieri omnino non potest, vt vllam sperandæ salutis gratiam consequamini. Credite, credite, & salui eritis. Hic est enim cui dixit propheta: Excita potentiam tuam & veni, vt saluos facias nos. Cōuertimini igitur ad eū, qui missus est vobis, & ille qui misit miserebitur vestri. Hic enim qui missus est, dei verbum est, dei sapientia est, dei virtus est: negat talia esse in deo qui Christū negat. Carnem animamq; hominis assumpsit, vt pro hominibus pati ac mori posset.

Itaque

Psal. 79.

Itaque non inuitus, sed volens crucem sustinuit, vt suo sanguine à peccatis credentes lauaret morteque redimeret. Agnoscite beneficium, & cōfitemini Christum. Venit enim vos non de manu regis Babylonis sed de potestate diaboli liberare, non ad Hierosolymam reducere, nec regno restituere terreno, sed quod longè felicius est, ad paradysum transferre, in supernis cœli sedibus collocare, & sempiternæ suæ gloriæ participes facere. Quod si aduersus tantam dei vestri nostrique benignitatem, Christum suum non recipiendo ingrati esse pergetis, de temporalibus miseriis istis ad æternas descendatis necesse est. Nulla enim maior in deum patrem ingratitudo fieri potest, quàm in filiū ei coæqualem & cōternum & consubstantialē nolle credere. Felices illi, qui olim ne ingrati essent, ipsum vobis gentibusque prædicare non timuerunt, qui vt nomen eius denegarent, nec minis, nec tormentis, nec cædibus compelli potuerunt. Verè quippe beatitudinis in Christo spe firmati tyrannis fortiores erant, occidi poterant, cogi ne Christum confiterentur non poterant. Felices nunc hi, qui vt qualem possunt pro beneficiis deo gratiam referant, Christo seruiunt, Christum adorant, de Christo die ac nocte cogitant, Christi præcepta totis viribus exequi contendunt, & contemptis terrenæ luxuriæ deliciis, post eum currere nunquam desistūt. Sed ne solos Iudæos accusasse videamur, nostrorum quoque in Christum infidelitas (vt alia delicta prætermittantur) in medium veniat, non tam quæ modo sit, quàm quæ olim fuerit, & vera assertione victa desierit.

*De ingratitudine hæreticorum & Iudææ proditoris. Cap. 10.*

**C**VM enim nullum mendaciū diu stare possit, quia nihil firmi, nihil solidi habet, in quo innitatur, omnis

omnis falsa religio paulatim euanescat necesse est. Itaque iam pridē defecit ille diaboli fraude inductus deorum cultus. Vnus autem deus etiam ab illis inuocatur, qui Christum ignorāt. Defecerūt & hæreses, licet falsa veris mixta in se haberent, nihilominus quæ vera erāt, manent : quæ falsa, vna cum suis autoribus perierunt. Arrius ab Euangelio alienatus, impięque de trinitate sentiens, vētris profluuiio extinctus est. Olympus Arrianus, dum blasphemias in sanctam trinitatem ore sacrilego proferret, fulmine ictus, conflagrauit. Anastasius Augustus Euticetis erroribus implicatus, verbū dei in carnem mutatum, & in Christo incarnato vnam tantū esse naturā asseribat: cumq; ab hac impietate ne Hormisdæ quidem summi pontificis admonitione sollicitus recederet, ipse etiam fulmine afflatus periit. Nonne hi omnes tam infelici fine consumpti testantur, nemini tutum esse Euangelicæ veritati vlla in parte derogare, & ab ecclesia Christi quicquam vel minimum dissentire velle? Sola quidem adhuc Mahumetana hæresis extat, & virib<sup>9</sup> aucta, sequit in Christianos, vt qui Christi sunt, calamitatum patientia probentur, donec & illa sua corruat impietate ac dissoluatur: Quemadmodū autem Iudæorū olim fuit in deum ingratitudo ad idola conuerti, ita nunc nostrorum par flagitium erit, de Christo parū piē sentire. Quod si tam ingrati sint, qui solo errore delinquant, quid de te dicam perfide Iuda? quibus verbis tuam accusem ingratitudinem, quæ maior est quàm vt fando exprimi queat : Non solum quæ vera rectæque erāt, quæ salutaria, quæ sancta, quæ perfecta, à magistro ac domino tuo didiceras, verum etiam in consortium ascitus fueras apostolorum, & tanquam cæteris fidelior apostolicæ familiæ oconomus factus, & loculos habens, vt quæ omnibus offerebantur, solus dispensares : at tu (proh nefas) tantorum beneficiorum prorsus immemor, & pecuniæ cupiditate superatus,

vt XXX.

Arrius.  
Olympus  
Anastasius  
Augustus

Mahumetus.

Iudas.

vt XXX. argenteos acciperes, dominū in mortem tradidisti. Vicisti tuo parricidio Iudæorum ingratitude: bonum quod acceperant illi, commune cum aliis erat, tu speciali priuilegio dotatus, tu in ordinem præcipuorum Christi comitum vocatus, tu singulari quodam honore præditus, in tantam excidisti dementiam, vt eius proditor fieres, cuius fueras discipulus, vt eū crucifigendum inimicis offerres, cuius eras natura famulus, beneficio socius, dilectione frater, promissione coheres, non terreni patrimonij, sed cœlestis. Nunquid te cum cœnaret, à mensa repulit, cum sacramentū corporis & sanguinis sui discumbentibus porrigeret, præterit: cum iisdem pedes lauaret, nunquid nō se ad tuos inclinauit? nunquid cum amplecti eum velles, resistit? cum osculum offerres, faciem auertit? Omnia quidem ille tanquam sibi charissimo indulgit, sed tu omnium oblitus, tanquam hosti insidiabaris, tanquam seruum vendebas, tanquam parricidam in manus perdere uolentium dabas. Porro tam cruenti facinoris, postquam ille crucifixus est, iam & ipse conscius, peccasse te fatebaris, argenteos quos acceperas, proiiciebas. Pœnitebat te quidem commissi sacrilegij, sed veniæ spe destitutus, doloreque superatus, laqueo collum tuum confregisti, & pendens diruptis visceribus, effluentibusque intestinis infelicem animam emisisti. O dirum & crudele mortis genus, nequitiae tamen tuæ conueniens, tuaque impietate dignum, non magis quia iustum vendideris, quam quod de misericordis misericordia desperaueris. Vtrumque sanè inter crimina grauissimum ac nescio quod maius, nisi quod alterum remitti poterat, si alterum remissionis impetrandæ aditum non præclusisset. Eo igitur tua te perduxit in dominum ingratitude, vt pro grauissimis criminibus grauissimas quoque pœnas dare credaris in inferno, quo corruisti. Nunc tu his quidem suppliciis terres nos, ne  
quid

quid finistrum de Salvatore nostro sentiēdo ingrati sumus, & tuis flagitiis ostendis cōtrarias illis actiones ad gratitudinem pertinere. Gratus itaque erga dominum ac redemptorem suum erit, qui non pecuniam ipso, sed ipsum pecunia chariorē habuerit, nihil cum ipso simulauerit, nihil in ipsum impiē neq; cogitauerit, neq; fecerit, & nunq̄ de clemētia dei diffusus, omnē salutis suæ spem in ipso itam fixamque semper esse curauerit, & tandem mori potius quàm deo peccare optauerit. Atq; hæc hæctenus, nūc autem ad reliquas charitatis partes descendere statuens, arbitror non minimam, sed præcipuam potius esse cum benè viuēdi præcepta didiceris, operam dare vt alios doceas. Igitur prius de illius qui docere vult officio differemus, deinde videbimus quantum iuuat, si adsit qui doceat, & quantū noceat, si absit.

*De officio catholici prædicato-  
ris. Cap. II.*

**D**ocere in ecclesia episcopi officium est, & illorum sacerdotum, qui præsidis autoritate probati sunt. Iosaphat Hierosolymarū rex Leuitas missus dicitur & sacerdotes, vt peragrandō vrbes Iudææ instruerent populum præceptis legis. Christus vt gentibus euangelium prædicarent, apostolos, quos ipse instituerat, destinauit. Euntes, inquit, in mundum vniuersum prædicate euangelium omni creaturæ. Veruntamen qui apostolico isto fungi voluerit munere, eruditione ac virtutibus præstare debet. Alioquin si indoctus fuerit, facile in errorem labetur, & quorum conscientiam curare volet, magis cōsauciabit. Discat igitur prius, & postea doceat, & quod verbis docuerit, opesibus cōprobet. Sic egisse dicitur Esdras sacerdos, cū ad reparandam Hierosolymā ab Artaxerxe dimissus redisset. Ita enim scriptum de illo legimus: Esdras autē parauit cor suum

2. Para. 17.

1. Esdr. 1.



sum vt inuestigaret legem domini, & faceret, & doce-  
ret. Et apostoli antè spiritu sancto replètur, deinde præ-  
dicationis officio fungi iussi sunt. Porro, quod aliis præ-  
cipiendo edificabant, ne aliter agendo destruerent, id  
etiam ipsi præstare studuerunt, non minus exemplo do-  
centes, quàm sermone. Nam impudens admodum præ-  
sumptio est, hoc alios monere, quod ipse non facias, im-  
ponere aliis onera grania, quibus ipse dorsum non sup-  
posueris. Aut quomò potest aliquis alios reprehendere  
his de rebus, quas facere se non ignorat. Turpissimū est  
profectò, cum in corripientem culpa retorquetur, cum  
quis in quo alterum accusat, seipsum damnat. Sic igitur  
viue, vt præcipis, & ad verba mores confer, & sanas  
curationem ægris adhibe ne cum rubore audias: Medi-  
cè, cura teipsum. Vobis qui in ecclesia dei ad populum  
daclamatis, per Isaiam est dictum: Exaltate vocem, le-  
nate manum, vt videlicet voci manus consonet, & præ-  
ceptis respondeant opera. Quia qui fecerit & docuerit  
sic, hic magnus vocabitur in regno cœlorū. Is demum  
aliorum delicta efficaciter arguit, in quo non inueni-  
tur, quod alij redarguant. Sit ergo mitis atque submis-  
sus, qui humilitatem docet: recedat ab iracundia, qui  
patientiam suadet. Castitatem illāsam seruet, qui stu-  
pra adulteria que detestatur. Nihil improbè agat, qui  
docet iustitiam, & inuehitur in vitia. Denique cum Sa-  
maritana relinquat hydriam mundanæ vanitatis, qui  
paratus est populo Euangelizare Iesum. Caueat quoq;  
ne lucri gratia prædicet, siue gloriæ ab hominibus ca-  
ptandæ. Non terrenum lucrum spiritualibus quærendū  
est disciplinis, sed cœleste. Gratis accepistis, inquit do-  
minus, gratis date. Eos autem, qui in templo vendūt co-  
lumbas, hoc est, dona spiritus sancti, eiicit flagello, vt si-  
delium cōsortio indignos. Et non est domus dei, inquit,  
domus negotiationis, sed orationis. Quid ergo: nihil  
ne accipere oportet: imò oportet, sed quantum necessi-  
tas possu-

Isaiæ. 13.

Matth. 10.

Ioan. 2.

tas postulauerit. Dignus est, inquit, operarius cibo suo, Mat. 10.  
 & in lege dicitur: Non alligabis os boui trituranti, vt Deut. 25.  
 videlicet & ipse de tritura sua pascatur & viuatur, seque  
 sustentet. Ne quid autē vltra quā quod satis est quæ-  
 ras, ipse doctorum ecclesiæ princeps Paulus ait: Habentes alimēta & quibus tegamur, his contenti simus. Vi-  
 tanda est etiam humanæ laudis captatio, ne pro la-  
 bore doctrinæ, laudem quæ à deo est, amittam⁹, ad hæc  
 ne illi quidem rectè, qui ecclesiastici doctoris officium  
 professi, dimisso Euangelio, quæstionibus nihil ad rem  
 pertinentibus occupari solent, qui syllogismos enthy-  
 nemataque proponendo philosophantur, vel poëta-  
 rum figmenta decantant, vel explicandis gentilium hi-  
 storiis immorantur, vel de coelestium motu syderumq;  
 naturis disputant, non quærentes quod salutem conferat  
 animarum, sed quod auditorum aures demulceat atque  
 delectet. Hi certè à domino audient: Omnia opera sua Mat. 23.  
 faciunt vt videantur ab hominibus, plausum enim vul-  
 gi quærunt, & docti dici quā sancti malunt, nec vidēt  
 quod callidis diaboli suggestionib⁹ supra pinnaculum  
 templi statuantur, vt quo altius ascenderint, grauius  
 elidantur cum ceciderint, quid tu ingenium iactas, aut  
 rerum multarum cognitionem ostentas, qui non ex his  
 quidem, sed ex operibus iudicaris? Magis deo placet san-  
 cti rusticitas, quā peccatoris hominum ore laudata  
 scientia. Non ergo attendat doctor, quid auditores de-  
 lectet audire, sed quid se deceat loqui, nec se putet in  
 theatro esse, vt cum fabulam peregerit, astantium plu-  
 su excipiat, sed in ecclesia dei, vt postquam piis admo-  
 nitionibus eos qui libenter audiunt iuuerit à domino  
 capiet mercedem gloriæ sempiternæ. Impiigrum quo-  
 que ac sollicitum esse decet salutiferæ institutionis do-  
 ctorem. Circuibat Iesus (vt Euangelistæ tradunt) totam Matt. 4.  
 Galilæam, docens in synagogis eorum, & prædicās euāgē-  
 gelium regni. Et alibi dicitur: Erat quotidie docens in  
 templo.

FF

templo.

- Roma.15. tēplo. Intuere præterea indefessam apostoli eius in prædicando curam. Scribens ad Romanos, affirmat quod ab Hierosolymis per circuitum vsq; ad Illyricum omnia repleuerit prædicationibus euangelij Christi, & neque persecutionibus deterretur, nec victus defessit,
2. Tim. 4. in Euangelio se laborare dicens vsque ad vincula. Vide etiam quàm anxie opus hoc Timotheo discipulo iniungat, cum ait: Prædica verbum, in sta opportune, importune, argue, obsecra, increpa in omni patientia & doctrina, vt videlicet impleatur, quod in Isaia de Apostolis & ecclesiæ doctõribus prædictum fuerat: Super muros tuos Hierusalem constitui custodes, & tota die, & tota nocte perpetuo non tacebunt. Sed etiam ipsi prophetæ fuit olim à domino iussu dicente: Clama, ne cesses, quasi tuba exalta vocem tuam, & annuncia populo meo scelera eorũ. Tãto enim diligentius instandũ est doctrinæ salutari, quanto peccantibus maius imminet periculum salutis. Nec semel aut iterum admonendi tibi erunt, sed toties, donec cum psalmista dicere possis, Laboravi clamans, rauce factæ sunt fauces meæ. Magno autem animo verbum domini prædicandum est, neque ob præsentiam potentiorum subterfieri debet veritas, dum vitia reprehenduntur. Gloriatur David coram domino dicens, Loquebar de testimoniis tuis in conspectu regum, & non confundebar. Et in Isaia euangelico doctõri præcipitur, Super montem excelsum ascende tu qui euangelizas Sion, noli timere Ionas propheta prædicare iussus, dum homines timet, deo volebat obedire, & cum navi fugeret, orta tempestate in mare præcipitatur, atque à pisce viuus deglutitur. Satius illi tunc fuerat, incidere in manus hominum, quàm nõ obedisse deo viuenti. Ieremias verò ipsius domini verbis animatur ad prædicandum, dicentis: Tu ergo accinge lumbos tuos, & surge, & loquere ad eos omnia quæ ego præcipio tibi, ne timeas à facie eorum: nec enim timere
- Isa. 16.
- Isa. 6.
- Isa. 58.
- Psal. 68.
- Psal. 118.
- Isa. 40.
- Ionę.
- Iere. 1.

mere te faciem vultum eorum. Non timuit Ioannes arguere Herodem regem, vt ostenderet non esse timēdos qui occidunt corpus: sed vnum illum, qui corpus & animam simul potest mittere in gehennā. Apostoli ac martyres domini, ne Christum prædicarēt, nec minis principum deterreri, nec tormentis inhiberi potuerunt. Qui enim confidit in domino, sicut mons Sion, non commouebitur in æternum. Paulus cum esset Corinthi, per visionem nocturnā audiuit Christū sibi dicentē: Noli timere, sed loquere, & ne taceas, propter quod & ego sum tecum, & nemo apponetur tibi, vt noceat te. Proteget igitur verbi sui prædicatores deus, donec docendi munus impleant, & cum impleuerint, occidi permittit vt coronet.

Iohannes  
Baptista.  
Mat. 14.

Acto. 18.

## Quid potissime prædicandum sit.

Cap.

12.

**P**Rædicandum autem est Euangelium, danda pie viuendi præcepta, differendum de beatorum gloria, quatenus fieri potest, poenæque damnatorum, vt peccatores ad poenitentiam excitentur, iusti ad perseverantiam. Ad apostolos ait Saluator: Prædicate euangelium omni creaturæ. Et de ipsomet in Luca legim⁹, quod iter faciebat per ciuitates & castella, prædicans & euangelizans regnum dei. Hoc idem regnum discipulos iussit nunciare, cum ait: Dicite illis, quia appropinquabit in vos regnum dei. Idem in plurimis quidem Euangelij locis & tenebras commemorat, & gehennam, & tormentorum locum, & vermem immortalem, & ignem æternum. Poenitentiam etiam prædicauit, dicens: Agite poenitentiam, & appropinquabit regnum cælorum. De discipulis quoque dicitur: Exeuntes prædicabant vt poenitentiam agerent. Ad eos autem qui non indigent poenitentia, est dictum: Qui perseverauerit.

Mar. 16.  
Luc. 8.

Idem. 10.

Matth. 4.  
Mat. 10.

FF ij vsque

1. Co. 2.

vsque in finem hic saluus erit. Præuaricator non prædicator est, qui ab his discedens aliqua superflua & nihil profutura docet, multa se nosse ostentans. Quid autem prodest multa scire, & deum nescire? Doctor gentium Paulus, missum se dixit euangelizare non in sapientia verbi, ut non euacuetur crux Christi. Nō iudicauit, inquit, me scire aliquid inter vos, nisi Iesum Christū & hunc crucifixum. Utque doceret aliam esse sapientiam carnis, aliam spiritus ait: Sapientiam autem loquimur inter perfectos, sapientiam verò non huius seculi, neque principum huius seculi, quæ destruuntur, sed loquimur dei sapientiam in mysterio, quæ abscondita est. Idcirco sanè & Timotheo discipulo ad prædicandum destinato. Formam habe, inquit, sanorum verborū, quæ à me audisti, in fide & dilectione, in Christo Iesu. Et ad Titum: Tu autem loquere quæ decent sanam doctrinam. Non enim sana, sed læguens & infirma est doctrina, quæ piè sanctèque viuendi studio nihil omnino cōfert. Mortifera verò & detestabilis, quæ peruertere nōitur veritatem humanæ philosophiæ argutiis. Audi præterea quid tibi sapientiæ antistes Salomon præcipiat, dicēs:

2. Tim. 1.

Tit. 2.

Prover. 24.

Erue eos qui ducuntur ad mortem, & qui trahuntur ad interitum, liberare ne cesses. Obseruare quoque debet vitæ spiritualis institutor & doctor, qui de thesauro cordis sui profert noua & vetera, ut quicquid ex libris diuinis recitauerit, non secundum literam occidentem illud interpretetur, sed secundum spiritum viuificantē. Sciat aperire sensus verborum ambage velatos, & in medium proferre, & auditorem emolumenta cōuvertere, ut sunt visa dicta que prophetarum & ceremoniarū ritus ac sacrificiorum, quæ si spiritaliter & per tropologiam non intelligantur, similia deliramenti annilibus erunt. Ideò autem in Leuitico animalia quæ ruminant & ungulā diuidunt, mūda sunt: quia utiq; isruminare videtur, qui in lege domini meditatur die ac nocte, &

Leui. 11.

& tunc ungulam diuidit, cū mysticum sensum à li-  
 terali intelligētia separat. Horum igitur scientiam il-  
 le qui populum docet, habeat: vt mundum cibum esu-  
 rientibus offerre queat, & mentes ad audientū intentas  
 alere verbo salutis. Cæterum, meminerit eos lacte alen-  
 dos esse, id est, moralibus duntaxat præceptis instru-  
 endos, qui proficere incipiunt, solidum autem cibum p-  
 fectorum esse & ad altiora nitentium. His mysterio-  
 rum ardua explananda erunt, ut ad concupiscenda cœ-  
 lestia magis inardescant, dum diuini eloquij arcana mi-  
 rantur. Sic dominus noster montem ascendens docuit Matt. 5.  
 discipulos, tanquam sublimioris disciplinæ iam capa-  
 ces. Descendisse autem de monte dicitur, quando cum Mat. 8.  
 turba fuit loquendum. Hoc illud est quod in Psalmo le-  
 gimus: Ascendunt montes & descendunt campi in locū  
 quem fundasti eis. Montes erant, quibus dictum est: Vo-  
 bis datū est nosse mysterium regni dei. Campi verò de-  
 scendentes, ad quos dicit Apostolus. Facti estis quibus la-  
 cte opus est, non solido cibo. Sicut igitur cuique conue-  
 nerit, ita doceatur vt omnes salui fiant, semper tamen  
 cauendum est, ne rudis interpres declamet in eccle-  
 sia. Malè enim exponens dicta scripturarum, periculum  
 est, ne & ipse in errorem incidat, & alios inducat, quòd  
 si (vt dicitur) cæcus cæco dux fuerit, ambo in foueam  
 cadent. Hoc Apostolus Galatis, quos ipse docuerat, me-  
 tuens ait: Licet nos aut angelus de cœlo euangelizet vo-  
 bis, præterquàm quòd euangelizauimus vobis, anathe-  
 ma sit. Indocto itaque filere multo satius est, & sua sim-  
 plicitate contentum esse: quàm docti officium vsurpa-  
 re, & docere velle quod non didicit, aut loqui quod ne-  
 scit, cum periculo suo aliorum quæ salutis. Plerique ta-  
 men post eorum qui commendantur sermones læstitan-  
 do edidicerint, confidenter prædicant. Tolerandos pu-  
 to, dummodo aliquid vltra non præsumant. Sed verē-  
 dum est, ne post hæc auditorum palpatione deliniti, se-

FF iij

esse magistros arbitrentur, cùm non fuerint discipuli, & aliquid vel addant arroganter, vel mutet inconsulte, vel subtrahant licenter. Multi me laudant, inquiet aliquis. Noli multitudini credere. Certius paucorum iudicium est, qui in se habent, quod in alio laudant. Illud nempè pictoris optimum est opus, quod pictores commendant, non quod variis fucatum coloribus coriarij mirantur. Tunc ergo vulgi de tua eruditione opinionibus fidem adhibe, cum idem senserint & periti.

*Qui prætermittendi, & qui docendi, & qualiter corripiendi.*

Cap.

13.

**A**B illis verò, quorum nulla speratur correctio, qui cum Pharaone obdurerunt, auertenda verbi diuini prædicatio est. Apostoli Iudæorum obstinatione offensi, dixerunt. Vobis oportebat primum loqui verbum dei, sed quoniam repellitis illud, & indignos vos iudicatis æternæ vitæ, ecce conuertimur ad gentes. Sic enim nobis præcepit dominus. Ac ne aliter illum præcepisse credas quàm egisse, nullum omnino Pilato dedit responsum, cùm ab eo quid esset veritas interrogaretur: quia veritatis inimicus, de veritate sermonem audire indignus erat. Ideò Paulus & Barnabas (vt in Actis Apostolorum legitur) prohibiti sunt à spiritu sancto loqui verbum in Asia. Non sunt igitur mittendæ euangelij margaritæ ante porcos, ne conculcent eas pedibus. Iniuriam sibi ipsi facit, inquit Salomon, qui erudit derisorem, & qui impium arguit, sibi maculam generat. & iterum ait. In auribus insipientium ne loquaris, quia despicient doctrinam eloquij tui. Et fortasse non leuiter peccat, qui diuina mysteria ibi loquitur,

vbj

Actu. 13.

Actu. 16.

Prou. 9.

Prou. 123.

Psal. 118.

Ezech. 32.

Prou. 11.

Isai. 6

1. Cor. 9.

Isai. 58.

Eze. 16.

1. Cor. 4.

vbi non est auditus, dicite propheta: In corde meo abscondi eloquia tua, vt non peccem tibi. Illos verò qui libenter audiunt, & vitæ præceptis erudiri affectant, nolle docere cùm didiceris impium est. Cur talentum tibi à domino ad negotiandum creditum abscondis in terra ferue nequam? Cur otio deditus nihil facis lucri? quam rationem reddes, cùm ad illum vacuus redieris? Pastorem te dominus gregi suo præfecit, vides lupum venientem, & fugis: vides diaboli fraudibus ac dolo multorum corda subuerti, & negligis: ciuium tuorum suffodi spirituales domos intueris, & taces canis mutus nō valens, imò nolens latrare. Speculatorem dedi te domui Israël, inquit dominus, audiens ergo ex ore meo sermonem annuntiabis eis ex me. Si me dicente ad impium: Impie, morte morieris, non fueris locutus, vt se custodiat impius à via sua, ipse impius in iniquitate sua morietur, sanguinem autem eius de manu tua requiram. Abs te ergo requiretur perditæ ouis ratio, & negligis? Plebs tibi commissa, famem non panis, sed audiendi verbum dei patitur, & tu suppressis vitæ pabulū: nec attēdis quod scriptum est: Qui absconderit frumenta, maledicetur in populis, benedictio autem super caput vendentium? Dolet Isaias quòd regem impium Oziam nō corripuerit. Et vā mihi (inquit) quia tacui. Apostolus quoque. Vē mihi est, si non euangelizauero. At tu otiosus oscitas, & nec maledictione territus, nec benedictione illectus, ad docendum inclinaris. Expergiscere tandem, aperi os tuum populo, lucrare domino, docendo, increpando, exhortando. Hoc fecit Christus, hoc Apostoli, hoc officium Episcopi est, quem te esse profiteris: Tibi dictum puta, quod per Isaiam dicitur: Quasi tuba exalta vocem tuā, & annūcia populo meo scelera eorū: vel quod ad Ezechielem: Notas fac Hierusalem abominationes suas. Duriore acerbius tibi increpandi sunt, iā ad pœnitudinem inclinati, mollius: Corinthios interro-

FF iijj

gat



Gala. 6.

Psal. 141.

gat Apost. Quid vultis (inquit) in virga veniam ad vos, an in charitate & spiritu mansuetudinis! Ita autem moderanda correptio est, vt & mordeat peccatorem, & spe veniæ consoletur, ne ille abundantiori tristitia absorbeat. Fragilitatis tuæ memor, aliorum infirmitatibus medere, & ad mentem reuoca præceptum Apostoli dicentis: Si præoccupatus fuerit homo in aliquo delicto, vos qui spirituales estis, instruite huiusmodi in spiritu mansuetudinis, considerans teipsum ne & tu teteris. Hoc est, quod optat sibi Psalmista, dicens: Corripiet me iustus in misericordia, & increpabit me. Optimum in pside temperamentum est, miseratione cum iustitia. Misericordia enim sine iustitia, peccandi præstat audaciam. Iustitia sine miseratione, instar crudelitatis est, altera alterius ope indiget, vt correptio ipsa & corripientem comendet, & emendet peccantem.

*Vt prædicator ab adulatione procul sit, & prædicandi tempora obseruet. Cap. 14.*

Exod. 34.

Gala. 1.

**A**B assentatione autem procul abesse peccatorum castigatorem decet, vt nihil ad gratiam audientium dicat, sed ad profectum optimique medici more vtatur, adhibens vulneribus, curationem, non quæ delectet malè affectum, sed quæ sanet. Vetat lex hæc dū coquere in lacte matris suæ, hoc est, peccatorem blanditiis fouere. Non debes quærere tu qui prædicatoris officio fungeris, vt hominibus placeas, sed vt homines ad deum dirigas. Audi Apostolum dicentem: Si hominibus placerem, Christi seruus non essem. In eo placeas hominibus, in quo places deo. Alioqui non dei, sed hominum eris seruus. Multo melius est veris offendere, quàm placere adulando: & malum incusare, vt corrigatur, quàm diffi-

diffimulare vt inualeſcat. Tempus etiam prædicationi  
 cōgruū quærat: nō ſēp ſeculi hominibus prædicationes  
 vacat audire Oportet igitur vt fidelis ſeruus & pru- Luc. 12.  
 dens, quem conſtituit dominus ſuper familiam ſuam,  
 det illi in tempore tritici menſuram. Vbi obſeruandū  
 eſt, quòd non ſolū tempore apto opus ſit, vt data pro-  
 ſint, ſed etiam menſura, vt neque plus neque minus di-  
 catur, quā necesse fuerit. Accommodatiſſima autem  
 huic negotio tempora erunt, ieiuniorum dies, qui ante  
 feſtum dominicæ natiuitatis, dominicæque reſurre-  
 ctionis ſolennes habentur. Tunc tempus acceptabile,  
 tunc dies ſalutis, tunc meſſis tempora ſunt, in quibus  
 plus frugis colligi ſolet. Et qui congregat in meſſe ( vt Proue. 10.  
 in Prouerbiis dicitur) filius ſapiens eſt. Si quando alias  
 contigerit, vt vel ad ſupplicandum vel ad pœnitendum  
 plebem exhortari opus erit, vel ad ſedandas ciuium in-  
 ter ſe ſeditiones odiaque tollenda, tunc quoque prædi-  
 cationibus erit inſiſtendū, vt in radice reprimatur ma-  
 lum ne pullulet, & in mortem multorum fructificetur.

## *De prædicantium meritis.*

### *Cap. 15.*

**Q**uiſquis in his quæ dicta ſunt, diuinæ laudis gra-  
 tia ſalutisque proximorum ſeſe pro viribus exer-  
 cuerit, multa quidem in terra, ſed plurima in cœ-  
 lo beneficia conſequetur. Spiritu ſancto illuminabitur,  
 ſcientiæ capiet incrementum, vim inſuadendo diſſua-  
 dendoque acquireret. Siquidē ipſe vnus in trinitate deus,  
 hoc viſibiliter apparere fecit in Apoſtoliſ, quod poſtea  
 in eorum, ſucceſſores operaturus erat inuiſibiliter. Vi-  
 ſæ ſunt ſupra illos, qui ad euangelizandum mittendi  
 erant, igneæ linguæ, & ipſi repleti ſpiritu ſancto cœpe-  
 runt loqui (vt Lucas inquit) variis linguis, prout ſpiri-  
 tuſ ſanctus dabat eloqui illis. Tu quoque ô ſacerdos, qui  
 & an-

Mat. 10.

Psal. 93.

2. Cor. 13.

Psal. 67.

& antè vt disceres quæ D E I sunt , omnem curam operamque adhibuisti , & postea vt doceres , synce- ro corde feruentique in D E V Mac proximos cha- ritate pulpitem incendisti , si sapienter , si egre- gie , si efficaciter verba feceris , nihil tibi arroges , nihil tuo vel ingenio vel studio plaudas , totum hoc spiritus sancti gratia est , totum donum D E I est. Non vos estis , inquit , qui loquimini , sed spiritus patris vestri qui loquitur in vobis. Hoc si habes , iam certis- sima futuræ beatitudinis spe oppignoratus es , iam beatus dici meruisti , iuxta illud Psalmistæ : Beatus homo quem tu erudieris domine , & de lege tua do- cueris eum . Sic se eruditum confitebatur P A V- L V S , licet multa à Gamalièle didicisset , cùm diceret : An experimentum eius queritis qui in me loquitur C H R I S T V S : Excusabat immaturam ætatem Ieremias ad populum loqui iussus , imparem- que se huic rei asseuerabat , quando tetigit os eius do- minus , dicens : Ecce ego dedi verba mea in ore tuo , ecce ego constitui te hodie super gentes & super re- gna vt euellas & destruas & disperdas & dissipas & ædifices , & plantes . Tu quoque si tuis sermonibus anelli videris vitia , & virtutes plantari in cordibus eorum quos doces , contactum à spiritu sancto os tu- um esse scias , & de labiis tuis non tua , sed D E I ver- ba processisse . D E V S est qui aperuit os mutorum , & linguas infantium fecit disertas : D E V S est cuius vox in virtute & in magnificentia , superborum ce- dros confringens , & humilibus præstans gratiam . Vox ista euangelicæ prædicationis est , arrogantes de- sistuit , & in D E O tantum confidentibus se commo- dat , ita vt interdum qui minus eruditus est , efficaciâ in dicendo habeat , magisque satisfaciât prudenti au- ditori . Sic enim per prophetam dicitur : Dominus dabit

dabit verbum euangelizantibus virtute multa. Igitur quemadmodum virtus ista, vt in Euangelio est dictum de Salvatore nostro exhibat, & ægros per tactum vestimentorum eius curabat, ita peccator fidelis ac sancti doctoris voce in intima cordis contactus ad pœnitentiam operaque virtutis conuertetur, & animæ suæ languorem conualuisse sentiet, occulta spiritus sancti medicatione. Prædicator quippe medicus animarum est, & cùm in homine nihil preciosius habeatur anima ipsa, præstantissimum diuinæ liberalitatis donum est, animæ languoribus succurrere scire, & vineæ manu DE I confitæ operarium, atque in multam messiem mitti, à domino messis, vt frugem colligas in horreis cœlestibus reponendam. Magnificum est mensæ diuinæ esse conuiuam, sed magnificentius ab ipso mensæ domino dignum iudicari, vt sis conuiuarum inuitator, & ad sponsi nuptias conuocator multorum atque collector. Cui hoc fuerit concessum, dici de illo poterit, quod de Iohanne Baptista fuit dictum: Et tu puer propheta altissimi Lucæ. 1. vocaberis, præbis enim ante faciem domini parare vias eius, ad dandam scientiam salutis plebi eius in remissionem peccatorum eorum. Propheta enim altissimi, sacrarum interpret scripturarum est, qui tunc quidem ad cor audientium parat viam domino, cùm illi verbis eius edocti, à peccatis per pœnitentiam purgantur, & virtuti studere incipiunt. Eisdem conuenient laudes illæ quæ Apostolis à domino datæ sunt, dicente: Vos estis sal terræ. Verè enim sal terræ est, cuius præceptis humana mens conditur, ne corrumpatur contagione vitiorum & contabescat. Vos estis lux mundi. Lux mundi est, cuius Matth. 5. verbis & exemplo fungantur tenebræ ignorantie alienæ,

alienæ. Ciuitas est etiam prædicator supra montem posita, omnium obiecta oculis, vt omnes ad illam concurrant, vel discendo quæ dicuntur, vel ea quæ ab eo qui docet sunt imitanda. Idem lucerna est super candelabrū, non aliter quàm ciuitas supra montem. Lucet enim omnibus qui in domo sunt, & fideles animas doctrinæ suæ fulgore illustrat, vel qualiter illustrari debeant, morū sanctitate demonstrat. Gaudete igitur omnes euangelicæ disciplinæ doctores, de vobis ista memorantur, non de philosophis, non de oratoribus, non de poetis. Nulla in illis veræ lucis lux fuit, qui Christum ignorarunt: Vobis data est potestas, quam illi non habuerunt, curandi infirmos, eiiciendi dæmonia, mortuos suscitandi. Infirmitas enim curatis, quoties eos qui erant, in viam veritatis dirigitis: dæmonia expellitis, cum eos qui per peccatum diaboli domicilium erant ad poenitentiam vestris exhortationibus conuersos Christo restituitis: mortuos ad vitam reuocatis, cum de scelerū sepulchro iam fœtentes, diuinæ misericordiæ magnitudinem proponendo, ad veniæ spem erigitis, & vt in deo viuere incipiant authores estis. At verò illi scientiæ gentilis professores, quomodo infirmos curarent, cum ipsi infirmi essent, diuersa inter se sentientes: quomodo demones eiicerent, ipsi dæmonum cultores, quos pro diis habuerunt: Quomodo mortuos reuiuiscere facerent, cū Christum, qui vita est, nescierint? Nōne vos illis doctiores estis, quos non homo, sed deus erudiuit, quos Dei filius, qui summa veritas est instruxit? De vestra certè non de illorum doctrina est dictum: Aurum & multitudo gemmarum & vas preciosum labia scientiæ. Nihil enim ea scientia charius, nihil pulchrius, quæ de ore fidelis doctoris emissa viam ad immortalitatem mortalibus ostendit, & quorum operum passibus ad beatitudinem peruenitur, verissimè docet. Vos ergo venter estis de quo flumina fluunt aquæ viuæ. Vos thesaurus de quo proferruntur

Pro. 10.

runtur noua & vetera. Vos aurum quo templum veri Salomonis linitur. Vos templū dei viui, qui in vobis manēs emittit eloquium suum terræ, & per os vestrum velociter currit sermo eius. De hoc sermone est scriptum: **Prouer. 20.**

Fauus mellis verba composita, dulcedo animæ, sanitas officium. Omnis quippe sermo cœlestis, animæ fideli & iucundus est & gratus, quandoquidem & delectat multū, & virtuti studio plurimum confert. Quoties autem altiora repetitis, & mentis indagine illa quæ in mysterio condita sunt, elicitis, & in lucem profertis, vobis cōuenit quod in Prouerbiis dicitur: Aqua profunda verba ex ore viri, & torrens inundans fons scientiæ. **Prou. 18.**

Quoties verò audacter & intrepidè ī vitia inuehimini, colūnae estis firmæ fulcientes veritatem. Ob hoc Paulus Apostolus Petrum, Iacobum & Iohannem vocauit columnas, quarum stabilitamentum à domino est, quod in Psalmo de ecclesia loquens, ait: Ego confirmaui columnas eius. Ad hæc etiam montes estis, quos nulla ventorum vis concutit, nullus procellarum turbo commouet, de quibus in psalmo dicitur: Montes in circuitu eius, hoc est, ecclesiæ, & dominus in circuitu populi sui. **Psal. 124. Eccl. 11.**

Quid ultra dicam: Vos plenæ illæ nubes estis, de quibus ecclesiastes ait: Si repletæ fuerint nubes, imbrem super terrā effundent. Sapientia enim repleti diuina, non cessatis præceptis pluuere doctrinarum. Vos estis cœlum late resonans, tonitru fidelium eloquiorum, de quo in Psalmo prædictum fuit: Intonuit de cœlo dominus. Et in alio psalmo, Annuntiabunt cœli iustitiam eius. Et rursus in alio: Cœli enarrant gloriam dei. Vos denique non solum montes vel nubes vel cœli, sed quæ omnium nobilissima creatura est, angeli dei estis, non naturæ cōmercio, sed officij dignitate. Nuncius dei angelus est, nuncij dei sancti prædicatores sunt. Vnde sicut de Iohāne Baptista in Malachia dixit deus: Ecce ego mitto angelum meum, qui præparabit viam ante faciem meam, ita & vobis **Mal. 3.**

Apoc.2.

vobis dicitur : Parate viam domino. In Apocalypsi etiā ecclesiarum præfecti, quos nos episcopos dicimus, angeli appellantur. Ille autem verius angelus est, qui sua doctrina ædificat ecclesiam, quàm qui ecclesię tantum præses est, & docēdi laborem otio superatus fugit. Plaudant igitur sibi, qui aurum argentumque lucrantur, qui magnum pecuniarum quæstum faciunt, qui vrbes expugnant & regna suo subdunt imperio. Vos animas domino lucramini quibus nihil est preciosius, nihil in natura humana excellentius, vos ergo melius, qui muros Hierusalē ædificatis, qui ad cœlestem patriam exules reuocatis, vt cū illis, imò & super illos regnetis. Vos enim constituet domin⁹ super familiam suam, & super omnia bona sua. Tunc perpetui reges æterniq; domini eritis omnium illorum, quos vestris prædicationibus, vestraque doctrina conuersos, de terra ad cœlū trāsigrare contigerit. Et tūc demū Christus vester, rex regū & dominus dominantium erit, cū vos aliis præesse iusserit, tribulos vel chiliarchas animarum, quas ei lucrati estis, constituens.

*De prædicantium beatitudine.*

Cap.

I 6.

Isa. 52.

Iohan. 4.

**S**Vmite igitur calceamenta in pedibus ad præparationem Euangelij, vt cū cœlestia prædicaueritis, terrena nō cōtingatis, & de vobis dici queat. Quàm pulchri pedes annūtiatiū & prædicantiū pacē, & annūtiantium bonū. Excitet vos dei amor, proximorū charitas promissaque vobis beatitudinis merces. Qui enim fecerit, & docuerit sic, magnus vocabitur in regno cœlorum. Et qui metit, mercedē accipit, & cōgregat fructū in vitā æternā. Et qui talētis domini toti dē alia lucratus fuerat, dixit dominus: Euge serue bone & fidelis quia sup pauca fuisti fidelis, sup multa te cōstitui, intra in gaudium domini tui. Talenta quæ ad negotiandum dantur,

dantur, scientia spiritalis est, talenta verò quæ superlu-  
 crantur, opera sunt tum nostra secundum scientiæ do- Matth. 4.  
 num facta, tum eorum quos docendo & exhortando vt  
 eadem facerent, alleximus. In Isaiâ etiam beatos vocat Isaiâ. 32.  
 dominus doctrinæ sanctæ dispensatores. Beati, inquit,  
 qui seminatis super omnes aquas, immittentes pedem Deut. 22.  
 bouis & asini, hoc est, Iudæi & gentilis, quod quidem ad  
 Euâgelij tempora pertinet. Antehac enim lex vetabat  
 arare in boue & asino simul. Dominus quoque aposto-  
 lis præceperat: In viam gentium ne abieritis. Nunc au-  
 tem seminatur super omnes aquas, pes bouis & asini  
 simul immittitur, postquâ ipse dominus asinam solui  
 iussit, & asino infidens ingressus est ciuitatem; manda-  
 nitque Euangelium omnibus vbique gentibus prædica-  
 ri. Beati igitur erunt, qui verbi dei semen, vbicunque  
 fruct<sup>9</sup> aliquis speratur, studuerint seminare. Qui enim  
 conuerterit peccatorē (vt Iacobus apostolus ait) salua Iacobi. 5.  
 bit animam eius à morte, & operit multitudinē pecca-  
 torum. Quanti autē meriti sit, peccatorem ad pœnitē-  
 tiam inducere, & à vitio ad virtutem reuocare, ostēdit  
 dominus ad Ieremiâ, dicens: Si conuerteris conuertam  
 te, & ante faciē meâ stabis. Quæ sanè beatitudo par vi-  
 detur angelicæ felicitati, qui & stare dicuntur in cōspe-  
 ctu dei patris, & faciē eius perpetuò cernere. Atq; hæc  
 sunt bona illa ineffabilia, quæ sciētia & probitate præ-  
 ditis debentur præceptoribus, dicēte Salomone: Erudi-  
 tus in verbo reperiet bona. Dicente etiâ angelo ad Da-  
 nielem: Qui docti fuerint, fulgebūt quasi splendor fir-  
 mamenti: & qui ad iustitiâ erudiūt multos, quasi stelle  
 in perpetuas æternitates. In quo videtur maioris præ-  
 stantiæ fore illorū beatitudinē q̄ aliorū sanctorum.  
 Quandoquidē iis rebus cōparantur, quæ inter ista no-  
 stro aspectui patentia, omnium pulcherrima apparēt,  
 & terram omnem suo illustrant lumine. Ad hæc, si eos  
 in terram præ cæteris reuereri iubemur, quomodo nō  
 etiam

Prone. 6.  
Daniel. 12.



1. Timo. 3.

etiam in coelo altiore gradum honoris adipiscuntur: ait enim Apostolus: Qui benè præsumunt præbyteri, duplici honore digni habeantur, maxime qui laborant in verbo & doctrina.

*Quantum prodest habere prædicatorem.* Cap. 17

1. Re. 12.  
Ioas,

1. Esd. 10.

Prou. 13.  
Psal. 50.

**S**atis multa de officio Apostolici prædicatoris hactenus dicta sunt. Restat nunc videndum, quantum populo proficit habere sanctum atque eruditum piè iusteque viuendi præceptorem, & e contrario quantum noceat si defuerit. Præsente illo erigimur, stamus, proficimus: absente illo labi atque cadere solemus. Ioas rex Iuda, donec Ioadæ sacerdotis cõsuetudine consiliisque usus est, piè probeque vixit: illo morte sublato, ad vitia declinauit. Cæteros reges omnes, qui fidei morumque sanctitate probantur, educatos institutosque vel à sacerdotibus, vel à prophetis fuisse constat. Samuel docuit Dauidem, Nathan Salomonem, Micheas Iosaphatū, Osee Ioathanum, Isaias Ezechiam, Ieremias Iosiam, Esdras populum, ita ut illo monente repudiarent vxores, filiosque abdicarent, quia contra dei legem alienigenas acceperant, prolemque cum his multā susceperāt. Difficile fuit vxores dimittere, difficilius ex se genitos à se separare. Vtrunque tamen factum sacerdotis adhortationibus historia sacra testatur. Tantum ergo prodest idoneum habere doctorem, qui vitia increpet, & ad virtutē accēdat, ut ipso audito, etiā ea quæ incorrigibilia videntur, corrigantur: & quæ vix separari queunt, eneniāt. In Prouerbis à Salomone est dictū, Legat<sup>r</sup> fidelis, sanitas. Et iterum: Vena vitæ, os iusti. Dauid quoque in Psalmis: Docebo, inquit, iniquos vias tuas, & impij ad te conuertentur. Ille sanitas est, quo docente à peccatorum morbo grex infirmus conualefcit. Ille vena vitæ est,

est, per quem qui in peccato mortui erant, ad virtutem capeffendam viuificantur. Tunc autem impius ad deū conuertitur, cum sermonibus prædicatoris instructus, relicto errore, ad viam sese confert veritatis. Quid verbis opus est? Experimenta docent, quā sit expediens prædicationes audire. Sæpe vidimus his auditis, Iudeos baptismum poscere Christi, seculares viros ac mulieres religionis vota suscipere, & quæ perfectionis sunt, libera voce profiteri. Prædicationes igitur audiēdo, homines ex malis boni euadunt, ex bonis meliores, ex melioribus perfecti, & ex perfectis beati. Atque ita demum de terra transferuntur ad cœlum, vt fiant de mortalibus immortales, de terrenis cœlestes, & si fas est dicere, de hominibus dii. Quod si magni emolumentū res est patriam obsidione hostili liberari, inimicorum exercitus profligari, regni fines longè lateque diffundi, & ab actis tandem viribus à bellorū tumultu quiescere, tranquillique ac pacati status optata felicitate frui, nōne vtilius est, vt animæ vitiorum oppressæ iugo, in libertatem vendicentur, vt diaboli potestas virtutum profectu conteratur, vt caro seruiat spiritui, & homo ipse nō aliis, sed quod multo gloriosius est, sibi ipsi imperet, sibi que dominetur? Si enim nihil prodest homini mundum vniuersum lucrari, & animæ suæ pati detrimentum, consequens est vt animæ profectus pluri sit, quā vrbcs debellare, quā terrarum orbem sibi subdere, & omnibus quæ vbi que sunt nationibus præesse atque dominari. Adde quod multi reges ac principes, qui ab hominibus honorantur, deo exosi sint. Quicumque autem probè sancteque vixerit, siue liber, siue seruus, non potest ei non esse gratissimus quidem atque charissimus. Quid autem iuuat regnis præsidere, & ab ipso rege regum reprobari? Regnum tibi si hostis non abstulerit, certè auferet mors, quæ semper propinquior est quā creditur. Cœlestis verò beatitudinis præmium, perpetuum est

GG tuum est

tuum est & perrenne . Nullius metuet, qui illud consecutus fuerit , nullos casus formidabit, semperque felix ac beatus erit , quem semel dominus in suum receperit regnum. Et si ad tantum ac tale bonum per sanctorum doctrinam pervenitur, nulli dubium est quin super omnia conducibile sit, sanctas in ecclesia auscultate prædicationes ; & earum institutionibus in viam dirigi virtutum. Audisti quantum expedit habere vitæ institutorem, audi è diverso, quanti detrimenti sit eo carere.

*Quantum nocet prædicatorem non habere. Cap. 18.*

**M**alarum voluptatum illecebris deliniti homines, in omne nephas licenter irrudent, si nemo sit qui improbè luxuriantes eloquij viribus coercet atque moderetur, & futurorū expectatione à præsentium cura auertat, vt vel poenarū metu, vel spe præmiorum à vitiis ad virtutem transferantur. Hoc Salomon in Prouerbiis testatur, dicens: Cum propheta defecerit, dissipabitur populus. Dissipabitur itaque populus, non corporum motu, sed quod deterius est , inconstantia morum , carni magis quàm spiritui seruiendo. Neque enim fieri potest, vt sit ibi virtuti locus, vbi non est qui doceat virtutem . Hinc idem ait : Vbi non sunt boues præsepe vacuum est: vbi autem plurimæ segetes, ibi manifesta fortitudo bouis . Nam quemadmodū de labore bouum paleis ac fœno impletur præsepe , ita per studium prædicationis auditorum corda imbuuntur præceptis iustitiæ, exemplisque virtutum & fructū faciunt operando quæ didicerunt. Atque tunc bouis triturantis, cuius os vinciri lex prohibet, fortitudo apparet, cum in plebe, vbi lolium & steriles auenæ erant, bonarum actionum seges exurgit. Porrò vbi non sunt boues isti ibi præsepe, non solum vacuum est, sed etiam im-

Proue. 20.

Proue. 14.

mundum,

mundum. Tunc enim luxuriæ frena laxantur, gulæ ventri que indulgetur, tunc impudicitia amittit verecundiam, iniustitia metum, avaritia modestiam: tunc odia concipiuntur, iræ exardescunt, rixæ sæviunt, & quolibet flagitij genere liberè peccatur, cum non adest qui peccantes verbo correptionis castiget, & sermonibus doctrinæ salutaris incitet ad probitatem. Fit autè plerunque, & plebs aliqua propter scelerum magnitudinem cordisque duritiam indigna sit, cui deus mittat sui verbi doctorem. Vnde per Amos prophetā ait Mit-  
tam famem in terram, non famem panis, neque sitim  
aquæ, sed audiendi verbum domini. Itaque verendum  
est, si in ciuitate suis temporibus non affuerit euangelicæ disciplinæ prædicator, ne ad extremum vsque scelerum peruentum sit. Quod cum acciderit, nihil reliquum est, nisi vt funditus euertatur gens illa & pereat, quæ ab eo, cuius nutu cuncta sustentatur, derelicta erit. Sunt præterea qui discere quidem vellent, sed non est qui doceat: esuriunt & sitiunt iustitiam, & non inuenitur, à quo præceptis iustitiæ saturentur. Hos deplorat Ieremias, & ait: Adhæsit lingua lactantis ad palatū eius in siti. Paruuli petierunt panem, & non erat qui frangeret eis. Hi certè miseratione digni, quia dum bonis exaturari cupiunt, malis quomodo sciunt, abstinēt. Ne quem autem scrupulum patiantur erroris, orādum est vt mittat dominus operarios in messē suā. Quicquid interim patiūtur, pastorum culpa sit, qui præiunt ecclesius, & dum seipsos pascunt, gregis esurientis periculum negligunt. Quod si eorū incuria ouis aliqua perierit, sanguinis eius rei erunt. Dominus Iesus redemptor noster aluit turbam in deserto, ne deficiant in via: vt ostenderet eos in via vitæ deficere, qui non habent ducē, à quo perducī possint ad vitam. Nulla autem maior homini cōtingere potest perniciēs, q̃ à recti honestiq; tramite deuiare. Tam ergo malum est carere viuæ vocis

Amos. 8.

GG ij hortato-

hortatoribus adicōercenda vitia virtutesque capeffendas, quàm bonum eos habere. Quare vos omnes, qui in deserto feculi huius vitam agitis, & terrenarum rerum solitudinibus occupamini, quærite pium, quærite sanctum opportunis temporibus vobis monitorē, quo declamante & modestius discatis viuere, & meliora possitis sperare. Vos quoque, qui dono dei spiritualis doctrinæ scientiam estis consecuti, incumbite operi officioque prædicandi ac docendi. Cogitate quanti apud deū meriti sit, catholicis fidelibusque præceptis erudire indoctos, & vel vnum vel alterum Christo lucrari. Quantæ etiam dilectionis argumentum, omnes docere, vt omnes vobiscum simul saluentur. Non sit vobis graue, vrbes, vicos regionesque percurrere, & illos imitari, de quibus scriptum est: In omnem terram exiuit sonus eorum, & in fines orbis terræ verba eorū. Qui non modo illos qui tunc erant, docuerunt, verumetiam posteros omnes qui sunt quique deinde erunt, ad quoscunque scripta illorum peruenerint. Ac ne quid ex his quæ in terra fiunt, sanctorum labore doctorum maius esse credatis, hoc labore fundata est Christi ecclesia, hoc ædificata, hoc permanet & aduersum hæreses inuicta, & aduersum vitia immobilis, nisi enim scripssissent illi, quibus datum fuit nosse mysterium regni dei, quis nūc quæ vera sunt disceret? quis doceret? A prophetis, ab apostolis, à reliquis ecclesiæ sanctæ magistris didicimus, quæ nunc docemus. Ipsorum profectò qui discipulus non fuerit, non poterit esse vtilis præceptor aliorum.

Psal. 18.

*De corporis manuumque labore.* Cap. 19.

**Q**uoniam verò prædicandi ac docendi exercitatio ad eruditos tantum pertinet, simplicibus & indoctis eam dabimus exercitationem, quæ corporis

corporis manuumque labore constat. Iuuat enim post soluta precationum sacrificia operis aliquid facere, vt habeat mens & cogitatio in quo se occupet, & minus libera sit facultas euagadi per illas rerum temporalium vanitates, quæ vel inuitis nobis obrepere interdum & obuersari animo solent. Honestus quisque labor monacho conuenit, aut legere aut scribere quæ sancta sunt pingere etiam vel fingere sanctorum imagines, quarum contemplatione accendatur ad virtutem. Item in horto plâtas ponere, sarculo inutiles herbas excerpere, humum ligone versare, riuulis irrigare, & si quid aliud res exegerit, olitoris opera perficere. Præceptum est enim: Non oderis laboriosa opera, & agricolatione creatam ab altissimo. Præterea fiscellas lentis viminibus texere, ligna dolare, onera ferre, & quicquid dei seruo non illicitum factu creditur peragere: neque committere, vt inertia victus quiescat, & quæ prædicationi aut lectioni supersunt tempora, otio sibi perdat. Ista autem o monache, quæ tibi facienda iniungimus, ne quasi vilia & abiecta contemnas: illi qui talia factitarunt, à domino sublimati sunt, piscabatur Petrus cum aliis, etiam post acceptum apostolatam. Paulus funiculos intorquebat, ne quem sui victus impensa grauaret, nunc à regibus terræ venerantur. In humili igitur opere exerceri ne asperneris, qui cum Christo cupis in cœlestibus regnare. Non te pudeat pauimenta monasterij, vt munda sint, vergere, vasa mappasque lauare, coquinam facere, esculenta poculentaque aliis ministrare. Non puduit omnium dominum seruis suis pedes abluere, tergereque ablutos. Qui talia detrectat, scias illum nondum ad humilitatis virtutem peruenisse. Seruilia igitur opera fac, vt humilieris: laboriosa, vt carnis petulantiam domes, venalia, vt victum pares: religiosa, quæ pingendo vel fingendo fiunt, vt quod professus es constantius exequaris. Etenim sanctorum simulacra siue picta, siue ficta, si

Eccli. 7.

Petrus  
Paulus

GG iij iugiter

Antonius  
Hilarion  
Serapion

Archebius  
Pacomius

Dorotheus

Labor  
corporis

1. Corint. 4.

2. Tessa. 3.

Ibidem.

Actu. 20.

ingiter spectentur, stimuli sunt desidiae fugiendae laborisque subeundi, dum ad mentem nobis reuocant, quibus artibus ipsi sancti æternam beatitudinem consecuti sint. Hanc certè adepti sunt: Antonius qui sportulas de palmarum foliis texuit: Hilarion, qui ligna cōcidit: Serapion, qui cum suis discipulis messis tempore operā locabat, ut inde haberet quod ipsorum victui annuo sufficeret. Archebius qui suis manibus cellas construebat quas aliis donaret. Pacomius cui cū suis monachis propositum fuit manuum labore victum quærere. Dorotheus qui diuenditis quas texuerat sportulis, precium quod victui superesset, pauperibus erogabat. Non prauis cupiditatibus resistere non ad perfectionem vitæ peruenire potuissent: si subcisiua tempora otio contriuisent. Labore quippe corporis vegetatur intellectus, voluptatū appetitio coercetur, superbia frangitur, virtus retinetur, & quicquid per otium corruptum fuerit, per laborem instauratur. Deniq; operum orationumque vicissitudine diaboli tentamenta superantur, & in proposito vitæ sanctioris in finem usque perseueratur. Si paupertatem professus es, magis liber eris cum manuum labore victum quæsieris, quàm cum elemosynā acceperis. Laboramus, inquit Paulus, manib⁹ nostris. Et si manibus laborabat is, cui ut Christū prædicaret iniunctum fuerat, quanto magis ei labor hic necessarius est, qui neminem docet, cui post dictas deo laudes otian dū, est, nisi se alicui corporis labori accingat. Ad Thessalonicenses ille scribens, fatetur opera manuum fecisse se, ne quem grauaret subsidia vitæ poscendo pro ministerio verbi, quamuis id liceret, volens potius dare se in exemplum operandi victus gratia, quàm poscēdi, & si quis non vult operari, inquit, nec māducet. Cumque esset Ephesi (ut Lucas refert) ad maiores natu locutus est: Argentum & aurum aut vestem nullius concupiui sicut ipsi scitis, quoniā ad ea quæ opus erant mihi, & his qui

qui mecum sunt ministrauerunt manus istę. Hunc ergo qui inter apostolos plus oĩbus operę impendit in prędicando & scribendo, si sequi in istis non potes, imitare saltem in manuum exercitio ac labore. Sic enim & necessitatibus vitę tuę consules, & simul vanis cogitationibus facillę dabis repulsam paratiorque ac promptior ad soluenda pręcum vota redderis. Nam quemadmodum varius cibus appetentiam edendi prouocat, & cœna placet in qua apponuntur alię dapes diuersęque ab illis, quę in prandio fuerunt, ita & orationem gratiorem faciet magisque delectabilem alterius operis vicissitudo. Quod autem ait dominus: Nolite solliciti esse animę vestrę quid manducetis, neque corpori vestro quid induamini, sollicitudinem metuendi, ne vitę necessaria desint tollit, nō laborem adimit, vt simul quod in te est facias, & omnium in deo spem habeas firmam atque stabilem. Otiosi autem vana est spes. Terra ipsa non reddet fruges, nisi araueris, sementemque feceris. Primo homini dictum est, In sudore vultus tui vesceris pane tuo, & tu panem parare tibi posse putas nihil agendo, vel cupidines malas vincere & sensibus imperare: Crede mihi, non otium hęc omnia superat, sed labor improbus (vt poëta inquit) & duris vrgens in rebus egestas. Monachū itaque & pauperem & laboriosum esse oportet: pauperem vt in deo diues sit: laboriosum, vt facilius perueniat ad quietem. Vnde dono dei sapientissimus Salomon mittit te ad formicam, vt eius exēplo tibi aliquid pares, quo postea es vsurus, hoc est, vel victum ne esurias, vel in operando occupationē, ne carnis diaboliq; oppugnationibus per inertiam succubas. Ingētem (vt idē ait) formicę farris aceruū Cum populant hyemis memores, tectoq; reponunt, It nigrū campis agmen, prędamque per herbam Conuectant calle angusto, pars grandia trudunt Obnixę frumenta humeris, pars agmina cogunt, Castigantque moras,

GG iiij

opere

Lucę. 14.

Prou. 6.



Mat. 8.

Matt. 11.

Col. 3.

Ephe. 2.

opere omnis semita feruet. Tu ergo istas imitatus futurorum memor, præsentia benè dispone, & callem angustum ingredi, qui ducit ad vitam, non latum qui ducit ad perditionem. Suppone humeros labori, vt aliorum quoque defidiam somniculosam tuo excites exemplo. Nullam interim lassitudinem timeas, laborantem adiuuabit dominus, & adiuuando consolabitur. Laborabant contra ventum remigando Apostoli, quando saluatore in nauiculâ ascendente cessauit turba & fluctus quiescere. Vocat quoque eos dominus qui laborant, dicens: Venite ad me omnes qui laboratis & onerati estis, & ego reficiam vos. Hanc tu refectiorem intra te senties, quoties quicquid agis, ad eum finem direxeris, vt prius domino tuo seruias. Omne quodcūque facitis (inquit Apostolus) in verbo aut in opere, omnia in nomine domini nostri Iesu Christi facite, gratias agētes deo patri per ipsum. Facere opus & gratias agere simul iuberis, vt & manum cum Martha ministerio occupatâ habeas & mentem cum Maria diuinæ contemplationi intentam, Operari præterea manibus debes, non modo vt necessaria compares, vel mali tentamēta vincas, verumetiam vt habere possis, quod aliis impartias, dicente Apostolo: Qui furabatur, iam non furetur, magis autem laboret manibus suis quod bonum est, vt habeat communicare ei qui indiget. Hoc idem suo te exemplo hortatur mulier illa fortis, de qua scriptum est: Quæ fuit lanam & linum, & operata est consilio manuum suarum. Deinde sequitur: Manum suam aperuit inopi, & palmas suas extendit ad pauperem. Grandis profectò charitas, non tam pro sua quàm pro aliorum inopia laborare, & operi propterea libentius incumbere, vt colas pietatem. In fine dicitur, Date ei de fructu manuum suarum, & laudent eam in portis opera eius. Ex quo discimus, quod charitatem sectantis labor, bonis tandem compensetur sempiternis. Verūtamen ne quis impru-

imprudenter supponat dorsum suum oneri, quod ferre non satis præualeat, pensandæ vires sunt, moderateque agendum. Nemo iumentum suum plus iusto onerat, & si illud viderit sub fasce gemere, ac titubanti vestigio malè incedere, demit aliquid, vt pondus eleuet & ad mensuram oneratum ire dimittit. Haud aliter tibi de iumento corporis tui faciendum erit, alioquin iumentis quibusdam minus sapere videberis. Camelus enim neque vltra solitum procedit spatium, nec plus instituto onere recipit. Quod si maius ferente fuerit onus necesse est vt opprimat, incōsulta effluunt, moderata antè durant. Neque enim qui tulerit laborem, sed qui pertulerit, æternæ quietis beatitudinem consequetur.

### De otio inutili & infructuoso. Ca. 20.

**V**T autem & corporalis & spiritalis operis laborè cupidius ardentiusque subeamus, inertis otij vitium quàm detestabile sit cōsideremus. Arguitur stultitiæ qui laborem dequitat, dicente Salomone: Qui sectatur otium, stultissimus est. Idem pusilli animi esse dicitur, Pigrum, inquit, deiicit timor. Somno etiam magis quàm vigiliæ deditus est. Pigredo, inquit, immittit soporem. Idem tam virtutis quàm rerum egens erit. Dicitur enim: Egestatem operata est manus remissa, & iratum. Propter frigus piger arare noluit, mendicabit ergo æstate, & non dabitur illi. Otiosus ergo & stultus est, & meticulosus, & somnolentus, & animi fortunæque bonorum egens atque inopiosus. Nihil tamen in se peius habet otium, quàm quod pateat cōcupiscentiis. Vnde dicitur: In desideriis est omnis otiosus. Et rursum: Multam malitiam docuit otiositas. Cum autem otiosus malitiam didicerit, flagitiis que se onerauerit, iacet in illis, & torpore victus vix vnquam de resurgendo cogitat. Nam si quando ad se rediens culpam agnoscat, impossibile sibi videtur, vt ab ea desistat. Et interdum

Prove. 12.

Prove. 18.

Prove. 16.

Prove. 10.

Ecclesi. 33.

Thren. 3.

dum ipse de sua pigritudine conqueritur, intra se cum propheta dicens: Circumædificauit aduersum me, vt non egrediar, aggrauauit compedem meam. Sed cum liberum sit non peccare. Nihil prodest difficultatem à peccato cessandi prætere. Et quoniam animæ otio marcescentis ista imbecillitas est non naturæ. Viderūt

Thren. 1.

eam hostes (vt in Ieremia est scriptum) & deriserunt sabbata eius, hoc est, infructuosam quietem eius dæmones intuentes lætati sunt, eo quòd illam ignauiter torpescentem ad quæque turpia facile pertracturos, quasi piscem hamo sperarent, donec ad interitum vsque deducerent. In hunc enim interitum corruit & Sodoma,

Ezech. 16.

de qua dicitur. Hæc fuit iniquitas Sodomæ sororis tuæ, superbia, saturitas panis, & abundantiæ, & otium ipsius. Quòd si non abundas, sed inopia premeris, & tamen otio indulges, non es à periculo perditionis liber, quandoquidem non solùm abundantia & saturitas euertit Sodomam, sed etiam otium, imò tanto nequius otiaur pauper quàm diues, quanto minus habet causam otiaudi. Diues nempe cum otiosus fuerit, voluptatibus luxuriæque operam dabit. Pauperi autem necesse erit, furto ac rapinis querere vnde viuatur, & in alios grassari, ne ipse fame pereat. Longè itaque periculosior est otiositas egentis quàm abundantis. Quid præterea dicā? Frustra illi natura manus dedit, qui nihil agendo conterit ætatem, quod si necessariæ forent ad applicanda tantummodo ori alimenta, etiā pecudibus datæ fuissent. Operari manibus hominis proprium est. Qui ergo manus suas ad aliquid honesti faciendum non extendit, pecudi certè similior est quàm homini, aut etiā pecudē deterior. Mutum enim animal in multos vsus vtile est, homo verò otiosus nulli prodest, sibi autem etiam nocet plurimum, vt ex his quæ dicta sunt, satis constat. Idcirco sanè & ab hominibus malè audit, & à deo reprobat. Alij eum statuam lapideam appellant, alij inertem asellum,

asellum, alij fatuam anum aut nihili hominem, atque  
 hunc in modum petulantibus caillantium vocibus ta-  
 xatur, illuditur, laceffitur, probro, contemptuique ha-  
 betur. Leuius tamen hoc ei ab hominibus ferendum es-  
 set, nisi etiã ab illo qui supra homines est damnaretur.  
 Lex vetat eunuchũ intrare in ecclesiam domini. Quis Deute. 23.  
 nam iste eunuchus est, nisi otiosus, de quo nulla proles  
 oritur virtutum? Non potest eunuchus generare, neque  
 languori ac socordia deditus aliquid boni facere. Re-  
 pellitur itaque ab ecclesia, vt cœtu fidelium indignus.  
 Non est enim de illo eunuchorum genere, qui se castra-  
 uerunt propter regnum cœlorum. Valde quippe duper-  
 sum est, castitatem deo vouere, & sterilitatem boni ope-  
 ris torpescere, quod nõ deo, sed diabolo seruire est. Hic  
 est ille qui talentum ad negotiandum acceptũ abscon- Mat. 25.  
 dit in terra, & cum nullum quẽstum fecerit, eiici iube-  
 tur in tenebras exteriores, quarum horrorem fletus au-  
 get & dentium stridor. Hic est, quem neque frigidum  
 neque calidum, sed tepidum tantũ Apocalypsis appel- Apocal. 3.  
 lat. Cui videlicet satis videtur, si peccata cauerit quã-  
 uis boni nihil operetur. Sed dũ in isto tepiditatis pro-  
 posito insipienter perseuerat, nauseam facit domino di-  
 centi: Incipiam te euomere de ore meo. Præcepit enim  
 dominus nõ solũ discedere à malo, sed etiã facere bo-  
 num. Quod si bonũ non feceris, licet à malis abstineas,  
 nõ es executus quod iuberis. Nolle autẽ obedire deo, ma-  
 lum est, tẽpus etiã ad benè agendũ datũ sine fructu ela-  
 bi finire malũ est. Non potest igit fieri, vt otiosus mali  
 omnino expers sit, cũ etiã ipsum otiũ malũ sit. Meritò  
 itaque & ab ecclesia propellit, & ab ore domini veluti  
 mucidus panis expuit, atq; ad tenebras relegat, vt sem-  
 per patiat malũ, qui nunq̃ facere voluit bonũ. Ois enim  
 arbor quæ nõ facit fructũ bonũ, excidetur & in ignem Matth. 3.  
 mittetur. Ficus etiã habens folia, sed nõ & fructũ à do- Marc. 11.  
 mino maledicitur & arescit. Illam quoq; ficũ dominus Luca. 13.  
 vineæ

vineæ succidi iubebat, ne terram occuparet, in qua iam per triennium fructum nō viderat, sed ad preces cultoris vineæ volentis arborem ipsam circumfodere, stercoreque apponere, quarto etiam anno expectauit, vt fructum faciat. Expectat vtique clementissimus dominus ab otioso boni operis fructū in pueritia, expectat in iuuentute, expectat in ætate virili, denique ecclesiæ præpositi alicuius verbis exoratus expectat vsque in senectam, vt ille tandem eiusdem præpositi vel increpatione impulsus, vel præceptis eruditus, ab ignavia molli-tieque animi ad studium honesti laboris excitetur & exurgat. Quod si ne tunc quidem desidiā infructuosam reliquerit, quid aliud restat, nisi vt dimittatur dānationis iustæ secure succidendus? Ne igitur tibi placeas otiose, quod nihil boni agens adhuc non plecteris. dilatio pœnæ est istud, nō vitij impunitas. Quanto diutius otia tus fueris, si te saltem in fine non correxeris, tanto acrius punieris, in falicibus infructuosis, in medio Babylonis, quæ est mentis in deliciis perditæ confusio, suspendisti organa sensuum tuorum, turpi voluptati deditus, & ad flagitia indies magis declinans. Quousque abutere patientia domini, emendationem tuam expectantis? Non vides? non animum aduertis? quàm citò transeant dies & labantur anni, quàm vnaquæque hora non ita vitæ longioris, vt præsentis mortis certa sit? Nullus est enim temporis punctus, quo nō arctentur vitæ nostræ spatia, & quo mors nobis non propior sit. Quid ergo moraris? quid procrastinas? Rumpè tādē somnolentiam istam & expergiscere, ac tam supinæ oscitationis tarditatem recte, factorum sollicitudine discutere festina, antequam rationem villicationis tuæ reddere cogaris. Vel si vsque adeo totus obstupuisti, vt virtutis operibus te parem fore diffidas, voto saltē aut lingua pete languori remedium, aridamque ostentans manum, ad dominū suppliciter accede, & ipse postquā te pigritiæ

Psal. 136.

te pigritiæ tuæ pœnitere conspexerit, dicet tibi: Surge in medium, extende manum tuam. Tunc tu ope adiutus diuina, protin<sup>9</sup> exurges qui hæcenus iacueras, & in medium stabis in quo locus virtutis est. Nam extrema vitiosa sunt, dexteramque diu contractam extendere incipies, vt opereris bonū. Atque ita qui tua culpa inutilis otij languorem patiebare, diuinæ gratiæ curatione saluus euades.

Luce. 6.

### De humilitatis virtute. Cap. 21.

**P**ORRò, quoniam ad acquirendam diuinæ benignitatis gratiam, opus est humilitatis virtute, temperatius videtur, vt nunc de ipsa disseramus, dominus enim qui in altis habitat vt in psalmo dicit, humilia respicit i<sup>n</sup> celo & i<sup>n</sup> terra. Superbis resistit, humilib<sup>9</sup> autē dat gratiā. Et in alio psal. Excelsus, inquit, dominus humilia respicit, alta autē à longè cognoscit. Longè est enim ab eo qui inflatur, qui factum fouet, seque super alios erigit: & quanto magis insolescit, tanto longius à deo recedit ad quē non est nobis accessus nisi per humilitatem, iuxta illud: Suscipiens mansuetos dominus, humilians autem peccatores vsque ad terrā. Quod & Salomon in Prouerbiis confirmat, dicens. Ipse deludet illusores, & mansuetis dabit gratiā. Et Isaias propheta: Deus (inquit) in sancto habitas & cum contrito & humili spiritu, vt viuificet spiritum humilium, & viuificet cor contritorum. In eodem propheta dominū audimus dicētem, Ad quē respiciam nisi ad pauper-culum & contritum spiritu, & tremētem sermones meos? Et in Zacharia: Conuertam manum meam ad paruulos. Quæ autem maior gratia humilibus in vita dari potuit, quàm verę religionis cognitio quę in arcano latebat, & quam ne philosophi quidem inuenire poterant, eam nos Christo monstrante didicimus. Vnde ipse ad patrem conuersus: Confiteor tibi (inquit) pater domine

Psal. 112.

Psal. 137.

Psal. 46.

Proue. 3.  
Isaiæ. 57.

Isaiæ. 66.

Zacha. 13.

Matth. 12.

- domine cœli & terræ, quia abscondisti hæc à sapientibus & prudentibus, & reuelasti ea paruulis. Paruuli fanè atque humiles erant Apostoli, qui primi didicerunt vt alios docerent mysterium dei, de quibus in psalmo fuerat prædictum à propheta ad deum dicente: Ex ore infantium lactantium, hoc est sermonibus & prædicatione simplicium & vulgarium hominum perfecisti laudem, laudem veritatis, laudem euangelij, disciplinaeque salutaris, vt quàm mundanæ sapientiæ acumen inuestigare nequiuisset eam piscatorum hebetudo docere inciperet. Hinc est illud quod Paulus apostolus ait: Stulta mundi elegit deus, vt confunderet sapientes, & infirma mundi elegit deus, vt confundat fortia. Idem dominus humilium precibus facilè se præbet, arrogantes verò nō exaudit. Ideo Sophonias propheta hortatur & ait, Querite dominū omnes mansueti terræ qui iudicium eius estis operati, querite iustum, querite mansuetum. Sciebat enim vt iustus & māsuetus dominus exoreretur, ad seruos iustos mansuetosq; spectare. Seruū quippe qui gratus charusq; domino suo fieri desiderat, mores eius imitari oportet. Nam quemadmodū dissimiles inter se dissident ac dissepantur, ita similiū summa semper concordia est, & dum paribus nituntur studiis, mutua beneuolentia incalescunt. Quod autē humiles exaudiat deus, per omnes ferè diuinæ scripturæ historias patet: Sancta vidua Iudith cum Holopherne congressura, ciliciū induit, ieiunat, orat, & ait: Nec superbi ab initio placuerūt tibi, sed humiliū & mansuetorum semper tibi placuit deprecatio: & illa quidem sicut humiliter orauerat, ita quod volebat, perfecit. Clamat in euangelio Centurio: Domine non sum dignus vt intres sub tectum meū, & eadem hora qua sic humiliatus est, quod petierat impetrauit, neq; enim frustra scriptum est: Oratio humiliantis se nubes penetrabit, Chanana mulier iam repulsam passa, iam in canum cōparatione contempta,
1. Cor. 1.
- Sopho. 2.
- Iudith. 9.
- Matth. 8.
- Eccli. 35.
- Matth. 15.

contempta, quia ab humilitate nō recessit, meruit tandem exaudiri. Filius prodigus consumpto patrimonio ad patrem cum humilitate reuersus, inuenit veniā. Peccaui, inquit, in cōlo & corā te, iam non sum dignus vocari filius tuus. Atq; ita humiliatus amplexum meruit patris osculum, indumenta, anulum, conuiuū. Quod ergo luxuria exhauserat, humilitas reparauit. Publican<sup>9</sup> pectus percutit, consciusq; delictorū, oculos in cōelum non audet attollere, & iustior redit pharisæo, qui ieiunabat, qui decimas soluebat, qui bona multa faciebat. Illius enim peccata deleuit humilitas, hui<sup>9</sup> merita corripuit mentis elatio. Non sum sicut cæteri homines, inquit, & qui se cæteris præferre non dubitauit, publicano etiam postponendus iudicatur.

Lucæ. 15.

Lucæ. 18.

## De exaltatione humilium in lege. Cap. 22.

**N**on solū autē quæ poposcerint humiles cōsequuntur, sed etiā mirabiliū operū gratia donantur & post hæc præmia beatitudinis æternę cumulatius capiunt. Abrahā puluerē & cinerē se esse dixit, loquens cum deo, benediciturq; ei & semini eius. Iacob submittit se fratri Esau, atq; illū dominū suū vocat, per nuntios ab eo captat beneuolentiā, mittit munera vt leniat iratū, & post hæc gloriatur dicens: Vidi dominū facie ad faciē, & salua facta est aīa mea, & tamē adhuc submissi<sup>9</sup> agit. Obuiā enī fact<sup>9</sup> fratri, septies pñus ī terrā adoratur, donec pñimē accederet. Atq; hac tāta subiectiōe ab indignato fratre extorsit pietatē, ita vt ille quē perdere decreuerat, in eius collū ruens ipsum amplexaret, osculareturq; dulci<sup>9</sup> q̄ dici queat, & fraterna teneritudine superatus fleret. Vnde rursum benedictionē accipit à domino, & indit ei nomē Israhēl, i. vir vidēs deū. Deū ergo videre meret, qui se propter deū hoībus humiliat atq; submittit. Loq̄nte dño de rubo, corruit Moyses ī faciē, & cum

Gene. 18.

Abraham.

Gene. 2.

Iacob.

Gene. 33.

Exod. 3.

Moyſes.

&amp; cum



& cum mitteretur ad Pharaonem, educēdūque de Aegypto populi dux constitueretur, indignum se fatebatur eo munere, atque id inire recusabat, pro illis etiam à quibus passus fuerat iniuriam suppliciter deum deprecatus est, Quas ob res meruit fieri populi Israëliti cī liberator de Aegyptiaca seruitute, legisque diuinæ lator & multorum mirabilium author, atque aliis præferri dei iudicio, dicentis: Si quis fuerit inter vos propheta domini, in visione apparebo ei vel per somnium loquar ad illum. At non talis seruus meus Moyſes, qui in omni domo mea fidelissimus est. Ore enim ad os loquar ei palam, nō per ænigmata & figuras deum videt.

**Nume. 11.** Hinc est illud in Ecclesiastico scriptum: Dilectus deo & hominibus Moyſes, Et post pauca: In fide, inquit, & lenitate ipsius sanctum fecit illum, & elegit eum ex omni carne. Dauid quoque māsuetus & mitis, vel si mauiſ dicere humilis, persecutionem Saulis, odiumque capitale maluit vitare fugiendo quàm vindicando, cum illum semel atque iterum occidere potuisset, noluit, Ab inimicis proſtigatum & interemptum fleuit, Ideoque dign<sup>o</sup> iudicatus est, qui ei succederet in regno. Abſalonis etiam filij necem lachrymis & lamētationibus proſecutus est, in ea bello interempti, quo ille nitebatur patri regnum eripere. Qua quidem pietate Dauid, vel patientia, vel humilitate, quocunque horum dixeris, rectè dictum erit: promeruit ad decrepitam vsque ætatem regnare, inimicorū victor, & ipse inuictus, omniumque regum Iudææ deo clarissimus. Vnde futuræ beatitudinis spe plenus, Placebo, inquit, domino in regione viuorum. Credidi propter quod locutus sum, ego autem humiliatus sum nimis. Quanto maiora sperat, tātō magis humiliatur. Non enim euehit mortales ad cœlum superbia, sed humilitas. Iob patiētissimus, cum fortunæ simul & corporis bona amisisset ad extremam redactus miseriam, humilitatis virtutem non amisit.

**Eccli. 41.**

**Dauid.**

**Psal. 114.**

**Psal. 11.**

**Iob.**

Folium

Positum se quod vento rapitur & stipulam siccam vocat. <sup>10</sup> <sup>11</sup> <sup>12</sup> <sup>13</sup> <sup>14</sup> <sup>15</sup> <sup>16</sup> <sup>17</sup> <sup>18</sup> <sup>19</sup> <sup>20</sup> <sup>21</sup> <sup>22</sup> <sup>23</sup> <sup>24</sup> <sup>25</sup> <sup>26</sup> <sup>27</sup> <sup>28</sup> <sup>29</sup> <sup>30</sup> <sup>31</sup> <sup>32</sup> <sup>33</sup> <sup>34</sup> <sup>35</sup> <sup>36</sup> <sup>37</sup> <sup>38</sup> <sup>39</sup> <sup>40</sup> <sup>41</sup> <sup>42</sup> <sup>43</sup> <sup>44</sup> <sup>45</sup> <sup>46</sup> <sup>47</sup> <sup>48</sup> <sup>49</sup> <sup>50</sup> <sup>51</sup> <sup>52</sup> <sup>53</sup> <sup>54</sup> <sup>55</sup> <sup>56</sup> <sup>57</sup> <sup>58</sup> <sup>59</sup> <sup>60</sup> <sup>61</sup> <sup>62</sup> <sup>63</sup> <sup>64</sup> <sup>65</sup> <sup>66</sup> <sup>67</sup> <sup>68</sup> <sup>69</sup> <sup>70</sup> <sup>71</sup> <sup>72</sup> <sup>73</sup> <sup>74</sup> <sup>75</sup> <sup>76</sup> <sup>77</sup> <sup>78</sup> <sup>79</sup> <sup>80</sup> <sup>81</sup> <sup>82</sup> <sup>83</sup> <sup>84</sup> <sup>85</sup> <sup>86</sup> <sup>87</sup> <sup>88</sup> <sup>89</sup> <sup>90</sup> <sup>91</sup> <sup>92</sup> <sup>93</sup> <sup>94</sup> <sup>95</sup> <sup>96</sup> <sup>97</sup> <sup>98</sup> <sup>99</sup> <sup>100</sup> <sup>101</sup> <sup>102</sup> <sup>103</sup> <sup>104</sup> <sup>105</sup> <sup>106</sup> <sup>107</sup> <sup>108</sup> <sup>109</sup> <sup>110</sup> <sup>111</sup> <sup>112</sup> <sup>113</sup> <sup>114</sup> <sup>115</sup> <sup>116</sup> <sup>117</sup> <sup>118</sup> <sup>119</sup> <sup>120</sup> <sup>121</sup> <sup>122</sup> <sup>123</sup> <sup>124</sup> <sup>125</sup> <sup>126</sup> <sup>127</sup> <sup>128</sup> <sup>129</sup> <sup>130</sup> <sup>131</sup> <sup>132</sup> <sup>133</sup> <sup>134</sup> <sup>135</sup> <sup>136</sup> <sup>137</sup> <sup>138</sup> <sup>139</sup> <sup>140</sup> <sup>141</sup> <sup>142</sup> <sup>143</sup> <sup>144</sup> <sup>145</sup> <sup>146</sup> <sup>147</sup> <sup>148</sup> <sup>149</sup> <sup>150</sup> <sup>151</sup> <sup>152</sup> <sup>153</sup> <sup>154</sup> <sup>155</sup> <sup>156</sup> <sup>157</sup> <sup>158</sup> <sup>159</sup> <sup>160</sup> <sup>161</sup> <sup>162</sup> <sup>163</sup> <sup>164</sup> <sup>165</sup> <sup>166</sup> <sup>167</sup> <sup>168</sup> <sup>169</sup> <sup>170</sup> <sup>171</sup> <sup>172</sup> <sup>173</sup> <sup>174</sup> <sup>175</sup> <sup>176</sup> <sup>177</sup> <sup>178</sup> <sup>179</sup> <sup>180</sup> <sup>181</sup> <sup>182</sup> <sup>183</sup> <sup>184</sup> <sup>185</sup> <sup>186</sup> <sup>187</sup> <sup>188</sup> <sup>189</sup> <sup>190</sup> <sup>191</sup> <sup>192</sup> <sup>193</sup> <sup>194</sup> <sup>195</sup> <sup>196</sup> <sup>197</sup> <sup>198</sup> <sup>199</sup> <sup>200</sup> <sup>201</sup> <sup>202</sup> <sup>203</sup> <sup>204</sup> <sup>205</sup> <sup>206</sup> <sup>207</sup> <sup>208</sup> <sup>209</sup> <sup>210</sup> <sup>211</sup> <sup>212</sup> <sup>213</sup> <sup>214</sup> <sup>215</sup> <sup>216</sup> <sup>217</sup> <sup>218</sup> <sup>219</sup> <sup>220</sup> <sup>221</sup> <sup>222</sup> <sup>223</sup> <sup>224</sup> <sup>225</sup> <sup>226</sup> <sup>227</sup> <sup>228</sup> <sup>229</sup> <sup>230</sup> <sup>231</sup> <sup>232</sup> <sup>233</sup> <sup>234</sup> <sup>235</sup> <sup>236</sup> <sup>237</sup> <sup>238</sup> <sup>239</sup> <sup>240</sup> <sup>241</sup> <sup>242</sup> <sup>243</sup> <sup>244</sup> <sup>245</sup> <sup>246</sup> <sup>247</sup> <sup>248</sup> <sup>249</sup> <sup>250</sup> <sup>251</sup> <sup>252</sup> <sup>253</sup> <sup>254</sup> <sup>255</sup> <sup>256</sup> <sup>257</sup> <sup>258</sup> <sup>259</sup> <sup>260</sup> <sup>261</sup> <sup>262</sup> <sup>263</sup> <sup>264</sup> <sup>265</sup> <sup>266</sup> <sup>267</sup> <sup>268</sup> <sup>269</sup> <sup>270</sup> <sup>271</sup> <sup>272</sup> <sup>273</sup> <sup>274</sup> <sup>275</sup> <sup>276</sup> <sup>277</sup> <sup>278</sup> <sup>279</sup> <sup>280</sup> <sup>281</sup> <sup>282</sup> <sup>283</sup> <sup>284</sup> <sup>285</sup> <sup>286</sup> <sup>287</sup> <sup>288</sup> <sup>289</sup> <sup>290</sup> <sup>291</sup> <sup>292</sup> <sup>293</sup> <sup>294</sup> <sup>295</sup> <sup>296</sup> <sup>297</sup> <sup>298</sup> <sup>299</sup> <sup>300</sup> <sup>301</sup> <sup>302</sup> <sup>303</sup> <sup>304</sup> <sup>305</sup> <sup>306</sup> <sup>307</sup> <sup>308</sup> <sup>309</sup> <sup>310</sup> <sup>311</sup> <sup>312</sup> <sup>313</sup> <sup>314</sup> <sup>315</sup> <sup>316</sup> <sup>317</sup> <sup>318</sup> <sup>319</sup> <sup>320</sup> <sup>321</sup> <sup>322</sup> <sup>323</sup> <sup>324</sup> <sup>325</sup> <sup>326</sup> <sup>327</sup> <sup>328</sup> <sup>329</sup> <sup>330</sup> <sup>331</sup> <sup>332</sup> <sup>333</sup> <sup>334</sup> <sup>335</sup> <sup>336</sup> <sup>337</sup> <sup>338</sup> <sup>339</sup> <sup>340</sup> <sup>341</sup> <sup>342</sup> <sup>343</sup> <sup>344</sup> <sup>345</sup> <sup>346</sup> <sup>347</sup> <sup>348</sup> <sup>349</sup> <sup>350</sup> <sup>351</sup> <sup>352</sup> <sup>353</sup> <sup>354</sup> <sup>355</sup> <sup>356</sup> <sup>357</sup> <sup>358</sup> <sup>359</sup> <sup>360</sup> <sup>361</sup> <sup>362</sup> <sup>363</sup> <sup>364</sup> <sup>365</sup> <sup>366</sup> <sup>367</sup> <sup>368</sup> <sup>369</sup> <sup>370</sup> <sup>371</sup> <sup>372</sup> <sup>373</sup> <sup>374</sup> <sup>375</sup> <sup>376</sup> <sup>377</sup> <sup>378</sup> <sup>379</sup> <sup>380</sup> <sup>381</sup> <sup>382</sup> <sup>383</sup> <sup>384</sup> <sup>385</sup> <sup>386</sup> <sup>387</sup> <sup>388</sup> <sup>389</sup> <sup>390</sup> <sup>391</sup> <sup>392</sup> <sup>393</sup> <sup>394</sup> <sup>395</sup> <sup>396</sup> <sup>397</sup> <sup>398</sup> <sup>399</sup> <sup>400</sup> <sup>401</sup> <sup>402</sup> <sup>403</sup> <sup>404</sup> <sup>405</sup> <sup>406</sup> <sup>407</sup> <sup>408</sup> <sup>409</sup> <sup>410</sup> <sup>411</sup> <sup>412</sup> <sup>413</sup> <sup>414</sup> <sup>415</sup> <sup>416</sup> <sup>417</sup> <sup>418</sup> <sup>419</sup> <sup>420</sup> <sup>421</sup> <sup>422</sup> <sup>423</sup> <sup>424</sup> <sup>425</sup> <sup>426</sup> <sup>427</sup> <sup>428</sup> <sup>429</sup> <sup>430</sup> <sup>431</sup> <sup>432</sup> <sup>433</sup> <sup>434</sup> <sup>435</sup> <sup>436</sup> <sup>437</sup> <sup>438</sup> <sup>439</sup> <sup>440</sup> <sup>441</sup> <sup>442</sup> <sup>443</sup> <sup>444</sup> <sup>445</sup> <sup>446</sup> <sup>447</sup> <sup>448</sup> <sup>449</sup> <sup>450</sup> <sup>451</sup> <sup>452</sup> <sup>453</sup> <sup>454</sup> <sup>455</sup> <sup>456</sup> <sup>457</sup> <sup>458</sup> <sup>459</sup> <sup>460</sup> <sup>461</sup> <sup>462</sup> <sup>463</sup> <sup>464</sup> <sup>465</sup> <sup>466</sup> <sup>467</sup> <sup>468</sup> <sup>469</sup> <sup>470</sup> <sup>471</sup> <sup>472</sup> <sup>473</sup> <sup>474</sup> <sup>475</sup> <sup>476</sup> <sup>477</sup> <sup>478</sup> <sup>479</sup> <sup>480</sup> <sup>481</sup> <sup>482</sup> <sup>483</sup> <sup>484</sup> <sup>485</sup> <sup>486</sup> <sup>487</sup> <sup>488</sup> <sup>489</sup> <sup>490</sup> <sup>491</sup> <sup>492</sup> <sup>493</sup> <sup>494</sup> <sup>495</sup> <sup>496</sup> <sup>497</sup> <sup>498</sup> <sup>499</sup> <sup>500</sup> <sup>501</sup> <sup>502</sup> <sup>503</sup> <sup>504</sup> <sup>505</sup> <sup>506</sup> <sup>507</sup> <sup>508</sup> <sup>509</sup> <sup>510</sup> <sup>511</sup> <sup>512</sup> <sup>513</sup> <sup>514</sup> <sup>515</sup> <sup>516</sup> <sup>517</sup> <sup>518</sup> <sup>519</sup> <sup>520</sup> <sup>521</sup> <sup>522</sup> <sup>523</sup> <sup>524</sup> <sup>525</sup> <sup>526</sup> <sup>527</sup> <sup>528</sup> <sup>529</sup> <sup>530</sup> <sup>531</sup> <sup>532</sup> <sup>533</sup> <sup>534</sup> <sup>535</sup> <sup>536</sup> <sup>537</sup> <sup>538</sup> <sup>539</sup> <sup>540</sup> <sup>541</sup> <sup>542</sup> <sup>543</sup> <sup>544</sup> <sup>545</sup> <sup>546</sup> <sup>547</sup> <sup>548</sup> <sup>549</sup> <sup>550</sup> <sup>551</sup> <sup>552</sup> <sup>553</sup> <sup>554</sup> <sup>555</sup> <sup>556</sup> <sup>557</sup> <sup>558</sup> <sup>559</sup> <sup>560</sup> <sup>561</sup> <sup>562</sup> <sup>563</sup> <sup>564</sup> <sup>565</sup> <sup>566</sup> <sup>567</sup> <sup>568</sup> <sup>569</sup> <sup>570</sup> <sup>571</sup> <sup>572</sup> <sup>573</sup> <sup>574</sup> <sup>575</sup> <sup>576</sup> <sup>577</sup> <sup>578</sup> <sup>579</sup> <sup>580</sup> <sup>581</sup> <sup>582</sup> <sup>583</sup> <sup>584</sup> <sup>585</sup> <sup>586</sup> <sup>587</sup> <sup>588</sup> <sup>589</sup> <sup>590</sup> <sup>591</sup> <sup>592</sup> <sup>593</sup> <sup>594</sup> <sup>595</sup> <sup>596</sup> <sup>597</sup> <sup>598</sup> <sup>599</sup> <sup>600</sup> <sup>601</sup> <sup>602</sup> <sup>603</sup> <sup>604</sup> <sup>605</sup> <sup>606</sup> <sup>607</sup> <sup>608</sup> <sup>609</sup> <sup>610</sup> <sup>611</sup> <sup>612</sup> <sup>613</sup> <sup>614</sup> <sup>615</sup> <sup>616</sup> <sup>617</sup> <sup>618</sup> <sup>619</sup> <sup>620</sup> <sup>621</sup> <sup>622</sup> <sup>623</sup> <sup>624</sup> <sup>625</sup> <sup>626</sup> <sup>627</sup> <sup>628</sup> <sup>629</sup> <sup>630</sup> <sup>631</sup> <sup>632</sup> <sup>633</sup> <sup>634</sup> <sup>635</sup> <sup>636</sup> <sup>637</sup> <sup>638</sup> <sup>639</sup> <sup>640</sup> <sup>641</sup> <sup>642</sup> <sup>643</sup> <sup>644</sup> <sup>645</sup> <sup>646</sup> <sup>647</sup> <sup>648</sup> <sup>649</sup> <sup>650</sup> <sup>651</sup> <sup>652</sup> <sup>653</sup> <sup>654</sup> <sup>655</sup> <sup>656</sup> <sup>657</sup> <sup>658</sup> <sup>659</sup> <sup>660</sup> <sup>661</sup> <sup>662</sup> <sup>663</sup> <sup>664</sup> <sup>665</sup> <sup>666</sup> <sup>667</sup> <sup>668</sup> <sup>669</sup> <sup>670</sup> <sup>671</sup> <sup>672</sup> <sup>673</sup> <sup>674</sup> <sup>675</sup> <sup>676</sup> <sup>677</sup> <sup>678</sup> <sup>679</sup> <sup>680</sup> <sup>681</sup> <sup>682</sup> <sup>683</sup> <sup>684</sup> <sup>685</sup> <sup>686</sup> <sup>687</sup> <sup>688</sup> <sup>689</sup> <sup>690</sup> <sup>691</sup> <sup>692</sup> <sup>693</sup> <sup>694</sup> <sup>695</sup> <sup>696</sup> <sup>697</sup> <sup>698</sup> <sup>699</sup> <sup>700</sup> <sup>701</sup> <sup>702</sup> <sup>703</sup> <sup>704</sup> <sup>705</sup> <sup>706</sup> <sup>707</sup> <sup>708</sup> <sup>709</sup> <sup>710</sup> <sup>711</sup> <sup>712</sup> <sup>713</sup> <sup>714</sup> <sup>715</sup> <sup>716</sup> <sup>717</sup> <sup>718</sup> <sup>719</sup> <sup>720</sup> <sup>721</sup> <sup>722</sup> <sup>723</sup> <sup>724</sup> <sup>725</sup> <sup>726</sup> <sup>727</sup> <sup>728</sup> <sup>729</sup> <sup>730</sup> <sup>731</sup> <sup>732</sup> <sup>733</sup> <sup>734</sup> <sup>735</sup> <sup>736</sup> <sup>737</sup> <sup>738</sup> <sup>739</sup> <sup>740</sup> <sup>741</sup> <sup>742</sup> <sup>743</sup> <sup>744</sup> <sup>745</sup> <sup>746</sup> <sup>747</sup> <sup>748</sup> <sup>749</sup> <sup>750</sup> <sup>751</sup> <sup>752</sup> <sup>753</sup> <sup>754</sup> <sup>755</sup> <sup>756</sup> <sup>757</sup> <sup>758</sup> <sup>759</sup> <sup>760</sup> <sup>761</sup> <sup>762</sup> <sup>763</sup> <sup>764</sup> <sup>765</sup> <sup>766</sup> <sup>767</sup> <sup>768</sup> <sup>769</sup> <sup>770</sup> <sup>771</sup> <sup>772</sup> <sup>773</sup> <sup>774</sup> <sup>775</sup> <sup>776</sup> <sup>777</sup> <sup>778</sup> <sup>779</sup> <sup>780</sup> <sup>781</sup> <sup>782</sup> <sup>783</sup> <sup>784</sup> <sup>785</sup> <sup>786</sup> <sup>787</sup> <sup>788</sup> <sup>789</sup> <sup>790</sup> <sup>791</sup> <sup>792</sup> <sup>793</sup> <sup>794</sup> <sup>795</sup> <sup>796</sup> <sup>797</sup> <sup>798</sup> <sup>799</sup> <sup>800</sup> <sup>801</sup> <sup>802</sup> <sup>803</sup> <sup>804</sup> <sup>805</sup> <sup>806</sup> <sup>807</sup> <sup>808</sup> <sup>809</sup> <sup>810</sup> <sup>811</sup> <sup>812</sup> <sup>813</sup> <sup>814</sup> <sup>815</sup> <sup>816</sup> <sup>817</sup> <sup>818</sup> <sup>819</sup> <sup>820</sup> <sup>821</sup> <sup>822</sup> <sup>823</sup> <sup>824</sup> <sup>825</sup> <sup>826</sup> <sup>827</sup> <sup>828</sup> <sup>829</sup> <sup>830</sup> <sup>831</sup> <sup>832</sup> <sup>833</sup> <sup>834</sup> <sup>835</sup> <sup>836</sup> <sup>837</sup> <sup>838</sup> <sup>839</sup> <sup>840</sup> <sup>841</sup> <sup>842</sup> <sup>843</sup> <sup>844</sup> <sup>845</sup> <sup>846</sup> <sup>847</sup> <sup>848</sup> <sup>849</sup> <sup>850</sup> <sup>851</sup> <sup>852</sup> <sup>853</sup> <sup>854</sup> <sup>855</sup> <sup>856</sup> <sup>857</sup> <sup>858</sup> <sup>859</sup> <sup>860</sup> <sup>861</sup> <sup>862</sup> <sup>863</sup> <sup>864</sup> <sup>865</sup> <sup>866</sup> <sup>867</sup> <sup>868</sup> <sup>869</sup> <sup>870</sup> <sup>871</sup> <sup>872</sup> <sup>873</sup> <sup>874</sup> <sup>875</sup> <sup>876</sup> <sup>877</sup> <sup>878</sup> <sup>879</sup> <sup>880</sup> <sup>881</sup> <sup>882</sup> <sup>883</sup> <sup>884</sup> <sup>885</sup> <sup>886</sup> <sup>887</sup> <sup>888</sup> <sup>889</sup> <sup>890</sup> <sup>891</sup> <sup>892</sup> <sup>893</sup> <sup>894</sup> <sup>895</sup> <sup>896</sup> <sup>897</sup> <sup>898</sup> <sup>899</sup> <sup>900</sup> <sup>901</sup> <sup>902</sup> <sup>903</sup> <sup>904</sup> <sup>905</sup> <sup>906</sup> <sup>907</sup> <sup>908</sup> <sup>909</sup> <sup>910</sup> <sup>911</sup> <sup>912</sup> <sup>913</sup> <sup>914</sup> <sup>915</sup> <sup>916</sup> <sup>917</sup> <sup>918</sup> <sup>919</sup> <sup>920</sup> <sup>921</sup> <sup>922</sup> <sup>923</sup> <sup>924</sup> <sup>925</sup> <sup>926</sup> <sup>927</sup> <sup>928</sup> <sup>929</sup> <sup>930</sup> <sup>931</sup> <sup>932</sup> <sup>933</sup> <sup>934</sup> <sup>935</sup> <sup>936</sup> <sup>937</sup> <sup>938</sup> <sup>939</sup> <sup>940</sup> <sup>941</sup> <sup>942</sup> <sup>943</sup> <sup>944</sup> <sup>945</sup> <sup>946</sup> <sup>947</sup> <sup>948</sup> <sup>949</sup> <sup>950</sup> <sup>951</sup> <sup>952</sup> <sup>953</sup> <sup>954</sup> <sup>955</sup> <sup>956</sup> <sup>957</sup> <sup>958</sup> <sup>959</sup> <sup>960</sup> <sup>961</sup> <sup>962</sup> <sup>963</sup> <sup>964</sup> <sup>965</sup> <sup>966</sup> <sup>967</sup> <sup>968</sup> <sup>969</sup> <sup>970</sup> <sup>971</sup> <sup>972</sup> <sup>973</sup> <sup>974</sup> <sup>975</sup> <sup>976</sup> <sup>977</sup> <sup>978</sup> <sup>979</sup> <sup>980</sup> <sup>981</sup> <sup>982</sup> <sup>983</sup> <sup>984</sup> <sup>985</sup> <sup>986</sup> <sup>987</sup> <sup>988</sup> <sup>989</sup> <sup>990</sup> <sup>991</sup> <sup>992</sup> <sup>993</sup> <sup>994</sup> <sup>995</sup> <sup>996</sup> <sup>997</sup> <sup>998</sup> <sup>999</sup> <sup>1000</sup> <sup>1001</sup> <sup>1002</sup> <sup>1003</sup> <sup>1004</sup> <sup>1005</sup> <sup>1006</sup> <sup>1007</sup> <sup>1008</sup> <sup>1009</sup> <sup>1010</sup> <sup>1011</sup> <sup>1012</sup> <sup>1013</sup> <sup>1014</sup> <sup>1015</sup> <sup>1016</sup> <sup>1017</sup> <sup>1018</sup> <sup>1019</sup> <sup>1020</sup> <sup>1021</sup> <sup>1022</sup> <sup>1023</sup> <sup>1024</sup> <sup>1025</sup> <sup>1026</sup> <sup>1027</sup> <sup>1028</sup> <sup>1029</sup> <sup>1030</sup> <sup>1031</sup> <sup>1032</sup> <sup>1033</sup> <sup>1034</sup> <sup>1035</sup> <sup>1036</sup> <sup>1037</sup> <sup>1038</sup> <sup>1039</sup> <sup>1040</sup> <sup>1041</sup> <sup>1042</sup> <sup>1043</sup> <sup>1044</sup> <sup>1045</sup> <sup>1046</sup> <sup>1047</sup> <sup>1048</sup> <sup>1049</sup> <sup>1050</sup> <sup>1051</sup> <sup>1052</sup> <sup>1053</sup> <sup>1054</sup> <sup>1055</sup> <sup>1056</sup> <sup>1057</sup> <sup>1058</sup> <sup>1059</sup> <sup>1060</sup> <sup>1061</sup> <sup>1062</sup> <sup>1063</sup> <sup>1064</sup> <sup>1065</sup> <sup>1066</sup> <sup>1067</sup> <sup>1068</sup> <sup>1069</sup> <sup>1070</sup> <sup>1071</sup> <sup>1072</sup> <sup>1073</sup> <sup>1074</sup> <sup>1075</sup> <sup>1076</sup> <sup>1077</sup> <sup>1078</sup> <sup>1079</sup> <sup>1080</sup> <sup>1081</sup> <sup>1082</sup> <sup>1083</sup> <sup>1084</sup> <sup>1085</sup> <sup>1086</sup> <sup>1087</sup> <sup>1088</sup> <sup>1089</sup> <sup>1090</sup> <sup>1091</sup> <sup>1092</sup> <sup>1093</sup> <sup>1094</sup> <sup>1095</sup> <sup>1096</sup> <sup>1097</sup> <sup>1098</sup> <sup>1099</sup> <sup>1100</sup> <sup>1101</sup> <sup>1102</sup> <sup>1103</sup> <sup>1104</sup> <sup>1105</sup> <sup>1106</sup> <sup>1107</sup> <sup>1108</sup> <sup>1109</sup> <sup>1110</sup> <sup>1111</sup> <sup>1112</sup> <sup>1113</sup> <sup>1114</sup> <sup>1115</sup> <sup>1116</sup> <sup>1117</sup> <sup>1118</sup> <sup>1119</sup> <sup>1120</sup> <sup>1121</sup> <sup>1122</sup> <sup>1123</sup> <sup>1124</sup> <sup>1125</sup> <sup>1126</sup> <sup>1127</sup> <sup>1128</sup> <sup>1129</sup> <sup>1130</sup> <sup>1131</sup> <sup>1132</sup> <sup>1133</sup> <sup>1134</sup> <sup>1135</sup> <sup>1136</sup> <sup>1137</sup> <sup>1138</sup> <sup>1139</sup> <sup>1140</sup> <sup>1141</sup> <sup>1142</sup> <sup>1143</sup> <sup>1144</sup> <sup>1145</sup> <sup>1146</sup> <sup>1147</sup> <sup>1148</sup> <sup>1149</sup> <sup>1150</sup> <sup>1151</sup> <sup>1152</sup> <sup>1153</sup> <sup>1154</sup> <sup>1155</sup> <sup>1156</sup> <sup>1157</sup> <sup>1158</sup> <sup>1159</sup> <sup>1160</sup> <sup>1161</sup> <sup>1162</sup> <sup>1163</sup> <sup>1164</sup> <sup>1165</sup> <sup>1166</sup> <sup>1167</sup> <sup>1168</sup> <sup>1169</sup> <sup>1170</sup> <sup>1171</sup> <sup>1172</sup> <sup>1173</sup> <sup>1174</sup> <sup>1175</sup> <sup>1176</sup> <sup>1177</sup> <sup>1178</sup> <sup>1179</sup> <sup>1180</sup> <sup>1181</sup> <sup>1182</sup> <sup>1183</sup> <sup>1184</sup> <sup>1185</sup> <sup>1186</sup> <sup>1187</sup> <sup>1188</sup> <sup>1189</sup> <sup>1190</sup> <sup>1191</sup> <sup>1192</sup> <sup>1193</sup> <sup>1194</sup> <sup>1195</sup> <sup>1196</sup> <sup>1197</sup> <sup>1198</sup> <sup>1199</sup> <sup>1200</sup> <sup>1201</sup> <sup>1202</sup> <sup>1203</sup> <sup>1204</sup> <sup>1205</sup> <sup>1206</sup> <sup>1207</sup> <sup>1208</sup> <sup>1209</sup> <sup>1210</sup> <sup>1211</sup> <sup>1212</sup> <sup>1213</sup> <sup>1214</sup> <sup>1215</sup> <sup>1216</sup> <sup>1217</sup> <sup>1218</sup> <sup>1219</sup> <sup>1220</sup> <sup>1221</sup> <sup>1222</sup> <sup>1223</sup> <sup>1224</sup> <sup>1225</sup> <sup>1226</sup> <sup>1227</sup> <sup>1228</sup> <sup>1229</sup> <sup>1230</sup> <sup>1231</sup> <sup>1232</sup> <sup>1233</sup> <sup>1234</sup> <sup>1235</sup> <sup>1236</sup> <sup>1237</sup> <sup>1238</sup> <sup>1239</sup> <sup>1240</sup> <sup>1241</sup> <sup>1242</sup> <sup>1243</sup> <sup>1244</sup> <sup>1245</sup> <sup>1246</sup> <sup>1247</sup> <sup>1248</sup> <sup>1249</sup> <sup>1250</sup> <sup>1251</sup> <sup>1252</sup> <sup>1253</sup> <sup>1254</sup> <sup>1255</sup> <sup>1256</sup> <sup>1257</sup> <sup>1258</sup> <sup>1259</sup> <sup>1260</sup> <sup>1261</sup> <sup>1262</sup> <sup>1263</sup> <sup>1264</sup> <sup>1265</sup> <sup>1266</sup> <sup>1267</sup> <sup>1268</sup> <sup>1269</sup> <sup>1270</sup> <sup>1271</sup> <sup>1272</sup> <sup>1273</sup> <sup>1274</sup> <sup>1275</sup> <sup>1276</sup> <sup>1277</sup> <sup>1278</sup> <sup>1279</sup> <sup>1280</sup> <sup>1281</sup> <sup>1282</sup> <sup>1283</sup> <sup>1284</sup> <sup>1285</sup> <sup>1286</sup> <sup>1287</sup> <sup>1288</sup> <sup>1289</sup> <sup>1290</sup> <sup>1291</sup> <sup>1292</sup> <sup>1293</sup> <sup>1294</sup> <sup>1295</sup> <sup>1296</sup> <sup>1297</sup> <sup>1298</sup> <sup>1299</sup> <sup>1300</sup> <sup>1301</sup> <sup>1302</sup> <sup>1303</sup> <sup>1304</sup> <sup>1305</sup> <sup>1306</sup> <sup>1307</sup> <sup>1308</sup> <sup>1309</sup> <sup>1310</sup> <sup>1311</sup> <sup>1312</sup> <sup>1313</sup> <sup>1314</sup> <sup>1315</sup> <sup>1316</sup> <sup>1317</sup> <sup>1318</sup> <sup>1319</sup> <sup>1320</sup> <sup>1321</sup> <sup>1322</sup> <sup>1323</sup> <sup>1324</sup> <sup>1325</sup> <sup>1326</sup> <sup>1327</sup> <sup>1328</sup> <sup>1329</sup> <sup>1330</sup> <sup>1331</sup> <sup>1332</sup> <sup>1333</sup> <sup>1334</sup> <sup>1335</sup> <sup>1336</sup> <sup>1337</sup> <sup>1338</sup> <sup>1339</sup> <sup>1340</sup> <sup>1341</sup> <sup>1342</sup> <sup>1343</sup> <sup>1344</sup>

- Iohannes interrogatus quis esset, negavit se esse Christum, malens veritate submitti, quam efferrī rāda-  
cio, & neque Eliam, neque prophetam se esse asseruit,  
dum humiliatur. Proinde Christi testimonio extollitur,  
quod videlicet in spiritu Eliæ venisset, quod plus  
quàm propheta esset, quod denique inter natos mulierum  
nemo illo maior surrexisset. Ille tamen modis omnibus  
deicere se & humiliare nō destitit, cū de Christo diceret: Ipse est,  
qui post me venit, qui ante me factus est, cuius ego non sum dignus, vt solvam corrigiam  
calceamenti. Petrus piscator erat, & in Christum credens,  
indignum se eius cōsortio, iudicauit. Exi à me, inquit,  
domine, quia ego homo peccator sum. Ob hoc ad apostolatū vocari meruit, vt qui retibus pisces capiebat  
prædicatione veritatis homines caperet. Solus non sinebat sibi à domino lauari pedes. Postquàm autem  
se cum illo partem non habiturum nisi lauaretur intellexit, non solum, inquit, pedes, sed & manus & caput. Prima vox humilitatis fuit, secunda charitatis. A quo  
nolebat lauari, ab eo separari pertimuit. Porro, quoniam & humiliabatur plurimum, & vehementius quàm cæteri diligebat, dedit ei dominus clauēs regni,  
& principem constituit Apostolorum. Paulus de vase iræ  
factus est electionis, quantum antea furorē aduersus CHRISTVM intumuerat, tantum deinde propter Christum humilitate se deiecit: Ego, inquit,  
sum minimus Apostolorum, qui non sum dignus vocari Apostolus, quoniam persecutus sum ecclesiā dei. Gratia autem dei sum id quod sum, & gratia eius in me vacua non fuit, sed abundantius illis omnib⁹ laboraui. Ac ne laboris laudem sibi tribuere videretur, subdit: Non ego autem, sed gratia dei mecum. Alibi etiam omnium infimum se fatetur, dicens: Mihi enim omnium sanctorum  
minimo data est gratia hæc, in gentibus euangelizare inuestigabiles diuitias Christi. Dum Lystris cum Barna-
- Iohan. 1.  
Petrus.  
Lucæ. 5.  
Ioan. 3.  
Mat. 16.  
Paulus.  
1. Cor. 15.  
Ephē. 3.  
Acto. 14.

Barna-

Barnaba prædicationis officio fungerentur, diſcedi-  
ti, diuinum ſibi exhiberi honorem uſque adeo reſpu-  
erunt, ut ſciſſis veſtibus mortales ſe eſſe clamarent, & ob  
hoc quidem miſſos, ut falſorum deorum cultoribus,  
veri DE I notitiam inſinuant, ſalutiſque eorum qui  
creditori ſunt, conſulant. Et hi ſanè de quibus locuti ſu-  
mus, ceteriſque eiſdem ordinis homines, ſi noſſe vis ad  
quantam gloriam in cœlo exaltati ſint, conſidera qua-  
lem dum in terra uiuerent, gratiam acceperint. Cæcos  
illuminare, leproſos mundare, mortuos uiuificare nulla  
poſſunt medicamenta, iſti potuerunt. Si magna gratia  
hæc, haud dubium quin etiam magna, quæ gratiam ſe-  
cuta eſt, merces fuerit. Quanto igitur humiliores deo  
ſeruiendo erimus, tanto gloriam celfiorem conſeque-  
mur. Caterum cum multos hoc loco breuitatis cauſa  
præterierim, quorum exemplis uti magnificè poteram.  
Mariam tamen dei matrem, eiſque filium ſaluatorem  
noſtrum ſilentio prætermittere nullo modo poſſum.  
Hæc fabro deſponſata fuerat, in turba pauperum inco-  
gnita latebat, in tantum autem humilitate placuit, ut  
à deo electa ſit, quæ dei filium generaret. Vnde ipſa glo-  
riatur, dicens: Magnificat anima mea dominum, & ex-  
ultauit ſpiritus meus in deo ſalutari meo. Quia reſpe-  
xit humilitatem ancillæ ſuæ, ecce enim ex hoc beatam  
me dicent omnes generationes. Quia fecit mihi magna  
qui potens eſt, & ſanctum nomen eiſus. Quid enim ma-  
ius uirgini conferri potuit, quàm ut creatorem ſuum  
pariat, quàm ut domini ſui mater ſit, & hoc quidem nõ  
violata uirginitate, ſed ſanctificata, ut purius niteat in  
fœcunda, quàm nitebat in ſterili.

Maria ma-  
ter dei.

## De humilitate Chriſti.

Cap.

24.

HH ij

Dei uerò

Phil. 2.

Psal. 44.

**D**Ei verò filius factus est hominis filius. Verbum caro factum est, & habitauit in nobis. Quid deinde: & vidimus, inquit, gloriam eius, gloriam quasi vnigeniti à patre, plenum gratiæ & veritatis. Qui eius gloriæ confors esse desideras, eius humilitatis prius te socium ac participem exhibeas oportet. Non est discipulus supra magistrum, neq; seruus domini suo maior, vt exaltari velit sicut dominus, & humiliari nolit sicut seruus. Hunc autem omnium authorem, omnium saluandorum doctorem ac redemptorem, Paul<sup>9</sup> Philip pensibus in exemplum proponens, ait: Hoc sentite in vobis quod & in Christo Iesu, qui cum in forma dei esset, non rapinam arbitratus est esse se æqualem deo, sed semetipsum exinanivit, formam serui accipiens, in similitudinem hominum factus, & habitu inuentus vt homo humiliavit semetipsum, factus obediens vsque ad mortem, mortem autem crucis. Audisti humilitatem, attende gloriam. Propter quod, inquit, & deus exaltauit illum, & donauit illi nomen quod est super omne nomen, vt in nomine Iesu omne genu flectatur, cœlestium, terrestrium & infernorum, & omnis lingua cōfiteatur, quia domin<sup>9</sup> Iesus Christus in gloria est dei patris. Neque humiliter diuinitas inclinare se potuit, quàm vt hominem assumeret seque hominum potestati submitteret, ad flagella & mortem per ludibria sustinendam: neque sublimius attolli, quiuit humanitas, quàm vt diuinitati vnita, vnus Christus & deus esset & homo, sedens ad dexteram patris, à spiritibus angelicis omniumque sanctorum cœtu venerandus: mortuos & viuos iudicaturus in eadem humanitate, in qua voluit ab homine iudicari, tunc humilis quidem, nunc gloriosus: tunc mortalis, nunc immortalis & impassibilis: tunc seruus, nunc dominus: tunc infirmus, nunc ponens inimicos scæ bellum pedum suorum in virga virtutis suæ. Tunc non erat ei species neque decor, nunc dicitur ei: Specie tua

& pulchritudine tua intende prosperè, procede & regna, propter veritatem & māsuetudinem & iustitiam: nunc regnum ei⁹ regnum omnium seculorum. Sed paulò distinctius videamus, à qua humilitate ad hanc sublimitatem peruenerit, quam tamen semper habuit à patre & cum patre communem. Cùm igitur deus esset, hominem quem ipse fecit, assumpsit, nunquam dimissurus, vt & homo fieret, & deus esse non delineret: de pau percula matre nasci voluit, nō in vrbe regali, sed in paruo oppidulo Bethlehem, non saltem in domo vulgari, sed in iumentorum stabulo, vbi reclinatus in præsepio vagit. Ab angelis nuntiabatur, à pastoribus quærebatur, à magis adorabatur, & tamen ipse contemptibilis & despectus apparere volebat. Adultus non habuit vbi caput reclinet suum, alienis impensis sustentatus est, alieno vsus hospitio. Qui cœlum terramque fecerat & quæ in eis sunt, hic die ac nocte in laboribus fuit, docendo, sapando, orando, miracula operabatur & latere volebat. Super asinam sedens intrauit Hierosolymam, cuius sedes cœlum, & terra scabellū pedum erat. Lauit discipulorum suorū pedes, cui angeli seruebant. Cùm innocens esset, pro peccatis nostris ab incredulis quos ipse saluare venerat, comprehendi, ligari, cōspui, cædi, occidi voluit. Atque ita se submisit obtulitque vltro omnibus impiorum iniuriis, qui mundum pugillo continet, qui terram respicit & facit eam tremere, in quem angeli intueri gaudent, qui vita est omniū quæ viuūt, & author quæ subsistūt. Quid ergo vel magnificētia ei⁹ mai⁹, vel humilitate abiectius? Nemo æquare potest eius humilitatem, quia nemo habet tantam de qua descēdāt sublimitatē. Satis est si vestigia eius obseruantes, quantum possumus nos humiliter submisisse que geramus, ipso admonente ac dicente: Discite à me quia mitis sum & humilis corde, & inuenietis requiem animabus vestris. Sit igitur nobis curæ, vt minimi simus,

Matt. 23.

HH iij in

in omnibus patientes, in omnibus mites & mansueti, nulli malum pro malo reddentes, paruo contenti in laboribus assidui, seruire magis quam præesse cupientes, nunquam captemus hominum gloriam, sed semper dei laudem, & proximorum profectum. Parati sumus omnia supplicia, omne morti genus perpeti prius quam deo peccare. Per hanc humilitatem aditum nobis parabimus in cælum & gaudiis perfrui merebimur sempiternis, participes facti gloriæ domini nostri, cuius humilitatem in terra fuerimus imitati.

## *De humilitate vitiosa.*

Cap.

25.

**S**ciendum tamen, esse alias quasdam humilitates, ex quibus aliæ quidem nihil ad hanc pertinent, de qua locuti sumus, aliæ verò ipsam reddunt vitiosam. Quid enim ad virtutem illa humilitas qua obsкуро loco natos designamus, humiles appellando demissi generis in plebe vulgaria viros, vel illa quàm etiam rebus animatis insensibilibusque damus, nam & locum humilem dicimus qui pressior iacet inter eminentes atque demissior, & humilem arborem quæ non multum ab humo erecta sit. Sunt & alia duo humilitatis genera in scripturis obseruata, alterum cum quis aliorum iniquitate opprimatur affligiturq; iuxta illud populum tuum domine humiliauerunt, & hæreditatem tuam vexauerunt, alterum cum quis ob suam culpam pœnis aut calamitate aliqua grauatur secundum illud: Propter iniustitias enim suas humiliati sunt. Vtrūque hoc inuitum sit atque nolentem, virtutis autem humilitas voluntaria est, proinde etiam illam quæ vitij est voluntariam esse constat. Illa itaque non virtutis, sed nequitie malignitatisque erit humilitas, cum quis ea de cau-

Psal. 93.

Psal. 106.

La præ se feret humilitatem, siue ut inter sanctos ponē-  
 dus videatur, siue ut facilius eleemo synam eliciat & lu-  
 cretur. Tales erant, quos in Euangelio taxauit dominus  
 dicens: Væ vobis scribæ & pharisæi hypocritæ, qui mū-  
 datis quod foris est calicis & paropsidis, intus autē ple-  
 ni estis rapina & immunditia. Exterius quippe cilicio  
 se tegunt, nudis pedibus ambulāt, horridi, inculti, squa-  
 lentes, illuuiosi, inter loquendū suspirant, ingemiscūt,  
 fatentur se esse peccatores, crebrò ad orandum prostū-  
 bunt, sed intus vel inanis gloriæ cupidine flagrant, vel  
 quærendæ pecuniæ cura sollicitātur, sepulchris dealba-  
 tis, foris quidem mundi purique, sed intus pleni sordi-  
 bus atque spurcitia. Perniciosa est ergo humilitas, finge-  
 re quod non es, & esse quod non debes. Nam licet calli-  
 da simulatione falli possint homines, deus tamen nun-  
 quam fallitur, omnia nuda & aperta sunt oculis eius, ip-  
 se cordis & rerum scrutator, vnicuique reddit iuxta o-  
 pera eius, quæ tunc quidem iudicanda exponentur, cū  
 ni hil erit occultum quod non sciatur, neque abscondi-  
 tum quod non reueletur. Quid ergo proderit, humilē,  
 sanctum, mansuetum ab hominibus fuisse iudicatum,  
 cū etiam hominibus manifestum erit, qualis reuera  
 fueris? Neque enim ex præteritis aliorum rumoribus,  
 sed ex conscientia tua præsentī iudicaberis. Cæterū,  
 veræ quoque ac sanctæ humilitatis valdè studiosis cauē-  
 dum erit, ne fortè humilitatem putent, eos quibus præ-  
 positi sunt, non corripere si deliquerint, non castigare  
 si perseverauerint. Negligentia est istud non humilitas  
 & charitatis quàm proximo debes obliuio. Debes enim  
 curare, ut eos qui tibi commissi sunt, efficias meliores,  
 docendo, increpando, puniendo, quòd si per ignauiam  
 teneritudinēve animi omiseris, nō mitis neq; māsuet⁹,  
 neq; humilis, sed ecōtrario īhumanū & à charitate a-  
 lien⁹ fuisse argueris, crediti q; tibi gregis nō pastor, sed  
 desertor, q̄ris fortasse cur ergo p̄cipiat dñs: Qui maior ē

Mat. 23.

Mar. 20.

HH iiii

vstrum



Humilitatis ordo.

Pfal. 33.

Matt. 5.

Pfal. 36.

Pfal. 124.

1. Pet. 1.

vestrū, fiat sicut minor, & qui præcessor est, sicut ministratori. Non hoc dicit vt peccantes non arguas, quos & ipse flagello de templo expulit, sed vt in laboribus operæque serui cum ipsis quibus præsidet, communices, & in spiritalibus negotiis grauiora onera tuis q̃ aliorum humeris imponas, necessitatibusque domesticorū tuorum pro viribus prospicias, & tanquam filiis ministres, indulgentissimi que patris fungaris officio, nihil præmittendo quod vel ad humilitatem pertinere videbitur, vel ad charitatem. Definiamus igitur vitiosam fore humilitatem, quæ charitati aliisque virtutibus nō fuerit copulata. Nam neque libidinosi proderit humilitas, neque gulæ ventri que seruiantibus, neque alij alicui flagitio subnixis. Prima humilitas esse debet deo obedire, deinde præpositorum iussa exequi, postremo facilem se omnibus præstare, neminem offendere, & pati potius iniuriam quam inferre: nihil terrenum appetere, sed cœlestium desiderio semper inherere. Quicumque ita se humiliauerit, exaltabitur & vnā cum illis quos in exemplum proposuimus, gaudebit in æternum gloriosus. In psalmo enim dicitur: iuxta est dominus his, qui tribulato sunt corde, & humiles spiritu saluabit. Et in euangelio: Beati pauperes spiritu, quoniam ipsorum est regnum cœlorum. Beati mites, quoniam ipsi possidebunt terram. Et alio psalmo: Mansueti hæreditabunt terram, & delectabūtur in multitudine pacis. Possidebunt ergo humiles terram, non hanc ærumnarum & inquietudinis plenā, sed illam in qua iugis tranquillitas & pax est perennis, quæ etiam terra viuētium dicitur, iuxta illud: Credo, videre bona domini in terra viuētium. Humiliemur igitur (vt Petrus Apostolus præcipit) sub potenti manu dei, vt nos exaltet in tempore visitationis. Nihil est vera humilitate præstanti⁹, nihil tranquillius, & à perturbationibus animi magis remotum. Humilitas patiens est, benigna est, nec contem-

pta irascitur, nec laudata se extollit, nec aduersis concen-  
titur, nec prosperis delinitur, in vtraq; fortuna æqua-  
bilis perseverat. Vulgi quidem opinione despicitur, sed  
sapientissimi cuiusque iudicio commendatur, summi-  
que dei benignitate ad cœleste regnum sustollitur, &  
coronatur. Expediens nunc videtur, vt de contrario hu-  
militati vitio, superbia differamus. Nam virtutem ar-  
dentius amplectemur, cum nequitie turpitudinem  
magis plenè cognouerimus.

## LIBRI. VI. FINIS.

## EVANGELISTARII

## MARCI MARVLI LIBER . .

VII. sub charitatis titulo, de vitio su-  
perbiæ, de virtutibus obedi-  
entiæ ac patientiæ, earum-  
que oppositis vitiis.

Item de vitio  
iræ ac lin-  
guæ edif-  
ferens.

## De superbiæ vitio. Ca. I.



QVARE scriptum est: Initium om- Eccl. 10.  
nis peccati est superbia, nisi quia om-  
ne peccatum à voluntate diuina no-  
stræ voluntatis auersio est: vt faciat  
seruus quod vetat dominus, vel face-  
re velit quod ille iussit. Hoc autem  
proprium superborum esse negari  
non po-

non potest. Quāvis igitur varię sint peccati species, vna  
tamen omnium mater est superbia, ita vt cum ipsis pec-  
catis quę genuit, simul viuat, simul moriatur. Nemo qp-  
pe definit esse superbus, nisi cum defierit esse peccator.  
Peccata tamen quę plus in se superbię habēt, hæc sunt:  
Sui confidentia, inanis glorię appetitio, aliorum con-  
temptus, de se iactatio ostentatioque, neminem pati si-  
bi superiorem, & ne æqualibus quidem facilem se præ-  
stare. Præterea gestus habitusq; corporis immodestus,  
proterua atque aspera verborum prolatio, temeraria-  
que cōfidentia actionum, erecta ceruix, contumax aspe-  
ctus, lentus tardusque incessus, & vecordiam potius q̃  
grauitatem præse ferens vultus. Veruntamen quo ma-  
gis arroganter coram hominibus sese composuerint su-  
perbi, eo minoris existimationis apud deum erunt, dicē-  
te Isaia propheta: Dixit dominus deus, pro eo quod ele-  
uatae sunt filia Sion, & ambulauerunt extento collo, &  
nutibus oculorum ibant, & plaudebant & ambulabāt,  
& pedibus suis composito gradu incedebāt, decaluabit  
dominus vertices filiarum Siō, & dominus crinem ea-  
rum nudabit, & pro ornatu erit ignominia. Nihil enim  
secum feret superbus cum hinc decesserit, omni pom-  
parum suarum ornatu fastuque decaluabitur, nudus ad  
inferos descendet inglorius, contemptibilis, despectus,  
tanto aliis magis infimus, quanto sibi videbatur subli-  
mior, Hoc etiam per Sophoniam minatur dominus, di-  
cens: Visitationem omnem qui arroganter ingreditur sup-  
limen, hoc est, siue priuatas ædes, siue dei templum cum  
superbia ingredientem visitabo iusta ultione atq; vin-  
dicta. Sunt enim quibus non est satis in foro, in campis,  
in hominum frequentia supinos elatosq; incedere, sed  
etiā domum domini ingressi, cum maximē se submit-  
tere deberent ante altare cœlestis regis, eundem vultū  
seruant, eandē supercilij elationem, quasi iam ei æqua-  
les, cuius non multo post iudicium velint nolint subitu-  
ri sunt,

pho. i.

ri sunt, & tunc demum fiet, quod ad' Deum Psalmista Isa. 17. ait: Oculos superborum humiliabis. Nihil enim oculi iam ad inferos damnatorum quod eos delectet videre poterunt, sed cuncta tristitia & acerba miseri illi & cernere & pati compellentur, qui que se olim supra homines esse arbitrabantur, sub immundorum spirituum potestate erunt. Quod quidem metuens Iesus Syrachii filius, orabat dicens: Domine pater & deus vitæ meæ extollentiam oculorum meorum ne dederis mihi, hoc est, ne permittas, vt me superet superbia, & me aliquid esse credam, supra id quod sum. Eccl. 23.

## Quanta mala pariat superbia.

### Cap. 2.

**S**criptum est præterea: Vbi fuerit superbia, ibi erit & contumelia. Necesse est igitur, vt elati superbia Prou. 11. toruque aspectu homines, prorumpant in contumeliam & probra & conuiuium. Sicut enim nebulosa ac tristis cæli facies rarò cum silentio soluitur: ciet tonitrua, cogit micare fulgura, fulmina cum fragore decidere, terramque imbribus repente inundare: ita ventosæ superbiæ tumor, nisi ratione coërceatur, irarum austros proflabit, & obuium quenq; maledictis petulãter laceffet. Vnde alibi dicitur: Inter superbos semper Prou. 13. sunt iurgia. Intantum quidem superbi iurgiis assuescunt, vt ipsa iurgia superbiam appellet Psalmista, dicens: Os Psal. 16. eorum locutum est superbiã. Superbi erant Iudæi, ideo neq; contra deum murmurare timuerunt, nec Moyfi & Aaroni contumaciter insultare. Roboamum Salomonis filiũ ad contumeliæ verba regalis impulit dignitas, & populo poscenti aliquod pensionum leuamen, addam respondit super iugum vestrum. Pater meus cecidit vos 3. Reg. 12. flagellis, ego cædam scorpionibus. Tantum hac animi elatione profecit, vt duodecim tribuum rex, mox

1. Reg. 19.

mox duarum tantummodo fieret, reliquis ab eo secendentibus. Nemo enim superbo domino libenter seruit. Nemo etiam impunè aduersus deum superbit. Etenim Sennacherib rex Assyriorum, captis aliquod Iudææ oppidis, Hierosolymam obsidiōe premere cœpit, blasphemias in deum Israël dixit, seque diis potentiorē asseruit. Ex quo Hierosolymarum rex Ezechias perterritus, deposita regali purpura, saccum induit, & supplex dominum orauit. Præualuerunt preces humiliantis se aduersus furorē impotentiamque superbi. Angelus domini maiore parte Assyrij exercitus prostrata, regem cum reliquis Niniue redire cœgit. Quo ille perueniēs, filiorum suorum manu interemptus occubuit. Hinc planè satis patet, quàm fragiles, quàm nullæ sint humanæ vires, si cum deo contenderint. Ad hæc, superbus post iurgia illos cum quibus iurgatus est, re atque opere lædere affectat, vt vim roburque suum ostendet, seque ex illis esse probet, de quibus Amos propheta ait: Conturbant super puluerem terrę capita pauperum, & viam humilium declinant. Sedechias quoque filius Chanaan volens videri propheta, cum prospera regi Samariæ Achabo prædixisset, Micheę contraria, quæ & eueniunt, prophetanti colaphum infregit, dicens: Méne ergo dimisit spiritus domini, & locutus est tibi? Vir arrogans igitur & inani gloria tumens, dum persuadere nititur se esse quod non est, si quis contradixerit, impatiens iræ, ne manibus quidem temperat, nihilque pensi habet meliores se atque honorabiliōres afficere iniuria. Ioab Dauidici exercitus ductor, non potuit pati perfecturæ honorem laudemque militiæ cum aliis participari, & Amasam collegam suum amicè alloquens, incautū interemit. Nullo itaque scelere abstinere superbia, nec rapinis, nec cædibus parcat, dum supra omnes eminere atque excellere appetit. Aduersus hanc per os Abacuc prophetæ spiritus sanctus clamat: Væ qui congregat auaritiā

Amos. 2.

3. Reg. 22.

3. Reg. 20.

Abac. 2.

auaritiā malam domui suæ, vt sit in excelsō nidus  
 eius. Ad superbiam autem vitium alios virium confiden-  
 tia stimulat, alios rerum prosperitas hortatur, aliis au-  
 daciā longus peccandi vsus præstat, qui reuſo iam  
 conscientie aculeo delictorum affiduitate, neque homi-  
 num pudore neque vllō dei metu cohibetur. In Abdia  
 propheta Idumæam increpat dominus, & ait: Valdē su-  
 perbia cordis tui extulit te habitantem in scissuris pe-  
 træ, exaltantem solium tuum, qui dicis in corde tuo.  
 Quis detrahet me in terram? Et quoniam supra quā  
 decuit efferebatur Idumæus, consequenter dicitur ei. Si  
 exaltatus fueris vt aquila, & si inter sydera posueris ni-  
 dum tuum, inde te detraham dicit dominus. Vt qui se  
 omnium fortissimum credidit, omnium imbecillimus  
 euadat, & de illo quoque dicatur: Arcus fortium supe-  
 ratus est, & infirmi accincti sunt robore. Quod autem 1. Reg. 2.  
 & superbi humiliantur & humiles exaltentur. Benedab  
 quoque Syriæ; rex nobis exemplo est, qui Samariam  
 cum innumera militum multitudine inuadens, gloria-  
 batur quod pulvis Samariæ non sufficeret pugillis po-  
 puli, qui ipsum secutus fuerat. Deo autem arrogantiam  
 eius vlciscente, egressus rex Achab tantum cum septē 3. Reg. 20.  
 millibus virorum, & ducentis triginta duobus fudit fu-  
 gauitque eum, qui iam in manibus victoriam se gerere  
 credebat. In sequenti anno Israëlitarū parua manus eā  
 tum milia Syrorum in prælio conciderunt, reliquos fu-  
 ga elapsos, in oppido Aphec murus ruina oppressit. Be-  
 nadab captus qui sibi insuperabilis videbatur, proſvita  
 supplicauit. Niniuen etiam Assyriorum metropolim,  
 cui dominus poenitenti & humiliatę pepercerat, postre- Ninius  
 mō tamen insolenter elatam repenti ruina cōcidere p-  
 misit. Ideō illi per Sophoniam superbiam crimen obii-  
 citur, dicentem: Hæc est ciuitas gloriosa, habitans in  
 confidentia, quæ dicebat in corde suo: Ego sum, & ex-  
 tra me non est alia amplius, quomodo facta est in deser-  
 tum

Pfal. 36. fertum cubile bestiarum: omnis qui transit per eam, sibilabit & monebit manum: quasi dolens eam quæ fuerat, iam non esse sicut & Psalmista ait: Vidi impium superexaltatum ut cedros Libani, transiui, & ecce non erat.

*In illos qui sanctitatis ostentatione  
alios carpunt. Cap. 3.*

Isaiæ. 65. Sicut qui de morum sanctitate sibi plaudentes, aliorum vitam carpunt, ut illis quos improbant, meliores videantur. Talibus in Isaiâ minatur dominus dicens, Qui dicunt, recede à me, non appropinques mihi, quia immundus es. Isti fumus erunt in furore meo, ignis ardens tota die, ecce scriptum est coram me. Qui se igitur quamvis bonus suo ore extollit, dei damnabitur iudicio, saluatore in Evangelio dicente, Vos estis qui iustificatis vos coram hominibus, deus autem novit corda vestra quia quod hominibus altum est, abominatio est apud deum. Huiusce rei nobis pharisæi quoque proponitur exemplum, qui templum ingressus, dum se iustificat, & publicanum iuxta orantem accusat. Publicano ipso nequior de templo exiit. Modicum itaque arrogantiae fermentum, totam corrumpit massam virtutum, & si quid boni superædificatur, corrumpit. Quid est enim quod Salomô in Prouer. ait: Domus superborum demolitur dominus, nisi quia superbi licet opere interdum non peccent, animo tamen delinquant, donum dei non Dei laudi, sed suæ tribuendo: Vnde idem, Abominatio est domini inquit, omnis arrogans, etiam si manus ad manum fuerit, non erit innocens. Et in psalmo est scriptum: Superbi iniquè agebant usquequaque. Ceterum impossibile est, ne quando etiam actione delinquant, qui per arrogantiam in se confidunt. Sibi quippe derelicti, absque gratiæ diuinæ fulcramento stare nullo modo poterunt.

Isaiæ. 65.

Luc. 16.

Luc. 18.

Prou. 16.

Ibidem.

Psal. 118.

runt. Semper autem prius est, vt in corde superbiat peccator quàm in opere, & hanc reor Salomonis esse sententiam dicentis: Contritionem præcedit superbia, & ante ruinam exaltatur spiritus. Quòd si iam affectione mali interitus cecidit, nisi repente culpam agnoscat & doleat, quomodo nõ etiã exterius iniqua operatione labetur, quomodo dum multos probitatis laude anteire se existimat, non de aliis obloquetur? non aliorum vitæ carpet, & insectatione laceffet? Quamobrẽ iterum Salomon ait: Expedit magis vrsæ occurrere raptis foetibus quàm fatuo confidenti sibi in iustitia sua. Non enim fama honesti deperit, si à fera mordearis, sed si linguae petulantis iaculo ictus fueris, periculũ est ne inter infames computeris. Et licet mala hominum opinio de te innocente, tibi non noceat, nocet tamen aliis, qui te sibi similem rati, sese corrigere negligunt, & quasi te authore in malo perseverant. Incipiet autem & tibi detrimento esse, si in tua infamia contemnes lapsum proximorum. Ideò dicitur: Qui negligit famam suam, crudelis est. Melius est bonum nomen quàm diuitiæ multæ. In sua verò iustitia confidenti ab Apostolo dicitur, Qui se existimat stare, videat ne cadat. Et alibi: Si quis existimat se aliquid esse, cum nihil sit, ipse se seducit. Opus autem suum probet vnusquisque, & sic in semetipso tantum gloriã habebit, & nõ in altero. Illi quippe in altero habent gloriã, qui malunt laudari ab hominibus, quàm à deo probari. His quidem non tam virtus ipsa placet, quàm vmbra quædam simulatioque virtutis, non habentes curæ vt boni sint, sed vt esse videantur. Et hoc quidem in causa est, vt se aliquis arroganter iactet, & alios contemnat, & parui reputet: Sed talem condemnat propheta dicens, Vx qui prædaris, nõ me & ipse prædaberis? & qui spernis, nõne & ipse spernẽris? Certissimum quippe est, quod malum à iusto iudice recipiet, qui malum proximo suo machinabitur. Spreuerunt

Prouer. 16.

Prouer. 17.

Prou. 22.

1. Cor. 10.

Gal. 6.

Isai. 33.



Iere. 48.

sunt Ieremiam Iohannan & qui cum illo erant, contēptoque eius consilio abierunt in Aegyptum. Et gladius regis Babylonis, quem fugiebant, ibi cōcidit illos, cum in terra Iuda si prophetam audissent, à periculo tuti forent. Spēnūt etiam superbi eos qui in monasteriis deo seruiunt, & quòd seculo renūciarint, irrident, ipsi mox ridiculi futuri dēmoniis. Sic fatua Michol virum suū Dauidem derisit, ante arcam domini saltantem atque indentem, & Ephoth lineo indutum. Hoc autē regis seruitium quā gratum esset domino, superbæ mulieris multa ostendit. Eam enim ob rem sterilitate damnatur, ne de illo habeat liberos, quem deo deuotum despetit. Sic & impius Nicanor cum exercitu missus à Demetrio Anthiochiæ rege, ascendens montem Sion, ludibrio habuit sacerdotes, ipsa sibilauit sacrificia, & minatus est ferro se ignique cuncta vastaturum, nisi Iudæ & omnes qui ipsum sequebatur, sibi traderent. Occurrit illi Iudas cum trium milium manu tantum, castraque eius contriuit. Cecidit Nicanor, plurimi de suis desiderati sunt, caput & dextera superbissimi ducis ante portam Hierosolymæ vrbis suspensa, vt omnibus pateret, spes eorum in contrarium verti, qui diuina incesse re præsumunt, Psalmista dicente: Confundantur & cōuertantur retrorsum omnes qui oderunt Sion. Fiant sicut fœnum tectorum, quod priusquam euellatur exaruit. Ab his liberari precatur iustus, cū ait, Miserere nostri domine, miserere nostri, quia multum repleti sumus despectione, multum repleta est anima nostra, opprobrium abundantibus & despectio superbis.

1. Par. 18.  
Michol.

Nicanor.  
1. Mac. 7.

Psal. 128.

Psal. 122.

*Quod superbi succumbant passionibus, & quæ sint illa per quæ notantur superbi.*

Cap.

## Cap.

## 4.

**P** Affionibus præterea seruit superbus, immoderate  
gaudet, intemperanter tristatur, supra modum spa-  
rat, infra modum metuit, nihil ei temperamen-  
to constat rationis, quoniam in omnibus appetitum se-  
quitur carnis, quamobrem in psalmo dicitur: Fundamē-  
ta montium commota sunt, & conturbata sunt, quoniā Psal. 174.  
iratus est eis deus. Alias montes intelliguntur, sancti p-  
pter diuinæ cōtemplationis altitudinem, Hinc super-  
bos accipimus propter arrogantiam elationem. Superbi  
ergo conturbantur, quoniam iratus est eis deus. Quem-  
admodum enim humilibus placatur ita irascitur su-  
perbis. Quos autem deus abnuitt, & auersatur, fieri om-  
nino non potest, quin suæ imbecillitati relictī contur-  
bentur animis, & insipienter commoueantur curisque  
superuacuis incessantur. Hinc est quod secundus à rege  
Persarum Assuero Aman, pati non poterat quod Mar- Aman.  
dochæus Iudæus non sibi assurgeret seque nō adoraret. Hester. 3.  
Ion furore accensus, à rege apud quem plurimum pote-  
rat exegit, vt Iudæi qui in regno eius erant, internecio-  
ne delerentur, & cum his ipse Mardochæus in crucem  
actus periret. Sed vide quomodo deus deposuit potētes  
de sede, & exaltauit humiles. Rex edoctus per reginam  
coniugem suam Hester, quàm benè de illo meritis fue-  
rit Mardochæus, detectis olim insidiis cōiuratorum in  
ipsum mutauit edictum. Iudæosque liberæ conditionis  
esse iussit. Mardochæum verò post se primum fecit. A-  
man autem in crucem, quam ipse Mardochæo paraue-  
rat actus est. Atq; ita omnia superbi vota in contrariū Hester. 7.  
uersa sunt, & perniciēs quam aliis inferre cogitarat, ip-  
si contigit, nunc superbe, preme alios vt te extollas, in-  
sidiare, machinas omnes intēde, vt per aliorum ærum-  
nas ad fastigium alicuius dignitatis ascendas, dummo-  
do scias iustissimum simul & potētissimum esse illum,

II

quem

quem offendis. Quod si præsentium bonorum cupidine duceris, quis erit finis concupiscendi? regnū adeptus aliud desiderabis, terræ marisq; imperio potitus quæres si quis vltra alius lateat orbis cuius nondum dominus factus sis, & quo maior fueris, magis exaltari affectabis, vt de te quoque propheta ad dominum conuersus conqueratur, & dicat: Superbia eorum qui te oderunt ascendit semper. Ascenderat Nabuchodonosor factus arbor fortis & procera vsq; ad cœlū & lata nimis, expendens ramos vsque ad terminos terræ, foliis fructibusque referta, non quod esset, sed quod tam magnus sibi videretur. Et cum præ viribus imperij sui neminē timeret, repente corruit, dicente per angelum suum domino ac iubente: Succidite arborem, præcidite ramos, excutite folia, dispergite fructus. Itaque cum omnium orientis regum potentissimus esset, ob hoc superbiæ factum ita deiectus est, vt ab hominum quoque cœtu pulsus, cum bestiis in solitudine vitam ageret. Postea verò humiliatus deo miserante regnum recepit, pristinaq; fortunæ restitui meruit. Quamobrem in hoc vno quidem perspicuè dicimus tum quantum displiceat domino nostra arrogantia, tum rursus quantum placeat humilitas, de quibus in Euangelio dicitur: Omnis vallis implebitur, & omnis mōs & collis humiliabitur. Montes hoc loco superbi intelliguntur, vt est illud in psalmo. Montes sicut cera fluxerunt à facie domini. Et in alio psalmo: Tange montes & fumigabūt. Superborum quippe gloria in fumo vanitatis laborat, humiles autē in luce resplendent veritatis, cū exaltantur. Superbi volucres cœli sunt, de quibus dicitur: Omnia subiecisti sub pedibus eius, volucres cœli & pisces maris, vt Christi iudicio subiecti sint & hi qui mentis elatione insolescunt, & illi quorum vita inter mundanas fluctuat vanitates: & vt vtrosq; Christo inuisos intelligas, ipse in euangelio dixit: vulpes foveas habent, & volucres cœli nidos,

Psal. 73.

Dani. 4.

Lucæ. 3.

Psal. 96.

Psal. 145.

Volucr.

Psal. 80.

Lucæ. 9.

nidos, filius autem hominis non habet ubi caput reclinet suum. Alteri enim terrenis negotiis dediti, avaritie student, alteri nihil magis curant, quam ut fama honoribusque emineant, utque id assequantur, neque homines neque deum offendere verentur, Destituit enim eos ratio ac veluti pecora presentia tantum aspiciunt, & futura quæ æterna sunt, non recogitant. Quod si quid etiam benefecerint, suæ virtuti non ditius gratiæ tribuunt. Contra quos clamat Isaias, dicens: Nunquid gloriabitur securis contra eum qui secit in ea: aut exaltabitur ferra contra eum à quo trahitur: quasi diceret: Ista instrumenta nō vendicant sibi laudem operis, quæ propria opificis est, & vos de bono illo; quod non tam à vobis quam per vos gestum est, totam gloriam vobis usurpatis? Cum omne bonum desursum sit, & omne donum perfectum à patre luminum descendat in hominibus, ut quod ille iubeat, ipsi possint perficere.

Isaie. 10.

*Quod alij dignitate, alij humilitate  
laudari appetunt, alij deo quo-  
que se audent comparare,*

*Cap. 5.*

**A**lij sanè per ambitionem magni apparere volunt & sicut saluator ait: Amant primos recubitus in cœnis, & primas cathedras in synagogis, & salutationes in foro, & vocari ab hominibus rabbi. Qui talia amat, peccat: non quòd non liceat homini primo loco sedere, si id dignitas ipsa in qua est exigit, sed quòd ex eo voluptatem capere, arrogantia vitium sit. Itaq; non erit nefas, ei qui iussus est præsidere, primam tenere cathedram, sed hoc affectare inanis gloriæ gratia, nefas erit. Quinimo si etiam in infimo loco sedendo ab aliis commendari concupieris, humilitatis bonum humane

Matth. 23.

II ij laudis

laudis desiderio corrumpes, & devirtute facies vitium. Et quoniam (vt diximus) mens animusque superbiorū nequit quiescere, semperque se magis ac magis erigens eo quoddam prouexit vecordia, vt se deo comparare au si sint, deumque contemptui habere. Nabuchodonosor rex, cuius insaniā paulo antē retulimus, hoc tamen pretermisso quod nūc dicemus, auream statuam erexerat, se in ea veluti deum adorari iubens. Et quoniam se supra hominē extulit, regno depositus cum bestiis vixit. Ad principem Tyri in Ezechiele dicitur: Hęc dicit dominus deus, eo quod eleuatum est cor tuum, & dixisti deus ego sum, & in cathedra dei sedi in corde maris, cū sis homo & nō deus. Hinc demum post commemoratas tantæ elationis causas infertur, quod tradendus alienigenis esset, spoliāndus atq; interficiendus. Illorum quoque superbia deo se conferentium fuit, qui primū ab oriente venientes posuerāt sibi sedem in terra Sanaar. Turrim enim ædificarūt, cuius altitudinem ad cælum vsque educere decreuerāt. Tam igitur stulta est superbia, vt etiam nulli mortalium possibilia præsumat. Inter ædificādum linguis confusi sunt, deinde per orbem dispersi, ita vt neq; intelligere alter alterum, neque simul consistere quierint. Senacherib Affyriorum Rex, vt antē est dictū: Deum Israhēl blasphemare ausus, vnā nocte cæsis ab angelo exercitibus, fugere coactus est à mœnibus Hierosolymæ vrbs quam obsederat, & cum Niniuē peruenisset, à filiis fuit interemptus. Balthasar Chaldæorum rex, quia vasis sacris, quæ de Hierosolymis translata fuerāt, bibit in conuiuio, & idola vana colens laudes dixit diis, antē manu supra parietem scribēte territus, deinde ipsius interpretatione scripturæ, postremò nocte insequente interfectus est. Antiochus Epiphanes & ipse in deum blasphemus, ira q; tumens minabatur vrbem Hierosolymam supra Iudæorū corpora dirui turum se, & quæ habitantium erat locus, facturum vt

Nabuchodonosor  
Daniel.;

Gene. 11.  
Turris  
Babel

Senacherib  
1. Reg. 19.

Balthasar  
Daniel. 5.

Antiochus  
2. Mac. 9.

rum vt fit cæſorum ſepultura: mox viſcerū dolore cor-  
reptus, ac toto tabefacto corpore ſero poenitēs, æquum  
eſſe ait, vt homo mortalis deo immortalī ſit ſubiectus:  
talīa fatuſ vita deceſſit, de dolore traductus ad acriores  
gehennæ dolores, inferorumq; ſupplicia. Documento  
eſt quod omnino nihil ſit regū terræ poteſtas, ſi coele-  
ſtis regis potentia comparatur: Non abſimile ſine con-  
ſumptus eſt Herodes Agrippa, Sedēs enim pro tribuna-  
li dum cōcionaretur, magno plauiſu exceptus dicentiū,  
non humana verba, ſed diuina de ore eius ſuere: nō egit  
gratias deo, ſed laudem illam totā ſibi vōdicauit, quod  
deo conferēdus videretur, ob hoc ab angelo percuſſus,  
vermibus ſcaturire cōepit, ac tam infelici exitu is qui ſi-  
bi feliciffimus videbatur, vitam obiit: adhuc deterius  
ab immortalī verme in inferno carpēdus quam à qui-  
bus conſumptus eſt. Caius Cæſar (vt Joſephus reſert)

Acto. 12.  
Herodes

C. Cæſar

cultum ſibi tanquā deo exhiberi iuſſit, ſtatua in Ca-  
pitolio poſuit, ſe Ioui parem dictitans: deinde in ſena-  
tu interemptus, deus eſſe deſiit, ita vt ne hominis quidē  
in eo facies aliqua ſupereſſet, totō tandem in cineres cō-  
uerſo. Talibus imprecatur Eccleſiaſticus, dicens: Conte-  
re domine caput principum & inimicorū dicentium,  
non eſt alius præter nos. Grandis arrogantia ſtultaque  
preſumptio, putare ſe ſingularē, & ab iis qui prudenter  
iudicant, non ita magni haberi. Vnde præceptum eſt:  
Non te extollas in cogitatione animæ tuæ velut taurus,

Eccleſ. 6.

Eccleſ. 10.

Ibidem

ne forte elidatur virtus tua per ſtultitiā. Et alibi: Odi-  
bilis, inquit, coram deo eſt & hominibus ſuperbia. Et  
rurſum: Quid ſuperbis terra & cinis? Quid eſt enim de  
quo gloriari poſſit aliquis, niſi de ſola animi virtute  
qui autem gloriatur, in domino gloriatur.

*Quod ſancti quandoque lapſi ſint  
per ſuperbiam.*

Cap. 6.

II iij

Nihil

**N**ihil aliud habemus, quod non sit cum brutis commune, præter ipsam animi rationem atque sapientiam. Difficile est tamen ne quando in ipsam labamur mentis elationem, neue aliqua laudis cupiditate interdum perstringamur, quandoquidem sanctissimis quoque viris hoc contigisse, scripturarum monumenta nobis testantur. Peccavi (inquit David) valde in hoc facto, cum numerare iussisset Israëllem & Iudam, censaque fuissent de Israëlle octingenta milia virorum fortium, de Iuda quingenta milia. Cumque se peccasse fateretur, subiunxit: Sed precor domine, ut transferas iniquitatem serui tui, quia stultè egi nimis. Quamvis autem eum poeniteret, de tribus tamen poenæ generibus datur vnus optio, hoc est, vel septennis famis, vel trimestris fugæ persequentibus inimicis, vel triduanæ pestilentiae. Qua electa septuaginta milia virorum, qui eius ditionis erant, mortē consumpta sunt. Iugenti & in humilitate supplicanti venia tandem data, cessauit internecio ac vastitas plebis. Hinc ille gratias agēs, dixit: Audiuit domin⁹ & misertus est mei, dominus fact⁹ est adiutor meus. Quoties igitur nos aliquo rerum successu quicquam efferri contigerit, toties ad nos reuerſi humiliemur, veniamque precemur poenitendo, ne forte totam iram effundat deus in obstinatos, qui vindictā temperat aduersus poenitentes, misereturque supplicibus & ignoscit. Peccauit & Ezechias rex, alioqui erga deum pietate notissimus, eleuatum est cor eius, postquā graui obsidione Assyriorum fuit liberatus, additi que sint vitæ suæ quindecim anni, dato ne id futurum dubitaret signo per decem horarum spacium retro ducti solis. Et tunc quidem iactabundus regis Babylonij legatis ostentauit omnem domus suæ opulentiam, propterea per prophetam audiuit diuitias illas ad Babylonem transferendas vna cum liberis nepotibusque suis. Sed quoniam submisit se domino, dilata est calamitas ad regni

2. Reg. 23.  
David.

Psal. 29.

Ezechias.  
Isaia. 39.

gni successores. Ipse verò mali huius expers decessit, non tamen absque dolore eorum quæ post se nouerat esse ventura. Peccauerunt & discipuli Christi, orta inter Apostoli se contentione, quis eorum videretur esse maior? Sed Lucæ. 22. ab ipso veræ virtutis præceptore reprehensi sunt, dicente: Gentilium non Christianorum esse, ambire honores, & se magnificos apparere velle. Vos autem non sic, inquit, sed qui maior est in vobis, fiat sicut minor: & qui præcessor est, sicut ministrator. Nam quis maior est, qui recumbit, an qui ministrat? nonne qui recumbit? ego autem in medio vestrum sum sicut qui ministrat. Is igitur qui præferri aliis concupiscit gentilitatem sapit, qui verò vel in dignitate positus, minoribus ministrat ea quæ ad cōsequendam salutem necessaria sunt virtutum præcepta, siue ad sustentationem vitæ opportuna subsidia, hic Christi discipulus est, humilitate deiectus, dignitate præstans, non quærens quæ sua sunt, sed quæ aliorum.

*De superbia diaboli, & superborum  
damnatione. Cap. 7.*

**I**lle præterea qui tumide arroganterque sese gerere non desierit, hic diaboli discipulus simul & seruus erit. Diabolus quippe (vt in Iob legimus) rex est super Iob. 41. vniuersos filios superbiæ. Quid autem vilius, despectius, miserius, infelicius, quàm eius esse mancipium, qui & ipse propter superbiam celo deturbatus lucem amisit, & in infernum corruens, tenebris & igni est additus? Quid, inquam, dici aut cogitari foedius potest, quàm vt homo ad similitudinem dei factus, conditionis suæ oblitus, immundum imitetur spiritum, teterrimam sequatur beluam, immanissimoque sese subdat serpenti? Qui licet sæuissimus insolentissimusque sit, à sanctis tamen humilibusque dei seruis cōculcandus & cōterendus

II iiij est in



Miche.4.

est in die iudicii, dicente Michea propheta: Calcabitis impios, cum fuerint cinis sub planta pedum vestrorum in die quam ego facio dicit dominus exercituum, vt videlicet tanto despicabilior appareat malignus hic spiritus, quanto arrogantius cōtra deum creatorem suum & dominum insurrexit. Dixit enim vt in Isaia est scriptum: Ascendā super sydera dei, exaltabo solum meū, sedebo in monte testamenti, in lateribus aquilonis, ascendam super altitudinem nubium, & ero similis altissimo. O insatiabile malum superbia: In cœlo erat & adhuc altius prouehi cupiebat. Nam supra illud etiam cœlum se ascensurum iactabat, de quo dicitur: Cœlum cœli domino, terram autem dedit filiis hominum, supra sydera dei, supra altitudinem nubium, hoc est, supra omnes angelicas virtutes & potestates. In monte testamenti, in lateribus aquilonis, iuxta illud quod in psalmo legimus: Mons Sion latera aquilonis, ciuitas regis magni, mons Sion & mons testamēti sancta ecclesia est, latera aquilonis in cœlo puriora nobis apparēt. Ideo sub hac metaphora signatur locus in cœlesti gloria ceteris purior atque sanctior, in quo summæ maiestatis principale habitaculum est: Illo igitur mens elata & temeraria cogitabat ascendere. Quemobrem ne ibi quidem vbi erat, quiuit permanere. Ad ima terræ corruit: dum se ad fastigia vsque cœlorum extendit, diciturque ei: Quomodo cecidisti de cœlo Lucifer, qui mane oriebaris? Corruisti in terram. Hoc in Euangelio dominus testatur, dicens: Videbam satanam sicut fulgur de cœlo cadentem. Et Ioannes in Apocalypsi: Vidi stellam de cœlo cecidisse in terram, & data est ei clavis putei abyssi. Idem alibi: Factum est, inquit, prælium magnum in cœlo Michaël & angeli eius præliabantur cum dracone, & draco pugnabat & angeli eius, & non valuerunt, neque locus inuentus est eorum amplius in cœlo, & proiectus est draco ille magnus, serpens antiquus,

Isaia.14.

Psal.47.



*De superborum pœna. Cap. 8.*

**Q**ualis autem superborum pœna futura sit, præsentia demonstrant, nam si in vita quoque interdum grauissimè plectuntur, haud dubium quin multo acerbiora passuri sint post mortem in inferno, nisi decedentium comes fuerit humilitas, id quamquam ex his quæ diximus perspicuè adparet, addamus tamen & alia quædam de scripturis, ut quo plures aduersus vitium istud sententias didicerimus, in euitando efficiamur diligentiores. Per Isaiam superbis minatur dominus, dicens: Quiescere faciam superbiam infidelium, & arrogantiam fortium humiliabo. Et per Ezechielem: Adducam (inquit) pessimos de gentibus, & possidebunt domos eorum, & quiescere faciam superbiam potentium, & possidebunt sanctuaria eorum. Utinam non de nobis ista exponi queant, quorum infideles Turcæ vicos, oppida, provincias occuparunt, aras suosque prophanâtes, nullo die cessant in reliqua Christianorum regna debacchari, captiuos abducere, pecora depredari, vastare agros, cædibus grassari, & in nomen Christianum magis quam dici queat impiè furere. Hoc perpetuo flagello nostra percutitur superbia, & tamen adhuc humiliari negligimus. Infidelium arma sine intermissione sæuiunt, & sæuiendo prosperantur: quia Christiani principes inter se dissident, inter se digladiantur: & cum iunctis viribus cõmuni periculo simul occurrere deberet, id agunt, ut facilius quicquid reliquum est Christiani imperij, dissipetur, & in impiæ infidæque gentis veniat potestatem. Cæterum si quis hanc quam imminere cernimus calamitatem effugerit, & tamen scelere atque superbia sese efferre non desierit, nequaquam illam multo horribiliorem arumnam effugiet, quam futuram Malachias denunciat dicens: Ecce dies veniet succensa quasi caminus, & erunt omnes superbi &

Isaïæ. 53.  
Ezech. 7.

Malac. 4.

perbi & omnes facientes impietatem stipula, & inflam-  
 mabit eos dies veniens, dicit dominus exercituum: quæ  
 non relinquet eis radicem & germen, id est, ullam con-  
 uersationis pristinæ spem, dicetur enim eis. Ite maledi-  
 cti in ignem æternum, qui paratus est diabolo & ange-  
 lis eius. Vt videlicet superbi homines cum ipsis super-  
 biæ spiritibus crucientur simul, omni prorsus quiescen-  
 di expectatione sublata. Plurimi tamen & antè in hoc  
 seculo magnis afficiuntur incommodis atq; angustiis,  
 quo vel ipsoꝝ superbia castigata submittat ceruices,  
 vel aliorum territa in humilitatem conuertatur. Quæ  
 superbum tunc non terruit Hierosolyma, vel cum o-  
 lim à Chaldæis euerfa est, vel cum postea à Romanis  
 De qua Isaias prophetauit, dicens: Dominus deus fortis  
 incuruabit habitantes in excelso, ciuitatē sublimē hu-  
 miliabit, humiliabit eam vsque ad terram, detrahet  
 eam vsque ad puluerem. Postremo à saluatore coargu-  
 ta quod occideret prophetas, & ad se corripientiā mis-  
 sos lapidaret, audit, Ecce inimici tui circundabunt te  
 vallo, & coangustabunt te vndique & ad terram poster-  
 nent te, & filios qui in te sunt & non reliquent in te la-  
 pidem super lapidem. Quem arrogantem non pauise-  
 rit Babylō à Medis Persisque destructa: quod quidem  
 immanitate eius atque superbia offensus dominus futu-  
 rum prædixit, cum ait: Visitabo super regē Babylonis,  
 & super gentem illam iniquitatem eorū, & super terrā  
 Chaldæorum, & ponam illam in solitudines sempiter-  
 nas. Hanc & Isaias lugere videtur, dicens. Descēde, sede  
 in puluere filia Babylon, sede in terra nō est soliū filiæ  
 Chaldæorum. Idem alibi. Et erit Babylon, inquit, illa  
 ciuitas gloriosa, in regnis incluta, in superbia Chaldæo-  
 rum subuersa, sicut subuertit dominus Sodomā & Go-  
 morrhā, nō habitabitur vsq; in finē, & non fundabitur  
 vsq; in generationes & gñationes. Chaldæorū hæc me-  
 tropolis erat, inter septē mūdi spectacula à scriptorib⁹  
 numerata,

Hierusa.  
Isai. 26.

Lucæ. 19.

Babylon.  
Iere. 28.

Isaiæ. 47.  
Isaiæ. 13.

merata, tanta ædificiorum magnificentia, vt penè incredibilia sint, quæ de illa narrantur. Muris coctilibus cincta, Semiramis reginæ opus, cuius ambitus (vt Herodotus prodidit) sexagintaquatuor millium passuum erat, vt Strabo, trecentorum & octoginta stadiorum, quod penè idem est. Multo Babylone maiorem fuisse Ninum aiunt, quam nos Niniuen dicimus, cuius ambitum trium dierum itinere constitisse, Ionæ prophætæ liber testatur, quam cum ille subuertendam prædixisset, Niniuitæ poenitentia humilitate veniam impetrarunt. Postea verò cum ad pristinas superbiæ sordes reuerterentur, quod antè timuerant, passi sunt à Cyaraxe Medorum rege, regnante Hierosolymis Iosia filio regis Amon à seruis interempti. De ista Niniæ vastatione prophetauerat Zacharias, dicens: Humiliabitur superbia Assur. Et Sophonias. Extendet dominus manum suam super Aquilonem & perdet Assur, & ponet speciosam in solitudinem & in inuium, & quasi desertum. Paulo post. Hæc est (inquit) ciuitas gloriosa habitans in cōfidentia, quæ dicebat in corde suo, ego sum, & extra me non est alia amplius, quomodo facta est in desertum, cubile bestia? Igitur vt taceam Moabitas & Ammonitas & quosdam alios potentia atque opibus quondam claros, ob hoc ipsum superbiæ crimen penè deletos, omnes terrarum dominos hortor, cum talia legerint de his, qui ipsis fortiores, opulentiores, virorum armorumque & rerum omnium copia maiores extitere, tam subito cecidisse, ne sibi insolèter superbeq; cōfidant, sed summi dei scita legesque contemnere metuant, semperque meminerint, solo illi<sup>9</sup> nutu cælum terramq; posse deficere, qui solus vt essent potuit facere. Non eos extollat suecessus rerum, non erigant contra inimicos. vi storiz, non inflat imperij ampliatio. Audiant psalmistam domino dicentem. Non enim in gladio suo possederūt terram, & brachium eorum non saluauit eos, sed dextera tua &

Zach. 10.  
Soph. 2.

Ibidem

Psal. 43.

tua & brachium tuum & illuminatio faciei tuæ. Nunquid igitur qui dare potuit, non poterit auferre cum voluerit? Nunquid quisquam valebit resistere illi terribili, qui auferit spiritum principum, terribili apud reges terræ? Erit, inquit Isaias, fortitudo vestra vt fauilla stuppæ & opus vestrum quasi scintilla, & succendetur vtrunque simul. Potentissimus olim fuit Ozias Iudææ rex, Geth oppidum destruxit, Samniam & Azotum ædificauit, domuit Palæstinos, Ammonitas pendere vti stigal coëgit, erat exercitus eius duorum millium & sexcentorum principum, & sub his trecenta & septem milia virorum bello fortium. Cum tamen insolenter elatus, & templum ingressus adolere incensum vellet, quod officium sacerdotum erat, continuo lepra perfunditur, redditurq; ineptus curæ & gubernaculo regni. In eius locum suffecto filio, vitam morte acerbiorē duxit. Sic igitur oculos superbiorum humiliat dominus, sic superbi ascendunt vsque ad cælos, & descendunt vsque ad abyssos: sic humiliat dominus peccatores vsque ad terram. Excelsi ergo statura (vt Isaias ait) succidentur, & sublimēs humiliabuntur. Iterum ait: Dominus exercituum cogitauit hoc, vt detraheret superbiam omnis gloriæ, & ad ignominiam deduceret vniuersos inclutos terræ. Et rursum: Væ, inquit, coronæ superbiæ ebriis Ephraim, & flori decidenti gloriæ exultationis eius. Quid est enim aliud humanæ potentie ostentatio nisi florum gloria, mane florens, vesperi arescens ac defluens, & omnem penitus amittens decorem. Nullum terræ regnum perpetuum, neque diuitiæ stabiles, neque honor firmus. Cuncta caduca, fragilia, varia atque mutabilia: in quibus hominum superbia dum caput attollere nititur, dum se stare putat, corrui. Hoc est illud Ieremiæ lumbare, quo cum se præcingere vellet, nequiu. Cōputruerat enim, & nulli iam vsui aptū erat, atque hinc captata occasione dominus. Sic, inquit, putrescere

Psal. 75.  
Isaiæ. 11.

Ozias.  
2. Para. 26.

Isaiæ. 10.

Isaiæ. 23.

Isaiæ. 28.

Ierem. 1.

trescere faciam superbiam Iuda, & superbiam Hierusalem multam. Nemo igitur superbiat, quia omnipotens est qui auersatur superbos. Vnusquisque humilietur, quia deus est qui humilibus dat gratiā dicente Baruch propheta: Constituit deus humiliare omnē montem excelsū & rupes perennes, & cōualles replere inæqualitatem terræ. Dicente etiam deo ipso in Ezechie le propheta, Ego dominus humiliavi lignum sublime, & exaltaui lignū humile, & fiecaui lignū viride, & frōdere feci lignum aridum. Hoc idem aliis verbis expressum est in euangelio, vbi dicitur, Omnis mons & collis humiliabitur, & omnis vallis implebitur. Et iterum, Disperfit superbos dominus mentē cordis sui, deposuit potentes de sede & exaltauit humiles. Esurientes impleuit bonis, & diuites dimisit inanes. Cæterū ibi quoque terribiliter minatur superbis dominus, vbi ait, Et tu Capharnaum, nunquid vsquē in cœlum exaltaberis: vsquē in infernum descendes, vt videlicet poena delicto respondeat, & quanto quis altius erigitur, tanto inferius labatur & corruat. Hinc est ille angeli in Apocalypsi clamor, Quantū glorificauit se, & in deliciis fuit, tantum date illi tormentum & luctum. Et cum hæc ita sint nōne fidelissimo cuique ab arrogantia, fastu, atque superbia inaximè abhorrendum fit & enitendū, vt humilitatem, mansuetudinem, humanitatemque se quatur? Id demum ita seruare poterit, si in omnibus ei qui omnibus præsidet, parebit. Quam rem vt impensius præstet, nunc de ipsa obedientiæ virtute tractationem spiritu sancto fauente aggrediemur.

### *De obedientia deo præstanda. Cap. 9.*

**P**rimum omnium deo obediendum est, deinde aliis propter deum. Nemini autem in eo gerendus mos est, in quo offēditur deus. Omnia extrema prius perpetiēda sunt, quā contra dei iussa, mandata, leges aliqui d

aliquid agendum. Nec vnquam dubitandum, quin illud bonum æquumque sit, quod iussu à deo atque constitutum fuerit. Cuius vnus sapientia nunquam errat, & bonitas nunquam à sui perfectione defleat. Cuiuscunque igitur ita vt oportet de deo persuasum fuerit, non inquireret quare sic aut sic aliquid ille iubeat sine mandato, sed tantum quod imperatum est, id persequi atque perficere curabit. Abraham filium immolare Genes. 22. iussus, non respondit quòd in illo sibi promissum esset semen, quòd in illo benedicendæ erant gentes. Credidit enim cuncta euentura quæ deus promiserat, etiam ipso mactato, in quo promissa ista implenda erant. Ideo tacitus maturabat quod iussu fuerat, perficere. Denique filium vnigenitum vnicè dilectum, vt deo obtemperaret, suis interfecisset manibus, nisi is qui iusserat, rursus inhibuisset. Sic probatus, cum vnus tantum esset genitor, omnium in Christo credentium constitui meruit pater, stellas numerare iubetur, in earum comparatione filios habitaturus. Amalechitarum regem Samuel propheta in frustra discidit, cui victo Saul 1. Reg. 15. rex pepercerat, maiorisque pietatis exemplum præbuit Samuel, quia homini non pepercit, vt deo obediret. à Saule autem tollitur regnum, & alteri datur, quia illum quem iussus erat interficere, viuere permisit. Nō itaque pius, sed impius est habendus, qui domini transgreditur legem, vt seruo indulgeat & blandiatur, magisque hominem offendere metuit, mortalem, fragilem, caducum quæ deum immortalem æternum, omnipotentem, omnium quæ vbique sunt opificem, omnium dominum ac moderatorem. Quid vxore, quid liberis in vita charius? legimus tamē illos qui de Babylone cum Esdra sacerdote postliminio redierant, cum didicissent Esdr. 10. ex lege diuina non licere sibi alienigenis mulieribus copulari, cum illis quas duxerant, diuortium fecisse ac de ipsis genitos abdicasse. Vincere enim debet omnē erga alios



Isaie. 20.  
Isaias

Apostoli  
Actu. 5.

Ioan. 14.

Psal. 18.

alios amoris affectum sola deo parendi atque obsequen-  
di sedulitas. Quæ profectò si nobis cõtingerit, nullus ho-  
minũ timor obstabit, nullus pudor, quin agamus, quic-  
quid vel à domino, vel à pontifice, vel à collegi) nostri  
præposito iniunctum fuerit. Non timuerũt sancti pro-  
phetæ magnos reges coram arguere, neque populo ple-  
biq;e aduersa denunciare, cum à domino mitterentur,  
Nõ erubuit Isaias deposito quo indutus erat cilicio nu-  
dus per urbem incedere, & regum necessitudine nobilis  
pudendam de semetipso detectis natibus spectaculum  
publicè præbere, quia ille qui super omnes est iusserat,  
vt per hoc Aegyptum & Aethiopiam ab Assyriis despo-  
liandam significaret. Magno igitur animo omnibus in  
rebus diuinæ obtemperandum est iussioni. Contemps-  
erunt Apostoli impiorum contumelias, verbera, minas  
omnes: & cum compellerentur ne Christum prædica-  
rent, responderunt, deo magis quàm hominibus obedi-  
re oportere. Et nisi domino nostro obedierimus, ne di-  
ligere quidem illum conuincemur. Si diligitis me, in-  
quit, mandata mea seruare. Et iterum: Qui habet man-  
data mea & seruat ea, ille est qui diligit me. Idem rur-  
sum ait. Qui non diligit me, sermones meos nõ seruat.  
Mentitur igitur qui se deum diligere dicit, & quod il-  
le imperauit, hoc exequi negligit. Quod verbis profi-  
teris, operibus comproba, & quod promittendo iacti-  
tas, verum esse obediendo ostende. Ad testandam erga  
deum charitatem nihil magis necessariũ est, quàm ip-  
sa obediẽtiæ virtus, vt videlicet facere studeamus quod  
ille imperat, & eo quod prohibet abstineamus. Cuncta  
quæcunque sunt, autorem suum agnoscunt, & ei obtem-  
perant. Cælum, terra, mare, volucres, pecora, pisces, nec  
animantia tantum, verumetiam inanimata eandem na-  
turam seruant, quæ illis ab initio est collata, & nunquã  
ordinem suum, quem à conditore acceperunt transgre-  
diuntur. Vnde psalmista dominum alloquitur & ait.  
Fundasti

Fundasti terram & permanet, ordinatione tua perseverant dies, quoniam omnia serviunt tibi. Et in alio psalmo dicitur. Ignis, grando, nix, glacies, spiritus procellarum, quæ faciunt verbum eius, montes & omnes colles, ligna fructifera & omnes cedri, bestię & vniuersa pecora, serpentes & volucres pennatę. Cuncta igitur quę subsistunt, verbum dei faciunt, bruta vtique ratione carentia, sensibilia atque insensibilia, & nos quos ille intellectu donauit, veritatis cognitione illuminauit, æternis bonis dignos reddidit, non faciemus? Creatori, redemptori, saluatori nostro non parebimus? Non ille nostra indiget obedientia, sed nos illius indigemus imperio, qui ideo imperat aliquid, vt bona conferat obedientibus. Quę autem his qui obediunt conferenda sunt, obediunt nolentes mereri non poterunt. Qualia verò & quanta sint obedientium bona, docebo: si prius quibus post deum obediendum sit, viderimus.

Psal. 148.

### *Quorum imperio parendum sit:*

Ca.

IO.

**O**Mnibus illis qui nobis iure præsumunt, obedire nos oportet, dummodo id iubeant, quod diuinę non aduersatur iussioni, neque eorum qui præsidibus præsumunt imperio. Vt semper maioribus honor deferatur in obediendo, dicente Apostolo: Omnis anima potestatibus sublimioribus subdita sit, non est enim potestas nisi à deo, quę autem sunt, à deo ordinata sunt, itaque qui resistit potestati, Dei ordinationi resistit: qui autem resistunt, ipsi sibi, inquit, damnationem acquirunt. Quoties ergo imperatum est, quod potestati, quę à deo est, conuenit, parere debemus vt deo. At verò cum male, iniuste aliquid iussum fuerit, malignitati eius qui iussit resistendum est, neque quod fieri voluit, faciendū. Talis quippe iussio nequaquam sequitur ordinē à Deo

Roma. 13.

KK. data

Tit.3.

data potestatis, sed eius qui abutitur potestate, prauitatem atque nequitiam, Idcirco idem Apostolus ad Titum scribens, non satis habuit dicere. Admone illos principibus & potestatibus subditos esse, dicto obedire, sed subiunxit, ad omne opus bonum paratos esse. Cum itaque potestas aliquid iusserit, subditi mens maturè perpendat, vtrum bonum an malum sit quod iubetur: si bonum fuerit, pareat: si malum, parere caueat, ne deum offendat, quod si nec bonum nec malum videbitur, p- inde ac si bonum esset obtemperet. Satis est enim si malum non est quod iubetur. Bonum autem etiam si iussu non fuerit, agere expediens erit. Benè enim agendo mala iubentem poteris contemnere. Vis, inquit, non timere potestatem, bene fac. Fieri quidem potest ut potestas malè officio suo fungens aduersus innocentem sarniat, sed dominum audiuius dicentem: Nolite timere eos qui occidunt corpus, animam autem non possunt occidere, sed eum potius timete, qui potest corpus & animam perdere in gehennam. Quid nocuit sanctis tyrannorum impietas deos eorum contemnèntibus? Quibus illi vitam hanc breuem & caducam abstulerunt; ius deus dedit stabilem & æternam. Quos illi suppliciis affecerunt, eos deus perennis gloriæ immensique gaudij corona insigniuit. Igitur sicut recta honestaque rubentis præsidis imperium totis viribus exequi debemus, ita iniqua turpiaque imperantis minas intrepidè contemnere. Sed rursus apostoli præceptum est: Serui obedite dominis carnalibus cum timore & tremore & synceritate cordis vestri, sicut Christo, non ad oculum seruientes, quasi hominibus placentes, id est, laudem, fauorem hominum occupantes, sed & serui Christi facièntes voluntatem dei ex animo, seruientes sicut domino & non hominibus. Dominis igitur fideliter ut deo seruendum est, promptèque obtemperandum, quàm diu iussa eorū cum dei concordent voluntate, nec ab æquo honestoq;

Mat.10.

honestoque videantur discrepare . Et si carnalibus dominis tanta animi sollicitudine obediendum sit, quanto magis domino spiritali, qui animarum nostrarum curam gerit, & illa duntaxat iubet quę magis ad consequendam pertinent salutem? Recte itaque hortatur nos Apostolus, & ait : Obedite prępositis vestris & subiacete eis, ipsi enim peruigilant, quasi rationem pro animabus vestris reddituri. Pontifici maximo ante alios parendum est, Christi enim vicem gerit in terra. Deinde ab illo ut nostro conuentui pręsint, constitutis omnibus denique qui ex eius autoritate ius habent, quod volunt nobis imperandi, ut deo erit obediendū, semper tamen habita superiorum ratione, ne fortē dū minoribus obedimus, eos quibus & ipsi obedire debēt, offendamus. Deinde parentibus nostris obedire nos & natura suadet, & diuina lex iubet. Vnde Apostolus: Filij, inquit, obedite parentibus vestris in domino, hoc enim est iustum, honora patrem tuum & matrem tuā, quod est mandatum primum in promissione, ut bene sit tibi, & longæuus sis super terram . Non utique super hanc terram, in qua & obedientes possunt citō mori, & inobedientes diu viuere, sed super illam de qua propheta dixit: Credo videre bona domini in terra uiuentium. Quod etiam filiis Ionadab à domino promissum fuisse credimus. Ut enim pręceptum patris perficerēt, vini potu abstinebant, & meruerunt audire domino dicente: Non deficiet vir de stirpe Ionadab filiis Rechab, stans in conspectu meo cunctis diebus. Tunc autem cōspectum domini merebimur, cum totius obedientię nostrę vnus finis fuerit, ut videlicet hominibus obediendo, Deo placeamus . Qui enim ideō alicuius iussis obtemperant, ut ab eo mercedem capiant, mercenarij sunt : & qui parent metuendo, ne quid mali patiantur, serui sunt. Is verò, qui neque spe pręmij, neque timore supplicij, sed solo Dei amore se subiicit ad

Heb. 13.

Ephes. 6.

Psal. 26.  
Filiij Ionadab.  
Iere. 35.

KK ij      obedi-

obediendum aliis, non mercenarius neque seruus est, sed potius filius patri æterno perpetua charitate deuinctus. Atque ideo quidem voluntariè seruit, spontè obtemperat, nihil in quo deo gratificari se censet, agit inuitus. Hic certè cum Psalmista sancto concinere poterit: *Ve faciam voluntatem tuam deus meus, volui.* Tunc demùm vera perfecta que obedientia est, cum nostra voluntas ex dei pendet voluntate. Cùm videlicet quod ipse præcipit, facimus: non quod caro ad malum prona suggerit. De isto obedientiæ genere est dictum: *Melior est obedientia quàm victimæ, & auscultare magis quàm offerre adipem arietum.* Et alibi: *Sacrificium salutare est, attendere mandatis, & discedere ab omni iniquitate.* Quoniam autem nihil mali est, quod lex diuina non prohibeat, neque boni quod non imperet vel præcipiat, omnium prorsus abstinentia vitiorum, omniumque exercitatio virtutum obedientia est, ita vt ne fidei quidem sacramenta proderunt nobis, nisi ipsam obedientiæ coluerimus virtutem. Vnde gentium Apostolus Paulus: *Circūcisio, inquit, nihil est, & præputium nihil est, sed observatio mandatorum.* Et Iacobus Apostolus: *Fides si non habeat opera, mortua est in semetipsa.*

## *De obedientium præmio.*

### *Cap.*

### *II.*

**V**ideamus nunc quænam bona pollicetur obedientibus dominus. Obediens inter aduersa secutus est, dicente dei sapientia. *Qui me audierit, absque terrore quiescet, & abundantia perfruetur malorum timore sublato.* In Ecclesiaste quoque dicitur: *Qui custodit præceptum, non experietur quicquam mali.* Iustis enim aduersa bene cedunt, dum ea ferendo superant. Huic simile est quod in Isaia loquitur dominus, & ait: *Si me audieritis, bona terræ comedetis.* At verò Apostoli

Psal.; 9.

1. Reg. 15.

Eccl.; 9.

1. Co. 7.

Iaco. 2.

Prou. 1.

Eccl. 8.

Isa. 1.

Aoli & sancti martyres quos obediētes fuisse negare  
 non possumus, angustias, persecutiones, & supplicia pas-  
 si sunt, quomodo ergo bona terræ comederunt, cum tri-  
 bulationes in vita tolerarint? Bona igitur terræ illa es-  
 se reor, quæcunque nobis materiam præbent exercen-  
 dæ virtutis, Multa autem vulgò bona putantur, quæ po-  
 tius mala sunt, quia peccandi occasionem licentiamque  
 suppeditant, vt sunt diuitiæ quæ luxuriam alunt, & di-  
 gnitates mundi atque honores, quæ superbiæ fomenta  
 sunt. Post hæc in eodē propheta dominus ait ad domū  
 Iacob: Vtinam attendisses mandata mea, facta fuisset  
 sicut flumen pax tua, & iustitia tua sicut gurgites ma-  
 ris. Sed quæ pax erat discipulis Christi, quibus ipse dixit:  
 Ite, ecce ego mitto vos velut agnos inter lupos. Itæ, in-  
 iicient vobis manus suas & psequentur, tradentes in sy-  
 nagogas & custodias, trahentes ad reges & præfides p-  
 pter nomen meum. Postremò ait: Eritis odio omnibus  
 hominibus propter nomen meum. Quæ est igitur pax  
 ista, quæ obediētibz promittitur, si Christi discipulis  
 non pax, sed odia hominum offeruntur. De interiori er-  
 go pace intelligendū est, quoniam obediētes mādatis  
 non perturbantur animo, sed semper in spe futuri boni  
 conquiescunt, ac tanto magis iustitiæ operibus profici-  
 unt, quanto minus præsentibus bonis deliniuntur. Lon-  
 gævitas etiam promissa est dicto audientibus, quā qui-  
 dem beatioris vitæ æternitatē interpretari possumus.  
 Nulla enim felicitas est, in hac lachrymarum vāle  
 diu commorari. Illa ergo dierum longitudo quæ finē  
 non habet, ipsi qui obediunt proponitur, dicente ad  
 Salomonem domino: Si ambulaveris in viis meis, & cu-  
 stodieris præcepta mea & mandata mea, sicut ambu-  
 lauit pater tuus, longos faciam dies tuos. Victoria quo-  
 que aduersus inimicos obediēti spondetur in Leuitico,  
 vbi cuncta eis ex sententia successura recensentur,  
 qui dei mādata obseruarint, atque inter multa: Perse-  
 quimini,

Idem. 48.

Luc. 10.

Luc. 21.

;. Reg. 3.

Leuit. 26.

K K iij

quimini,

Deut. 7.

2. Para. 25.

Pfal. 80.

Prou. 21.

2. Reg. 13.

4. Re. 10.

quimini , inquit, inimicos vestros , & corruant coram vobis, eadem repetuntur in Deuteronomio. Et in Paralipomenon libro legimus , Amasiam regem Iuda cum Syris congressurum centum talentis centum milia militum conduxisse , deinde vt viri dei iussis obediret, dimisisse conductitios , & cum paruo suorum numero ingentes hostium copias fudisse victoriæque potitum. Itaque qui cum paucis vicit , victus cum multis fuisset si non obedisset. Dei quippe est ( vt ibidem dicitur ) & adiuuare & in fugâ conuèrtere. Quia in Psalmo ait : Si populus meus audisset me , Israël si in viis meis ambulasset , pro nihilo forsitan inimicos eorum humiliasset , & super tribulantes eos misissem manum meam. Præterea in prouerbiis est dictum: Vir obediens loquitur victoriâ. Porro præstantissima victoria illa est, qua spirituales prosteruntur nequitia , caro inimica spiritui , & vtrique diabolus , à quibus vinci perniciosissimū quidem est. Cæterum, hoc etiam facili subiugabimus, si obedientia sanctæ armis muniti fuerimus . Discant nunc reges terræ cui & ipsi parere debeant. Regni stabilimentum est obseruatio mandatorum dei . Sic enim ait dominus ad Hieroboam : Si audieris omnia quæ præcepero tibi , & ambulaueris in viis meis, & feceris quod rectum est coram me, custodiens mandata mea & præcepta mea, sicut fecit Dauid seruus meus, ero tecum, & ædificabo tibi domum fidelem quomodo ædificaui Dauid domum, & tradam tibi Israël. Ad Iehu quoque regem Israël locutus est : quia studiosè egisti quod rectum erat , & placebat in oculis meis , & omnia quæ erant in corde meo fecisti contra domum Achab , filij tui vsque ad quartam generationem sedebunt super thronum Israël . Magis tamen necessarium est hominis regnum , nosse seipsum regere , & animi motibus cum ratione imperare. Nec mirum quod obedientia merito regna conferuntur , quando quidem nihil est, quod obedi-

obedientium precibus denegetur. In Psalmo legimus: Psal. 98.  
 Moyses & Aarō in sacerdotib<sup>9</sup> eius, & Samuel inter eos  
 qui inuocant nomen eius, inuocabant dominum, &  
 ipse exaudivat eos: in columna nubis loquebatur ad  
 eos. Quare autem hæc continuo subiunxit: Custodie-  
 bant testimonia eius, & præceptum quod dedit illis.  
 Eadem Iohannis Apostoli sententia est in Epistola di-  
 gentis: Quicquid petierimus accipiemus ab eo, quoni-  
 am mandata eius custodimus, & ea quæ sunt placita co-  
 ram eo, facimus. Obedientia postremo facit, ut inter  
 amicos & discipulos Christi senseri mereamur, postea,  
 tandem cum C H R I S T O quoque beati futuri, Vos  
 inquit, amici mei estis, si faceritis quæ præcipio vobis.  
 Alibi autem ait: Si manseritis in sermone meo, verè di-  
 scipuli mei eritis. Vis audire maius his? Quicumque se-  
 cerit voluntatem patris mei qui in coelis est, ipse meus  
 frater & soror & mater est. Ad beatitudinis autem p-  
 missionem pertinet, quod in Ieremia clamās ait: Audi-  
 te vocē meā, & ero vobis deus, & vos eritis mihi popu-  
 lus, & ambulate in via quā mādavi vobis ut bene sit vo-  
 bis. Hoc apert<sup>9</sup> discimus in Euāgelio dicēte saluatore:  
 Si quis sermonē meum servauerit, mortem non videbit  
 in æternum. Et iterum: Oves meæ, inquit, vocem me-  
 am audiunt, & ego cognosco eas & sequuntur me, &  
 ego vitam æternam do eis, & non peribunt in æter-  
 num, & non rapiet eas quisquam de manu mea. Cauil-  
 labitur aliquis, & dicet, Deo & C H R I S T O obe-  
 diētibus talia promittuntur, non his qui episcopis vel  
 sibi prefectis parent. Audiat ergo ipsum dominum ad  
 illos quibus Ecclesiam commendabat dicentem, Qui  
 vos audit, me audit: & qui vos spernit, me spernit: qui  
 autē me spernit, spernit eū qui misit me. Deo igitur pa-  
 tri te o monache obedisse existima, cū seniori tuo obedi-  
 eris, & bonorū q̄ hæten<sup>9</sup> dicta sūt, te cōpotē fore spera,

1. Ioan. 2.

Ioan. 15.

Ioan. 7.

Matt. 25.

Iere. 7.

Ioan. 8.

Ioan. 10.

Luc. 10.

KK iiij

secu-



securitatis, pacis, iustitiæ, longævitæ, victoriæ, regni,  
exauditionis, cum Christo amoris, in deo beatitudinis.

## De inobedientiæ pœna.

Cap.

12.

Gen. 3.

Judic. 2.

1. Par. 15.

1. Reg. 11.

1. Reg. 13.

3. Reg. 6.

4. Re. 17.

**E**T cum tot bona obedientium sint, haud dubium  
quin totidem mala eorum, qui obedire contem-  
nunt, habeantur. Ex his aliqua nunc breuiter per-  
stringenda sunt, quo diligentius ad obedientiæ opus ac-  
cingamur, cum cognouerimus quàm acerbè contuma-  
cium atque proteruorum inobediëntia plectatur. De il-  
lis qui mandata dei contempserunt, primi Adâ & Eva  
de paradiso eiekti, laboribus, miseriis, morti subduntur,  
non solum ipsi, sed etiâ omnis eorum posteritas penitus  
pisset, nisi pro illorum inobedientia Christi saluatoris  
obediëntia satisfecisset Israëlítico populo exitio fue-  
re gentes quas domino deleri iubente, ipsi per inobedi-  
entiam reseruauerant, neque vt iussi fuerût interfecerât:  
regnum Iudæ a Saule ad aliam transfertur domum:  
quia contra mandatum domini Agago, Amalechitarû  
regi capto pepercit, mox enim ipso a Palæstiniis victo  
atque interempto, David domini iussu rex creatus est.  
Propheta missus in Bethel vt aduersa denuntiaret do-  
mni Hieroboam, & antequàm Hierosolymam redisset,  
ne quid gustaret iussus, comedit & bibit: cûque iter su-  
um arripisset, a leone oppressus in via, suffocatur, dic-  
te domino: Quoniam non obedisti sermoni meo, nõ in-  
fereris in sepulchrum patrum tuorû. Anathemate in-  
terdictum fuerat, ne quis Hierichuntem solo æquatam  
rursus erigeret. Abiel de Bethel quoniam id præsum-  
psit, vnâ cum liberis repentina morte sublatus est. In  
Assyrios qui Samariæ resederant, leonum feritas graf-  
fabatur, quia deum Israël contempserant. Idcirco in  
Isaia

Isaia dicitur: Væ qui contradicit factori suo, & in Euan. Isaia. 46.  
 gelio ipse factor noster ac dominus: Qui spernit me, in-  
 quit, & non recipit verba mea, habet qui iudicet eum,  
 hoc est, condemnet, iuxta illud. Linguis suis dolose a- Iohan. 12.  
 gebant, iudica illos deus, & in multis aliis scripturæ lo-  
 cis indicare posuit pro damnare. Sedechias etiam  
 quem Nabuchodonosor victis Hierosolymis regem cō-  
 stituerat, domino non obediuit, neque serui eius, neque Iere. 7.  
 populus terræ, & à rege quoque defecit, ob hoc Chal-  
 dæi capta vrbe, ipsoque cum suis comprehenso, & ad  
 regem perducto, liberos eius trucidarunt & ipsi oculos  
 eruerunt, atque catenis vinctum Babylonem vnà cum  
 reliquis omnibus abduxerunt. Tantæ illi calamitati  
 fuit, domini monitis non obedisse. Cæterum non mino-  
 ris criminis reus est, qui non paret illis, qui à deo desti-  
 nantur vel cōstituuntur, vt instruat nos aliquid ac doce-  
 ant, siue vt præsent nobis atque imperent. Hi sunt pri-  
 mo angelici de cælo spiritus, deinde pontifices, prophe-  
 tæ, principes, genitores, mariti, & omnes qui vel publi-  
 co vel priuato iure præferuntur atque præstant. Ange- Gene. 19.  
 lis non obediuit vxor Loth, cum de Sodomis fugerent,  
 ad monita enim ne post se respiceret, respexit, & cōuer-  
 sa est in statuum salis, non quod ipsa sapiens esset (sal e-  
 nim sapientiam designat) sed quod aliis ad cauendum  
 inobedientiæ vitium sapientiam ministraret, suo casu  
 omnes deterrendo. Pontifici autem & principi dicto au-  
 dientes non fuere illi, quos vleisci volens dominus ait,  
 Separetur omnis multitudo à tabernaculis Chora Num. 16.  
 than & Abiron, quoniam vocati à Moyse & Aaron, re-  
 sponderunt, non venimus. Tunc illi viui terræ hia-  
 tu absorpti sunt. In lege quoque qui noluerit exequi sa-  
 cerdotis imperium, morte affici iubetur. Et in Euan. Deut. 17.  
 gelio non acquiescens iussis ecclesiæ, pro ethnico habent. Matt. 18.  
 dus est & publicano. Apostolis item præcipit dominus Matth. 10.  
 dicens: Quicunq; non receperit vos, neque audierit ser-  
 mones

mones vestros, exeuntes foras de domo vel ciuitate, excutite puluerem de pedibus vestris. Amen dico vobis, tolerabilius erit terræ Sodomorum & Gomorrhæorum in die iudicii, quàm illi ciuitati. Hi quippe qui prædicationes audierunt, miracula viderunt, religione receperunt, si carni magis quàm spiritui obsequentes fuerint, grauius punientur, quàm illi quibus non est prædicatum. Prophetis etiam vel doctoribus probatis ac sanctis, qui nos rectè atque fideliter instruunt, nolle obedire damnable est. Quendam dum iter ageret, & propheta iubenti vulnus infligere recusaret, protinus leonis moribus peremptum legimus, quod futurum ipse propheta docuerat dicēs. Quia noluisti audire vocē domini, ecce recedes, & percutiet te leo. Ad Ioam regē & populum Iuda, quia post gentilium ritum conuersi fuerant, mittebat dominus prophetas vt reuerterētur. Tantum autem abfuit vt obedirent, vt etiam ad se misis necem inferrent. Etenim Zachariam Ioiadæ sacerdotis filium prophetantem lapidibus in atrio templi obruerunt, rege ipso iubente. Sed non multo post maxima pars illorum in prælio à Syris prostrata, & rex à feruis suis domi interemptus poenas dedit. Amasias rex Iuda cum obediuit propheta, de hostibus triumphauit, cum obedire noluit, victus est. Deinde suorum etiam infidiis exceptus atque peremptus. Et nos profecto si nostris prophetis, id est, diuini verbi præceptoribus non paruimus, deo vlciscante parire necesse erit, & isti qui nunc nostræ salutis cōsultores sunt, in die iudicii erunt accusatores. Cecinimus vobis dicent, & non saltastis: lamentauimus, & non planxistis: neque virtutis exhortationes admittendo, neque post peccatū poenitentia suscipiendo. Dominis præterea siue præfectis non iniqua iubētibus obtemperare nolle perniciosum est, Saulis regis filius Ionathas, nescius regis edicti, quod cautum erat, ne quis prius aliquid gustaret, quàm cum

inimi-

1. Reg. 20.

2. Par. 24.

2. Par. 29.

Mat. 11.

1. Reg. 14.

inimicis cōfigeretur, de fauo mellis casu reperto come-  
dit & cū ob regi de euentu belli cōsulenti domin⁹ nō da-  
ret responsum, Ionathas morti addicitur, sed quoniam  
ignoratione excusabatur, populo intercedente libera-  
tus est. Quod si etiā ignoranter peccāti irascitur deus,  
quanto magis ei qui sciens prudensque delinquit: & p-  
fidum suorum contumaciter spernit imperia: Spernen **Exod. 1.**  
da tamen sunt, si impia fuerint, sicut fuere Pharaonis  
regis cum obstetricibus imponeret, vt Hebræarum mu-  
lierum masculos foetus inter obstetricandum præfoca-  
rent, quibus (vt ait scriptura) quoniā regi nō paruerūt,  
benefecit dominus. Cū enim illicita iubentur, tūc deo,  
non hominibus erit obediendum. Parentibus quoq; nō **Dent. 21.**  
inhonesta imperantibus obsequium obedientiam de-  
negare, mortiferum habetur, iubente lege filium con-  
tumacē, proteruum, monita patris & matris non audi-  
entē, lapidibus obrui. Adhæc si longitudo vitæ promit-  
titur reuerenti patrem ac matrem, nōne mors manet il-  
lum, qui per inobedientiam par ētes offendit: Vnde Sa-  
lomon in Prouerbiis ait. Qui affligit patrē & fugit ma-  
trem, ignominiosus erit & infelix. Vxor etiam si mari-  
ti iussionibus nō indignis renuerit obtemperare, pecca-  
bit. Cui à domino est dictū, Sub viri potestate eris & ip-  
se dominabitur tui. Hoc Paulus apostolus affirmat ad  
Corinthios, dicēs: Omnis viri caput Christus est, caput  
aūt mulieris vir. Et ad Ephesios: Mulieres viris suis sub-  
ditę sint sicut domino. Et ad Colossenses: Mulieres, sub-  
ditę estote viris, sicut oportet in domino. Idē astruit ip-  
se apostolorū princeps Petrus: Et mulieres (inqt) subdi-  
tę sint viris suis. Certē nō aliā ob causā ab Afluero Per-  
sarū, rege Vasthim repudiata legim⁹, nisi qā p̄ internū  
cios ab illo vocata, venire cōtēpsit, & hoc quidē egit il-  
le sapiētū consiliū secutus, vt oēs mulieres discāt defer-  
re honorē viris, & nō minus obedientiā q̄ fidem presta-  
re. Quod si omniū de quibus locuti sumus, iussioni ac  
man-

**Pfal. 118.**

**Luc. 12.**

**Matth. 26.  
Ioh. 14.**

mandatis nos parere atque obsequi diuina lex iubet, profecto qui illis non obedierit, ne deo quidem obedisse conuincetur. Et cum dictum sit. Si vis ad vitam ingredi, serua mandata, nonne obedientiam minus seruans ingredietur ad mortem, & vitæ expers in interitum corruet sempiternum? Quid est enim quod Psalmista in seruire spiritus dominum affatur, & ait, Maledicti qui declinant à mandatis tuis, nisi quia à mandato declinantes, cum illis futuri sunt, quib<sup>9</sup> dicitur. Ite maledicti in igne æternum qui paratus est diabolo & angelis eius? Cum quæ dicat dominus, Obedientiam volo & non sacrificium, quid quaeso prodest hostias orationesque offerre, & ei quem laudas, quem deprecaris, cui supplicas, obedire nolle? Iure igitur ac merito seruus ille qui cognouit voluntatem domini sui, & non præparauit, & non fecit secundum voluntatem eius, plagis vapulabit multis. Multis, non ad numerum refertur, qui infinitus est in inferno, sed ad plagarum grauitatem, qua sola inter se differunt poenæ damnatorum, vt qui magis peccauit, acri<sup>9</sup> torqueatur. Non solū igitur poenis æternis, verum etiam amarissimis afficientur & illi qui cognouerunt, & non obedierunt. Porro vt omnia mala quæ contumacibus proposita sunt effugiamus, & simul bona consequamur sempiterna, Christus dominus vt in omnibus, ita & hac in parte nobis imitandus est. Ipse ad patrem, Non sicut ego volo, inquit, sed sicut tu. Et alibi, Sicut mandatum dedit mihi pater sic facio, Christus itaque dominus noster factus est obediens vsque ad mortem, mortem autem crucis. Propter quod & Deus exaltauit illum. Si ergo cum Christo exaltari cupimus, in gloria, cum Christo prius prosternamur in humilitate, deo ante omnia obediendo, deinde hominibus illis, quorum iussa exequentes domino seruiamus. Illorum voluntatem nostræ voluntati semper præferamus.

De patientia

*De patientia calumniæ.**Cap.*

## 13.

**P**rofectò si humiles, si obedientes fuerimus, erim⁹ etiam in omnibus patientes. Nihil erit quod illi⁹ turbare mentem poterit, qui se totum diuinæ subdiderit voluntati. Non igitur incongruum erit si nunc de patientiæ virtute verba fecerimus. Patientia est animi quædam constantia, quam nec iniuriæ irritare, nec incommoda queunt frangere. Patientia semper iuncta fortitudini est, ita vt mutua inter se ope connexa, & iniurias quidem submissè ferant, & aduersa alacriter tollerent. Hoc totum autem qualecunque sit, vni nunc cōcedamus patientiæ, quandoquidem tam hominum iniurias, quàm casus aduersos pati dicimur, cum acciderint. Primum igitur vt in omnibus patientiam conseruemus, meminerimus nullum omnino ea in re malum esse, qua non offenditur animus noster. Quid est autem quo ille offendi queat, p̃ter peccatū? Solū ergo peccatū cauēdū nobis erit, quia malū est. Cætera quæ cūq; cōtingerint, æquo aīo ferēda, quia nec bona, nec mala sūt, sed inter bonum malumque media, quibus si applicueris virtutem, bona erunt: sin vitium, mala quidem. Velut aquæ potus cum vinum additur, sapit: cum venenum, interimit. Ita sanè aduersis rebus quoties animi patientiam accommodauerimus, non solum non nocebunt, sed etiam proderunt, ita vt materiam nobis suppeditent sperandæ beatitatis, Apostolica quippe sententia est, per multas tribulatiōes oportere nos introire in regnum dei. In psalmo quoque patientibus dicitur: Surge te postquam sederitis qui manducatis panem doloris. Breue est quod patimur, æternum quod speramus. Ideò Ecclesiasticus ait: Vsque ad tempus sustinebit patiens, & postea reditio iucunditatis. Et Apostolus: Existimo, Eccel. 10.  
inquit, Rom. 8.

Ibidem.

Matt. 5.

Moyſes.

Num. 12.

1. Reg. 10.

& 11.

Saul.

2. Reg. 16.

Dauid.

inquit, quod non ſint condignæ paſſiones huius tempo-  
ris, ad futuram gloriâ, quæ reuelabitur in nobis, quâ-  
obrem idem exclamat, & ait: Quis nos ſeparabit à cha-  
ritate Chriſti: tribulatio, an anguſtia, an fames, an nudi-  
tas, an periculum, an perſecutio, an gladius: Patienter  
ille quidem talia pertulit pro Chriſti nomine, nunc cū  
Chriſto bonis fruitur ſempiternis. Quid ergo tam gra-  
uē, tam triſtē atque acerbum eſſe poteſt, quod non ſit li-  
benter ſubeundum propoſito tanto præmio. Si perſecu-  
tione inquietaris, audi dominum dicentem: Beati qui  
perſecutionem patiuntur propter iuſtitiam. Si verbis  
petulantibus laceſſeris: Beati eſtis, inquit, cū maledi-  
xerint vobis homines, & perſecuti vos fuerint, & dixe-  
rint omne malum aduerſum vos mentientes propter  
me, gaudete & exultate, quoniam merces veſtra copio-  
ſa eſt in cœlis. In præferendis igitur calumniis imite-  
mur Moyſi manſuetudinem, pro illis à quibus procaci-  
ter iactatus fuerat, ſolicitus orauit, præcibusque eius an-  
nuens dominus Mariam quæ de illo immodèſtus oblo-  
cuta fuerat, lepra exulceratam ſanitati reſtituit. Imitemur  
Saulis æquanimiſatem, qui iam rex creatus cum  
ab inuidis probro afficeretur, diſſimulauit ſe audire, &  
ſtipatores ſuos qui vlciſci volebāt iniuriam, prohibuit  
quidem, abſtinuitque vindicta. Imitemur & Dauidis  
humilitatem, qui ſemel non modo maledictis, verū-  
etiam lapidum iſtu ſe prouocantem lædi vetuit, atque  
inoffenſum dimiſit. Cū enim filij Abſalōis premere-  
tur ſeditione, fortè (inquit) reſpiciet dominus afflictio-  
nem meam, & reddet mihi bonum pro maledictione  
hac. Imitemur & Saram Raguēlis filiam, quæ quoniā  
antequam ducta eſſet ſeptem maritos amiſerat, ab an-  
cillis interfectrix virorum ſuorum iniquè compelle-  
batur, earum tamen petulantiam tacita ſuſtinuit, tan-  
tum dominum precans, vti ex iſta contumelia libera-  
retur, exaudita octauo viro deſpōſatur, Tobię iuniori  
domi-

dominoque fauente cum illo feliciter vixit. Tu quoque beatus eris, & preces tuę ad aures domini sabaoth peruenient, si cum Psalmista dicere poteris: Qui inquirebant mala mihi locuti sunt vanitates, & dolos tota die meditabantur, ego autem tanquam surdus non audiebam, & sicut mutus non aperiens os suum, & factus sicut homo non audiens, & non habes in ore suo redargutiones, quoniam in te domine speravi, tu exaudies me domine deus meus. Sic certe exaudita est Chananæa mulier pro filia supplicans, quando canibus comparata, humili responso intimam cordis patientiam indicauit.

Psal. 17.

Matth. 15.  
Chananæa.

## De patientia persecutionis.

Cap.

14

**P**Auli Apostoli, in quo Christus loquebatur, sententia est: Omnes qui pie volunt viuere in Christo Iesu, persecutionem patientur. Quid ergo de aliorum inuidia querimur, si ea ipsa testis est nostre in Deum pietatis ac religionis? Dominus noster Iesus Christus malorum inuidiam passus est. Cum ab hominibus expelleret immundos spiritus, dixerunt: In Beelzebub eiecit demonia. Idem sola verbi virtute morbos curat, mortuos suscitatur, & aiunt: Non est hic homo à deo qui sabbatum non custodit. Si ergo pro benefactis male audit iustus & innocens dominus, quare cum detractio-nes accipit, irascitur peccator seruus? Ille apostolis suis dicebat: Si mundus vos odit, scitote quia me priore vobis odio habuit: si de mundo fuissetis, mundus quod suum erat, diligeret: quia verò de mundo non estis, sed ego elegi vos de mundo, propterea odit vos mundus. Quoties ergo patimur quæ in carne passus est dei filius, quæ passi sunt electi serui eius, æquo animo toleremus. Non est seruus maior domino, aut fateamur nos, qui multorum criminum conscij

2. Timo. 3.

Matth. 12.

Ioan. 9.

Ioan. 15.



conscijs sumus, indignos esse iniuria, & illum dignum, qui peccatum non fecit: vel illos, qui spiritu sancto repleti erant:& tamen infestationibus impiorum hominum carere non poterant. Quod certè fateri nemo, nisi stultissimus fuerit, potest. Dominus igitur omnium innocentissimus, omnium optimus, falsis criminationibus circumuenitur & tacet, accusatur & nihil respondet, ab hominibus diiudicatur hominum angelorumque conditor atque dominator, & sustinet. Nos verò in peccatis geniti, in vanitatibus enutriti, nos, inquā, omnibus iniuriis digni, etiam ad leues offensas excandesimus, ringimur, furore replemur. Quòd si paulò diligentius conscientiam nostram examinabimus, inueniemus nihil mali nobis nō iure ac merito accidere. Nam licet illū à quo accepimus iniuriā nunq̃ offēderimus, offendi m' tamē deū in multis. Ideò quicquid etiā ab illis, quos nō læsimus, patimur: ex iusto dei iudicio provenire sciamus, feramusque molliter ac modeste, iuxta illud Michæe prophætæ: Iram domini portabo, quoniam peccavi ei, donec causam meam iudicet, & faciat iudicium meum, & educet me in lucem, & videbo iustitiam eius. Iram ergo domini per quam humiliter tolerem⁹, quia peccavimus: tunc autem ab eo speremus lucem, cum per peccatorum pœnitentiam iratam placaverimus. Neq; enim aliter egit latro in cruce, cum fateretur iuste se pati & digna factis recipere, & conuersus ad saluatorem clamaret: Memento mei domine cum veneris in regnū tuum. Ob quam tolerantia subiectionem meruit & ipse inuitari ad lucem, domino respondente: Hodie mecum eris in paradiso. Tunc omnis pœna illa delinquentis versa est in gloriā pœnitentis, cum se pœna dignum diceret, seq; illi cui peccauerat cōmēdaret. Porro, quando inimici inuidia vitæ tuæ infidiatur, propone tibi illam erga Saulem regem Davidis patientiam. Sæpius ab ipso ad necem petitus, fugiendo declinabat periculum.

Bis

Mich.7.

David.

Bis quidem potuit capitalem inimicum sua interimere manu, sed noluit. Qua constantia dignissimus visus est, qui ei in regno succederet. Vnde confidenter postea locutus est: Si reddidi retribuentibus mihi mala, decimam merito ab inimicis meis inanis. Et iterum: Cum iis qui oderunt pacem, eram pacificus. Hoc planè patientiæ genus commendatum est nobis in Euangelio, domino docete: Diligite inimicos vestros, benefacite iis qui oderunt vos, & orate pro persequentibus & calumniantibus vos, ut sitis filij patris vestri, qui in cœlis est. Qui ergo parum patiens fuerit, qui odientem non dilexerit, qui denique pro iniuria beneficium benevolentiamque non reddiderit, patris cœlestis filius esse non poterit. Ille solem suum oriri facit super bonos & malos, & pluit super iustos & iniustos, ut doceat te omnes diligere, neminem lædere, nullam appetere vindictam cum offensus fueris, sed potius offensa te dignum iudicare. Hæc humilitatis, hæc patientiæ virtus est. Virtus autem (ut Apostolo placet) in infirmitate perficitur. Vbi exerceres patientiæ virtutem, si nemo esset qui aduersaretur, qui invideret, qui hostiliter infestaret? Ob hoc igitur etiam malos esse permittit deus, ut per eos boni exerceantur, & ad perfectionem vitæ perueniant, odia hominum non vindicando, sed sustinendo.

Psal. 7.

Psal. 119.

Matth. 5.

*De patientia ingrati-  
tudinis, & bonorum ablatio-  
nis.* Cap. 15.

**S**ed ab illis, inquires, quibus in primis obsecutus sum, in quos beneficia plurima contuli, patior iniuriam, & quos mihi semper amicissimos fore sperabam, eorum odia sustineo, magisque me angit ipsorum ingrati-  
tudo quam offensa. At etiā Christus dominus tuus quos

L.L. venerat

venerat saluare, ab iis passus est necem. Christi quoque apostoli, quibus viam veritatis monstrabant, vt credendo beatitudinem consequerentur, ab illis ludibria, verbera, mortem sustinere. Vis tu non amittere bonum quod feceris: & quo animo feras & ingratos, magisq; tibi proderit patientia tua, quàm nocebit illorum perfidia. Ad hæc si etiam verberibus afficeris, si opibus exueris, si torqueris & ad mortem posceris, talia sancti martyres perpessi sunt, talia pro nobis dominus & saluator noster non inuitus tolerauit. Denique nullus vnquam sanctorum vindictam appetiit, sed omnes pro malo bonum reddere semper conati sunt. Vir dei in Bethel matrem Hieroboami regis aduersum se indignè extetam, atque ideo statim arefactam, fufis pro illo precibus, restituit sanitati. Stephanus pro illis à quib<sup>9</sup> lapidabatur orauit, sicut & pro suis crucifixoribus dominus, ne illis imputaretur ad peccatum, quod ignoranter commisissent. Iubemur præterea maxillam nostram alapa percutientibus & alteram offerre, vt semper parati simus pro veritate, pro iustitia, pro nomine domini Iesu plura pati quàm patimur. Alapa ille à seruo percussus non repercussit, sed humili responso ruborem iniecit percussori, arguens atque conuincens quòd percusserit innocentem. Apostolus Corinthiorum tolerantiam laudat, dicens: Libenter suffertis insipientes, cum sitis ipsi sapientes. Sustinetis enim si quis vos in seruitutem redigit, si quis deuorat, si quis accipit, si quis extollitur, si quis in faciem cedit: vt quæ illi magis in proposito consistantur suarum passionum catalogum contexat, dicens: exercitum se fatigatum quæ fuisse in laboribus plurimis, in carceribus abundantius, in plagis supra modum, in mortibus frequenter. A ludæis (inquit) quinquies quadragenas vna minus accepi, ter virgis cæsus sum, semel lapidatus sum, ter naufragium feci, nocte & die in profundo maris sui, in itineribus sæpe, periculis fluminum

3. Reg. 13.

Stephanus  
Act. 6. 7.

Lucæ. 23.

Ioan. 13.

2. Cor. 11.

num, periculis latronum, periculis ex genere, periculis ex gentibus, periculis in ciuitate, periculis in solitudine, periculis in mari, periculis in falsis fratribus, in labore & ærumna, in vigiliis multis, in fame & siti, in ieiuniis multis, in frigore & nuditate. Quod si vas electionis tanta ac talia pertulerit, quid indignatur vas iræ, si quid eiusmodi sibi accidat? Quando tibi prædia & opes auferuntur, dominici præcepti recordare: Qui vult (inquit) tecum in iudicio contendere, & tunicam tuam tollere, dimitte ei & pallium: hoc est, paratus esto plura potius perdere ad conseruandam animi patientiam, quam ad infrigendam altercationibus deseruire. Eundem sensum habet quod in Luca dicitur: Qui auferit quæ tua sunt, ne repetas: ne fortè repetendo & raptore irrites, & tuam in domino conturbes quietem. Patientia enim pauperum (vt in psalmo habetur) non peribit in finē. Si tamen sine lite reparari res poterit, non prohiberis exigere, imò debes, non tam tua quam eius qui rapuit causa, ne videlicet ille alienum iniuste possidendo pereat. Nam & Tobias in deum pientissimus, pecuniam sub chirographo creditam, à Gabello exegit, neque opus reprehendi potest, quod Raphaële angelo adiuuante peractum fuisse constat. Tunc igitur non erit rem ablatam repetendi locus cum per iram delinquenti imminet periculum. Cum hoc contigerit, tam lentè ferendum erit damnum, quam suum tulit Ezechias Hierosolymarum multæ sanctitatis rex. Cum enim per prophetam didicisset, omnem gazam quam legatis regis Babyloniorum gloriabundus ostentauerat, ad Babylonios quoque transferendum, non est animo perturbatus, nec tristitia deiectus, sed voluntate domini nihil refragatus. Bonus, inquit, sermo domini, sed tantum pax & veritas in diebus meis. Quid tu tandem quereris opes tibi ereptas, quas Christus dominus apostolis suis interdixit, quas plurimi vt liberius expe-

Matth. 5.

Luca. 6.

Psal. 9.

Tobias. 9.

4. Reg. 20.

Isaia. 39.

LL ij ditius.

Matth. 19. ditiusque deo seruirent, sponte abiecerunt: Latere potius oblatam tibi occasionem vitæ perfectionis ineunda, dicente domino: Si vis perfectus esse, vende omnia quæ habes, & da pauperibus, & veni sequere me. Latere quod tibi impedimenta sublata sint sequendi illum, qui sequentibus se non terrenas opes largitur, sed cœlestes: non fragiles, sed æternas. Crede igitur prophete dicenti: Melius est modicum iusto super diuitias peccatorum multas.

Psal. 36.

*De patientia morbi & aduersitatum.* Cap. 16.

Iob. **S**I qua præterea corporis egritudine laboras, & morbo vehementer afficeris, caue ne per impatiētiam deum offendas, & grauius animo ægrotare incipias quàm corpore. Corp⁹ hominis fictile vas est, corruptio ni obnoxium, solutioni proximum, morti semper opportunum. Quod etiam si nulla aduersa infestet valetudo, senilis tamen ætas carpendo cōsumit. Thesaurus autem in vase isto fragili animus est, quē nulla vis potest offendere præter peccatū. Peccas autem, si inimici molestiam fers impatienter. Quæ igitur demētia est, cum corpus languore torquetur, committere vt etiam animus impatientiæ peste lædatur? Gratias deo age æger, gratias age sanus, & tolerētiæ meritò ad æternam peruenies salutem, vbi nec morbos vltra timebis, nec mortem. Hæc sunt illa duplicia, quæ accepisse Iob memoratur, post humiliter toleratas ærumnas. Cum enim ditissimus inter municipes suos fortunatissimusque esset amisit simul facultates, iumēta, seruos, liberos, omnium in suo corpore membrorum sanitatem, & tamen nihil interea stultum de ore eius prodiit: sed, si bona (inquit) de manu domini accepimus, mala quare nō toleremus? Dominus dedit, domin⁹ abstulit, sicut domino placuit, ita factum

ita factum est. Sit nomen domini benedictum. Tobias  
inter omnes, qui de Samaria in Assyriam translati fue- **Tobi. 2.**  
rant, pietate notus, casu cæcus efficitur, sed qui melius  
animo quàm oculis cernebat, non fuit ideò tardior in  
proposito virtutis, sed feruentior, Oculis captus gratias  
egit deo, fideliterque ei seruiens, vt antea fecerat, nihil  
cômisit, quo ea calamitas ipsi grauis esse videretur. Fles **Isaiæ. 8.**  
se verò & orasse fertur Ezechias, non tamen ob ægritu-  
dinem in qua erat, sed propter mortem quam formida-  
bat, incertus de dei iudicio, neque enim antè dicitur cõ-  
tristatus quàm audisset. Dispone domui tuæ, quia mor- **Ibidem**  
te morieris tu, & non viues. Præterea quàm paruo nocu-  
mento sint homini morbus & inopia, Lazari mendici **Lazari.**  
ulceribus pleni exitus probauit: exiguo temporis mo- **Lucæ. 16.**  
mento miser fuit, si miser dici debet qui nō peccat, sed  
mox à corpore secedēs, ab angelis translatus est ad æter-  
næ felicitatis locum, omni prorsus liber molestia, re-  
pletusque lætitia ineffabilium bonorum. Quicquid er-  
go nobis ad beatitudinem transitoris nō videtur, viam  
impedire, tolerabile est, & iustæ querelæ causam dum  
virtuti nihil officit, excludit. Ad illa veniamus quæ fal-  
sò fortuita mala nuncupantur, cum nihil sit quod non  
prouidentia diuina contingat. Ea sunt terræ marisque  
pericula, proscriptiones, exilia, carceres, tormenta, cæ-  
des, incendia, cæteraque id genus multa. Quæ vt forti-  
ter perferantur, primo sciendum, aduersa quæq; in hac  
vita necessariò euenire, & tam bonis quàm malis esse  
communia. sed iustis bona esse, iniustis verò mala, si mo-  
do castigati nō se correxerint. Porro istæ aduersitatum  
causæ sunt. Iustis ideò accidunt, vt per patientiæ virtu-  
tem maiora mereantur præmia, ac ne fortè prospero re-  
rum successu elati labātur. Vnde colaphizatus est Pau- **Paulus.**  
lus, ne magnitudine reuelationum extolleretur: afflictī  
martyres, vt cumulatiùs remunerarentur. Iniustis au-  
tem ob hoc tristitia contingunt, vt ad iustitiā reuertan-

LL iiij tur: &

Apoſt. 3.

tur: & ſi redire noluerint, iuſtè condemnentur, æterniſ-  
que mancipientur ſuppliciis, quorum duritia tempora-  
libus contuſa malis molleſcere nequiuit. Si aduerſa pa-  
teris, & ſcripturæ diuinæ fidem præſtas, negare non po-  
tes, quod à domino diligaris. Ego quos amo (inquit) ar-  
guo & caſtigo, teſtimonium igitur diuini erga te amo-  
ris habes, quoties aduerſis concuteris, quoties calamita-  
tum procellis iaſtaris. Fruantur ſuis deliciis luxurioſi,  
tu verò domino tuo placere ſtudēs, aſperitatibus te ex-  
erce. Arcta enim & anguſta via eſt, quæ ducit ad ſalu-  
tem, lata atque ampla quæ mittit in perditionem. Hinc  
eſt quod ſanctiſſimi homines proſpera mundi contem-  
nentes, renunciantesque præſentibus bonis, tolerant  
ſpontaneam paupertatem, ieiuant, eſuriunt, ſitiunt, al-  
gent, vigilant, orant, peregrinātur, laborant, nunquam  
conquieſcunt, vt per dura atque aſpera victis volupta-  
tum illecebris, debita virtuti præmia percipiāt, & pro  
breui afflictione æternam capiant beatitudinem. Cor-  
ripiamur ergo à domino, ne cum hoc mundo damne-  
mur. Pugnemus cum calamitatibus, vt cum vicerimus  
coronemur. Nauigantium ars atque doctrina non in  
tranquillo, ſed in tempeſtate probatur: Militis virtus  
in certaminis diſcrimine noſcitur. Chriſtianus an deū  
diligat, aduerſitatibus experitur. Nec poteſt eſſe Chri-  
ſti famulus, qui cum illo laborioſa atque difficilia ſubi-  
re recuſarit. Qui non baiulat (inquit) crucem ſuam, &  
venit poſt me, non poteſt meus eſſe diſcipulus. Et iterū:  
Qui vult venire poſt me, abneget ſemetipſum, & tollat  
crucem ſuam & ſequatur me. Eis quoque qui in regno  
ipſius ad dextram & ſiniſtram ſuam ſedere petierant,  
reſpondit: Poteſtis bibere calicem, quem ego bibiturus  
ſum: docens gloriæ ſuæ confortem fieri non debere, qui  
paſſionum ſuarum ſe non fecerit participem. Hæc ita-  
que crux, & hic calix, ſunt ſtigmata illa domini noſtri  
Jeſu Chriſti, quæ ſe in ſuo corpore portare Apoſtolus  
gloriabatur,

Lucæ. 14.

Marc. 10.

gloriabatur, dicens: Vſque ad hanc horam & eſurimus, & ſitimus, & nudi ſumus, & colaphis cœdimur, & inſta 1. Cor. 5. biles ſumus, & laboramus operantes manibus noſtris, maledicimur, & benedicimus, perſequentiœ patimur, & ſuſtinemus, blaſphemamur, & obſecramus, tanquam purgamenta huius mundi facti ſumus, omnium peripſima vſque adhuc. Si qua talia tibi caſu cōtingant, quæ multi pro Chriſto ſponte ſubire ſolent, de neceſſitate fac voluntatem, libenter cuncta ſuſtinendo, quorum patientia domino tuo te redditura ſit chariorem. Beatus eris ſi cum propheta dicere poteris, Probaſti cor meū Pſal. 16. deus, & viſitaſti nocte, igne me examinaſti, & nō eſt inuenta in me iniquitas, vt magis ad probationem tribulatio incumbat, quàm ad correctionem. In illa enim iu Pſal. 45. ſti gaudent, dicentes, Quoniam probaſti nos deus, igne nos examinaſti, ſicut examinatur argentum. Et quoniā aduerſitatum patientiam ſequitur conſolatio, Tranſiuimus (inquiunt) per ignem & aquam, & eduxiſti nos in refrigerium.

### *Quantū proſint res aduerſæ. Cap. I 7*

**P**roſunt igitur, non obſunt aduerſa, ſi æquo animo perferantur. Si enim aſueſces ferre difficilia, quæ facilia ſunt feres leuius. Deinde per patientiam aduerſitatum pro delictis facimus ſatis, quoniam quæ per voluptatum blandimenta perpetrantur, per contrarij doloris tolerationem purgari debēt. Et cum hoc contigerit, tunc eſt nobis dominus, ignis cōflans (vt Malachias ait) & quaſi herba fullonum, excoquens & Malac. 3. emundans quicquid in nobis ſeculentia fortisq; reſtabat. Ad hæc in tribulationibus ardentius ad ſupplicandum accedimus, promptius ad exercēda pietatis ſtudia exurgimus, perſeuerātius de cœleſtibus cogitamus. Hoc teſtat Dauid, dicens: Bonū mihi domine qđ humiliāſti Pſal. 118.

LL iii)

me,



Pfal. 119.

Pfal. 49.

Pfal. 80.

Isaia. 26.

Marc. 5.

Lucæ. 15.

me, vt discam iustificationes tuas. Denique cum calamitatibus oppressi obsecramus, facilius exaudimur, eodẽ sancto attestante, cum ait. Ad dominum cum tribularet clamaui, & exaudivit me. Quod si vehemẽtior ingruerit tempestas, orandum erit vt vel illa liberemur, vel vires nobis ad resistendum suppeditentur, ipso domino præcipiente ac dicente: Inuoca me in die tribulationis tuę, & eruam te, & honorificabis me. Et alio psalmo: In tribulatione inuocasti me, & liberaui te. Continuit præterea vt miseriis grauati, ad illius opem confugiamus, de cuius bonitate, dum sine his ageremus, parũ recordabamur otio tabescentes ac deliciis. Isaia hoc docet, dicens: Domine, in angustia requisierunt te, & in euangelio Geraseni non antequam venisset referuntur ad Iesum, quã iacturam passi fuissent porcorum. Nec filius luxuriosus prius ad patrem est reuersus, quã dilapidatis bonis, quæ ab eo acceperat, coepit esurire. Tunc autem & virtute magis proficimus, cum contra casus aduersos luctamur. Hic enim solus campus est constantiæ, fortitudinis, humilitatis exercendæ. In quibus dum laboramus, cætera conseruantur. Cum enim præsentium rerum felicitas plurimis scateret solita sit vitiiis, e contrario infelicitas ipsa custos innocentia sit necesse est, in his qui ante infelicitatem innocentes erant. Felicitas terrena luxuriæ ministra est, contaminat & confundit intelligentiæ puritatẽ. Inde mens cupidinibus corrupta, inter turpe & honestum nullum agit discrimen, eoque facillimẽ inclinatur, quo malarum voluptatum appetitus impellit. At verò in calamitatibus anxia solitudine excussus animus, ignauiæ abiiciens caliginem, sapietia luce incipit illustrari, & quo magis premitur, eo magis quidem ad sobrietatẽ rationemque sese transfert. Tunc & fragilitatem nostram plenius recognoscimus, summi dei potentiam sublimius contemplamur. Ex rebus autem prosperè fluentibus, plerumque supra humanæ

humanæ conditionis vires efferimur, & dum plagas nō sentimus, de ipso omnium quæ in mundo accidunt plagarum autore minus cogitamus. Manasses dū feliciter regnaret pessimus erat; amisso regno & in seruitutem redactus optimus euasit. Vnde ait scriptura: Et cognouit, Manasses quod dominus ipse esset deus. Non ergo ante nouerat, quā malis compellentibus vires illius cōsiderasset, quem in prosperitate contempserat. Hoc est quod in Ieremia dicitur: Castigasti me domine, & eruditus sum. Paulus quoque apostolus antè lupus rapax ecclesiæque persecutor, postquam autē Christi voce perterritus incidit in cæcitātē, de lupo versus est in agnū: & qui aduersus Christum steterat pro synagoga, pro Christo stare cōspit aduersus synagogam, vim diuinitatis eius inter flagella expertus, & illum ipsum cōfiteas, cuius confessores fuerat persecutus. Quòd si tantū prodesse queunt aduersa, nōne fallitur, qui illa in malis ponenda arbitratur?

Manasses.

2. Para. 33.

Ierem. 33.

Paulus.

Actu. 9.

Actu. 22.

*De patientia Iob, & quare bonis accidunt mala. Cap. 18.*

**V**T autem omnium præsentium tempestatum magnitudinem superes, quanta passus fuerit vir deo charissimus Iob, & quā ad omnem ærurnarū impetum immobilis permāserit, semper tibi occurrat, & si multo grauiora illum leniter placideque pertulisse inuenies, pudeat te in leuiorib⁹ minus esse fortem. Si quam opum tuarum iacturam feceris, illi de immensis pecudum armentorumque gregibus nihil relictum est præter vnum seruum, qui ab inimicis cuncta de vno directa atque ablata nunciauit. Si filio orbatus es, illius filios & filias omnes vnius domus ruina simul extinxit. Si aduersa laboras valetudine, ille à planta pedis vsque ad verticem capitis ulceribus totus tabefactus, non in lestulo,

seculo, sed in sterquilinio sedens: non molli linteolo, sed duriore fictilis vasis testa, vulnerum saniem dera-  
debat. Non habuit amicos qui sic languentem consola-  
rentur, sed qui magis exasperarent exprobrantes ei pec-  
cata quorum expers erat. Insuper vxor ipsa ad impatiē-  
tiam vrgebat, vt deo malediceret & moreretur. Ille ta-  
men in se firmus, & aduersum quęque difficilia spiritus  
sancti virtute stabilitus pro omnibus gratias agebat  
deo, & nullis ærumnis, nullis doloribus, nullis obtreſcā-  
tium molestiis, ab ipsa quam in deum habebat charita-  
te potuit separari. In corpore miserabiliter fracto in-  
tegra permanſit fides, & hominē omnibus miseriis one-  
ratum, sola in deo spes sustentauit. Quòd si tanta ac ta-  
lia iustis quoque inferantur ad probationem, quare con-  
queritur, peccator cum castigatur ad correctionē: Ver-  
beraris qui peccator es, vt de peccato doleas, de quo for-  
tasse non doleres si impunitus dimittereris. non dolen-  
da autem, sanari omnino non posses. Tu puniris vt resi-  
piscas, percuteris vt cōualeſcas. Iustus autem plectitur,  
vt per patientiā maius sibi futurę remunerationis me-  
ritum acquirat, & veluti dei igne aurum, ita ille de mi-  
seriarum angustiis purior exeat atque clarior. Hinc fa-  
tis cōstat q̃ malè cum illis agitur, qui nihil aduersi pa-  
tiuntur, & tamen peccare non cessant. Manet enim eos  
post breuem præsentium rerum successum nunquam fi-  
niendus cruciatus, & horrenda apud inferos supplicia.  
Alia etiam præsentis felicitatis infelicitatisque ratio  
est, quoniam dum differtur in fine iudicium, discretio-  
que iustorum atque iniustorum, interim tam prospera  
quàm aduersa mundi huius omnibus communia sunt:  
idèò & his aliquando benè, & illis malè. Cæterum ob-  
duratis & in scelere perseverantibus malè cedit prospe-  
ritas, quia insolentiores reddit. Iustum autē neque pro-  
spera extollunt, neq; frangunt aduersa, in vtroq; rerū  
uentu eandem seruat animi constantiam. Sed in aduer-  
sis si

sis si nō melior certē iustior efficitur . Semper enim ad delinquendū magis prouocāt, quę secūdo statu ferūtur.

### De patientia martyrij. Cap. 19.

**P**orro ad confirmandam patientiæ virtutem, præter ea quæ hætenus dicta sunt . Martyrum Christi victorias atque triumphos contemplari operæ pretium erit. Eculi, laminæ, sartagine, fustigationes, omnia tormentorum genera proponebantur illis, qui gentilium deos adorare nollent . At verò fortissimi fideissimi quę Christi milites, perferre multo grauiora quam tyrannorum impietas excoGITARE poterat, parati erant. Promissis etiā ingentibus ad sacrificandum sollicitabantur, opum, honorum, dignitatum, sed qui suppliciorum terrificationibus non cedebant, nec pollicitationum quidem magnitudine moueri poterant. Itaque in proposito perstantes non modo imperata non fecerunt, verumetiam Christum suum liberius confidensque prædicarunt, palam docendo hunc quidem dei veri esse filium, & idola vana non deos esse, sed malorū dæmonum inuenta, vt homines impię crudelitatis laqueo captos, in barathrū traherent perditionis. Cumque post multos corporis cruciatus ad necem damnaverentur, finem vitæ intrepidi expectabant: magisque timebant ne dimittantur, quàm ne occidātur: Fortiores ergo & tormentis & carnificibus & regibus fuere, dum pro iustitia, pro veritate, pro deo certarēt. Vicerūt supplicia patientia, prophana imperatorū edicta cōstanti atq; immota Christiani nominis cōfessione. Deos deasque colere cōpellebantur, illi verò his cōtemptis, Christum crucifixū colendū adorandūq; esse asseuerabāt, Cum hac sentētia finire, martyrij victoria erat. Vulnere autē corpore excepta, mēbrorū lacerationes, exustiones, fidelis militiæ insignia existimabant, & inuictę virtutis certissima testimonia. Atq; ita Romani principes omnium

omnium potentissimi, vrbiū, prouinciarum, regnorū  
 victores, à solis Christi seruis & inermibus, & paucis  
 & mori volentibus victi sunt, quando ne vnum quidem  
 ex his qui constanter Christum confitebantur, in tuam  
 trahere sententiam totis imperij viribus potuerūt. Po-  
 strechè, vt omnibus pateret ipsos esse superatos, manus  
 dederunt his quos persequabantur, & abiecto falsorum  
 deorum cultu, pro quo pertinacius quàm pro finibus re-  
 gni stabant, religionem Christi quam delere niteban-  
 tur, susceperūt. Quid est enim aliud in sententiam ad-  
 uersarij confedere, nisi planè se victum cōfiteri. De his  
 igitur qui totum ferè terrarum orbem suo subdiderāt  
 imperio, ipsi Christi milites triumpharunt: non armis  
 pugnantes, sed patientia: non viribus, sed fide: tanto ista  
 fidelis patientiæ virtus omni vi humana potentior ex-  
 titit atque validior. O præstantissimam pro Christo  
 patientium virtutem. Inuictos vicerunt, totius orbis  
 dominatoribus imperare coeperunt, dum pro Christi  
 nomine nihil non sustinendum iudicāt, dum illis quo-  
 que à quibus vulnera patiuntur, mederi desiderāt, dum  
 denique in tenebris errantibus lumen ostendere verita-  
 tis cupiunt. Qui enim calicem domini per patientiam  
 bibebant, inebriati sunt vino charitatis, ita vt pro il-  
 lis quoque orarent à quibus cadebantur, illis viam salu-  
 tis aperirent, quorum immanitate ipsi trucidabantur.  
 Magis eis dolori erat, persecutores suos errore interire,  
 quàm se illorum sæuitia excruciari morteque affici.  
 Omnibus itaque aduersariorum iniuriis fortior in ip-  
 sis erat dilectio. I nunc miser & infelix homo minus ab  
 altero offensus, leuius læsus, irascere & exardescere furo-  
 re, & odij stimulis agitatus, vindictam para: vt & illum  
 pro cuius salute mori debueras perdas, & ipsemet infe-  
 licius intereas, nolenti enim iniuriam remittere, deus  
 peccata non ignoscit. Nunquam in sanctorum marty-  
 rum consortium venire poteris, si illorum toleran-  
 tiam

tiam non fueris imitatus. Vindicari vis de inimico, & te dei manet vindicta, ipse qui tibi ignoscere volenti parabat patientiæ coronam, iniuriam referenti debita impatientiæ ingeret supplicia. Amando inimicos non vliscendo ad martyrij gloriam peruenitur, & is cum Christo regnat, qui cum Christo pati mauult mala & reddere. Martyr es, si bonum reddis pro malo, fin vero malum malo rependis, Christi aduersarius es, qui iubet & inimicos diligere. Hic nēpe gloriosissimus fuit martyrum triumphus, pati iniuriam, & pro iniuria referre beneficium, vitā impendere, & animas lucrari Christo. Videbant impij quā illi constantes essent in proposito, quā parati ad omnia extrema subeunda prius, quā vt Christum desererent, & cogitare cogeantur, nequaquam vanum esse quod tormentorum patientia vitæque impendio defendi cernebant, miraculorum etiam magnitudine, quæ per illos fiebant, commoti conuertebantur: & qui paulo antè in Christianos grassati fuerant, cum Christianis necari optabant. Atq; ita auctis ampliatisque rebus Christianitas præualere cœpit, infidelitas dissolui, & euanescere, crux sancta adorari, idola vana euerti. Christus dominus excoli, diaboli potestas calcari. Ipso denique martyrum sanguine creuit ecclesia, & effuso cruore pinguior facta, per quā haberem emisit segetem fidelium filiorū. O beata mors, quæ mortalibus largita est immortalitatem, infidelibus fidem & errantibus veritatem, pereuntibus salutem, & pro Christo patientibus gloriam. Cui vnquam regum principumque terræ tantum boni attulere opes, deliciæ, amicitia, victoriæ, regna, imperia, quantum vni fidei martyri sua tormenta? Petrus per crucem, Paulus per gladium, per ictus lapidum Stephanus, atque alij per alias corporis afflictiones, ascensum sibi ad cœlum parauerunt, & nunc omnes bonis perfruuntur æternis, nunc cum domino suo regnant, quia  
pro

Petrus.

Paulus.

Stephanus.

Apostoli

Iacob. 1.

1. Pet. 4.

Roma. 5.

1. Cor. 11.

pro nomine eius mudi aduersa forti animo pertulerunt. Futurorum ergo bonorum spe erecti, etiam in tormentis animo gaudebant, & cum flagellati fuissent apostoli, ibant gaudentes a conspectu concilij, quoniam digni habiti sunt pro nomine Iesu contumeliā pati. Ad quod sanè gaudium & nos inuitant atque hortantur, volentes & martyrij sui habere socios, & gloriæ consortes. Vnde Iacobus apostolus: Omne gaudium, inquit, existimate fratres mei, cum in tētationes varias incideritis, scientes quod probatio fidei vestræ patientiam operatur, patientia autem opus perfectum habeat, vt sitis perfecti & integri, & in nullo deficientes. Ipse etiam apostolorum caput Petrus: Communicantes Christi passionibus gaudete, vt & in reuelatione gloriæ eius gaudeatis exultantes. Vas electionis Paulus non solum gaudet, sed etiam gloriatur. Gloriamur, inquit, in tribulationibus scientes quod tribulatio patientiam operatur, patientiam autem probationem, probatio verò spem, spes autem non cōfunditur, quia charitas dei diffusa est in cordibus nostris per spiritum sanctū, qui datus est nobis. Et iterum ait: Libenter gloriabor in infirmitatibus meis, vt in habitat in me virtutis Christi, propter quod placeo mihi in infirmitatibus meis, in cōtumeliis, in necessitatibus, in persecutionibus, in angustiis pro Christo. Gaudent ergo atque etiam gloriantur in pressuris huius mundi omnes sancti, & nos dolebimus. Doleat qui diffidit, gaudeat autem & gloriatur, qui spem suam in deo collocauit.

*De exhortationibus ad patientiam  
martyrij. Cap. 21.*

**Q**uod si milites suos rex ipse cœlestis non in delicias & voluptates huius seculi, sed in cōsiliū & certamen sœuientium persecutionum destinabat,

stinabat, vt vincentibus ineffimabilis boni donatium  
distribueret, profectò ad militiã eius nullo modo per-  
uenire poterit, qui non ita se subiecerit, vt protuenda  
veritate nec supplicia nec mortẽ subire recuset. Is de-  
mum Christo militat, qui sæpe mudi turbinibus qua-  
titur, & nunquam superatur, dicente ipso domino: In  
mundo pressuram habebitis, sed confidite, ego vici  
mundum. Quando hic qui, vicit mundum, seruos suos  
confidere iubet, nullus de victoria futura dubitandi  
relinquitur locus. Qua enim virtute ipse vicit mun-  
dum, eam aduersus persecutiones certantibus nobis  
commodabit, vt vincamus. Immittent vobis, inquit,  
manus suas, & persequentur, tradentes in synagogas &  
custodias, trahentes ad reges & præfides propter nomẽ  
meum. Ne autem terreamur, subdit: Et ego dabo vobis  
os & sapientiam, cui non poterunt resistere & contra-  
dicere omnes aduersarij vestri. Demum vt proposito  
præmio ad omnia perpetiendã magis alacres redderet,  
ait: In patientia vestra possidebitis animas vestras. Hoc  
est enim quod alibi dixit: Qui perdidit animam  
suam in hoc mundo, in vita æterna inueniet eam. Pos-  
sidere ergo animam est, non hic, sed in æternitate vi-  
uere. Omnis quippe possessio in præsentidubia est &  
incerta, in futuro autẽ erit stabilis & perpetua. Quod  
vt luculentius intelligas, rursus ille alibi ait: Beati  
qui persecutionem patiuntur propter iustitiã, quo-  
niam ipsorum est regnum cœlorum, Beati estis cum  
maledixerint vobis homines, & persecuti vos fuerint,  
& dixerint omne malum aduersum vos mentientes  
propter me, gaudete & exultate, quoniam merces ve-  
stra copiosa est in cœlis. Quam certè mercedem si al-  
ta mente considerabimus, terrena omnia faciliẽ contẽ-  
nemus, neque omnino quicquam toleratu graue vide-  
bitur, quoties bona quæ pro malorum perlatione com-  
pensanda sunt, cogitabimus. Immensa enim & ineffabi-  
lia sunt

Ioan. 16.

Lucæ. 21.

Lucæ. 21.

Matth. 10.

Matth. 5.



Apoca. 7.

lia sunt illorum bona, de quibus in Apocalypsi dicitur: Hi sunt qui venerunt de tribulatione magna, & lauerunt stolas suas in sanguine agni, ideò sunt ante thronũ dei, & seruiunt ei die ac nocte in templo eius, & qui sedet in throne, habitabit super illos, non esurient neq; sitient amplius, neque cadet super illos sol, neque vllus æstus, quoniam agnus qui in medio throni est, reget illos, & deducet eos ad vitæ fontes aquarum, & absterget deus omnem lachrymam ab oculis eorum. Talia secum

Philip. 4.

meditabatur Paulus, cum diceret: Et satiari & esurire & abundare & penuriam pati, omnia possum in eo qui me confortat. Hinc est quod de illo in gestis apostolorũ

Acto. 21.

legimus: Cum prophetante Agabo discipuli eius didicissent ipsum Hierosolymis vincula passurũ, & animo consternati rogassent, vt supersederet illò proficiscis: Quid facitis respondit, flentes & affligẽtes cor meum: ego autem non solum alligari, sed & mori in Hierusalẽ paratus sum, propter nomen domini Iesu. Non est ergo suorum lachrymis motus, non mortis periculo deterrius, vt à proposito desisteret, tanto amore flagrabat Christum omnibus quibus poterat Euangelizandi, decernens non antè à prædicatione eius cessare, quàm in corpore viuere cessasset. Neq; solũ Paulus, qui plus omnibus laborauit, certũ ac deliberatũ id habuit, sed planè omnes illi, qui supplicia necemque pati maluerunt, quàm fallacibus diis libamenta offerre.

*Verba sanctorum martyrum ad  
tyrannum in ipsos sæuien  
tem. Cap. 21.*

**Q**uid enim aliud dum torquerentur, tacendo ad infidelem tyrannum dicere videbãtur, nisi vre, tunde, dinelle, lania, idola tua non adorabimus, Christum

Christum autem dei filium confitemur, cum patre & spiritu sancto vnum deum, vñū dominum. Potes corpora ista Cēsar cruciatibus absumere, facere verò vt aliud sentiamus aut loquamur non potes. Dummodo hac in parte fortitudo nostra tua praualeat, iuuat in illa quate potentiorem existimas; nos esse imbecilles atque imbelles. Quo enim magis nos affligis grauiusque excrucias, magis vita æterni dignos efficis, & dam nocere arbitraris, prodes. Tua scilicet nostra est gloria. Cū nos interficere credas, carcere isto corporis liberas. Vnde soluti de terra, tollimur ad cælum; & pro patientie virtute à domino coronamur: non corona sicut est tua peritura, sed nunquam deficiente, nunquam defutura. Libet itaque ab te interiri, vt viuamus cum Christo, quem nulla vi nobis potes auferre, neque nos, vlla quæstione, vñlo tormentorum genere à charitate eius separare. Hoc tē frustra prorsus conatum scies, cū etiam ipsa postrema in mortem anhelantium voce Christum inuocari, Christum glorificari audieris, & tunc demū te victum senties, sed sapere pudebit. Nos enim in isto fidei agone, voti nostri compotes erimus, tu tui nequaquam, qui ideo nos torques, vt à Christo auertas; & ad deorum, quos palam contempnimus, cultum compellas. Et cum hoc quod maxime cupis, perficere in nobis minime valeas, nonne superatus es nostra constantia, nostra pro Christo fide, quos ne interficiendo quidem vt tibi assentiamus potes inducere? Citius saxa scopulosque & montes de loco suo mouebis, quàm nobis fidem Christo datam eripies. Non tamen stabilitatis nostræ nobis laudem damus, Christi beneficio fortes sumus. Christi virtute in nobis manente tibi non succubimus, Christo denique adiuuante contra omnia aduersa luctamur, & potimur victoria. Eidem gratias agimus, & cum poenis afficimur, & cum in sententia veritatis perseveramus. Tota autem perseverandi ratio est,

M M . quia

quia post laborem in illo requiescere speramus, semper  
 beati futuri, qui semper usque in finem fuimus fideles,  
 nec victis inuita tua, sed probati. His quidem & huius-  
 modi verbis illos vel locutos, vel loqui potuisse quis du-  
 bitat, nisi qui euangelio non credit, & peruersæ menti s-  
 aure non admittit veritatem. Ipsorum enim omne stu-  
 dium fuit, domini sui vestigia obseruare, cum morum  
 integritate, tum patientia persecutionum. Præbuit il-  
 lè se nobis in exemplum, & qui resistere poterat, violen-  
 tiæ hominum, atque omnes simul vno verbo oris sui in-  
 terficere, maluit iniurias pati, & ignominiosa cru-  
 cis morte consumi, vt suis fidelibus humilitatem patiē-  
 tiamq; commendaret. Quamobrem ait: Qui non ac-  
 cipit crucem suam & sequitur me, non est me dignus.  
 Quid inquis agam, si desit persecutio, si nemo ad im-  
 pietatem compellit quomodo crucem domini portare  
 debem. Si paratus es impia suadentibus nunquam cede-  
 re, & prius omnes omniaq; tormentorum cruciatus for-  
 ti animo subire, quàm Christum deserere, crucē domi-  
 ni geris, & ipsum sequeris, illoque te dignum præstas.  
 Da igitur operam, ne prompta desit voluntas ad patiē-  
 dum tunc quoque cum patiendi non suppetit occasio.  
 Quod si feceris, tu quoque a domino in pace collectus  
 cum sanctis martyribus dicere poteris. Ego sum pau-  
 per & dolens, & salus tua deus suscepit me, laudabo no-  
 men dei mei cum cantico, magnificabo eum in laude.  
 Interim martyrium tuū sit, castigare corpus tuum, &  
 in seruitutem redigere, vt obediāt spiritui, vigilare, o-  
 rare, ieiunare, die ac nocte in lege dei meditari, euange-  
 lij præcepta obseruare, amicos inimicosq; diligere, ne-  
 mini malum pro malo reddere, & pati potius quàm in-  
 ferre iniuriam. Talis vita eos etiā ad beatitudinis glo-  
 riā euexit, quos persecutionis gladius nō attigit. Quo-  
 tidianum quippe martyrium est, aduersus carnis mole-  
 stias diaboliq; dolos assidue stare, & non sinere suffodi  
 domum

Matth. 10.

Psal. 6.

domum, nec irruētibus vitiis vasa diripi virtutis. Opōr-  
 tet igitur superbiam repellere humilitate, libidinē ca-  
 stitate, parsimonia luxuriam, patientia iracundiam, li-  
 beralitate auaritiā: & breuiter vitium virtute. Sic vin-  
 cere non equidem minus laudabile esse reor, q̄ execran-  
 da infidēlium imperia per tormentorum patientiā su-  
 perare. Nam qui ita vitam instituerit, eum iam idoneū  
 esse scias ad omnia dura, difficilia atque aspera pro no-  
 mine domini perferenda. Non potest non habere talem  
 tolerandi affectum, qui domino in omnibus obsequen-  
 di gerit curam. Audi Hieronymum dicentem: Vtinam  
 ob domini mei nomen atque iustitiam cuncta gentiliū  
 turba me persequatur & tribulet: vtinam in opprobriū  
 meum stolidus hic mundus exurgat, tantū vt ego me-  
 rear a Christo laudari, & suæ pollicitationis sperare  
 mercedem. Quoties igitur exercendæ patientiæ cessat  
 occasio, non cesset in nobis ipsa patiendi voluntas, &  
 martyrum gloriæ participes esse merebimur.

g. Hierony.

*Quod non debemus vltro nos offerre  
 suppliciis. Cap. 22.*

**V**Eruntamen in persecutionibus vltro nos offerre  
 impiis non debemus. Quoniam temerarium est  
 obicere se piculis nulla cogente necessitate. Vn-  
 de præcipit dominus, dicens: Cū vos persecuti fuerint  
 in ista ciuitate, fugite ad aliā. Et ipse secessisse in deser-  
 tum dicitur, cum Iohānē Herodis gladio pemptum au-  
 disse. Quanto etiā Iudæi ad feriendum illum lapides  
 corripuissent, abscondit se ( vt euangelista ait ) & exiuit  
 de templo. Poterat omnes vnico nutu interimere, & ma-  
 Iuit fugere, vt nos doceret etiam imbecilliorum iracun-  
 diam potius deuotare, quā resistendo magis accēdere.  
 Paulus Damasci Iudæorum insidias, & præpositi Are-  
 tæ regis minas per murum in sporta depositus effugit:  
 nō tamē mortis metu, sed dilatione, vt adhuc sup vinēs

Ioan. 8.

2. Cor. 12.

M M ij

multorum

multorum saluti confuleret. Nunquam enim cessauit prædicando, disputando, scribendo omnes quos erroribus implicitos cernebat, ad viam veritatis reuocare: vt que illos quos ad Christum conuerterat, in fide solidaret, sanctissimi Neronis furorem contempsit. Suo igitur exemplo monstrauit, tunc quidem mortem non esse timendam, cum prospiciendum est saluti aliorum: tunc verò fugiendam, cum magis expedit vt fugiamus, quàm vt comprehendamur. Exempli gratia. Inter hæreticorum turbam fidelesque persequentium occultè Christianus es, vides alios deprehensos torqueri, cædi, laniari, quamdiu fortiter tolerant, nec à fide recedunt, non est vt te ipsum prodas. Cum autem aliquis eorum titubare cœperit, & supplicij victus cedere, palam eum exhortari ad patientiam debes, & in periculo animæ alienæ vitam propriam contemnere. Plus enim debemus diligere bonū animæ nō nostræ modo, verū etiam alienæ, quàm bonum corporis nostri, hoc enim temporale est, illud æternum: hoc carnale, illud spiritale: præferenda autem sunt carnalibus spiritualia, & temporalibus eterna, & mortalibus nunquam moritura. Quòd si te quoque in hoc pietatis agone intrepidè currentem ab infidelibus occidi contigerit, gaude, quia iam cum illo viuere incipiēs, qui pro omnibus occidi voluit, & in illo inclyto gloriosoque martyrum cœtu receptus exultabis, tuque donatus corona victoriæ sempiterna.

*Quod multum prodest in calamitatibus recolere passionem Christi.*

Cap.

23.

**I**N omni autem pressura & afflictione siue mentis siue corporis, commodissimum erit, domini saluatoris labores atque dolores pro nobis vltro susceptos ad memoriam

moriam reuocare, secumq; ratiocinari ac dicere: Quis  
 ego sum, vt aduersis præsentium infelicitatum in casu-  
 bus grauari debeam, cum dominus meus, quamdiu in  
 terris versatus est, non otio delectatus sit, sed fatigatio-  
 ne non voluptatem vllam corporis appetierit, sed tri-  
 bulationes & angustias, & cruciatus, & cõuitia, & pbra  
 ab impiis illata, & acerbissimam atque despiciatissimã  
 crucis mortem? Ille saluandi mei gratia qui perieram,  
 cum deus esset, hominem assumpsit: homo factus nũquã  
 conqueuit, Iudæam, Galilæam, Samariam peragran-  
 do, ignaros instruere, ægros curare, mortuos suscitare,  
 multa mira & incredibilia operari. Cumque in omni-  
 bus diues esset, elegit sibi paupertatem, aliorum impen-  
 sis vitam sustentauit, alieno vsus est hospitio, esuriuit,  
 sitiuit, fatigatus est, fletu pluries legitur, risisse nunquã.  
 Adhuc puer quæsitus est ad necem: deinde adultus, odia  
 semper perpeffus est impiorum, à discipulo venditus ac  
 proditus est, à Iudæis comprehensus & afflictus, & qui  
 peccatum non fecerat, ligatur, accusatur, falso testimo-  
 nio circumuenitur, conspuitur, alapis cæditur, deludi-  
 tur, maledicatur, spinis coronatur, harundine verbera-  
 tur, nudus flagella sustinet, nudus crucem ascendit, in  
 manibus ac pedibus plagas patitur clauorum, lanceæ  
 in latere, atque de tot vulneribus manante cruore to-  
 tus perfunditur. Cumque moriens sitiret aceto felleq;  
 potatur: tam dirè consumptus, hostiam se deo patri pro  
 omnibus obtulit. Quis sum ego vt indigner, & iniquo  
 animo feram, si qua mihi calamitas incidat, si quod in-  
 commodum patiar, si qua me inuidorum infestet per-  
 secutio, cum præsertim nihil mali mihi inferri possit,  
 quod peccata mea non merentur? Non ergo grauatè p-  
 petiar, quod iuste irrogatur, sed dominum meum de-  
 precabor, vt concedat mihi in omnibus patientiam, &  
 in ipsa patientia scelerum meorum purgationem atque  
 veniam: vt qui me dignatus est facere laborum suorum

M M iij

participem

2. Cor. 1.

1. Tim. 2.

Tob. 4.

Actu. 16.

participem, faciat tandem & gloriæ consortem, dicente Apostolo: Sicut socij passionum estis, sic eritis & consolationis. Et iterum: Si inquit commortui sumus & cōuinemus: si sustinebimus, & conregnabimus. Igitur siue persecutionis turbo totam inuaserit ecclesiam siue priuata laceffiti fuerimus inuidia, siue opes vis aliqua raperit, siue morbi sæuerint, siue charissimorum mortes frequentarint, siue aliud aliquid aduersi acciderit de omnibus gratias agere nos oportebit, & in omnibus confiteri ac dicere. Iustus es domine, & rectum iudiciū tuum. Scriptum est enim: Increpationē domini ne reprobos, quia ipse vulnerat & medetur, percutit & manus eius sanabunt. Paulus & Syllas in Macedonia virgis cæsi, carceri traditi, in vincula coniecti, deo laudes decantant. Et ipse dominus noster accepto calice gratias egit, vt nobis documento esset ad persoluendas gratias Deo, quoties aduersitate aliqua grauati fuerimus atque afflicti. Per calicem enim tribulationes mūdi huius intelligimus, iuxta illud: Transeat à me calix iste. Cuius igitur prouidentia cuncta contingunt, illi de cunctis gratiæ agantur, vt per hoc probetur, nos & patientes esse in aduersis, & in prosperis non ingratos.

## *De impatientiæ vitio erga deum.*

Cap.

24.

Exod. 16.

Exod. 17.

**E**T quoniam virtus optabilior atque amabilior sit vitij, comparatione, restat vt euoluamus impatientiæ mala. Per impatientiam murmurauerunt Israhelitæ egressi de Aegypto, cū esurirēt in deserto Syn, & iterum in Raphadin cū sitirent. Saturauitque illos dominus manna de cœlo pluēte, & aquis fluētibus de petra. Vide quàm mitis, quàm misericors est deus, non cōtinuò impatientiam nostram punit, sed interdum votis murmurantium facit satis, vt beneficio prouocet ad poeniten-

penitentiam, at verò si benefacto non profecerint, neque in mutationum cessauerit impia temeritas, tunc deum ulciscitur ingratos, & iuste poenas exigit ab obstinatis. Ideo illi tandem celestem cibum fastiditi, cū volas carnesque Aegyptias concupiscunt, coturnicum mēbes vērō delata, locum in quo castra fixa erant operuit, volente domino ut discerent, quā malē cedāt illa quae intemperanter concupiscuntur. Adhuc (inquit) carnes erant in dentibus eorum, & populus percussus est plaga magna. Multi enim ex illis cum usque ad nauseam carnis eduliosē implessent, veluti veneno hausto, sic repēte mortui conciderūt. Pari aduersus deus proteruitate vsi sunt ad aquas contradictionis cum sitim paterentur: postremò ad mare rubrum itineris labore offensi, quādo iratus dominus misit ignitos serpentes, quorum veneno morsibusque disperibant. Quid ergo aliud agit qui aduersitate oppressus in deū indignatur, nisi ut ab eo prorsus destitutus, faucibus incidat serpētis antiqui diaboli, & post temporale malum quod patitur, aeternis tradatur suppliciis. Hoc nempe illud est, quod Salomon in Prouerbiis ait: Qui impatiens est, sustinebit damnum & cum rapuerit aliud apponet. Primo enim damno rapto, id est, accepto, aliud applicat, & malis quibus affligitur, cumulum addit. Quid autē dementius quā tribulationum pondus grauare linguae procacitate, aut aliqua immodica animi perturbatione? Quicquid enim patienter toleratur, leuius sit. Quid etiā magis perniciosum, quā Deum iratum, cum placare humilitate debeat, impatientiae tumore magis pronocare, ut citius pereas. Ideo rursus Salomon ait: Impatiēs operabitur stultitiam, & iterum: Qui impatiens est exaltat stultitiā suā. Quoniam exaltat stultitiā. Impatientiā utique, nō refrenat, prolabitur in irā, de ira in furorē, de furore in quandā beluarū feritatē, ut ita nō modo impatiēs, verū etiā ferus ipseque existat. Nullū enim crudelitatis

Num. 11.

Num. 20.

Num. 21.

Prouer. 19.

Roma. 14.

MM iij

genus



gens est, ad quod non compellet impatientia, si te ab illa diutius possideri permiseris. Per impatientiam fratrem suum occidit Cain: fratrem suum in seruitutem vendiderunt filij Iacob: fratres suos interfecit Gedeonis filius Abimelech: Saul rex sacerdotes Nobæ impiè perimi imperauit, quia illi pij erga Dauidem extiterant. Athalia Ioram regis vxor, defuncto Ochozia nepote, regiam cædibus impleuit, neminem regij sanguinis relinquens viuum, præter vnum Ioam qui furtim subtractus fuit neci. Manahem Samariæ rex, Therfa oppido capto, ne quem in eo virilis sexus viuum relinqueret, mulieres etiam prægnantes scidisse fertur. Herodes non minus in filios crudelis quàm in hostes fuit, vt Iosephi historia testatur: & vt in Euangelio discimus, indigne ferens Christum puerum à Magis adoratum omnes Bethlehemi infantulos, qui bimatu non excesserant interimi iussit, ipsum simul perdere volens, quæ qui ex illis esset ignorabat. Huius verò successor, Ioannis Baptistæ plusquam prophetæ caput ad se deferri mandauit, ne de nece eius, à quo de adulterio se argui indigne ferebat, incertus esset, Ad talem ergo ac tantam animi trucidentiam facile perueniet impatiens, nisi maturè ab ingenitæ proteritiæ vitio submoueat, & iracundiæ motum pro viribus compescere assuescat. Minoribus igitur delictis obstaculum faciat, ne ad maiora prorūpat, quando ne minima quidem hinc decedentium impunita erunt, nisi antè pro illis poenitudinis opera laboreque satisfactum fuerit. Hoc tibi in Euangelio operariorum vineæ parabola testatur, qui inuidiæ à domino arguuntur, eo quòd denario pro opera accepto, aliis qui tardius ad operandum accesserant, ex conductoris liberalitate tantundem datum fuisse dolebant. Nō est itaque negligendum, sed maximè curandum, vt etiam ab his caueas, quæ vel leui increpatione digna cognoueris. Paulatim decidit, inquit scriptura, qui minima contemnit.

Cain.  
Filij Iacob.  
Abimelech.  
Saul.  
Athalia.  
Manahem.

Herodes.

Herodes.

Matt. 26.

Eccl. 19.

temnit. Habet & inuidia. suam impatientiā, quæ mortem affert nisi caueatur. Dolere enim te cogit, quod alij affluant diuitiis, præstent honoribus, multæ apud omnes opinionis sint, & te vel præcedant gloria, vel æquet. Talis profectò diaboli liuor est, qui semper tristatur ac moleste fert, quod iusti eo ascendant vnde ipse decidit. In deū ma-  
**Q**uid dicam de illis, quorum intantum excedere solet ledicta profuror, vt aliquid aduersi passi in Deum maledicta euiferens. brent atque iaculentur? Proh facinus omnium sententiis execrandum. Lingua illa quæ fecit deus, ipsum blasphemat, & creatura creatorem suum verbis petulantibus inuadere audet, ipsum regem regum ac dominum dominantium plena probri, procacitate laceßere non veretur, cum Michaël archangelus (vt Iudas Apostolus Iudæ. 1. ait) de Moyßi corpore altercando non sit ausus ipsi diabolo iudicium inferre blasphemix. Hoc tam immanè nephas in seruis vestris puniendo coercete terreni principes, aut mirari desinite, si vos vnà cū illis diuina verberet vindicta. Si quis vos vel leuissima offenderit contumelia, continuo maiestatis læsæ reus peragitur, & acerbius etiam quàm meretur punitur. Multatur quædoque qui in aliquem priuatum hominem indignè cōuitiatus fuerit, sola in deum contumelia tuta est. Poena ab homine expetitur ob iniuriā homini illatā, & deū maledicētis scel<sup>9</sup> nulla denūtiatione reprimitur. Vbi nūc est illa Iudæis data dei lex, qua blasphemi lapidib<sup>9</sup> obrui iubentur, qua quidā cum altero rixatus, cum nomē domini maledixisset, extra castra eductus est, vt hominum consortio indignus, & lapidum ictibus interemptus, linguæ impietate morte corporis persoluit? Vbi est illud Babylonij regis vno miraculo cōuerfi edictū: Danie. 17.  
**Q**uicunque deum Sydrach, Myfach & Abdenago blasphemauerit, dispereat, & domus eius vastetur. Vos vero tot miraculis, tot prodigiis in dei veri cultu confirmati, eiusmodi crimen dimittitis impunitum. **Q**ua  
in

Leuit. 24.

Danie. 17.

in re planè offenditis, terrena vobis curæ esse, non co-  
 lectia; & nomen vos habere Christianorum, non reli-  
 gionem neque iustitiam. Vir enim fidelis obturare sta-  
 tim manibus aures debet, ne vocem dominû suum ma-  
 ledicentis audiat, vel repenti auersus fugere, ne sacrile-  
 gi oris petulantia fauere vidideatur si manserit, vel  
 auscultauerit, & simul cum maledico ipso diuinam in-  
 currat vitionem. Quod si murmurantis populi contu-  
 maciam deus iustus sæpissimè corripuit, quomodo sce-  
 leratissimorum hominum impietatem non castigabit,  
 & si à murmuratione quoque aduersus deum cauendum  
 sit, quanto magis à maledicto siue blasphemia. Cumq;  
 omnis impatientia iustitiam dei non operetur, non fra-  
 stra de salute Philippenfium sollicitus Apostolus: Om-  
 nia (inquit) facite sine murmurationibus & hæsitatio-  
 nibus, vt sitis sine querela, & simplices filij dei, sine re-  
 prehensione in medio nationis prauæ & peruersæ. Ex  
 his ostenditur, eum qui patiens est, nunquam murmu-  
 rare, nunq̃ conqueri, sed inter malos quoque mitem at-  
 que mansuetum esse, & inter inquietos quietum. Impa-  
 tiens autem prius ipse suæ inquietudinis causa est, dein  
 de etiam aliorum: hos odit, illis irascitur, alios contu-  
 meliis, alios afficit verberibus. Ipse verò intra se iracu-  
 dia æstuat, bile tumet, liuore consumitur, iuxta illud:  
 Zelus & iracundia minuent dies. Dum ergo alteri nocere  
 affectat, seipsum perdit, imò quod deterius est, seip-  
 sum æternae poenæ dignum efficit, dum alterum odio at-  
 que maleuolentia persequi non desistit.

Eccl. 30.

*De impatientia vitio erga proxi-  
 mum. Cap. 25.*

**P**Ersequamur igitur nunc in proximos impatien-  
 tiam, ostendamusque quanto ipsa suo auctiori de-  
 trimento sit. Hæc est que nos facit iracundos, ita  
 vt

vt lenissimis interdum de causis intemperanter commoti rixemur, depugnemus, ad arma concurramus. Canum ferocium ista rabies est, qui postento tantum contra se digito irritantur, & frendenti rictu hominē alatrānt. Turpe est autem nobis caninam habere iracundiam & ad quamlibet offensusculā indecētius q̄ oporteat turbari ac furere, & esse domum super arena fundatā quā ventorū evertit status: vel arundinem illā, quā etiam leues auræ grauiter exagitant & percellunt. Vix quidē vlla in re modestiam seruabit; qui cohibere nescit iracundiam. Salomonis ista sententia est dicentis: Qui ad indignandum facilis est, erit ad peccandum percluior. Ille præterea qui in paruis grauiter irascitur, magnam iniuriam quomodo feret? nōne in rabie tunc vertetur, cum Paulo deterius læsus fuerit. Quāquā eos etiam qui non læduntur, ineffrenata patientia interdū in rabiem agit: sicut & illos, de quib⁹ ante locuti sum⁹, qui neq; fratribus, neq; liberis, neq; dei sacerdotibus, neq; foetibus in aluo matrum adhuc latentibus pepercere. Vt autem ista quoque min⁹ miremur, Moabitārum impatientia facit, qui regis Idumæorum ossa de tumulo eruta, ignominie causa igni cremarūt. Quis erit iracundie finis, si neque morte eorum, quos odio habet satiatur, & in corpora quoque humo obruta defæuit? Merito igitur tantā animorū feritatem etiam in nationes incredulas vltus est deus, dicente Amos propheta: Super tribus sceleribus Moab, & super quatuor non conuertam eum, eo quod incenderit ossa regis Idumææ vsque ad cinerem. Et mittam (inquit) ignem in Moab, & deuorabit ædes Carioth, & morietur in sonitu Moab, in clangore tubæ, & disperdam iudicem de medio eius, & omnes principes eius interficiam cum eo, dicit dominus. Quod si ita infidelium impatientiam punit interdum DEVS, quanto magis credentium, quibus leges dedit & præcepta, & notitiam suæ

Moabitarū.

Amos. i.

lure.

Prou. 17.

Iure igitur ac meritò Salomon, dum perpenderet impatientis furentem iracundiam: Graue est saxum (inquit) & onerosa arena, sed ira stulti utroque grauior. Et prosequitur, dicens: Ira non habet misericordiam, nec erūcens furor, & impetum concitati quis ferre poterit? Quid autem infelicius quàm carere misericordia & dilectione, sine qua beatitudinem cōsequi nequimus? Idcirco impatientia ipsa, quia charitati contraria est, deo etiam qui charitus est, aduersatur & repugnat, animū à cōlestium cōtemplatione auertit, & aterni boni reddit negligentem. Impatientia enim tota de rebus terrenis est, à quibus certè quanto secedimus longius, tanto proximiores deo efficiuntur. Cui quidem si iungi volumus, humilitate opus est, & patientia & omni mansuetudine, non supercilio, non indignatione, neque ira, quæ deus odit & execratur. Post hæc mentem quoque hominis excecatur impatientia, & quæ recta veræque sunt, non finit dignosci neque intelligi. Ideoque ista animi perturbati passio, maximè in iudiciis faciendis cauenda est. Nūquam enim iustè iudicabit, qui iratus est. Nam si ille cui iratus fuerit, pro crimine delato multari merebitur, hic vlciscendi auaritate iustæ poenæ modum excedet: aut si de rebus lis erit ommissa iudicij consultatione, aduersus eum cui insensus est, ferre sententiam festinabit, & conuertet (vt in Amos propheta est scriptum) in amaritudinem iudicium, & fructum iustitiæ in absynthium, non causam considerans dum iudicat, sed personas. Nec solum iniustum verique nescium hominem facit impatientia, sed etiam si ei ratione non resistitur, ad insaniam vsque deducit. Vnde furere dicitur is, qui impatientiæ stimulis actus, ira inflammatur: Ardent oculi, tremunt labia, frops adducitur, arteriæ clamoribus intumescunt, os distorquetur, verba sine delectu effutiantur, facies aut rubore aut pallore suffunditur, & breuiter nihil tam simile alienatæ mentis

Amos. 1.

Facies irati,

mentis homini q̄ homo præter modum iratus. **Quod** Mat. 26.  
 si aspectui tam fœdo non satis credis, facta inspice. Prin-  
 ceps ille sacerdotum in Christum iratus, ipse sua scidit 3. Reg. 21.  
 vestimenta. Quid autem dementius quàm in alterum  
 indignari, & à semet pœnas exigere? Achab etiam rex  
 Israël, quod Naboth Israëlita vineam suam ipsi peten-  
 ti neque vendere neque commutare voluit, tantum fu-  
 roris concepit, vt domum reuersus lectulo se iniecerit,  
 panemque non comederit, inedia se conficiens, donec  
 vxoris tandem vsus consilio, Nabotho per dolum subla-  
 to, agellum eius vi possedit. Achitophel Iudaicæ mili-  
 tiæ princeps. Absolonis partes secutus, indignè ferens q̄  
 ille aduersus Dauidem vti suo consilio noluerit, sibi ip-  
 si suspendio mortem consciiuit. Quis insanus vnquàm in  
 alterũ fœdus defœuit, q̄ in seipsum iræ impatiens Achitophel? Rectè itaque dicitur: Stultũ interficit iracun-  
 dia, quandoquidem eousque insaniunt, vt nec suæ vitæ  
 parcant, & dum in alterum sæuiendi negatur facultas,  
 in semetipfos grassantur. Sunt præterea qui irati san-  
 ctos maledictis lacestant, sed cum dominum eadem oris  
 petulantia prouocare non formident, minus mirũ est,  
 quod etiam seruos eius quomodo possunt offendant, de  
 quibus quia satis paulò antè dictum sit, hoc tantum di-  
 cendum restat, quod nec à sanguine eorum, quos deo fa-  
 mulari vident, abstineant, cum indignantur. Quamuis  
 enim eiusdem religionis sint cum his quos infestant, di-  
 uersis tamen moribus viuūt, semperque melioribus in-  
 uident atque aduersantur. Hinc est quod Ioram Sama-  
 riæ rex, à Syris obsessus, cū fames urbem inuasisset, quid  
 ageret, nesciebat: & ex dolore in furorem versus, man-  
 dauit interim Eliseum prophetam, qui nisi præsciis  
 cauisset, innocens regis malè indignantis culpa perisset.  
 Rex verò quia pœnitentia ductus humiliauit se, pro-  
 phetam persequi desiit, & obsidione liberatus est & fa-  
 me. Tantũ prodest repentina prauippositi pœnitudo.

Afa

Afa.  
2. Par. 16.

Afa quoque Hierosolymæ rex, quoniam ascito sibi Sy-  
rorum exercitu ab innaſione Baſæ Samariæ regis ſe  
defenderat, coargutus ab Anani propheta, quod fi-  
dutiã habuerit in rege Syriæ & non in domino, iuſ-  
ſit illum mitti in neruum, & D E I nuntium in vin-  
cula conſicere non fuit veritus. Sed malè illi ceſſit iſta  
audacia, plurimi de populo perierunt, ipſe anno de-  
inde tertio pedum dolore conſumptus eſt. Sed neque  
Ioachamo Iudææ regi fuit impune, Ieremiæ volumen  
per manum Baruch ſcriptum, in quo mala ſuper re-  
gno ſuo ventura prædicebantur, manibus diſcerpiſſe  
tradidiſſeque igni, ipſosque voluminis authores com-  
prehendi iuſſiſſe: quaſitos ad necem (vt ſcriptura ait)  
dominus abſcondit, ac de rege pro culpa puniendo di-  
xit: Non erit ex eo qui ſedeat ſuper ſolium Dauid, &  
cadaver eius proicietur ad æſtum per diem, & ad ge-  
lus per noctem; inſuper mala quæ in volumine deſcri-  
pta fuerant, ſe adducturum affirmavit. Igitur non  
multo poſt vrbs euerſa, ipſe cum populo abductus eſt  
Babylonem catenis victus, atque in captiuitate pe-  
riit. Herodis Tetrarchæ exercitum, parua quidem  
Arabum manu ad internecionẽ penè caſum ideò fuiſ-  
ſe, quibuſdam ex Iudæis viſum eſt (vt Iosephus refert)  
quia Iohannem Baptiſtam præcipuæ ſanctitatis virum  
interficere auſus fuerit, vt liberius ſcleratis nuptiis,  
quas ille arguebat abuteretur. His exemplis diſcent ſu-  
perbi quàm malè indignentur aduerſus eos, qui ſeſe  
C H R I S T I ſervitio dedicarunt. Tu quis es (inquit  
Apoſtolus) qui iudicas alienum ſervum? Domino ſuo  
ſtat aut cadit, ſtabit autem: potēs eſt enim deus ſtatue-  
re illum. Quòd ſi nephas eſt iudicare ſervũ dei, quã-  
magis eundem odio habere iniuriaque afficere? Et ſi  
neminem ſimilitate atque inimicitiiſ perſequi debe-  
mus: quanto minus eos, qui pro omnibus quotidie pre-  
cationi inſiſtunt, quotidie pro omnibus ſacrificia offe-  
runt

Iere. 26.  
Ioachim.

4. Reg. 24.  
Herodes.

Iosephus li.  
cap. 14.  
Roma. 14.

runt, deumque pro nobis propitiare totis viribus contendunt: nobis baptismum, nobis peccatorum remissionem subministrant, egrotantibus assistunt, mortuos efferunt, pro elatis deo supplicant: Nunquid redditur pro bono malum, ut his infensi simus, quibus pro beneficio parem gratiam referre non possumus? Quod autem ne illis quidem qui tecum seculo seruiunt hostiliter irasci debeas, audi veritatis magistrum in Euangelio dicentem: Omnis qui irascitur fratri suo, reus erit iudicio: qui autem dixerit fratri suo rhaca, reus erit consilio, qui autem dixerit fatue, reus erit gehennæ ignis. Nemo igitur non reus est, qui fratri irascitur. Vitio fratris irasci rationabile quidem est, fratri autem irasci rationi contrarium est. Ex odio enim proficiscitur, quicquid mali in personam tantum confertur. Discite itaque tres esse male irascendi gradus, alium alio nequiores. Si tacitus irasceris, & linguam a contumelia coarctas, reus es iudicio, quia quod iracundiæ motus intra te deliquit, hoc rationis iudicium, ne fortis erumpat refrœnavit. Grauius autem peccas, cum iratus in verba opprobrij prorumpis, tantoque magis quanto furiosius id egeris. Rhaca hebræum est, & vanum designat, fatue autem turpius dictum est. Illa ergo impatiētiae indignatio rea est consilio, ubi adhuc pendet sententia donec vel progrediaris irascendo ut damneris, vel regrediaris poenitendo ut venia dignus habearis. Porro si ulterius progressus fueris, & furoris impetu in aduersum ferræ non destiteris, & fratrem tuum quasi ex animi malevolentia despexeris, reus erit gehennæ ignis, nisi cessabis ab iniuria, & amare incipies quem oderas. Tales ergo excursus habet impatentia, ut hominem immoderate furem, usque in abyssum inferni deuehat, & poenis illis quarum nullus finis est, irremocabiliter tradat, si ei usque ad vitæ exitum dominata fuerit.

Matt. 5.

De ira



*De ira non vitiosa, sed utili & de  
ira dei. Cap. 26.*

**E**ST tamen ira quædam rationis parens, cum vitiiis irascimur vel nostris vel alienis, hoc est, cum illa corrigi & emendari cupimus. Hinc sanè & in nos voluntariam corporis castigationem assumere cõsuevimus, vt mortifera voluptatis incitamenta excludamus, & carnem spiritui repugnantem, veluti lasciuiens inuentum, fatigatione aliqua laboreque domemus. Illos verò qui curæ nostræ commissi sunt, si monitis nõ obtemperarint, minis verberibusque persequimur, nõ nocendi causa, sed gratia iuuandi, vt qui sponte sese corrigere noluerint, corrigantur saltem inuiti, ne pereant. Ira igitur ista quia ratione mittitur, non modo non culpanda est, sed etiam necessaria. Charitati enim proxima est, dum per eam hominum saluti consulitur, medicorum more qui putrescentia vlcera incisionibus cauterioque curare aggrediuntur, & morbo irati dum seruiunt, restituendæ sanitati operam impendunt. Hinc est illud Ecclesiasticis: Melior est ira risu, quia per tristitiam vultus corrigitur animus delinquentis, tristem tantummodo vultum, aduersus æqualium seniorumque crimina ostendere oportet, ne malefacta eorum mitiore aspectu probare videamur, ira tamen abstinendum erit, ne magis exasperemus eos, in quos animaduertendi ius non habemus. Illa ira duntaxat nobis cõcessa est, qua vel subditos corripimus ne delinquant, vel nosmet ipsos affligimus, ne malarum cupidinum blandimentis vincamur. Porro ira hæc tantum ab ea quæ prohibetur differt, quantum ratio ab insania, quantum verum ab errore, quantum denique iuuandi appetitio à cupiditate nocendi. Hanc sequamur, si nobis, si aliis quibus præsidemus consultum volumus. Illam verò brutam & irra-

Eccl. 7.

irrationalem declinemus, tanquam & nobis & omnibus qui ea vtuntur, nociam atque perniciosam. Per hanc iustificatus est Phinees, cum virum Israëlita & Madianitidem meretricem turpiter coeuntes pugione confodit, per illam autem damnatus est Cain, aliique multi, qui sanguinem innocentem indignati effuderunt. In hac deum imitatur, qui peccatis offensus irascitur. In illa diabolus, qui cum malus sit, bonis invidet, & iratus eos deiicere nititur de altitudine virtutum. Dei autem ira percutit vt sanet, mortificat vt viuificet, & meliora quidem vulnera sunt diligentis quam fraudulenta oscula odientis. Hic praterea qui diligendo vulnerat, interdum odiendo ledere desinit. Vnde loquitur: Non visitabo super filias vestras, cum fuerint fornicatae, & super sponsas vestras cum adulterauerint. Magna ira est (inquit Hieronymus) cum peccantibus non irascitur deus. Hoc est, cum peccantes punire differt. Quos autem ad correctionem affligit, de illis ait: Visitabo in virga iniquitates eorum, & in flagellis peccata eorum, misericordiam autem meam non auferam ab eis. Nullam tamen iracundiae perturbationem patitur deus, neque dum corripit corrigendos, neque dum punit obstinatos. Apud se semper placidus est atque tranquillus, apud illos vero iratus & furens qui malum quod meruerunt patiuntur. Ita nos quam minimum perturbare debet iracundia, cum delinquentes punimus, sed mouere charitas, vt punitos disciplina nostra emendet, & a vitio reuocet ad virtutem. Publici quoque iudicii praesidem, ab odio atque ira procul esse oportet dum iudicat. Debet tamen meritas ab illis qui mali aliquid perpetrarunt, poenas exigere siue vt ipsi corrigantur, siue vt alij reprimantur similis poenae metu quam damnatos iuste perpeti viderint. Equidem ita reor, inter iram & iustitiam dei nihil interesse, nisi quod irae vocabulum tunc vsurpet scriptura, cum peccata vindicantur. Iustitiae autem nomen etiam

Phinees  
Nume. 25.Cain  
Gene. 4.

Proue. 27.

Osee. 4.  
Psal. 78.

NN

ad remu-

Pfal. 4.

ad remunerationem pertineat bonorum in qua nullus iræ locus est, sed benignitatis. Audiamus ergo in psal-  
mis monentem: Irascimini & nolite peccare. Irascitur  
& non peccat, qui non odio mouetur hominis cum indi-  
gnatur, sed criminis, qui punit: non vt lædat, sed vt læ-  
dendo emendet, quod quidem opus non inimicitiz est,  
sed beneuolentiz & dilectionis.

*De remediis iracundiæ.*

*Cap. 27.*

Moses.

Exod. 12.

Lemi. 10.

David.

2. Reg. 14.

Ierem. 30.

Iob. 37

**N**on possumus efficere, quin aliquando plus etiam  
quàm oportet irascamur. Quando quidem id san-  
ctitate quoque præditis hominibus interdum con-  
tigisse satis constat. Moses iratus præuaricationi plebis  
vitulum adorantis, tabulas legis digito dei scriptas con-  
fregit. Idem iratus fuisse dicitur filiis Aaronis sacerdo-  
tis, quod hircum quem pro peccato oblatum comedere  
debuerāt, totum in holocaustum obtulerint. David in  
Absalonem filium iratus fraternæ cordis reum, vix ami-  
corum precibus exoratus post biennium coram se appa-  
rere illum permisit. Hi tamen excusabiles videntur,  
quia in delinquentes animo extiterint indignato, nec  
sine causa irati fuerint. Sed quo pacto excusabit nescio  
ipse in vtero matris sanctificatus Hieremias, vel ipse o-  
re domini laudatus Iob? Ambo enim ob indignationē  
impatientiamque mentis, diei in qua nati sunt, maledi-  
xisse referuntur. Alter conquestus est quod probra irri-  
sionesque perferret pro sermonibus dei, quos in popu-  
lum vulgabat. Alter quod supra modum miseris cala-  
mitatibusque oppressus esset. Quasi verò non liceat do-  
mino quicquid vult de seruis suis facere. Ionas etiā san-  
ctus propheta mortem sibi expetiuit, indignè ferens,  
quod Ninive seruata suam fefellerit diuinationem. Vn-  
de arguitur à domino dicente. Putasne bene irasceris  
tui?

tui: Quis autem excusare illum audet, qui increpatione accusatur diuina? Quid de apostolis dicā, & his qui- Apostoli  
dem à sapientia dei electis: nōne indignati fuisse memorantur, cum à filiis Zebedæi principatum peti audissent: Sed quemadmodum illi ab ambitione ad humilitatem & ab indignatione ad placabilitatē domini admonitionibus reuocati sunt, ita & nos quoties repētina aliqua mentis egritudine commoti fuerimus, quā primum ad æquanimittatis remedia recurramus. Morbus inueteratus plus laboris exigit in medendo, recentis vero facilis curatio est. Primum cauendæ tibi sunt contē-  
tiones, & eorum qui natura iracundi sunt consortia fugienda, litibus foroque abstinendum, dicēte Apostolo. 2. Tim. 2.  
Seruum dei litigare non decet. Cum nemine pertinaciter contendas, quia arrogantia vitium est. Delatoribus non facile credas, neque de absente obtreſtantium iniuria irascaris. Inualidus est ad ledendum qui tibi coram negotium exhibere non audet. Quod si præsentium offensam moderatē ferre debemus, quanto magis absentium: Si contigerit vt irę motum concipias conceptum reprime: & quod intra te natum est, intra te & moriatur, nec verba exterius prorūpant nec opera. Audi psalmistam dicentem. Turbatus sum, & nō sum locutus. Et Psal. 77.  
iterum, Cor meum conturbatum est intra me. Aborti- Psal. 108.  
uum igitur fiat, quicquid iracundia intra te conceperit. Parum cōcepta indignatio nocet, edita multum. Viperarum genimina sunt, quæcunque parere solet furor. Irascimini & nolite peccare, ait Apostolus, sol non occidat super iracundiam vestram. Irasci hominis est: per iram non peccare Christiani est. Illis autem solem iustitiæ occidere credas, qui iram in odium conuertunt. Nunquam citō in alterum excandescas, dilatio incipientem sedabit motum. Obserua itaque Iacob. 1.  
Iacobi Apostoli præceptum: Sit (inquit) omnis homo velox ad audiendum, tardus ad loquendum, & tardus ad  
NN ij iram

iram. Ira enim viri, iustitiam dei non operatur. Obliviscere iniuriæ, & de vindicta ne cogites. Impatientiæ vitium est vilesce cupere. Patientiæ autem virtus, offensam memoria non retinere. Diuinæ legis est præceptum: Non quæras ultionem, nec memoreris iniuriæ civium tuorum. Deum time, & irasci quoque timebis. Obserua Apostolum dicentem. Omnis amaritudo & ira & indignatio & clamor & blasphemia auferatur à vobis, cum omni malitia. Cui sententiæ Salomon astipulatur, dicens. Aufer iram tuam à corde tuo, & amoue malitiam à carne tua. Hoc ipsum sanctus propheta in psalmis iubet cum ait: Quiesce ab ira, & derelinque furorem, noli æmulari vt malefacias, quoniam qui malignantur, exterminabuntur. Nihil existimes laudabilius, nihil Christiano dignius placabilitate atque clementia, & rursus nihil indecentius neque fœdus immanitate, superbia, ira, impatientia, Reticulum iecoris offert domino, qui toleratione superat iracundiam. In iecore enim in ipso humore fellis, iræ receptaculum esse creditur, & quoniam hoc sacrificium in lege pro peccato offerri iussum fuit, puto quòd is qui in omnibus patiens fuerit, & præteritorum criminum facile veniam consequetur, & in futurum innocentiam custodiet: seruata autem innocentia, inter beatos computabitur. Super omnia verò proderi timentem reuoluere, tum quæ patientibus proposita sint præmia, tum qualia impatientibus tormenta. Cogitare quoque quanta pro nobis pertulerit dominus, quanta omnes, qui nunc cum illo sancti, vt tali domino digni inuenirentur.

### *De benedicendi studio. Cap. 28.*

**P**ost hæc optimum erit, ad seruandam erga omnes humanitatem animique mansuetudinem benedictiæ linguam assuescere, ac semper veluti immane præcipitium, sic euitare maledicti verbum. Omnibus be-

Leuit. 19.

Ephe. 4.

Ecclesi. 17.

Leui. 4.

bus benedicere, & ne maledicentibus quidem maledicta referre, magnæ constantiæ, magnæque tolerationis indicium est. Benedic liberis tuis, quia scriptum est: Benedictio patris firmat domos filiorum. Benedixit Isaac filio suo Iacob & domino annuente cuncta quæ illi in votis fando congefferat, feliciter successerunt. Ipse etiâ Iacob vita decedens, benedixit nepotibus suis Manassæ & Ephraim, diuinitusque inspiratus futuras filiorum sortes cecinit. Benedic seruis tuis, Christus dominus benedixit discipulis suis. Etenim sicut Lucas ait, ab eis in cælum recessurus, eleuatis manibus benedixit eis, ostendens quòd quicunque sua benedictione se dignum exhibuerit, ipsum in cælum euntem sit secuturus. Benedic populo tuo. Moyses & Aaron sacerdos benedixerunt populo, & apparuit gloria domini, omnibus qui aderant, vt ait scriptura. Vt ergo benedicientium merita testaretur, miram manifestamque sui splendoris visionem oculis humanis obiecit dominus, & quantum sibi benedicta seruorum suorum placeant, apertè significauit. Atque vt benedicendi magis studiosos redderet, ipse quomodo benedicant docere voluit: Sic, inquit, benedicetis filiis Israël, & dicetis eis: Benedicat tibi dominus, & custodiat te: ostendat dominus faciem suam tibi, & misereatur tui: conuertat dominus vultum suum ad te, & det tibi pacem. Vtque sciamus omnibus benedicendum esse, idem dominus in euangelio pro maledictis quoque iubet referri benedicta, dicens: Benedicite maledicentibus vos, & orate pro persecutibus vos. Moses diem suum obiturus, conuocatis tribubus ne intestatus decederet, singulis benedixit, & quæ futura erant simul prophetauit. Quis igitur dubitet, quin illi spiritu sancto repleatur, quis benedicere, beneque omnibus optare plurimum delectat: Salomon, cui cælitus infusa sapientia erat, arca in templo collocata, victimisque immolatis, benedixisse dicitur ecclesiæ Israël, templumque;

Eccle. 3.

Gene. 37.

Gene. 49.

Lucæ. 14.

Leui. 9.

Nume. 16.

Lucæ. 6.

Deute. 33.

Salomon

NN iij dedi-

dedicasse. Sed quoniam iuxta Apostoli sententiā: Templum dei sanctum est, quod estis vos, templo dei benedicit, quisquis fidei populo benedicta impendit. Discant nostri temporis episcopi promptiores esse ad benedicendum, ne templo dei maledixisse arguantur, cum temere & non merito aliquem fuerint execrati. Semper tutius est in benedicendo quàm in deuouendo errare.

Duo benedictionum genera.

Sciendum præterea duo esse benedictionum genera, alterum spiritale, alterum terrenum. Spiritalis benedictio de virtutibus est præmiūque earum, terrena de diuitiis, de frugum habundantia, de corporis incolumitate, de honoribus, de victoria, subingationeque inimicorū,

Quæstio.

& aliis huiusmodi, quæ in Leuitico promittuntur obseruatoribus mandatorum dei. Qua quidem in re quæri potest, cur multi prophetae sanctique legis, qui præceptis diuinis pro sua virili semper obtemperabant, egestates, angustias, persecutiones passi sint, & post illos apostoli Christi, martyres, aliique fideles: quia certè illa terrena bona, ciuitates, prouinciæ, regna solent appetere, turba videlicet in perferendis angustiiis minus fortis, ne tententur supra id quod possunt. Sanctos verò atque perfectos, vt appareat quàm constantes, quàm firmi sint in continendis omnibus quæ diu stare nequeunt, & in illis quæ æterna sunt diligendis, necesse est aduersitatibus ærumnisque probari. Neque ideo fit illis iniuria siue dolus, quod terrenis bonis minus abundant, quando ea ipsemet quidem præ cœlestium desiderio contemnunt atque aspersionantur, maluntque in aduersis experiri, quàm in prosperis otio torpescere. Prospera enim plerunque ad ignauiam compellunt, aduersa magis incitant ad virtutem. Quæ iusti patiendū spiritualium benedictionum gratiam acquirunt, bonis vtique non his modicis & caducis, sed illis ingentibus & æternis fruturi, quæ pressius euidentiusque in Euangelio quàm in lege promissa sunt. Quanquàm lex quoque spiritualis est, si tollatur

si tollatur velamen, & ea quæ scripta sunt, non omnia  
 iuxta literā intelligantur. Spiritualis benedictionis me-  
 minit Apostolus, ubi ad Ephesios scribens, ait: Benedi- Ephes. i.  
 ctus deus & pater domini nostri Iesu Christi, qui bene-  
 dixit nos in omni benedictione spiritali in cœlestibus  
 in Christo. Profecto qui huius benedictionis particeps  
 est, eius conuersatio in cœlis est, non in terra. Proinde  
 nec terrena bona ad eum spectant, qui his expeditus, ca-  
 pere properat cœlestia. Nos ergo talem antè omnia be-  
 nedictionem, tam proximis nostris quàm nobis ipsis im-  
 partiri semper optem⁹ & precemur, qua impetrata nec  
 aduersa efficere poterūt, vt indignemur, nec prospera,  
 vt lasciuimus. Bona igitur & dicamus omnib⁹ & opte-  
 mus, ita tamen vt semper animæ ratio habeatur magis  
 quàm corporis, vt quod cuique ad beatitudinem adipi-  
 scendam accommodatius futurum sit, hoc ei in præsen-  
 ti tempore contingat, siue id triste putatur, siue lætum,  
 cum nihil tam graue sit, vt id non eleuet spes bonorum  
 quæ promissa nobis expectamus. Sic igitur benedicatur  
 omnis homo qui timet dominum, vt exhuberet frugi-  
 bus virtutum, vt bonorum operum fecundus sit, vt ani-  
 mæ sanitate perfruatur, vt hostes inuisibiles vincat, &  
 omnes carnis molestias superet, fide firmus, spei plenus,  
 charitate feruidus, & ad bona tandem perueniat sem-  
 piterna: benedicatque ei dominus ex Sion, qui fecit cœ-  
 lum & terram: Hic quippe benedicendi mos Apostolo- Apostoli  
 rum proprius fuit, vt eorum scripta testantur. Omnes  
 fere Pauli epistolæ sic finiuntur, vt eis ad quos directæ  
 sunt, gratiam precentur & pacem, non huius mundi pa-  
 cem vel gratiam, sed dei patris & domini nostri Iesu  
 Christi & spiritus sancti. Nihil ei deesse poterit, quem  
 ubique dei gratia comitabitur. Qui autem linguam  
 suam ad benedicendum assuefecerit, hic verè Christi  
 seruus habebitur, illorum in cœlo copulandus confor-  
 tio, quorum morem in terra fuerit æmulatus.

NN iij) De male-



MARCI MARVLI  
*De maledicendi nequitia.*

Cap. 29.

3. Reg. 1.

Exod. 22.

1. Cor. 6.

Acto. 18.

Exod. 21.

Leuit. 19.

**V**T autem benedicendi studio diligentius incum-  
bamus, opportunum videtur nunc scrutari, quan-  
tum mali maledicis, & impuræ linguæ homini-  
bus propositum sit. Semeim cuius maledicta patienter  
pertulerat rex David, vultus est postea rex Salomon: &  
ille qui regē incessere ausus fuerat, capite multatus pœ-  
nas dedit, non ab eo hoc passus cui iniuriam intulerat,  
sed ab eo qui punire debuit aliis illatā, domino iuben-  
te: Principi populi tui non maledices. Magis tamen pœ-  
na illa verenda est, de qua Apostolus ait: Maledicos à re-  
gno dei excludendos cum fornicariis & idolorum cul-  
toribus. Qui autem inde repulsi sunt, eos ad inferos cru-  
ciari certum est, quoniam impij ac scelesti non solum  
bono summo priuantur, sed etiam suppliciis ascribun-  
tur eternis, ita vt lingua nequam nulli perniciosior sit,  
quā ipsi cuius est. Mordet alios maledicus, & semet  
maledictionis suæ telo conficit, similis viperæ illi, quæ  
cū manum Pauli apostoli mordicus apprehēdisset, ni-  
hil illū læsit, sed ipsa in ignem excussa & exusta periit.  
Perire non debuit, dicet aliquis, quæ non læsit, sed idē  
non læsit, quia deo prohibente lædere nō potuit, periit  
autem, quia lædere voluit, & mortē quam alteri infer-  
re tentauit, iustē ipsa pertulit. Sic maledicus dum oris  
sui procacitate alios offendere concupiscit, licet non of-  
fendat, tanquam si offenderit, pœnas dabit. Vnde in le-  
ge scriptum est. Non solum qui percusserit, sed etiā qui  
maledixerit patri suo vel matri, morte moriatur. Et in  
alio loco: Non maledices (inquit) surdo, nec coram ceco  
pones offendiculū. Maledicit surdo, qui de absente oblo-  
quitur. Cæcum offendit, qui opprimit incantum. Hinc  
etiam ait: Non eris criminator & susurro in populis.

Denique

Deniq; adeo magnum vitium est maledicentia, vt probis honestisq; viris interdicta fit cum maledico consuetudo, dicente in Prouerbiis Salomone: Remoue à te os prauum, & detrahentium labia sint procul à te. De quibus Ieremias ait: Sagitta vulneras lingua eorū. Vulnerant enim & illos qui libenter in alios dicta auscultant, & illos de quib' dicta sunt, si impatiēter tulerint. Ipsi tamen qui detrahunt, multo magis sibi quā aliis nocent, domino per Osee prophetam succlamāte ac dicente: Cadent in gladio principes eorū à furore linguæ suæ, id est, qui alios linguæ suæ petulantia peruertunt, ipsi cadent gladio diuini iudicis, de quo surgere vltra non poterunt, cum corruerint in interitum sempiternum. Quæris quare in prophetis & in psalmis leguntur maledictiones. Ille quidem non ex odio execrantis, sed ex vaticinio futurum prædicētis editæ sunt, & cum sanctorum in scripturis maledicta, iudicis dei sententiæ sint nobis qui futurorum ignari sumus, maledicere nemini licet, nisi fortè cum hæreticos impiis assertionibus ecclesiam perturbantes, apostolica authoritate deuouemus. Hoc egit Paulus cum Galatis, quos docuerat, à pseudoapostolis timere: Vtinā (inquit) abscindantur, qui vos conturbāt. Maledixit & Petrus Simoni mago, qui spiritus sancti donum venale putauit, pecuniā offerendo, vt miracula faciendi potestatem acciperet. Omnes itaque qui peruersi aliqua doctrina, rectè religioni aduersantur, quia deo iniuriam faciunt, sub anathemate censentur, vtpote diuersi ab ecclesia, & non Christi, sed satanæ membra facti, pro quibus tamen oramus, vt domino miserante errorem suum agnoscant, & conuertantur, & salui fiant. Atq; ita eis etiam quorum impietatem maledicimus, benedicere solemus, dum illos ab ignorantia tenebris ad lucem veritatis reuocari cupimus & præcamur. Maledictio verò quæ illis infertur, qui maledicendi nō sunt, plerunq; diaboli suggestionem fit. Et

Proue. 4.  
Iere. 9.

Osee. 7.

Quæstio.

Galat. 5.

Acto. 8.

Balaam  
Nume. 22

fit. Et tunc quidem imitandus nobis erit Balaam ariolus, qui (vt in Numeris legimus) à Balach Moabitarum rege conductus, vt malediceret Israëlitis. Et e contrario à domino iussus vt benediceret, maluit deo quàm regi obtemperare, atque pro maledictione intulit maledictionem. Amalech deuorans interpretatur, eumq; designat, qui deuorare animas hominum concupiscit. Sed qui Balaam est, deprehensus inimici dolis, magis queret benedicendo obsequi deo, quàm maledicendo diabolo. Qui enim obsequetur deo, merebitur primum, qui diabolo, supplicium.

*De calumnia & detractiōe.*

Cap. 30.

Proue. 20.

Sopho. 2.

**A**D hæc, quoniam omnis offensa quam per linguæ intemperantiam alicui irrogamus, maledictum dici potest, etiam ille qui conuitiatur, qui que famam carpit aliorum, non minus maledicus est, quàm qui deuoratione aliquem damnat. Conuitiis autem contendere atque rixari, insanire est, dicente Salomone: Omnes stulti miscentur contumeliis. Et iterum: Labia stulti miscent se rixis, & os eius iurgia prouocat. Tales quippe clementissimum dominum ad iracundiam prouocant, hisque per Sophoniam prophetam minatur, dicens: Audiui opprobrium Moab, & blasphemias filiorum Ammon quæ exprobrauerunt populo meo, & magnificati sunt super terminos eorum, Propterea viuo ego dicat dominus exercituum deus Israël, quia Moab & Sodomam erit, & filij Ammon quasi Gomorrha. Ad inferos ergo precipites delabentur Sodomæ & Gomorrhæ vrbium instar, qui linguam à contumelia probroque non coercent. Nam hoc quoque illorum vitium est, quod tam impatientes ad ferendam contumeliam sint, quàm audi ad inferendam. Gaudent infilire dorsis aliorum, suo autem

autem velut indomiti equi neminem admittunt, atque hæc ferme natura contumeliosorum est: Eadem ratio detractorū habetur, nisi quod minus ei creditur, quod iratus opprobrat, quàm qui odium celans de moribus pronuntiat alienis, vt quò ipse infectatur, aliis quoque dissimulata inimicitia facilius odibilem reddat. Sed videamus qualiter & hi à domino plectantur. Maria, quoniam Moysen probro taxauerat, lepra perfunditur, & extra castra propellitur. Illis etiā qui de populo ipsum contumaciter offenderant, denegatum fuit terram ingredi pmissionis. Ex quo apparet, detractores ab ecclesiæ cōmunionē alienandos, & promissam fidelibus paradisi regionem non ingressuros, nisi ad poenitentiam conuersi sese correxerint. De isto hominū genere Psal. 63  
 Num. 12.  
 Num. 14.  
 missa ait: Exacuerūt vt gladiū linguas suas, intenderūt arcum, rem amaram, vt sagittent in occultis immaculatum, quibus & imprecatur, dicens: Muta fiant labia dolosa, quæ loquuntur aduersus iustū in superbia & abusione. Quinetiā ipse dominus minacibus admodū verbis aggreditur detractore, dicēs: Os tuū abundauit malitia, & lingua tua cōcinnabat dolos. Sedens aduersus fratrem tuū loquebaris, & aduersus filiū matris tuæ ponebas scādalū: Hęc fecisti, & tacui: existimasti inique quod ero tui similis: arguā te & statuā illa cōtra faciē tuam. Et quoniā nihil terribilius est, quàm incidere in manū furentis domini, subdit propheta & ait: Intelligite nūc hęc, qui obliuiscimini deū, nequādo rapiat & nō sit qui eripiat. Et paulo post: Dens cōteret (inquit) dentes eorum in ore eorū, molas leonū cōfringet dominus. Quorum dentes: quorū leonum molas: illorū utiq; de quibus alibi ait: Filij hominū dentes eorū arma & sagitte, & lingua eorū gladius acutus, & alibi, Acuerūt (inquit) linguas suas sicut serpentes, venenū aspīdum sub labiis eorum. Quos etiam damnandos declarat, dicens. Caput circuitus eorum, labor labiorum ipsorum operiet eos, cadent  
 Psal. 57  
 Psal. 56  
 Psal. 13

cadent super eos carbones, in ignem deſicies eos, in miſeriis non ſubſiſtēt. Per carbones & ignem & miſerias, poenæ deſignant inferni, cæteris atrociores, quales reor & ille diues patiebatur, totus quidem ardens, linguę ta-  
 men magis ſentiens ardorem quàm ſolā refrigerari fru-  
 ſtra petiit, ex quo apparet quàm graue peccatū ſit de-  
 tractio, quę talem meretur animaduerſionem. Quòd ſi  
 melius eſt (vt Salomon ait) bonum nomen quàm diui-  
 tiarũ multarũ, nōne magis peccat qui famam aliorum pra-  
 ua ſuggillatione denigrare conatur, quàm qui bona di-  
 ripit, & innoxios exuit opibus. Vnde idem dicit: Cog-  
 itatio ſtulti, peccatum eſt, & abominatio, hominum de-  
 tractor. Et hunc quidem veluti peſtem quandā nos fu-  
 gere ſuadet, dicens: Cum detractoribus non commiſcea-  
 ris, quoniam (inquit) repente conſurget perditio eorū,  
 & ruinam vtriuſque quis nouit? Periculosa eſt enim cū  
 peruerſis cōuerſatio, ne ipſe quoque peruertaris, & vna  
 cum illis pereas. Non ſolum ergo cauendos eſſe, ſed etiā  
 deteſtandos docet Dauid cum ait: Detrahentem ſecreto  
 proximo ſuo hunc perſequebar. Si quādo in eiufmo-  
 di hominem incidere contigerit, non præſtemus aures,  
 ora auertamus, non delectari nos, ſed offendi ſuis ſycophan-  
 tiis malignus nugator cognoſcat, & pudore con-  
 fuſus obmuteſcet. Id quoque Salomon teſtatur dicens.  
 Viētus aquilo diſſipat pluuias, & facies triſtis linguam  
 detrahentem.

## *De delatorum malignitate.*

### *Cap.*

### *31.*

**D**elator etiam qui ſuis criminationib⁹ diſcordias  
 conſerit, maledicitur in Eccleſiaſtico, vbi ſcriptū  
 eſt, Suſurro & biſinguis maledictus. Multos enim  
 turbauit pacem habentes. Et flagelli (inquit) plaga li-  
 uorem facit: plaga autem linguę comminuet oſſa. Cui  
 ſimile

Lucæ. 16.

Eccle. 7.

Proue. 24.  
Ibidem.

Pſal. 110.

Proue. 25.

Eccle. 28.  
Proue. 28.

simile est illud Salomonis, Iaculum & gladius & sagitta acuta, homo qui loquitur contra proximū suum falsum testimonium. Delatorum enim ea quoque malignitas est, vt vbi vera crimina quæ deferant, defunt, falsa confingant, & mentes nimis credulas mendacio peruerat, & vbi quietis ad pacis triticum satum est, super seminant zizania tumultus & dissensionis, & hi quidem prophetico ore condemnantur cum dicitur: Labia dolosa in corde & corde locuti sunt, disperdat dominus vniuersa labia dolosa. In corde & corde loquitur delator, quia duplex est, simulat se amicum illius, ad quem crimen defert, cui tamen auferre nititur quod amabat, eū cui ipse amicus erat accusando. Disperdet autem huiusmodi accusatorem dominus, quia siue falsum, siue verū dixerit: non voto corrigēdi proximum suum, sed in inuidiam mittēdi verba profert. Cui iterum propheta poenam denuntiat increpando ac dicēdo: Dilexisti omnia verba præcipationis lingua dolosa, propterea deus destruet te in finem, euellet te, & emigrabit te de tabernaculo tuo, & radicem tuam de terra viuentium. Sunt præterea qui assiduè contentionibus seruiunt, litigant, iurgantur, de quibus Salomon ait, Qui meditatur discordias, diligit rixas, & qui exaltat os suum, querit ruina. Interdum de re leuissima inter se dissidentes ad maximos furibundi prorumpunt clamores, inde ne manibus quidem temperant. De verbis enim ad verbera facile peruenire, proprium contentiosorum est atque contumacium. Cumque diu obstinatis animis fuerit altercatum, sanguine & cædibus pertinax finitur contentio, usque adeo noxium esse solet, nolle linguæ moderari, & superbiæ vitio ab altercationibus non recedere. Rectè itaque Iacobus Apostolus, Vbi zelus (inquit) & contentio, ibi inconstantia & omne opus prauum. Scriptum est autem, Abstine à lite, & minues peccata. Multiplicantur quippe nequitiae, iracundia exardescit, concipitur

Psal. 11.

Psal. 51.

Prover. 17.

Iacob. 1.

Eccl. 28.

cipitur odium ex quo mala ingentia oriri solent cum lingua à velitatione non cohibeatur. Reliquum est, vt qui ita obduratus fuerit, diabolo flagellāus tradatur, & hoc iuxta Salomonis sententiā dicentis: Semper iurgia querit malus, angelus autē crudelis mittetur contra eum. Neq; enim potest particeps esse æterni boni quod mitibus datur, neque expers esse malorum que pessimū quemque manēt: quia malis mentem animumque non auerterit, & odij sermonibus nō abstinerit. Vnde rursum Salomon ait. Qui peruersi cordis est non inueniet bonum, & qui vertit linguam, incidet in malum,

*De maledicentiæ vitandæ cura.*

*Cap. 33.*

**V**T autem cuncta maledicentiæ vitia deuitemus, imponēdum est ori frenum taciturnitatis. Quēadmodum loquacitas prona est ad lites & contentiones ita silentium quietis & placibilitatis est custos. Vir linguosus (vt in psalmo dicitur) non dirigitur in terra. Et in Prouer. Vidisti hominē velocem ad loquendum, stultitia magis sperāda est quā illius correctio, Et iterum: Sicut vrbs patens, & absque murorum ambitu, ita vir qui non potest in loquendo cohibere spiritum suū. Sic vt ergo vrbs illa quam mœnia nulla protegent, faciliē aditum præstat inimicis, ita inconsulta garrulitas peccatis blandē subeuntibus aperit ianuas cordis. Cor autem quo repletū fuerit, hoc per oris claustra effundet cum in verba proruperit. Ex abundantia enim cordis os loquitur: quæ procedunt de ore, de corde exeunt, hominemque coinquinant. Ediuerso autem scriptum est: Qui odit loquacitatē, extinguit malitiam. Tacitus & sensatus honorabitur. Recordat<sup>9</sup> est Iob, duo quædam se fando emisisse, quæ emissa nollet, & ait: Manum meam ponam super os meum: vnum locutus

Proue. 7

Ibidem

Psal. 119

Proue. 29

Prou. 25

Eccle. 19

cutus sum, quod vtinam non dixissem, & alterum, quibus ultra non addam. Hunc igitur imitemur, & poeniteat nos verbositas, qua certè non bis, sed millies lapsi sumus: quodque multiloquio nos deliquisse meminimus, silentio emendemus. Bonos viros taciti audiamus, vt discamus. Caueamus autem cum malis multum loqui, ne subuertamur. Rapfaci Assyriorum duci, cum Hierosolymam obsedisset, & plebem verbis ad ditionem sollicitaret, nihil respondere permisit Ezechias rex, & suos tacere iussit. Corruptunt enim bonos mores colloquia praua. Seuerum Sulpitium qui diui Mart. Thuronensis episcopi vitam scripsit, cum se iam in senectute sua deceptum à Pelagianis agnouisset, silentium vsque ad mortem tenuisse Hieronymus tradit, vt quod per dicacitatē deliquerat, tacendo dilueret. Et tu ne lingua labaris, obserua quando loqui, quando tacere debeas. A Salomone diuinæ sapiētiae viro est dictum, Tempus tacendi, tempus loquendi. Os tuum aperi discere volentibus. Contendere autem rixarique parantibus claudere: neque nisi necessitate cogente respondeas, nisi utilitate suadente loquaris. Quicquid præterea dicitur, superuacaneum est. De omni autem verbo otioso reddiduri sumus rationem in die iudicii. Quod si de otioso, quid de turpi? quid de mordaci? quid de rixoso iram inimicitiasque prouocante? Audi Apostoli præceptum: Stultas & sine disciplina quæstiones deuota, sciens quia generant lites: seruum autem domini non oportet litigare, sed mansuetum esse ad omnes, docibile, patientem, cum modestia corripientem eos qui resistunt veritati. Et iterum: Omnis sermo malus (inquit) ex ore vestro non procedat, sed si quis bonus, ad ædificationem fidei, vt det gratiam audientibus. Audi & prophetam dicentem: Quis est homo qui vult vitam, & diligit dies videre bonos? prohibe linguam tuam à malo, & labia tua ne loquantur dolum, diuertere à malo, & fac bonum,

Isaia. 6

Sulpiti.  
Seuerus

Eccle. 9.

2. Tim. 2

Ephe. 4

Psal. 33



1. Pet. 3. bonum, inquire pacem & persequere eam. Audi etiam Apostolorum principem Petrum. Nolite reddere malum pro malo, nec maledictum pro maledicto, sed e contrario benedicite: quia in hoc vocati estis, ut benedictionem hereditate possideatis. Memento quoque; quod indignus habetur monachi nomine, qui tacere nescit cum oportet, dicente Iacobo Apostolo: Si quis putat se religiosum, non refrenans linguam suam, sed seducens cor suum, huius vana est religio. Deinde ait: Si quis verbo non offendit, hic perfectus est vir, potest etiam freno circumducere totum corpus. Potest ergo omnibus corporis sensibus imperare, qui sic linguae suae fungitur officio, ut non delinquat. Recordare etiam ideo duas quidem te habere aures & os unum, ut multa audias, & pauca loquaris. Lingua si bene vteris, iuuat: si male, perimit. Salomonis haec sententia est dicentis. Qui custodit os suum, custodit animam suam: qui autem inconsideratus est ad loquendum, sentiet mala. Et iterum, Lingua placabilis lignum vitae, quae autem immoderata est conteret spiritum. Et rursus, Responso mollis frangit iram, sermo durus suscitatur furor, lingua sapientum ornat scientiam, os fatuorum ebullit stultitiam. Quae igitur dementia est, cum tui arbitrii sit linguam facere bonam, committere potius ut facias malam? Beatus es si cum beato Iob dicere poteris. Non inuenietis in lingua mea iniquitatem, nec in labiis meis stultitia personabit. Beatus es, si tibi ad dominum conuerso cum Ieremia gloriari licebit, dicente, Quod egressus est de labiis meis, rectum in conspectu tuo fuit.
- Iacob. 1. r
- Iacob. 3.
- Prou. 3.
- Prou. 15.
- Iob. 6.
- Ierem. 17.

*In fine operis peroratio. Cap. 23.*

**A**D finem tandem operis deo auxiliante peruentum est. Cui soli gratias agimus atque habemus confidentes eius esse beneficium, quicquid à nobis recte institutum recteque tractatum fuerit. Nihil autem non

non rectè dicitur, quod cœlestis disciplinæ veritate firmatur. Quare omnes equidem qui ista legent, rogatos volo, ne fortè incompti impoliti que sermonis mei asperitate offendantur, ad ipsas duntaxat diuinæ scripturæ autoritates atque sensus animum applicent, & quod salubriter monentur, hoc etiam omni studio perficere curent, vt sanctè religiose que viuendo vitam illam acquirant, qua melius felicitus que optari queat nihil, vitam inquam illam quæ non in terra habetur, sed in cœlo, incorruptibilem, immortalem, æternam, beatam, gloriosam, bonorum omnium plenissimam, & nullius participem mali, non philosophis, non oratoribus, non poëtis promissam, sed in Christum credentibus diuinæ que obtemperantibus legi, hoc est, pietatem iustitiam que colentibus. Nihil itaq; vobis proderit ô philosophi, scite subtiliter que ratiocinari, nisi etiam innocentè integrè que vixeritis. Neque vobis rethores ornatè copiose que dicere vlli erit emolumento, nisi compti & exculti virtutibus inceseritis. Neque enim vobis qui in bicipiti somniaſtis Parnaso, in componendis poematib<sup>9</sup> Homero atque Vergilio esse pares vsui erit, nisi proſtigata vitiorum labe, morum puritatem atq; mûditiam retinueritis. Huc igitur vota, huc studia vestra conferantur, vt si minus liceat eruditionē ſimul & virtutem poſſidere, magis optetis probitatem ſine doctrina, quàm ſine probitate doctrinam. Quòd ſi fidem, ſpē, atque charitatem ſanctè colueritis, beatitudinis præmia deo largiente capietis. Iſſis autem qui ad illa perueniunt, impartitur & ſcientia plenior & eloquendi ratio præſtantior, & virtus omni ex parte perfectior, q̄ nullus vnquam mortalium aut habuerit in terra, aut habere poſſit. Vbi enim beatitudo vera, ibi & omnibus animi bonis reſerta poſſeſſio. Quòd ſi Paulus ad tertium raptus cœlum, audiuit arcana verba, quæ non licet homini loqui, ſi nec oculus viſ, nec auris audiuit, nec in cor

Philosophi  
Oratores.  
Poëtæ.

O O hominis

hominis ascēdit, quāta pręparauit suis cultoribus deus,  
 profectò ista quę oculis cernimus, quę auribus excipi-  
 mus, quę mente complectimur, illis quę omnem sen-  
 sum superant, nullo modo valent comparari. Nihil igi-  
 tur nobis ad summam felicitatem defuturum speretis,  
 si non defuerit virtus. Cuius quidem leges atque prę-  
 cepta in his libris satis (vt reor) abunde quę à me rela-  
 ta sunt, non ea inquā pręcepta, quę homines qui errare  
 possunt, tradant, sed quę ipse hominum angelorumq;  
 conditor deus, in quo solo nullus omnino cadere potest  
 error, tribuit nobis. Ipsum ergo audiamus, ipsum  
 sequamur, ad ipsius doctrinam, vitam moref-  
 que componamus, si ad ipsum, vt sum-  
 mo illo indicibilique bono  
 semper fruamur, vo-  
 lumus per-  
 uenire.

## EVANGELISTARIVM

MARCI MARVLI VIRI

disertissimi, & euangelicę erudi-  
 tionis veri doctoris, fuit.

AD DOMINVM GVN-  
therum de fide, Meginardi  
Præfatio.



V M me negotiosissimi ma-  
gistrat<sup>9</sup> cura implicueris, in-  
stas tamē & vrges dulce dec<sup>9</sup>  
meū, Gunthere, haud sanē di-  
xerim, vtrū verecundius an  
cupidius, vt nouā operā non  
tā arduā, & difficīlem, q̄ pla-  
nē impossibilē suscipiā. Vn-  
de apparet, quod iniūcti mu-  
neris modū p̄functiona meti

ris æstimatione: dum aliquid ei adiiciēdū sperare prę-  
sumis. Equidem si excubiæ nostræ solis adolescētū inge-  
niis liberali eruditione colendis affiderent, quod vni-  
cū curriculū pleraq; veterū studia sibi vēdicarūt, labo-  
ris mala famæ nominisq; momenta mihi penfarēt. Ve-  
rū nūc qui præfecti scholarū habentur, gemina p̄ ec-  
clesiastico vsū fuctione multantur. Primas enim partes  
formādis moribus impēdunt, secūdas verò literarū do-  
ctrinę insumūt. Quorū vtrūvis cū tantū incurras affur-  
gat, tū verò cōpositū humanis viribus sustineri nō va-  
let. Nemo certē nisi expertus, hāc sollicitudinē nouit ex-  
pendere. Verūtamen ego volūtate tua cui me vnicē de-  
vouui, adductus, in hoc quasi preludio infernaliū pœna-  
rū, tibi exerceri patior, maximē cū iā propinquior su-  
scepti actus, plaudite optatissimo, p̄sonā hāc operosissi-  
mā deponendā deo p̄pitio auspicer. Illa verò sarcina,  
qua nūc hūeros nostros onerare disponis, nō tā me p̄mit,  
q̄ elidit: nec tā difficultate grauat, q̄ horrore exanimat.  
Luculētissimē q̄ppe dictū est, q̄a etiā vera de deo dicere

O O ij periculo-

## P R A E F A T I O.

periculosum est, flagitas enim, vt de fidei symbolo cōpendiosum tibi elaborem opusculum, in eū scilicet modum, vt & catholica veritatis integritas eluceat, & hæreticæ prauitatis venena, quibus eam homines perditissimi aspergere & violare conati sunt, expressis authorū nominibus denotentur. Quam rem cum præcipui ecclesiasticarū doctores, studio sacrarū literarū flagrantissimi, vsu earum exercitatissimi, ingeniis acutissimi, alij penitus cum idipsum postularentur, declinauerint: alij cū multa deliberatione vix aliquando annuerint, quis nō iustissima indignatione temerarij me, imò sacrilegi incœpti condemnet, vt tale quid audeā, qui vix summo ore, & primis (quod dicitur) labris hæc diuina libaui. Sed parcat exagitare nostrū pudorē. Nemo in me accusator atrocior me ipso, nemo cēsor seuerior, & tanto magis supra alios, quantò meipsum familiarius per omnia noui. Nec enim sic amator mei sum, vt meā ingenij exilitatē, oris angustiam scire fastidiam. Adde huc, quod in hoc genere scriptorum maximè pertimescendum est, vitæ labē & cōscientiæ infirmitatē. Quæ cū in exercitiis cōmuniū studiorū occupato nō ita magno sint impedimēto, in hac parte, pñciosa mihi planè intelligo. Quis enim nō videat parem mereri dānationē eum, qui sacra mētū dominici corporis indignus assumat, & eum, qui verbū dominicū prophanis corruptus moribus tractare præsumat: vides igitur facilè nimis, vt verius aliquid non dicā tātæ rei efficiendæ de me p̄sumptā opinionē, q̄ tibi qui tā deliberato & inoffenso iudicio alia soles exigere, Indulgentior forsan erga me beneuolentia induxerit. Sed quia singulare bonū obedientiæ sic impensæ diuinis cōmendatur eloquiis, vt qui ei resultauerit, frustra nomē Christianū vsurpet, nō ausim pro virili quiddē parte non præstare quod iubes, si tamen diuini fauoris aura vela nostra nō destituerit. Et quia rudis adhuc tyro in his castris abs te cogor, militare nolo: quis arbitretur

tretur rudimēta nostra superba' aliqua temeritate gra-  
fari, scilicet vt quod semel effutiā, sacrosanctū iudicem,  
quin poti⁹ quicquid erit quod nobis superna gratia ir-  
rogauerit, hoc ad suū veritatis fontē syncera & ple-  
naria laude reuocetur, Si quid verò meū, id est, falsum  
effudero (qui enim mēdaciū loquitur, de suo loquitur)  
nō ego id deprehensum peruerso tutabor patrocínio,  
sed tā seuera q̄ debita animaduersione error meus à suo  
ipsius parēte iugulabitur. Vt ergo liberiore quodā spa-  
tio ea quæ intendimus, in hoc quasi spectaculo possint  
exponi, altius ordiendum videtur. Pauca enim de ipsa  
fide, nonnulla de varietate symboli p stringemus, tum  
demum ipsum symbolū, & pestes hæresum insigniores  
illis & quasi capitales, & quæ maximē in ipsam sym-  
boli regulam offendant, deo propitio persequemur.

## LIBELLVS MEGINAR-

DI VIRI ERVDITIS. AD D. GVN-  
therum de fide, symbolo Apostolico, & pe-  
ste multarum hæresum.



**E**ST igitur fides, vt Apostolus ad He-  
bræos scribēs diffinit, sperandarū re- s. ii. a  
rum substantia, argumētū nō apparē-  
tium. Quænam sint quæ fideliū pietas  
expectare & sperare debeat, ita copio-  
se in latissimo diuinarū scripturarum  
campo diffusum est, vt nemo in hac quidē parte suam  
ignorantiā possit excusare. Vt enim aliquāta de infini-  
tis breuissimē attingā, ipsa veritas in Euangelio ait: In  
resurrectione neque nubēt, neq; nubētur, sed erūt sicut  
angeli dei. Et iterū: Fulgebūt iusti sicut sol in regno pa-  
tris eorū. Apostolus etiā: Mortui, inquit, estis, & vita ve-  
stra abscondita est cum Christo in deo. Cū enim Chri-

OO ii)      stus

tus apparuerit vita vestra, tunc & vos apparebitis cū  
 ipso in gloria, ad Corinthios etiā, Oportet, ait, corru-  
 ptibile hoc induere incorruptionē, & mortale hoc in-  
 duere immortalitātē. Iohānes quoque dicit: Dilectissimi  
 filij dei sumus, & nondū apparuit quid erimus: Scimus,  
 quoniam cū apparuerit, similes ei erimus, quoniam vi-  
 debimus eum sicuti est. Hæ sunt res sperandæ, quarum  
 substantia fides esse dicitur. Sed quonam modo vt fides  
 substantia sit, asseritur? An non omnis substantia corpus  
 est, aut spiritus? Appellatur tamen etiā possessio substā-  
 tia: Sed quis ex his modis fidei conueniat? An fortè spi-  
 ritum eam esse verissimile sit, quia res est incorporea?  
 An non potius ipsa fides cuiusdam spiritus, id est, huma-  
 næ mentis, spiritualis est effectio: nunquid non etiā an-  
 gelicæ creaturæ quandam fidem esse dicamus? Verun-  
 tamen modo differt. An fortè generaliter quicquid est  
 & subsistit, substantiam nuncupauit, & eo modo fidem  
 etiam substantiam esse, intelligi voluit? Admitti quidē  
 hæc sententia possit, veruntamen quod subiūgitur, nō  
 recipit hunc intellectum. Ait enim: Fides est substantia  
 sperandarum rerum. Sperandum quippe est spirituale  
 corpus, vt hoc vnum ex omnibus dictum sit. Quomodo  
 ergo fides nostra spiritualis corporis asseratur substan-  
 tia? An fortè dicemus figuratē Apostolum hoc vocabu-  
 lo vsū, vt significantius ipsius fidei efficaciam expri-  
 meret? Solenne quippe id Apostolo est, suo quodam mo-  
 do translatiuus nominib<sup>9</sup> rem presentissime exponere,  
 velut ad Colos. scribēs de Christo ait: Quia in ipso iha-  
 bitat omnis plenitudo diuinitatis corporaliter. Corpo-  
 rale vtique propriē aliquid dicitur, cum de corporib<sup>9</sup>  
 agitur. Diuinitas porro quomodo corporaliter inhabi-  
 tat? neque enim corpus est. Sed translato vocabulo rem  
 aperuit. Nam quia sacramenta veteris testamenti ap-  
 pellat vmbra futuri propter vmbra-  
 rum comparationem corporaliter dixit habitare in Christo plenitudi-  
 nem

nem diuinitatis, quod in illo impleantur omnia quæ illis vmbreis figurata sũnt, ac si quodammodo vmbrearum illarum ipse sit veritas. Sic ergo ipse figuræ significati-  
 uæ translato verbo vsus est, vt si accipias corporaliter, ac si diceretur, solidè ac veraciter. Secundum hunc ergo modum figuratæ locutionis, fides quoque sperandarum rerum substantia appellatur, nõ quod propriè earum sit substantia, sed quia fides, quæ per dilectionem operatur, & ex qua iustus viuit, per quam etiã data est potestas, vt filij dei vocemur & simus. Illa, inquam, fides ita firma certaque spe æternæ beatitudinis præmia in ærumnosa huius vitæ peregrinatione meditatur, vt in eorum cordibus, qui charitate quæ per spiritum sanctum in eis diffusa est, dilatantur: iam nũc per ineffabile desiderium ea faciat subsistere. Vnde frequenter Apostolus de ipsa vita nostra futura, quæ iam in ipso homine mediatore Christo Iesu capite nostro resurgente completa est ita fidenter gloriatur, quasi iam adit, præsensque teneatur, velut ad Ephesios scribens, ait: Deus qui diues est in misericordia, propter nimiam charitatem suam, qua dilexit nos, cum essemus mortui peccatis, conuiuificauit nos Christo, cuius gratia estis saluati, & corresuscitauit & confidere fecit in cœlestibus in Christo Iesu. Certè enim in cœlestibus Christus iam sedet, nondum autem nos. Sed quia fide certa quod futurum est iam tenemus, simul sedere nos dixit in cœlestibus. Non enim ait: Excitaturus est nos, & in cœlestibus sedere facturus, sed excitauit & sedere fecit, quia nõ inaniter, sed fideliter iam deputat factum, quod futurum esse non dubitat. Nec minus ad Corinthios loquens cum hanc ipsam fidei immobilem certitudinẽ & quasi substantiam commendaret, inter cætera hoc etiam subiicit: Itaque nos ex hoc neminem nouimus secundum carnẽ. Nũquidnã e vita iã excesserãt, & carnis mortalitatẽ exuerãt, quos tã istãter ad ipsius carnis edomationem

O O iiii

tionem



tionem & vitę correctioris habitũ prouocat: Absit. Sed quia illorũ secũ vitã futurã tanq̃ præsentem meditabatur, qui resurgentes cõmutabũtur, ex hoc, inquit, nemi nem nouimus secundũ carnem, id est, tã certã spem tenemus futurę nostrę incorruptionis & immortalitatis, vt iam in ipsa notitia gaudeamus, & nõ in hac carne mortali, sed in sola illius expectatione viuamus. Hoc ergo modo, aptissimo quidem, licet insolētissimo fides substantia esse videtur. Sed quid est, quod in eadẽ definitione fidei annexũ est: Argumentũ rerum non apparentiũ: His profectò paucissimis verbis omnis illa inflatio humanę sapientię velut acu puncta diffiatur & exploditur, cui dum aliquid secũs q̃ solemus, ordo naturę celebrat, ab ipso naturę conditore actum proponitur, insanis clamoribus oblatrare assolet, rationẽ causamq; facti procacissima insipientia postulans, nec aduertunt homines perditı magis quã periti, in his quę vsitato naturę cursũ administrantur, nõ incõpetenter cũ prestari possit, flagitari rationem. In his verò quę nouę & extraordinarię diuinitus exhibentur, fidei pietatẽ exercendam esse, nõ temerariã & incõsideratã discussionem. Intelligentia enim rerũ spiritualiũ, quas animalis homo non percipit, fidei humilitatisque meritò cõparatur. Vnde propheta, Nisi credideritis, inquit, non intelligetis, & in Cãticis cãticorũ spiritus sanctus protestatur, Ab initio fidei ptransibis. In cõtrouerisiis siquidem & disceptationibus naturalium, seu quarumlibet huiusmodi quæstionum, assensum fidemque rerum dubiarũ præcedens probatio elaborat, & præueniens intellectus cõmendat, in diuinis verò scripturis vt intelligas, oportet te fide quę præcessit, promereri. Quia ergo dispensationem diuinę pietatis, qua salutem nostrã operatur, vel de ipsa ineffabili trinitate & vnitate dei quęcunque euangelica vel apostolica autoritas tradidit, nõ humanis suspicionibus vt ita sint, colligimus: sed  
ideo

ideò certissimè nouimus, quia fide percepimus, ob hanc  
rē ipsa fides argumentū dicitur, id est, probatio & ab-  
solutissima notio, & quasi insignitio rerum nō apparē-  
tium. Est igitur fides sperandarum substantia rerum, ar-  
gumentum non apparentium, sed nūquid non est fides:  
rerum präteritarum. Nōne in eadem epistola post pau-  
lulum idem Apostolus ait, Fide intelligimus aptata es-  
se secula verbo dei, vt ex inuisibilibus visibilia fierent.  
Nōne omnia prioris testamenti mysteria, quæ non cre-  
dere extremi sceleris est, de cursu temporis sublata sunt  
& quasi sepulta. Hæcine ergo credēda sunt ea fide, quæ  
sit sperandarum rerum substantia? Quis hoc vel demē-  
tissimus dixerit? Denique vt hæc interim missa facia-  
mus, nōne tota dispēratio dominici hominis prædesti-  
nata serie digesta & consummata, inter præterita nume-  
ratur. Aut hæc ergo fide Christiana non sunt amplectē-  
da, quod absit: aut familiarius quid Apostolus eo modo  
diffiniēdi innuerit, dispiciendum est. Per omnia igitur,  
quæ ab ipso mediatore dei & hominū acta videramur,  
via nobis quodammodo ad perpetuam beatitudinis ca-  
pessenda præmia præparatur. Neque enim in ipsis finē  
æternæ felicitatis & felicissimæ eternitatis quæ Deus  
est, ponimus: sed per illa in illam ceu finem currimus,  
quem omnis fidelis anima in erēmo huius vitæ arden-  
tissimo anhelat desiderio. Vnde cum ipsa veritas & ver-  
bum per quod facta sunt omnia, caro factum sit vt ha-  
bitaret in nobis, tamen ait Apostolus: Et si noueramus  
Christum secundum carnem, sed nunc iā non nouimus.  
Ille quippe, qui non solum peruenientibus vitæ peren-  
nis possessionem, sed etiā viam se præbere voluit veniē-  
tibus ad principium viarum voluit carnem assumere.  
Vnde etiam illud, Dominus creauit me in principio  
viarum suarum, vt inde inciperent qui vellent venire.  
Apostolus igitur, quamuis adhuc ambularet in via, &  
ad palmam supernæ vocationis sequeretur vocantem  
dominum,

dominum, tamen ea quæ retro sunt obliuiscens, & in ea quæ ante sunt extentus, iã principiũ viarum trãfierat, id est, eo non indigebat, à quo tamen aggrediendum & exordiendum iter est omnibus, qui ad veritatem peruenire, & in vita æterna permanere desiderãt. Sic enim ait: Ego sum via, veritas & vita, hoc est, per me venit, ad me puenitur, in me permanetur. Ex quo intelligitur quia nulla res in via tenere nos debeat, quãdo nec ipse dominus in quantũ via nostra esse dignatus est, tenere vos voluerit, sed transire, ne rebus temporalibus, quamuis ab illo pro salute nostra susceptis & gestis hæreamus infirmiter, sed per eas potius curramus alacriter, vt ad eum ipsum qui nostram naturam à temporalibus liberauit, & collocauit ad dexterã patris, pueni atque perueni mereamur. Quãnis igitur plenaria fide tã præterita quàm futura, nõnulla etiã præsentia, credamus, quia tamen præteritis vel præsentibus ad fidem, spẽ charitatemq; futurorum & imperitia nostra instruitur et infirmitas adiuuatur, solã eã veluti causã finemq; oĩm diffinire maluit Apostolus, licet in eo quod dixit fidẽ argumentũ esse rerum non apparentium, omnia hæc tempora aliquatenus videatur amplexus. Est igitur fides sperandarum substantia rerũ, argumẽtũ non apparentiũ. His ergo absolutis, de symboli varietate, vt polliciti sumus, inchoandum videtur. De cuius primaria institutione, breuissimẽ aliquid perstringendũ est.

**C**V Menim post ascensionem domini per aduentũ spiritus sancti supra singulos quosque Apostolos igneẽ linguæ sedissent, & oĩm linguarum infinita diuersitas per eadẽ intelligẽtiã in eis vniret qd eis nulla gens externa, nulla Barbaries inaccessa videretur & inuia, præceptum eis à domino datum est, vt ob prædicandum dei verbum, per singulas quasque diffunderentur nationes. Discessuri itaque ab inuicẽ normã sibi prius futuræ

futurae praedicationis in commune constituunt, ne forte alius aliò abducti, diuersum aliquid his qui ad finem Christi inuitabantur, exponeret. Omnes igitur in vno positi, & spiritu sancto repleti, breuè istud futurae (vt diximus) praedicationis indicium conferendo componunt, atque hanc credentibus dandam esse regulam statuunt. Symbolum autem hoc multis & iustissimis ex causis appellari voluerunt. Symbolum enim graece, & indicium dici potest & collatio, hoc est, quod plures in vnum conferunt. Id enim fecerunt apostoli in his sermonibus in vnum conferendo, vnusquisque quod sensit. Indicium autem vel signum idcirco dicitur quod omnes ei fidei assensu obediens, in Christi se nomen transisse indicaret. Ob hoc denique non scribi haec chartulis aut membranis, sed retineri in cordibus tradiderunt, vt certum esset, neminem haec ex lectione, quae interdum peruenit etiam ad infideles solet, sed ex apostolorum traditione didicisse. Cuius scilicet traditionis haec formula est.

Symbolum  
quid.

**C**Redo in deum patrem omnipotentem &c. quae in eo sequuntur. Hunc fidei tenorem simplicissima integritate, & integerrima simplicitate per ipsos Apostolos diuinitus gestum & exactum, sine omni immutatione seruauit ecclesia, vt pote vnicum Christianae \* spei fundamentum, quod neque venti impelleret, \* alias fidei. neque flumina subruerent, neque tempestatum ac procellarum turbines permouerent, licet iam tum inter ipsa rudimenta nascentis ecclesiae nonnullae haereses pulularent, quarum etiam Apostolus ad Timotheum scribens ita meminit. Prophana inquit, & inaniloqua deuita. Multum enim proficiunt ad impietatem, & sermo eorum vt cancer serpit. Ex quibus est Hymenaeus & Philetus, qui a veritate exciderunt, dicentes resurrectionem iam factam, & subuerterunt quorundam fidem. Verum illis in temporibus cum exterius tempestas persecutionis sine intermissione per totam  
grassa-

## MEGINARD DE FIDE

graffaretur ecclesiam, nullus locus cogendis erat conciliis, nulla occasio arguendis vel refellendis erat hæreticis: passione, non disputatione omnia feruebant, fidem non loquendo, sed moriendo vindicabant, sanguinem fundebant non verba. Cum verò tonitrua illa persecutorum aliquando dextera domini compescuisset, & per Constantinum piissimum principem serenitas pacis ecclesiis coelitus affluisset: alio quidem, sed, quod fateri necesse est, magis pernicioso modo periclitari cœptum est. Intestinis enim morbis grauissimè tentata est ecclesia, & ex ipso corpore illius pestilentissimæ hereses ebulliêre quæ latè puagantes horrêda erroris tabe multarum animarum vitalia corrupere. Inter quas quoddam crudelissimum ulcus erupit. Arius videlicet Alexandrinæ p̄sbyter ecclesiæ, qui cū in eadē ecclesia exponēdis publicè scripturis pro antiquo more præfuisset, quod etiā Origenes factitaret, sacrilego furore incitatus, impiam euomit blasphemiam, dicēs dominū nostrum Iesum Christum minorē esse patre, nec eiusdem cum eo essentia. Quæ vesania ipse, cum neq; in ipso compesci propter pertinacissimam ipsius nequitiam potuisset, & aliorum furioso assensu (vt sunt quæque prauissima ingenia in superbas nouitates procliniissima) magis magis quæ roborari videretur, iubente ipso Constantino, insigne illud & famosissimum cōciliū apud Nicēā Bithyniæ celebratū est, ibiq; ad extirpandam Arii impietatem, & exprimēdā omnigenam filij cum patre æqualitatem, apostolico Symbolo pleraq; verba sunt addita, nō quia breuissimè pestis Ariana potuerit expungi, sed quia hæretica versutia multa quæ ab orthodoxis fidelissimè posita erant, callida interpretatione eludere, & in sui dogmatis peruerfitatē refringere conabantur. Aliquibus etiam verbis Sabellio & Paulo, quorum hæreses tunc à perditissimis hominibus circumferebantur, obuiatum est. Porro Nicenæ fidei hic textus est.

Credi-

Arius &  
Origenes.

Sabellius.  
Paulus & Sa-  
mosatenus.

**C**Redimus in vnum deum patrem omnipotentem, omnium visibilium nec non & inuisibilium factorem & in vnum dominum nostrū Iesum Christum filium dei natū ex patre vnigenitū, id est, ex substantia patris, deum ex deo, lumen ex lumine, deum verum ex deo vero, natum, non creatū, homusion, hoc est, eiusdem cum patre substantiæ: per quem omnia facta sunt, cœlestia & terrena. Qui propter nos homines & propter nostram salutem descendit, & in carnatus est, & homo factus, passus est, & resurrexit tertia die, ascendit, venturus inde iudicare viuos & mortuos: & in spiritum sanctum. Post hanc munitissimam & saluberrimam fidei expositionem, Arianas blasphemias cum suo anathemate subiecerunt in hunc modum. Eos autem qui dicunt: Erat quando non erat, & antequam nasceretur, non erat, & quia ex nullis existētibus est, vel ex alia substantia aut essentia dicunt trepton, id est, conuertibilem aut mutabilem filium Dei, hos anathematizat catholica & Apostolica ecclesia. Cū ergo hæc definitio fidei à patribus Niceni concilij diuinitus inspiratis edita fuisset, debita reuerentia & accepta & seruata est per totum orbem Christianum, & hoc est secundum symbolum, quod in eadem veneratione, qua illud Apostolicum, vt pote in eodem spiritu expositū, tota amplectitur ecclesia. Nec multò post, cum nondū ex Ariano naufragio satis respirasset, emerisit Macedonius detestabile par Arii. Nā vt ille filiū, sic iste spiritū sanctū creaturā esse asserere ausus est. Apollinaris etiā nouus hæresiarcha, in hūc dānatissimū gregē se permiscuit, pertinacissimè affirmans Christū Iesum animam rationalem nō habuisse sed ipsa deitate verbi p ea, dū incarnaretur, vsum fuisse. Vt ergo hæc quoque zizania ex agro dominico eradicarētur, conuenēre apud Constantinopolim centum quinquaginta patres & Macedonio pfanæ sectæ autore dānato, cæteris item qui cōtraria

τρεπτός

Macedoni<sup>9</sup>.  
Apollinaris

traria Apostolicis regulis loquacitate impia latrarāt à cōmunionē ecclesiastica repulsis, latiore[m] symboli formam promulgauere, quam nunc vniuersalis ecclesia publicē prędicat & frequentat. Est autem huiusmodi.

**C**redo in vnum deum patrem omnipotentem, factorem cęli & terrę, visibilium omniũ & inuisibilium, & cętera quę decantari assolent. Hęc est tertia varietas symboli, prioribus cōsonantissima, nec in vllō discrepans. Ex illo enim quasi grano apostolici symboli, geminę hę traditiones germinauere. Post hęc ergo tertiam editionem fidei, placuit omnibus, ne quid vltius licitum foret aut addere, aut demere, aut qualibet immutatione variari: quod statutum ratum & immutabile seruauit ecclesia, quamuis nonnullę posteriori tempore hęreses extiterint. Verũ nũc exposita varietate symboli operę precium facturus videor, si eorũ sermonum, qui vel in Nicena, vel in Cōstantinopolitana synodo superadditi reperiuntur, rationes causasque breuiter subiiciam, & quia ipsũ principium symboli cuiuslibet quo pronuntiatur: Credo in deum, intentiones aures scrupulo quodam obscuritatis interdum solet offendere, in primis id elucidandum forsā non ingratum studiosis sumam: quidnam sit credere in deum vel deum, aut credere deo vel credere in deo. Credere igitur in deum est credendo in deum ire, & eius membris incorporari. Sic etenim ait Apostolus. Vos estis corp<sup>9</sup> Christi & membra. Hoc autem agitur in nobis ea fide, quę per dilectionem operatur & quia ipsa dilectio desursum est, id est, à patre luminũ, à quo est omne datum optimum, & omne donum pfectũ, ideo ipsa veritas ait: Hoc est opus dei, vt credatis in eũ quẽ ille misit. Credere ergo in deũ ppiũ est quasi signaculũ pdestinatorũ. Quisquis enim sic credit, hic spiritu dei agitur, huic pater est deus, hic heres est dei, huic frater est Christus hic cohæres est Christi. Illo autẽ modo locutionis dicitur:

Credere in  
deum.

tur: Credo in deū, qđ dici possit, fumus deficit in aëra, vel glacies deficit in aquā vel panis deficit i carnē. i. suo quodā defectu & trāsmutatiōe in naturā carnis absumitur. Credere porrò deū, hoc est, fidē habere deū eē. Hoc modo credūt Iudei, hoc modo dēmones etiā credūt & cōtremiscūt. Credere autem deo, est fidē dictis vel promissis eius habere. Credere verò in deo, eādē fere sententiā habere cū eo quod primū posuimus. i. credo in deū. Credere deū  
 Sic enim in Euāgelio Iōānis inuenitur: Quotquot autē receperūt eū, dedit eis potestātē filios dei fieri, his qui credūt in nomine eius. Credere tamen in deo insolētiūs Credere deo  
 ad vsū latinitatis dicitur: credere verò in deū, lōgē significāti ns celebrior vsūs obtinuit. Nō ergo quisq; credit deo, vel credit deū, cōtinuò etiā credit in deū vel i deo. Credere in deo.  
 Quisquis verò credit in deū vel in deo, cōsequēter etiā credit deo vel deū. Diuino igitur aspirāte fauore, soluēdū est, quod promissimus. Quia ergo Sabellij hęc sententia vel potius infania fuit, vt diceret, quia idē qui pater est, & filius, & spiritus est, neq; vlla psonarū differentia est, sed tātū vocabulorū, vnde etiā Patripassiani sequaces eius inscripti sūt, eo qđ patrē passū cōfessi sint, vt po te cuius vnā eādēq; cū filio psonā suspicarētur. Ad cōpescēdā ergo hāc blasphemīā, in prima frōte symboli addendū cēsuerūt: In vnū & paulo pōst, cū ad filij psonā ventum esset, illac etiā: In vnum, ascripsere, vt dum pater vnus asseritur per se, & filius item per se vnus in differentiam personarum, quam ille introduxit, sana intelligentia respueret. Et quia plerique heretici, vt Manichæus & Priscillianus, duo principia inter se diuersa, & sibi aduersa opinātur. Manichæus & Priscillia  
 Priscillianus etiam nus.  
 hūc mūdū à maligno principe cōditū affirmat, adieceret: Visibiliū oīm & inuisibiliū, vt nihil omnino nō ab vno patre deo factū catholicus sensus admitteret. Hinc iam labyrinthus Arianorum Satana architecto multipliciter impeditus, aperiendus est. Cum ergo ortho-  
 doxi



doxi operam darent, vt virus exitiale eiusdem hæresis penitus expiarent, & æqualem filij cū patre deitatem euidentissimè declararent: hæretici verò singula eorum dicta ad propriā insaniā sophisticis dolis retorquerēt, coacti sunt plura in eandem sententiam cumulare, ne qua occasio vel aditus decipiendi prophanæ supere sset pñdiæ. In primis ergo addidere: Filiū dei, hoc Ariani velut optatū sumpsere, dicentes secūdū Apostolū, quia omnes filij dei sumus, subiūxere: Vnigenitū, quod Ariani sic interpretati sunt, vt Iesus Christus secūdum eā dignitatē, qua omnes creaturas singulari excelleret gloria, aut incōgruè nūcupari posset vnigenitus, licet sit creatura, atque hoc in loco testimoniū illud Salomonis pessimè intellectū adhibuere: Dominus creatit me initio viarum suarum. Adiecerūt: & ex patre natū: hoc quoq; hæretici nō alienum à creatura esse asseriebant, iuxta illud Isaiæ: Filios genui & exaltavi. Tū placuit addi: Ante omnia secula. Neq; hoc repudiare perfidi de Christo iuxta illos creato. Ante omnia enim tēpora & ante omnia omnino secula, non solum Christum, sed etiam angelos ipsumq; diabolū creatū esse affirmabāt. Adiectū est: Deū de deo, nec minus hoc sinistra eorū interceptit interpretatio. Dicebāt enī, qā & ipsi di essēt, ex deo, cum Apostolus dicat: Omnia autem ex Deo. Vt etiam hoc excluderetur, additū est: Lumen de lumine. Pari modo hoc quoq; vt cētera cauillari ausi sūt. Quilibet enim fidelē ex deo lumine lumē esse, vt in Euāgelio ipse Christus discipulos alloquitur, dicens: Vos estis lumē mūdi. Et Apostolus: Fuiſtis, inquit, tenebræ, nunc aut lux in dño. Ad discretionē ergo hui⁹ adoptiue deitatis, apposuerunt: Deum verū de deo vero. Hoc etiā hæretica impietas vsurpare psumpsit, dicēs de vero deo, patre scilicet, & Christum verū deum esse, sed factū. Omnes quippè electos ex vero deo veros deos esse, sed factos, alienum quippe à vero deo esse, vt falsorum deorū

author

author efflet. Ad explodendam ergo & hanc tam callidam tergiuersationem, subiungere: Genitum non factū. Sed neque hīc versipellis quieuit fallacia, opposuere illud Deuteronomij: Deum qui te genuit dereliquisti, & oblitus es domini creatoris tui. Cum ergo tot laqueos belua immanis declinasset, tot nodos elusisset, cum graui vexatione orthodoxi propter hanc tam sacrilegam verborum ventilationē iactaretur, post multa certamina vltro citroq; habita vnum hoc verbū nulli dubiū quin spiritu sancto suggerente, addidere, quod Græcè homusion Latine verò consubstantialis dicitur. Tum deniq; pestis acerbissima capta, tū strangulata, tum plane extincta est. Subintulere igitur: Per quæ omnia facta sunt: vt liquidò constaret, ipsum non esse factū, cum per eum omnia facta sunt. Atq; hæc omnia in damnationē Arianæ hæreseos prolata sunt. Quia verò Cherintus & Ebion & Paulus Samosatenus, alijq; nonnulli Christum purum hominē fuisse asseruere, & ex Maria virgine tantum initium sumpsisse, contra hanc tam hæreticam opinionem adiecere: Qui propter nos homines & propter nostrā salutem descendit de cœlo. Et quoniam Martion, eiusq; sectatores de cœlo eum carnē secū attulisse blasphemabāt. Valentinus porro phantasticū corpus, & non verum eum habuisse affirmabat, ad hos confutandos adiecere: Et incarnatus est. Porro in Nicena Synodo prætermissum est, de spiritu sancto, ex Maria virgine. Verum hi qui apud Constantinopolim cōuenerunt, vt in hac etiam parte catholicā fidem munirent cōtra eorum insaniam, qui beatam virginē ex viri coitu solenni more pariendi Christū genuisse impiè iactabant. vt Arthemon, eiusq; complices, alij verò eam post editum partū insigne virginittatis perdidisse, alios etiā liberos peperisse, rabiose latrabāt, vt Heluidius. Ad harum ergo bestiarum internicionē reuocatum est: De spiritu sancto ex Maria virgine, quamuis hoc in apostolico symbolo longè signatiùs & expressiùs positum sit, cum

PP dicatur:

ὁμοϋσιος.

Cherintus  
Ebion,  
Paulus  
Samosaten<sup>9</sup>

Martion  
Valentinus.

Arthemon  
Heluidius.

**Apollinaris** dicatur: Conceptus est de spiritu sancto, natus ex Maria virgine. Apollinaris verò & ipse sua tunc multos insecravit, volens persuadere Christum animam rationalem non habuisse, sed pro ea, divinitate in carne usum fuisse, unde consequēbatur eum hominem non fuisse ut potest qui anima rationali caruerit. Contra quam tam pestiferam vocem opposuere: Et homo factus est. Origenes autē vanitate impiissima ex philosophorum lectione persuasus, disputabat quādam purgationē malorum. i. eos qui hanc vitam in flagitiis & facinoribus. quālibet maximis finierint, ipsum etiam postremo diabolū atque angelos eius, quāvis post longissima tempora, purgatos atque liberatos regno dei lucique restitui, & rursus post longissima tempora omnes qui liberati sunt, ad hæc mala denuo relabi & reuerti. Ad cōpescendā ergo tam perniciosam blasphemiam, addendū censuere post alia interposita: Cuius regni non erit finis. Macedonius autem sacrilegam turbam de spiritu sancto excitavit, quæ etiam principalis causa concilij apud Cōstantinopolim cogendi fuit. Affirmabat enim spiritum sanctum creaturam esse, nec unius eiusdemque cum patre & filio essentia credendum. Tum sacer ille conventus ipso spiritu de quo agebatur, illustratus, hoc impietatis monstrū iugulavit, veruntamen plurimis sententiis. Nam Macedoniani quoque velut prius Ariani, quæ verè fideliterque dicta essent, frustrari & labefactare tētabant. Cū enim catholici spiritum sanctū, dominum & vivificantem, & ex patre filioque procedentē pronunciaissent, & hæretici hæc omnia in creaturā etiam cadere alienissimis scripturæ testimoniis perstreperent: tandē aliquando peruicaciam illorum repressere, dicētes: Qui cum patre & filio simul adoratur & conglorificatur. Deinde ut illorum etiam refellerēt perfidiā, qui antiquos dei prophetas, non inspiratione diuina irradiatos, sed dæmonum energia cōcitatos, futura cecinisse iactabāt, ut Apelles, post declaratam spiritus sancti cum patre & filio æqualem maiestatem, munus quoque gratia ipsius, quo homi-

nes

nes dei impartiri dignatus est, prudētissimè subiecere:  
 Qui locutus est per prophetas. Et quia pleriq; hæretici  
 ab ecclesiastica cōmunionē repulsi, sua conciliabula ce-  
 lebrabāt, eamq; ecclesiā superbè mentiebantur, vt No-  
 uatiani, aliq; innumeri, ne hac mendaci superbia infir-  
 miores auditores dānabiliter lactarēt, ascripsere: Vnā  
 scilicet sanctam catholicā & apostolicam ecclesiā. Ad  
 hæc cum hæresis iam ex antiquo orta fuisset, cuius mul-  
 ti feruntur authores, quæ rebaptizandos omnino cense-  
 ret eos, qui ab hæreticis (licet in nomine trinitatis) ba-  
 ptizati fuissent, in qua opinione Cyprianus etiam vir  
 eruditissimus & gloriosissimus martyr fuisse asseritur,  
 propter hanc hæresim eradicandā, addidere: Vnum ba-  
 ptisma, & hoc modo perfectissimā symboli formā con-  
 summanere. His ergo nō otiosa forsan, licet breuissima  
 tractatione decursis, inchoandū est illud, quod tuæ po-  
 stulationi singulariter debetur, scilicet vt fidei regulā  
 latius huberiusq; amplexus, insidias hereticorum, qui-  
 bus hanc regiā viam infestare moliti sunt, quasi trans-  
 eundo detegā & patefaciā. Neq; verò hoc expectādum  
 tibi est, vt omnes formas errorū comprehendam, omnia  
 nomina authorum percurrā: neq; enim facile dixerim  
 inceptum hoc infinitum magis sit, an infructuosius: sed  
 eas solas, quæ in ipsum fidei textū quasi recta fronte im-  
 pingunt. Credo igitur vnum deū esse patrem & filiū &  
 spiritum sanctum: Patrem, eo quòd habeat filiū: & filiū  
 eo quòd habeat patrē: spiritū sanctū, eo quòd sit ex pa-  
 tre & filio procedens. Pater est ergo principiū deitatis,  
 & sine vllō omnino principio, qui sicut nunquā fuit, ni-  
 si deus, ita nunquā nō fuit pater, à quo filius ineffabili-  
 ter natus, à quo spiritus sanctus nō natus, sed procedens,  
 quia spiritus non est filius: neq; inginitus, quia non est  
 pater: nec factus, quia nō est ex nihilo, sed ex deo patre  
 & deo filio deus procedens. Detestor Sabellium, qui cō-  
 fundit personas: nec minus abominor Arium, qui di-  
 uidit essentiā, minorem patre blasphemans filiū. Alter

PP ij est

Eunomius

Meliton.  
Tertullia-  
nus.  
Vadianus

Cerdon.  
Martion.  
Barbas.

Seleucus  
Hermias

est enim in persona pater, alter in persona filius, alter in persona spiritus sanctus, quod Sabellius non vidit, vna tamen natura in sancta trinitate deus pater & filius & spiritus sanctus, quod Arius non intellexit. Execrabile affirmo Eunomiu, qui dissimile per omnia patri filiu, & filio spiritum sanctu mentitur. Dionysiu damno, qui in trinitate filiu patri seruire contendit. Inter damnatissimos numero Manichau, qui dei substantiam ex natura mali peruasam & permixta esse phibet. Sceleratos duco Melitonem & Tertullianu, qui deum corporeum esse autumant. Respuo Vadianu, qui cognatione carnali deum fingit in similitudinis imaginis corruptibilis hominis. Penitus penitusq; abominor etiam illos Arianos, qui filium dicunt esse creaturam, spiritum vero sanctum creatura creatura, hoc est, ab ipso filio creatu. Omnibus virib<sup>9</sup> Macedoniū execror & eius sectatores, vel eos qui dicunt spiritum sanctum esse creatura, vel eos qui putant eum deitatem tantum esse patris & filij, nec ullam propriam habere substantiam. Perditis ascribo μεταγγυισμός, qui asserunt sic esse in patre filium, quomodo vas in vase, quasi duo corpora carnaliter opinantes, ita vt filius intret in patrem, tanquam vas minus in vas maius. Vnde & tale nomen hic error accepit. Μεταγγορισμός enim Græcè dicit introitus vnus vasis in alterum. Cum Arianis Semiarianos maledico, qui putant filiu cum patre similis essentiae esse. Credo vnum deū patrem & filiu & spiritum sanctu factorem esse coeli & terræ, visibiliū omnium & inuisibiliū. Dete stabiles autem iudico Cerdonē & Marcionem qui duo principia sibi ignota introducunt, vel sibi contraria, vt Manichæus & Priscillianus: vel tria, vt Barbas, Sentianus & Theodotus, vel multa, vt Valentinus. Seleucum etiam & Hermia inter maledictos deputo, qui elementorum materia de qua factus est mundus, non à deo facta dicunt, sed deo coeterna, nec animā deo tribuunt creatori,

tori, sed creatores esse animarū angelos volunt de igne & spiritu, malū autē afferunt esse aliquando à deo, aliquando à materia. Patritij vanitatē repello, qui substantiam humanæ carnis nō à deo, sed à diabolo conditā dicunt. Reicio Coluthū & Florinū, quorū, alter (id est, Coluthus) dicebat deum nō facere mala, cōtra illud quod scriptum est, Ego deus creās mala. alter verò (id est, Florinus) econtrario dicebat deum creasse mala, contra id quod scriptū est, Fecit deus omnia, & ecce bona valde. Ac per hoc quāuis inter se cōtraria dicentes, tamē ambo diuinis eloquiis resistebant. Creat enim deus mala, poenas iustissimas irrogando, quod Coluthus non videbat, non autē malas creando naturas atq; substantias, vbi Forin<sup>9</sup> errabat. Abhorreo Priscillianū qui animas eiusdem substantiæ dicit esse cuius est deus, easq; per malum principē seminari in corpora, quiq; afferit homines fatalibus stellis colligatos. Contēno Paternū, qui inferiores partes humani corporis non à deo, sed à diabolo factas opinatur. Credo quia pater carnē nō assumpsit, neq; spiritus sanctus, sed filius tantū, cum venit plenitudo temporis, vt qui erat in diuinitate dei patris filius, ipse fieret in homine hominis mātis filius, secundum veritatē naturę ex deo dei filius, & secundū veritatem naturę ex homine hominis filius, vt veritas geniti non adoptione, nō appellatione, sed in vtraq; natiuitate filij nomen nascēdo haberet, vt esset verus deus & verus hō vnus dei filius. Profanū ergo Nestoriū dico qui duas personas dei & hoīs introduxit. Natus est enim de virgine deus, eo pacto quo cū corpori nasci docet & anima, nō quia vtriusq; est vna substantia, sed quia ex vtroque fit vna persona, non alius hō corpus, & alius anima sed vnus homo, corpus, & anima: sic post partū virginis, non alius dei & alius hoīs filius, sed idem & vnus Christus, dei & hoīs filius, & sicut ī vno hoīe aliud corpus aliud anima, sic in vno mediatore aliud deus, & alius hominis filius, vnus tamē & idē (vt dixi) Christus, dei &

Patritius  
Romanus  
Coluthus  
Florinus

Priscillian<sup>9</sup>

Paternus

PP iij

hoīs

**Eutyches** hoīs filius. Credo igitur eū in vna persona manentē, in duabus verò naturis nō cōfusus, neq; cōmixtis in vnā naturā, sicut Eutyches blasphemabat. Abominabiles duco Apollinaristas, qui asseuerāt ipsum verbū ita carnē factum, vt in carnē cōuersum sit atq; mutātū, nō autem carnē de Mariæ carne susceptā. Inter maledictos pono Ebionem, qui ex viri coitu Christū natū esse audet<sup>r</sup> garrire, eadē maledictione serio Archemonē, Cherintum, **Photinus** Paulū, Photinū, qui Christū hoīem fuisse absq; deo asserunt. Sacrilegū duco Heluidiū qui ita virginitati Mariæ cōtradicit, vt eā post Christū alios etiā filios de viro suo Ioseph peperisse cōtendat. Proclianū scelestū habeo, qui Christum nō in carne venisse dicit. Detestabiles duco Marcionē, Origenē, Valentinū Martianū: Marcionem quidē & Origenē, qui Christū non ex virgine carnē suscepisse, sed de cōelo eā attulisse asseuerāt: Valentinum, quia nō veram carnē sed phantasticā habuisse opinatur: Martianū quia eum verā quidem carnē habuisse, nō tamē ex carne sumpsisse arbitrat. Cū perditissimis cōseo Apollinarē, qui aīam Christi absq; sensu & ratione fuisse phibēt. In eorū grege deputo. Anomoeum, qui solam carnē absq; aīa Christū suscepisse cōfirmat. Habuit enim cū sua ratione aīam & carnē cū sensibus suis, per quos sensus veros in passione & ante passionē carnis suę dolores sustinuit. Dispereat Beryllus q sic eū ex virgine natū prædicat, vt & deitatis initiū homo nascēdo acciperet, quasi anteq; ex virgine nascerēt, deus nō fuerit. Adoro Christū ad dexterā patris in carne sedentē, Seleuci & Hermiæ fabulosam impietatem declinās, q negāt eū in carne sedere ad dexterā patris, ea que se exuisse perhibent cum ascendit, eamq; in sole posuisse, accipiētes occasionē de Psalmo vbi legit, In sole posuit tabernaculū suū. Credo aīas humanas non esse à principio inter reliquas intellectuales creaturas neq; simul creatas sicut Origenes finxit, neq; cū corporib. p coitū seminari, sicut Lucifer & Cyril. affirmāt, sed corpus

pus tamē p cōiugij copulā feminari, dei verò iudicio coagulari in vulua atq; formari, ac formato iam corpore aīam creari & infundi, vt viuat in vtero hō, ex aīa constans & corpe, & egrediat viuus ex vtero plenus hūana substantia. Credo vnā tātū aīam in hoīe esse, nō duas, velut Iacobitę & alij Syrorū phibēt. Cōfiteor vnū baptisma in ecclesia, vbi vna fides est, & vbi in noīe patris & filij & spūs sancti dat: & ideo si qui apud illos hereticos baptizati sunt, q in sanctę trinitatis cōfessione baptizant, & veniūt ad nos, recipiēdos fateor quasi baptizatos, ne sanctę trini. cōfessio vel inuocatio annullēt, sed antē quo sensu sanctę trinitatis mysteriū in ecclesia teneatur: & si cōsentiūt credere, vel acquiescūt cōfiteri, cōfirmādos manus impositione. Si verò paruuli sint vel hebetes, respōdeāt p illis, q eos offerūt iuxta morē baptizādi, & sic manus impositione & chrismate cōmunitos, eucharistię mysteriū admittēdos annuo. Illos autē qui nō in sanctę trinitatis inuocatione apud hereticos baptizati sunt, & veniūt baptizari, debere p nūcio rebaptizari. Neq; enī credendū est eos fuisse baptizatos, qui nō in noīe patris & filij & spūs sancti, iuxta regulā à domino positā tincti sunt. Sua pncie Donatus pereat, qui ab aliquo peccatore, licet in noīe sanctę trinitatis baptizatos, rebaptizādos esse pditissimē litigat. Perpetuę dānationi cōtrado Manicheum, Seleucū, Hermiā, Proclianū, qui baptismū nihil saluti cōferre affirmāt. Nullū catechumenū absq; baptismo, quis in bonis operibus defunctū, vitā æternā habere credo, excepto martyrio, vbi oīa baptismi sacramēta cōplent. Indubitātē credo pœnitentia aboleri peccata, etiā si in vltimo vitę spū admissorū pœniteat, & publica lamentatione p dantur, quia ppositū dei, quo decreuit saluare qđ perierat, fiat immobile: & ideo, qā volūtas eius nō mutat, siue ad emendationē vitę tēpus cōcedit, siue post supplicē cōfessionē cōtinuō vita excedit, venia pccōrum fideliter psumitur ab illo, qui nō vult mortē pccōris, sed vt cōuertatur

PP iiij

tatur



## MEGINARD. DE FIDE

Nonatus

tatur à pditione pœnitêdo, & saluatus miseratione dei uiuat. Aeterna detestatiõe, Nonatũ, eiusq; sequaces Nonatianos oēs abominor, qui pœnitentiã denegãt, & secundas nuptias non admittũt. Pelagiũ, eiusq; discipulũ Cœlestiũ execrabiles dico, q liberũ arbitriũ sufficere asserũt ad implẽda madata dei, nec ad hoc dei gratiã nobis esse necessariã, cum ipsa veritas dicat: Sine me nihil potestis facere: quiq; negãt paruulos scdm Adã carnaliter natos, cõtagiũ mortis antiquę prima natiuitate cõtrahere, vnde nec eos baptismo indigere ad soluẽdũ peccati originalis vinculũ. Cõfiteor carnis resurrectionẽ, & vitã æternã. Amen. Extra ecclesiã oĩno esse affirmo pditissimos autores, Selencũ, Hermiã, & Proclianũ, qui resurrectionẽ nõ putãt futurã, sed eam quotidie fieri in generatione filiorũ arbitrãtur. Elemẽta (.i. cœlũ & terram) nõ credo abolẽda per ignẽ, sed in melius cõmutanda. f. figurã mũdi. i. imaginẽ, nõ substantiã trãsituram. Nihil terrenũ, nihil trãsitoriũ in diuinis repromissionibus expecto, vt Melithus sperat. nõ nuptiarũ copulã, sicut Cherintus & Marcion delectant: nõ qd ad cibũ & potũ ptinet, sicut Papias autor est & Irenæus: & velut his Tertullianus & Lactãtius acquiescũt. Detestabilem iudico Nepotẽ hereticũ, q per mille annos post resurrectionẽ, regnũ Christi in terra futurũ garrit, & sanctos cũ illo in deliciis regnatueros, &c. æquẽ impia & sacrilega. Origenẽ cũ suis deliramẽtis profanũ iudico, q restitutionẽ futurã fingit. f. vt demones vel impij hoĩes post multa annorũ curricula, illi (.i. demones) in angelicam, qua creati sunt redeãt dignitatẽ: illi verò (.i. impij) in societate iustorũ reuocent: & ecõtra, iustos vice miserrima ad hæc mala denuò relabi & reuerti oporteat: Ego verò iusto iudici & piissimo retributori credo, qui dixit. Ibunt illi in supplicium æternum, isti vero in vitam æternam. Amen.

Melithus

Papias

Nepos

MEGINHARDI FINIS.





